



Alkuraan wagellã

maana vënegr ne moore



Goam-lebgdbã seg-taabã zak kasengã





Alkuraan wagellã maana vñegr ne moore



Goam-lebgdbã sɛg-taabã zak kasengã



٢) جمعية خدمة المحتوى الإسلامي باللغات، ١٤٤٥ هـ

جمعية خدمة المحتوى الإسلامي باللغات

بيان معاني القرآن الكريم - موري (بدون نص) / جمعية خدمة

المحتوى الإسلامي باللغات - ط ١.. - الرياض، ١٤٤٥ هـ

٤٣٦ ص ؛ .. سم

رقم الإيداع: ١٤٤٥/٢٥١٢٢

ردمك: ١-٤٣-٨٤٥٢-٦٠٣-٩٧٨

الطبعة الأولى ١٤٤٥ هـ

للتحقق من التحديثات



2024-06-05 - (V1.0.1)

للتواصل: info@quranenc.com

نحو توفير تفاسير وتراجم موثوقة لمعاني القرآن بلغات العالم



المحتوى الإسلامي



جمعية الريوة

Tuvsgo

Alkuraan wagellā yaa bōe?

Alkurāan wagellā, yē yaa Wēnd goama, sēn yaa bōn-naandsā Naanbā la b Naandā, A sik-a-la nabiyāam-rāmbā la tēn-tvumbā Pidsdā zugu a Mohammad -Wēnd puvsg la A tigr be a yīnga- buv yīng t'a na vēneg n wilg ninsaalbā būmb ning yīng Wēnd sēn naan-ba, la sēn na yil n leb n kānd-ba n tvg būmb ning b zu-noog sēn be a pvgē, Dūni zug la Laahre, n leb n na n pōsg-b n yi zu-beed ning sēn ka tar tek kūmā poorē wā, la Alkurāan me la Wēnd Gaf-rāmba baasgo, sigbā wēngē. A sidgda Gaf-rāmb nins sēn reng taorā, n kell n yēes b Šari-rāmbā.

Alkurāan wagellā yaa tagmase, a yaa yel-solemd sēn ka tar teka, a yaa tagmas sēn wilgd Wēnd Tēn-tvum a Mohammad (Wēnd puvsg la A tigr be a yīnga) nabiyāamdemā. Wēnd geesa zīn-dāmbā la ninsaalbā ti b wa ne a bilg-na-taar n konge. A pvs n yeel-b lame, ti b wa ne baa ti yaa sēn wōnd wala Svura a yembr bal sēn be a pvgē, la b kongā rēnda.

Gōdgr la toeeng nug ka ta-a ye, a sēn siga teka sēn yud yvum 1400, a na n leb n paame me, t'a yaa sēn paam gūubu, n kell n be ne Laarabiimd ning a sēn sig ne wā. Bala yaa Wēnde (A Naam yulgama n zēke) n rogl A Meng Alkurāanā gūubu, n tvg n tāag zāmaanā baasgo.

La Alkurāan wagellā, yēnda la yēg bedre, lslaangā puga, n leb n yaa tigr ning sēn tuvsd ninsaalbā vumā la a buvd-a (b vumā) zāmaan la zīg fāa pvgē, a boondame n tvgd ti b tū Soabā sēn yaa Naandā A Yembr Tāa, Alkurāan vēnegda būmb ning ninsaal sēn tar tvlsem ne-a, n na n tū n bāng a Soabā la a dīnā. A wilgd dūni wā naaneg sungre, la ninsaal naanegā lolongo la a wakat-rāmbā, la a togsd yel-soondi sēn reng taor la sēn na wate. Alkurāan togsda nabiyāam-rāmb kudemd sēn reng taore (tigr be b yīnga) la a wilgd yalē ning Wēnd sēn sōng-b la A sēn halk b beebā to-to. tūdmā yēgā, la tvn-n-taarā soayā, la bool-n-tvg zvug sōmbsā, wā fāa bee Alkurāan pvgē. Sēn le be Alkurāan pvgē me, yaa bugsg toortoort n yi zvug-wēnse, la baasgā sēn na n yi a soab yaoolem rāurā; maa ti yaa arzān sēn yaa sid-kōtbā zaka, maa ti yaa Bugum sēn yaa wēgdabā la ktr-rāmbā zaka.

Gaf-kängä sën yaa zısg ti Wënd sik-a ne Laarabiimdä, yaa Gaf Wënd sën sagl ti b taas-a ninsaalbä; a sën loe zugä yīnga. Rē n so ti tōnt sūur noom ne foom a karemd wagelle, ti d na n kō foom a maana wā sën lebg ne fo buudä goamde, n yols a fasengā n kō-fo, la d leb n sıdg a taasgā. Tūumdä sullā nidga pāng wısg a maana wā faseng pūgē, la a lebgrā pūgē, la tōnd tara bāng-n-wāag ti ninsaal tūumde, ba yāmb sën nidg pāng to fāa, a na n kell n baasame bal n kuvg koεεga. Sën pıv n yud fāa, ned pa tōe n kō Alkvrāanā maan-zısdā wa sën segd ye, bala a yaa būmb sën yud ādem biig fāa tūumde. La ned ning sën wa n rat-a bāng-zulums nins Alkvrāanā sën wa-ne wā n paase; d sagend-a lame t'a karem Laarabiimdä, Alkvrāanā sën sig ne gom-biis ninsā.

Ad tulgr be ne tēn-tūumbā, pēgr me be ne Wënd sën yaa bōn-naandsā Soaal.

Alkvrāan wagellā bāngrā tigsgā sullā (Ānsukolopedi)

F tōe yānda Alkvrāanā moasā ne fo buudä gomde, ti f sā n eskane QR koodā ne fo telefōndā kamera.

Tōnd sūur yaa noogo, ti d sā n paam yāmb tagsgo, maa y gesgo, sën na yul n kēng ne goamā lebgr taoore, la rē yaa sën tūud ne ges-kāagā peem-læegā sën be Aayar fāa taoorā, sën be Alkvrāan wagellā bāngrā tigsg zīgē wā Ēnternetā zugā

(www.quranenc.com)

La tılsēm sā n wa be ne ned ning t'a rat n sōs ne tōndo, a tōe gvlsa tōnd emel-kāngā zugu:

info@quranenc.com



1. Ne Wënd yvurã barka, sën yaa yols yaleng Soabã, n yaa Yolsdã, la d sungd d tvmãdã.
2. Pëgr gill la bark pvusem be ne Wënde, bõn-naandsã gill Soabã.
3. A Dũni gũbg-n-yols Naabã, a Yaoolem raarã welg-n-yols Naabã.
4. Yë la Naaba, Diĩnã rolb raare.
5. Foo bal la d tũuda, la Foo bal la d kot sõngre.
6. Kãndg tõnd n tvg so-turgã.
7. B rãmb nins Fo sën maan neema b zugã sore, zëng ti pa b sën gë-b rãmbã sore, pa sën menembã sore.

2. Al-bakara*

Ne Wënd yvvrā barka, sēn yaa yols yaleng Soabā, n yaa Yolsdā, la d sungd d tvvmdā.

1. Altʃ, Laam, Miim.¹
2. Ad Gaf ningā sik ka a pvgē ye, a yaa kāndgr ne Wēn-zoetbā.
3. B rāmb nins sēn kōt sūd ne yel-soondsā, la b yalsd ne pvvsgā, la būmb ning Tōnd sēn lok-ba, b yākdame n nafdē.
4. La b rāmb nins sēn kōt sūd ne būmb ning sēn sik n kō foo wā, la sēn sik ti reng taoore, la bāmb maand bāng-n-wāck ne Yaoolem rāarā.
5. Bāmb rāmbā n be kāndgr zugu, la bāmb me la pōsdbā.
6. Ad b rāmb nins sēn kʃl-bā, zema bāmb zugu, fo bugs-b lame, fo pa bugs-ba, b pa kōt sūd ye.
7. Wënd paga b sūyā la b tvbā, la ludr n be b ninē wā, b le tara nang sēn yaa bedre.
8. La bee nebā pvgē sēn yete: "tōnd kōo sūd ne Wënd la Laahr daarā". La b yaool n pa sūd-kōtb ye.
9. B zāmbda Wēnde, ne b rāmb nins sēn kō sūdā, la ad b pa zāmbd rallame ti yaa b mens bala, la b pa ningd b yamē ye.
10. Bāag n be b sūyē wā ti Wënd paas-b bāaga, la bāmb tara nang sēn zabde, b sēn da yʃ n yagdā yīnga.
11. La b sā n yeel bāmba: "ra sāam-y tēngā zug ye". La b sēn yete: " ad tōnd yaa manegdba".
12. Tʃ yaool n yaa bāmb la sāambdā bala, la ad b pa ningd b yamē ne rē ye.
13. La b sā n yeel-ba: "kō-y sūd wala nebā sēn kō sūdā". La b sēn yete: "tōnd na kō sūd wala yalemsā sēn kō sūdā?" Sūd-sūdā, yaa bāmb bal la yalemsā, la ad b pa mi ye.
14. La b sā n seg sēn kō-b sūdā la b sēn yete: "d kōo sūda". La b sā n leb b svtāan-taasā nengē, b yetame: " ad tōnd bee ne yāmba, ad tōnd yaand-b lame".
15. Wënd na yaal-ba, la A wogl-b b kedgrā zug ti b tuumdē.

* Al-bakara (Naafā svvra).

[1] Wënd n yud minim ne A sēn rat ne gvls-bi tōsdt-kāensā. La Gvls-bi tōsdt-kāensā, sēn be Svvr-kāensā baasgē wā, yaa sēn wilgd Alkvāānā sēn komsd a gees-n-taasā, bala b geesa kʃr-dāmbā ne Alkvāānā, ti b kong n ka tōog n wa ne a buud ye, ti Alkvāānā me -yaool n yaa sēn tui ne gom-biis nins bāmb goamā sēn tuit ne wā, sēn yaa gvls-bi tōsdt bāmbā buudā, ti rēnda wilgd Laarab-rāmbā kongame n ka tōog n wa ne Alkvāānā buud ye, n lagem ne bāmb n yud nebā ne zelem pekā, ti wilgdē ti Alkvāānā a yaa sēn tvme ti yi Wënd nengē.

16. Bāmb rāmbā la sēn tek kāndgrā ne menengā, la b tolbā pa yā yōod ye, b pa yī me n yaa kāndgd b ye.
17. Bāmb bilgr yaa wala sēn widg-a bugum. Bugmā sēn wa n vēneg yē zīigā kirengā la Wēnd sēn loog ne bāmb vēnmā n bas-b ligš pvgē ti b pa neē ye.
18. Bāmb la wumse, mugsī, zoense, b pa mi b sēn lebdē.
19. Maa ti yaa wa salur sēn sig saasē; lik be beenē, sa-tās be, sa-yāgr be, ti b ningd b nus-bi wā b tubē wā sa-tāsā yaeesg keelem, kūum zoes yīnga. la Wēnd gūbga kifr-dāmbā.
20. Sa-yāgrā ra tull n na deega b ninā nenmā, a sā n yāge, la bāmb sēn kēnd a vēnmā pvgē; zīigā sā n ligi, la b sēn yānesde. la Wēnd sā n tullē, A na loogē ne b wumbā la b ninā nenmā; ad Wēnd yaa tōoda ne būmbā fāa.
21. Yāmb a neba! tū-y y Soabā, Soab ning sēn naan-a yāmb la sēn deng-b yāmb taorā, sānd-sānde, y na paam wēn-zoεεga.
22. Saob ning sēn maan-a tēn-gāngā t'a yaa sēn yadgā, la saasā ti me n du, la A sik koom sēn yit saasē wā, n yiisd ne ko-kāng sababo, ti-biis sēn ya ruti yāmb yīnga. Bt y ra maan gees-n-taar ne Wēnde, ti y yaool n miē ti sēn wōnd Yē kae ye.
23. La yāmb sā n be sik pvgē ne būmb ning Tōnd sēn sik D Yambā zvgā, bt y wa ne Svura wala a buudu, la y bool y sōngdbā zēng sēn pa Wēnde, ti sā n mik ti yāmb yaa sid rāmba.
24. La yāmb sā n pa maane, y kōn maan me lae! Bt y zoe bugumā, t'a bōn-yōgends yaa neb la kuga, ti b seglg-a-la kifr-dāmb yīnga.
25. La f noog sēn kō-b sid la b tum sēn be neerā, ti b tara arzān-rāmba, ti ko-sood zoet b tēngre. B sā n rulg bāmb a pvgē ne ti-bil fāa la b sēn yete: " yāōā bal la b sēn da dilg tōnd ti loogā". B sēn kōt bāmbā yaool n yaa sēn wōnd taaba. B le tara pagb sēn yilge, b le na n zīnda be n duumdē.
26. Ad Wēnd pa zoet yānd ne A rik bilgr ne sēn zems rūn-wābdg maa sēn yud rē ye. B rāmb nins sēn kō-b sidā miime ti woto yaa sid sēn yi b Soabā nengē. Sā n ya sēn kifi-bā yē, bāmb yetame: "yaa bōe la Wēnd rat n bilg woto me! " Wvsg menemda ne a sabab ti wvsg me na n kāndg ne a sababo, la pa menemd ne-a ralla dīin-yitbā.
27. B rāmb nins sēn yidgd Wēnd alkaoolā a sēn wvg poorē, la b wāagd Wēnd sēn sagl ti b tōkā, la b sāamd tēngā zugā, bāmb rāmbā la bōndbā.

28. Yıta wān tı yāmb kɪfend ne Wēnd tı yāmb yaool n da yaa kiidba t'A vuvug yāmba, rē poorē t'A ku yāmba, rē poorē t'A vuvug yāmba, rē poorē A nengē la y na n lebe.
29. Yē la Soab ning sēn naan yāmb yīnga, būmb sēn be tēngā zug gilli, rē poorē t'A zēk n toglg saasē wā, n naan-b tı b yaa saas a yopoe. A yaa mit ne būmbā fāa.
30. La fo Soabā sēn wa n yeel Malek-rāmbā: "ad Mam na n ninga tēngā zugu, lēdsda". B yeelame : "F na n ninga a zugu, neb sēn na n sāmnd a zugu, la b wıdemd zum? Tı tōnd yaool n yulgda Fo yuvrā ne pēgr la d zısgd Fo?" A yeel-b lame : "ad Mam mii yāmb sēn pa mi".
31. La A karma a Adam būmbā fāa yuyā, rē poorē t'A wilg-b malek-rāmbā n yeele: " kō-y Maam kıbar ne bāmbā yuyā tı yāmb sā n yaa sıd-rāmba.
32. Tı b yeele:" yılgr be ne Foom Wēnde, bāngr pa be ne tōnd sā n pa Fo sēn wīnig tōnd ye, ad Foom la a Mita, foo la a Buvdmita".
33. T'A yeele: "Adma! wīnig bāmbā b yuyā,". La a sēn wīnig-b b yuyā n sa, A yeelame: " M ra pa yeel yāmb tı Mam mii saasā la tēngā yel-soondı, la M le mi yāmb sēn vēnegdā la yāmb sēn da solgdā?
34. La wakat ning Tōnd sēn wa n yeel Malek-rāmbā : "maan-y a Adam Suguudu". B fāa tiuulame, sā n pa a Ibliis n tōdge, n maan waoog-n-menga n yı kɪfre.
35. Tōnd le yeelame : " Ya fo a Adma, zīndi, foom ne f pagā Arzānā pvgē, la y rı a pvgē ne maan-m-yam yāmb sēn dat fāa, la y ra pēneg tı-kāngā tı y yıta wēg-m-mens rāmba.
36. T'a svtāan kit tı b yiibā salg tugē wā, tı b yiis b yiibā fāa b sēn da beē wā, tı Tōnd yeel-ba: sig-y tēngā tı yāmb ne taab yaa beem. La yāmb tara tēngā zugu, vuum zīiga, la yāmb sēn na n tall n vum n gū wakate.
37. T'a Adam paam goam sēn yı a Soabā nengē, t'A reeg a tuubgā. Ad Soabā yaa a Tuubgrægdā, n ya a Yolsda.
38. Tı Tōnd yeele: "sig-y y fāa gilli. La kāndgr sā n wa yāmb nengē sēn yıt Mam nengē, bāng-y tı sēn tū-b Mam Kāndgrā, yaees ka ne-ba, b kōn sām b sūur me".
39. La sēn kɪfl-b la b yags Tōnd aaya-rāmba, bāmb rāmbā la bugum koamba, n duumd be.
40. Yaa yāmb şrayul koamba! Tēeg-y Mam Neemā ning M sēn maan yāmb zugā la y pıds Mam alkaoolā tı M na pıds y alkaoole. la Maam n segd ne yāmb na yaeeese.

41. La kō-y sid ne Mam sēn sik ti sūgd sēn be ne yāmbā. La ra yī-y neb nins sēn na n deng n kifl ne-a ye. La ra koos-y Mam Aaya-rāmbā ne ligd bilf ye. La Maam bal la y segd n zoe.
42. La ra gēdg-y sid ne zaalem ye. Ra solg-y sid me ti y sā n mi-a ye.
43. Yānes-y puvsg me la y kō zaka, la y zōond n lagem zōondba.
44. Yāmb na n sagenda nebā ne manegr la y yīmd y mense, ti yāmb yaool n karemda Gafā, yāmb pa tagsd la?
45. La kos-y sōngre, sugr maaneg la puvsg pvgē, la ad rē yaa toogo, sā n pa ne wēn-zoetbā.
46. B rāmb nins sēn tēed ti bāmb na n yeka b Soabā la bāmb yaa lēbdba A nengē.
47. Yaa [srayul koamba ! Tēeg-y Mam neema wā M sēn maan yāmb zugā, la Mam yus yāmb bōn-naandsā zugu.
48. La y zoe raar ninga yōor sēn pa sekd a yō-taag baa fvi, la b pa sakd a nengē sugsgu, la b pa reegd a nengē yaoobo. La bāmb pa yī b sēn na n sōng-b rāmba.
49. La y tēeg wakat ning Tōnd sēn tulg yāmb n yi a Furaon zakā rāmba, b ra sibgda yāmba stbg-wēnga, n koot yāmb kom-ribli wā la b basd yāmb kom-pugli wā, la woto yaa zarb-n-gesg sēn ya bedr n yi yāmb Soabā nengē.
50. La tēeg-y Tōnd sēn wa n pārg mogrā y yīnga, n tulg yāmb la D bōr a Furaon zakā rāmb ti yāmb getē.
51. La y tēeg wakat ning Tōnd sēn pūlem a Muusa yund pis-naase, rē poorē ti yāmb rik lullā n tūud a kudgē, ti yāmb yaa wēg-m-mens rāmba.
52. Rē poorē ti Tōnd yaaf yāmba, sān-sānde y na puvb barka.
53. La Tōnd sēn wa n kō a Muusa Gafā la Welgdā, ti sānd-sānde yāmb na kāndge.
54. La tēeg wakat ning a Muusa sēn yeel a nebā: "Yaa mam neba! Ad yāmb wēga y mense, ne yāmb sēn tū lullā, bi y tuub n tvg y Yēbgdā nengē n kv y mensā, rēnda la sōmā ne yāmb y yēbgdā nengē t'A reeg yāmb tuubgā, ad Yē la a Tuubgrēgda n ya a Yoalsda".
55. La yāmb sēn wa n yeele : "Muusa, tōnd kōn kō sid ne-f lae-lae sā n pa d yāa Wēnd vēnega". Ti bugum na n dik yāmb ti y getē.
56. Rē poorē ti Tōnd yaaf yāmba, sānd-sānd y na puvb barka.
57. La D luda yāmb zug ne sawato; la D sik belem la pvtunlvv,: "ri-y yulgemd buud fāa Tōnd sēn rilg yāmba". La ad bāmb pa wēng Tōnd ye, la yaa b mens bal la b yī n wēngd wakat fāa.

58. La tēeg-y wakat ning Tōnd sēn yeele: " kē-y tēng-kāngā n di a pugē yāmb sēn ratē ne maan-m-raabo, la y kē rag-noorā ti y yaa suguud maandba, la y yeele: " lub d zūnuubā", ti D na yaaf y tuum-tuutsā, la D na n paasa manegdbā.
59. Tı sēn wēng-bā tedg gomdā zēng sēn pa b sēn yeel bāmbā, ti Tōnd sik sēn wēng-bā zugu, nang sēn yi saasē b sēn da yit Dīnā sabab yīnga.
60. La a Muusa sēn wa n kos yūnugrā, Tōnd yeelame: "wē kugrā ne f rasaanā". T'a pus ko-nin piig la a yiibu. Sıda, ned fāa bānga a yūub zīiga. Rı-y la y yū Wēnd ritlā, la y ra kēn tēngā zug n yaa sāamdb ye.
61. La yāmb sēn wa n yeele: "Muusa! Tōnd kōn maan sugr ne rub a yembr ye, bı f kos f Soabā d yīnga t'A yiis n kō-do, tēngā sēn bundā, sēn yaa zē-biis la a marmaande (Kōnkōmbr), la a lay, la a adas (Lentilles), la gēba. T'a yeel-ba: "yalla yāmb na n tedgda sēn ya sōma ne būmb sēn paoode? Sig-y tēngā pugē ti yāmb sēn kosā y na paam be. Tı b lims-b ne yaalg la nimbāanega, n wa baas ne gēeg sēn yi Wēnd nengē, bala bāmb ra yume n kıfl ne Wēnd aaya-rāmbā (tagmas-rāmbā) la b kuvd Nabiyaam-rāmbā ti pa tū ne sid ye, ti rē yaa b sēn kusā la b ra yi n maand n zovgdē wā yīnga.
62. Ad sēn kō-b sidā, la Yahvud-rāmbā la Nasaar-rāmbā; la Dīin pogdbā, ned woo ned fāa sēn kō sid ne Wēnd la Laahr daarā la a tum sēn yaa sōmā, rēnd b tara keoor b Soabā nengē, la yeeg ka ne bāmb ye, bāmb me kōn sām b sūy ye.
63. La y tēeg Tōnd sēn da reeg yāmb Alkaool la D zēk tāngā yāmb zugu n bugsd yāmba, n yeel-yā: "reeg-y Tōnd sēn kō yāmbā ne pānga la y tēeg sēn be be wā, sānd-sānde y na paam wēn-zoēega".
64. Tı yāmb gūd y kudg rē poorē, la sā n pa Wēnd Yudlmā sēn be yāmb zugā la A Yolsgā, yāmb rag n na yi bōn-rāmba.
65. La yāmb bānga pae sēn maan-b ti zovg sibrā raarā ti Tōnd yeel-ba: "yı-y wāams ne faagre".
66. Tı Tōnd maan-a t'a yaa tags-n-gēeg ne tēms nins sēn kēg-ba la sēn na watbā, la waazu ne wēn-zoetbā.
67. La tēeg-y a Muusa sēn wa n yeel a nebā: "ad Wēnd sagenda yāmb ti y kodg naafo". La b yeel yā: "fo yaanda tōnd la?" T'a yeele: "m kot gūudum ne Wēnde, n da yi zitbā pugē yembr ye".
68. La b yeel yā: " kos f Soabā d yīng t'A vēneg a sēn ya to-to". T'a yeele: "ad A yeelame ti yaa naafo, a pa kuvd, a yuum leb n pa paoode, a yaa tēng-n-sugre, bı y maan b sēn sagl-y wā".

69. La b yeel yā: "kos f soabā t'A vēneg a kōbgā n kō tōndo". T'a yeele: "ad A yeelam t'a yaa nag-rōod sēn ya hāo, n noom getba".
70. La b yeel yā: "kos f Soabā t'A vēneg a sēn ya to-to ad niisā gēdgame la ad tōndo - Wēnd sā n sake - d na kāndge.
71. T'a yeele: " t'A yeelame t'a yaa naafo, a pa nag-nomdg sēn koode, a leb n pa yūnugd koodo, yaa naaf sēn tilg n yi zang fāa, tēgs-tēgs ka be a yīngā zug ye". La b yeel yā: "marsā la f wa ne sūdā". Tı b kodg-a la b ra pa na n maanē ye.
72. La y tēeg yāmb sēn da kv yōore, tı yāmb maan tak-n-taar a yellā zugu, la ad Wēnd na n puka yāmb sēn da yı n solgdē wā.
73. Tı Tōnd yeele: "yāk-y naafā pedg n wē-a", yaa woto bal la Wēnd vuvgd kū-rāmba, la A wīnigd yāmb A aya wā, sānd-sānd yāmb na tall yam.
74. Tı yāmb sūyā kvı rē poorē n lebg wa kuga bı b keelem yud rē, bala be kugē wā ko-sood sēn pUSD n yit a pvgē, la be a pvgē sēn weet tı koom yit a pvgē, la be a pvgē sēn yit yīngr n lvtē, wēn-zoæsg keelem yīnga, la ad Wēnd pa yam yaal-yaal soab ne yāmb sēn tımdā ye
75. Yalla yāmb tēedam tı b na kō sid ne yāmb tı sid la hakuka zāma n da be b pvgē wā n kelgd Wēnd goamā, rē poorē tı b teem-a b sēn fahem a vōorā kudgē tı bāmb yaool n miē!
76. La b sā n seg sid-kōtbā la b sēn yete: "tōnd kōo sıda". La b sā n tı lak ne taab la b sēn yete: "yāmb yēsd-b lame ne būmb ning Wēnd sēn pak n kō-yā tı b na n paam n gom n lıv yāmb y Soabā nengē, yāmb pa tar yam la?"
77. Yalla bāmb pa mi tı Wēnd n mi bāmb sēn solgdā la b sēn vēnegdā la?
78. La be b pvgē sēn ya zu-sabla, sēn pa mi Gafā rēnda tē-yaalse, la bāmb pa yı ralla sāmbdba.
79. Rēnd wıbd be ne sēn gvlsd-b Gafā ne b nus n yaool n yetē: " yāoā yıi Wēnd nengē". Sēn na paam n koos-a ne ligd bilfu, ad wıbd be ne-ba, b nusā sēn gvlsā, la wıbd be ne-ba b sēn paamd a pvgē wā
80. La b leb n yeelame: "Bugum kōn tol n sus tōndo, rēnda rasem-rāmb saare". Yeel-ba: " Yalla yāmb rıka Alkaool Wēnd nengē, rēnd Wēnd pa viigd a Alkaool la, bı yāmb yeta Wēnd zug y sēn pa mi?"
81. Yaa sıda, sēn tum-a zūnuub t'a tvum-tuuti wā gūbg-a, bāmb-rāmb la bugum koamba, tı b yaa duumdb a pvgē.
82. La sēn kō-b sıdā la b tum sōmā wā, bāmb la Arzān koamba tı bāmb yaa duumdb a pvgē.

83. Tēeg Tōnd sēn ra reeg [sraul koamb Alkaaoole : "ti y ra tū ti sã n pa Wēnde, la y maneg y roagb a yibã, la rog-pētse, la kubse, la nimbãan-nebã, la y yeel nebã sēn be neere, la y yãnes Puvsgo la y kō Zaka, rē poorē ti yãmb raege sã n pa y bilf bala, ti yãmb yaa balldba.
84. La Tōnd sēn da reeg yãmb Alkaaoole: " ra widem-y zum ye, la y ra yis y mensã y zagsē ye,". Ti yãmb reeg y zugē n maan kaseto.
85. Ti yãmb lebge, yãmb bala, n kuvd taaba, la y yisid sul yãmb pvgē b zagsē la y sōngdē ti b kuvd-ba. B sã n yōg-b ti b wa yãmb nengē la yãmb sēn yaood n reegd-ba ti b yiisgã meng rag n yaa Haraam ne yãmba. Yãmb na n kōta sid ne Gafã gom-sãnda la y kifend ne sãnda? La sēn maand-a rē yãmb pvgē rolb na n yu wãn-wãn ti sã n pa yãnd ningr Dūni vumē, ti Alkiyaoom raare, bi b lebs-b nang kegengã pvgē, la Wēnd pa yam yaal-yaal soab ne yãmb sēn tvmdã ye.
86. Bãmb rãmb la sēn ra Dūni vumã ne Laahrã, b pa na n boog nangã bãmb zugu, b kōn sōng-ba.
87. La sid la hakuka, Tōnd kōo a Muusa Gafã la D pvglg yē poorē Tēntvumba, la D kō a [isa a Maryam biigã vēenese la D raool-a ne Yō-yulengã. Tēntvum sēn wa yãmb nengē fãa ne sēn pa ta yãmb yam, y waoogda y mensã. Be sãnda y sēn yagse, sãnda me y kuvda me.
88. La b yeel yã: "tōnd sūyã ludame, ayae! Yaa Wēnd n kãab-b b kiflgã yīnga, ti paood b pvgē sēn kit sida.
89. La Al-kvrãan sēn wa n wa bãmb nengē ti yaa Gaf sēn yi Wēnd nengē n sidgd sēn be ne bãmbã,-b yaool n da yume n da gūud sōngr ne-a kifr-rãmbã zugu- la sēn wa n wa b nengē bumb ning bãmb sēn yã n bãnge, b kifla ne-a. Rēnd Wēnd kãab-beed be ne kifr-dãmbã.
90. Bumb ning bãmb sēn tek ne b mensã yi wēnga, ne bãmb sēn kifl ne bumb ning Wēnd sēn sikã, maan-n-zvvg bala, ti Wēnd n sik A yudlmã n kō A sēn tull a soaba, ti bãmb baas ne gēeg zugu, la kifr-rãmbã tara nan-faagdga.
91. La b sã n yeel bãmba: "kō-y sid ne Wēnd sēn sikã b yetame tōnd kōta sid ne sēn sik n kō tōndã" la b kifend ne sēn pa rē wã, ti rē n yaool n yaa sid n sidgd sēn be ne bãmbã. Yeel-ba: " la yaa bōe ti y kuvd Wēnd Nabiyaam-rãmbã sēn da loogã ti y sã n ya sid kōtba?"
92. La a Muusa waa yãmb nengē ne vēenese, rē poorē ti yãmb tū lullã a kudgē ti yãmb yaa wēgdba.
93. La Tōnd sēn da reeg yãmb Alkaoolã la D lulg tãngã yãmb zug la D yeel yã : "reeg-y Tōnd sēn kō yãmbã ne pãng la y kelge". La b yeel-yã: "Tōnd wumame la d kusame". Ti b yūnug bãmb sūyã ne lullã

- tūdum nonglem. Yeel-ba: yāmb Lumaoongā sēn sagend yāmb ne būmb ningā yī wēnga, tī yāmb sā n yaa sīd kōtba.
94. Yeele: "sā n mikame tī Laahr Zakā yaa toor zall ne yāmb n pa lagemd nebā, bī y toll kūumā tī y sā n yaa sīd-rāmba.
95. La b kōn tol n toll-a lae, b nusā sēn tum tī reng taorā yīnga, la Wēnd yaa mita ne wēgdbā.
96. La fo na mik-ba, tī bāmb n yud nebā ne vum nonglem n le yud kīfr-rāmbā menga. B yembr fāa nongame n na n vumes yuum tusri, la rē pa na n zāag-a n yī nangā t'a kuvlame yīng ye, la ad Wēnd yaa net ne b sēn tumdā.
97. Yeele: "sēn ya-a Gibriil bē bī a bāng tī yaa yēnd n sik-a fo sūurā pugē ne Wēnd tōogo n sīdgd sēn be a taorā la kāndgre la sū-noogr ne sīd-kōtbā".
98. Sēn tar-a beem ne Wēnd la A Malek-rāmbā la a tēn-tuumā la a Gibriil la a Mukayula, rēnd Wēnd yaa bē ne kīfr-rāmbā.
99. La sīd-sīda, D sikame tī wa f nengē aaya-rāmb sēn yaa vēenese; la pa kīfend ne-a rēnda Dīin yitbā.
100. Bāmb sēn duk Alkaool fāa, bāmb pugē sull n lobgd-a, ad b wvsg fāa pa kōt sīd ye.
101. La Tēn-tuum sēn wa n wa bāmb nengē, sēn yī Wēnd nengē n sīdgd sēn be ne bāmbā, la sul sēn be b sēn kō-b rāmb Gafā pugē lobg Wēnd Gafā b poay tī yaa wa bāmb pa mi ye.
102. La b pug Soaytāambā sēn karemd a Svlaymaan Naamē wā, la a Svlaymaan pa kīfl ye, la ad yaa Soaytāambā n kīfle. B winigda nebā tum la sēn sik malek a yubā zugā Baabul tēngē sēn ya a Haarvvt la a Maarvvt. La b yīibā pa wīnigd ned rēnd tī b yeel-a: "ad tōnd yaa zarb-n-gesga, bī f ra kīfl ye". Tī b karemdē b yīibā nengē būmb sēn na welg ned ne a pag svka. La bāmb pa yī n names ne-a ned baa a yembr rēnda ne Wēnd tōogo. La b karemda sēn namesd-ba, n pa nafd-ba, la b bāngame tī sēn teka ne-a, a pa tar Laahrā, pvur buud ye, la būmb ning bāmb sēn tedg ne b mensā yī wēnga, tī b sā n da miimē.
103. La bāmb sā n da kōē-la sīd la b zoe Wēnde, ad yel-sōmd sēn yī Wēnd nengē n yud sōmblem, tī b sā n da miē lame.
104. Yaa yāmb neb nins sēn kō sīda! ra yeel-y {Raanaa} gū tōnd ye (balaa tvusr n be gom-bī-kāngā pugē, tī Yahvud rāmbā tūnugd n tvud nabiyamā). La yeel-y {ōnzurnaa} yānes n gū-du, la y kelge, la kīfr-rāmbā tara nang sēn zabde.

105. Ad sēn kɪfl-bā sēn ya Gafā rāmbā la kɪfr-rāmbā, b pa nongē n rat tɪ sig yāmb zug sēn yaa sōma buud fāa n yit yāmb Soabā nengē ye. La Wēnd welgda A Yolsgā n kō A sēn tull a soaba, la Wēnd yaa kūun bedr Soaba.
106. Tōnd pa yikd aayar fāa maa tɪ D yīms-a rēnd tɪ D wa ne sēn sǎo-a maa a bilgri,fo pa bāng tɪ Wēnd yaa tōod ne būmb fāa la?
107. Fo pa bāng tɪ Wēnd n tar Saas la Tēng Naam, la yāmb pa tar zēng sēn pa Wēnde; lalld bɪ sōngd ye!
108. Bɪ yāmb rat n soka y Tēn-tvumā wa b sēn ra sok a Muusa, la sēn tedgda sɪd-kūun ne kɪfendo, a soab tudga so-turgā.
109. Wvsg sēn yi Gafā rāmbē nongame tɪ yāmb lebg kɪfend-dāmba, y sɪd-kūunā poorē, sū-kīir sēn yi bāmb nengē bala; sɪdā sēn vēneg bāmb nengē poorē. Bɪ y yaaf la y bas tɪ looge, hal tɪ Wēnd yellā wa ta; ad Wēnd yaa tōod ne būmb fāa.
110. La y yānes Pvvsg la y kō Zak, la yāmb sēn tvum tɪ yaa sōma fāa y mikd-a-la Wēnd nengē, ad Wēnd yaa neta ne yāmb sēn tvmdā.
111. La b yeele: "kōn tol n kē Arzāna, sā n pa sēn ya-a Yahvuda maa Nasaara". Rē yaa bāmb saag-zaala, yeele: "wa-y ne y tikri, tɪ y sā n yaa sɪd-rāmba".
112. Yaa sɪda! Ad sēn maan-a pv-peelem ne Wēnde, tɪ yē yaa Manegda, a tara a keoor Wēnd nengē, yeesg ka ne bāmba, b kōn sām b sūyā.
113. La Yahvud-rāmb yeelame: "Nasaar-rāmbā pa be fvɪ zugu". Tɪ Nasaar-rāmb yeele: "Yahvud-rāmbā pa be fvɪ zug ye". Tɪ bāmb yaool n karemd Gafā. Yaa woto bal la sēn pa mi-bā (zitbā) yeel-yā, wala bāmb gomdā buudu. Rēnd Wēnd n buud bāmb ne taab svka, bāmb sēn da yɪ n yōsd taab a poorē wā.
114. La ānd wēgd n yud sēn gɪdg-a Wēnd Misa wā tɪ b ra tēeg A yvvrā b pvsē, la b kēnd n baood b na wur-ba, bāmb rāmba ra pa sōmb ne bāmb tɪ b kē misa wā pvsē rēndame tɪ b yaa yeesdba. B tara yānd Dīni ka, tɪ Laahrā b tara namesg sēn yaa zɪsgo
115. la Wēnd n so yaang la wīnto-lvungē, rēnd yāmb sēn toglē fāa, be la Wēnd be, ad Wēnd yaa Yalenga n yaa Mita
116. La b yeele: "Wēnd tara biiga" Ad A Naam yɪlg yā! Pa woto ye, A soo sēn be Saasē la sēn be Tēngē, ānkām fāa yaa sēn zelg ne A tūudmā.
117. Yaa Saas la Tēng yēbgda, A sā n bu yelle, A yet-a lame: "yɪ". T'a be yubo.

118. La sên pa mi-bã yeelame:"yaa bõe ti Wënd pa na n gom ne tōndo, maa ti yel-soalem wa tōnd nengê?" Yaa woto bal la sên reng-b bāmb taorã yeel yã, wala bāmb koεεgã, bāmb sūyã wōnega taaba, tōnd vēnega aaya wã ne bāng-n-wāakã rāmba.
119. Ad Tōnd tumsa foom ne sıda ti f yaa sū-noogda la bugsda, la b pa na n sok foom bugum koambã yell ye.
120. La Yahvvd-rāmbã kōn yar foo lae, Nasaar-rāmb kōn yar foo lae, hal ti fo wa pvg b Dīinã. Yeele: "ad Wënd Kāndgrã, yē la Kāndgre, la lak fo sã n tū bāmbã yam-leoodã, bāngrã sên wa fo nengē wã poore, fo pa tar Wënd nengē lallda, f pa tar sōngda.
121. Tōnd sên kō-b rāmb Gafã, b karemd-a lame kareng tekē, la sên kifl-b ne-a wã, bāmb rāmbã la bōn rāmba.
122. [srayul koamba! Tēeg-y Mam neema wã M sên maan yāmb zugã, la Mam sên yus yāmb bōn-naandsã zugã.
123. La y zoe raar ning yōor sên pa sekd a yō-taag fvi, la b pa sakd yaood a nengē, ti sugsg pa nafd-a, bāmb pa yi b sên na n sōngd-b rāmb me.
124. La a [braahum Soabã sên wa n zar-ba n na n ges ne Gom-biisi, t'a pids-ba, ti Wënd yeele: " Mam ninga fo ti f yaa nebã taoor soaba". t'a yeele: "la mam koambē wã?" T'A yeele: "Mam Alkaoolã pa tat Wēgdbã ye".
125. La tēeg Tōnd sên maan Roogã ti yaa Lebeng zīiga ne nebã la bas-m-yam: " la y rik-y a [braahum na-tagdrē wã ti yi Pvvsg zīiga". La Tōnd sagla a [braahum ne a [smaayula: yulg-y M Roogã gilgdbã la wūgdbã la pvvsdbã yīnga".
126. La a [braahum sên wa n yeele: " m Soaba! Maan yāoã ti yaa bas-m-yam tēnga, la f rulg a nebã ti-biis kōbg fãa, sên kō-a sud bāmb pvgē ne Wënd la Laahr raarã". T'A (Wënd) yeele: "la sên kifl-a, M wvmsd-a-la nang bilfu, rē poorē ti M veoog-a n kēng bugmã nangē. La baasg zīig yi Wēnga".
127. La a [braahum sên wa n zēkd Roogã zeng-raadã la a [smaayulã: " (b yetame) tōnd Soaba! Reeg d yīnga; ti fo yaa a Wvmda, n ya a Bāngda.
128. Tōnd Soabã! La f maan tōnd ti d yaa sak-n-tū rāmba la tōnd Koambē wã, ti yaa zāmã sên sak n na n tū Foo la F wīnig tōnd d tūudmã zīisi, la F reeg d tuubgu, ti ad Foo la a Tuubg rεεgda, n yaa a Yoalsda.

129. Tõnd Soaba! la f tums b nengē, tēn-tvum sēn yi b svkā t'a karemd bāmb zug Fo aaya wā la a wīnigd-b Gafā la Bvud-minim la a yulgdba, ad Foo la a wilb Naaba n yaa a Bvud mita.
130. La ānd n kisgd a [braahum dīinā sā n pa sēn yalem a menga, la hakuka Tõnd tūus-a lame Dūni pugē, la yaoolem raarā a bee nin-sōmsā pugē.
131. Tēeg wakat ning a Soabā sēn yeel-a : "sak n tū". T'a yeele : "m sak n tū bōn-naandsā Soabā".
132. La a [braahum sagla a koambā ne gom-kāngā, a Yaakuub me sagla a koambā n yeel-ba: " M koamba! Ad Wēnd tūusa Dīinā n kō yāmba, bī y ra ki rēnd tī y yaa sak-n-tū rāmbā.
133. Bī yāmb yume n ya kaset rāmb wakat ning kūumā sēn wa a Yaakuub nengē, a sēn wa n yeel a koambā: " bōe la yāmb na n tū mam poorē?" La b yeel yā: "tõnd tūuda fo Soabā la fo ba-rāmbā Soabā, a [braahum la a [smaayul la a [shaak Saobā, a yaa Soab-yeng la tõnd me yaa sak-n-tū rāmb ne-A.
134. Wānde yaa zāmā sēn looge, b sēn maan n be ne-ba, yāmb me sēn maan n be ne-yā, b pa na n sok yāmb b sēn da yī n tvmdē wā ye.
135. La b yeele: " Yī-y Yahvud-rāmb maa Nasaar-rāmba, tī y na yī kāndgdba. Yeele: "ayae, yaa a [braahum Dīinā la tõnd tūud bala, rē me la wēn-yeembgo. A pa yī n yaa Lagem-n-taar soab ye".
136. Yeel-y: "d kōo sūd ne Wēnde, la sēn sik n kō tõndā, la sēn sik n kō a [braahum la a [smaayul la a [shaak la a Yaakuub la Yagensā, la b sēn kō a Muusa la a [isa la b sēn kō Nabīyaam-rāmbā sēn yi b Soabā nengā wā. Tõnd pa welgd ba a yembr b pugē ye, tõnd me yaa sak-n-tū rāmb ne-A.
137. La b sā n kō sūd wa yāmb sēn kō Sidā, rēnd b kāndgame. La b sā n raege, rēnd b bee yōsgr pugē, la Wēnd na sek foo n yī-ba, bala yēnda a yaa a Wvmd n yaa a Mita.
138. Tabl-y Wēnd dīinā la ānd yud Wēnd ne Dīin neere, la tõnd yaa tūudb ne-A.
139. Yeel-ba "yāmb takda ne tõnd Wēnd yellā zugu, tī Yē yaool n yaa tõnd ne yāmb Soaba, tī tõnd tar d tvum tī yāmb tar y tvuma. La tõnd yaa pv-peelem rāmb ne-A.
140. Bī yāmb yetame: "t'a [braahum ne a [smaayul la a [shaak la a Yaakuub la Yagensā, b ra yaa Yahvud-rāmba bī Nasaar-rāmba?" Yeele : "yāmb n mi bī yaa Wēnde, la ānd wēngr n yud sēn solg-a

kaset a nengē sēn yi Wēnd nengē, la Wēnd pa yī n ya yam yaal-yaal Soab n yi yāmb sēn tūmdā ye"

141. Woto yaa zāmā sēn looge, b sēn maanā n be ne-a, yāmb me sēn maanā n be ne-yā, la b pa na n sok yāmb b sēn da yī n tūmdē wā ye.
142. Yalēmsā sēn be nebā pugē wā na n yeelame: "bōe n wēneg bāmbā n yi b Yaang (Alkiblā) ning b sēn da be a zugā, yeel : Wēnd n so Yaang la Wīnto-lvungē, A kāndgda A sēn tull a soab n tug sor-turga.
143. La woto me la D maan yāmb tī y yaa zāma sēn tēeg turga, bvl ying tī y na yi Seetb nebā zugu, tī Tēn-tūmā me yī Seet yāmb zugu. La Tōnd pa maan Yaang ning fo sēn da be a zugā rēnda D sēn na bāng ned ning sēn pugd Tēn-tūmā n welg sēn targ-a n leb poorē, la ad a wēnegrā yume n yaa pakre, sā n pa Wēnd sēn kāndg-b rāmbā, la Wēnd pa yī n na n yeeb yāmb tūmā ye, ad Wēnd ya a Nimbāan-zoet n ya a Yolsda ne nebā.
144. Ad Tōnd nee fo nengā sēn leebd Saasē wā (baood zīg ning fo sēn na n togl n puvse), la Tōnd na n togla foo Toglg zīg f sēn yarde, bī f toglg f nengā Lohorom-miisrā suka, la yāmb sēn beē fāa bī y toglg y nemsā a sukā. La ad b sēn kō-b rāmb Gafā miime tī woto yaa sid sēn yi b Soabā nengē, la Wēnd pa yī n maand yam-yaal-yaal ne yāmb sēn tūmdā ye.
145. La fo sā n wa ne Aayar buud fāa b sēn kō-b rāmb Gafā nengē b kō pug fo Yaangā ye, la fo pa yī n yaa bāmb Yaangā tūud ye, bāmb me pa yī n na n tū taab Yaang ye, la lak f sā n tū bāmbā Yam-leedā bāngrā sēn wa fo nengē poore, rēnd fo lebga wēngd mosā
146. Tōnd sēn kō-b rāmb Gafā, b mi-a lame wala b sēn mi b koambā, la ad sull n be b pugē wā n solgd sidā la b yaool n mi-a.
147. Sidā la wānde, n yi fo Soabā nengē bī f ra yī sik-soab ye.
148. La yem kam fāa tara toglg a sēn togende, bī y reng-y taab ne tūm-sōmse. Yāmb sēn beē fāa Wēnd wata ne y gilli (buvdā raare), ad Wēnd yaa tōod ne būmbā fāa.
149. La fo sēn yiē fāa bī f toglg f nengā Lohorom-miisrā suka, la ad a yaa sid sēn yi f Soabā nengē, la Wēnd pa yī n ya yam yaal-yaal soaba ne yāmb sēn tūmdā ye.
150. La fo sēn yiē fāa bī f toglg f nengā Lohorom-miisrā suka, la yāmb sēn beē fāa bī y togl y nensā a wēngē, bvl yīng tī sēn na n yeelg ra zīnd ne nebā yāmb zug ye. Sā n pa sēn ya-b wēgdb b pugē wā, bī y ra yees-y-b ye, la y yees-y Maam, tī M pids M neema wā yāmb zugu, tī sānd-sānde yāmb na kāndge.

151. (Yaa woto bala) La Tõnd tvms yãmb nengë Tën-tvum sën yi yãmb pvgë t'a karemd yãm zug Tõnd Aayayã la a yilgd yãmb la a wĩnigd yãmb Gafã la buvd-minim la a wĩnigd yãmb y sën da pa mië.
152. Bı y tēeg M Yvvrã ti M na tēeg y yelle, la y pvvs Maam bark la y ra maan Sõm-zitem ne Maam ye.
153. Yaa yãmb neb nins sën kō sid ne Wēnde! kos-y sōngr ne sugr maaneg la pvvsgo, ad Wēnd lagma sugrã rãmbã.
154. La y ra yeel ti b sën kv-a soab Wēnd sorã zug "ti yaa kiidb ye". Ayae! B yaa vtba, la ad y pa vëen ne rë ye.
155. La D na zarb yãmb n ges ne bũmb ning sën yaa rabeem, la kom, la boogr sën yi arzëgsë la yõyã, la f noog sugrã rãmb sũyã.
156. B rãmb nins ti masub sã n paam-b la b sën yete: "tõnd yaa Wēnd soolem d lebr zĩg me yaa A nengë".
157. Bãmb-rãmbã Pvvsg be ne-ba, sën yi b Soabã nengë la Yolsgo, la bãmb me la kãngdba.
158. Ad Soafaa ne Marwaa be Wēnd Sãrı wã tagmas-rãmb pvgë, rënd sën kaag-a Roogã wal a maana Umra yell ka be ne-a t'a gilg b yibã ye, la sën maan-a Naafil (paasg) sãmã pvgë fãa rënd Wēnd yaa Bark pvvud n ya Mita.
159. Rãmb nins sën solgd bũmb ning Tõnd sën sikã sën yaa vëenesã la kãndgrã, Tõnd sën vëneg-a n kō nebã poorë Gafã pvgë, bãmb rãmbã la Wēnd sën kãabdã, ti kãabdbã kãabd-ba.
160. Rēnda sën tuub-bã, la b maneg b mense, la b vënege (sidã bãmb sën solgã). bãmb rãmbã, M reegda b tuubgu, Maam la a Tuubg rëegda n ya a Yoslda.
161. Sën kvfl-b n maan kaalem ti b yaa sãm-zitbã, bãmb-rãmbã la Wēnd Kãabgã sën be ne wã, la Malek-rãmbã la nebã fãa (kãabgo).
162. Tı b yaa ruumdb a pvgë, b pa na n yols naongã b zugu, b pa na n ges-ba.
163. La yãmb Soabã yaa Soab-yeng, soab ka be ti sã n pa Yë ye. A yaa a Dũni yolsda n yaa a Laahr yolsda.

164. Ad Saasã la Têngã naaneg pvgẽ, la yungã ne wîndgã yôs-taabã pvgẽ, la kogend nins sên zoet mogrã zug ne bûmb nins sên nafd nebã, la Wënd sên sik Saasẽ wã n vums têngã ne-a a sên ki poorẽ wã, la a sãeeg a pvgẽ bôn-yãnemdi fãa wã, la sebdã fugbã la sawatã b sên wõrã n yals saasã la tẽnsã sukã, wã fãa yaa yel-soalemã ne yam maandbã.
165. La bee nebã pvgẽ, neb sên gãd soben-dãmb zẽms sên pa Wẽnde, n nong-b wala Wënd nonglem, la ad sên kô-b sidã, bãmb wëndã nonglem keelem n yud bãmb sên nong b soben-dãmbã. La lak wëgd bã sã n da yãtẽ-la b alhaalã, bãmb sên wat n yã nangã sasa, (b bãngdame) ti pãng fãa yaa Wënd n so. La Wënd yaa nams-wëng soaba.
166. B sên n pvg-b rãmbã sên wat n zãag b mens ne sên pvg-b bãmb ti b yã nangã masã, ti tøk-n-taarã ne bãmb sukã kao.
167. Ti pvgdbã yeele: " lak tõnd sã n da tarẽ lebeng zïga, (d na) zãag-ba wala b sên zãag tõndã, yaa woto la Wënd winigd bãmb b tvvã wënga, ti yaa bôn ne-ba, b pa na n yi bugmẽ wã ye.
168. Yaa yãmb a neba! rı-y sên be têngã zug n yaa Halaal n yaa Yulgemdã la y ra pvg a Svtãan nao ye, ad a yaa be sên yaa vënega ne yãmba.
169. Ad a sagenda yãmb ne wëng la yel-beedo, la (tusd yãmb) sên na yilẽ ti yãmb yeel Wënd zug y sên pa mi.
170. La b sã n yeel bãmba: " tũ-y Wënd sên sikã" la b sên yete: "ayo'o tõnd pvgda d sên mik d ba-rãmbã ne bûmb ningã" la baa ti bãmb ba-rãmb sã n pa mi fvi la b pa paam kãndgre bãmb na n kell n tũud-b lame bi?.
171. La rãmb nins sên ktfl-bã bilgr yaa wala ned sên moond n boond sên pa wumnd-a fvi ti sã n pa mooneg la boaal bvg bala ye. B yaa wumse, n yaa mugsı, n yaa zoense, b pa fasemd ye.
172. Yaa yãmb sên kô-b sida! rı-y bôn-yılma tõnd sên rulg yãmbã la y pvvv Wënd bark ti sã n yaa Yẽ la y tũudã.
173. Ad A gidga yãmb zugu : Gifa, zum la kurkur nemdo, la b sên kodg ne sên pa Wënd yvvre. La sên pak-a soab t'a pa kedgd la pa maan-n-zvvg soaba, rënd zunuub ka a zug ye, ad Wënd yaa Yaafda n yaa Yolsda.
174. Ad sên solgd-b Wënd sên sik Gafẽ wã, la b tekd-a ne ligd bilfã, bãmb rãmbã pa rit b pvvẽ wã rënda bugum, la Wënd pa gomd ne-b yikrã raar ye, A pa yilgd-ba, b tara namesg sên zabde.

175. Bāmb-rāmbā la sēn tek kāndgrā ne menengo, la Yaafgā ne Namesgo, ad bāmb sugr maaneg bugmā pvgē pa tar to ye.
176. La rēnda yaa ti Wēnd sika Gafā ne sīda, la ad sēn yōs-b taab Gafā pvgē wā, b bee welg-taab sēn zāag ne sīdā.
177. Manegrā pa yāmb toglg y nemsā Yaang maa Winto-lvtgē ye, la ad manegrā yaa kō sīd ne Wēnd la Laahr raarā, la kō sīd ne Malek-rāmbā, la Gafā, la Nabiyaam-rāmbā, la kō Arzekā ne a sēn nong-a wā fāa a rog-pētba, la kubse, la nim-bāan-dāmba, la kēn-kēnda, la bōosdba, la yembd yidgri, la a yānes ne pvvsg la a kō Zaka, la sēn pīdsd-b pulengā ti b sā n pulme, la sugr maaneg keelem la namesg wakato. Bāmb-rāmb la sēn sīdg-bā, bāmb-rāmbā la Wēn-zoetbā.
178. Yaa yāmb rāmb nins sēn kō-b sīda! b rogla yāmb maan-n-dolg kvvdbē wā, burkīn yaa burkīn n donde, yamb ne yamba, pag ne paga, rēnd b sēn yaaf-a soaba būmb ninga, bī b pvg ne manegr n deeg yōorā yaoodo; la kvvdā me kīs ne maneg-n-paase, ad wānde yaa boogr sēn yi yāmb Soabā nengē la yolsgo, la sēn maan-a n zvvg toog rē poorē, a tar namesg sēn zabde.
179. La yāmb tara vum maan-n-dolā pvgē, yaa yāmb yam-beel rāmba, sānd-sānd y na zoe Wēnde.
180. B gulsame n dogl yāmb zugu, ti kūum sā n wa yāmb yembr fāa nengē, a sā n bas arzeka, bī a bas no-gomde, rogdb a yīibā yīnga la rog-pētse, ne sēn be neere, ti yaa hake n zao Wēn-zoetbā.
181. La sēn tedg-a a sēn wum-a wā poorē, rēnd a yel-beedā bee ne neb nins sēn tedgd-a wā, ad Wēnd yaa Wvmd n ya Mita.
182. La sēn yēes-a kedgr no-gomd soab nengē maa beegre, t'a maneg b yīibā svka, yell pa be ne yē soab ye, ad Wēnd ya a Yaafda n ya a Yolsda.
183. Yaa yāmb neb nins sēn kō sīd ne Wēnde ! b rogla yāmb no-loeerā wala b sēn dogl sēn deng-b yāmb taorā sānd-sānd y na zoe Wēnde.
184. Yaa rasem saare, la sēn ya-a bāad yāmb pvgē maa a toga sore, bī a geel rasem zēmse, la sēn tōe n leo-b la yaa toog ne-ba, b sā n kao bī b rīlg nin-bāan-ned, la sēn yāk-a yam n maan neere, rē yta sōma ne-a, la yāmb sā n loe noorā, rē la sōma ne-yā, ti y sā n miime.
185. Ramadaan kiuugā pvgē la b sik Alkvrāanā, ti yaa kāndgr ne nebā la vēenese sēn ya kāndgr la welgre. La sēn sēed-a kiuugā yāmb pvgē fāa, bī a loe-a, la sēn ya-a bāad maa a be sor zug bī a geel rasem-zēmse. Ad Wēnd rata yāmb ne yol-yole, A pa rat yāmb ne keelem

ye, la sēn na yul la y pids sōorā la y maan Takbur no-loeerā baasgē, ne A sēn kāndg-yā, la sānde y na puvv barka.

186. La Mam yembsā sā n sok foo Mam yelle, rēnd Mam pēeme, M deegda boaad boolgo, t'a sā n bool-Ma, bi b maan M sēn na reeg b yīnga la b kō sid ne-Ma ti sānd-sānde b na kānde.
187. B kōo yāmb sor no-loeerā yungo, kēed-n-taar ne y pagbā, b yaa fu-gobs ne yāmba, yāmb me yaa fu-gobs ne bāmba. Ad A bāngame ti yāmb ra yume n zāmbd y mense, t'A reeg y tuubg la A yaaf n bas-yā, rēnd moasā kē-y ne-ba n bao Wēnd sēn pvi n kō-yā, la y ri, la y yū, hal ti wa vēneg ne yāmba, laong-pæelga n welg ne laong-sablgā, sēn ya tōd-beoogo, rē poorē bi y pids no-loeerā n tāag yungo, la y ra kē ne pagbā ti yāmb sā n wūg miisaē wā ye, ad rē yaa Wēnd todse; bi y ra pēneg-b ye, ad yaa woto la Wēnd welsd A Aaya wā ne nebā, sānd-sānde b na zoe-A.
188. La y ra ri yāmb arzēgsā, yāmb ne taab svkā, zaalem ye, n yaool n tatē n rabd bv-kaoodbē, n dat n na n di nebā arzēgs-sānda ne Wēnkusgo, ti yāmb yaool n miē.
189. B sokda foo ki-paallā yelle! Yeel-b t'a yaa sek-rāmb nebā ne taab la Hagiimd maanego, la maan-neerā pa yāmb sēn na n tū rotā poyā n kē ye, la ad maan-neer yaa sēn zoe-a Wēnde. Bi y kē-y zagsā b rag-noyē wā, la y zoe Wēnde, sānd-sānd y na pōse.
190. La y zab Wēnd sorā pugē ne sēn zabd-b ne yāmbā, la y ra maan n zvvug ye, ad A pa nong maan-n-zvvug rāmb ye
191. La y kv-ba yāmb sēn seg-b zīg ningā fāa la y yiis-ba b sēn yiisē yāmbā, la kiflem zarb keelem yuda kvvbo, la y ra zab ne-ba Lohorom-Miisrē wā hal ti b wa zab ne yāmb a pugē, la b sā n zab ne yāmba bi y kv-ba, yaa woto bal la kifr-rāmbā rolbo.
192. La b sā n tek n base, ad Wēnd yaa Yaafda n ya a Yolsda.
193. Bi y zab ne-ba sēn na yul ti ra yi kifend ye, ti Dīinā fāa yi Wēnd A ye n so, la b sā n tek n base, beem kae ti sā n pa Wēgdbā zug ye.
194. Lohorom kiuugā ledsda ne Lohorom kiuugu, la beegrā yaa maan-n-dolg n be be, rēnd sēn maan-a n zvvug bi y maan-a n zvvug wala a sēn maan n zvvug yāmb buudu, la y zoe Wēnde la y bāng ti Wēnd bee ne wēnd-zotbā.
195. La y yāk n naf Wēnd sorā pugē la y ra kēes y mens Halkr pugē ye; la y manege, ad Wēnd nonga manegdbā.
196. La y pids Hagiimdā la Umra wā Wēnd yīnga, la gidgr sā n paam yāmba, rēnd yaa sēn yaa nana ne yāmb (kvvbo) sēn yi rūm-pegdsē

wã la y na n kv, la y ra pœe y zutã hal ti rüngã wa ta a zïigê, la sên ya-a bãad yãmb pugê maa a tara zu-loεεga a zugê wã (n pa tœe n pœe-a) bi a maan n dol sên yaa no-loeere, maa daooga, maa a kodge. La y sã n paam bas-m-yam, rënd sên na n wum-a noog ne Umra wã n ti tãag Hagiimdã, bi a kv a pãng sên tœe, sên yaa rüngã. La ned ning sên pa tar-a bi a loe noor rasem a tãab Hagiimdê wã, la rasem a yopoe t'a sã n wa lebge, woto yaa piig sên pidi, la wãnde yaa ned ning zak-rãmb sên pa zï Lohorom Miisrã sεεgê, la y zoe Wënd la y bãng ti Wënd yaa sïbg-kegeng soaba.

197. Hagiimd yaa kiis sên yãk toaaga, rënd sên togl-b mens ne Hagiimdu b pugê, rënd Wum-noog ne pagba, la wën-kusgo, la no-koεεma, ka be Hagiimdê wã ye, la yãmb sên maan ti yaa sômã fãa Wënd mi-a lame, la y bao surfãnta ti ad surfãnta sên yud ne sômblem yaa wën-zoεεga, la y zoe Maam, yaa yãmb yam-bœel rãmba.
198. Yell pa be ne yãmb ti y bao arzek sên yi yãmb Soabê, la yãmb sên lebg Arafaat bi y tēeg Wënd Yvvrã Lohorom-zïigê wã (Muzdalifa), la y tēeg A yelle ne A sên kãndg yãmb ti yãmb ra yume rē taoore n yaa menemdba.
199. Rē poorê bi y lebg zïig ning nebã sên sũudê wã (‘Arafaat) la y kos Wënd yaafa, ad Wënd yaa Yaafda n yaa Yolsda
200. La yãmb sã n sa Hagiimdã tvvmã bi y tēeg Wënd yelle wala y barãmbã yell tēegre, maa sên yud rē. Bala be nebã pugê sên yete: "tõnd Soaba kô tõnd Dũni" . La bãmb yaool n pa tar baa fvı Yaoleem daarã ye.
201. La be bãmb pugê wã sên yete: " d Soaba a Wēnde! Kô-d Dũni pugê sên be neere la Yaoleem raarã sên be neere, la F gũ tõnd ne bugmã namesgo".
202. Bãmb rãmbã tara pvur b sên tvvmã, la Wënd geelg yaa Tvulle.
203. La y tēeg Wënd yvvrã rasem-rãmb saare, la sên yãg-a n lebg rasem a yiib pugê zunuub kae a pugê ye, la sên yaool-a, yell pa be a zugu, ne sên zoe-a Wënd ye. La y zoe Wënd la y bãng ti ad b na n tigim-y lame n tvg A nengê.
204. La be nebã pugê koεεg sên maan foo yel-solemd Dũni vumã pugê, n maand Wënd a kaset ne sên be a sũurê wã -zïr-n-beedo- la a yaool n yaa zabd-n-taag sên yaa kegenga.
205. A sã n gũd a kuidga, a kēnda Tēngã pugê ne sãango n halkd koodã la rün-buudu, la Wënd pa nong sãoong ye.

206. La b sã n n yeel-a: "zoe Wēnde" la Waoog-m-meng sēn duugd-a ne Wēnd beegre, ad Gēhannam na sek-a, a gāag zīg yi wēnga.
207. La bee nebã pugē sēn koosd b mense Wēnd Yardã baoob pugē la Wēnd yaa Nimbāan-zoet ne A Yembsã.
208. Yaa yāmba sid-kōtbā! kē-y Dīinã zānga, la y ra pug a sutāan nao ye, ad a yaa be sēn yaa vēenesg ne yāmba.
209. La yāmb sã n salg daliil-vēenesã sēn wa yāmb nengē poorē, bɪ y bāng tɪ Wēnd ya Winda, n ya buud Mita.
210. Rē yīnga b gūudame sã n pa Wēnd wa wa b nengē sawad-geed pugē la Malēgsã, tɪ geelã bu, la yaa Wēnd nengē la yelã lebda.
211. Sok [sraaul-koamba! yaa noor a wān la Tōnd kō-b Aaya-vēenesē, la sēn tedg-a Wēnd neema wā, a sēn wa a nengē poorē, rēnd Wēnd yaa Sibg-kegeng Soaba.
212. B faasa Dūni vumã ne kɪfr-dāmbã tɪ b yaand sēn kō-b sidã, la sēn zoet-b Wēndã b bee bāmb zug Yikrã raare, la ad Wēnd rɪlgda A sēn tull A soab tɪ pa tū ne geelg ye.
213. Nebã ra yume n ya zāma a yembr tɪ Wēnd tums Nabiyaam-rāmbã tɪ b yaa sū-noogdb la bugsdba. La A sik Gaf-rāmbã n kō-ba, tɪ yaa sid sēn na yɪl tɪ b bu nebã svka, b sēn yōs taab pugē. La ka yōsg a pugē rēnda A sēn kō-b rāmba, vēenesã sēn wa bāmb nengē poorē, sūkīir bāmb ne taab svk yīnga, tɪ Wēnd kānd sēn kō-b sidã n tvg sidã b sēn yōs taab a soab pugē wā ne A tōogo, la Wēnd kāndga A sēn dat-a n tvg so-tirga.
214. Bɪ y tēedame tɪ y na n kēe Arzānã tɪ sēn paam reng-taoor rāmbã pa paam yāmba. Keelem la toog paama bāmba, tɪ leng-b hal tɪ Tēntvumã la Sid-kōtbã wa yetē: " Wēnd sōngrã yaa wakat bugo". Ad Wēnd sōngrã pēeme.
215. B sokda foo bōe la b na n yāk n nafe, yeele: " yāmb sēn yāk n naf sēn yaa soab fāa, bɪ y kō rogdb a yīibã, la rog-ptse, la kubse, la Nimbāan-neba, la kēn-kēndba, la yāmb sēn maan sēn ya sōma buud fāa ad Wēnd mi-a lame.
216. B gvlsa zabrã n dogl yāmb tɪ yāmb yaool n kis-a, la ad y tōe n kiswa būmb t'a yaa sōma ne yāmb, la y tōe n nonga būmb t'a yaa wēng ne yāmb, la Wēnd miime la yāmb pa mi ye.
217. B sokda foo Lohorom-kiisã zabr b pugē, yeele: "ad zabr b pugē yaa yel-bedre, la gɪd Wēnd sorã la kɪflg ne-A la Lohoroom-miisrã la yiis a nebã a pugē, rē yell n yud Wēnd nengē. La Lagem-n-taarã yell n yud kvvbã, la b pa na n bak n zabd ne yāmb hal n lebs yāmb tɪ y bas

- y Dīinā, ti b sã n tōoge, la sēn targ-a yāmb pugē n bas a Dīin n ki t'a yaa Kifre, rēnd bāmb rāmbā tʉmā lvume Dūni la Laahr, bāmb me la bugmā koamba, bāmb yaa duumdb a pugē".
218. Ad sēn kō-b std la sēn maan higrā wā (yik-b ne b Dīinā) la b zab Wēnd sorā pugē, bāmb rāmbā n tēed Wēnd yolsgā, la Wēnd yaa Yaafda n ya Yolsda.
219. B sokda foo rāam la war yelle, yeele: " beegr wʉsg n be b yiibā pugē la nafa ne nebā, la b beegrā yuda b nafa wā" . La b sokdame bōe la b yākd n nafe? Yeele: " yaa kellā", yaa woto la Wēnd vēnegd Aaya wā ne yāmba sānd-sānde y na tags n gese.
220. Sēn na naf yāmb Dūni la Laahrā wēngē, la b sokda foo kubsā yelle, yeele: " maneg b Arsegsā toor zall n kō-bā rē la sōma ne yāmb n yuda, la yāmb sã n gēdg-a ne y Arzeḡsā b yaa yāmb ma-biisi, la Wēnd mii sāmnda n welg ne manegda, la Wēnd sã n tullē A naan n tāndgē yāmb, ad Wēnd yaa Winda n yaa Bʉʉd-mita".
221. La y ra fur lagem-n-ta-pogsā hal ti b wa kō sīda, ad yamb-poak sēn ya sīd-kōt n são Lagem-n-ta-poaka, ba t'a sã n maan yāmb yel-solmde, la y ra fur n kō kifr-daadā hal ti b wa kō sīda, ad yamba sēn yaa sīd-kōta n são kifr hal t'a sã n maan yāmb yel-soalma, bāmb la sēn bood n togd bugmā, la Wēnd boodame n tʉgd Arzāna la Yaafa ne A raabo, la a vēnesda A Aaya wā ne nebā, sānd-sānde b na tags n tēege
222. B sokda foom Pekrā yelle, yeele: "a yaa rēgdo, bɪ y ball pagbā pekrā pugē la y ra pēneg-b hal ti b wa wāage, ti b sã n yɪlge bɪ y wa-ba Wēnd sēn sagl yāmb zīig ningē wā, ad Wēnd nonga tuubdbā la A nong Yɪlgdbā.
223. Yāmb pagbā yaa put ne yāmba, bɪ y wa y putē wā yāmb sēn datē, la y lvus taoor ne sēn be neere y mens yīnga, la y zoe Wēnde la y bāng ti y na n seg-A lame, la f noog Sīd-kōtbā sūyā.
224. Ra maan-y y wēnegā ne Wēndā, ti gidgd yāmb ne manegre, bɪ ne Wēn-zoεεga, bɪ ne maneg nebā ne taab suka, la Wēnd yaa wʉmda n yaa Mita.
225. Wēnd pa yōkd yāmb ne yāmb wēen-reemdsā ye la A yōkda yāmb ne yāmb sūyā sēn toglā, la Wēnd yaa Yaafda n yaa Sugr-soaba.
226. Be ne sēn wēen-b ti b kōn kē ne b pagbā kiuug a naas kollgo, b sã n lebe, rēnd Wēnd yaa Yaafda n yaa Yolsda.
227. La b sã n loe furā kaoobo Wēnd yaa Wʉmda n ya Mita.

228. La fur sēn kao-bā, b zīndeda b mens yīng kiuug a naase, la pa sōmb ne-b ti b solg Wēnd sēn naan b rogsē wā ye, ti b sā n kōo sid ne Wēnd la Yaoolem daarā. La b sidbā n sōmb ne b lebsg kollgā pugē, la b tara hake wala hake-rāmb sēn be b zugā sēn zemse, la raopā n wil b zugu, la Wēnd la Wilb-naaba n ya Bvud-mita.
229. Fur kaoob yaa noor a yiibu, rē poore yaa b gād-a maa b bas-a ne maan-neere. La pa sōmb ne yāmba ti y reeg yāmb sēn kō-bā baa fu, sā n pa pagā n tēed ti b yibā pa na n tōog n yānes ne Wēnd Todsā, a sēn kis raoā yīnga. Rēnd yāmb sā n yaesd ti b pa na n tōog n gūus Wēnd Todsā, rēnd yell ka be b yibā zugu pagā sēn na n yao a sidā n soog a mengā, wānde yaa Wēnd todse bi y ra gāndg-b ye, la sēn zvvug-b Wēnd Todsā bāmb rāmbā la wēgdbā.
230. La a sā n kao a furi a pa le yaa halaal ne raoā halı t'a wa fur sid a to, ti yē sā n kao a furā, yell pa be ne b yibā ti b leb taab nengē ne fur paalle, ti b yibā sā n tēed ti b na n tōog n yalsa ne Wēnd todsā, la wānde yaa Wēnd todse t'A vēnegd-b ne mitbā.
231. La yāmb sā n kao pagbā furi ti b zīnd [dda ti sa, bi y gād-ba ne manegre maa y bas-ba ne manegre, la y ra gād-b n na nams-b bal ye, la sēn maan-a rē, a wēga a menga, la y ra rik Wēnd Aayayā ne yaalg ye, la y tēeg Wēnd neema wā yāmb zugā la A sēn sik yāmb zugu sēn yaa Gafā la Svnnā n sagend yāmb ne-ba, la y zoe Wēnde la y bāng ti Wēnd yaa Mita ne būmb fāa.
232. La yāmb sā n bas pagbā ti b sa b Zīndgā, bi y ra yeeb-y-ba ti b ra fur b sidbā ti b sā n yar taaba manegr pugē ye, wānde la b sagend sēn be-a yāmb pugē n kōt sid ne Wēnde la Yaoolem raarā, wānde n yud nafa ne yāmba la ylgre, la Wēnd miime la yāmb pa mi ye.
233. La ma-rāmbā yēsemda b koambā yvum a yib sēn pidi, sēn tvll-a n na n pids yēsengā, la b sēn dog a soab yīngā (baabā wā) n na n rilg-ba la a yeelg-ba n zemse, Wēnd pa rogend yōore rēnda a sēn tōe, b ra nams ma wā a biigā sabab ye, pa saambā me a biigā yīng ye, la sēn rikd-a biigā faadā t'a saambā sā n ka be wā, yē me bvdā yaa wala saambā bala, la roagdbā yibā sā n dat n yāk biigā bīisim bi yu b yibā yarda, la b maan taab saaware, rēnd yell ka be ne b yibā ye, la yāmb sā n dat n kō y koambā ti b yēsme yell kae ne yāmba ti yāmb sā n kis yāmb sēn na n kisā ne manegre, la y zoe Wēnde la y bāng ti Wēnd yaa Neta ne yāmb sēn tvmdā.
234. La sēn maan-b kaalem yāmb pugē n bas pagba, b zīndida b mens yīnga kiuus a naase la rasem piiga, la b sā n sa b zīndgā rēnd yell

- ka be ne yāmba b sēn maan a soab n zemse, la Wënd yaa minim tēng-n-biig ne yāmb sēn tumdā.
235. La yell pa be ne yāmba yāmb sēn bund būmb ninga sēn yaa pagbā beleng ye, maa y solga y mensē n dat-ba. Wënd bāngame ti yāmb na n tēega b yelle la ra pulemd-y-b tēngr-tēngr ti y na n fur-b lame ye, sā n pa manegr koεeg bala, la y ra nadg ne furā loeega halı ti zīndgā wa sa, la y bāng ti Wënd mii sēn be ne yāmbā, bı y gūs-A la y bāng ti Wēnde yaa Yaafda n yaa sugr Soaba.
236. Yell pa be ne yāmb ti yāmb sā n bas pagbā ti y sā n pa paam n sus-ba maa y pvd furā ligd b yīnga, bı y kō-ba b sēn na sōng b mense. Tōog soab ne a sēn tōe, keelem soab me ne a sēn tōe, ti yaa wumsem-noogo sēn zemse, ti yaa hake n zao manegdbā zugu.
237. La yāmb sā n kao b furā taoor ti yāmb nan pa sus-ba la yāmb yaool n kō-b-la furā ligdi, rēnd yaa furā ligd pvsuka sā n pa pagbā n yaafe maa furā loεeg sēn be-a soab nugē wā n yaafe, la yāmb sā n base, rē n pē ne wēn-zoεega, la y ra yīm sōama maaneg yāmb ne taab suk ye, ad Wënd yaa Neta ne yāmb sēn tumdā.
238. Gūs-y pvs-rāmbā la suk pvsugā (Laansarā Pvsugā), la y yānes ne Pvsugā, Wënd a ye yīnga, ti y yaa gāneg-m-mens rāmba.
239. La yāmb sā n yeεsd bæeb bı y pvs ti y yaa kēndba, maa zoamdba, la yāmb sā n paam bas-m-yam, bı y tēeg Wënd yelle wala A sēn wilg yāmba, yāmb sēn da pa mi wā.
240. La sēn maand-b kaalmā yāmb pugē n bas b pagbā bı b bas no-gomde b pagbā yīnga ti b zīnd zagsē wā n maand b raab n tāag yvumde n da yiis-b ye, la b sā n yi b toore yell pa be ne yāmba b sēn maan ne b mensā sā n yaa manegre, la Wënd ya a Wilbnaaba n ya a Bvvdmita.
241. La b sēn kao-b rāmb furā me tara wum-noogo sēn zemse, ti zao wēn-zoεtbā zugu.
242. Yaa woto la Wënd vēnesd A Aaya wā ne yāmba sānd-sānde y na paam yam.
243. Fo pa ne neb nins sēn yi-b zagsē wā, ti bāmb yaa tus-tusa kūumā zoes yīnga, ti Wënd yeel-ba : "ki-y! " rē poor t'A vvsug-ba, ad Wënd yaa Kūun-bedr Soab ne nebā la ad nebā wvsug pa pvsd bark ye.
244. La y zab Wënd Sorā pugē la y bāng ti Wënd yaa Wvmda n yaa Mita.

245. Ænd soab n na n peng Wænd pengr sên be neere, t'A fão-a a yïng fãoob wusgo, la Wænd n yõbgd la A yalgdê, la y lebeng zïig yaa A nengê.
246. Fo pa ne zâma wã sên yi [sraaul koambê wã, a Muusa loogr poorê, b sên wa n yeel b nabiyaamã:" yãk Naab n kô-do ti d zab Wænd Sorã yïnga". T'a yeele : "rê yïnga b sã n dogl yãmb zabrã, y pa na n tãdg ti y kôn zabe". Tı b yeele : "yaa bõe n tar tãnd ti d pa na n zab Wænd Dïinã poorê, ti bæbã yaool n yiisa tãnd d zagsê la d koambê?" La b sên wa n guls zabrã n dogl-bã la b sên gød b zãn-kuds sã n pa bilf bala sên yi bãmb pugê wã, la ad Wænd mii Wëgd bã.
247. Tı b Nabiyaamã yeel-ba:" ad Wænd tũmsa a Toaalvut ti yaa naaba, ti b yeele: "a na n talla naam tãnd zug wãn-wãna, ti tãnd n sõmb ne naam n yud-a, la a pa tar arzek wusgo?" T'a yeele: "ad Wænd n tũus-a yãmb zugu, la A kô-a bãng-yalenga, la yïnga, la Wænd kôta A naamã A sên tvll-a soaba, la Wænd yaa kô-yaleng Soaba n ya Mita.
248. Tı b Nabiyaamã yeel-ba: "ad a naamã tagemse yaa koglgã sên na n wa yãmb nengê, ti yï-yõgneg be a pugê sên yi yãmb Soabê wã, la a Muusa zak rãmb la a Haarvvn zak rãmb te-kela, ti Malek-rãmbã zãad-a, ad tagems be rê pugê ne yãmba ti y sã n yaa sid-kõtba".
249. La a Toaalvut sên wa n fãsg ne tãpã a yeelame: ad Wænd na n zarba yãmb ne kvulga, la sên yũ-a, a pa pugd maam ye, la sên pa lemb-a, yê n be ne maam, sã n pa sên karg-a bilfu ne a nug bala". La b yũ-a lame sã n pa b neb sãar bala. La a sên wa n gãndg-a wã yênda la std-kõt bã, b yeelame: "tõog pa be ne tãnd rũndã ne a Gælvvut la a tãpã ye". La sên tar-b bãng-n-wãak ti bãmb na n yeka Wëndã yeelame: "sõor waoog zãma bilf sên wil zãma wusg ne Wænd tõogo, la ad Wænd bee ne sugr rãmba".
250. La b sên wa n puk ne a Gælvvut la a tãpã, la b sên yeele: d Soab a Wëndê! kiig tãnd sugri, la F tablg tãnd na-tagdt wã, la F sõng tãnd kifr-rambã zugu".
251. Tı b tõog-ba ne Wænd tõogo t'a Daawvud kv a Gælvvut ti Wænd kô-a naamã la nabiyaamdlemã la A wïnig-a a sên tvll fãa sên yaa bãngr kõbg toor-toore, la sã n pa Wænd sên tUSD nebã wëngã sên tũ ne neb a taabã nugã, têngã naan n sãamê. La ad Wænd yaa yudlem Soab bõn-naandsã zugu.
252. Wãnde yaa Wænd Aayay ti D karemd-b yãmb zug ne sida, La ad fo bee tèn-tvũmdbã pugê.

253. Tën-tvumb nins yell Tönd sën togsã, Tönd yus-b-la taaba, be b pugê Wënd sën gom ne, la A zêk b sãnda ziiri, la Tönd kôo a [isa a Maryam biigã vëenese la D keng a pelga ne Yô-yileng a Gibriil, la Wënd sã n tullê sën wa-b bãmb poorê wã koon n zabê taaba, vëenesã sën wa bãmb nengê wã poorê ye. La ad b yôsa taaba. Be b pugê wã sën kô sıda, be be sën kifle, la Wënd sã n tullê b koon n zabê ne taab ye, la ad yaa Wënd n maand A sën date.
254. Yaa yãmb sën kô-b sıda! yāk-y Tönd sën dulg yãmbã n naf taor ti raar nan pa wa koosem sën ka be, pa zoodo, pa sũgsgu, la kifr-dãmbã, bãmb la wëgbã.
255. Wënde, soab sën tüud n tilg ka be ti sã n pa Yê ye, A ya a Vita, a sën-pid-Soaba, n yaa a Maan-m-toor Soaba, gõeem pa yõnk-d-A, pa Suusgu. A soo sën be saasê wã la sën be têngê wã, ãnd n na n sugš A nengê ti sã n pa ne A yarda, A mii sën be bãmb neng taor la b poorê, la bãmb pa tõe gũbg A bãngrã baa fvi, sã n pa A sën tvll ti b bãngã, A naamã goeel tagr zĩigê yãmba saasã la têngã, la b yĩibã (saaga la têngã) gũubu pa sën weoog Wënd ye, la Yê ya a Zêkr-Naaba n yaa a Zĩsgo.
256. Modgr pa be dīnã pugê ye, ad sɪdã kãndgrã vënegame n welg ne kedgrã, la sën kɪfl-a ne svtãan fãa la a kô sid ne Wënde, rënd a gãda wĩir sën kegme, sën pa tar tõsgr ye, la Wënd yaa Wvmda n yaa Mita.
257. Wënd la sid-kõtã lallda, A yĩisda bãmb ligsê wã n tvgd vëenmê wã, la sën kɪfl-bã bãmb lalldb yaa rvbsã, b yĩisda bãmb vëenmê wã n tvgd ligsê wã, bãmb la bugmã koamba, b yaa duumdb a pugê.
258. Fo pa yã sën wëed-a no-kæem ne a [brahum a soabã yellê ti Wënd n kô-a naam. Wakat ning a [braahum sën yeele: " mam Soabã la sën vvumsd la A kvvda". La a yeel yã: "mam vvumsdame la m kvvda". La a [braahum yeel yã: " la Wënd wata ne wĩndgã a sën pukdê wã, bĩ fo wa ne-a t'a puk a sën lvitê wã" . Tĩ sën kɪfl-a wã yirbi, la ad Wënd pa peegd neb sën yaa wëgdb ye.
259. Maa fo yãa wala sën pvvvg-a têngã t'a yaa sën kao n zam taaba, t'a yeele: "tën-kãngã, Wënd na n vums-a-la wãn-wãn a kũmã poorê?" Tĩ Wënd ko-a yvum koabga, n lebq n vvvvg-a, la Wënd yeele: "wakat wãn la f zĩnd yã?" La a yeel yã: "m zĩnda raar maa raar pvsvka". t'A yeele: Pa woto ye, ad fo zĩnda yvum koabga, bĩ f ges fo rubã la f koomã pa tedg ye, la ges f bõangã, bvil yĩng ti D na maan foom ti yaa yel-solemd ne nebã. La ges kõabã Tönd sën wëel-b to-to, rê poorê ti

- D pil-b nemdo. La a sēn yā rē wā sīdā vēnega ne-a, t'a yeele: " m bāngame ti Wēnd yaa Tōod ne būmbā fāa".
260. La tēeg wakat ning a [braagum sēn yeele: " m Soaba! wīnig maam F sēn vuvgd kūum to-to". T'A yeele: " f pa kō sīd la?" T'a yeele: "ayo! M kōo sīda, yaa sēn na yīl ti m sūurā yōgne". T'A yeele: bi f yōg liuuli a naas n kuvv-b n kalem taaba, rē poore bi f ning tāng fāa zug beka, rē poorē bi f bool-ba ti b na wa fo nengē ne yāgbo, la f bāng ti Wēnd yaa Winda n yaa Buvd-mita.
261. Sēn nafd b arzēgs Wēnd sorā pvgē wā bilgri, yaa wala bōn-beel sēn wom zut a yopoe, zug fāa pvgē yaa bæel koabg n be be, la Wēnd fāooda A sēn tull-a soaba, la Wēnd yaa kō-yaleng Soaba n yaa Mita.
262. Sēn yākd b arzeksā n nafdē, rē poorē ti b pa pogend b kūunā ne tāasgo maa namesgo, bāmb tara b keoor b Soabā nengē ti rabeem ka be ne bāmba, b kōn sāam b sūy me.
263. Koεεg sēn maneg la yaaf-n-base, a sōmblem yuda doaag (kūuni) namsg sēn tūnugd-a, la Wēnd yaa Sek-m-meng Soaba n yaa sugr Soaba
264. Yaa yāmb a sīd-kōtba! ra n sāam-y y doosā ne tāasg la namsg ye, wala sēn kōt a arzēk nebā na yā yīnga, n yaool pa kōt sīd ne Wēnde la Yaoolem daarā ye. Yē bilgr yaa wala kug-laag tom sēn be a zugu, ti saag kiig a zug n bas-a t'a yaa rāgi, bāmb pa paamd keoor baa fvi bāmb sēn tvmē wā ye, la Wēnd pa kāndgd neb sēn ya kifr-dāmb ye.
265. La sēn kōt-b arzēgsā Wēnd yaard baoob yīngā, la yīn-yōgneg ne bāmb mensā, b bilgr yaa wala puvv sēn be kūnkubrē ti sa-kiigdg paam-a t'a wom n sobe, la sa-kiigdg sā n pa paam-a, sa-mina-mina sekd-a lame, la Wēnd yaa neta ne yāmb sēn tvmā.
266. Rē yīnga yāmb ānkam fāa nongame n na n tar puvv sēn yaa tamar-tus la siba, ti ko-sood zoet a tēngrā, a tara a pvgē ti-biis buud fāa ti kaseng paam-a t'a tar koamb sēn yaa valemse ti sulmand bugum sēn be a pvgē, t'a yōk bugum, yaa woto la Wēnd vēnegd Aaya wā n kōt-yā, sānd-sānde y na tagse.
267. Yaa yāmb neb nins sēn kō sīda! yāk-y n naf ne bōn-yūlm nins yāmb sēn paamā, la Tōnd sēn yīis tēn-gāngā pvgē n kō yāmbā, la y ra tūusd yoodā n yākd rē n kōtē ye, ti yāmb yaool n pa reegd-a rēnd y mum y nini, la y bāng ti Wēnd yaa Sek-m-meng Soaba n ya pēgda.

268. A Svtāan bugsdā yāmb ne talemđ la a sagend yāmb ne yel-beedo, la Wēnd pulemdā yāmb ne yaafg sēn yi A nengē la kūuni, la Wēnd yaa bāng yaleng Soaba n ya Mita.
269. A kōta yam-bedr A sēn tvll-a soaba, la b sēn kō-a soab yam-bedre ad b kō-a-la sōma wusgo. La pa tagsd n getē, rēnda yam-beel rāmba.
270. La yāmb sēn kō sēn yaa kūun ning fāa maa y pulem sēn yaa pvleng ning fāa, ad Wēnd mi-a lame, la ad wēg-m-mens-rāmb pa tar sōngđ ye.
271. Yāmb sā n vēnegđ doosā (kūuni) rē be neere, la yāmb sā n solg n kōt talsā, yē la sōma ne yāmba, la A yaafđā yāmb yel-wēnsā, la Wēnd yaa mita ne yāmb sēn tvmdā.
272. B kāndgrā pa zao fo zug ye, la ad Wēnd n kāndgđ A sēn tvll-a soaba, la yāmb sēn kō sēn yaa sōma buud fāa yaa y mens yīnga, la yāmb pa yākd n naafdē rēndame ti yaa Wēnd yīnga, la yāmb sēn kō sēn yaa sōmā fāa b pidsda a yel-sōmdā n kō yāmba, ti b pa wēgd yāmb ye.
273. Kō-y tals nins b sēn maan-b rāmb soagl Wēnd sorā pugē, b pa tōe n gilim tēngā poor zug n bao ruti ye, zit tēed-b lame ti b yaa rakāagba, b yōk-m-menga yīnga. Fo bāngđ-b lame b tagmasē wā, b pa bōosđ nebā n pēdemđē ye, la yāmb sēn kō sēn yaa sōma fāa ad Wēnd mi-a lame.
274. Sēn yākd-b arzeḡsā n naafdā yvng la wīndga, sēn solg la sēn vēnege, b rāmb tara b keoor b soaba nengē la rabeem ka be ne bāmba, b pa sāmđ b sūuri.
275. Sēn rit-b Rībaagā, b pa yikđ b yaadē wā rēnda wala svtāan sēn lobg a soab gāeemse t'a lvtē la a yikđē. La bāmb yeelame: "ad koosmā yaa wala Rībaaga". La Wēnd kōo koosem sore la A gidg Rībaaga. La saglg sēn wa-a soab nengē sēn yi a Soabā nengē t'a base, rēnd sēn loogā a soo rē la a yellā bee ne Wēnde sēn na watā, la sēn le leb-a, bāmb rāmbā la bugmā koamba, bāmb yaa duumđb a pugē.
276. Wēnd halkda Rībaaga la A wubđ doosā, la Wēnd pa nong kufr fāa sēn yaa bæegđ ye.
277. Sēn kō-b sid la b tvm sōmā wā la b duum ne pvvsgā la b kō zakā b tara b keoor b Soabā nengē la rabeem ka ne-ba b pa sāmđ b sūy ye.
278. Yāmb neb nins sēn kō sīda! zoe-y Wēnde la y bas sēn ket nebā nengē sēn yaa Rībaagā ti yāmb sā n yaa sid-kōtba.

279. La yāmb sã n pa maane bi y koll zabre sēn yi Wēnd la A tēntvumã nengē, la yāmb sã n tuubi yāmb ligd-zutã yaa yāmb n so, yāmb pa wēgde b pa wēgd yāmba.
280. La yāmb sam-soabã sã n yaa keelem soaba bi y koll-b yol-yol sasa, la yāmb sã n kell n maan doaaga rē la sōma ne-yã ti y sã n miime.
281. La y yaēs raar ning b sēn na n lebs yāmb Wēnd nengē, ti b pids n yao yōor fãa a sēn tvme, la b pa na n wēg-ba.
282. Yaa yāmb sēn kō-b sīda, y sã n na peng taaba n tug wakat sēn yāk toaaga, bi y gvls-a, la gvlsd gvls yāmb svka ne tēeg-tirga, la gvlsd ra wa tōdg t'a pa na n gvls ye, bi a gvls wala Wēnd sēn sagl-a t'a gvlsã. La hake wã sēn zao a soab zugã togsdē la a zoe Wēnd sēn ya a Soabã la a ra boog bumb a pugē ye. La hake wã sēn zao-a soab zugã sã n yaa yalma maa a yaa valenga bi a pa tōe n togs ti b gvlse bi a nedã togs ne tēeg-tirga ti b gvlse. La y maan kaset ne raop a yiibu sēn yi yāmb pugē wã, la raop a yiib sã n ka beē, rēnd yaa rao a yembr la pagb a yiibu sēn ya yāmb sēn yaard-b rāmba kaset-maandbē wã, ti pagb a yiibã yembr sã n tudg bi yembrã tēeg-a. La kaset-maandbã ra tōdge ti b sã n bool-b ye. La y ra maan yam-yiisgu n pa gvls-a a paood maa a bedma n tvg a wakatã, ad rēnda n yud tēeg-tirg Wēnd nengē, n le yud ne tēeg-tirga kasetã kũunē, n le pē n yud ne y kōn maan sik ye, sã n pa mikame ti yaa koosem ti yaa vēenega n be ne yāmb ti yāmb gilgd-a ne taab svka, rēnd yell pa be ti yāmb sã n pa gvls-a ye. La y maand kaseto ti y sã n na n koos ne taaba. La b ra nams gvlsda, b ra nams seetã, la yāmb sã n maan rē a yaa wēn-kusg ne yāmba. La y zoe Wēnde, ti Wēnd na wīnig yāmba, la Wēnd yaa Mita ne bumbã fãa.
283. La yāmb sã n be so-toaka ti y pa paam gvlsda, rēnd yaa bumb la y na n gāneg-ne, la yāmb sã n maan taab bas-m-yam, bi b sēn maan-a soab bas-m-yamã kis boablã la a zoe Wēnde sēn ya a Soabã la y ra solg kasetã ye, la sēn solg-a, ad yē sūrã yaa zūnuub soab sūuri, la Wēnd yaa Mita ne yāmb sēn tvmdã.
284. Wēnd n so sēn be saasē la sēn be tēngē, la yāmb sã n vēnegd sēn be ne yāmbã maa y solgd-a Wēnd geenda yāmb ne-a, n yaafd A sēn tvll-a soaba la A sībgd A sēn tvll-a soaba. La Wēnd yaa Tōod ne bumb fãa.
285. Tēn-tvumã kōo sīda ne b sēn sik n kō-a sēn yi a Soabã nengē wã, la muumin dāmbã me kōo sīda, yenkam fãa kōo sīd ne Wēnd la A Malegsã la A Gaf-rāmbã la A Tēn-tvumbã. Tōnd pa welgd baa a

yembre A Tēn-tvumbã pvḡē ye, la b yeele: "d wum yã, d tũume, d kot-F yaafa. Lebeng-zĩig me yaa Fo nengē".

286. Wēnd pa rogend yōor rēnda a sēn tōe, a sēn tv̄m ti yaa sōma yaa a meng yĩnga, la a sēn tv̄m ti yaa wēnga be ne-a. D Soaba! ra yōk-do ti d sã n yĩm maa d tudgame ye. D Soaba! la F ra tv̄k-d zubo wala F sēn tv̄k sēn deng-b tōnd taorã ye. D Soab a Wēnde la F ra rogend do d sēn pa tar a tōog ye, la F yaaf-do la F bas ti loog d yĩnga la F yols-do, Foo la tōnd Lallda, b̄ F sōng-do k̄fr-dãmbã zugu.

3. Aalu`lmraan

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvvmdā.

1. Altʼ, Laam, Mum¹
2. Wēnde, soab sēn tūud n tulg ka be rēnda Yē, sēn yaa a vut-duumdg Soaba n yaa a yānes-m-toor Soaba
3. A sika Gafā fo zug ne sīda n sīdgd sēn deng a taorā la A sik Taoraatā la Ingiilā
4. Sēn deng taore ti yaa kāndgr ne nebā, la A sik Kvrāanā. Ad sēn kifl-b ne Wēnd Aay wā b tara namsg sēn yaa kegenga, la Wēnd yaa Winda n yaa Sībgda.
5. Ad Wēnde būmb pa solgd-A tēngā pugē pa saasē wā.
6. Yēnda n naand yāmb rog-wvvsē wā wala A sēn tulle, soab ka be sēn tulgde rēnda Yēnda sēn yaa a Wilb-naabā n ya a Bvvd-mitā.
7. Yēnda n sik Gafā fo zugu ti Ayar rāmb maana sēn yaa vēnega be a pugē, la yaa rē la gafā yēgrā, la a sānda maana pa vēneg ye, la kedgrā sēn be b rāmb sūyē wā, bāmb pvgdā gēdem-gēdmā, ti yaa yel baoobo la a welsgo ne bāmb yōe yamleoogo, la yaool n pa mi a vōorā rēnda Wēnde, la sēn taab tēka bāngr pugē wā yetame: " tōnd kōo sid ne-a, fāa yii tōnd Soabā nengē". La pa tagsd n getē rēnda yam-beel rāmba.
8. Tōnd Soaba ra kill d sūyā F sēn kāndg-d poor ye, la F kō tōnd yolsgo sēn yi Fo nengē, ad Foo la kōta.
9. Tōnd Soaba ad Foo la nebā tigimda n tvug raare sik sēn ka be a pugē, ad Wēnd pa viigd puleng ye.
10. Ad sēn kifl-bā bāmb arzgsā, la b koambā pa na n pōsg-ba n yi Wēnd baa fvī, la ad yaa bāmb rāmba la bugum ra-giisā.
11. B bilgr yaa wala a Firaon nebā la sēn deng-b bāmb taorā, b yagsa Tōnd Aaya-rāmbā ti Wēnd yōg-ba b zūnuubā poorē, la Wēnd sībgr yaa kegenga.

* Aalu`lmraan (A lmraan zakā rāmb svura).

[1] Wēnd n yud minim ne A sēn rat ne gvls-bi tōsdt-kāensā. La Gvls-bi tōsdt-kāensā, sēn be Svvr-kāensā baasgē wā, yaa sēn wilgd Alkvrāanā sēn komsd a gees-n-taasā, bala b geesa kuf-dāmbā ne Alkvrāanā, ti b kong n ka tōog n wa ne a buud ye, ti Alkvrāanā me -yaool n yaa sēn tui ne gombiis nins bāmb goamā sēn tuit ne wā, sēn yaa gvls-bi tōsdt bāmbā buudā, ti rēnda wilgd Laarab-rāmbā kongame n ka tōog n wa ne Alkvrāanā buud ye, n lagem ne bāmb n yud nebā ne zelem pekā, ti wilgdē ti Alkvrāanā a yaa sēn tvme ti yi Wēnd nengē.

12. Yeel sēn kɪfl-bā: " b na n wil-y lame, b na n tigim-y lame n tug Gəhannam, ad koglg-n-gāand zīg yɪ wēnga.
13. Sɪd la hakuka tags-n-gesg zīnda ne yāmba sul a yiib sēn sɛg taab pʊgē, sull sēn zabd Wēnd sorā pʊgē t'a to wā yaa kɪfre, Sɪd-kōtbā ne-b lame tɪ b yaa bāmb bilgr a yiibu nif gesg pʊgē, la Wēnd kengda ne A sōngrā A sēn tvll-a soaba, ad tags-n-gesga be rē pʊgē ne pʊ-tēer rāmba.
14. B nagsa nebā yīnga yam-leed nonglem sēn yaa pagb la kom-dibli la arzɛg kasenga sēn yaa sānem la wanzuri la wed-tūusds la rūmsi la koodo, rēnda la Dūni vumā wvm-noogā, la ad Wēnd tara A nengē lebeng zīg sēn be neere.
15. Yeele: " m kō yāmb kibare bumb sēn sāo yam-leed-kāensa? Ad sēn zoe-b Wēndā b tara b Soabā nengē arzān-rāmba ko-sood sēn zoet b tēngre tɪ b yaa duumdba a pʊgē la pagb sēn yulge n yi kiuug yāabo, la yard sēn yi Wēnd nengē, la ad Wēnd yaa Neta ne yemsā.
16. Neb nins sēn yete: " tōnd Soaba! Ad tōnd kōo sɪda, bɪ F yaaf tōnd d zūnuubā, la F gū tōnd ne bugmā nangā".
17. Sogr-maandbā la Sɪd-kōtbā, la Wēn-zoetbā, la kōtbā, la yaafa kotbā yibeoog pīnda.
18. Wēnd maana kaseto tɪ Soab sēn tūud n tilg kae rēnda Yē, tɪ Malek-rāmbā la bāngdbā maanda kaset t'A yasa ne tēeg-turga, Soab sēn tūud n tilg kae sā n pa Yē sēn yaa wilb naabā sēn yaa buvd mitā.
19. Ad Dīina Wēnd nengē yaa Lɪslaango, la b sēn kō-b rāmb Gafā pa yōs taaba rēnda bāngrā sēn wa b nengē poorē, tɪ yaa kedgre bāmb ne taab svka, la sēn kɪfl-a ne Wēnd Aaya-rāmbā, rēnd Wēnd geelg yaa tvulle.
20. La b sā n tak ne foom bɪ f yeele: " mam basa m meng ne Wēnde la sēn pʊgd-b maamā me yaa woto". La f yeel b sēn kō-b rāmb Gafā la zu-sabl-rāmbā: " Rē yīnga yāmb sak n tūume bɪ?" La b sā n sak n na n bas b mens n tū Wēnd sɪd-sɪda b kāndg yā, la b sā n daeege, rēnd sēn be ne foom yaa taasgo, la Wēnd yaa neta ne yemsā.
21. Ad sēn kɪfl-b ne Wēnd Aaya-rāmbā la b kvvd nabiyaam-rāmbā tɪ pa tū ne sɪdā la b kvvd sēn sagend-b ne tēeg-turg nebā pʊgē wā, bɪ f noog b sūuri ne namsg sēn zabde.
22. Bāmb rāmba tvvm la sēn lvi dūni la yaoolem raarā, b pa tar sōngd buud me.

23. Fo pa ne b sēn kō-b rāmb pūur Gafē wā, b boonda bāmb n tvgd Wēnd Gafē wā tı Gafā bu bāmb svka, rē poore ti sull raeeḡ bāmb pvgē ti bāmb yaa balldba.
24. La woto, bala bāmb yeelame: "Bugmā kōn sus tōnd lae-lae rēnd rasem-saare. Tı būmb ning bāmb sēn da yagsdā belg bāmb b Dīnā pvgē.
25. La na n yu wān-wāna tı Tōnd sā n tigim bāmb raar ning sik sēn kae a pvgē wā, ti b rol yōor fāa a sēn tume, ti bāmb yaa b sēn pa wēgd-b rāmba.
26. Yeele: " m Soab a Wēnde! naam Soaada, Fo kōta naamā F sēn tull-a soaba, la F reegd naamā F sēn tull-a soab nengē, la F zısgd F sēn tull-a soaba, la F faagd F sēn tull-a, sōmā wā bee Fo nugē, ad Fo yaa Tōod ne būmbā fāa.
27. Fo kēesda yungā Wīndg pvgē la F kēesd Wīndgā yungā pvgē, la F yiisd vıt kūumē la F yiisd kūum vıtē, la F rılgd F sēn dat-a soab ti pa tū ne geel ye.
28. Sıd-kōtbā ra rık sōm-zıtbā n maan lall-n-taase n bas sıd-kōtbā ye, la sēn maanda rē bı a bāng ti rē pa Wēnd yellā baa fvı sā n pa mikame ti yaa b wēng lılg yīnga, la Wēnd sōogda yāmb nug ti y gūus-A, la ad lebgrā zıḡē yaa Wēnd nengē.
29. Yeele : "yāmb sā n solgd sēn be yāmb yāadē wā maa y vēnegd-a Wēnd mi-a lame, la A mi sēn be saasē la tēngē, la Wēnd yaa Tōod ne būmb fāa.
30. Raar ning yōor fāa sēn na n mik a sēn tum ti yaa sōma fāa ti waame, la a sēn tum ti yaa wēng fāa; a nongē n datame ti yē ne a sukā zāag yuga, la ad Wēnd sōogda yāmb nug ti y gūus-A, la Wēnd yaa nimbāan-zoeta ne yembsā.
31. Yeel-ba: " sā n mikame ti yāmb nonga Wēnde bı y pvg maam ti Wēnd na n nong-y lame la A yaaf y beegrā, la Wēnd yaa gaafar maanda n yaa yolsda.
32. La y tū Wēnd la A tēn-tvumā, la b sā n raeeḡe ad Wēnd pa nong kifr-rāmbā ye.
33. Ad Wēnd tūusa a Adam la a Nuuh la a lbraahum zak-rāmba la a lmrāan zak-rāmba bōn-nāandsā zugu.
34. B yaa pend a yembre la Wēnd yaa Wvmda n yaa Mita.
35. Tēeg wakat ning a lmrāan pagā sēn yeele:" m Soaba, ad mam pvlma sēn be mam pvgē wā F yīnga n yıdg n yi yembd fāa ti sā n pa Foo, bı F reeg m yīnga, ad Foo la a Wvmda n ya a Mita".

36. La a sēn wa n dog-a wā a yeelame: "m Soaba! Ad mam rog-a lame ti yaa bi-pugla, la ad Wēnd n yud minim ne a sēn dogā, la ad rao pa wa pag ye, la ad mam pūd-a lame t'a Maryam la ad mam kota gūudum fo nengē, n kōt yē la a koambā, ti F gū-ba n yi a Svūtāana, b sēn zāag a soab ne yolsgā.
37. T'a Soabā reeg a yīnga; reegr sēn be neere n buls-a bulsg sēn be neere t'a Zakariya wub-a. A Zakariya sēn kē a nengē fāa Miihrē wā a mikda ruḃo, t'a yeele: " Maryam f yāa wā ye?" t'a yeele: " ad a yii Wēnd nengē, ad Wēnd rīlgda A sēn tvll-a soaba ti pa tū ne gēel ye".
38. Zī-kāng la a Zakariya bool a Soabā n yeele: "m Soaba! kō-maam koam-yulema sēn yi Fo nengē, ad Fo yaa kosg Wvmda".
39. Tı Malek-rāmbā bool-a n mik t'a ra yāsame n pūvsd Miisrē wā, n yeel-a ti Wēnd noogda f sūuri, ne a Yahya, ti b sidg-a ne Gomd sēn yi Wēnd nengē(a lisa), la a yaa zug-soaba n yaa yōk-m-meng soaba n yi pagb yamleogo, n yaa nabiyaam n be nin-sōmbsā pvgē.
40. A (Zakariya) yeele: "m Soaba! mam na n paama biig wān-wān ti kvvlem taa maam, ti mam pagā yaa kiri?" La A yeel yā: yaa woto la f Soabā maand A sēn date".
41. La a yeel yā: " m Soaba! kō-m tagmse". La A yeel yā: " fo tagemsā, yaa f ra tōog n gom ne nebā rasem a tāabo sā n pa teesgo". La f tēeg f Soabā yvvr wvsgo la f ylg-A zaabr la yibeogo.
42. La tēeg Malek-rāmbā sēn wa n yeel a Maryamā: " ad Wēnd tūusa foo la A ylg foo la A tūus foom n yus zāmaanā pagba.
43. Maryam! Tū f Soabā la f maan Suguud la Ruku n lagem ruku maandbā".
44. Wānde yaa sēn yi kibay-soondt wā ti d tvmsd-a fo nengē, la fo ra pa be b nengē b sēn wa n losd b moodā n baood ned-ning sēn na n wub a Maryamā; la fo ra pa be b nengē b sēn wa n takd taabā.
45. Tēeg wakat ning Malek-rāmbā sēn yeele:" Maryam! Ad Wēnd noogda fo sūur ne Gomd sēn yi A nengē, a yvvr la a Sus-ti-maage lisa a Maryam biiga, a yaa zug-soaba Dūni la yaoolem raare, a leb n yaa b sēn pēneg-b rāmb ne Wēnde".
46. La a gomda ne nebā, a peelmē la a kāsengē, a le bee nin-sōmsā pvgē.
47. La a yeelame: "m Soaba! M na n talla biig wān-wān ti yīng-soab pa sus maam? t'a yeele: "yaa woto bal la Wēnd maand A sēn rate, A sā n bv yelle, A yet-a lame t'a yi, t'a be yubē.
48. La A wīnigd-a gvlsgo la gom-minim laTaoraatā la Lingiilā.

49. La a yaa Tën-tvumã n tvg Israayel koamb nengê: "ti m waa yãmb nengê ne Yel-solemd sên yi yãmb Soabã nengê, ti mam naanda ne tãndo wala luiil yalê, ti mam fvus-a t'a yi liuul ne Wënd tōogo, la m pukd sên rog-a ne zondlem, la m tıpd toog rãmba, la m vuvgd kũ rãmba, ne Wënd tōogo, la m kõt-y kibar ne yãmb sên ritã la y sên bĩngd zagsê wã, ad tags-n-ges be rê pugê ti yãmb sã n yaa sıd-kõtba.
50. N yaa sıdgda ne sên deng mam taoore sên yaa Taoraat la m kō-y sore yel-sãnda sên da gidg ne yãmba, la m waa yãmb nengê ne yel-solemd sên yi yãmb Soabã nengê, bı y zoe Wēnde la y tũ maam.
51. Ad yaa Wënd la mam Soabã n leb n yaa yãmb Soabã, bı y tũ-A, ti woto la sor-turga".
52. La a lısa sên wa n bång kifendã bãmb nengê wã a yeelame: "ãnd n na n sōng maam ti m bool n tvg Wēnde?" La a pugdbã sên ya tursã yeel yã: " tōnd yaa Wënd sōngdba, d kōo sıd ne Wēnde bı f maan kaset ti tōnd yaa sak-n-tũ rãmba".
53. Tōnd Soaba; d kōo sıda ne Fo sên sikã la d pug Tën-tvumã; bı F gvls tōnd n lagem kaset maandbã".
54. La b rika rab-wēnga ti Wënd me na n rabse, la yaa Wënd la rabsdbã sên yud sōmblem.
55. Tēeg wakat ning Wënd sên yeel a lısa: " ad Mam na n gãda foo n zêk fo n tvg M nengê la M yulg foo n yi neb nins sên kifl-ba la M maan sên pugb foo wã sên kifl-ba zugu, n ti tãag Dũni yıkr raare, rê poore y lebeng zıig yaa Tōnd nengê ti M bu yãmb ne taab svk yãmb sên da yi n yōsd taab yel-nins pugê wã.
56. La sên kifl-bã M na n subg-b lame Dũni ka la Yaoolem raarã, b pa tar sōngd buud me.
57. La sên kō-b sıdã la b tum sōmã wã, A na n pıdsa b keobã n kō-ba, la Wënd pa nong Wēgdb ye.
58. Ad wãnde Tōnd sên togsd foo wã yaa Tagmas-rãmb sên yaa vëenega n le yaa tēegr sên manege (Alkuraana).
59. Ad a lısa bilgri Wënd nengê yaa wala a Aadama, A naan-a lame ne tom, rê poorê t'A yeel-a:" yı!". T'a be yubê
60. Sıdã la wãnde sên yi fo Soabã nengê, bı f ra yı sik-soab ye.
61. La sên tak-a foom a pugê, bångrã sên wa fo nengê poorê, bı f yeele: "wa-y ti d bool tōnd koambã la yãmb koambã, la tōnd pagbã la yãmb pagbã, la tōnd mensã la yãmb mensã, rê poorê ti d kãab taaba n doglg Wënd Kãab-beedã zirê-be-rãmbã zugu".

62. Ad wānde la togsg sēn yaa sīda, la Soab buud pa be rēnda Wēnde, la ad Wēnde Yēnda la a Winda n yaa a Bvvd-mita.
63. La b sã n daεεge, rēnd Wēnd yaa Mita ne Sāamdbã.
64. Yeele:" yaa yāmb Gafã rāmba! Wa-y ti d tug gomd sēn yaa turga tōnd ne taab soka, ti d ra wa tū rēnda Wēnde, la d ra maan Lag-m-taare ne-A baa fvi, la d ra rik taab n maan soab-rāmba zēng ti pa yi Wēnd ye". La bāmb sã n raεεge bī f yeel-ba:" maan-y kaseto ti tōnd yaa Lislaamba".
65. Yaa yāmb Gafã rāmba! Yaa bōe ti yāmb takd a [braahum yellã pugē ti Taoraatã la [ngiilã yaool n pa sig rēnda a loogr poorē, yāmb pa tar yam la?
66. Ad yāmba, y maana tak-n-taar yāmb sēn tar bāngr ne būmb ningã, la yaa bōe ti y maan tak-n-taare yāmb sēn pa tar bāngr ne būmb ninga? La Wēnd miime la yāmb pa mi ye.
67. A [braahum pa yi n yaa Yahvuda a pa Nasaara, la a yu Wēn-yemd n yaa sak-n-tū soaba, la a pa yi n yaa Lagm-n-taar soab ye.
68. Ad neb sēn sōmb ne a [braahum yaa rāmb sēn pug-a wã, la Nabiyaam-kāngã la sēn kō-b sīdã, la Wēnd yaa sīd-kōtbã Lallda.
69. Sull sēn yi Gafã rāmbē nong n datame n na n menemes yāmba, la b pa menesd rēnda b mense, la b pa ningd b yamē ye.
70. Yaa yāmb Gafã rāmba! Yaa bōe ti y ktfend ne Wēnd Aaya wã, ti yāmb yaool n yaa sēn maan kaset t'a yaa sīda?
71. Yaa yāmb Gafã rāmba! yaa bōe ti yāmb gēdgd sīdã ne zīri, n solgd sīdã ti yāmb yaool n miē.
72. La Sull sēn yi Gafã rāmbē yeelame: "kō-y sīda ne būmb ning sēn sig sīd-kōtbã zugã wīndg sungrē la y kīfl ne-a (wīndgã) a baasgē wã sānd-sānde b na lebge n bas b dīina yāmb yīibã sēn kēesd-b sik sabab".
73. La y ra kō sīda sã n pa sēn tū yāmb Dīinã, yeele: "Ad kāndgrã yaa Wēnd Kāndgre". Tī b kōo neda wala b sēn kō yāmbã; maa b na n luba yāmba y soabã nengē, rē yεεsg yīnga. yeel-ba: " ad yudlemã bee Wēnd nugē, t'A kōt A sēn tull-a soaba, la Wēnd yaa Yalgda n yaa Mita.
74. A welgda ne A Yolsgã A sēn tull-a soaba, la Wēnd yaa kūun-zisg soaba.
75. La be Gafã rāmbē neba, ti fo sã n bobl-a arzεg kēenga a lebsd-a-la foom, la be b pugē ti fo sã n n bobl-a wakire a pa lebsd-a sã n pa f yānesa ne-a, bala bāmb yeelame: " ad yell pa be tōnd zug zu-sablã

- arzegsā rub pugē ye". La b yeta zīrē-n-beed n dogend Wēnde la b yaool n miē b zīrē-n-beedā
76. Yaa Sīda, yellā pa wala bāmb sēn yeta ye, la sēn pids-a puleng la a zoe Wēnde, rēnd Wēnd nonga wēn-zoetbā.
77. Ad sēn tekd-b Wēnd pulengā la b koosd-b ne ligd bilfu, bāmb rāmbā b pa tar pūr Yaoolem raarā ye, la Wēnd kōn gom ne-b ye, A pa na n ges-b Dūni-yikr raar ye, A pa na n yulg-b ye, b tara namsg sēn zabde.
78. La ad zāma n be b pugē n wēnd Gafā ne b zilmā wā ti yāmb na tē-a ti bee Gafē wā, la a yaool n pa be Gafē wā ye, la b yetē:" a yii Wēnd nengē" la a yaool n pa yi Wēnd nengē ye, la b yeta zīrē-n-beedo n dogend Wēnde la b miē.
79. Pa sōmb ne yīng soaba ti Wēnd kō-a Gafō, la Bvudo, la Nabiyaamdem, rē poorē t'a yeel nebā: "yī-y yembs n tū maam la y bas Wēnde". la a yet-b lame: "yī-y bāngdba sēn yaa tvmdba la wubdba ne b sēn ra wīngd yāmb Gafā la y sēn ra karemdā".
80. La a pa sagend yāmb ti y rik Malek-rāmbā la Nabiyaam-rāmbā n maan soab-rāmb ye, a na n sagla yāmb ne kufendo? yāmb sēn yaa Līslaam poorē?
81. La tēeg wakat ning Wēnd sēn deeg Nabiyaam-rāmbā pulengo, n yeel-ba: "M sā n kō yāmb Gafō la Bvudo, rē poorē ti Tēn-tvum wa yāmb nengē, n sīgd sēn be ne yāmbā, yāmb na n kōo sīda ne-a? y na sōng-a?" La A yeele: " yāmb reega y zugē la y sak Mam Pulengā?" La b yeel yā: " d sakame". t'A (Wēnd) yeele: " bī y maan kaseto ti Mam me lagma yāmb n maand Kaseto".
82. La neb nins sēn daeeg-b Al-kaool kānga poorē, ad bāmb rāmb la Dīin-yitbā.
83. Rē yīnga; zēng sēn pa Wēnd Dīinā la b baooda; ti sēn be saasē la tēng zug fāa basa b mens n pug-A ne sak-n-tū la tilae, b lebeng zīig me yaa A nengē.
84. Yeele: "d kōo sīd ne Wēnd la sēn sik n kō tōndā la sēn sik n kō a [braahumā, la a [smaayulā, la [shaakā, la aYaakubā, la Yagensā, la b sēn kō a Muusa, la a [īsa, la Nabiyaam-rāmbā sēn yi b Soabā nengā wā; tōnd pa welgd ba a yembr b pugē ye, tōnd me yaa sak-n-tū rāmb ne-A.
85. La sēn baood-a dīin zēng sēn pa yī ne Līslaongā, b pa na n tol n reeg a yīng ye, la yēnda, Yaoolem raarā, a yaa bōn-soaba.

86. Wënd na n kândga neb wân-wâna, neb sën kɪfl b lumaoong(sɪd-kūun) poorē, la b maan kaset ti tēn-tvumā yaa sɪda, ti vēnem wa bāmb nengē? La Wënd ka kândgd neb sën yaa wēgdb ye.
87. Bāmb rāmbā rolbo, yaa ti Wënd kāab-beed n be ne-ba, la Malek-rāmbā, la nebā fāa gill kāab-beedo.
88. Tɪ b yaa ruumdb a pugē, b pa na n yols nāngā b zug ye, b pa na n ges-ba.
89. Rënd neb nins sën tuub woto poorē, rē poorē ti b maneg b tvumā. Ad Wënd yaa yaafg naab n yaa yolsg naaba.
90. Nins sën kɪfl b sɪd-kūunā poorē, rē poorē ti b paas kɪflgo, b kōn tol n reeg b tuubgā ye, la ad yaa bāmb la menembā.
91. Ad sën kɪfl-bā n kell n ki ti bāmb yaa kɪfr-rāmbā, b kōn tol n reeg bāmb yembr kām fāa nengē, sānem sën pid tēngā bac t'a sā n yao-a n na n fāag a menga, bāmb rāmbā tara namsg sën zabde, b pa tar sōngd me.
92. Yāmb kōn tol n paam manegr yel-sōmde, hal ti y wa yāk yāmb sën nong-a n nafe, la yāmb sën yāk n naf ne būmb ning fāa, ad Wënd mi-a lame.
93. Rɪ-yilmā fāa rag n yaa halaal ne [sraayel koambā, sā n pa a [sraayel sën gidg ne a menga, taor ti b na n ka sik Taoraatā, la pa wa Yahvud-rāmbā sën yagd ti harangā ra bee Taoraatā pugē wā ye. Yeel-ba: " bi y wa ne Taoraatā n karem-a ti y sā n yaa sɪd-rāmba"
94. La sën yag-a zīri n rogl Wënd rē poorē, rënd bāmb rāmbā la wēgdbā.
95. Yeele " ti Wënd togsa sɪda, bi y tū a [braahum sorā, sën tēeg turga n tvg Wēn-yembgā, la a pa yi lagem-n-taar soab ye.
96. Ad rāeenem roog b sën ning nebā yīnga, yaa sën be-a Bakatā (Makā), ti bark be be, n leb n yaa kândgr ne bōn-naandsā.
97. Tagmas sën yaa vēneg n be be, a [braahum na-tagdrā, ned ning sën kē-a be, a tara basem-m-yam, la roga nebā ti b kaag Roogā Wënd yīnga, sën paam-a sor n na n tvg be, la sën maan-a sōmb-zulem, rënd Wënd yaa sek-m-meng soab n yi bōn-naandsā.
98. Yeele: "Gafā rāmba! yaa bōe ti y kɪfl ne Wënd Aaya-rāmbā ti Wënd yaool n maan kaset ne yāmb sën tvmdā.
99. Yeele: "Gafā rāmba! yaa bōe ti yāmb gut Wënd sorā, neb nins sën kō sɪdā, ti yāmb baood n na n goalem-a, ti yāmb yaool n maan kaset t'a yaa sɪda, la ad Wënd ka yam yaal-yaal soab ne yāmb sën tvmdā ye".
100. Yāb a sɪd-kōtbā, yāmb sā n tū neb nins b sën kō Gafā, b lebsda yāmba y sɪd-kūunā poorē ti y yaa kɪfr-rāmba.

101. La yaa wān-wān ti yāmb kifldē, ti Wēnd Aayayā karemd yāmb zugu, t'A tēn-tvumā be yāmb pvgē, la sēn gād-a Wēnd sorā, sūd-sūda, A kāndgd-a lame n tvg sor sēn yaa turga.
102. Yaa yāmb neb nins sēn kō sūd ne Wēnde! zoe-y Wēnde, A zoees tekē, la y ra wa ki, rēndame ti y yaa sak-n-tū rāmba;
103. La y gād Wēnd Wīrā, y gilli la y ra weel taab ye, la y tēeg Wēnd neemā wā yāmb zugu, yāmb sēn rag n tar beem t'A minmis yāmb sūyā ne taaba, ti y lebg n yaa ma-biisi, A neema(Lūsilaanā) wā sababo, la yāmb rag n be bugum bok kurenga t'A tlg yāmb n yi a pvgē, yaa woto la A vēnegd A Aayayā n wīngd yāmba, sānd-sānde y na kānde.
104. La zāmā zīnd yāmb pvgē n boond n tvgd sōma la b sagend ne manegre la b gidgd sēn kisi, la bāmb la pōsdbā.
105. La y ra yī wala sēn wels-b taaba n yōs taab vēnemā sēn wa b nengē poorē, la bāmb-rāmbā b tara namsg sēn yaa bedre.
106. Raar ning nens sēn pelgde ti nens sobgdē, la sā n yaa nens sēn sobg-b rāmbā: yāmb kifla y sūd-kūun poorē, bī y lemb naongā yāmb sēn ra yī n kifendē wā yīnga.
107. La sā n yaa nems señ pelg-bā, bāmb bee Wēnd yolsgā pvgē, bāmb yaa ruumb a pvgē.
108. Wā yaa Wēnd Aaya-rāmb ti D karemd-a fo zugu ne sūda, la Wēnd pa rat wēgd ne A yemsā ye.
109. La Wēnd n so sēn be saasē la tēngē, la yaa Wēnd nengē la yelā lebda.
110. Yāmb yaa zāma sēn yud sōmblem ti b yiis-b nebā yīnga, yāmb sagenda ne manegre la y gidgd sēn kisi, la y kōt sūd ne Wēnde. La lak Gafā rāmb sā n da kō sūda, rag n na yī sōma ne-ba, sūd kōtb n be b pvgē la b wvsgā fāa yaa Dīīn-yitba.
111. B ka na n tōog n names yāmb rēnda goam bala, la b sā n zab ne yāmba b na n gōda kudgu, rē poore b kōn paam sōngr ye.
112. B bui-b lame ne yaalgo b sēn mikē-b zūig ning fāa; sā n pa bas-yam pvleng sēn yī Wēnd nengē la sēn yī nebā nengē. Tī b baas ne gēeg sēn yit Wēnd nengē, ti nimbāaneg bui bāmba. La sēn paam-bā yaa bāmb sēn ra yī n kifend ne Wēnd Aaya wā, la b kuvd nabiyaam-rāmbā ti pa tū ne sūdā, yaa b sēn kusā la b ra zvvgd todsā.
113. La b pa yembr ye, be Gafā rāmbē zāma sēn yās n karemd Wēnd Aaya wā yvng wakat rāmbē ti b yaa sēn pvvsde.

114. B kōta sid ne Wēnde la Yaoolem raarā la b sagend ne manegr la b gidgd sēn kisi la b rengd taab yel-sōma pvgē, la bāmb lagma nin-sōmsā.
115. La b sēn tum ti be neer fāa b kōn mong-b a yel-sōmd ye, la Wēnd yaa mita ne wēn-zoetbā.
116. Ad sēn kifl-bā bāmb arzēgsā pa na n pōsg-ba, b koamb pa na n pōsg-ba n yi Wēnd baa fvi, la ad yaa bāmb rāmb la bugum koambā, b yaa ruumdb a pvgē.
117. Bāmb sēn yākd n naf dūni-kāngā pvgē wā yaa wala sebgo wao-kegeng sēn be a pvgē, t'a ta neb sēn wēg b mens pvgē n halk-a. La ad Wēnd pa wēg-b ye, la ad yaa bāmb n wēg b mense.
118. Yaa yāmb a sid-kōtba! ra n tall-y non-n-taase sēn pa sid-kōtb ye, b pa tekd yambē neb b na nams yāmb ye, sida ad beemā vēnega b noyē wā la b sūyā sēn solgdā n yude, sid la haakukā Tōnd vēnega Aaya wā n wīnig yāmb, ti sānd-sānde y na tall yam.
119. Ad yāmb nong-b lame ti b yaool n pa nong yāmb ye, la y kōt sid ne Gafā fāa la b sā n seg yāmb b yetame:" tōnd kōo sida". La b sā n lak keeng la b sēn dūmd b nusā yāmb ksig yīnga, sū-puur keelem, yeele: "ki-y ne y sū-puurā ad Wēnd mii sēn be sūy pvgē".
120. Neer sā n paam yāmb pa noom-b ye, la wēng sā n paam yāmb b kidemda ne rē, la y sā n maan sugr la y zoe Wēnde, b rabsgā pa namsd yāmb fvi, ad Wēnd saa ne bāmb sēn tumdā.
121. La tēeg wakat ning fo sēn sād n yi f zakē wā n teesd sid-kōtbā b yānesg zīis zabrē wā, la Wēnd yaa wvmda n yaa mita.
122. Sull a yiib sēn yi yāmb pvgē sēn pēneg n na n kongē la Wēnd la b yiibā lalda, bī sid-kōtb boblg b mens ne Wēnde.
123. La sid la haakuka Wēnd sōnga yāmb Badr ti yāmb rag n yaa valemse, bī y zoe Wēnde sānd-sānde yāmb na pvvs barka.
124. Wakat ning fo sēn ra yet sid-kōtbā:" pa sek-yā ti y Soabā sōng-y ne Malek-rāmb tus a tāab ti b yaa sēn sigdi?"
125. Yaa sida, y sā n maan sugri la y zoe Wēnd ti b wat yāmb nengē tao-tao yāmb Soabā na n sōng-y lam ne Malek-rāmb tus a nu sēn tar tagemse.
126. La Wēnd pa maan rē rēndame ti yaa sū-noogr ne yāmb la sēn na yl ti y sūyā yōgneg ne-a, la ad sōngr pa yi rēndame ti yaa sēn yi Wēnd nengē sēn yaa wilb naaba n yaa bvd mita.
127. Sēn na halk sull sēn yi kifr-rāmbē wā, la puug b sūurā ti b wa baas n yaa bōn-rāmba.

128. Fo pa so yellā baa a yembr ye, A sã n reeg b tuubgu maa A stbg-ba, b yaa wēgdba.
129. La Wënd n so sēn be saasē la sēn be tēngē, A yaafda A sēn tull-a soaba, la A stbgd A sēn tull-a soaba, la Wënd yaa Yaafd n yaa Yolsda.
130. Yaa yāmb a sūd-kōtba, ra rı-y Ribaagã n kãasd n fãood ye, la y zoe Wënd sãnd-sãnde y na paam pōsga.
131. La y zoe bugum ninga b sēn seglg křr-rãmb yingã.
132. La y tũ Wēnde la Tēn-tvumã sãnd-sãnde b na yols-yã.
133. La y yãg n tvg yaafa sēn yi yāmb Soabē wã, la arzãn yalem sēn yaa wala saagã ne tēngã, ti b seglg-a Wënd zoetbã yīngã.
134. Neb nins sēn yãkd n nafdē noog la toog wakatã, la sēn vend-b sũ-puuri la sēn yaafd-b n bas nebã. La Wënd nonga Manegdbã
135. La neb nins ti b sã n tvum wēnga maa b wēga b mense, b tēegda Wënd yelle n kos b zũnuubã yaafa, la yaa ãnd n yaafd zũnuub zēng sēn pa Wēnde? La b pa nadgd ne b sēn tvum-a la b mi t'a yaa yook ye
136. Bãmb rãmb rolbã yaa yaafgo sēn yi b Soabã nengē la arzãn rãmb ko-sood sēn zoet a tēngr ti b yaa duumdb a pugē. La tvumdb rolb be neere!
137. Ad na-kēndr ra renga yāmb taoore bı y gilg tēngã poor zugu n gese yagsdbã baasg sēn yı to-to
138. Wãnde yaa vēnegr ne nebã la kãndgre la saglga ne Wënd-zoetbã.
139. La y ra valems ye, la y ra sãam y sũur ye, ti yāmb la windbã ti y sã n yaa sūd-kōtba
140. Sãmpogr sã n paam yãmba, rēnd sãmpogr sēn wōnd rēnda paama neb a taabã, la rase-m-rãmbã yaa woto bala ti D teet-b nebã ne taab sũka, bvl yīng ti Wënd na maan ti b bãng sēn kō-b sūdã la A tũus sēn na n paamb n ki zabrē wã yāmb pugē, la Wënd pa nong Wēgdb ye.
141. La sēn na yulg sēn kō sūdã rãmb zunuubã, la b halk křr-rãmbã.
142. Bı yāmb tēedame ti y na n kēe arzãnã, taoor ti Wënd pa vēneg sēn nidg-b pãngã la A vēneg sug-maandbã.
143. La hakukã, yāmb ra yume n rat kũumã dīinã poorē, taoor ti y na n pa seg-a ye. La y yã-a lame, ti yāmb yaa sēn get-a.
144. La a Mohammad pa yı, rēndame ti yaa tēn-tvuma, tēn-tvums n reng a taoore. A sã n ki, maa b kv-a lame, yāmb na n tarame n leb poorē? La sēn tar-a n leb poorē, a kōn tol n nams Wënd baa fvı. La Wënd na n rola bark-pvvsdbã neere.

145. La yōor ka yī n ki, rēndame tī yaa ne Wēnd buvdo, yaa wakat sēn yāk toaaga. La sēn rat-a dūni keoore, D kōt-a lame, la sēn rat-a Yaoolem Raarā keoore, D kōt-a lame, la D na n rola bark-puvdsbā.
146. La sōor waoog nabiyaam-rāmb pugdb wvsg sēn lagem n zabe, la b pa valemse, būmb ning sēn paam-ba Wēnd Sorā pugē wā yīng ye, b pa maan rabeemdo, b pa yaale. La ad Wēnd nonga sugr-rāmba.
147. La b koεeg pa yī, rēnda b sēn yeele: "Tōnd Soab a Wēnde! Yaaf tōnd d beegrā la d maan-n-zvukā d yellā pugē, la sōng tōnd kifr-rāmbā zugu.
148. Tī Wēnd kō bāmb Dūni keoore la Yaoolem rol-sōngo, la ad Wēnd nonga manegdbā.
149. Yaa yāmb a sid-kōtbā! yāmb sā n tū sēn kīfl-bā, b lebsda yāmb y poorē wā, tī yāmb wa baas n yaa bōn-rāmba.
150. La ad Wēnd la yāmb lalda, la Yē la sōngdbā sēn yud sōmblem.
151. D na n loba pelen-yīk sēn kīfl-bā sūyē, b sēn maan lagem-n-taar ne Wēndā yīngā, Wēnd sēn pa sik tagmas būmb ning zugā, la b gāag zīig yaa bugmē, la ad wēgdb gāag zīig yī wēnga.
152. Sid la hakuka, Wēnd sidga yāmb A pulengā (Uhd raarā), wakat ning yāmb sēn wa n kuvd-ba ne A tōogā, halī tī yāmb sā n wa konge, n maan tak-n-taar yellā pugē la y kus nabyaamā sagllā, A sēn wīnig yāmb y sēn nong būmb ningā poorē (beebā tōogre), be yāmb pugē sēn rat Dūni, la be yāmb pugē sēn rat Yaoolmā. Rē poorē t'A wēnes yāmb n yi-ba, n na n zarb yāmb n gese. La sid la hakuka A basame tī loog yāmb yīngā. La Wēnd yaa kō-bedr Soab ne sid-kōtbā.
153. Yāmb sēn wa n ruvgdē, n pa wēneg n ges baa a yembr ye, tī tēn-tvumā boond yāmba tī lebg-y n wa-y, n be yāmb poorē baasg-baasgē wā, t'A rol yāmb tī yur ne yugr paam yāmba, sēn na yīl tī y ra sāam y sūur ne sēn pōs yāmbā, maā sēn paam yāmbā ye. La Wēnd yaa mita ne yāmb sēn tvmdā.
154. Rē poorē t'A sik yāmb zugu, yugrā poorē bas-m-yam, tī sūsugū buiid zamā yāmb pugē, la zāmā n be be tī yaa b mensā yell n pak-ba, b tēeda tē-yood ne Wēnde, tēeb sēn pa sīda, zulem tēebo. B yetame: " rē yīngā tōnd tara d sēn na maaneg yellā pugē sīdā?". Yeele: " yellā fāa yaa Wēnd n so". B solgda b mensē wā b sēn pa vēnegd lae. B yetame: " la tī tōnd sā n da tara d sēn na maaneg yellā pugē, b kōon n kuvē tōnd ka ye. Yeele: " la tī yāmb sā n da beē-la y zagsē wā, b sēn bu kuvb b rāmb zugā rag n na yī n kēng b gāaneg zīigē, la bul yīng tī

Wënd zarb sën be yāmb sūyē wā, la A pēeg sën be yāmb sūyē wā".
La Wënd yaa mit ne sën be sūyē wā.

155. Ad sën gūd-b zān-kuids yāmb pūgē wā, zām a yiibā sën yek taab raarā, ad yaa a Svūtāan n salg bāmba, b tvvmā sāndā yīnga. La ad Wënd basame ti loog b yīnga, la ad Wënd yaa Yaafda n yaa sugr Soaba.
156. Yaa yāmb neb nins sën kō sūd ne Wēnde! Ra yī-y wala sën kufl-ba la b yeel b ma-biisi, ti b sā n tud gōob tēngā pūgē, maa b yii zabre: "la ti bāmb sā n rag n beē ne tōndo, b kōon n kiē, b kōon n kvē-ba". Tū Wënd na n maan rēnd-a ti yaa nimsa bāmb sūyē wā. La Wënd n vumsde la A kvvda, la Wënd yaa net ne yāmb sën tvmdā.
157. La b sā n kv yāmb Wënd Sorā pūgē, maa yāmb kiime, ad yaafa sën yi Wënd nengē la yolsgo n na n paam yāmba, rē sōmblem n yud bāmb sën tigimdā.
158. La yāmb sā n ki maa b kvv yāmb ad yaa Wënd nengē la b na n tigs-yā
159. La ad yaa yolsg sën yi Wënd nengē la fo sën yaa bug-bug ne-bā, la ad fo sā n rag n yaa toaaga n yaa sū-kegeng-soaba b naan n sēeg n yi fo kurenga, bi f bas ti loog b yīnga la f kos yaafg b yīnga la f maan saawar ne-ba yellā pūgē, la f sā n loe n wāage bi f bobl f meng ne Wēnde la f maane, Ad Wënd nonga bobl-m-mens rāmba.
160. Ad Wënd sā n sōng yāmba wind pa be ne yāmb ye, la A sā n bas yāmb yaa ānd n na n sōng yāmb t'A sā n yāk A toaaga? La kō-sūd-rāmb bobl b mens ne Wēnde.
161. La pa sōmb ne Nabiyaam t'a zāmb ye, la sën zāmb-a, a wata ne a sën zāmbā Dūni-yikr raarā, rē poore ti b pids yōor fāa a sën tvme n kō-a, ti b pa wēgd-b ye.
162. Rē yīnga sën tū-a Wënd yardā makda ne sën baasa ne gēeg sën yi Wënd nengē, t'A gāag zīg me yaa Gehannam? la a baasg yī wēnga.
163. B yuda taab Wënd nengē, la Wënd yaa neta ne b sën tvmdā.
164. Sūd-sūda Wënd maana neer n kō sūd-kōtbā ne A sën tvms Tēn-tvum b pūgē sën yi bāmb pūgē wā, t'a karemd n wīnigd-b A Aayar-rāmbā la a ytlgd-ba, la a wīnigd-b Gafā la yam-bedre, la b ra yume, sën da looge, n be meneng sën yaa vēenegē.
165. Rē yīnga, yell sën wa n paam yāmba ti yāmb yaool n paams a buud a yiibu, la yāmb sën yete:" yaa wān ti yaa woto?" Yeele: " a yii yāmb mensē wā, ad Wënd yaa Tōod ne būmb a fāa".

166. La sēn paam yāmb sul a yiibā sēn yek taab raarā ad yaa ne Wēnd tōgo, la yaa sēn na bāng sid-kōtbā.
167. La sēn na bāng munaafigsā, b sēn da yeel-b rāmba:" wa-y n zab Wēnd sorā pugē maa y teege". La b sēn yeele: "ad tōnd sā n ra miē zabre d rag n na pugē yāmba" Ad bāmb ra-kāng raarā bāmba sēn pē ne Kifendā n yud ne sid kūuni, b yeta ne b noyā sēn pa be b sūyē wā ye, la ad Wēnd n yud minim ne bāmb sēn solgdā.
168. Sēn yeele-b rog-pētb nins poglg Uhd raarā ti bāmb yaa sēn pa yiri: "la ti b sā n ra tū tōnd noorā n pa yiē, b kōon n kvē-b ye, yeele: "bī y tus kūumā n yi y mensā ti y sā n yaa sid rāmba".
169. Ra tē ti b sēn kv-b rāmb Wēnd sorā poorē wā ti b yaa kiidb ye, ad yaa vitba ti b rilgd-b b Soabā nengē.
170. Tī b yaa sēn kidemd ne būmb ning Wēnd sēn kō-ba, sēn yaa yudlmā, la b noogd-b sūur ne sēn ket-b poorē wā:" ti rabeem ka be ne bāmba, b pa na n sām b sūuri".
171. B noogda b sūur ne neema sēn yi Wēnd nengē la kūuni, la Wēnd pa yeebd sid-kōtbā keoor ye.
172. Sēn sak-b Wēnd la Tēn-tvmā sānpog sēn paam bāmb poorē, sēn maneg-b la b zoe Wēndā bāmb pugē wā, b tara keoor sēn yaa bedre.
173. Neb nins nebā sēn yeel-ba: "ad nebā tigma taab yāmb yīnga, bī y yeēs-ba". Tī rē paas bāmb sid-kūuni la b yeele: "ad Wēnd seka tōndo, Yē la boablg-zīg sēn yud neere.
174. Tī b lebg ne neema sēn yi Wēnd nengē la kūuni, wēng pa sus-b ye, la b pug Wēnd yardā, la Wēnd yaa kūun-bedr Soaba.
175. Ad yeēs-kāng yaa Sutāan t'a bugsd ne a lall-n-taasā, bī y ra yeēs-b ye, la y yeēs Maam ti y sā n yaa sid-kōtba.
176. La sēn yāgd-b n kēed kifendē wā ra sām fo sūur ye, ad b pa na n tol n nams Wēnd fvi, Wēnd ratame n ra ning b pvur Yaoolem raarā ye, la b tara nang sēn zise.
177. Ad neb nins sēn tek sid-kūunā ne kifendā, b kōn nams Wēnd lae, b tara namsg sēn zabde.
178. La sēn kifl-bā ra tēed ti Tōnd sēn yaoond-bā yaa sōma ne bāmb ye, ad Tōnd yaood-b lame ti b na paas beegre, la b tara namsg sēn yaa faagdga.
179. Wēnd pa na n bas sid-kōtbā yāmb sēn be yel ninsā wā zugu, rēndame t'A bak yookā ne sōngā, la Wēnd pa yi n na n puk yel-soondi wā n wilg yāmb ye, la ad Wēnd tūusda A tēn-tvumbā pugē a sēn tull-a

soaba, bɪ y kō sid ne Wēnde la A tēn-tvumbā, la yāmb sã n kō sida la y zoe Wēnde, yāmb tara keoor sēn yaa zisgo.

180. La sēn maand-b beed ne būmb ning Wēnd sēn kō-bā sēn yaa A yudlemā, ra tēed ti rē la sōma ne bāmb ye, pa boto ye, a yaa wēng ne-ba, b na n bob-b lame b sēn maan beed ne būmb ningā dūni yikr raare, la ad Wēnd n so saas la tēng faado, la Wēnd yaa minim tēng-n-biiga ne bāmb sēn tvmdā.
181. Sid la hakuka Wēnd wuma b rāmb nins koeese sēn yeele:" ad Wēnd yaa talg ti tōnd yaa rakāagba". D na n gulsa b sēn yeel būmb ningā, la b sēn kvvd nabiyaam-rāmbā ti pa tū ne sorā, la D yeel-ba:" lemb-y nang-yōogdgā".
182. Woto yaa yāmb nus sēn tvm ti reng taoore, la ad Wēnd pa wēgd A yembsā ye.
183. Neb nins sēn yeele:" ti Wēnd sagla tōnd ti d ra kō sid ne tēn-tvumbā, rēndam t'a wa ne Sāra ti bugum wa rɪ-a". Yeele: "ad tēn-tvumb waa yāmb nengē taoor ti mam pa wa, ne vēenese la ne yāmb sēn yeelā, la yaa bōe ti yāmb kv-b ti y sã n yaa sid rāmba?"
184. La b sã n yags foo ad b yagsa tēn-tvumb sēn reng fo taoore, b waa ne vēenese la Gaf-rāmba la gaf sēn yaa vēenega.
185. Yōor fāa na n lemba kūum la ad b na n pidsa y keoorā dūni yikr raare, la b sēn zāag-a soab ne bugmā n kēes arzāna, a pōs yā, la dūni vumā pa yɪ rēnda belg-m-meng wum-noogo.
186. B na n zarba yāmb y arzeksē wā la y mensē wā la y na n wuma b sēn kō-b rāmb gafā nengē la lag-m-taarā rāmb nengē namsg wvsgo, la y sã n maan sugri la y zoe Wēnde, ad rēnda bee sēb-svk yelā pvḡē.
187. La tēeg wakat ning Wēnd sēn deeg b sēn kō-b rāmb gafā pvlongo: "y na n vēneg-a lame ne nebā! y kōn solg-a ye". Tɪ b lobg-a b poyā poorē n koos-a ne ligd sēn yaa kɪdga, la ad b sēn tekd yɪ wēnga.
188. Ra n tē-y neb nins sēn kɪdemd ne b sēn maanā la b nongē ti b pēg-b ne b sēn pa maanā, bɪ y ra tē-b ti woto yaa pōsgr n yi nanga ye, la b tara nang sēn zabde.
189. La Wēnd n so saas la tēng naam, la ad Wēnd yaa tōod ne būmbā fāa.
190. Ad be saas la tēng naaneg pvḡē la yvngā ne Wīndgā led-taabā pvḡē yel-soalem ne yam-beel rāmba.
191. Sēn tēegd-b Wēnd yvvrā b yāsgē, la b zīgē la b killgē; la b tagsd saasā la tēngā naaneg pvḡē, n yetē: " tōnd Soabā Fo pa naan wā zaalem ye, bɪ F gū-d n yi bugmā namsgā.

192. D Soaba! ad Fo sēn kēes a soab bugmā ad F ning-a yānde, la ad wēgdbā pa tar sōngd ye.
193. Tōnd Soabā! Ad tōnd wuma boaand sēn boond n tvugd sūd-kūuni: " tū y kō sūd ne y Soabā". Tū tōnd kō sūda. "D Soaba! bī F bas tū loog d yīnga d beegrā la F lud d yīnga d tvum-wēnsā, la F reeg tōnd yōyā tū d yaa nin-sōma".
194. Tōnd Soabā! La F kō tōnd F sēn pvlem tōndā sēn tū ne F tēn-tvumbā zelmā la F ra ning tōnd yānde Dūni yikr rarā ye, ad Fo pa viigd pvleug ye.
195. Tū b Soabā reeg b kosgā:" tū Mam pa yeebd tvvumd soab tvvumde, sēn yi yāmb pvgē, zem tū yaa rao maa paga, yāmb la taaba y bvvdā yaa a yembre. Rēnd sēn yik-b ne b Dīnā tū b yiis-ba b zaksē wā la b nams-b Mam sorā pvgē, la b zab tū b kv-bā, M na lud b yel-wēnsā, la M na kēes-b arzān-rāmb ko-sood sēn zoet b tēngre, tū yaa rolb sēn yi Wēnd nengē, la Wēnd tara rolb sēn be neere.
196. Sēn kufī-bā giling tēmsā pvgē wā, ra wa belg foom ye.
197. Yaa wum-noog bilf bala, rē poore b gāag zīg yaa Gēhannam bugmē, la Pī-gāag yī wēnga.
198. La sēn zoe b Soabā, b tara arzān-rāmb tū ko-sood zoet b tēngre tū b yaa ruumdb a pvgē, yaa sigb zīg sēn yi Wēnd nengē, la ad sēn be Wēnd nengē wā sōmblem n yud ne manegdbā.
199. La ad be Gafā rāmbē neb sēn kōt sūd ne Wēnde la sēn sik n kō yāmbā la sēn sik n kō bāmbā, b yaa Wēn-zoetba, b pa tekd Wēnd Aaya wā ne ligd bilf ye, ad bāmb rāmbā b tara b keoor b Soabā nengē, ad Wēnd yaa geel tvvlg Soaba.
200. Yaa yāmb a sūd-kōtba! Maan-y sugri, la y nadge, la y kollde Wēnd sorā pvgē la y zoe Wēnde, sānd-sānde, y na paam pōasga.

4. An-nisaa'u*

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tuvmdā.

1. Yaa yāmba neba! zoe-y Soab ning sēn naanā yāmb n yi yōor a yembre la A naan a pagā n yi yō-kāng pvgē, la A yēneg sēn yi bāmb b yiibā rap wvsg la pagba, la y zoe Soab ning yāmb sēn yōkd taab sēeg ne A yvurā, ad Wënd yume n yaa gūusd yāmb zugu.
2. La y kīs Kubsā b arzēgsā, la y ra tedg yookā ne sōmā wā ye, la y ra kalem b arzēgsā ne yāmb nengē wā n rī ye, ad rē yume n ya yel-beedo sēn bedme.
3. La yāmb sā n yēesdē tī y sā n fur kub-pogsā y pa na n tēeg turga, bī y bas-ba, la y fur sēn ta yāmb yam-raab pagbē wā, yiib-yiibu la tāab-tāabo la naas-naase, la y sā n yēesd tī y pa na n tēeg turga, bī y fur yembre, maa yāmb nusā sēn so,(yamb-poaka), rē n pē ne y ra kill n zvvg ye.
4. La y kō pagbā b furā ligd tilae, la b yam sā n ta tī b kō-y būmbu, bī y rī-a noog-noogo bvsg-bvsgo.
5. La y ra kō yalemsā yāmb arzēgsā Wënd sēn maan tī yaa yāmb bān-loēgā ye, la y rīlg-b a pvgē la y sēgen-ba la y yeel-b keēeg sēn yaa manegre.
6. La y zarb kubsā n ges tī yāmb sā n mik yam b nengē bī y kīs-b b arzēgsā, la y ra rī-a ne maan-n-zvuk la yāgb tī b ra wa yēeg ye. La sēn ya-a tard bī a yōk a menga, la sēn ya-a talg bī a rī ne manegre, la yāmb sā n kīs-b b arzēgsā bī y maan kaset b zugu, la geelg ta tek ne Wēnde.
7. Rapā tara pvur roagdb a yiibā la rog-pēt̄bā sēn basā pvgē, la pagbā me tara pvur roagdb a yiibā la rog-pēt̄bā sēn basā pvgē, sēn paood maa sēn yaa wvsgo, yaa pvur sēn yaa tilae.
8. La rog-pēt̄bā la kubsā la nimbāan-nebā sā n wa pvubē wā, bī y rīlg-b a pvgē la y yeel-b keēeg sēn be neere.
9. La neb nins yēese bāmb sā n ki, n bas koamb sēn yaa valemse tī b yēesd būmb na n wa paam-ba, bī b zoe Wēnde la b yeel keēeg sēn yaa turga.
10. Ad neb nins sēn rīt̄ kubsā arzēgs ne wēgdā, ad b sēn rīt̄ā yaa bugum b pusē wā, b na n wida bugmā pvgā.

* An-nisaa'u (Pagbā svura)

11. Wënd sagenda yāmb y koambē wā, raoog tara yāams a yiib puur bilgri, la b sã n ya pagb n dogl yiibu rënd b soo a sën basã yiib tãab fãa zugu, la a (bi-puglã) sã n yaa a yembr tãa a soo puvka. La a roagdbã yembr fãa soo (yembr yoob fãa zug a (kiidã) sën basã t'a sã n tara biiga, la a sã n pa tar biiga t'a roagb a yiibã na n rik a faado, rënd a ma wã soo yembre tãab zugu, la a sã n bas tãopa rënd a ma wã soo yembr yoob zugu, la yaa a sën bas no-gomd maa samd ti b yiis poorẽ. Yāmb ba-rāmbã la y koambã y pa mi sën pẽ n yud n na n naf yāmb ye. Wā yaa tilae sën yi Wënd nengẽ, ad Wënd yume n yaa Mita n yaa buvd Mita.
12. La yāmb soo y pagbã sën basã puvka ti b sã n pa tar biiga, la b sã n tar koamba yāmb rikda yembr naas zug b sën basã pugẽ, b sën bas no-gomd maa samd ti b yiis poorẽ. La bāmb (pagbã) soo yembr naas zug yāmb sën basã pugẽ ti yāmb sã n pa tar biiga, la y sã n tar biiga rënd bāmb soo yembr nii zug yāmb sën basã pugẽ, yāmb sën bas no-gomd maa samd ti b yiis poorẽ. La sã n yaa raa maa pag ti b na n rik a faado la a pa bas biiga bi roagdba la a tara tão raoog maa poaka b yiibã yembr fãa tara yembr yoob zugu, la b sã n yud boto b lagemda taab yembrẽ tãab zugu, no-gomd a sën bas ti b yiis poorẽ maa samd sën pa na n nams fa-ridbã. Ad yaa saglg sën yi Wënd nengẽ, la Wënd yaa Mita n yaa sugr soaba.
13. Bu-kāensã yaa Wënd todse, la sën tũud-a Wënd la A Tën-tvumã A kēesd-a-la arzān-rāmba ko-sood sën zoet a tēngr ti b yaa duumdb a pugẽ, la ad rẽ la pōsg sën bedmã.
14. La sën kUSD-a Wënd la A tēn-tvumã la a zuvgd A todsã A kēesd-a-la bugum t'a yaa duumd a pugẽ la a tara namsg sën faagde.
15. La yāmb pagb nins sën yoodbã, bi y maan ti neb a naas sën yi yāmb pugẽ maan kaset b zugu, b sã n maan kaseto bi y gād-b zagsẽ wã hal ti kũum wa rik-ba maa Wënd wa bu n kō-b yiib zīga.
16. La roap nins sën wat ne yoodem yāmb pugẽ bi y nams-ba, la b sã n lebg n maneg bi y ball n yi-ba, ad Wënd yume n yaa tuubd rægda n yaa yolsda.
17. Ad tuubgã sakr Wënd nengẽ yaa ne sën tvmd-b wēngã ne zulem rẽ poorẽ ti b lebg pēm-pēm, ad yaa bāmb rāmbã la Wënd reegd b tuubgu, ad Wënd yume n yaa Mita n yaa buvd Mita.
18. La ad tuubgã reegr pa be ne sën tvmd-b wēnsã hal ti kũum sã n wa wa b yembr fãa zugu, la a sën yete:" ad mam tuubame moasã". A pa

- le be ne sēn kiid-b ti b yaa kīfr-dāmb me ye, ad bāmb rāmb la tōnd segl n bīng b yīnga namsg sēn zabde.
19. Yāmb a sūd-kōtba! Pa sōmb ne yāmb ti y rik pagbā ne tilae ye, la y ra gōog-ba ti b ra fur ye, n rat n loog ne yāmb sēn ra kō-ba sānda, sā n pa mikame ti b waa ne yel-beed sēn yaa vēnega, la y zā pagbā ne manegre, la ad yāmb sā n kisg-ba tōe ti yāmb kisg būmb ti Wēnd maan sōma wusg a pugē.
20. La yāmb sā n rat n tedg pag a to zīigē la yāmb kōo b yiibā yembre(sēn dat n bas-a soabā) ligd bedre, bī y ra reeg būmb baa fūi a pugē ye, y na n reeg-a lame zīri-beedo la beem sēn yaa vēnega?
21. La yāmb na n reeg-a-la wān-wāna, ti yāmb tol n bānga taab bāngo la b reeg yāmb nengē puleng sēn yaa taoko.
22. La y ra fur yāmb ba-rāmb sēn fur sēn yaa pagba sā n pa sēn loog zulem sasa, ad a yume n yaa yel-beedo la gēega la sor sēn yaa wēnga.
23. B gidga yāmb ti y fur y ma-rāmba, la y kom-pugli, la y tāopa, la y pugd-rāmba, la y ma-bi (ma wā yaop la a kēem-rāmba), la tāo-raop kom-pugli, la y tāo-pogs kom-pugli, la yāmb ma-yēsemde, la y tāo-pogs yēseng wēngē, la yāmb pagbā ma-rāmba, la yāmb kom-pugl-wubdsi, b ma-rāmb sēn be yāmb nusē, ti y kē ne-ba, la yāmb sā n pa kē ne-ba yell ka be ti y fur b kom-pugli wā ye, la yāmb kom-dogdsā pagba, la y sēn na n naag tāo-pogs a yiib taaba, sā n pa sēn loog zulem sasa, ad A yume n yaa Bas-ti-loog Soaba, n yaa Yolsda.
24. La b le gidga yāmb ne pagb nins be fur pugē wā, sā n pa yāmb yemb-pogse. Wēnd gafā buw wā ti yaa tilae yāmb zugu, la b kōo yāmb sor sēn zūvg wānde ti y bao ne y arzegse ti y yaa yi-kāadba, pa yooadb ye, rēnd yāmb sēn wums noog ne a soba, bī y kō-b b keorā ti yaa tilae, la taal ka be yāmb zugu yāmb sēn yard ne būmb ning tilae wā poorē, ad Wēnd yume n yaa mita, n yaa buvd mita.
25. La sēn pa tar-a sulfānta yāmb pugē n na n fur burkīn-pogse sēn yaa sūd-kōtba, bī y fur yāmb nus sēn so (yemb pogse) sēn yaa neb a taabā n so wā, sēn yaa sūd-kōtbā, la ad Wēnd n yud minim ne yāmb sūd-kūunā, yāmb la taaba, bī y fur-ba sēn tū ne b nebā noor-kūuni, la y kō-b b keorā ne manegre ti yaa yi-kēedba pa yaoodb ye, pa rik-n-maan rolb ye, la b sā n kē kāadem (yemsā) b sā n wa ne yoobo, sēn zao b zugu yaa burkīnd pogsā sibgr pusvka, la Wānde (yemb pogsā) yaa sēn yēesd-a yoobā yāmb pugē, la yāmb sā n maan sugr la sōma ne-yā, la ad Wēnd yaa Bas-ti-loog Soaba, n yaa Yoalsda.

26. Wënd tollame n na n vēneg yāmb la A kāndg yāmb sēn reng-b yāmb taoorā sor la A reeg yāmb tuubgu, la Wënd yaa mita, n yaa buvd mita.
27. La Wënd tollame n na n reeg yāmb tuubgu la sēn pvgd-b yōor yam-leadā tollame ti yāmb kull kullg tekē.
28. Wënd tollame n na n yols yāmb zugu, la B naana ninsaal t'a yaa valenga.
29. Yāmb a sid-kōtba! ra n di-y arzekā yāmb ne taab svk zaalem ye, sã n pa mikam ti yaa tolb ti yaa yard yāmb ne taab svka, la y ra kv y mens ye, ad Wënd yume n yaa nimbāan-zoeta ne yāmb
30. La sēn tvm̄da rē, ti yaa maan-n-zvvg la wēgdo, D na kēes-a bugum, la rē yaa nana ne Wēnde.
31. Ad y sã n zāagd zūnuub bedā b sēn gudgd yāmb n yi wã D na bas ti loog yāmb yīnga y yel-wēnsã, la D kēes-y kōom zīg sēn yaa wagle.
32. La y ra tēed n dat būmb ning Wēnd sēn kō yāmb sãnd n yus sãndã wã ye, raopã tara pvur b sēn paam pvgē, la pagbã tara pvur b sēn paam pvgē, la y kos Wēnd A yudlemã, ad Wēnd yume n yaa mita ne būmbã fãa.
33. La ned kam fãa Tōnd maana fa-rikdb a roagdb a yibã sēn basã pvgē la rog-pētba, la neb nins yāmb sēn rik puleng-kēgeng ne b rãmba sōng taab pvgē, b̄ y kō-b b pvurã, ad Wēnd yume n yaa sēeta ne būmbã fãa.
34. Roapã yaa gūudb pagbã zugu ne Wēnd sēn yus-b ne būmb ningã la b sēn yiisd b arzegsã, la pv̄g-sōms sēn yaa tūudba n gūusd b s̄idbã ne Wēnd sēgl-sōngã b zugã, la pagb nins yāmb sēn yæesd b raeegrã b̄ y sagl-ba la y wãag-b p̄i-gãasē wã, la y pãb-ba, ti b sã n tū yāmb noore b̄ y ra maan n zvvg b zug ye, ad Wēnd yume n yaa Na-zēkgdga n yaa Bedre.
35. La yāmb sã n yaeesd welg-taab b yibã svka, b̄ y tums yam-soab sēn yi roaã nebē la yam-soab sēn yi pagã nebē. B yibã sã n rat manegre Wēnd maanda sēgl-sōng b svka, ad Wēnd yume n yaa Bãngda n yaa Mita.
36. La y tū Wēnde la y ra maan lagm-n-taar ne Wēnd baa fv̄i, la y maneg roagdb a yibã la rog-pēt̄b la kubse, la yak sēn yaa rog-pēta la yaka, la tūud-n-taaga, la kēn-kēnd, la yāmb nus sēn so (yembse), ad Wēnd pa nong ned sēn yaa waoog-m-meng soaba n yaa pugd ye.

37. A leb n pa nong Sēn maand-b beedā la b sagend nebā ne beedā, la b solgd būmb ning Wēnd sēn kō-bā sēn yaa A kūunā, la Tōnd seġla nang sēn faagde kifr-dāmba yīnga.
38. La D le seġl nangā n bīng neb nins sēn yiisd-b arzēgs nebā na yā yīnga, la b pa kōt sūd ne Wēnde pa yaoolem raarā, la a sutāan sēn yaa a soab tōk-n-taaga ad a tōk-n-taar yī Wēnga.
39. La bōe n maand bāmba, ti bāmb sā n sak n kō sūd ne Wēnde la yaoolem raarā, la b yāk būmb ning Wēnd sēn lok-bā n nafe, la Wēnd yume n yaa Mit ne-ba.
40. Ad Wēnd pa wēgd ba salensaag bilgr ye, la sā n yaa neere A fāood-a lame, la A paas sēn yī A nengē keoor sēn yaa zisgo.
41. La yellā na n wa yu wān-wān yikrā raarā, ti Tōnd sā n wa wa ne Nabiyaam fāa t'a seed a zāma, la D wa ne foo ti f yaa seet bāmbā zugu?
42. Ba raarā sēn kifl-bā la b kus Tēn-tvumā na n nongame n dat ti tēngā sā n pamē ne bāmba, la b pa tōe n solg Wēnd baa gomde.
43. Yāmb a sūd kōtba! Ra n pēneg-y Pvusgā ti yāmb yaa sēn su ye(ne rāam) hal ti y wa mi y sēn yete, ti pa Genaab rāmb me hal ti y wa so (n yulge), sā n pa kēnkēnda, la y sā n yaa bāad-rāmba maa y be sor zugu maa nina n maan we-keeng yāmb pugē, maa y susa pagba la yāmb pa tar koom, bi y wē Teema zī-yilengē n saag y nensā la y nusā, ad Wēnd yaa Bas-ti-loog Soaba n ya gaafar maanda.
44. Fo pa bāng neb nins kibare b sēn kō-b rāmb bāngr pūr gafā pugē wā sēn daad menengo, la b rat ti yāmb tudg sorā.
45. La Wēnd n yud minim ne yāmb beebā, la lalld ta tek ne Wēnde la sōngd ta tek ne Wēnde.
46. yahvd-rāmbē wā nin-wēns n be be, b wēnda goamā n yit a zīgē wā, la b yetē: "d wumame la d kuse" la f kelge la Wēnd na kit ti f ra wum ye, la f koll-do; ti rē yaa kullg la liibg ne b zelmā, n le yaa dīnā zangre, la b sā n yeelē: "d wumame la d tū, la kelg-do la gū-d ti d paam n kelge" rag n na yī sōma ne-ba n le yud turlem, la ad Wēnd kāab-b lame b kifendā yīnga ti b pa kōt sūd rēnda bilfu.
47. Yāmb a neb nins B sēn kō-b rāmb gafā! Kō-y sūd ne Tōnd sēn sikā ti sūdgd sēn be ne yāmbā, taoor ti Tōnd nan pa wēnems nems n lebs b poe wā, maa D kāab-ba wala D sēn kāab sibrā-rāmbā, la Wēnd yellā yume bala.
48. Ad Wēnd pa basd ti loog ti b sā n maan lagem-n-taar ne-A ye, la A yaafda sēn pa ta rē, ne A sēn tvll-a soaba, la sēn maand-a lagem-n-

- taar ne Wēnde sid la hakuka a pasga zūnuub sēn zise n doglg a menga.
49. Fo pa bāng sēn yulgd-b b mensā yelle, la yaa Wēnd n yulgd A sēn tull-a soaba, ti b pa wēgd bāmb baa tamar tug bilā gīdā puudu.
50. Ges to-to ning b sēn pasd zīrimbeed n dogl Wēnde, la beegr sēn yaa vēeneg ta tek ne rē.
51. Fo bānga b sēn kō-b rāmb pūr gafē wā, sēn kōt sid ne rvbse la kēgdba, la b yet kifr-dāmbā: "ad bāmbā (rvbsā) n yud sēn kō-b sidā ne kāndgre"
52. Bāmb rāmbā la Wēnd sēn kāabā, la Wēnd sēn kāab a soaba fo kōn tol n yā sōngd a yīng ye.
53. Bı bāmb tara pūr naamē wā, sā n yı boto b kōon n kō nebā baa sēn zems tamarv noorā mugund bilgr ye.
54. Bı yaa nebā (a Mohamad ne a pvgdbā) la b maan sū-kīir ne Wēnd sēn kō-b A yudlemā, la Tōnd kōo a |braahum zakā rāmb Gafā la bvd-minim la D kō-b naam sēn zise.
55. Be bāmb pvgē wā sēn kōt sid ne-a, be be me sēn tōdgd-a, la yōogr ta tek ne Gehanam bugum.
56. Ad sēn kifl-b ne Tōnd Aaya wā, D na n wa kēes-b-la bugmē, b gāndā sēn bı fāa, D tedgd-b-la gānd a taaba, sēn na yil ti b lemb nangā, ad Wēnd yume n yaa wind n yaa bvd mita.
57. La sēn kō-b sid la b tum sōma wā, D na n kēes-b-la arzān ti ko-sood zoet a tēngrā ti b yaa duumdb a pvgē lae-lae, b tara a pvgē pagb sēn yulge la D kēes-b maasem sēn bidimsi.
58. Ad Wēnd sagenda yāmb ti y kō boblā b rāmba la yāmb sā n na n bv nebā bı y bv ne tēeg turga, ad Wēnd sēn sagend yāmb ne būmb ningā be neere, ad Wēnd yume n yaa wvmda, n yaa neta.
59. Yaa yāmb a sid kōtba! tū-y Wēnd la A Tēn-tvumā la yāmb dīnā taoor rāmba, la yāmb sā n yōs taab būmb ning pvgē, bı y lebs-a Wēnd la A Tēn-tvumā nengē ti yāmb sā n kōo sid ne Wēnd la yaoolem raarā, rē sōmblem n yud la a yud ne baas neere.
60. Fo pa ne sēn yēgemd-b ti bāmb kōo sid ne sēn sig n kō foo wā la b sēn sik fo taorā, b ratame n na n ti bv rvbsē la dūni-rāmb bvdē la b yaool n sagla bāmba ti b kifl ne-a, t'a svtāan tvll n na n menmes-ba meneng sēn zāre.
61. La b sā n yeel-ba. "wa-y n tvg Wēnd sēn sikā la y tvg Tēn-tvumā sārı" la fo sēn yāt Munaafigsā sēn balld n basd foo, ballg tekē.

62. La na n yu wān-wāna ti yell sã n paam bāmb b nusã sēn tum ti reng taoor yīnga, rē poor ti b wa fo nengē n wēend ne Wēnde: " d ra pa rat rēndame ti yaa manegr la zems-n-taar bala".
63. Bāmb rāmbā, Wēnd mii sēn be b sūyē wā, bī f ball n yi-b la f sagl-ba la f yeel b mensē wā gomd sēn ta teka.
64. La tōnd pa tum Tēn-tuum buud fāa rēnda b tū-a ne Wēnd tōogo, la bāmb sēn dag n wēg b mensā b sã n dag n waē fo nengē n kos Wēnd yaafa, tīTēn-tuumā kos yaafa b yīnga, b na mikē ti Wēnd yaa lebgd-reegda n yaa yolsda.
65. La pa boto ye, M wēen ne fo Soabā, b pa kōt sid hal ti b wa maan foo ti f yi b buuda yel nins sēn gīd bāmb ne taabā svka, rē poor ti b pa tar keog fo sēn bu wā pugē ye, la b bas b mense n tū tūub tekē.
66. La Tōnd sã n dag n roglg b zugu: "ti y kv y mensā maa y yi y zagsē wā". B kōon n maan-a sã n pa kidg bal sēn yi b pugē, la bāmb sã n rag n maand b sēn sagand-ba na yi sōma ne-ba n leb n yud tablg ne b dīinā.
67. D na kō-b sēn yi Tōnd nengē keoor sēn zise.
68. D na peeg-b sor sēn yaa turga.
69. La sēn tūud-a Wēnd la A Tēn-tuumā, rēnd bāmb rāmb lagma Wēnd sēn maan-b rāmb neema wā, sēn yaa Nabiyaam-rāmbā la sid-kōtbā la Dīin zab-laagē kiidbā la nin-sōmsā, la bāmbā tūud-n-taar be neere.
70. Ad yudlem-kāngā yii Wēnd nengē, la minim ta tek ne Wēnde.
71. Yaa yāmb a sid kōtba! maan-y gūusg ne y bæebā, bī y yi n buug-b zāma-zāma maa y yi zānga.
72. La be yāmb pugē sēn maand naam-naam, ti yell sã n paam yāmb la a sēn yete:" ad Wēnd maana maam neere ne m sēn pa lagem-b n seed zabrā".
73. La kūun sã n ta yāmb sēn yi Wēnd nengē a na yeel neer-neere ti yaa wala nonglem rag n pa zīnd yāmb ne a svk ye: "kato, mam sã n dag n lagmē-b n paam puur sēn yaa bedre wala b sēn paama pa são".
74. Bī neb nins sēn koosd dūni ne laahrā zab Wēnd sorā pugē, la sēn zab-a Wēnd sorā poorē ti b kv-a maa a wili, D na n kō-a-la keoor sēn bedme.
75. La yaa bōe n tar yāmb ti y pa na n zab Wēnd sorā poorē, n sōng nin-valems sēn yaa roap la pagb la koam-bāaneg sēn yete: "tōnd Soabā, yiis tōnd tēng-kāngā rāmb sēn yaa wēgdbā la F kō tōnd lalld sēn yi Fo nengē la F maan tōnd sōngr sēn yi F nengē".

76. Sēn kō-b stdā, b zabda Wēnd sorā poorē, la sēn kufi-bā bāmb zabda Rubsā poorē, sā n yaa boto bi y zab ne a Svtāan tumd-n-taasā, ad a Svtāan rabrā yume n yaa valenga.
77. Fo pa bāng neb nins b sēn yeel-ba: "yōk y nusā la y yānes ne Puvsgā la y kō zakā". La b sēn wa n dogl bāmb zabrā la neb sēn be b pugē wā n yeēsd nebā wala Wēnd zoeese, bi yuda woto. La b yeele: "tōnd Soaba, yaa bōe ti F rogl tōnd zabrā? F sā n dag n yaoolē tōnd n tug wakat bilf bala pa sãoē? Yeel-ba: "dūni wum-noogā yaa bilfu, la yaoolmā n yud ne Wēn-zoetbā la b kōn wēg yāmb baa tamar-giind bilgr ye.
78. Yāmb sēn beē fāa kūmā paamd-y lame, baa ti y sā n bee kādengē sēn me n zēke, la sēn be neer sā n paam-ba la b sēn yete:" wānde yii Wēnd nengē". La wēng sā n paam-ba b yetame: "wānde yii fo nengē". Yeele: "fāa yii Wēnd nengē". la yaa bōe n tar nin-kāensā ti b pa tol n fahemdē?
79. Būmb ning sēn paam foo sēn ya sōma fāa yii Wēnd nengē, la sēn paam foo sēn yaa wēng fāa yii fo nengē, la D tumsa foo ti f yaa Tēn-tvum ne nebā, la ad seedg ta tek ne Wēnde.
80. Sēn tū-a Tēn-tvumā, sida a tūu Wēnde, la sēn raeeg-a Tōnd pa tvms foo ti f yaa gūusd b zug ye.
81. La b yetē:"d wum yā". La b sā n yi fo nengē, kēer n be b pugē wā n solgd wēng sēn pa b sēn yetā ye, la Wēnd gulsda b sēn yetā, bi f ball n yi-ba la f boblg f meng ne Wēnde, la ad bobl-m-meng ta teka ti sā n yaa Wēnde.
82. Rē yīnga, b pa tagsd Al-Kurāana n getē la? La a sā n dag n pa sēn yi Wēnd nengē, b na mikē a pugē yōs-taab wvsgo?
83. La yell sā n wa bāmb nengē sēn yaa noogo maa pelen-yika la b sēn sāeegd-a, la b sā n dag n lebs-a Tēn-tvumā nengē la taoor-rāmbā pugē, b na bāngē b sēn na n maanega, la sā n pa Wēnd yudlem sēn be yāmb zugā la A yolsgā, yāmb naan n tū a svtāan rēnda bilf bala.
84. Bi f zab Wēnd dīnā poorē, b pa rogend foo rēnda f mengā bala, la f pirs sid-kōtbā, sānd-sānde Wēnd na yōk sēn kufi-bā keelmā n yi yāmb, la Wēnd n yud keelem la sibgre.
85. Sēn sūgsd-a sūgs-sōngo a tallda puur a pugē, la sēn sūgsda sūgs wēnga a tallda zub a pugē, la ad Wēnd yume n yaa sēeta ne būmb fāa.
86. La b sā n n puvv yāmb ne puvvsgo, bi y puvv sōmblem sēn yud rēnda wall-y reega buudu, ad Wēnd yume n yaa gēend ne būmb fāa.

87. Yaa Wēnde, soab kae sēn tūud n tulge rēnda Yē, A na n tigma yāmb n peeg n tvg dūni-yīkr rāārā, sik ka be, la ānd goam sid n le yud Wēnde?
88. La yaa bōe n tar yāmb ti y welg sull a yiibu munaafigsā poorē, ti Wēnd n zīndg-b kifend pugē b tvum yoodā yīnga, rē yīnga yāmb rat n kāndga Wēnd sēn menmes-a soaba, la ad Wēnd sēn menmes-a soaba fo kōn tol n yā so-turg ne-a ye.
89. B nongame n dat ti yāmb kflē ti y lebg yembre, bī y ra rik lall-n-taas b pugē ye, hal ti b wa yi n babs Wēnd sorā, la b sā n gōd b kuidsi n kell n beegdē bī y yōk-b n kv-b y sēn paamē-b fāa, la y ra rik lall-n-taag maa sōngd b pugē ye.
90. Sā n pa sēn buvgd-b neb ti yāmb ne nin-kāensā svka zems-n-taar n be be, maa b waa yāmb nengē ti b sūyā yaa sēn weooge n pa rat zabr ne yāmb ye, la b pa rat n zab ne b nebā ye, la Wēnd sā n da tullē A na kō-b pāng yāmb zugu ti b zab ne yāmba, la b sā n ball n bas yāmb n pa zab ne yāmba, n bao laafi ne yāmba, rēnd Wēnd pa kō yāmb sor ne zabr b zug ye.
91. Y na n yāa neb a taab sēn dat n paam bas-m-yam ne yāmba la b paam bas-m-yam ne b nebā, b sēn gars bāmba n tvg kifendē fāa la b sēn bōrd be, rēnd b sā n pa bas yāmb la b bao laafi ne yāmb n yōk b nusā, bī y yōk-ba la y ku-ba yāmb sēn yek-b zīg ning fāa, la bāmb la Tōnd sēn kō yāmb sor sēn yaa vēneg ti y zab neba.
92. La pa sōmb ne sid-kōta t'a wa ti kv sid-kōta rēnda yīdgu, la sēn kv-a sid-kōt ne yīdgu rēnd yaa yamb sēn yaa sid-kōt la a na n bas burkīndi la yōor-yaood ti b kō a nebā sā n pa b maana doaaga, la sā n mikame ti yaa ned sēn yi yāmb beebē la a yaa sid-kōta rēnd yaa yamb sēn yaa sid-kōt la a na n bas burkīndi, la a sā n yii nebē sēn pa sid-kōtba la yāmb ne bāmb svka laafi zems-n-taar n be be rēnd yaa yōor-yaood ti b kō a nebā la yamb sēn yaa sid-kōt bas burkīni, la sā n pa paame rēnd yaa kiuug a yiib no-loeer n tūnug taaba, ti yaa tuubg sēn yi Wēnd nengē, la Wēnd yume n yaa mita n yaa buvd mita.
93. La sēn kv-a sid-kōt ne pv-toogo a rolb yaa Gehānem-bugum t'a yaa ruumd a pugē ti Wēnd gē-a la A kāab-a la A seglg a yīng namsg sēn yaa zisgo.
94. Yaa yāmb a sid-kōtba ! y sā n yi zabr Wēnd sorā poorē bī y bao n bāng la y ra yeel ned ning sēn ning-a yāmb sallem n rat n vēneg a Lislaango: " f pa sid-kōt ye" ti yaa dūni laog la y baooda, la ad yōod sēn yaa wusg bee Wēnd nengē, yaa woto bal la yāmb ra yi ti Wēnd

- maan-y zu-noogo, bi y bao n bānge, ad Wënd yume n yaa minim-tēng-n-biiga ne yāmb sēn tumdā.
95. Pa yit yembr ye, sid-kōtb nins sēn zīnd-b la b pa padmes rāmbā ne sēn zabd-b Wënd dīnā poorē ne b arzēgs la b mense, Wënd yusa sēn zabd-b ne b arzēksā la b mensā ne sēn zīndbā zu-zēkre, la b fāa Wënd pulma sēn be neere, la Wënd yusa sēn zabd-bā ne sēn zīnd-bā zugu keoore sēn yaa bedre.
96. Yaa zu-zēkr sēn yi A nengē la bas-ti-loog la yolsgo, la Wënd yume n yaa yaafda n yaa yolsda.
97. Ad neb nins Malek-rāmbā sēn kuvd-ba ti b yaa sēn wēg b mense, Malek-rāmbā yet-b lame "yaa ye la yāmb ra be", la b yeel yā "tōnd ra yume n yaa valms tēngā poor zugu", ti b yeele rē yīnga Wënd tēngā ra pa yi n yaa yaleng ti yāmb tōe n yik ne y dīnā n toem tēnga, rēnd bāmba rāmba b gāag zīig yaa gehānem bugumē la a yume n yaa baas-beed zīiga.
98. Sā n pa nin-valems sēn yi rapē la pagbē la kom-bāanego, b pa tar rabaare, b pa tōe n dik sore.
99. Rēnd bāmb-rāmbā tōe ti Wënd yaaf-ba, la Wënd yume n yaa bas-ti-loog Saoba n yaa Yaafda.
100. La sēn yik-a Wënd sorā poorē a na paam beeb yō-tēgre la ritl yalgre, la sēn yi-a a zakē t'a yaa boabda n tvg Wënd nengē la A tēn-tvumā, rē poorē ti kūum paam-a ad a keoor taa Wënd nengē, la Wënd yume n yaa yaafda n yaa yolsda.
101. La yāmb sā n yi n tvg tēngā yell ka be ti y kuvg Pvvsḡā ti yāmb sā n yēsdame ti kifr-dāmbā na n piga yāmba, ad kifr-dāmbā ne yāmb yaa beem sēn vēnege.
102. La fo sā n be b pvḡē n yik n na n pvvse, bi sull yēnes sēn yi bāmb pvḡē n lagem foo la b zā b zab-teedā, ti b sā n tiuulg bi b yānes yāmb poorē wā la sull a to wā sēn pa pvvsā b wa pvvs ne foo la b maan gūus-n-menga la b rik b zab-teedā, sēn kifl-bā nongame n rat ti yāmb sā n maan yam-yaal-yaale n bas y zab-teedā la y teedā ti b zugumd yāmb vuka, la taal pa be ne yāmba ti nang sā n be ne yāmb sēn yaa saaga maa y yaa bāad-rāmba ti y rigl y zab-teedā ye, la y gūus y menga, ad Wënd seglame n bīng kifr-dāmbā yīngā nang sēn faagde.
103. La yāmb sā n se Pvvsḡā bi y tēeg Wënd yvvrā ti y yaa sēn yāse, sēn zī bi kille, la y sā n yōgne bi y yānes trg ne Pvvsḡā, ad Pvvsḡā yume n yaa tilae n yāk wakat ti rog sid-kōtbā zugu.

104. La y ra valems y bæebā gēegr pvgē ye, yāmb sã n paamda zabdem ad bāmb me zabd-b lame wala sēn zabd yāmbā, la yāmb tēedā Wēnd nengē būmb ning b sēn pa tēede, la Wēnd yume n yaa Bāngda n yaa buvd Mita.
105. Ad tōnd sika Gafā n kō foo ne sīda tī f na bu nebā ne taab svka ne Wēnd sēn leems foomā, la f ra yī n yaa fāagd ne zāmb-rāmb ye.
106. La f kos Wēnd yaafa, ad Wēnd yume n yaa gaafar maanda n yaa yolsda.
107. La f ra gom n sōng sēn zāmbd-b mensā ye, ad Wēnd pa nong sēn yaa zāmb-toog soab n yaa beeg-toog soab ye.
108. B solgda nebā la b pa solgd Wēnd ye la A bee ne bāmba b sēn wat n solgd koeese sēn pa sakdā, la Wēnd yume n se ne bāmb sēn tūmdā fāa.
109. Ad yāmb gom n sōng-b lame dūni vumā puga la yaa ānda n na n fāag-b n yī Wēnd dūn-yīkr raarā bī yaa ānd n na n yī b bobenda.
110. La sēn tūmd-a wēnga maa a wēgd a menga, rē poorē t'a kos Wēnd yaafgo a mikdame tī Wēnd yaa Bas-tī-loog Soaba n yaa Yolsda.
111. La sēn maan-a beegre ad a maanda a menga, la Wēnd yume n yaa mita n yaa buvd-mita.
112. La sēn maan-a yel-beedo maa beegre n yaool n rōd sēn pa tar-a yell ne-a, sīda a tvka zirē-beed la beegr sēn yaa vēnega.
113. La sã n pa Wēnd yudlemā la A yolsgā sēn be fo zugu, sull sēn yī bāmbā pvgē wā na loe n wāagē b na menmes foo bala, la b pa menmes tī sã n pa b mens ye, la b pa namsd foo baa fvt, la Wēnd sika Gafā fo zug la buvd minim, la A wīnig foo f sēn da pa mi, la Wēnd yudlemā yume n yaa zısg fo zugu.
114. Sōmā kae b vūn-vūn wvsg fāa pvgē ye, rēnda sēn sagl-a ne sāra maanego, maa manegre, maa nebā ne taab svk manegre, la sēn maand-a rē Wēnd yardā baoob yīnga, D na kō-a keoor sēn bedme.
115. La sēn takd-a ne Tēn-tvumā, kāndgrā sēn vēneg ne yē poorē, n bas-a n tūud zēng sēn pa sīd-kōtbā sorā, D basd-a-la ne a sēn lallā, la D kēes-a Gēhanam la a yume n yaa baas-beed zīiga.
116. Ad Wēnd pa basd tī loog tī b sã n maan lagem-n-taar ne-A ye, la A yaafda sēn pa ta rē ne A sēn tull-a soaba, la sēn maand-a lagem-n-taar ne Wēnde sīd la hakuka a menma meneng sēn zāage.
117. B sēn tūud zēng tī pa Wēndā pa yī rēnda yāamse, la b sēn tūudā pa yī rēnda svtāan sēn yaa wēgma.

118. Wënd kâab-a-la kâab-beedo, la a yeelame:" m na yâk F yembsê wâ p̄ur sên yaa t̄lae.
119. Lak m na menmes-ba n kēes-b tē-yood p̄ugē, lak m na sagl-ba la b na p̄ars rūmsā tuba, m na sagl-ba b na tedg Wënd naanegā, la sên dik-a a sv̄tāan n maan a lall-n-taaga zēng ti pa Wēnde s̄id-s̄ida a bōna bōn sên yaa vēenega.
120. A sv̄tāan p̄ulemd-b lame la a belgd-ba la a sv̄tāan sên p̄ulemd-bā pa ȳi rēnda belg-m-meng bala.
121. Bāmb-rāmba b gāag z̄iig yaa Gehanmē b pa na n paam z̄iig n ȳi-a ye.
122. La sên kō-b s̄id la b t̄um sōmā wā D na n kēes-b-la arzān ti ko-sood zoet a tēngrā ti b yaa duumdb a p̄ugē lae-lae, Wënd buvdā yaa s̄ida, la ānd n yud Wënd ne s̄id gomd p̄ugē.
123. Ad pōsgā pa t̄uud ne yāmb sên saagdā ye, pa ne Gafā-rāmb me sên saagdā ye, sên t̄um-a wēnga B rond-a-la ne-a la a pa paamd zēng ti pa Wënd ti ȳi a lalda, b̄i a sōngda.
124. La sên t̄umd-a sōma zem t'a yaa rao b̄i paga, ti yē yaa s̄id kōta yaa bāmb-rāmb n kēed arzāna ti b pa wēgd-b baa tamarv no-mugnum bilgri.
125. La ānd d̄iin n maneg n le yud sên bas-a a meng n t̄uud Wēnde, ti yē yaa manegd la a t̄u a [braahum d̄iina sên kill n ȳi lagem-n-taarā n tēeg ne wēn-yembgo, la Wënd gāda a [braahum t'a yaa A zoa.
126. La Wënd n so sên be saasē la tēngē, la Wënd yume n gubg būmbā fāa.
127. La b sokda foo pagbā yelle, yeel-ba ti Wënd n legd yāmb b yellā p̄ugē la A vēnegd b sên karemd yāmb zugā gafā p̄ugē kub-pogsā yelle yāmb sên pa kōt-b rāmb b p̄ur la y yaool n rat n loe-b furi, la n̄in-valems sên yaa kom-bāaneg yell vēnegre, la y yik n yānes tēeg-turg ne kubsā, la yāmb sên maand ti yaa sōma fāa ad Wënd yume n yaa Mit ne-a.
128. La pag ning sên wa n yēesd yam-kaalg maa raeegre a s̄idē wā yell ka be ti b maneg b ȳiibā ne taab sv̄k sên yaa manegr buud fāa, la manegrā b ȳiibā soka n yud sōmblem, la B naana yōyā ti b nong beedo, la y s̄ā n maneg la y zoe Wēnde, ad Wënd yume n yaa Mita ne yāmb sên t̄umdā.
129. La y kōn tol n t̄oog n maan ti ȳi yembr pagbā ne taab sv̄k ye, baa ti y s̄ā n bu nonglem ne rē, b̄i y ra kill kullg tekē n bas-a t'a yaa wala b

sēn bas-a soab n getē ye, la y sã n maneg la y zoe Wēnde, rēnd Wēnd yume n yaa Yaafda n yaa Yolsda.

130. La b yīibã sã n welg taaba, Wēnd lokda ned fãa A kūunã, la Wēnd yume n yaa Yalgda n yaa Bvvd-mita.
131. La Wēnd n so sēn be saasē la sēn be tēng zugu? la sid la hakuka Tōnd sagla b sēn kōb-rāmb gafã yāmb taoorã la yāmb mensã ti y zoe Wēnde, la y sã n kifile ad yaa Wēnd n so sēn be saasē la sēn be tēngē, la Wēnd yume n yaa Sek-m-meng soaba n yaa Pēgda.
132. La Wēnd n so sēn be saasē la tēngē, la bobend ta teka ne Wēnde.
133. A sã n tvlla A menmesda yāmb la A wa ne zēmse, la Wēnd yume n yaa tōogd ne rē.
134. Sēn dat-a dūni pvure, ad dūni la yaolem-raarã rolb bee Wēnd nengē, la Wēnd yume n yaa Wvmda n yaa Neta.
135. Yāmb a sid kōtba! Y1-y yānesdb ne sīda n kōt kaset Wēnd yīnga baa ti yaa y mens zugu maa yaa roagdb a yīibã maa yaa y rog-pētse, a sã n yaa tarda maa talga Wēnd n sōmb ne b yīibã, b1 y ra tū yōor yamleoogo n pa tēeg turg ye, la yāmb sã n kille, maa y ballame, ad Wēnd yume n yaa Mita ne yāmb sēn tvmdã.
136. Yāmb a sid kōtba! Kō-y sid ne Wēnd la A tēn-tvumã la Gaf ning sēn sik A tēn-tvumã zugã la gaf ning sēn da reng n sigã. La sēn kifend-a ne Wēnd la A Malək-rāmbã la A Gaf-rāmbã la A Tēn-tvumbã la yaolem raarã, sīda a menma meneg sēn zāage.
137. Ad sēn kō-b sīdã n le kiflã, n le kō sīda, n leb n kiflã, n tolg n paas ne kifendo, Wēnd pa na n yaaf-b ye, A pa na n kāndg-b sore.
138. Noog Munaafigsã sūyã ti b tara namsg sēn zabde.
139. Sēn dikd-b kifr-dāmbã ti b yaa b lall-n-taas zēng ti pa sid-kōtbã, yaa zislem la b baood b nengē bu? la ad zislemã zāng bee ne Wēnde.
140. La b sika yāmb zug gafã pvge ti yāmb sã n wvm Wēnd Aaya wã ti b kifend ne-ba la b yaand-ba b1 y ra zīnd ne-b ye hal ti b wa kē goam a taab pvge, bala yāmb na n lebga wala bāmba, ad Wēnd na n tigma munaafigsã la kifr-dāmbã b gilli Gēhanam pvge.
141. Sēn koll-d-b yāmbã, ti sōngr sã n paam yāmb sēn yi Wēnd nengē la b sēn yete: " tōnd ra pa be ne yāmb sīda?" La sã n yaa kifr-dāmbã n paam pvur la b sēn yete: " tōnd pa kog1 yāmb n yi sid-kōtbã?" Rēnd Wēnd n bvvvd bāmb svka dūni-yikr raaã, la Wēnd kōn tol n kō kifr-dāmb sor sid-kōtbã zug ye.

142. Ad munaafigsā, b belgda Wēnde la A na n belg-b lame la b sã n yik n na n puuse b yikdame ti b yaa kvumba, b maanda nebã na yãnde (b tuumã) la b pa tēegd Wēnd yuurã rēnda bulfu.
143. Tı b yaa sēn yirbd rē svka; b pa be ne bāmbã, b pa be ne bāmbã, la Wēnd sēn menes-a soaba, fo kōn paam kãndgr sor ne a soab yes ye.
144. Yaa yãmb sēn kō-b sida! Ra n rik-y kifr-dãmb ti yaa y lall-n-taas n bas sid-kōtbã ye, y rat n na n kōo Wēnd sor sēn yaa vēeneg t'A yōk-y la?
145. Ad munaafigsā bee tēngr-tēngr bugmã pugē la fo kōn tol n paam sōngd b yīng ye.
146. Rēnda neb nins sēn tuub-ba la b manege, la b gād dīinã, la b yulg b dīinã Wēnd A yembr yīnga; rēnd bāmb lagma sid-kōtbã, la Wēnd na n kōo sid-kōtbã keoor sēn yaa bedre.
147. Bōe la Wēnd maand ne yãmb sibgre ti yãmb sã n puus bark la y kō sida, la Wēnd yume n yaa bark puusd n yaa mita.
148. Wēnd pa nong gom-beed vēnegre, sã n pa b sēn wēg-a soaba, la Wēnd yume n yaa wumd n yaa mita.
149. Yãmb sã n vēneg sēn sōmb fãa maa y solg-a lame, maa y basame (maan-wēng) ti looge, rēnd Wēnd yume n yaa Bas-ti-loog soab n yaa tōoda.
150. Sēn maand-b sōm-zulem ne Wēnd la A Tēn-tuumbã la b rat n wels Wēnd ne A Tēn-tuumbã suk la b yetē:" d kōta sid ne sãnda, la d kifend ne sãnda". La b rat n na n rik sor rēnda svka.
151. Bāmb rāmbã la kifr-rāmb sid-sidã, la Tōnd segla kifr-rāmbã yīnga nan-faagdga.
152. La sēn kō-b sid ne Wēnd la A tēn-tuumbã, la b pa welg ned baa a yembr b svka, bāmb rāmbã, Wēnd na n wa n kō-b-la keoa, la Wēnd yume n yaa Bas-ti-loog Soaba, n yaa Yoalsda.
153. Gafã rāmb kota foom ti f sik n kō-ba, gaf sēn yi saasē wã, la sida b ra kosa a Muusa sēn yud rēnda, b yeelame: "wilg tōnd Wēnd vēnega" ti tās-kegengã na n rik bāmba, b wēgbã yīnga, rē poorē ti b rik lullã n tũ, vēnemã sēn wa b nengē poorē, ti Tōnd yaaf rēnda, la D kō a Muusa daliil sēn yaa vēnega.
154. La Tōnd lulga tãngã b zugu, sēn na yul la b pids b pulengã, la D yeel-ba:" kē-y rag-noorã, ti y yaa kuudba". La D yeel-ba: " ra maan-y n zvgg ne sibrã raar ye". La Tōnd reega b nengē puleng sēn tagme.
155. La b pulengã yidgr yīnga la b kiflgã ne Wēnd Aaya-rāmbã la b nabiyaam-rāmbã kvvbã ti pa tũ ne buumã, la b sēn yete:" tōnd sūyã

- yēdame". Pa woto ye, yaa Wēnd n sēd-b b kɪflmā yīnga, tɪ b pa kōt sid rēnda bilfu.
156. La b kɪflmā yīngā, la b sēn yeel a Maryam zug zirī-beed sēn yaa bedrā, la D rig-b n zāag yolsgā.
157. La b sēn yeele: " tōnd kuv a Sus-ti-maagā, a lisa sēn ya-a a Maryam biiga, Wēnd Tēn-tvumā", la b pa kv-a ye, b pa ka-a pik ye, la ad b wōnesa ned n kō bāmba, la ad sēn yōs-b taaba a pugē wā, b bee sik pugē, la b pa tar bāngr buud ne-a, rēnda sāmbs pugb bala, la b pa kv-a vēeneg ye.
158. La ad Wēnd zēk-a lame n tug A nengē, la Wēnd yume n yaa Wind n yaa buud Mita.
159. La ka be b sēn kō-b rāmb Gafē wā, rēndame t'a kō sid ne-a, taoor t'a na n ka ki ye, la Dūni wā Yikr raare, a yita kaset maand bāmb zugu.
160. La yaa Yahvud-rāmbā wēgb yīnga, la Tōnd gidg rɪ-yulmā b zugu, sēn yaa halaal ne-ba, la b sēn gidgd Wēnd Sorā wvsg-wvsgā.
161. La b sēn reegd Ribaagā tɪ b yaool n gidga bāmb ne rē, la b sēn rɪt nebā arzēk zaalmā, la Tōnd sēgla kɪfr-rāmb sēn be-b bāmb pugē wā yīnga namsg sēn zabde.
162. La sā n yaa bāng-bedā rāmb sēn yi b pugē wā, la sid-kōtbā, b kōta sid ne būmb ning sēn sik fo nengē wā, la sēn sik fo taorā, la pvvsvdbā me la zak-kōtbā, la sēn kōt-b sid ne Wēnd la Yaoleem raarā, bāmb rāmbā la A sēn na n kō keoor sēn bedmā.
163. Ad Tōnd tuma fo nengē, wala D sēn tum a Nuuh nengē wā, la nabiyaam-rāmb nins sēn wa-b rē loogr poorē, la Tōnd tvmsame a [braahum nengē la a [smaaul la a [shaak, la a Yaakuub, la Yagengsā, la a [isa, la a Ayyvub, la a Yuunus, la a Haarvvn, la a Svlaymaane, la Tōnd kōo a Daawvvd Zabvuri.
164. La tēn-tvumb Tōnd sēn togs foom b rāmb yell sēn da reng taoore, la tēn-tvumb Tōnd sēn pa togs foom b kibare. La Wēnd goma ne a Muusa goam tekē.
165. Yaa tēn-tvumb sēn yaa sū-noogdb la bugbdba, buɪl yīng tɪ nebā ra tall padeng Wēnd zugu, tēn-tvumbā poorē ye, la Wēnd yume n yaa Wind n yaa buud Mita.
166. La ad Wēnd maana kaset ne A sēn sik tɪ wa fo nengē wā, A sik-a-lane A bāngre, malēk-rāmbā me maanda kaseto, la seedg ta tek ne Wēnde.
167. Ad sēn kɪfl-bā la b gidgd Wēnd Sorā, sid la hakuka b menema meneng sēn zāre.

168. Ad sēn kɪfl-bā la b wēgā, Wēnd pa yɪ n na n yaaf-ba, A pa na n peeg-b n togl sore.
169. Sā n ka Gēhannem sor bala, tɪ b yaa paadb a pʊgē lae-lae.
170. Yaa yāmb neba! Tēn-tʊmā waa yāmb nengē ne sɪd sēn yi yāmb Soabā nengē, bɪ y kō sɪda, tɪ rē n sāo ne-yā, la y sā n kɪfle, ad Wēnd n so sēn be saasē la tengē, la Wēnd yume n yaa Mita, n yaa bʊvd Mita.
171. Yaa yāmb Gafā rāmba! Ra zʊvg-y toaag y diinā pʊgē ye, la y ra yeel Wēnd zugē rēndā sɪda, ad Sus-tɪ-maag a ɭɪsa sēn yaa a Maryam biigā, yaa Wēnd tēn-tʊm la A Gomde t'A kō a Maryam, la fʊvsg sēn yi Wēnd nengē, bɪ y kō sɪd ne Wēnde la A tēn-tʊmbā, la y ra yeel tɪ soab-rāmba yaa:" tāab ye". Bas-y tɪ rē n sāo ne-yā, ad Wēnd yaa Soab-yenga, A yɪgame ne A na n wa tar biiga, A soo sēn be saasē la sēn be tēngē, la boblg ta tek ne Wēnde.
172. Ad Sus-tɪ-maag pa na n zēk a meng lae, ne a na yɪ Wēnd yamb ye, pa malek-rāmb nins b sēn pēneg-b rāmb ne Wēndā me (n na n zēk b mens ye). Sēn zēk-a a meng n yi A tūudmā, n waoog a menga, A na n tigma b fāa gill n tʊg A nengē.
173. La sā n yaa sēn kō-b sɪdā la b tʊm sōmā wā, A na n pɪdsa bāmb b keoorā, la A paas-b A kūunā. La sēn zēk-b b mensā la b waoog b mensā, A na n sɪgb-b lame namsg sēn zabde, b pa na n paam lalld zēng sēn pa Wēnde, pa sōngd me!
174. Yaa yāmb neba! Tik-vēeneg waa yāmb nengē sēn yi y Soabē wā, la D sikame tɪ wa yāmb nengē vēnem sēn vēnegde.
175. La sā n yaa sēn kō-b sɪd ne Wēndā la b gād-a wā, A na n kēes-b-la A Yolsgā pʊgē la (A kō-b) kūuni, la A peeg-b n tʊg A nengē sor sēn yaa trga.
176. B sokda foom, yeele: " Wēnd n leokd yāmb sēn pa bas-a roagd maa biig yelle: ninsaal sā n ki, t'a pa tar biig la a tara tāo-poaka, a rikda a sēn basā pʊsvka, la tāo-raoogā rikda yē faado t'a sā n ka tar biiga, la tāo-pogsā sā n yaa yiibu b soo a sēn basā sēn pʊt tāab n yāk yiibu. La b sā n yaa tāop n gēdg taab pagb la raoapa, rēnd raog fāa tara yāang pʊurā a buud a yiibu, Wēnd vēnegdame n wildg yāmb tɪ y ra wa menem ye, la Wēnd yaa Mit ne būmbā fāa.

5. Al-Maa'ida*

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. Yaa yāmb sid kōtba! pids-y y pulemsā; b kōo yāmb sor neema rūm-mugsā ti yaa halaale, rēnda b sēn karemd n togsd yāmb ti sor ka kō wā, sā n leb n ka tāoosg ti yāmb yaa sēn be Hagiimd pvgē. Ad Wënd buvda A sēn tvlle.
2. Yaa yāmb sid kōtba! Ra budg-y Wënd sēn gidgē wā ye, pa lohorem kiuugā, pa Hadı rūngā, pa rün-bobdsā, pa sēn togend-b lohorem Roogā n baood yudlem sēn yi b Soabā nengē la yardā pelens yksg ye. La yāmb sā n wa yidg n yi hagiimdā bi y tāoose. La neb wēngr ra wa kut ti yāmb pa tēeg turga, ti bala b gidga yāmb n yi lohorem Miihrā. La y sōng taab manegr la wēn-zoεεg zugu, la y ra sōng taab zunuub la beem zug ye. La y zoe Wēnde, ad Wënd sūgrā yaa kegenga.
3. B gidga yāmb zug gif la zum, la kurkur nemd la sēn kodg ti pa tū ne Wënd yvurā, la sēn gīd n ki, la sēn pāb n kv la sēn tar n lvı, la sēn tā taaba, la na-yēes rāmb sēn wābe, rēnda y sēn paam n kodge la sēn kood rvbs zugu la yāmb sēn na n baood pvur ne mo-losre (bagre). Ad rēnda yaa dīin yiibu. Rūndā, kuf-rāmbā wāaga b tēeb ne yāmb dīinā, bi y ra yaees-b ye, la yaees-y Maam. Rūndā M pidsa y dīinā n kō-yā, la M pids y zug M neema wā la M yar Lıslaoongā ne-y ti yaa y dīini, la sēn wa n pak-a soab t'a be kom kegeng pvgē ti pa beegre, rēnd Wënd yaa Yaafda n yaa Yoalsda.
4. B sokda foom ti yaa bōe la b kō bāmb sor ti b tōe n rı, yeele! "b kō-y-la sor ne rı-yılmā la yāmb sēn nom (tēoosg baasā) rūm-yōgdse, ti b sā n tūud noore, ti yāmb wīnigd-b būmb ning Wënd sēn wīnig yāmbā, bi y rı b sēn yōk n kō yāmbā, la y pvd Wënd yvur b soosgā wakato, la y zoe Wēnde, ad Wënd geelgā yaa tvulle.
5. Rūndā b kōo yāmb sor ne rı-yılmā, la b sēn kō-b rāmb Gafā rub yaa halaal ne yāmba, yāmb rubā me yaa halaal ne bāmba, la fur-pagb sēn yi muumin pogse wā, la fur-pagb sēn yi b sēn kō-b rāmb Gafā taor ti yāmb pa wa wā, ti yāmb sā n kō-b fur ligdi, ti y yaa yi-kāadba, pa yoaadba, pa sēn na n rik n maan rollemdo. La sēn kufı-a ne sid kūuni, sıda a tvumd lvume, la yēnda, Yaoolem rarā, a bee bōn-rāmbē wā.
6. Yaa yāmb sid-kōtba! Yāmb sā n yik n na n pvuse, bi y pek y nensā la y nūsā n tug y kāntuse, la y saag y zutā la y pek y naoñ n tug n tāag y na-

* Al-Maa'ida (Rubā svvra)

kugã. La yãmb sã n tara genaab maa y bee so-toaka, maa ned n maan we-keenga, maa y susa pagb la y ka paam koom, bi y wẽ tæema zĩ-yilengẽ n saag y nensã la y nusã. Ad Wënd pa tvll n na n maan pakr ne yãmb ye. La ad A tvllame n na n yulg yãmb la A pids A neema wã yãmb zugu. sãnd-sãnde y na pvus barka.

7. La y tæg Wënd neema wã yãmb zugã la A sart ning A sën dik ne yãmbã, yãmb sën ra yeele: " d wumame, d tũume" La y zoe Wënde, ad Wënd yaa mit ne sën be yãadẽ.
8. Yaa yãmb sid-kõtba! Yı-y yalsdb ne Wënde, n maand kaset ne sıda, la neb wëngr ra wa kit ti y ka tæg turg ye; tæg-y turg ti rẽ n pẽ ne wën-zoæga, la y zoe Wënde, ad Wënd yaa Minim têng-n-biig ne yãmb sën tvmdã.
9. Wënd pulma sën kō-b sidad la b tum sōmã wã, ti b tara yaafg la keoor sën yaa bedre.
10. La sën kufi-b la b yags Tōnd Aaya-rãmbã, bãmb la bugmã koamba.
11. Yaa yãmb neb nins sën kō sidad! Tæg-y Wënd neema wã yãmb zug wakat ningã neb sën saag n na n zẽk b nus yãmb zugu, t'A yõk b nũsã n yi yãmba, la y zoe Wënde. La sid-kõtba bobl b mens ne Wënde.
12. La sidad, Wënd rıka puleng [srayæel koambã zugu la D tvms b pvge zu-soaben-rãmb piig la a yiibu, la Wënd yeele: "ad Mam bee ne yãmb ti y sã n yãnes ne Pvusgã la y kō zaka la y kō sid ne Mam tẽn-tvumbã la y sōng-ba, la y peng Wënd pengr sën be neere, M na yaaf-y neer-neer y tvum wensã, la M na kees-y arzãn-rãmbẽ, ti ko-sood zoet b têngã. La sën kufi-a yãmb pvge rẽ poorẽ, sıda a menem n yii so-turga".
13. La ad yaa b pulengã yidgrã yinga la D kãab-ba la D maan b sũyã ti yaa koenga, b toemda goamã n yit b zĩisẽ, la b yim pvur bedr b sën tæg-b ne bũmb ningã pvge, la fo pa bakd n pukd zãmb b pvge ye, sã n pa b bilf bala. Bi f yaaf n bas-ba la f bas ti looge, ad Wënd nonga manegdbã.
14. La sën yeel-b rãmb ti bãmb yaa Nasaar-rãmba: "Tōnd rıka b pulengã, ti b yim pvur b sën tæg-b ne bũmb ningã, ti Tōnd raag beem b ne taab svka la gëeg n na n ti tãag Dũni Yıkr raare, la Wënd na wa n kō-b kibare, b sën da yt n maandẽ wã.
15. Yaa yãmb Gafã rãmba! Sid la Hakuka Tōnd tẽn-tvumã waa yãmb nengẽ, n vënegd n wĩnigd yãmb wvsg yãmb sën da solgd Gafã pvge, la a yaafd n basd wvsgo. Hakukã, waa yãmb nengẽ, vënenem sën yi Wënd nengẽ la Gaf sën vënegde.

16. Wënd kändgda ne-a (gafã, alkvrãanã) ned ning sën baood A yardã n tvg tlggr soyë la A yiisd yãmb ligsë wã n tvg vënenemë wã ne A tōogã, la A peegd-b n tvg sor-turga.
17. Sıdã, neb nins ktlf yã, sën yeel-b tı Wënd la a Sus-tı-maag a Maryam biiga, yeele: " yaa ãnd n tõe n gıdg Wënd baa a fvi t'A sã n tvll n na n halk a Sus-tı-maag a Maryam biig la a ma wã, la sën be tēng zug gilli ? La Wënd n so saas la tēng naam, la sën be b yiibã svka. A naanda A sën tvlle, la Wënd yaa tōogd ne bũmbã fãa.
18. La Yahvvd-rãmb la Nasaar-rãmb yeelame: "tōnd yaa Wënd koamb la A nõng-n-taase". Yeel-ba: "la yaa bõe yıng t'A sibg yãmb ne y beegrã? Ayae! Yãmb yaa ninsaalb A sën naanã pvğë, A yaafda A sën tvll-a soab la A sibgd A sën tvll-a soaba. La Wënd n so saas la tēns naam la sën be b yiibã svka, la baasg zıig yaa A nengë.
19. Yaa yãmb Gafã rãmba! Ad Tōnd tēn-tvumã waa yãmb nengë n vënegd n wınidg yãmba, tēn-tvumb sën kaoos n ka wa poorë, sën na yıl tı y ra wa yeele: "sũ-noogd buud ka wa tōnd nengë, pa bugsd!" L a sıdã, sũ-noogd la bugsd waa yãmb nengë, la Wënd yaa Tōogd ne bũmbã fãa.
20. La tēeg wakat ning a Muusa sën wa n yeel a nebã:" tēeg-y Wënd neema wã yãmb zugu, A sën maan nabıyaam-rãmb yãmb pvğë, la A maan yãmb tı y yaa nanambs la A kō yãmb A sën pa kō ned baa a yembr bõn-naandsã pvğë.
21. Mam neba! kē-y tēn-yıleng ning Wënd sën pulem yãmbã, la y ra tar n leb poorë tı y wat n baasame n yaa bõn-rãmba.
22. La b yeele: " Muusa! Ad neb n be beenë n yaa pãeens-rãmba, la tōnd kōn tol n kē-a rëndame tı b yii be, la b sã n yi, tōnd kēedame".
23. La roap a yiib yeel-yã, sën yi wēn-zoetbã pvğë, tı Wënd maan-b neema: " kē-y n bvg-y-ba, tı yãmb sã n kē, y na n wil-b lame", la y bobl y mens ne Wēnde tı y sã n yaa sıd-kõtba.
24. La b yeel-yã: "Muusa! Tōnd kōn tol n kē be lae, tı b sã n ket n bee be; fo kēnge, foom ne f Soabã, tı y yiibã zabe, tōnd na n paa ka n zıë.
25. La a yeel-yã: " m Soaba! Mam pa tõe, sã n ka m mengã la m ma-biigã, bı F welg tōnd ne neb nins sën yaa dıin yitbã ne taaba.
26. T'a yeele: "rënd tēngã yaa haraam ne bãmba yvum pis-naase, tı b tvumt tēngã pvğë, bı f ra sãam f sũur ne sën paam dıin-yitbã ye." Tı yaa b sën tvma n dond-ba.
27. La f karem n wıng-b a Adam koamb a yiibã yiibã (a Kaabiil ne a Haabiil) kibarã ne sıda, b sën wa n yãk Doaagã tı b reeg b yiibã yembr (Haabiil) nengë la b pa reeg a to wã (Kaabiil) nengë. T'a (Kaabiil)

- yeele: "la ti m na kv-fo". T'a (Haabiil) yeele: " ad Wënd sën reegdã yaa wën-zoetbã nengẽ",
28. La ti fo sã n tēeg f nugã n na n kv maam, mam pa na n tēeg m nug n na n kv foom ye, ad mam zoeta Wēnde, bōn-naandsã Naabã.
29. Ad mam tvllame ti fo tuk mam kvvã zunuub la f mengã me zunuub-rãmba, n yı bugum biiga, rē me la wēgdb rolbo".
30. T'a yōorã veo-a n tvg a ma-biigã kvvẽ, t'a kv-a n lebg bōn-soaba.
31. Tı Wënd tvms gãabg t'a garg tēngã n na n wīnig-a a sën na n lud a ma-biigã yãnd to-to, la a yeel-yã: "kato! Mam kong n na n yu wala gãab-kãngã, n solg m ma-biigã?" ti yē lebg n maan mimsã.
32. Yaa rēnda yīnga ti Tōnd gvls n rogl [srayeɛl koamba, ti ned sã n kv yōore, ti pa tũ ne yōore, maa yaa sãang la maan tēngã zug, yaa wala a kvv nebã zãnga; la ned sã n pōsg-a (yōore), yaa wala a vumsa nebã gilli. La sɪdã! Tōnd tēn-tvumbã waa b nengẽ ne vēenese, rē poorẽ wvsg sën yi b pvğẽ yaa maan-n-zvvg-rãmba tēngã zugu.
33. Ad neb nins sën zabd-b ne Wënd la A tēn-tvumã, la b kēnd tēngã zug ne sãangã, b rãmb rolb yaa b kv-ba maa b sãr-ba maa b kurs b nusã la b naoã ledem-ledma, maa b rig-b n yiis tēngã. Wãnda yaa yãnd ningr ne-ba Dũni pvğẽ. La Yaoolem Raarã b tara nan-bedre.
34. Sã n pa sën tuub-a taoor ti yãmb na n pa paam-b ye, bı y bãng ti Wënd yaa yaafd n yaa yoalsda.
35. Yaa yãmb sɪd-kõtba! Zoe-y Wënd la y bao pēnegr n tvg A nengẽ la y nidg pãng A sorã zugu, sãnd-sãnd y na tvlge.
36. Ad sën kvfl-bã, b sã n tar sën be tēngã zugã zãng ti rē bilgr paase, n na n duk n yao n fãag b mens Dũni-yıkr raarã, b kōn deeg b yīng ye, la b tara namsg sën zabde.
37. B ratame n yi bugmã pvğẽ la b pa na n yı yitb a pvğẽ ye, la b tara nang sën duumdi.
38. La wagd raog la wagd-poaka, bı y kvvğ b yıibã nus ti yaa rolb ne b sën tvmã, n yaa sɪbgr sën yi Wënd nengẽ, la Wënd yaa winda n yaa bvvd-mita.
39. La sën tuub-a a wēgbã poorẽ la a manege, rēnd Wënd reegda a tuubgã, ad Wënd yaa yaafd n yaa yolsda.
40. Fo pa bãng ti Wënd n so saas la tēng naamã la? N sɪbgd A sën tvll-a soaba la A yaafd A sën tvll-a soaba, la Wënd yaa tōogd ne bũmbã fã.
41. Yaa Foom tēn-tvuma! Sën yãgd-b kifendã pvğẽ wã yellã ra nams foo ye. Bãmb me la sën yet-b ti " tōnd kōo sɪda" ne b noyã, la b sũyã yaool

- n pa kō sūdā; bāmb me la Yahvud-rāmbā. B kelgda zīri, b kelgda neb a taab sēn pa wa foo nengē, b toeemda goamā n yit b zīisē, b yetame: "b sā n bv n kō yāmb wāndā bī y reege, la b sā n pa bv n kō-y rē bī y gūusi". La Wēnd sēn rat n zarb-a soaba fo kōn tōog n fāag-a n yī Wēnd lae; bāmb rāmbā la Wēnd sēn pa rat n yulg b rāmb sūyā, b tara yānd Dūni ka, la b tar yaoolem raarā me nang sēn labse.
42. B yaa zīri-be kelgdb n yaa zāmb-rtba, la b sā n wa fo nengē bī f bv b suk maa f ball n bas-ba, la f sā n ball n bas-ba b kōn nams foo fvi, la f sā n na n bv, bī f bv b svk ne tēeg-tirga, ad Wēnd nonga tēeg-tirg rāmba.
43. La na n yu wān-wān tī b bvd fo nengē tī bāmb yaool n tara Taoraatā tī Wēnd bvdā be a pugē, rē poorē tī b raeegdē, la bāmbā pa yī n yaa sid-kōtb ye.
44. Ad tōnd sika Taoraatā tī kāndgr la vēnem be a pugē, tī Nabiyaam-rāmbā sēn ya sak-n-tū rāmbā bvd ne-a Yaahvud rāmbā zugu, tī wēntūdbā la bāngdbā me bvd ne-a tī bala b rogla bāmb Wēnd gāfā gūusgu tī bāmb yaa kaset rāmb ne rē. Bī y ra yees nebā ye, yees-y Maam, la y ra tek Mam Aaya wā ne ligd bilf ye, la sēn pa bvd-a ne Wēnd sēn sikā, rēnd bāmb rāmb la kifr-dāmbā.
45. La Tōnd gulsame n dogl-b a pugē: tī yōor (ninsaal vuum) ronda ne yōore (ninsaal a to vuum), tī nif rond ne nifu, tī yōor pesgr rond ne yōor pesgre, tī tvbr rond ne tubre, tī yēnd rond ne yēnde, tī sāmpoag yaa maan-n-dolga. La sēn bas-a n pa maan n dol Wēnd yīnga, rē yaa yaafg ne yē yel-wēna, la sēn pa bvd-a ne Wēnd sēn sikā rēnd bāmb-rāmb la wēgbā.
46. La Tōnd pugla b vūunā ne a lisa a Maryam biigā t'a sidgd sēn reng a taorā sēn yaa Taoraatē, la D kō-a Lungiilā, tī kāndgr la vēnem be a pugē, n sidgd sēn reng a taorā sēn yaa Taoraatā, n le yaa kāndgr la sagls ne wēn-zoetbā.
47. Bī Lungiilā rāmb bv ne Wēnd sēn sik a pugē wā, la sēn pa bvd-a ne Wēnd sēn sikā, bāmb rāmb la dīin-yitbā.
48. La Tōnd sika Gafā fo nengē ne sūda t'a sidgd sēn reng a taorā sēn yaa gafā-rāmba; la a wind-ba, bī f bv b svkā ne Wēnd sēn sikā, la f ra pug b yam-leedā n bas sēn wa fo nengē wā ye. Yembr kam fāa Tōnd maana sāri la nao-kēndr n kō-a, la Wēnd sā n tulla A na maan yāmb zāma a ye, la yaa A sēn na n zarb yāmb ne A sēn kō-yā, bī y reng taab yel-sōma zutu, y fāa lebeng-zūig yaa Wēnd nengē t'A kō-y kibar ne y sēn ra tvmdā.

49. La f bu b svkā ne Wënd sēn sikā la f ra pug b yōyā yam-leed ye. La f gūus-ba ti b ra zarb foom n yi Wënd sēn sik f nengē wā sānda ye. B sā n raeeg bi f bāng ti Wënd tullame n paams-b ne b beegrā sānda, la ad nebā wusg fāa yaa dīin-yitba.
50. Pa zulemā buvd la b rat laa, la ānd buvd sōmblem n yud Wēnde, la yam-rāmbā n mi rē.
51. Yaa yāmb a sid-kōtba! Ra rik-y Yahvud-rāmb la Nasaar-rāmb ti yaa y zo-rāmb ye, bāmb la zood ne taaba; la sēn lall-a bāmb yāmb pugē rēnd a lebga bāmba, ad Wënd pa kāndgd wēgdg ye.
52. La fo yāta bāasā sēn be b rāmb sūyē wā ti b yāgd n yetē: "tōnd yeesdame ti yell na n wa paam tōnd, la tōe ti Wënd wa ne yiib zīg maa yell sēn yi A nengē ti b lebg n maan nims ne būmb ning b sēn solg b mensē wā.
53. La sēn kō-b sidā yetame: "bāmbā rāmbā la sēn wēen ne Wënd ne nidg pāng tekē ti bāmb bee ne yāmbā?". B tuvmā lvume ti b lebg bōn rāmba.
54. Yaa yāmb sid-kōtba! Sēn tar-a yāmb pugē n bas a dīini, Wënd na wa ne neb A sēn nong-b ti b nong-A, ti b yaa bug-bug ne sid-kōtbā n ya kāenkāe kifr-dāmb zugu, n zabd Wënd sorā zug n pa yeesd sābsd sābsg ye. Wānde yaa Wënd yudlem t'A kōt-a A sēn tull-a soaba, la Wënd yaa kō-yaleng Soaba n yaa Mita.
55. Yāmb pa tar lall-n-taas n zvug Wënd la A tēn-tuvmā la sēn kō-b sidā, ramb nins sēn yānesd-b Puvsgā la b kōt Zakā, ti bāmb yaa gāneg-m-mens-rāmb ne Wēnde.
56. La sēn lall-a Wënd la A tēn-tuvmā la sid-kōtbā, ad Wënd zāma wā, bāmb la windbā.
57. Yaa yāmb sid-kōtba! Ra rik-y sēn gād-b dīinā ti yaa yaalg la wusg sēn yi b sēn kō-b rāmb gafā yāmb taorā la kifr-dāmbā ti yaa y nong-n-taas ye, la y zoe Wënd ti y sā n yaa sid-kōtba.
58. La yāmb sā n bool n tvg Puvsgā b rikd-a-la ne yaalg la wusga.
59. Yeel-ba: yāmb a Gafā-rāmbā! Rē yīngā yāmb zangda tōndo, sā n pa tōnd sēn kō sid ne Wēndā, la A sēn sik n kō tōndā, la A sēn da reng n sikā? La yāmb wusg fāa sēn yaa dīin-yitbā.
60. Yeel-ba: "m ka na n kō-y kibar ne wēng sēn yud rē ne rolb Wënd nengē? Ad yaa Wënd sēn kāab-b rāmbā la A gē-bā, la A maan b sānda wāams la kurkuy la rvb-tūudbā. Ad bāmbā zīg wēng n yude la b yud meneng n yi so-turgā.

61. La b sã n wa yãmb nengẽ b yetame: " tõnd kõo sıda". La sıda, b kõe ne kifendo, b leb n yii ne-a. La Wënd n yud minim ne b sën da solgdã.
62. La fo yãta wvsg b pvğẽ, ti b yãgd beegrã pvğẽ, la beemã, la zãmbã rubo, ad b sën da yı n maandẽ wã yı wënga.
63. Yaa bõe yĩng ti b wën-tũudbã la b bãngdbã ra pa na n gidgẽ-b n yi b zũnubã gomdã la b zãmbã rubã? Ad b sën da maandã yı wënga.
64. La yahuud-rãmb yeelame: "Wënd nugã gõdame". B nus na gõde! La b kãab-ba ne b sën yeelã. Ayae! Ad A Nus a yĩibã tēegame, n kõt A sën rate, la sën sik n wa fo nengẽ sën yi fo Soabã nengẽ wã na n paasa b wvsg fãa kedgr la kifendo, ti Tõnd zaeems b svkã beem la gēega n na n tvğ n tãag Dũni yikr raare. B sën yõgen zabr bugum fãa, Wënd kiisd-a lame, la b kēnda tēngã poor zugu ne sãanga, la Wënd pa nong sãamdb ye.
65. Lak Gafã rãmb sã n kõe sıd la b zoe Wēnde, Tõnd rag n na yaaf b yel-wēnsã, D na kēes-b vı-noog arzãn-rãmbẽ.
66. La lak b sã n da yãnes ne Taoraatã la Lingiilã la sën sik b nengẽ wã sën yi b Soabẽ wã, b rag n na rı b yĩngrã la b naoã tēngre. Ad zãma n be b pvğẽ n yaa tēeg-turg rãmba la b wvsgã fãa sën maandã yaa wëngã.
67. Yaa foo Tēn-tvũma! Taas b sën sik fo nengẽ wã sën yi f Soabẽ wã. F sã n pa maan rē, rēnd f pa taas A Κοεεγã ye. La Wënd n gũud foo n yi nebã. Ad Wënd pa kãndgd neb sën yaa kıfr-dãmb ye.
68. Yeel b sën kō-b rãmb Gafã: " yãmb pa be fvı zug hal ti y wa yãnes ne Taoraat la Lungiil la b sën sik yãmb nengẽ wã sën yi y Soabã nengẽ wã ye". La na n paasa b wvsg fãa bũmb ning sën sik fo nengẽ wã sën yi f Soabẽ wã kedgr la kifendo, bı f ra sãam f sũur kıfr-dãmb poorẽ ye.
69. Ad sën kō-b sıdã la Yahvvd-rãmbã, la Dĩin kvdã sãnda pvğdbã, la Nasaar-rãmbã; ned ning fãa sën kō-a sid ne Wënd la Yaoolem-daarã -b waktã- la a tvũm sën yaa sãmã, rēnd yaeesg ka ne bãmb ye; b kōn sãam b sũur me.
70. Sıdã! Tõnd reega [sraaul koambã puleng la D tvũms b nengẽ tēn-tvũmba. Tēn-tvũm sën wa bãmb nengẽ fãa ne sën pa ta bãmb yamleooogo la b sën yagsd sãnda la sãnda ti b kvvda.
71. La b tēeme ti kōn yi yell ye, ti b zong la b maan wvdlẽm rē poorẽ ti Wënd reeg b tvubgu, ti b le zong ti b wvsg wvũnge, la Wënd yaa net ne b sën tvmdã.
72. Sıdã, sën yeel-b ti Wënd la a Sus-tı-maag a Maryam biig a [ısa wã kıflame. La a Sus-tı-maag yeelame: "yãmb a [sraaul koamba! tũ-y

- Wēnde, mam Soabā, la yāmb me Soabā. D bāng ti ned ning sēn maan-a lagem-n-taar ne Wēnde sid-sida, Wēnd gidgd-a-la ne arzānā t'a gāag zīig yaa bugmē, la wēgdbā pa tar sōngd buud ye.
73. Sidā, neb n kifl, sēn yeel-b ti Wēnd yaa tāaben-soab yembrā, la soab yaool n ka be rēnda soab-yenga, la b sā n ka bas b sēn yetā na n paama sēn kifl-b b pugē wā nang sēn zabde.
74. B pa na n lebg n tvg Wēnd nengē la b kos-A yaafa? La Wēnd yaa Bas-ti-loog soab n yaa yoalsda.
75. Ad Sus-ti-maag a Maryam biigā pa zvvg tēn-tvum ye. Sidā, tēn-tvumb renga a taoore, a ma wā me yaa sid-kōt-poaka, b yibā ra rta rubo, ges Tōnd sēn vēnegd Aaya-rāmbā b yīng to-to la f ges b sēn gōgd to-to n basd sidā.
76. Yeele: "yāmb tūda zēng sēn pa Wēnde sēn pa tōe n nams-yā, pa nafgo, la Wēnde, Yē la a Wvmd n yaa a Mita".
77. Yeele: "Yaa yāmb Gafā-rāmba! Ra zvvg-y toaag y diinā weengē ti pa tū ne sid ye, la y ra tū neb yam-leood ye; neb sēn da reng n menem la b menmes neb wvsg la b menem n yi so-turgā zugu"
78. B kāaba sēn kifl-bā sēn yi a [sraaul koambē wā ne a Daawvud zelemd la a Maryam biiga [isa, la yaa b sēn kus la b ra yi n zvvgd toaagā.
79. B ra yume n pa gidgd taab n yi kisg b sēn maand-a ye, ad b sēn ra tvmdā yu wēnga.
80. Fo yāta wvsg b pugē ti b lalld sēn kifl-bā, ad b mensā sēn tvum ti reng taoor b yīngā yī wēnga, bala Wēnd gē-b lame, b na n duuma nangē wā me.
81. La b sā n da kōta sid ne Wēnd la Nabiyaamā la sēn sik n kō-a wā, b rag n kōn n rik kifr-rāmbā n maan nong-n-taas ye. La ad wvsg fāa sēn yi bāmb pugē wā yaa dīin-yitba.
82. Fo na n mikame ti nebā sēn yud beem ne sid-kōtbā yaa Yahvud-rāmbā la lagem-n-taarā rāmbā. La fo na n mikame ti sēn pē-b nonglem ne sid-kōtbā yaa sēn yeel-ba: " tōnd yaa Nasaar-rāmba". Bala bee bāmb pugē sēn yaa bāngdba la Wēn-tūudba, b leb n pa waoogd b mens ye.
83. La b sā n wvum sēn sik n kō Tēn-tvumā, fo yāta b ninā sēn kiigd nintām b sēn bāng sidā yīnga, b yetame: " tōnd Soaba! d kōo sida, b F guls tōnd n lagem seetbā.
84. la bōe n tar tōnd ti d ka na n kō sid ne Wēnde, la sēn wa tōnd nengē sēn yaa sidā? La tōnd tēda ti d Soabā na kēes-do n lagem nin-sōmbsā "

85. Tı Wënd rol-ba b sën yeelã sababo, arzãn-rãmba, ko-sood sën zoet a têngre, ti b yaa paadb a pugê, la woto la manegdbã rolbo.
86. La sën kifl-ba la b yags Tõnd Aayae-rãmbã, bãmb la Bugmã koamba.
87. Yãmb a sid-kõtba! Ra gidg-y y mens ne bõn-yilem-nins Wënd sën kô sor ne yãmbã ye, la y ra zvvug toadg ye, ad Wënd ka nong maan-n-zvvug-rãmb ye.
88. La y rı bũmb ning Wënd sën rulg yãmbã, sën yaa halaale n yaa yilemde. La y zoe Wënde, yãmb sën kô sid ne A Soabã.
89. Wënd pa yõkd yãmb y wënegã pugê ti y sã tudg ye, la ad A yõkda yãmba, yãmb sën loe n wãag ne wëneg ningã, la a maan-n-rolgã yaa nimbãan-neb piig rulgre, yãmb sën rulgd y zagsã rãmbã têng-n-sugre, wall b yelgre, wall yamb bas burkĩndi. La sën pa tara rënda, bi a loe noor rasem a tãabo, yãmb wënegã maan-n-rol la woto, ti y sã n wëene. La y gũus y wënegã. Yaa woto la Wënd vënegd A Aayay wã n wĩnigd yãmba, sãnd y na pvvs barka.
90. Yãmb a sid-kõtã! Ad rãamã la tentægã la rub-kugã la tën-kugã, yaa rëgd sën yaa a Svtaan tvvuma, bi y zãag-a, sãnde y na tilge.
91. Ad a Svtaan tvllame n na n kées beem la gëeg yãmb svka, rãamã la tentægã pugê, la a gid yãmb n yi Wënd yuurã tēegre la Pvvsgã, la rē yĩnga yãmb na n basame bu?
92. La y tũ Wënd la y tũ A Tën-tvumã, la y gũusi, la yãmb sã n raeegē bi y bãng ti sën be Tõnd Tën-tvumã zugu, yaa taasg sën vënege.
93. Taal ka be ne sën kô-b sidã la b tvm tvvum sõmsã, b sën rı bũmb ning ti loogã ye, ti b sã n zoe Wënd la b kô sida la b tvm sõma, rē poorē ti b zoe Wënd la b kô sida, rē poor ti b zoe Wënd la b manegē. La Wënd nonga manegdbã.
94. Yãmb a sid-kõtba, Wënd na n zarba yãmb n ges ne bũmbu, sën yaa weoog te-tãoosdem, ti yãmb nusã ne y kãnã paamd-ba, ti Wënd na puk ti b bãng sën yaeesd-A ne A sën solgã fãa, la sën maana n zvvug rē poorē, a tara namsg sën zabde.
95. Yãmb a sid-kõtba! Ra n tãoos-y ti yãmb be hagiimd pugê ye, la sën kv-a soab yãmb pugê, bi a rol yē buud yir rũmsē wã; tēeg-turg-rãmb a yiib sën yi yãmb pugê n buude, ti yaa rũng n peeg n kēng Mak Roogē wã, maa yaa maan-n-roalg sën yaa nimbãan-rãmb rulgre, maa a tedg rē sõorã ne no-loeere, bvul yĩng t'a na lemb a yellã beedo, Wënd yaafa sën loogã, la sën leb-a be, Wënd sibgd-a lame, la Wënd yaa wilb Naab n yaa Sibgda.

96. B kōo yāmb sor mogr yēebo, a rubā me yaa wum-noog ne yāmb la kēn-kēndba, la b gidg yāmb ween-viuvgē tāoosgo, tu yāmb sã n ket n be hagiimdã yermē, la y zoe Wēnde, b sēn na n tigim yāmb n tvug a Soab nengē wā.
97. Wēnd maana Mak Roogã sēn yaa lohorem roogã, tu yaa tikr ne nebã. La A maan lohorem kiisã la rûm-pegdsã la rûm-bobdsã, wānde yaa y bāng tu Wēnd mii sēn be saasē wā la sēn be tēngē wā, la Wēnd mii bũmbã fãa.
98. Bāng-y tu Wēnd sbgrã yaa kegenga, la Wēnd yaa Yaafda n yaa Yolsda.
99. Pa be ne Tēn-tvumã, rēnda taasg bala, la Wēnd mii yāmb sēn vēnegdã la y sēn solgdã.
100. Yeele: " yook ne sōma pa yembr ye, baa tu yookã waooglemã sã n maan foom yel-solemde, bi y zoe Wēnde, yāmb a yam-bæel-rāmba sānd-sānde y na pōse"
101. Yāmb a sid-kõtba! Ra n sok-y yela, tu b sã n vēneg-a n wīnig yāmba, pa noom yāmb ye. La yāmb sã n soak-a b sēn wa n sikd Alkrāanã wakatã, b vēnegdame n wīnig-yã. Wēnd basa rē tu looge, la Wēnd yaa Bas-ti-loog Soaba n yaa sugr Soaba.
102. Sida, neb n soak-a, sēn reng yāmb taoore, rē poorē tu b baas n ktfl ne-a.
103. Wēnd pa maand rūng sēn yaa tub gurga, pa rûm-raeedga, pa yāams doagda, pa rûn-yaaba sēn pa tat ye. La ad sēn ktfl-bã n pasd zīri-beed n rogend Wēnde, la b wvsgã fãa pa tar yam ye.
104. La b sã n yeel-ba: "wa-y n tvug Wēnd sēn sikã la tēn-tvumē wã". La b sēn yete: " seka tōndo, tōnd sēn mik d ba-rāmbã ne bũmb ningã. La bāmb ba-rāmbã yaool n da yume n pa mi fv̄ la b pa kāndgde, rēnd bāmb na n yu wānã n tūud-ba?
105. Yāmb a sid-kõtba! ges-y y mensã yelle, ned sēn menem pa namsd yāmba, tu yāmb sã n kãnde, Wēnd nengē la y gillã lebr zīiga, t'A kō-y kibar y sēn da yu n tvumdē wã.
106. Yāmb a sid-kõtba! Kaset maaneg yāmb ne taab svka, tu kūum sã n wa yāmb ned kam fãa nengē, no-gomd basg wakato, yaa neb a yiib sēn yaa tēeg turg-rāmbã sēn yī yāmb pugē, maa a taab a yiib sēn yaa neb a taabã, tu yāmb sã n gō tēngã tu kūumã yell paam yāmba. Y zīndgda b yiibã Pv̄vsgã poorē, tu b yiibã wēen ne Wēnde, tu yāmb sã n maand-b la sika : " tu tōnd pa tek-d-a ne ligd baa tu yaa rog-pētba, d ka na n solg Wēnd kasetã me, ad tōnd wakat-kāngã, d yaa bæegdba".

107. La b sã n wa mik ti bãmbã b yïibã, b paa beegrã pugã, bı neb a yïib a taab yãnes b zïigẽ wã, n wëen ne Wënde : "tı tønd kasetã n sõmb ne reegr n yud bãmbã kaset ningã, la tønd pa maan n zıvg ne kaset zıri ye, ad tønd sã n maan rẽ, d yaa wëgdba.
108. Wã n pẽ ne b na wa ne kasetã a nengã zugu, maa b yaees ne b na wëneg wënegã n tees fa-rtubã bãmb wënegã poorẽ ti b wëen n maan kaset ti yõsg bãmb kasetã ti b bãngã puki. La y zoe Wënd la y kelge. La Wënd pa kãndgd diin-yitb ye.
109. ☞ Tëeg-y raar ning Wënd sën tıgim tẽn-tıumbã n yeele: "b saka yãmb wãn-wãna?" Tı b yeele: " minim ka be ne tønd ye, ad Foom la yel-soond Mita".
110. Tëeg wakat ning Wënd sën yeele: " [ısa a Maryam biiga, tëeg Mam neemã wã f zugu la f ma wã zugu, ne Mam sën keng fo pëlg ne yõ-yılgã a Gibrıila, ti fo gomd ne nebã zëgsẽ la f bi-poglem wakato, la Mam sën wınig foom Gafã la bıvd-minim la Taoraat la Lingiil la fo sën naan ne tãndo wala luiil yalẽ, ne Mam tōogo, ti fo fıvsd b pugẽ, ti b lebg luiili ne Mam tōogo, la f pukd sën rog ne zond nini, la f tıpd sëer ne Mam tōogo, la fo sën wa n vıvgd kũ-rãmb ne Mam tōogo, la Mam sën wa n yõk [sraeɛl koambã n yi foom, fo sën wa n wa b nengẽ ne vëenesã, ti sën kıfl-b b pugẽ wã yeele:" wã pa yı rëndame ti yaa tum sën yaa vëenega".
111. La Mam sën wa n leems fo pugdbã ti: " kō-y sıd ne Maam la M Tẽn-tıumã". Tı b yeele: "d kōo sıda la maan kaseto ti tønd yaa sak-n-tũ-rãmba".
112. Wakat ning Pugdbã sën wa n yeele:" Maryam biig a [ısa! Rẽ yınga fo Soabã tõeeme n sik rub n kō tōndo, sën yi saasẽ wã? T'a yeele: "zoe-y Wënde, ti yãmb sã n yaa sıd-kõtba.
113. La b yeel yã:" tønd ratame n rı-a ti d sũyã yõgne la d bãng ti fo sıdga tønd ne f gomdã, la d yı kaset maandb a zugu".
114. A [ısa a Maryam biig yeelame: " Tønd Soab a Wënde, sik rub tønd zugu, sën yi saasẽ wã, ti yı tıgri ne tōndo, d rãeenem rãmb la d yaoolem, la tagmas sën yi Fo nengẽ, la F rılg tōndo, ti Foom la rılgd sën yud sõmblem.
115. Wënd yeelame: " M na n sik-a la y zugu, la sën kıfla yãmb pugẽ rẽ poorẽ, M na n stbg-a la stbgr ningã, M sën ka stbgd-a ned fãa bõn-naandsã pugẽ".
116. La tëeg Wënd sën yeele: " [ısa a Maryam biiga! Fo n yeel nebã: " rıky maam ne m ma wã ti yaa soben-rãmb a yıib zëng sën pa Wënde?".

T'a yeele: " Fo Naam yulg yã, pa sōmb ne maam ti m yeel m sēn pa tar sor ne būmb ning ye, mam sã n yeel-a lame, sıda Fo miime, Fo mii sēn be mam nengē, la m pa mi sēn be Fo nengē ye, ad Foo la yel-soonde Mita.

117. A [ısa yeela a Soaba: Mam pa yeel-ba, rēnda Fo sēn sagl maam ne būmb ningā: ti tū-y Wēnde, maam ne yāmb Soaba, la mam ra yaa kaset maand b zugu, m sēn da be b pvgē wã, la Fo sēn wa n saas maamã, Fo n yaa gūusd b zugu, la Fo yaa seet ne būmbã fãa, rēnd mam sēn yeel-ba pa solgd Foo ye, la b sēn yeel mam loogrã poorē wã
118. Fo sã n nams-ba, b yaa Fo yembse, la F sã n yaaf-ba, ad Foo la Winda n yaa bvvd Mita".
119. Wēnd yeelame: " wānde yaa raare sıd-rāmb sıd sēn nafd-ba, b tara arzān-rāmba ko-sood sēn zoet b tēngre ti b yaa paadb b pvgē lae-lae, Wēnd yard bee b yīnga ti b yar-A, ad wānde la pvt-kāsenga".
120. Wēnd n so saas la tēng naam la sēn be b pvgē wã, la A yaa Tōod ne būmbã fãa.

6. Al-An`aam*

Ne Wënd yuurā barka, sēn yaa yols yaleng Soabā, n yaa Yolsdā, la d sungd d tuvmdā.

1. Pēgr be ne Wënd sēn naanā saasā la tēngā la A maan ligšā la vēnemā, ne rē fāa, sēn kuflbā b makda soab-rāmb ne b Soabā.
2. Yē n naan yāmb ne tāndo, rē poorē t'A bu wakat sēn tar teka, la wakat a to sēn yāk toaaga, la ne rē fāa, yāmb ket n maanda sik ne Wënd tōogā.
3. la Yē la Wēnde, saasē la tēngē, A mii yāmb solgr la y vēnegre, la A mi y sēn maandā.
4. La Aayar buud pa be sēn na wa-ba sēn yaa b Soaba Aayay rēndame ti b yi balldb n yi-a.
5. Sīd la hakuka b yagsa sīdā, a sēn wa n wa b nengē, la sā n beē, b sēn da yaand būmb ningā kibay na wa n wa b nengē.
6. Rē yīngā b pa bānge, sōor waoog Tōnd sēn halk bāmb taoore, sēn yaa zamaan-rāmb Tōnd sēn kō-b tōog tēng zugu, tōog D sēn ka kō-a yāmba la D tvms saagā b nengē, t'a kiigdē, la D maan ko-soodā t'a zoet b tēngrā, la D halk-ba b beegrā yīnga, la D yēbg zamaan-rāmb a taab bāmb poorē.
7. La ba ti Tōnd sā n sik gaf fo zug kārasaas pvsē, ti b sus-a ne b nusā, kuf-rāmbā na yeele: " wā pa yi rēndame ti yaa tum sēn yaa vēnega.
8. La b yeelame: " yaa bōe ti b pa na n sik a zug Maleka?", la ti Tōnd sā n sik Maleka, buvdā rag n na kaoē, b pa na n koll-ba.
9. La Tōnd sā n da maan-a t'a yaa Maleka, D rag n na maan-a t'a yaa raoa, la na n kell n yu gēdg ne bāmbā, wala wānde sēn liibd bāmbā.
10. La ad b ra yaala tēn-tvumb sēn reng fo taoore, ti halkr sig neb nins sēn yaal tēn-tvumbā, b sēn da yi n yaandē wā yīnga.
11. Yeele: "kēn-y tēng gāngā zug la y ges zirī-be-nebā baasg yu wānā?"
12. Yeel-ba: " ānd n so sēn be saasē wā la sēn be tēng zugu" Yeele: " yaa Wēnde". A gulsa yolsgā n rogl A Menga. A na n tigma yāmb neer-neere n tug dūni yikr raare sik ka a pugē ye. Rāmb nins sēn bōn b mense bāmb n ka kōt sīda.
13. La Yē n so sēn yōgneg yungo la wīndga, la Yē la wumda n yaa mita.
14. Yeele: " zēng sēn pa Wënd la m na n rik ti yaa m lallda, saas la tēng yēbgda?" Tī Yē n rilgde, b pa rilgd-A. Yeele: "ad maam, b sagla maam ti m yi rāeenem sēn sak-a n na n tū". La f ra yi lagem-n-taar soab ye.

* Al-An`aam (Yir rūmsā svura)

15. Yeele: " ad mam yaeesdame tu m sã n kus m Soabã, ra-kãsengã raar nangã.
16. B sën wënems-a soab n yi ra-kãng raar nangã, sıda, A yols-a lame, la rë la pōsb sën yaa vëenega.
17. La Wënd sã n paams foom ne toogo, ad pãrgd pa be ne-a rënda Yë. La A sã n paams foom ne sōma, ad A yaa tōod ne bũmb fãa.
18. La Yënda la winda A yembsã zugu, la Yë la buvd mita n yaa mita.
19. Yeele: "bōe n yud bedrem kaset maanegë?". Yeele: " yaa Wënde!". A yaa seeta maam ne yãmb suka, la b tuma mam nengë Alkorãan-kãngã tu m bugs-y ne-a la a sën ta-a soab fãa, la rë yĩngã yãmb na maan kaset tu soab-zëms n lagem Wënde? Yeele: " m kõn maan kaset ye".
20. Tōnd sën kō-b rãmb gafã, b mi-a lame wala b sën mi b koambã, bãmb la sën wëg b mensã, n pa kōt sıdã.
21. La ãnd wëgb n yud ned ning sën wãag-a zĩri n rogl Wënde maa ned ning sën yags-a A Aayar-rãmbã, sën yalë fãa ad wëgdbã pa pōsd ye
22. La tēg raar ning Tōnd sën na n tigim-b gilli, la D yeel sën maan-b lagem-n-taarã: " Yãmb lagem-n-taas nins yãmb sën da yëgemda bæε?".
23. Rë poorë, bãmb padeng pa yı rënda b sën yeel bala: " d wëen ne Wënde, sën yaa tōnd Soabã, ad tōnd ra pa yı n yaa lagem-n-taar rãmb ye.
24. Ges bãmb sën yags b mens to-to, tu bãmb sën da pasd n rogendë wã menem n bas bãmba.
25. La be b pugë sën kelgd foom, la Tōnd maana limã b sũyë wã tu b pa tōe n fasem-a ye, la b tvbë wã yaa kıda, la b sã n yã yel-solemd fãa sën yaa tagmase, b pa kōt sid ne-a ye. Halu tu b sã n wa wa fo nengë n maan tak-n-taar ne foom, la sën kufi-bã yeta: " wãnde pa yı rënda rãeenem rãmb soalma".
26. Tı bãmb yaa sën gudg nebã n yi sıd-kũunã la b zãagd-a, la ad b pa halkd tu sã n pa b mens bala, la b pa ningd b yamë ye.
27. La tu fo sã n yã b sën wat n yãnes bãmbã bugmë wã, tu b yeele:" la tu tōnd sã n da paamë lame tu b lebs tōnd dũni, d kõn yags d Soabã tagems-rãmbã ye, d na yı sıd-kōtba.
28. Pa woto ye, ad yaa b sën da solgdã n vëneg ne-ba, la baa tu b lebs-ba, b na n le leba b sën gudg bãmb ne bũmb-ninsã maanego, la ad b yaa zĩri-be-neba.
29. la b yeelame: "Ad yaa tōnd dũni wã vum bala, ad b pa na n yik tōnd ye.

30. La ti fo sã n yã b sën wat n yãnes bãmba, b Soabã nengë, t'A yeel-ba: " rë yĩngã wãnde pa sıda?" ti b yeele! " yaa sıda, d wëen ne d Soabã". T'A yeel-ba:" bı y lemb y namsgã, yãmb sën da yı n kUSD Yikrã yĩnga".
31. Sıd la hakuka, sën yags-b Soabã segbã bõn yã, hal ti dũni wã Yikr sã n wa wa bãmb ne lingri, la b sën yete:" yaa tõnd bõne ne tõnd sën maan yam yaal-yaale Dũni wã yikr pugë, ti bãmb yaa sën tukd b zubã b poyã zutu, ad bãmb sën tukd bũmb ningã yı wënga.
32. La dũni vumã pa yı rëndame ti yaa reem la wısga, la ad Yaoolem zakã n yud sõmblem ne wën-zoetbã, rë yĩnga y pa na n bao yam?
33. Sıd-sıda D miime ti ad b sën yet bũmb-ningã sãamda fo sũuri, la ad bãmbã ka foom la b yagsd ye, la ad wëgd bã yaa Wënd tagmas-rãmbã la b kusda.
34. La ad tẽn-tvumb la b ra reng n yags fo taore ti b maan sugr ne b sën yags-bã la b nams-bã halı ti Tõnd sõngrã wa wa b nengë, la ad tædgd ka be ne Wënd gomdã ye, la sıda ad tẽn-tvumbã kibay waa fo nengë.
35. La b raeegrã sã n paka foom, rënd f sã n tõe n bao bok tẽngã pugë n kë, maa radg n tug saasë wã n ti wa ne yel-solemd b nengë bı f maane, la Wënd sã n tullë A rag n na tigim-b kãndgrã zugu, bı f ra toll n yı zıt ye.
36. Ad sën sakd-bã yaa sën wumnd-bã, la kiidbã Wënd n na n yik-ba, rë poorë b lebeng zĩig yaa A nengë.
37. La b yeelame: "yaa bõe ti b pa na n sik yel-solemd a nengë sën yı a Soabë wã, yeel ti Wënd yaa tõoda ne A na sik yel-solemd, la ad nebã wısg fãa pa mi rë ye.
38. La bõn-yãnemdg fãa pa be tẽngã zugu, pa liuul sën yıkd ne a pıgs a yiibu, rëndame ti yaa zãma wala yãmba. Tõnd pa bas baa fıvı Gafã puë ye, rë poorë b na n tigim-b lame n tug b soabã nengë.
39. La sën yags-b Tõnd Aaya-rãmbã, b yaa wumse n yaa mugsı, n be lıgs pugë. Wënd sën tvll n menes a soabã, A menemesd-a lame, la A sën tvll-a soaba, A ningd-a-la so-tırgã zugu.
40. Yeele: "kõ-y maam kibare: Wënd namsgã sã n wa yãmb nengë, maa yaa Dũni wã Yikri, yaa zëng sën pa Wënd la yãmb na n bool bu ti y sã n yaa sıd rãmba?".
41. Ayo! Yaa Yë bal la y boonda, t'A pãrg yel ning yãmb sën kotã n bas-yã t'A sã n tulla, ti yãmb yĩm yãmb sën da maan lagem-n-taar ne bõn-wood ninsã.

42. La sɪda, Tõnd tumsame ti tug zâma-râmb sên reng fo taoore, la Tõnd yõk-b lame ne keelem la toogo, sând-sânde b na gâneg b meense.
43. La bâmb sã n da gânegê la b mensã n leb Wënd nengê, Tõnd nangã sên wa n wa bâmb nengê wã, na sãoogê, la ad b sũyã kvume, t'a Svitããn faas b yĩnga b sên da tumdã.
44. La b sên wa n yĩm b sên bugs-b ne bũmb ningã, Tõnd paka bũmbã fãa rag-nõe n kõi-ba, hal ti b sên wa n kudem ne bũmb ning b sên kõi-ba la Tõnd sên yõk-b ne lingri, ti bâmb yaa yell-sên-pak-b-rãmba, ti b wãag-b tõebo.
45. Tı wẽgdbã yẽgr vooqe, rënd Pẽgr be ne Wënd sên yaa bõn-naands Soabã.
46. Yeele : " kõi-y maam kibare, Wënd sã n reeg yãmb wumbã la y ninã la A yẽd y sũyã, yaa soab bug n na n wa ne-a yãmb nengê zẽng ti ka Wẽnde? Ges Tõnd sên vẽnegd tagmasã to-to? Rẽ poorê ti bâmb raegde.
47. Yeele: " kõi-y maam kibare Wënd nangã sã n wa yãmb nengê ne lingri, maa yaa vẽnega, rẽ yĩngã na n halkame ti sã n ka wẽgdbã bı?"
48. la Tõnd pa tumsd tũntũmbã, rëndame ti b yaa sũ-noogdb la bugsdba, la sên kõi-a sɪd la a manege, rënd ra-beem ka be ne bãmba, b pa na n sãam b sũuri.
49. La sên yags-b Tõnd Aaya-rãmba, naong n na n paam bãmba, b sên da yı n yit dĩinã yĩnga.
50. Yeele: " mam pa yet yãmb ti mam tara Wënd rtlã baoã ye, bı mam mii sên solg ye, la m pa yet ti mam yaa Malek ye, la ad mam pa pugde rëndã bũmb ning b sên tum ti wa mam nengê wã, yeele: "rẽ yĩngã zoang ne nin soab tõe n yı yembr bı? Y pa na n tags n gese?"
51. La f bugs ne-a sên yaeesd-b ti b na n tigim-b lame n tug b Soabã nengê bãmb pa tar lalld zẽng sên pa Wẽnde, b pa tar sugsd-zẽng me - ti sãnde b na zoe Wẽnde.
52. La f ra rig neb nins sên tũud-b Soabã yibeoog la zaabr ti yaa Wënd yĩnga, b geelg baa fvi pa rog fo zugu, fo me geelg baa fvi pa rog bãmb zugu, ti f sã n rig-ba, f yita wẽgda.
53. La yaa woto bala la Tõnd maan b sãnda ti yaa zarb-n-gesga ne sãndã bvl yĩng ti b na yeele: " bãmba rãmba la Wënd maan yudlem tõnd svkã? La rẽ yĩnga pa Wënd n yud minim ne bark pvvsdba?
54. La sên kõi-b sɪd ne Tõnd tagmas-rãmbã sã n wa fo nengê, bı f reeg b sallemã neere, la f yeel-ba: ad yãmb Soabã roglã A meng yolsg ti yaa tilae: ti sên tum-a wẽng yãmb pugê ne zulem, rẽ poorê t'a tuubi la a manege, ad A yaa Bas-ti-loog Soaba, n yaa Yoalsda.

55. Yaa woto la Tõnd vënegd Aaya-rãmbã, la sën na yil ti nin-wëns sorã yí vënega.
56. Yeele: " ad b gıdga maam ti m da tũ yãmb sën tũud-b rãmbã zëng ti pa yı Wëndã ye. Yeele: " m pa pıgd yãmb yamleoodã ye, mam menema wakat kãnga, m pa kãndgd ye.
57. Yeele: " Mam bee vënem zug sën yi m Soabë wã, ti yãmb yags-a, ad yãmb sën yãgd ne bũmb ningã pa be mam nugë ye, ad buvdã yaa Wënd n so, A togsda sıda, la Yënda la wëlgdbã sën yud sõmblem".
58. Yeel-ba: " la ti bũmb ning yãmb sën yãgd ne wã sã n da beë-la mam nugë, yellã rag n na saë maam ne yãmb suka, la Wënd n yud minim ne wëgd bã.
59. La yel-soandı kvulem-biis bee A nengë, ned ka me-a ti sã n pa Yë ye, la A mi sën be ween-vıvıv së la mogrë, la vãoog buud pa lıvte, rëndame t'A mi a fıırı, pa bõn-beelle sën be têngã lıgs pıgë, pa bõn-maasre pa koεnga, rëndame t'a be gaf sën vënegd pıgë.
60. La Yënda n kvıd yãamb yıngo, la A mi yãmb sën tum wındgã, rë poorë t'A yik yãmb wındgã pıgë, buıl yıng ti na pıds wakat sën yãk raare, rë poorë, A nengë la y lebeng zıiga, t'A kõ-y kibare y sën da yı n tumdë wã.
61. La Yënda la wında A yembsã zugu, la A tımsd gũusdb y zugu, hal ti kũum sã n wa yãmb yembr fãa zugu, Tõnd tën-tıvımbã kvıd-a lame, ti bãmb yaa sën pa yıgd ye.
62. Rë poorë ti b lebs-b Wënd nengë, b Soaad sıd-sıdã, yaa sıda Yë n so buvdã, la Yë la geendbã sën yud tvılem.
63. Yeele: "yaa änd n tulgd yãmb n yi ween-vıvıvgë la mõgrë lıgsı ti yãmb boaad-A ne gãneg-m-menga la ra-beem; lak ti F Sã n tulg tõnd n yi yãoondã d na yı bark pıvıvıvdbã".
64. Yeele: "Wënd n tulgd yãmb n yi-a la keelem buud fãa me, rë poorë ti yãmb maand lagem-n-taare.
65. Yeele: "Yë la tõogda, n na n tıms namsg yãmb zugu, sën yi yãmb yıngr weengë la y naoã têngre, maa A këes yõs-taab yãmb pıgë n leems yãmb sãnda ne sãnda keelem. Ges Tõnd sën vënegd tagmasã to-to ninga, sãnd-sãnde b na fasme.
66. La fo nebã yagsa ne-a, ti yë n yaool n yaa sıdã. Yeele: " mam pa yı n yaa gũusd yãmb zug ye.
67. Kıbar fãa tara tabendg zıiga, la ket bılfu y na bãnge.

68. La fo sã n yã sën faood-b Tõnd tagmas-rãmbã pugẽ wã, bɪ f ball n yi-ba, halu tɪ b wa tvɔg n faood gom-zẽms pugẽ, la a svitãan sã n yĩms foom, bɪ f ra zĩnd tẽegrã poorẽ ne wẽg-m-mens-rãmbã ye.
69. La bãmbã geelgã pa zao wẽn-zoetbã zug baa fvi, la ad yaa b tẽeg-ba, sãnd-sãnde b na zoe Wẽnde.
70. La f bas sën rik-b diinã ti yaa reem la wısgã, ti dũnĩ wã vum belg bãmbã, la f tẽeg-b ne Alkvrãanã ti yõor ra wa halke a tvum wẽnsã yĩng ye, a pa tar lalda maa sugda ti pa Wẽnd ye, la fo sã n na n yao n fãag f meng yaoob tekẽ b ka na n reeg-a ye. Bãmb-rãmb la b sën halke b sën tvmã yĩnga. B tara bõn-yũuds sën ya ko tvvlgã, la naong sën zabde, b sën da yɪ n kifendẽ wã.
71. Yeele: "tõnd na n tũuda zẽng sën pa Wẽnde, t'a pa nafd tõnd la pa namsd tõndo, n tar n leb poorẽ Wẽnd sën kãndg tõnd poorẽ, ti yaa wala Svitãamb sën yirb-a soab tẽngã pugẽ, t'a yaa yirga, n tar tũud-n-taas ti boond-a n tvɔgd kãndengrã: "wa tõnd nengẽ". Yeele: "Wẽnd kãndengrã la kãndengre, la b sagla tõnd ti d bas d mens n tũ bõn-naandsã Naaba".
72. La y tigl Pvvsɔgã, la y zoe-A. La Yẽ nengẽ la b na n tigim yãmb n tvɔge.
73. La Yẽ n naan saasã la tẽngã ne sida, la raar ning A sën na n yeel t'a yɪ t'a be yubẽ. Yẽ gomdã la sida, la A so naamã raar ning b sën na n fvvs bargẽ wã. Sën solg la sën vẽneg mita, la Yẽ la bvdv mita n yaa minim-kãseng Soaba.
74. La tẽeg wakat ning a [braahum sën wa n yeel a saambã a Aazar:" fo rikda rvbs ti yaa soben-rãmba? Mam nee foom ne f nebã meneng sën yaa vẽneg pugẽ".
75. Yaa woto la Tõnd wilgd a [braahum bõn-naands sën be saas la tẽnga, bvul yĩng t'a na yɪ bãng-n-wãak soaba.
76. La zıigã sën wa n sobg-a wã, a yãã ãdga, la a yeel yã:" yãõã la mam Soabã, t'a sën wa n lvɪ wã, a yeelame: " m pa nong lvutbã ye"
77. La α sën wa n yã kiuugã t'a pukdẽ wã, a yeelame:" Mam Soabã la wãnde" la a sën wa n lvɪ yã, a yeelame: " ad mam Soabã sã n pa peeg maam, m na n lagma menemdbã".
78. La α sën wa n yã wĩndgã t'a pukdẽ wã, a yeelame: "yãõã la mam Soabã, yãõã n yude". La a sën wa n lvɪ wã, a yeelame: "Yaa yãmb mam neba! Ad mam zãaga m meng n yɪ yãmb sën maan lagem-n-taarã ne bũmb ningã.
79. Ad mam togla m nengã n tees sën yẽbg-a saasã lu tẽngã, n yaa wẽn-yembg toglo, la mam pa yɪ n yaa lagem-n-taar soab ye.

80. T'a nebā na n maan tak-n-taar ne-a, t'a yeele: " yāmb na n takda ne maam Wēnd yellā pvgē, t'A yaool n kāndga maam, la mam pa yaeesd yāmb sēn maan lag-n-taar ne būmb ningā ye, sā n pa m Soabā n tull būmbu, m Soabā bāngrā gūbga būmb fāa, rē yīnga y pa na n tēeg n gese?
81. La na n yu wān-wān ti mam yaeesd yāmb sēn maan lag-n-taar ne wā, ti yāmb pa yaeesd ti yāmb maana lag-n-taar ne Wēnde, (n tūud) būmb ning A sēn pa sik tagmas yāmb zug a pvgē, la zāma a yiibā svka bug n sōmb ne bas-m-yam, ti yāmb sā n rag n miime?
82. Sēn kō-b sud la b pa gēdg b sūd-kūunā ne lagm-n-taare, bāmb rāmb n tar bas-m-yam, bāmb la kāndgba.
83. La wānde la Tōnd gom-n-lubga, ti D kō-a a [braahum, D zēkda D sēn tull-a soab darge-rāmba, ad fo Soabā yaa buud-mita n yaa bāngda.
84. La Tōnd kō-a-la a [shaak la a Yaakuuba, yen-kām fāa D kāndgame, la a Nuuhu D ra reng n kānd-a lame, la a koambē wā me, a Daawuud la a Sulaymaane la a Ayyuub la a Yuusuf la a Muusa la a Haarvvn, la yaa woto bal la D rond manegdbā.
85. La a Zakariya la a Yahyaa la a Yiisa la a [lyaas yen-kām fāa yaa nin-sōngo.
86. La a [smaayul la a AlYasa'a la a Yuunus la a Luvt, la yen-kām fāa Tōnd yus-a-la bōn-naandsā zugu.
87. La b ba-rāmbē la b koambē la b ma-biisē la Tōnd tūus-b lame la D kāndg-b n tug sor sēn yaa ttrga.
88. Rē yaa Wēnd kāndgre, t'A kāndgd A sēn tull-a soaba, A yembsā pvgē, la ad b sā n maan lagem-n-taare b sēn da tūmdā fāa na lvi.
89. Bāmbā la Tōnd sēn kō-b rāmb Gaf-rāmbā la Buudā la nabiyaamd mā. Rēnd fo nin-kāeesā sā n kufi ne-a, sīda Tōnd bobl-a lame neb a taaba, b pa yī n na n kufi ne-a ye.
90. Bāmb rāmb la Wēnd sēn kāndgā, bī f tik bāmb kāndgrā. Yeele: " mam pa sokd yāmb keoor a pvgē ye, a pa yī rēndame t'a yaa tēegr ne bōn-naandsā.
91. la b pa zisg Wēnd A zislem tek ye, b sēn wa n yeel ti Wēnd pa sik baa fvi yīng-soab zug ye, yeele: "ānd n sik gaf ning a Muusa sēn wa ne wā, ti yaa vēnem la kāndgr ne nebā, ti b maand-a karasaase, ti y vēnegd-a la y solgd wvsgo, la b wilga yāmb ne y ba-rāmb fāa y sēn da pa mi . Yeel ti Wēnd n sik-a, rē poorē bī f bas-ba ti b be b faoobā pvgē n reemdē.

92. La wānde yaa gaf ti Tōnd sik-a t'a yaa bark n sɪdgd būmb ning sēn reng-a taorā, la buɫ yīng ti f bugs tēmsā ma-wā la neb nins sēn be a kuremsā. La sēn kōt-b sɪd ne yaoolem Raarā kōta sɪd ne-a, la bāmb gūusd b Puvsgā.
93. La ānd wēgd n le yud sēn pasg-a zīri-beed n rogl Wēnde, maa a yeelame: " b tuma wahu ti wa mam nengē". la b yaool n pa tums fu a nengē. La sēn yeel-a: " m na n sika wala Wēnd sēn sikā", la lak fo sā n yā wēgdbā sēn wat n be kūum nen-yiling pugē, ti malek-rāmbā zēk b nus b zugu, n yet-ba: "yiis-y yōyā, rūnda la b rond yāmba yaalgā namsgo, yāmb sēn da yɪ n yet Wēnd zug sēn pa sɪda, la y ra yɪ n waoogd y mense n yi A tagmas-rāmbā".
94. Sɪda yāmb waa Tōnd nengē, yembr-yembr wala Tōnd sēn da naan yāmb sungre wā, la y bas Tōnd sēn da kō yāmbā y poorē, la Tōnd pa ne yāmb sugsdā ti be ne yāmb ye, yāmb sēn da yēgemd ti b yaa lagem-n-taas ne yāmbā, sɪd la hakuka yāmb ne taab sukā wāagame, ti yāmb sēn da yēgemdā fāa menem n bas yāmba.
95. Ad Wēnd la bōn-beel la ti-biis Bulsda, A yiisda vit kūume, la A yiis kung vitē, Yē la Soabā, la yaa wān-wān ti yāmb wēnegd n basd sɪdā.
96. Yaa be-Vēegda, la A maan yvngā ti yaa yīn-yōngnegō, la wīndgā ne kiuugā ti yaa gēela, wānde yaa wilb naaba sēn yaa mitā kordgo.
97. La Yēnd n maan ādsā n kō yāmba, buɫ yīng ti y na bāng sor ne-ba ween-vuvugē la mogrē ligs pugē, sɪda Tōnd welsa tagmas-rāmbā ti y na bānge.
98. La Yēnda n naan yāmba n yi yōor a yembre, n tar tablg zīigē(Ma-rāmbā rogs mē) la bīng r zīigē(ba-rāmba zān-kudsē), sɪda Tōnd welsa Aayayā ne neb nins sēn fasemd-ba.
99. la Yēnd n sik koom saasē wā ti Tōnd yiis ne-a bōn-bundɪ fāa, ti Tōnd yiis a pugē bōn-maasa, D yiisda bōn-beel a pugē sēn sēg taaba, la tamar tuse, ti yi a puudē wā biisi sēn yaa gīna n luund pēm-pēm, la puto sēn yaa sibi, la zaeetvun, la rummaan, ti b wōnd taaba, ti b biisā yaa toor-toore, ges-y-yā a biisā t'a sā n wa wom n bi, ad tags-n-gesg be yē pugē ne sēn kōt-b sɪda.
100. La b maana zīn-rāmbā ti b yaa lagem-n-taas ne Wēnde, la Yē n yaool n naan-ba. La b nang kom-ribli la kom-pugli n kō-A ti pa tū ne bāng r ye, A ylgame n zēk n yi b sēn bilgdā.
101. Saas la tēng yēbgda, A na n talla biig wān-wān ti pag buud ka be ne-A, la A naan būmb fāa, la Yēnda yaa mit ne būmb fāa.
102. Soab-kāngā la yāmb Soabā, bi y tū-A , la Yē la būmbā fāa bobenda.

103. Nin pa gūbgd-A ye, la Yē gūbgda ninā fāa, la Yēnda la bāng-pēk Soabā n yaa minim-bedr Soaba.
104. Sıd-sıda, vēnem sēn yaa Daliil-rāmba waa yāmb nengē sēn yi yāmb Soaba nengē, ti sēn yē-a yaa a meng yīnga, la sēn zoang-a be ne-a, la mam ka gūusda yāmb zug ye.
105. La yaa woto la Tōnd kēnesd Aaya-rāmba, la Lagm-n-taara rāmb na n yeelame ti wā pa sēn yi Wēnd nengē, la fo karem-a Gafā ramb sēn deng taorā nengē, la Tōnd sēn maan Aaya-rāmba ti yaa toor toorā yaa buł yīnga ti D na vēneg sıdā n kō sıd-kōtbā, ba laa bāmb la mitba n yaa sakdba.
106. Puge -a Tēn-tvuma- b sēn tvm ti wa fo nengē sēn yi fo Soabā nengē wā. Soab sēn na n tū n tilg ti pa Yē ka be ye, la f ball n yi lagem-n-ta-maandba.
107. la Wēnd sā n da tullē, b kōn maanē lagem-n-taar ye, la Tōnd pa maan foom ti f yaa gūusd b zug ye, fo pa yi n yaa bobend b yīng ye.
108. La y ra tv b sēn tūud zēng ti pa Wēndā ye, ti b wa tv Wēnde, ne maan-n-zvuk ti pa tū ne bāngr ye, yaa woto bal la Tōnd faas n kō zāma fāa b tvuma, rē poorē, b lebeng zīig yaa b Soabā nengē, t'A kō-b kibar b sēn da yi n tvmdē wā.
109. La b wēna ne Wēnde b wēneg teka, lak tagmas sā n wa-ba b na kō sıd ne-a. yeele: "ad tagmas-rāmbā bee Wēnd nengē, la bōe n wīnigd yāmb t'a sā n wa y na kō sıd ne-a?"
110. La Tōnd leebd b süyā la b ninā, ti b pa kōt sıd ne-a wala b sēn da ka kō sıd ne Alkurānā rāeenemē wā, la D bas-b b kedgrā pvge ti b tvumdē.
111. Lak ti Tōnd sā n da sikē-la Malek-rāmb b nengē, ti kū-rāmbā gom ne-ba la D tigim būmb fāa b taoore, b pa na n yi n kō sıda rēndame ti Wēnd sā n tulla, la b wvsg fāa zīi rēnda.
112. La yaa woto la Tōnd maan be ne nabiyaam fāa gilli, ninsaan-svtāambā la zīn-svtāambā, b sānda walemnda sānda ne gom-noodo, dti yaa belgem-menga, lak ti fo Soabā sā n da tulla b kōon n maany-yā-a, bi f bas-b la b sēn wāagd n pasdā.
113. La sēn na ytl ti neb nins sēn pa kō sıd ne Yaoolem-raarā süy kul n tvug b walam yoodā, la b yard-a, la sēn na ytl ti b tvum tvum-beed nins b sēn tvmdā.
114. Rē yīngā mam na n baoo bu-kaood zēng sēn pa Wēnde? Tı yaa Yē la sēn sik Gafā fo nengē wā, n yaa sēn welse, la neb nins Tōnd sēn

kō-b gafā b miim t'a yaa sēn sik n yi fo Soabā nengē ne sīda, bī f ra wa yī sik-maand ye.

115. Tī fo Soabā gomdā pid ne sīda la yals-turga, tēgd ka be ne A goamā ye, la A yaa Wōmda n yaa Neta.
116. La lak fo sā n tū sēn be-b tēngā zug wusg fāa, b na menes foom n yi Wēnd sorā, ad b pa pūgde rēnda sika, b pa yī rēnda faoodba.
117. Bāng tī fo Soabā, Yē n yud minim ne ned ning sēn menem-a n bas A sorā, Yē n leb n yud minim ne kāndgdbā.
118. Bī y rī būmb nins b sēn kodg ne Wēnd yūrā, tī sā n mikame tī y yaa sūd-kōtba ne A Aaya-rāmba.
119. La bōe n tar yāmb tī y pa na n rī būmb ning b sēn kodgd ne Wēnd yūrā, t'A yaool n welg n togsa yāmb A sēn gūdg yāmb yel ninsā sā n ka sēn pak yāmba, la ad neb wusg menemdame b yamleoog yīnga, tī pa tū ne bāngre, la ad fo Soabā n yud minim ne maan-n-zuug rāmbā.
120. La y bas zunuub-tūmā sēn vēneg la sēn solge, ad neb nins sēn maand zunuubā b na n yao-b-la b sēn da yī n beegdē wā.
121. La y ra rī būmb ning b sēn pa pūd Wēnd yūr a zug ye, ad rē yaa dīin-yiiri, la ad svūtāmbā na n tūmsdame n tūgd b lall-n-taasē wā, sēn na yīl tī b maan yāmb tak-n-taare, la lak tī yāmb sā n tū-ba, rēnd y yaa lagem-n-taar-rāmba.
122. Rē yīnga ned ning sēn da ki tī Tōnd vūug-a la D maan vēnegr n kō-a t'a kēnd a zug nebā svka, wēnda wala ned ning sēn be-a ligs pūgē, n pa na n yi-a? Yaa woto la Tōnd faas n kō kīfr-rāmbā b sēn da yī n maandē wā.
123. Yaa woto la Tōnd maan nin-wēns n kō tēng fāa pūgē, nin-wēns sēn yaa bēda, sēn na yīl tī b rabs a pūgē, la b pa maan rabr sā n pa b mensā bala, la b pa mi ye.
124. La tī Aayar sā n wa b nengē, b yetame: " d ka na n kō sūd hal tī b wa kō tōndo wala b sēn kō Wēnd tēn-tūmbā, Wēnd n yud minim A sēn ningd A tēn-tūmdā zīig ningē. Neb nins sēn tum wēngā na n paama yaalg la naong Wēnd nengē, b sēn ra yī n rabsdē wā yīnga.
125. Ned ning Wēnd sēn tūll n kāndg-a, A pakda a yāoogā ne Lūsloongo, la ned ning A sēn tūll n manes-a, A weoogda a yāoogā, tī yaa wala a kadbdame n dūvd saagē wā, yaa woto la Wēnd namsd neb nins sēn pa kōt sūdā.
126. La woto yaa fo Soabā sor turga, ad Tōnd welsa Aaya-rāmbā ne neb nins sēn yaa tēegdbā.

127. ☉ B tara tulgr zak b Soabā nengē, la Yē la b lall-n-taaga b sēn da yī n tūmdē wā yīnga.
128. La f tēeg raar ninga A sēn na n tigim b fāa gillā: " yaa yāmb zīn-rāmb zāmā, ad yāmb menesa ninsaalb wusgo. ti b lall-n-taasā sēn yaa ninsalbā yeele: " Tōnd Soabā, tōnd sānda maana wum-noog ne taaba, la tōnd taa wakat ning F sēn kō tōndā. La Wēnd yeelyā: " yāmb lebgr zīig yaa bugmē, n na n duum beenē, rēnda Wēnd sēn na n tullā, ad fo Soabā yaa Bvud-mita n yaa Mita.
129. La yaa woto la Tōnd kānegd wēgdbā ne taaba b sēn da yī n tūmdē wā yīnga.
130. Yaa yāmb zīn-rāmb la ninsaalbā, rē yīnga tēn-tūmdb pa wa yāmb nengē, n togsd yāmb Tōnd Aaya-rāmbā la b bugsd yāmb y ra-kāngā tigsgā? B yeendame: "tōnd maana kaset d mens zutu, la dūni vumā Belg bāmba. Woto bal la b maand kaset b mens zut ti bāmb ra yume n yaa kīfr-rāmba.
131. Bala, fo Soabā ka yī n na n halk tēms ne wēgd ye, rēndame ti b ra reng n bugsa tēngā rāmba.
132. Ānkam fāa na n paama keoor sēn zems a tūma, la fo Soabā ka yam yaal-yaal soab ne b sēn tūmdā ye.
133. La fo Soabā la Sek-n-meng soab n yaa yoalsda. A sā n rata, A halkda yāmba la A leds A sēn rat-a soaba, wala A sēn yēbg yāmb n yi neb a taab koambē wā.
134. Ad b sēn pūlem yāmb būmb ningā watame, la yāmb ka na n pōs (Tōnd) ye.
135. Yeele: "yaa mam neba! tūm-y y zīigē, ad mam me tūmdame, yī bilfu y na bāng baas neer zak sēn na n yī ne a soaba, ad wēgdbā pa pōsd ye".
136. La b yāka pūur n kō Wēnde, A sēn naanā pūgē sēn yaa kood la rūmsi n yeele:" woto yaa Wēnd n so, la woto yaa tōnd lagem-n-taasā n so", b yēgengā pūgē, ti bāmb lagem-n-taasā sēn so wā pa tat Wēnd ye, la Wēnd sēn so wā, yēnda tata b lagem-n-taasā. Bāmbā sēn da bvud toto wā yī wēnga.
137. La yaa woto la b faas n kō lagem-n-taasā-rāmb wusgo b koambā kuvbo, b lagem-n-taasā n maan rē n na n halk-ba, la b gēdg b dīnā n kō-ba. La Wēnd sā n da tullē b kōon n maan-a ye, bī f bas-b la b sēn pasd n rogendē wā.
138. La b yeele:" wā yaa rūms la kood sēn gidge, pa rut-b sā n pa tōnd sēn tull-a soaba, woto la b yēgemda, la rūms poe sēn gidg ti pa zomdē ye,

la rûms b sên pa yet Wënd yvvr b kodgrē ye, ti yaa zîri-beed n rogl Wēnde, A na n rol-b-lame b sên da yi n pasd n rogend-A wā.

139. La b yeele: "būmb ning sên be rûm-kāeesā pusē wā welga toor ne tōnd raopā, n gidg ne tōnd pagbā. La sã n ki gifo, bāmb lagemda taab a pugē. A na n rol-b lame b bilgrā. Ad A yaa buvd-mita, n yaa Mita.
140. Sida sên kv b koambā bōnyā, ne yalemdo ti pa tū ne bāngr ye; la b gidg Wënd sên rulg-bā, pasg-n-dogl Wënd bala. Sida b menmame, b pa yi n yaa kândgdb ye.
141. La Yē la sên yēbg pvt sên tēemde, la sên tão yīngri, la tamar-tuse la kood t'a biisā yōs taaba, la zaetvvn la rummaan ti b vātā wōnd taaba ti b biisā pa wōnd taab ye. Rı-y a biisā t'a sã n wome la y kō a keorā a kēebgā raare, la y ra maan n zvvg ye, ad A pa nong maan-n-zvvg-rāmb ye.
142. La be rûmsē wā sên sakd zilgr la sên yaa pādse, rı-y būmb ning Wënd sên rulg yāmbā la y ra pug a svtāan na-tagdt ye, ad a yaa be sên vēneg ne yāmba.
143. A naana kōbg a nīi, piisē wā yaa yiibu, buvsē wā me yaa yiibu. Yeele: "yaa raad a yiibā la A sên gidgā bu, bi yaa yāans a yiibā, bi yaa yāansā rogs sên kvmb būmb ningā, leok-y Maam ne bāngr ti y sã n yaa sid-rāmba.
144. Yogma wā me yaa yiibu, niigē wā me yaa yiibu. Yeele: "yaa raad a yiibā la A sên gidgā bu, bi yaa yāans a yiibā, bi yaa yāansā rogs sên kvmb būmb ningā, bi yāmb ra yu kaset-rāmb wakat ning Wënd sên wa n sagl yāmb ne rē wā, la ānd n yud wēgd ne sên wāag-a zîri-beedo n dogl Wēnde n na n menems nebā ti pa tū ne bāngre, ad Wënd pa kândgd wēg-n-meng-rāmb ye.
145. Yeele : maam n pa yā sên tvms ti wa mam nengē wā sên gidg ne rita t'a ra rı-a rēnda gif maa zı-fudgdga maa kukur nemdo; rē yaa rēgdō, maa yaa dīin-yiibu rē me la b sên kodge ti pa ne Wënd yvvr ye. La sên pak-a soab t'a pa kedgd n pa maan-n-zvuk soaba, rēnd fo Soabā yaa yaafda n yaa yolsda.
146. La yahvvd-rāmbā zugu Tōnd gidga na-yēes soab fāa ne-ba. La nīisē wā la rûmsē wā Tōnd gidga b zugu b kaamā sã n pa sên be b poayā zugu maa yāadā maa sên gēdg ne kōba, Tōnd rolb la woto b zvvg-toaoogā yīnga, la ad Tōnd yaa sid rāmba.
147. La b sã n yags foo bi f yeele "yāmb Soabā yaa yols-yaleng soaba, la A keelmā b pa tōe n tus-a n yi nin-wēnsā ye".

148. Sēn maan-b lagem-n-taarā na n yeelame, ti bāmb yaa sēn tik Wēnd sakrā la A pulengā n wilgd bāmb Lagm-n-taarā sēn manege, b yetame" Wēnd sā n da tullē tōnd kōon n maanē lagem-n-taar ye, d ba-rāmba me kōn maanē; tōnd kōon n gidgē baa fvi, la yaa woto bala la sēn reng-b bānb taorā yags yā hal ti b wa lemb Tōnd nangā, yeele rē yīnga yāmb tara bāngr baa bilfu n wilgd ti Wēnd yarda yāmb lagm-n-taarā bi y yiis-a n kō-do. Yāmb sēn tūudā pa yī rēnda sāmbse, yāmb pa yī rēnda yagdba.
149. Yeele daliil sēn ta tek yaa Wēnd n so, rēnd A sā n ra tullē A na kāndg yāmb zānga.
150. Yeele "wa-y ne yāmb kaset-maandb nins sēn maan kaset ti Wēnd gidga wā wā, la b sā n maan kaseto bi f ra maan kaset n lagem-b ye, la f ra pvg sēn yags-b Tōnd Aaya wā, la sēn pa kōt-b sid ne yaoolem raarā, la b mamsd yel a taab ne b soabā.
151. Yeele "wa-y ti m karem yāmb Soabā sēn gidg yāmb zugā n wīnig-yā: yaa y ra maan lagem-n-taar ne-A baa fvi, la y maneg roagdb a yībā, la y ra kv y koambā talemd yīng ye; Tōnd n dilgd yāmb la bāmba, la y ra pēneg yel-beed sēn vēng la a sēn solg ye, la y ra kv yōor ning Wēnd sēn gidgā rēndme ti yaa sēn tū sīda, yaa wānde la A sagl yāmb ne-a sānd-sānde y na tall yam.
152. La y ra pēneg kub arzek ye rēnda a manegre hal ti a wa ta a raood wakat, la y pids vūgbā la magbā ne tēeg-turga, Tōnd pa rogend yōore rēnda a sēn tōe, la y sā n gomd bi y tēeg turga ba ti sā n yaa rog-pēnta, la y pids Wēnd sartā, yaa wānde la A sagl yāmba sānd-sānde y na tēege.
153. La wānde yaa Mam sorā ti yaa turga bi y tū-a, la y ra tū so-badmā t'a wa welg yāmb n yi A sorā ye, yaa wānde la A sagl yāmb ne-a, sānde y na zoe Wēnde.
154. Rē poorē ti Tōnd kō a Muusa gafā ti yaa pidsg ne neemā wā, n na n dol-a a maanneerā yīnga, n le yaa welsg ne būmbā fāa, n yaa kāndgre la yolsgo, sānd-sānde b na kō sid ne b soabā sēgbā.
155. La wānde (Alkvrāana) yaa gafō ti Tōnd sik-a t'a yaa barka, bi y pvg-a la y zoe (Wēnde) sānd-sānde b na yols yā.
156. Sēn na yīla la yāmb ra wa yeele "ad gafā sikame n kō zāma a yīb sēn reng tōnd taoore, la tōnd ra yume n yaa yam yaal-yaal rāmb n yi b karengā".
157. Ma y yeele "lak ti b sā n sikē-la gafā tōnd zugu tōnd naan n kānd n yud-ba, la sīda vēenem waa yāmb nengē sēn yi yāmb Soabā nengē

la kãndgr la yolsgo, la ãnd n yud wēgd ne sēn yags-a Wēnd Aaya wā la a wenems n bas-a, D na n dola sēn wenegd-b n basd Tōnd Aaya wā names-wēenga, b sēn da yī n raeegdē wā yīnga.

158. Rē yīnga b kolldame sã n pa Malek-rãmb wa wa bãmb nengē n na n reeg b yōyã, ma fo Soabã wa welegrã raare, maa fo Soabã tagmas-rãmb sãnda wa wa sēn wilgd dūni wā yikrã, raar ning fo Soabã tagmas sãnda sēn na n wa wã, yōor sid-kūun pa le nafd-a, t'a sã n da pa kō sid maa a tuma a sid-kūunã pugē sēn sōmb ye. Yeele koll-yã ad Tōnd yaa kolldba.
159. Ad sēn wels-b dīinã n lebq toē-toē yã, fo pa be b pugē baa fvi, ad b yellã bee ne Wēnde rē poor t'A kō-b kibar b sēn ra yī n tvmde wã.
160. Sēn wa-a ne yel-sōmde a tara a bilg-n-taar piiga, la sēn wa-a ne wēngã b pa rond-a rēnda a buud bal ye, ti b pa wēgd bãmba.
161. Yeele "ad mam Soabã peega maam n tog sor sēn ya turga, dīin sēn yaa turga, a [braahum dīinã sēn killd n togd wēn-yembgo, la a [braahum pa yī lagem-n-taar soab ye".
162. Yeele "ad mam puvsgã la m kodgrã la m vumã la m kūumã yaa Wēnd A ye n so, bōn-naandsã Naabã".
163. Lagem-n-taar pa be ne-A ye, la rē la B sagl maam la mam yaa sak-n-tū-rãmbã rāeenem.
164. Yeele "zēng sēn pa Wēnd la mam baood ti yī m soaba, ti Yē n yaool n yaa bũmbã fãa Soaba, la yōor fãa pa tvmde rēnda a zugu, la zub tukd pa tukd a to zub ye, rē poorē y lebeng zīg yaa y Soabã nengē t'A kō-y kibar y sēn ra yī n yōsd taab bũmb ning pugē wã".
165. La Yē n maan yãmb ti y yaa ledsdb tēngã zugu, la a zēk yãmb darge-rãmb sãnda zugu, n na n zarb yãmb n ges ne A sēn kō yãmbã. Ad fo Soabã sibgr yaa tvulle la A yaa yaafda n yaa yolsda.

7. Al-Aaraaf *

Ne Wënd yvvrā barka, sēn yaa yols yaleng Soabā, n yaa Yolsdā, la d sungd d tvvmdā.

1. Alt̄f, Laam, Miim, Ṣaad.¹
2. Yaa gafo b sēn sik n kō foom, rēnd pakr ra wa zīnd fo sūurē wā sēn kēed ne-a ye. Sēn na yīl tī f tall-a n bugsi, la a yaa tēegr ne sīd-kōtbā.
3. Tū-y būmb ning b sēn sik n kō yāmbā, sēn yī y Soabā nengē wā, la y ra wa tū lall-n-taas zēms sēn pa Yē ye. Paood yāmb sēn tagsd n getē.
4. La sōor waoog tēens Tōnd sēn halke, tī Tōnd sibgrā wa b nengē b yung gōeemē maa b wīndg gōeemē.
5. B boolgā pa yī būmb a to, Tōnd namsgā sēn wa n wa b zugā, rēnda b sēn yeele: " ad tōnd yume n yaa wēgdba".
6. Ad Tōnd na n sogsa neb nins Tōnd sēn tums tī kēng b rāmb nengē wā, la ad D na n sogsa Tēn-tvumbā me.
7. Ad Tōnd na kō-b kibare ne bāngre, ad Tōnd rag n ka yī n lill ye.
8. La peesgā ra-kāng raarā na n yu sīda, rēnd neb nins yel-sōmd sēn zisge, ad bāmb rāmb la pōsdba.
9. La sā n yaa ne neb nins tvvm-sōmā sēn faage, ad yaa bāmb rāmb la neb nins sēn bōn b mense, b sēn da yī n wēgd Tōnd Aayayā yīnga.
10. Ad Tōnd kōo yāmb tōog tēng poor zugu, la D maan rītl n kō yāmba, la paood yāmb sēn pvvsd barka.
11. Ad Tōnd naana yāmba, rē poorē tī D svvr yāmba, rē poorē tī D yeel Malek-rāmba: "maan-y a Adam suguudu". Tī b fāa tiuul rēnda a [blus n tōd̄ge, n pa naag suguud maandbē wā.
12. La Wënd yeele: "yaa bōe n gidg foom tī f maan suguudu M sēn wa n sagl foomā"? La a yeel yā: "maam n sāo-a, Fo naana maam ne bugum n naan yēnda ne tāndo".
13. La Wënd yeel yā: "sig beenē, tī pa sōmb ne foom tī f maan waoog-n-meng beenē ye, yī beenē tī fo yaa yaalga".
14. La a ([blus] yeele: "yaoolg maam n tī tāag Yīkr-raarā".
15. Tī [Wënd] yeele: " ad fo naaga b sēn na n koll-b rāmbā".

* Al-Aaraaf (Arzān la Bugumā svk lalgā svvra).

[1] Wënd n yud minim ne A sēn rat ne gvls-bi tōsdt-kāensā. La Gvls-bi tōsdt-kāensā, sēn be Svvr-kāensā baasgē wā, yaa sēn wilgd Alkvrāanā sēn komsd a gees-n-taasā, bala b geesa kuf-rāmbā ne Alkvrāanā, tī b kong n ka tōog n wa ne a buud ye, tī Alkvrāanā me -yaool n yaa sēn tui ne gom-biis nins bāmb goamā sēn tuit ne wā, sēn yaa gvls-bi tōsdt bāmbā buudā, tī rēnda wilgd Laarab-rāmbā kongame n ka tōog n wa ne Alkvrāanā buud ye, n lagem ne bāmb n yud nebā ne zelem pekā, tī wilgdē tī Alkvrāanā a yaa sēn tvme tī yī Wënd nengē.

16. La a [blus yeel yā: "Foom a Wënd sēn raag maamā, m na n tiim n zīnd Fo so-turgā zugu, (ti b pa tōe n ta Foom ye).
17. Rē loogr poorē, m na n waa b nengē, b taoore, la b poorē, la b rutg wēngē la b goabg wēngē, F kōn mik b wvsg ti yaa bark pvvsdb ye".
18. La Wënd yeel yā: " yi beene, ti f yaa b sēn zang-a la b sēn rig a soaba n zāag yolsgo, ad ned ning sēn pug-a foom bāmbā svka, M na pids Gehannem ne yāmb gilli.
19. Yaa foom a Adama! kē arzānā foom la f pagā la y rī a pugē yāmb sēn rat fāa, la y ra kolg ti-kāngā n wa lebg wēg-m-mens rāmb ye".
20. T'a Svtāan wa liib-ba sēn na yil n vēneg b yāndā n wīnig-ba, la a (Svtāan) yeele: " ad yāmb Soabā pa gūdg yāmb ti-kāngā rubo, rēndame ti yaa sēn na yil ti y ra yī Malek-rāmb a yiibu maa y ra yī paadb ye".
21. La a wēename b yībā yīngā (n yeele) "ad mam yaa pv-peelem soaba y yībā yīnga".
22. T'a Svtāan sik-b yībā ne belgre, la wakat ning b sēn lemb tugā bilā la b yānā pārg n bas-ba, ti b lebg n tōsd arzānā vāad n lut b yānā, ti b Soabā na n bool-ba : " Mam ka gūdg yāmb n yī ti-kāngā, M pa yeel yāmb t'a Svtāan yaa yāmb y yībā be?".
23. La b yībā yeele: " yaa d Soaba, ad tōnd wēga d mense, la ti Fo sā n ka yaaf tōnd la F yols tōndo, d naa n yu bōn-rāmba".
24. Tī Wënd yeele: "sig-y-yā, yāmb ne taab na n yu beem, y tara Tēngā pugē tablg zīiga la wvm-noogo n ti tāag wakat sēn yāk toaaga".
25. La Wënd yeel yā: "beenē (tēng zugu) la y na vvuunde, be me la y kiida, be me la b na n yiis-yā".
26. Yaa yāmb a Adam koamba! Tōnd sika fut n kō yāmba, sēn lut yāmb yānā la faas-teedo. La Wēn-zoεεg fut n yude, la ad woto yaa sēn yī Wënd tagmasā pugē, sēn na yilē ti b tēegdē.
27. Yaa yāmb a Adam koamba! A Svtāan ra wa zarb yāmba, wala a sēn da yiis y rogdb a yībā arzānē wā ye, n pidg b futā n bas-ba, n na n wīnig b yībā b yānā. Ad yē la a buudā nee yāmba, zīig ning yāmb sēn pa ne-ba. Ad Tōnd maana Svtāambā ti b yaa lall-n-taas ne neb nins sēn pa kōt sūdā.
28. La b sā n maan tvvm-beed la b sēn yete:" tōnd mika d yaab-rāmb woto zugu, la yaa Wënd n sagl tōnd ne-a". Yeele: "ad Wënd pa sagl yel-beed ye. Y na n pasa zīri-beed n rogl Wënd ne būmb ning yāmb sēn pa mi?"

29. Yeele: " mam Soabã sagla ne tēeg-tirga. La y Maan suguudã ti yi Wënd yīnga la y ytlg-y puvsgã ne Wënd A ye misr fãa gill pvgē. La y kos-A, ti yãmb yaa sēn yulg tūudmã fãa A yīnga. La A sēn ra tōog n naan yãmbã yaa Yënd nengē la y na n le leb g n tuge.
30. Sull n be t'A kãnd-ba, la sull me n be ti menengã sɪdg b zugu, ad bãmb rãmbã rika Svitãansã ti yaa b lall-n-taase zēng ti pa Wënd ye, la b tēed ti b bee kãndgr zugu.
31. Yãmb a Adam koamba! Yeelg-y y faas-teedo misr fãa pvgē, la y ru la y yũ sēn yaa yilemse, la y ra maan n zvvg ye, ad Wënd pa nong maan-n-zvvg-rãmb ye.
32. Yeele: "ãnd n gidg faas-teed nins Wënd sēn yiis n kō A yembsã la ru yilmã?" yeele: "ad bōn-yullmã belma yaa sɪd-kōtbã yīng dūni vumã puga, la yaa sēn welg toor zall ne bãmba Yikr-raarã. Yaa woto la Tōnd welsd Aaya-rãmbã n kōt neb sēn yaa bãngdba.
33. Yeele: " ad mam Soabã sēn gidgã yaa yel-beedo, sēn solg la sēn vēnege la kedgr ti pa tū ne sɪd ye, la Wënd leb n gidga y sēn na n maan lagem-n-taar ne Wēnde, A sēn ka sik tagmas a zugu, la y sēn na n yeel Wënd zugu yãmb sēn pa mi".
34. La zãma fãa tara a raare, b raarã sã n ta, b pa na n yaoolg-b baa bilf ye, b pa na n yãg ne-b me ti b sasa wã pa ta ye.
35. Yãmb a Adam koambã! Tēn-tvumb sã n wa wa yãmb nengē, n togsd yãmb Mam yel-soalmã, rēnd neb nins sēn sak n zoe Wēnde la b maneg b tvumbã, yaeesg ka be bãmb zugu, sũ-sãang me ka na n paam-b ye.
36. La sēn yags-b Tōnd yel-solmã la b maan waog-m-menga n yi-bã, bãmb rãmbã la bugum koamba, n na n yi paadb a pvgē.
37. Rēnd ãnd n le yud ne wēgb n le ta ned ning sēn wãdg-a n doglg Wënd maa a yags A goamaã? bãmb rambã pvurã sēn be sebrã pvgã b naa n paam-a-la dūni, hal ti Tōnd tēn-tvumbã sã n wa wa b nengē n naa n deeg b yoē wã la b sēn yet-ba: "yãmb sēn da tūudu-b rãmb zēng sēn ka Wëndã be?" ti b yeele: b menmame n bas tōndo; la b sak n deeg b zugu ti bãmb ra yaa sōm-zitba.
38. T'a yeele: kē-y (n naag) sul sēn deng yãmb taoore sēn yaa zīn-damba la neba bugmã pvgē. sul fãa sã n kē la a sēn kãabd a to, hal ti b fãa sã n wa paam taab a pvgē wã la b pugdbã sēn yetd b taor-rãmbã: d Soaba, yaa bãmbã n menes tōndã, bi F kō-b naong sēn fão sēn yaa bugm, t'A yeele: fãoob n paas be yem kam fãa yīnga la yãmb ka mi ye.

39. Tı b taoor-rāmbā yeel b puḡdbā: yāmb pa tar yudlem tōnd zug ye, bı y lemb naongā y sēn da tumd wēngā yīnga.
40. Bāng-y tı sēn yags-b Tōnd goamā la b maan waoog-n-meng n bas-a wā b ka pakd saasā rag-noe wā b yīng ye, la b le ka kēed Arzēnā me, hal tı yvḡemd wa tı kē fu-pīim vōorē, la yaa woto me la D rond yel-wēn-maandbā.
41. B tara pī-gāas gehānnab puḡē, la b tar fu-gobs b yīngrā, la woto me la D rond wēngdbā.
42. La sēn kō-b sid la b tum tvum-sōma wā, Tōnd ka rogend yōor rēnda a sēn tōe, bāmb-rāmbā la Arzēn koambā, b yaa paadba a puḡē.
43. La D yiis beem buud fāa sēn be b sūyē wā; tı kosoodā zoet b tēngrā; tı b yeele: pēgr be ne Wēnde sēn wilg-a tōnd sor tı d tū n paam woto wā, la tōnd ra ka yı n na n bāng sor n tū sā n ka Wēnd sēn wilg tōndā yīnga, sıda tōnd soabā Tēn-tvumbā waa ne sidā. La b bool-b n yeele: Arzēn kāngā b kō-a-la yāmba y sēn da yı n tumdē wā yīnga.
44. La Arzēn koambā bool bugum rāmbā n yeel tı sıda tōnd mika d Sobā sēn pulem tōndā tı yaa sıda; la rē yīnga yāmb mika y Soabā sēn pulem yāmbā tı yaa sid bı? Tı b yeel tı: Nge; tı moond zīnd b svkā n yeele: Wēnd kāab-beed be ne wēgdbā.
45. B rāmb nīns sēn gudgd ne Wēnd sorā la b rat n goalem-a wā, n leb n ya yagsdb ne yaolem raarā.
46. La lalg n be b ne taab svka, tı Lalgā zugu neb n be be, b mii ned fāa ne b tagmase, la b boola arzēn-kaombē n yeele: tilgr be ne yāmba, bāmb sē ka kē-a ye, la b tēedame.
47. La b sā n wēnemd b nemsā n tees bugmā ramb la b sēn yete: d Soaba! ra rik tōnd n naag wēgdbē wā ye.
48. La lalgā-zug rambā boola neb b sēn mi-b ne b tagmasā n yeele: yāmb tigingā la y sēn da maand waoog-n -mengā ka pōsg yāmb ye.
49. Bāmbā la yāmb sēn wēen tı Wēnd ka na n kō-b yolsgā bı? Tı Wēnd yeel sid-kōtbā kē-y Arzēnā zakā, yeegs ka be ne yāmba, la y sūy me ka na n sām ye.
50. La bugmā rāmb boola Arzēn koambā n yeele: yāk-y koomā maa wēnd sēn dulg yāmbā n kō-do; tı b yeele: ad Wēnd gudga b yiibā fāa ne sōm-zutbā.
51. Sēn dık-b tūudmā tı yaa yōor yamleog la reemā, tı āndūni vumā belg-bā. Rē yīnga D na n yīm-b-la rūndā wa bāmb me sēn yīm rūndā daarā sekā la b ra yagsd Tōnd goamā la D yel-soalmā.

52. La sɪdɑ! Tõnd wa b nengẽ ne sebr n wels-a ne bãngre, t'a yaa peegre la yolsgo, neb nins sẽn kõt-b sɪdɑ yĩnga.
53. Rẽ yĩnga b gũudame tɪ ka a yubã? Raar ninga a yubã sẽn na n wa wã, neb nins sẽn dag n yĩm-a wã na n yeelame: sɪdɑ, tõnd soabã tẽn-tũmbã waa ne sɪdã; rẽ yĩnga tõnd tara sugsd b tɪ b na n sug s tõnd yĩng bɪ? maa b na n lebs-d-lame tɪ d tum sẽn yõsg tõnd sẽn da tũmdã bɪ? Sɪdã b bõna b mense, la b sẽn da yɪ n wãdgd n dogendẽ wã menmame m bas-ba.
54. Bãng-y tɪ yãmb soabã la Wẽnd sẽn naan-a saasã la tẽngã rasem a yoob pugẽ, rẽ poorẽ t'a zẽk Al-Arsã yĩngri, A punda yungã ne wĩndgã tɪ b babsd taab kvdae, la wĩn-toogã ne ãdsã yaa sẽn wõr ne A sagelle; rẽ yĩnga naanegã la sagellã ka Yẽ soolem? rẽnd Wẽnd sẽn yaa bũn-naandsã fãa Soabã naam yɪ wagell n zẽke.
55. Bõos-y y Soabã ne fiinig la solgre, ad A ka nong maan-n-zvvg rãmb ye.
56. La-y ra sãam tẽngã A sẽn maneg-a poor ye, La y bõos-A ne yeeg ne tẽebo, ad Wẽnd yolsgã pẽe ne manegdbã.
57. Yẽnd n tũmd sobdã tɪ yaa sũ-noogr ne A yolsgã sẽn yaa sakoomã waango, hal t'a sã n wa peng sawad-zɪsdo Tõnd pẽegd-a lame n kẽng tẽn-kungẽ n tɪ sik koomã n buls ne-a bõm-biisã fãa gilli; yaa woto me la D na n yiis kiidbã tɪ sãnd-sãnde y na tẽege.
58. La tẽn-sõng bõn-bundi wã bunda ne a Soabã raabo, la tẽn-weeg ka bund rẽnda yood-yoodo, yaa woto la Tõnd kẽnesd Aaya wã sẽn pvvds-b barkã yĩnga.
59. Sɪdɑ! Tõnd tũma a Nuuh a nebã nengẽ, t'a yeele: m neba! tũ-y Wẽnde, yãmb ka tar soab zẽng sẽn ka yẽ ye, ad mam yeesda ra-kẽengã raar nongã ne yãmba.
60. T'a nebã pugẽ taor-rãmbã yeele: ad tõnd nee foo tɪ f bee meneng sẽn yaa vẽeng pugẽ.
61. T'a yeele: m neba!, meneng ka tar maam ye, la ad mam yaa tẽn-tũm sẽn yɪ bõn-naandsã fãa Soabã nengẽ.
62. M taasda yãmb mam Soabã tẽn-tũmdã, la m pelgd m pug n sagend yãmba, la n mii sẽn yit Wẽnd nengẽ yãmb sẽn ka mi.
63. Yãmb maanda yel-solemd tɪ tẽegr n wa yãmb nengẽ sẽn yɪ yãmb Soabẽ wã n wa yãmb nengẽ n kõ rao sẽn yɪ yãmb pugẽ, bul yĩng a na bugs yãmb tɪ y bãng n gũus Wẽnde, tɪ sãnd-sãnd B na yols-yã.

64. Tı b yags-a, tı Tõnd põsg-a, yẽ ne neb nins sën da be ne-a koglgã pugã, la D bõr sën yags-b Tõnd yel-soalmã, ad b yu pu-tẽ-zond-rãmba.
65. La D tum a Aad rãmb nengẽ b saamb-biig a Huud, t'a yeele: m neba! tũ-y Wënde, yãmb ka tar Soab zëng tı ka Yẽ ye, rë yĩnga y ka na n gũus ne Wënde?
66. A nebã pugẽ sën ya-b sôm-zitbã yeelame: ad tõnd nee foo tı f bee yalemd pugẽ, ad tõnd le mii vëeneg me tı fo yaa zĩrĩ-be-nebã pugẽ yembre.
67. T'a yeele: m neba! ad yalemd ka tar maam ye, la sën m be bala, mam yaa b sën tum-a soab t'a yi Wënd nengẽ n wa.
68. M taasda yãmb m Soabã tẽn-tumdã, la m yaa sagend sën ya pu-peened ne yãmba.
69. Yãmb maanda yel-solemd tı Tëegr n wa yãmb nengẽ sën yi yãmb Soabẽ wã n wa yãmb nengẽ n kō rao sën yi yãmb pugẽ, bul yĩng t'a bugs yãmba, La y tēeg A sën maan tı yãmb yaa ledsdb a Nuuh nebã loogr poorẽ, la A le paas yãmb yak naaneg pugẽ, bı y tēeg Wënd yel-sōma tı sãnd-sãnde y na tilge.
70. Tı b yeele: fo waa tõnd na tũ Wënd a yembr tãa (yĩnga) la d bas d ba-rambã sën da tũudã? bı f wa ne fo sën pulemd tõnd ne-a soabã tı f sã n yaa sıd-soaba.
71. T'a yeele: sıda! naong la gēeg sën yi y soabã nengẽ paama yãmba; yãmb wēeda maam no-koeemd yuy poorẽ yãmb ne y ba-rambã sën pude, tı Wënd yaool n ka sik tikr a pugẽ? bı y gũ tı maam me naaga yãmb n yaa gũuda.
72. Tı Tõnd põsg-a ne neb nins sën da be ne-a wã sën tũ ne yolsg sën yi Tõnd nengẽ, la d kuvg sën yags-b Tõnd goamã la b ka yı sıd kōatbã pende.
73. La D Tum Samuud-rãmb saam-biig a Soaaltı b nengẽ, t'a yeele: m neba! tũ-y Wënde, yãmb ka tar Soab zëng sën ka Yẽ ye, sıda vëenem sën yi y Soabã nengẽ waa yãmb nengẽ, woto yaa Wënd yugemd sën yaa yel-solemd yãmb yĩnga, bı y bas-a t'a rit Wënd tẽn-gãongã zugu, la y ra wa saag tı wëng ta-a tı naong sën zabd wa paam yãmb ye.
74. La y tēeg A sën maan yãmb tı y yaa ledsdb Ad-rãmb loogr poorã, la A sik yãmb tēngã pugẽ tı y rikd a zĩ-saalsã n met tuga, la y pesd tãmsã n wōgd tı lebgd zagse, bı y tēeg Wënd yel sōmã la y ra gilgd tēngã pugẽ n yaa sãamdb ye.

75. T'a nebã taoor-rãmbã sën maan-b waoog n mengã, yeel a nin-
valemsã sën kõ-b sïdã: rë yïnga yãmb gãdame t'a Soaalh yaa b sën
tum-a soab ti yi Wënd nengë? ti b yeele: bãng-y ti tønd yë kõo sïd ne
b sën tum-a ne bũmb ningã.
76. Tı sën maan-b waoog-m-mengã yeele: bãng-y ti tønd yë yaa yagsdb
ne yãmb sën kõ sïd ne-a soabã.
77. Tı b kõs yvgemdã, la b kus n bas b soabã sagellã, la b yeele: Soaalhv,
wa ne fo sën pvlemd tøndã ti f sã n yaa Tën-tvmã.
78. Tı miim-kegengã rik-ba ti b lebg kumse n wũg b zaksã pvšë.
79. T'a ball n bas-b la a yeele: m neba! sïda mam taasa yãmb m soabã
toollã, la m maan pv-peelem yãmb yïnga, la yãmb ka nong pv-peen-
nebã ye.
80. La f tēeg Tōnd sën tum a Lvvt, a sën wa n yeel a nebã: yãmb tumda
yel-wënd kãngã sën yaa kēed-n-taar ne roapã? ned ba a ye sën ka
reng yãmb n tum a buudu!
81. Ad yãmb yellã! Yãmb wata roapë ne wum-noog n basd pagbã, ayoo,
yãmb yaa neb sën yaa man-n-zvvg-rãmba, ne yãmb sën yi
ninsaalemdã todsã, n kill n yi yam la rog-ne wã sorã.
82. La a nebã ka tall loekr sã n ka b sën yeele: yiisi-y-ba y tēngë wã, ad
b yaa neb sën baood ylgre.
83. Tı Tōnd tlg-a ne a zakã rãmbã, sã n ka a pagã bala, a naaga nongã
sën paam-b rambã.
84. La d sik sa-toaag b zugu, bı f ges yel-wën-maandbã baasg sën yı to-
to.
85. La d tum Madyan dãmb nengë b saam-biig a Svayb, t'a yeele: m
neba! tũ-y Wēnde, yãmb ka tar Soab zēng sën ka Yē ye. Sïda,
vēnem yii y Soabã nengë n wa yãmb nengë, bı y pids vũgbã la
zislem-magbã, la y ra boog nebã b teedë wã ye, la y ra sãam tēn-
gãongã pugë A sën malg-a poorë ye, rë la sōma yãmb yïnga ti y sã n
yaa sïd kōatba.
86. La y ra ti sor fãa zug n zĩ n bugsd nebã la y gut Wënd sorã ti sën dat-
a kōn tũ ye, la y baood n na n goalem-a bvl yïng ti b ra tũ-a ye; la y
tēeg yãmb sōorã sën da paood t'A wvsg-yã, la y ges sãamdbã baasg
sën yı to-to, a d b baasgã yu halkr la bōsggo.
87. La sã n mikame ti yãmb sãnda kõo sïd ne b sën tum maam ne bũmb
ningã ti sãnda ka kõ sïda, bı y maan sugr hal ti Wënd wa bv d ne
taab svka, la Yē me n yud bv-bvvdã fãa ne sōmblem.

88. T'a nebã taoor rambã sên maan waoog-m-mengã yeele: Svaybu, tõnd na n yiisa foo ne sên naag-b foo n kõ sidã tõnd têngê wã fas, wall ti y lebg n wa tõnd sorã pvgê, t'a yeele: ba ti tõnd sã n kisg boto?
89. Tõnd sã n lebg n wa yãmb sorê wã Wënd sên tilg tõnd ti d bas-a wã poorê, rënd tõnd yaga Wënd zĩrĩ; la tõnd ka yĩ n na n lebg n wa yãmb sorã pvgê ti sã n ka d Soab a Wënd n tulke, tõnd soabã gũbga bũm fãa ne bãngre, tõnd bobla d meng ne Wënde. D soaba! malg tõnd ne d nebã svk ne sida, la foo me n yud bu-bvvdã fãa sõmblem.
90. La a nebã taoor rambã sên yaa sõm-zitbã yeelame: la ti yãmb sã n tũ a Svayb bĩ y bãng ti yãmb sid yaa bõn-dãmba.
91. Tĩ miingã paam-ba ti b wa baas n wũg b zagsê wã n yaa yĩn-kumse.
92. Neb nins sên yags-b a Svaybã yaa wa la b ka tol n zĩnd a pvgê wã meng ye; sên yags-b a Svaybã bãmb n yĩ bõnã rãmba.
93. T'a ball n bas-b la a yeele: m neba!, sida mam taasa yãmb y soabã Tën-tumã la m sagl-y ne pu-peelem, la mam na n le sãamda m sũur sõm-zitb yĩng ti bõe?
94. La Tõnd ka tum taasd têngê n bas n ka maan ti keelem la nõng ta-b ye, bvul yĩng ti b na tek n lebge.
95. Rê poorê ti tõnd tedg wêngã zĩgê n leds sõngã, hal ti b wa fug n yeele: sida, toog la noog buud toor-toor paama tõnd ba-rambã; ti Tõnd sibg-b ne lingr ti b ka ning b yamê ye.
96. La la ti tẽmsã rãmb sã n da kõê sid la b gũus b mense, tõnd naan n pakê sên sõmb kõbg toor-toor ti yi saagê wã la têngã n kõ-ba, la b yagsame ti tõnd sibg-ba b sên da yĩ n tumdê wã yĩnga.
97. Tẽmsã rãmb yam gãeeme n ka yeẽsdê ti Tõnd naongã na n wa paam-b ti b be gõeem pvgê koe?
98. Tẽmsã rãmb yam gãeeme n ka yeẽsdê ti Tõnd naongã na n wa paam-b m mik ti bãmb reemdame koe?
99. B maana bas-m-yam ne Wënd naongã? La yaool n ka maand bas-m-yam ne Wënd naongã rëndã neb nins sên yaa bõndbã.
100. Rê yĩnga, pa vëneg ne sên duk-b têngã faadã b rãmb loogr poorã ti Tõnd sã n tollê D yõkdê-b lame b tum tuuti wã yĩng la D pag b sũyã ti bãmb kell n pa n ka reegd sagl la?
101. Tẽm-bãmba, Tõnd togsda foom b yelã sãnda ti na yĩ tags-n-gesga, la sida b tẽn-tumdbã waa b nengê ne vënesã, la b ka yĩ n na n kõ sid ne b sên yags ne bũmb ning pĩndã ye, yaa woto bal la Wënd pagd sõm-zitbã sũyã.

102. La Tōnd ka mik b wvsgã fãa ti b pidsd puleng ye, la Tōnd sēn mik yaa ti b wvsgã fãa yaa tūudum-yitba.
103. Rē poorē Tōnd tuma a Muusa ne Tōnd yel-soalem-dāmbã t'a kēng a Furaon ne a nebē wã, ti b yags-a; bi f ges sãamdbã baasgã sēn yi to-to.
104. La a Muusa yeel a Furaona: ad mam yaa tvmtvmd sēn yi bñ-naandsã fãa soabã nengē.
105. Sōmbame ne maam ti m da yeel n doglg Wēnd rēnda sid bala. Sidã, mam waa yãmb nengē ne vēenem sēn yi y soabã nengē, bi f tūnug lsraayul kambã ne maam.
106. Tı a yeele: fo sã n waa ne yel-solemd bi f wa ne-a wε, ti f sã n yaa sid soaba.
107. T'a lobg a rasaarã t'a lebg waaf vēenega.
108. N yiis a nugã t'a yaa pælg ti b getē.
109. T'a Furaon nin-bedã yeele: ad yãoã yaa tum-soab sēn yaa mita.
110. N dat n yiis yãmb y tēngē wã, la yãmb neeme ti d maan wãna?
111. Tı b yeele: "yaool-a ne a tãoã, la f tum tēmsã pvsē ti b tigim nebã".
112. N wa ne fo nengē tum-soab fãa sēn ya mita.
113. La ti-maandbã waa a Furaon nengē n yeele: keoor na zīnd tōnd yīng ti tōnd sã n tōoge?
114. T'a yeele: n-ye, la ad yãmb na n lagma pēnegdbã.
115. Tı b yeele: Muusa, fo reng n lobe, maa ti tōnd lobe.
116. T'a yeele: lob-y-yã; la b sēn wa n lobã b maana nebã nin tum, la b maan-b rabeem, la b wa ne tum sēn bedme.
117. Tı Tōnd tum ti kēng a Muusa nengē ti : lobg f ra-saarã, t'a tar b zīrē-beedã volb bala.
118. Tı sidã wili, ti b sēn da maandã be sãangē.
119. Tı b tōog-b be, ti b lebg ti b yaa yaalse.
120. Tı ti-maandbã yi burrr ti b yaa tiuudba n maan Svguudu.
121. B yeelame: " d kōo sid ne bñ-naandsã Soabã,
122. A Muusa ne a Harvun Soabã".
123. T'a Furaon yeele: yãmb kōo sid ne-a taoor ti mam ka kō yãmb sore? ad yãoã yaa raba yãm sēn wog-a tēngã pugē n rat n yiis a rãmbã a pugē, la y na bānge.
124. Lak m na kuvv yãmb nusã ne y naoã loanda, rē poorē lak m na sēb-y n sār-y gill kep.
125. Tı b yeele: ad tōnd yaa d soabã nengē lebdba.

126. La fo ka sibgd tōnd sã n ka tōnd sēn kō sid ne d soabã yel-soalmã, b sēn wa n wa tōnd nengē wã yīng bala; d soaba: kō-d sug-norgo la f reeg d yōe wã ti d yaa sak-n-tũ-rãmba.
127. La a Firaon nin-giĩnã yeel yã: fo na n basa a Muusa ne a nebã ti b sãam tēngã pvgē la b bas foo ne f rvbsã? T'a yeele: d na n kuv b kam-dibli wã la d basd b pagbã, la ad tōnd yaa pãn-tōogdb b zugu.
128. T'a Muusa yeel a nebã: bōos-y Wēnd sōngr la y maan sugri; ad tēngã yaa Wēnd n so n ledsda a sēn dat b rãmb a yembsã pvgē, la yaoolem neerã yaa gūus-n-mengã-rãmb yīnga.
129. La b yeel yã: taor ti fo nan ka wa tōnd nengē b namsa tōndo, la fo waoongã me poorē; t'a yeele: yãmb soabã tōeeme n wōrg yãmb be wã la a leds yãmb tēngã pvgē n ges yãmb sēn na n tum to-to.
130. La sida tōnd sibga a Firaon nebã ne yvum-kãogs la ti-biis boogr ti sãnd-sãnde b na tēeg n tek n base.
131. La sēn sōmbã sã n wa b nengē la b sēn yetd ti wã yaa tōnd rēnda; la wēng sã n paam-b la b sēn yetd t'a Muusaa ne neb nins sēn be ne-a wã zu-beedã n paam bãmbã; b zu-beedã yaa Wēnd nengē bal la be, la b wvsgã fãa ka mi ye.
132. La b yeele: baa fo sēn wat ne yel-soalem to-to fãa n na n gaam tōnd ne-ba, tōnd ka sid-kōatb ne foo ye.
133. Tı Tōnd sibg-b ne ko-ruka la suya la karene la poanda la zum ti yaa yel-soalem sēn yaa vēnese n pvg taaba, ti b maan waoog-n-meng la b yi neb sēn yaa yel-wēn-maandba.
134. La naongã sēn wa m paam-bã b yeelame: Muusa! bōos f soabã a sēn pvlem foo wã, la ti fo sã n zēk naongã n bas tōndo, d na kō sid ne foo, la d na bas a [sraayul kambã ti b tũ foo.
135. La Tōnd sēn wa n zēk naongã n bas-b n na n tall n tãag sasa ning bãmb sēn na n ta-a wã, la sēn mik ti b yidgda pvlemdã.
136. Tı Tōnd sibg-b n bōr-b mogrã pvgē, b sēn yags tōnd goamã la d yel-soalmã, la b ra yaa yam yaal-yaal-rãmb ne-a wã yīnga.
137. La D kō neb ninsba b sēn da faagdã tēngã wīndg sēn pukdē la a sēn lvtē faado, Tōnd sēn bark tēns ninsã (Saam); la f soabã pvlem-sōng gomdã stdga a [sraayul kambã zugu, b sēn maan sugrã yīnga; la D bōgs a Firaon ne a nebã sēn da maandã la b sēn da met la b tiidã.
138. La Tōnd gãnga ne a lsraayul kambã mogrã ti b kēn n ti mik neb sēn tabend ne b rvbs tūudum, ti b yeele: Muusa! bao soab sēn yaa rvbga

n kō tōnd me wala nin-bāmbā sēn tar soaben-dāmb sēn yaa rubsā,
t'a yeele: ad yāmb yaa zitba.

139. Bāng-y ti bāmbā sēn be būmb ning pvgā yaa sēn bōgse, la b sēn da
tumdā me yaa zaalem fas.
140. A yeelame: zēng sēn ka Wēnd la mam na n bao n kō yāmb ti yī y
soab ti yaool n yaa Yē n yus yāmb y zāmaana rāmb fāa zugu?
141. La y tēeg Tōnd sēn wa n pōsg yāmb n yi a Furaon nebā, b sēn sibgd
yāmb sibgr tek-tekē, n kuvd y kom-dibli la b basd y pagbā, la yel-
kāngā pvgē wā ad zarb-n-gesg kēeng sēn yi y soabā nengē be be.
142. La Tōnd kō a Muusa sek yvnd pis-tā, la D le paas-a piiga, t'a soabā
sekā pid yvnd pis-naase; la a Muusa yeel a yao wā a Haarvvn: led
mam zīgē m nebē wā, la f malg sēn na malg fāa, la f ra tū sāambā
sor ye.
143. La a Muusa sēn wā n wa Tōnd sekā yīngā t'a Soabā gom ne-a wā a
yeelame: m Soaba! wilg-m ti m yā Fo, t'A yeele: fo ka na n tol n yā
Maam ye, la ges tāngā ti sā n mik t'a tōog n tabl a zīgē wā, rēnd f
na n yāa Maam. La a Soabā sēn wa n zisg tāngā kitame ti tāngā
bōgse, t'a Muusa lvī n sobge, la a sēn wa n vvvgā a yeelame :
yilgemd be ne Foo, ad mam tek-n-lebgame n tvug Fo nengē, la maam
la sid kōatbā rēnem soabā.
144. T'A yeele: Muusa! ad Mam tūusa foom nebā zugu ne M tēn-tvmdā
la M goamā; bī f reeg Mam sēn kō-fā, la f yī bark pvvvsda.
145. La Tōnd gulsame n kō-a Walsā pvgē būmb la yell fāa ti ya saglg la
welsgo; bī f reeg-a ne yēsem la f salg f nebā ti b reeg-a sēn ti yaa
sōma n ti yudā, Mam na n wilga yāmb tūud-basdbā baas-beedā.
146. M na n wēnensa M yel-soalmā n bas neb nins sēn maand waoog-
n-meng tēngā pvgē ti ka yī ne sidā, la b sā n yē yel-solemd fāa b ka
kōt-a sidā, b sā n yē kāndgrā sorā b ka rikd-a n maan b sorā, la b sā
n yaool n yē kedgrā sorā b rikd-a lame ti yaa sore. La rē fāa yaa b
sēn yags Tōnd yel-soalmā la b ra yaa yam yaal-yaal rāmb ne-a wā
yīnga.
147. La neb nins sēn yags Tōnd yel-solem-dāmbā la yaoolem daarā, b
tvvmā sāamame; rē yīnga b rond-b lame n zvvg b sēn da yī n tvmdē
wā?
148. La a Muusa nebā rika b nag-teedā n yag lull t'a tar yāsr n maand
bvvre, n maan b Soaba, rē yīnga bāmb ka ne t'a ka gomd ne bāmb

la a le ka tõe n wilg bãmb so-turg ti b rik la? B rik-a lame n maan b soaba, la b yume n yaa wëgdba.

149. La b sën wa n bãng ti bãmb kēe bõn pugē wā ti b maan nimsā, n yē ti bãmb sīd menmame wā b yeelame: lak ti tōnd Soabā sā n ka yols tōnd la A bas ti loog tōnd yīnga, tōnd na yī bõn-rāmba.
150. La a Muusa sën wa n lebg n wa a nebē wā t'a yaa sën gē t'a sūr sāame, a yeelame: yell ning yāmb sën yōd n maan mam loogrā poorā yaa yel-wēnd meng-menga; yāmb gesame ti yāmb Soabā yellā kaoosdame la? T'a bas walsā ti lvi la a gād a tǎoā zug n veogd-a n kolgd a mengā; t'a a yeel-a : m ma-biiga! ad nebā valemsa maam la b rag n pvs n da na n kv maam; bī f ra maan ti bæeb lam ye, la f ra wa naag-m wëgdbē wā ye.
151. T'a yeele: m Soaba! lud m yīng la F lud m yaoā, la F kēes tōnd F yolsgā pugē, la yaa Foo n yud yoalsdbā fāa ne yolsgo.
152. Bãng ti neb nins sën dik lullā n maan b soabā, gēeg la faagr sën yi b Soabā nengē n na n paam-ba.
153. La neb nins sën tum tum-wēnā n tek n lebg rē loogr poorā la b kō stdā, bãng ti fo Soabā rē loogr poorē a yaa bān-lut n yaa yoalsda.
154. La gēegā sën wa n loog n bas a Muusa wā a rika walsā, ti be a gulbē wā kändgr la yolsg ne neb nins sën yæsd b soabā.
155. La a Muusa tūusa raop pis-yopoe a nebā pugē Tōnd seka yīnga, la rigimdgā sën wa n paam-bā a yeelame: m Soaba! fo sā n da rata Fo naan n wōr bãmb ne maam fāa pīnda, Fo na n wōra tōndo yalemsā sën be tōnd pugē wā tum-tumdi wā yīnga? Rē yaa Fo zarb-n-gesga ti Fo tar-a n menesd F sën dat-b rāmba, la F peegd F sën dat-b rāmba, Foo la tōnd lallda, bī F lud tōnd yīng la F yols-do, la Foo me n yud lutbā fāa ne sōmblem.
156. La F kō-d sën sōmb dūni la yaoleem daarā, ad tōnd tek n lebg n tuga Fo nengē; t'a yeele: Mam naongā M sibgda M sën dat a soab ne-a, la Mam yolsgā gūbga būmbā fāa, la Mam na n kō-a-la neb nins sën gūusd b mens la b kōt Zakā, la neb nins sën kōt sīd ne Tōnd yel-soalmā.
157. Neb nins sën pugd Tēn-tvmā sën ya-a taasdā n yaa zu-sabellā, bãmb sën mikd ti b guls a soab yell bãmb nengē wā taooraatā la īngiilā pugē, n sagend bãmb ne manegrā, la a gidgd-b ne yel-kiti, la a kōt-b sor ne yel-yulmā, la a gidgd-b ne bõn-rēgdā, la a rokd b zubā la yel-gīti wā n basd-bā; rēnd neb nins sën kō-b sīd ne-a wā la b zısg-

a la b sōng-a la la b tũ vēnem ning b sēn sik n tūnug-a wā, bāmb rāmbā la tilgdbā.

158. Yeele: neba! ad mam yaa Wēnd tēn-tvum n tvug y fāa nengē; sēn so-a saas la tēng naamā, soab sēn na n tũ n tilg kae rēnda Yēnda, A vuvgdame la A kuvda; bɪ y kō sɪd ne Wēnd la A tēn-tvumā, sēn yaa taasdā, n yaa zu-sabelle, sēn kōt-a sɪd ne Wēnd la A goamā; la y tũ-a sānd-sānde y na paam peegre.
159. La a Muusa nebā pvḡē neb n be be n wilgd sɪdā sore, la b buvd ne-a.
160. La Tōnd sēeg-b-la buud piig la a yiibu, tɪ b yaa sul toor-toore; la Tōnd tvms a Muusa nengē, a nebā sēn wa n bōos-a t'a kos koom n kō-bā, t'a "wē kugrā ne f rasaarā", tɪ ko-nin piig la a yiib pus n yit beene, tɪ ned kam fāa bāng a yūub zīga, la D lud-b ne sawato, la D sik sud la pvṭ-n-lviya n kō-ba. Rɪ-y rɪ-yulmā Tōnd sēn dtlg yāmbā; la tōnd ka wēg-b ye, la yaa bāmb n wēg b mense.
161. La sasa ning b sēn wa n yeel-b tɪ: zīnd-y tēn-kāngā pvḡē la y rɪ yāmb sēn dat a pvḡē, la y yeele: bas tɪ loog d yīnga, la y kē rag-noorā ne sulgr tɪ yaa sak-n-tũ ne Wēnde tɪ D na lud y tvum-tuutɪ wā y yīnga, D na n paasa maan-neerā rāmba.
162. Tɪ neb nins sēn wēg-bā tedg gom-bill tɪ yōsg ne b sēn yeel-b tɪ b yeelā, tɪ Tōnd tvum sɪbgr tɪ yɪ saasē wā n paam-ba b sēn da wēgdā yīnga.
163. La sok-b tēng ning sēn da be mogrā kurengā yelle, wakat ning b sēn da kUSD n yēed zīmā sibra raarā, bala b zīmā ra wata b nengē b Sibrā daare vēneg-vēenga, la raar ning b sēn ka vuvsdā sēn pa Sibrā, b ka wat b nengē ye, yaa woto la D zarbd-b n getē b sēn da yɪ n yit n basd tūudmā yīngā.
164. La sasa ninga b pvḡē wā neb sānda sēn wa n yeele: "yaa bōe tɪ yāmb sagend neb Wēnd sēn na n wōr-b ma A nams-b naong kānkāe? tɪ b yeele: yaa padeng ne tōnd n tvug y soabā nengē la sānd-sānd me b na gūusi.
165. La b sēn wa n yīm b sēn bugs-b ne būmb ningā Tōnd pōsga sēn gɪgd-b wēngā la D yōk sēn wēg-bā ne nan-kεgeng b sēn da yɪ n yit tūudmā yīnga.
166. La b sēn wa n kus n zvvg b sēn gɪdgb ne būm ninga Tōnd yeel-b lame: lebg-y wāambs n yaa yaalse.

167. La tēeg sasa ning fo Soabā sēn wa n wilg t'A na n tuma b zug sēn na n sibg-a bāmb sibg-wēng hal n tāag yikrā-raare, ad fo Soabā yaa sibg-tvull soaba, la ad A leb n yaa bān-lut n yaa yolsda.
168. La Tōnd sēeg-b-la tēngā pugē sull-sulli, nin sōma be b pugē, sēn ka boto me be b pugē, la Tōnd zarb-b-la ne yel-nood la yel-tood ti sānd-sānde b na tek n lebge.
169. Ti ledsdb leds b loogrā poorē n rik gafā faado n deegd dūni wum-noogā sēn yaa yaalgā, la b yetē ti b na n luda bāmb yīnga; la wum-no-kāng buud sā n wa b nengē la b sēn deegd-a. Rē yīnga b ka reeg gafā pvleng bāmb zug ti b ra yeel n dogl Wēnd ti sā n ka sīdā, la bāmb yaoolē karma sēn be a pugē wā? La yaoleem zakā la sōma n yud ne gūus-n-meng rāmbā; rē yīnga bāmb ka na n kō b mens yam?
170. La neb nins sēn gād-b sebrā la b yals puvsgā, b bāng ti Tōnd ka yeebd malgdbā rolbā ye.
171. La tēeg Tōnd sēn wa n zēk tāngā b zugē wā t'a yaa wala sawadg ti b sāmb t'a na n lvi n yēeg-b lame n yeel-ba: reeg-y Tōnd sēn kō yāmb būmb ningā ne y sūyā fāa-fāa, la y tēeg sēn be a pugē wā ti y na bāng n gūus y mense.
172. La sasa ning fo Soabā sēn wa n yiis a Aadam kambā b pelē wā la A reeg b kaset b mensā zug n yeel-ba: "pa Maam la yāmb Soab sīda? ti b yeele: "N-ye, d maana kaseto"; la yaa bvl yīng ti y ra wa yeel yikrā raare: "ad tōnd ra ka bāng wā ye".
173. Maa ti y yeel: "ad yaa tōnd ba-rambā n da maan lagem-n-taar pīnda, la tōnd yaa b kamba b loogr poorē, rē yīnga F na n yōka tōnd ne sām-dāmbā sēn tmā?
174. La yaa woto bal la Tōnd welsd D yel-soalmā, ti sānd-sānde b na tek n lebg.
175. La karem n togs-b ned ning kibar Tōnd sēn kō Tōnd yel-soalmā bāngrā t'a foog a meng n yi-b t'a svitāan raaga t'a yi kedgda.
176. La Tōnd sā n da tvllē n naan n zēkē-a ne-ba; la buko a basa a meng n lvy tēng n tū a yōrā yamleooogo; rēnd a bilg-n-taar yaa wa baaga, fo tum-a (t'a zoetē) a seh dame, f ka tum-a (t'a yasē bala) a seh dame, boto la sēn yags-b tōnd yel-soalmā bilgri, b f tēeg kvdemd n togs-ba, ti sānd-sānde b na tags n gese.
177. Sēn yags-b Tōnd yel-soalmā bilg-n-taar yi wēnga, la b ra yume n wēgd b mensā.

178. Neb nins Wënd sën peeg-b rāmbā, bāmb n bāngd sorā n dīke, la Wënd sën menes-b rāmbā, bāmb me la bōndbā.
179. La sīda! Tōnd naana zīn-dāmb la neb wʊsg ghehānnam yīnga, b tara sūyā n ka tar-a n tagsdē ye, la b tar nin n ka tar-a n neē ye, la b tar tvb n ka tar-a n kelgdē ye, bāmb rāmbā yaa wala rūmsi, bāmb n pus n yud menengo, bāmb la yam yaal-yaalā-rāmba.
180. La Wënd n tar yvy sën yaa sōma, bī y kos-A ne-ba, la y bas sën wënd-b A yvyā, b na n dol-b-la b sën da tumdā.
181. La bōn-naandsā Tōnd sën naanā pugē zāma wʊsg n be be n peegdē n tvgd so-turgā ne sīda, la yaa yē me la b rikda.
182. La sën yags-b Tōnd yel-soalmā D na n yōk-b-la b sën ka tēedē.
183. la M yaoond-ba, ad Mam rabrā keggame.
184. Bāmb ka tags la? gēemd ka tar yāmb nedā dē, a ka yī rēnda bugsd sën yaa vēnga.
185. Bāmb ka tagesd n ges Wënd soolem sën be saasē la tēng pugē wā la? bī Wënd sën naanā buud fāa la? B le ka ges me ti tōe ti b sasa wā kolgame la? Yaa gom-bʊs la b na n kō sid Alkʊraan loogr pooē?
186. Wënd sën menes-b rāmba, pægd ka be ye, la a bas-b ti b be menengā pugē n tuumdē.
187. B sokda foo dūni-yīkr sasa wā yelle, ti yaa sasa bug la a na n yī? Yeele: "a bāngrā bee m Sōabā nengē, ka vēnegd a sasa wā n bāng rēnda Yē, a yellā solga saasē la tēng rāmba, a ka na n wa paam yāmb rēnda ne lingri". B sokda foom a yellā ti yaa wa a bāngrā yell paka foo, yeele: "a bāngrā yaa Wënd nengē bal la be, la nebā wʊsg fāa ka mi ye".
188. Yeele: "mam ka so n meng n kōt m meng sën tar yōod maa m zāagd m meng ne sën yaa toog ye, sā n ka Wënd sën tvlle; la mam sā n da mii sën lilli m naan n wʊsgē ne tvvm-sōmā, wēng buud me kōn tol n paam-ma. Mam ka būmb a to ralla bugsd la sū-noaagd sid-kōtbā yīnga.
189. Yē la sën naan yāmb n yiis yō-yeng pugē wā, la A naan a pagā n yiis yōorē wā bul yīng t'a na paam yam-gāag ne-a. La a sën wa n kē ne-a wā a rīka pug sën yaa faaga, t'a tall-a n tvgdē, la a sën wa n lebg zısgā b bōosa b Soab a Wënd n yeele: "Fo sā n kō tōnd biig sën pid n ta, ad tōnd na yī zaamē-beoog pʊvsdba".

190. La A sēn wa n kō-b biig sēn yaa sōma wā b kēesa a pvgē soaben-zēmes soolem (n pvd-a ti a Haars yamba), la Wēnd zēka me n yi bāmb sēn dikd n lagemd ne-A wā.
191. Bāmb rikda sēn ka naand-b baa fi wā n lagemd ne Wēnde ti B yaool n naana bāmba?
192. La b ka tōe n sōng bāmba la b le ka tōe n sōng b mens me!
193. La yāmb sā n boond-b n twg so-turg tūubu b ka tūud yāmb ye; zema taaba yāmb sā n boond-ba maa y sīndame.
194. Bāng-y ti yāmb sēn tūud zēng sēn ka Wēndā yaa yembs wa yāmba, bī y bool-b ti b sak y yīng ti y sā n yaa sīd-rāmba.
195. Rē yīnga b tara nao n kēnd ne-b bī? Bī b tara nus n gāt ne-ba? Bī b tara nīn n get ne-ba? Bī b tara twb n wūmd ne-ba? yeele: "bool-y yāmb lagem-n-taasā, rē poorē bī y rabs maam la y ra koll-m ye".
196. Ad mam lalld yaa Wēnde, Soab ning sēn sik-a Gafā, la Yē me n sōngd nin-sōmā wā.
197. La yāmb sēn boond-b ramb zēng sēn ka Yē wā ka tōe n sōng yāmb ye, la b le ka tōe n sōng b mens me ye.
198. La yāmb sā n boond-b n twg so turgā tūubu, b ka wūmd ye, la fo ne-b lame ti b get foom n yaool n ka neē ye.
199. Sak n bas ti looge, la f sagl ne sēn sōmbe, la f ball n bas zitbā.
200. La a svitāan sā n pēsgr foo pēsgr ninga bī f kos gūudum ne Wēnde, ad A yaa wūmd n yaa mita.
201. Bang ti wēn-zoetbā, yam-yoob la kullg sā n paam bāmba sēn yi a svitāan nengē, la b sēn tēegd Wēnd yellā, ti b yamā yaa sēn be pukri.
202. Tī b yel-beed-mabiir yaa sēn paasd b raeegre, rē poorē m pa kuvgd koεεg lae.
203. La fo sā n ka wa ne yel-solemde la b sēn yete : "fo ra pa na n wa ne-a f meng yīnga?" Yeele: "ad mam pvgda b sēn twmsd mam nengē sēn yit m Soabā nengē"; goam kāyā yaa vēenes sēn yi y Soabā nengē, n le yaa peegr la yolsg ne sēn kōt-b sūdā.
204. La b sā n karemd Kvrācana bī y kelg-a la y sīnd su, ti sānd-sānde b na yols-yā.
205. La tēeg f sōabā yell ne gāneg-n-meng la ra-beem, ti ka tū ne koεεg zēkr ye, yibeood la zaaba; la f ra lagem yam yaal-yaal rāmb ye.
206. Bāng ti sēn be-b fo Soabā nengē wā ka maand waoog-m-meng n basd A tūudmā ye, la b le yulgd-A lame; la b tiuund A yīnga.

8. Al-anfaal*

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. B sokda foo zabrē arzēg-zaal pvub yelle; yeele: "zabrē arzēg-zaal yaa Wënd la A tēn-tvumā soolem"; bī y zoe Wënd la y malg yāmb ne taab svkā, la y tū Wënd la A tēn-tvumā tī y sā n yume n yaa sid-kōtba.
2. Ad sid-kōtbā la neb ninsi, b sā n tēeg Wënd yell la b b sūyā sēn rigdi, la b sā n karem A goamā me tī b wvme, a paasd b sid-kūuni, la b Soabā me la b bobend ne b mensā.
3. Neb nins sēn yalsd Pvvsgā la b yākd Tōnd sēn dilg-bā n maand neerā.
4. Bāmb rāmbā la sid-kōatb meng-mengā; zēkr la yaafgo la rtl sēn yaa wagelle n be Wënd nengē bāmb yīnga.
5. Wala fo Soabā sēn yiis foo f zakē wā ne sidā, lak sid-kōtbā sānda yaa kisgdba (ne rēnda).
6. B wēeda foo no-koeemd sidā zugu, a sēn vēneg poore, tī yaa wala b tata bāmb n dabd kūumē tī b getē.
7. La y tēeg sasa ning Wënd sēn wa m pvlemd yāmb sul a yiibā yembrā tī yāmb na n tōog-b lame wā, tī yāmb maand nonglem ne sull ning sēn ka tar-a zab-teedā yekre, la Wënd yaool n dat n yalsga sidā ne a gom-biisā la a wāag sōmb-zitbā poore.
8. Bvul yīng tī sid paam yalsgo la a lub zīri, ba tī yel-wēn-maandbā sā n kiswa rē.
9. Wakat ning yāmb sēn wa n kot y Soabā sōngrā t'A sak n deeg yāmb yīngā, n na n sōng yāmb ne zabr Malek-rāmba sēn yaa tvum-tvumdb tusr sēn pvgd-taaba.
10. La Wënd ka maan woto rēnda sū-noogr silgr yāmb yīnga, la sōngr kae rēnda sēn yi Wënd nengē, bāng-y tī Wënd yaa zisg n yaa yel-gānegr-mita.
11. La y tēeg sasa ning A sēn wa n lobgd yāmb suusgā basem-yam sēn yi A nengē keelem, la a sikd koom sēn yi saasē wā, n yulg yāmb ne-a la a loog ne a svitāan rēgdā n bas yāmb la A keng yāmb sūyā, la A sēn na tableg yāmb Na-sulpamā ne-a.
12. Tēeg sasa ning f Soabā sēn wa n yet zabr tvum-tvumdbā (Malek-rāmba): "bāng-y tī Mam bee ne yāmba, bī y keng sid kōatbā pelga, M na n loba yaeesg sōm-zitbā sūyē wā, bī y las yubli wā zut la y bees b yīn-wilā.

* Al-anfaal (Zab laasē arzēkā svvra)

13. Sēn yeel ti y maan-b woto wā, yaa ti bāmb bak n bas Wēnd la A tēn-tvumā sagelle. La ned ning sēn bak-a n bas Wēnd la a tēn-tvumā bi y bāng ti Wēnd yaa nams-kegeng Soaba.
14. Rē la woto, bi y lemb-a, la y bāng ti bugmā namsg bee sōm-zitbā yīnga.
15. Yaa yāmb sēn kō-b sīda! yāmb sā n seg sēn maan-b sōmb-zitmā bi y ra lebg n wudg ye.
16. La ned ning sēn lebg-a n wudg baraare ti ka silem maaneg sēn na belg n kv, maa yaa sēn na n tvug n fāag kēere, bi y bāng t'a lebga ne gēeg sēn yi Wēnd nengē, la a gāag zīg yaa gehānnama, ad a yaa leben-wēng zīga.
17. La ad yāmb ka kv-b ye, la yaa Wēnd n kv-ba, la fo ka lobg fo sēn wa n lobgā ye, la ad yaa Wēnd n lobge, la bvl yīng la A maan zarb-n-gesg sēn be neer ne sīd-kōtbā, bāng ti Wēnd yaa wumda n yaa mita.
18. Rē la woto, la y bāng ti Wēnd yaa sōm-zitbā raba wā koamesda.
19. Y sā n da kotē ti b (Wēnd) halk wēngdbā (la A sōng sīda) rēnd (bvud ning yāmb sēn da baoodā) siga yāmb zugu. Y sā n tek n base rē la sōma y yīnga, la y sā n le lebg n wa yesa D yulmda (d sībgrā y zugu), la yāmb sullā me kōn tōog n sōng-y baa fvi, ba ti b sōorā sā n wvsge, la y bāng ti Wēnd bee ne sīd-kōatbā.
20. Yaa yāmb sēn kō-b sīda! tū-y Wēnd la A tēn-tvumā la y ra ball n bas-a la y yaool n wumdame ye.
21. La y ra yi wa neb nins sēn yeel ti d wumame la b yaool n ka kelgd sōma ye.
22. Bāng ti būn-kēndi wā wēng sēn yud Wēnd nengē yaa wumsā la mugsā sēn ka tagsdb n bāng Wēnd saglsā.
23. La Wēnd sā n da mi sēn sōmbe b pugē wā A naan n wumsē-ba, la A sā n dag n wumsē-ba, b ra na n raecgame ti b yaa ball-n-bas rāmba.
24. Yaa yāmb sēn kō-b sīda! sak-y Wēnd la tēn-tvumā t'a sā n bool yāmb n tvug yāmb vumā manegrē, la y bāng ti Wēnd tōe n gīda ninsaal ne a sūurā svka, la y bāng ti yaa A nengē la b na n tigim yāmba.
25. La y zoe yell sēn ka wēgdbā sēn be yāmb pugē bal la a na n paam ye, la y bāng ti Wēnd yaa sīb-g-kānkāe soaba.
26. La y tēeg sasa ning yāmb sēn da ya bilf n ya valems tēngā zugu, n yaeesdē ti nebā na n wa tabs yāmba, t'A kolemd yāmb la A sōng yāmb ne A sōngrā la A rulg yāmb ne rī-yilema; ti sānd-sānde y na pvvs zaamē-beoogo.

27. Yaa yāmb sēn kō-b sīda! Ra zāmb-y Wēnd la A Tēn-tvumā ye, la y ra zāmb yāmb boablā ti yāmb yaool n miē ye.
28. La y bāng ti yāmb arzekā la y kambā yaa zarb-n-gesga, la y le bāng ti Wēnd tara rolb sēn bedem A nengē.
29. Yaa yāmb sēn kō-b sīda! Yāmb sā n zoe Wēnde A na n maana bāng-n-welg n kō-yā la A lud y tvum-wēnā la A yēes-y yīnga, la Wēnd la kūun kēeg soaba.
30. La f tēeg sasa ning sōm-zitbā sēn wa n rikd raba ne foo n dat n na n zaag foo maa b kv-f maa b yiis-foo, la b rata wēng ti Wēnd lebsd b rabrā, la Wēnd la rabsdbā sēn yud sōmblem.
31. La b sā n karemd Tōnd goamā b zutu la b sēn yete: "sīda d wvmame, d sā n da ratē d naan n yeelē gom-kāngā buudu, wā ka yī n zvvg rēenem dambā soalem bal ye".
32. La tēeg sasa ning b sēn wa n yeele: "d Soaba! sā n mikame ti wā la sīdā sēn yī Fo nengē wā bī F kut ti saagā ni kug tōnd zugu, maa F wa ne noang sēn zabd n kō-do.
33. La Wēnd ka yī n na n nams-b ti fo be b pvḡē ye, Wēnd le ka yī n yaa b namsd ti bāmb bōosd bas ti loog ye.
34. La bvl yīng ti Wēnd ka na n nams bāmba, ti bāmb yaool n gita nebā Lohorem-misrē wā la b yaool n ka A lalldba, A ka tar lalldb ti ka wēn-zoetbā ye, la b wvsgā fāa ka mi ye.
35. La b pvvsgā Roogē wā ra ka yī rēnda fulg la nug-pogs bala, bī y lemb noangā y sēn da yī n maand sōm-zitmā yīnga.
36. Bāng-y ti sēn maan-b sōm-zitmā yākda b arzagsā Wēnd sorā ḡdgr yīnga, la b na n yāk-a lame, rē poore a na n yu bōn b yīnga, rē poore b na n tōog-b lame, la sēn maand b sōm-zitbā yaa gehānnam la b na n kāag-b n kēnge.
37. Bvl yīng ti Wēnd na welg rēgdā n yī ylengā, la A rik rēgdā n zam taab zug n tigma zānga, n ning-a gehānnam pvḡē, bāmb-rāmbā la bōndbā.
38. Yeel sōm-zitbā ti b sā n tek n base Wēnd na bas ti loog b yīnga b zunooob-rāmbā sēn deng taoorā, la b sā n le lebg n wa b sōm-zulmē wā, ad Wēnd na-kēndrā ne pīnd rāmbā renga taoore, bala b yagsame n kell n nadgdē ti Wēnd stbga.
39. La y zab ne-ba, bvl yīng ti sōm-zulm ra zīnd ye? ti tūudumā fāa yī ne Wēnd A yembre; la b sā n tek n bas bī y bāng ti Wēnd yaa Neta ne b sēn tvmdā.

40. La b sã n maan b toog kae bɪ y bãng tɪ Wënd yaa yãmb lallda, yaa lalld sën be neere, la sõangd sën be neere.
41. La y bãng tɪ yãmb sën zab n paam bũmb ningã fãa bɪ y bãng tɪ putame n yãk puvr a ye nu zug n kō Wënd la Tën-tvumã la rog-pětse la kubse la nin-bãan-nebã la so-kẽnda, tɪ yãmb sã n yume n kō sɪd ne Wënd la a sën sik n kō A yambã welgrã raarã, raar ning sul a yiibã sën seg taabã, la Wënd yaa bũmb fãa tõogda.
42. Sasa ning yãmb sën wa n be kosoogã kureng pëem-pëemã, tɪ bãmb be kureng sën zãrã, tɪ toanbã be yãmb tênggrã; la yãmb sã n da kōẽ taab seka y naan n yõsẽ taab sekẽ wã, la yaa sën na yɪlẽ la Wënd maan yel ning A sën da pulem tɪ na n yume, bul yĩng la sën ki-a ki vëenem zug, tɪ sën vum-a me vumd vëenem zugu, la ad Wënd yaa wumd n yaa mita.
43. Sasa ning Wënd sën wa n wilgd-b foo f gõeemã pvge tɪ b yaa bilfu, la A sã n da wilgẽ-b foo tɪ b yaa wusgo, y naan n maanẽ rabeem, la y yõs taab yellã pvge, la ad Wënd tilgame, bala Wënd yaa mit ne sën be sũyẽ wã.
44. La sasa ning a sën wa n wilgd-b yãmb y sën wa n seg taabã tɪ b yaa bilf yãmb ninẽ wã, la A maan tɪ b ne yãmb tɪ y yaa bilfu, bul yĩng la A maan tɪ yell A sën da pulem tɪ yɪ paam yubo, la yaa Wënd nengẽ la yelã lebgr zĩiga.
45. Yaa yãmb sën kō-b sɪda! yãmb sã n seg svll bɪ y tabend la y tẽeg Wënd yuvrã wusg tɪ sãnd-sãnde y na tilge.
46. La y tũ Wënd la A tën-tvumã la y ra yõs taab n wa kong pãng tɪ y waoorã se ye; la y maan sugri, ad Wënd bee ne sugr rãmba.
47. La y ra yɪ wa sën yɪ b zagsẽ wã ne waoog-m-meng la nebã na yã yĩnga, la b gidgd Wënd sorã ye; la Wënd yaa gũbgd ne b sën tvmdã.
48. La tẽeg-y sasa ning a soatãan sën wa n nags b tvumã n kō-bã n yeelb-a: ned ka be n na n tõog yãmb rũndã ye, la bãng-y tɪ mam yaa yãmb sõngda. La sul a yiibã sën wa n yẽ taabã a targ n leba poorẽ la a yeele: ad mam toog ka be ne yãmb de, ad mam nee yãmb sën ka ne, ad mam yeesda Wënde, la Wënd yaa sibg-kegeng soaba.
49. Sasa ning kvlemlvmã-rãmb la bãag sën be b rãmb sũyẽ wã sën wa n yetdẽ: bãmbã tũudmã n belg-ba. la ned ning sën bobl a meng ne Wënd bɪ a bãng tɪ Wënd yaa wind n yaa buvd-mita.
50. La lak tɪ sã n be yëebo, tɪ fo yẽ Malæk-rãmbã sën wat n deegd sõm-zutbã yõyã, n pãbd b nemsã la b poeyã la b yetd-b tɪ: lemb-y nan-yõogdgã, fo sã n da yëtẽ rënda f na ye-bedre.

51. Woto yaa yāmb nus sēn tum ti reng taoore la ad Wēnd pa yembsā wēgd ye.
52. Yaa wala a firaoon nebā la sēn deng-b bāmb taorā yellā, b yagsa Tōnd yel-soalem-dambā ti Wēnd yōk-b ne b yel-wēna, bala Wēnd yaa pān-kegeng soaba, n yaa sibg-kēnkē soaba.
53. Woto wā yaa ti b bāng ti Wēnd ka yī n na n teem neemā a sēn maan n kō neba, hal ti b wa teem b mensā malsmā; la y bāng ti Wēnd yaa wumd n yaa mita.
54. Yaa wala a Firaoon nebā la sēn deng-b bāmb taorā yellā, b yagsa b soabā yel-soalem-dambā ti tōnd halk-b ne b yel-wēna la d bōr a Firaoon nebā; la b fāa yū wēgdba.
55. Bāng ti būn-naandsā sēn yud wēng Wēnd nengē yaa sōm-zitbā n ka tol n kōt sidā.
56. Neb nins fo sēn duk puleng ne-b rāmb rē poorē ti b yidgd b pulemdā sasa fāa wā la b le ka na n maan gūus-m-meng me ne Wēndā.
57. La fo sā n yek-b zabrē bī f leng-b ti yī sagell ne b poorē-dāmbā sānd-sānde b na tags n ges.
58. La fo sā n wa yees neb ti b na n wa zāmb foo bī f yidg b fāa pulemdā, bala Wēnd ka nong zāmb-rāmb ye.
59. La sōm-zitbā ra wa sāmb ti bāmb pōsame de, bāng ti b ka be b sēn na maan n pōs ye.
60. La y segl zab-teed y pāng tōog tek b yīnga, la y loe zabr wed-moose n tar n yeesd Wēnd be wā la yāmb be wā, la zēng sēn ka bāmba, yāmb ka mi-b ye, Wēnd mi-b lame, la yāmb sēn yāk būmb ning fāa Wēnd sorā yīnga, b na n dol-a-la yāmba, la b kōn tol n wēg yāmb me.
61. La b sā n kull n baood laafi bī f kull n sak rē yīnga, la f bobl f meng ne Wēnde, ad Yēnda, Yē la a Wūmda n yaa a Mita.
62. La b sā n rat n zāmb foo ad Wēnd na sek-fo, Yēnda n keng-foo ne A sōngrā la sid-kōtbā.
63. La A yōgen b sūyā ne taaba; ba ti fo sā n da yiis sēn be tēngā pug gilli, f kōon n tōog n yōgen b sūyā ne taab ye, la ad yaa Wēnd n yōgen b ne taaba; ad A yaa wind n yaa buud-mita .
64. Yaa foo Nabiyaama! Wēnd seka foo ne sid-kōatbā sēn pugd foomā.
65. Yaa foo Nabiyaama! pirs sid-kōatbā ne zabrā, yāmb neb pisi sā n yaa sugr rāmba, b tōogda neb kobs-yi, la yāmb sā n yaa koabga, b tōogda sēn ya-b sōm-zitbā neb tusri, bala b yaa neb sēn ka wumd tvbre.
66. Masā, Wēnd yolsa y zugu, A miimi ti valeng n be yāmb pugē, rēnd yāmb pugē neb koabg sā n yaa sugr rāmba, b tōogda neb kobs-yi, la

- yāmb pugē neb sã n yaa tusri b tōogda neb tus a yiib ne Wënd tōogo, la Wënd bee ne sugrã rãmba.
67. Ka sōmb ne Nabiyaamã t'a yōg zab-laagē-yems n le bas-b ye; rëndame t'a reng n wingb-a n wil tēngã zugu. Yāmb rata dūni laogã, la Wënd rata yāmb ne yaoolem rolbã, la Wënd yaa wind n yaa buud mita.
68. Sã n ka sēn guls n gāneg n deng taoor Wënd nengē yīnga, naon-kēeeg naan n paamē yāmba, y sēn deeg yaoodã yīnga.
69. Bɪ y rɪ yāmb sēn paam yōod ning zabrē wã, tɪ yaa b sēn kō sor ne-a, tɪ yaa yulgmdɛ; la y gūus y meng ne Wēnde, ad Wënd yaa bas-tɪ-loog soab n yaa yoalsda.
70. Yaa foo Nabiyaama! yeel zab-laagē yembsã sēn be yāmb nusē wã: "Wënd sã n miim tɪ neer bee yāmb sūyã pugē, A na kō yāmb sēn sōmb n yud b sēn deeg n bas yāmbã, la A bas tɪ loog y yīnga, la Wënd yaa bas-tɪ-loog soab n yaa yoalsda.
71. La b sã n dat n zāmb foo bɪ f bāng tɪ b zāmba Wënd pīnd t'A maan tɪ yāmb tōogb-a n sɪbg-ba, la Wënd yaa mit n yaa buud mita.
72. Sēn kō-b sɪdã la b yik ne b dīinã n toeem Mak tēngã n kēng Madiinã, la b zab ne b arzɛgsã la b yōyã Wënd sorã zugã, la neb nins (Madiin dāmbã) sēn deeg-b bāmb sãandã la b sōngã, bāmb rāmbã la lall-n-taas ne taaba. La sēn kō-b sɪd la b ka yik ne b dīinã n yɪ Makã, b lall-n-taar ka zao yāmb baa fi, hal tɪ b wa tɪ wāag n bas kɪfen-dāmbã. La b sã n bōos yāmb sōngr dīinã wɛɛgē, bɪ y sōng-ba, sã n ka pɪleng sēn be yāmb ne b rāmb svka, la Wënd yaa net ne yāmb sēn tɔmdã.
73. La sēn maan-b sōm-zulmã, bāmb la lall-n-taas ne taaba; rēnda y maan boto, sã n ka rē kɪfend la sãan-kēeng na zīnd tēng poor zugu.

74. La sēn kō-b sūd la b yik ne b dīinā Mak n tvg Madiina, la b nidgd pāng n zabd n sōngd Wēnd sorā, la neb nins(Madiin rāmbā) sēn reeg-b bāmb sāandā, la b sōngā, bāmb rāmb la sūd-kōtb sūd-sūda, bas-ti-loog la ritl sēn yaa wagl be b yīnga.
75. La sēn yaool-b n wa kō sūdā, la b wāag n basā, la b nidg pāng n naag foom n zabā, bāmb rambā la yāmb pugē neba. La roagdb ne taaba, bāmb n sōmb ne taab faad rikr Wēnd sebrā pugē. Wēnd yaa būmbā fāa mita.

9. At-tawba*

1. Woto yaa mooneg koëeg sēn yi Wēnd la A Tēn-tvumā nengē n tvg yāmb sēn dīk puleng ne b rāmbā sēn yaa lagem-n-taarā rāmbā, ti pulengā tōnd ne yāmb svkā saame.
2. Bı y gō tēngā pugē kiuug a naase, la y bāng ti yāmb ka Wēnd pōasdb ye, la y bāng ti Wēnd la sōm-zitbā yān-ningda.
3. La moong koëeg sēn yi Wēnd la A Tēn-tvumā nengē n tvgd nebā nengē Hegiimdā ra-kasengā raare, ti Wēnd ne A Tēn-tvumā wāagame n bas lagem-n-taarā ramba. La y sā n tek n lebge n base, yē la sōama ne yāmba, la y sā n daeege, bı y bāng ti yāmb ka Wēnd pōsdb ye. La noog sēn maan-b sōm-zitmā sūyā ne naong sēn zabde.
4. Sā n ka lagem-n-taar rāmb nins yāmb sēn dīk puleng ne-b ti b ka yidg pulengā ne yāmb baa bilf rē poorā, la b le ka sōng ned ba a ye n zab ne yāmbā, bı y pids b pulengā n kō-ba n tāag a tēka, bāng ti wēnd nonga gūus-m-meng rambā.
5. La lohorem kitā sā n se bı y kv lagem-n-taarā rāmb yāmb sēn mik-b zīg ning fāa, la y yōg-ba, la y gubg-b ti b pa b tēmsē wā, la y gūus-b n gidg-b ne sor buudā fāa. La b sā n tek n lebge n yānes ne Pvvsigā n kō Zakā bı y lak n bas-b bāane, ad Wēnd yaa yaafd n yaa yoalsda.
6. La nina sā n wa baood se-yōkr sēn yi lagem-n-taarā rāmbē bı f reeg-a, bvl yīng la a paam Wēnd goamā n kelge, rē poorē bı f taas-a a bas-m-yam zīgē, bala b yaa neb sēn ka mi.
7. Yuta wān ti puleng na n wa be Wēnd la A Tēn-tvumā nengē lagem-n-taarā rāmb zugu, sā n pa yāmb sēn dīk puleng ne-b rāmb Lohorm-mihre wā. Rēnd b sēn ka bak n tēegd trg ne yāmbā bı yāmb me tēeg trg ne-ba, ad Wēnd nonga gūus-m-meng rāmbā.

* At-tawba (Tuubgā svvra)

8. Na n yu wān-wān ti b sã n paam pāng yāmb zugu, b ka gūusd rogem la b le ka gūusd pvleng me? B baooda yāmb yard ne b noyã ti b sūy yaool n tōtē; la b sēn yud wvsgã fãa yaa so-turgã yitba.
9. B ruka Wënd goamã n tek ne laog sēn yaa bilfu, ti rē kit ti b gud A sorã; b sēn da tvmdã yu wēnga.
10. B ka gūusd rogem, b le ka gūusd pvleng sid kōat yīng ye, la bāmb-rāmbã, bāmb bal la maan-n-zvvg rāmbã.
11. La b sã n tek n lebg la b yaas ne Pvvsq la b kō Zaka, rēnd b yaa yāmb ma-bus tūudmã pvge, la Tōnd weenda D goamã sēn dat n bāng-bã yīnga.
12. La b sã n yidg b pulemsã b pvleng poore la b zang yāmb tūudmã bı y zab ne sōm-zitbã taoor rāmba, ad b ka tar wēen-sid ye, ti sānd-sānde b na tek n base.
13. Yāmb ka na n zab ne neb sēn viig b no-rıgsa la b maan saagr ne Tēn-tvumã yiisgu, la yaool n yaa bāmb n sung pipi n bao yāmb noore? Yāmb zoet-b lame la? Bı y bāng ti Wënd n sōmb ne yāmb na zoe-A n yud ti yāmb sã n yume n yaa sid-kōtba.
14. Zab-y ne-ba ti Wënd na sibg-b ne yāmb nusã la A ning-b yānde la A sōng yāmb ti y tōog-b la A maag sid-kōtbã sūyã.
15. La A sik b sūyã, la Wënd deeg A sēn tvll-a soab tek-n-lebgre(tuubgu), la Wënd yaa mit n yaa bvvd mita.
16. Bı yāmb sāmbame ti b na n basa yāmb woto bala, ti Wënd ka maan ti b bāng sēn sid zabd-b yāmb pvge, la b le ka bao lall-n-taas zēng ti ka Wënd la tēn-tvumã la sid kōtbã? La Wënd me yaool n yaa mit-tekē ne yāmb sēn tvmdã.
17. Ka sōmb ne lagem-n-taarã rāmb ti b meed Wënd Misa wã la b yaool n seet b mensē ne sōm-zulem ye, bāmb rāmb tvumã luyame, la b le yaa bvgmē wã me paadba.
18. Ad sēn segd n sōng-b Wënd Misa wã yaa sēn kō-a sid ne Wënd la yaoleem daarã, la a yals pvvsqã la a kō zakã; la a pa yaeesd rēnda Wëndã. Tōe ti bāmb rāmbã na naag kāndedbã.
19. Yāmb makda hegiimbã yūnugdbã, la Lohorm mihrã metbã, ti b yaa wala sēn kō-b sid ne Wënd la yaoleem daarã, la a zab Wënd sorã yīngã? B ka zem taab Wënd nengē ye, la Wënd ka kāndgd wēgdbã ye.
20. Sēn kō-b sidã la b yik ne b dīnã la b zab Wënd sorã zug ne b arzagsã la b yōyã, bāmb n yud ne ziir zēkr Wënd nengē, la bāmb rāmbã la paamdbã.

21. B Soabā noogda b sūyā ne yolsg la yard la Arzēn; b le tara neema-rāmb sēn ka saab a pugē.
22. B yaa paadb a pugē wā lae-lae, ad Wēnd nengē keoor kēeng n be be.
23. Yaa yāmb Sūd-kōatba! Ra rik-y y baab-rāmbā la y saam-biisā n maan y lall-n-taasye, tī b sā n nonga sōm-zitemā ne Wēnd n yud sid-kūunā. La ned ning sēn lall-a a meng ne-ba rēnd bāmb rāmbā bal la wēgdbā.
24. Yeele: "Sā n mikame tī yāmb saam-dāmba, la y koamba, la y saam-biisi, la y pagba, la y buudu, la arzēgs yāmb sēn tum n paam, la tolb yāmb sēn yeesd t'a na n narame, la zags sēn ta yāmb raabo, (woto fāa) sā n nooma yāmb n yud Wēnde, la A Tēn-tvumā, la zab Wēnd sorā poorē wā, bī y gū hal tī Wēnd pulemgā wa wa. La ad Wēnd ka peegd dīin yitbā ye.
25. Sūdā, ad Wēnd sōnga yāmb zīs wvsgo, la Hvnaeen (zabrā) raarā, yāmb waooglmā sēn wa n maan yāmb yel-solemd la a yaool n ka tōog n sōng yāmb baa fi, hal tī tēngā ne a yalmā wa lebg sēk ne yāmba, rē poorē tī yāmb mak n kong n zoe.
26. Rē poorē tī Wēnd sik A yīn-yōagnegā n kō a Tēn-tvumā la sid kōatbā, la A sik tāp tī yāmb ka ne-b ye, la A sibg sēn maan-b sōm-zitem ne Wēndā, la sōm-zitbā rolb yaa woto.
27. Rē poorē, Wēnd reegda a sēn toll-a saab tuubgu, la Wēnd yaa Yaafd n yaa Yoalsda.
28. Yaa yāmb sēn kō-b sīda! ad lagem-n-taarā ramb yaa rēgdo, bī b ra pēneg Lohorm-Mihra b yvumd kāngā loogr poor ye, la sā n mikame tī yāmb yeesda talem d bī y bāng tī Wēnd na n kōo yāmb sēn yi A yudmē wā hal tī seke, Wēnd yaa bāngd n yaa buud mita.
29. Zab ne sēn ka kōt-b sid ne Wēnde, n pa kōt sid ne yaoolem daarā, n pa gidgd b mēns ne Wēnd la a Tēn-tvumā sēn gidg-b ne yel ninsā, n pa tūud sūdā tūudmā, sēn yaa b sēn kō-b rāmb sebrā sānda wā, zab-y ne bāmbā hal tī b wa tī kis Fadgā ne b nus tī b yaa yaalse.
30. La yahuud-rāmbā yeelame: "a Uzaeer yaa Wēnd biiga", la nasaar-rāmbā yeelame: "Sus-ti-maag yaa Wēnd buga", la rē yaa bāmb noy goam bala, b maanda wēns-n-taar ne kifēn-dāmbā sēn deng taoorā gomde. Wēnd na sām-ba, maana a wān tī b wēnems bāmb n yit sidē wā woto?
31. B rīka b bāngdbā la b tūudbā n maan soben-dāmba tī pa Wēnde, n paas a Sus-ti-maag a Maryam biigā, la b yaool n ka sagl-ba rēndame tī yaa b tū Wēnd sēn yaa soab-yeng tāa wā, soab sēn sōmb

- ne tūub kae rēnda Yēnda, A ylgame n yi bāmb sēn maan lagem-n-taar ne būmb ninsā.
32. B rat n kiisa Wēnd vēnmā ne b noyā, la Wēnd zāgsdame rēndame t'A pids A vēnmā bala, ba sōm-zitbā sā n kis rē.
33. Yē la sēn tum A Tēn-tumā ne sor-wilgr (kāndgrā) la sid tūudmā, bu yīng t'a na wil tūudum-sor buudā fāa, ba ti lagem-n-taarā rāmb sā n kisga rēnda.
34. Sēn kōb sidā! ad bāngdbā, la tūudbā wusg na n rita nebā arzēgsā zaalm, la b git Wēnd sorā, la neb nins sēn bīngdb sānmā la wanzurā la b pa yākd-a n sōngd Wēnd sorā bi f noog b sūy ne naong-zabdga.
35. Raar ning b sēn na n wum-a bugmā pugē, n tall-a n bēes b rīyā, la b loagā, la b poayā, la b yetd-ba: "wā la yāmb sēn bīng y mensā yīngā, bi y lemb y sēn da bīngā".
36. Ad kitā sōor Wēnd nengē yaa kit piig la a yiibu Wēnd sebrā pugē, A sēn naan saas la tēng raare. Kit a naas n be b suk n yaa lohorem kiisi, ti b gidg zabr b pugē. Wā la tūudum-sor sēn yaa turgā, bi y ra wēg y mensā b pugē ye, la y zab ne lagem-n-taarā rāmb fāa gilli wala bāmb me sēn zabd ne yāmb fāa wā, la y bāng ti Wēnd bee ne gūs-m-meng rāmbā.
37. Ad yaool lohorem kiuugā n tek-a ne a to wā yaa sōm-zitem paasg bala, b tara rēnda n menesd sōm-zitbā, b maanda sēn gidgā a pugē yuumd ninga, la b yōkd b mens a pugē yuumd ninga. Woto wā, b maandame ti Wēnd sēn gidgā lebg halaale. A sutāan nagsa b tum-wēngā n kō-ba, la Wēnd ka wilgd neb niins sēn ya-b sōm-zitbā sor ye.
38. Yaa yāmb sēn kō-b sida! Yaa bōe n tar yāmb ti b sā n yeel yāmb ti y yi n zab Wēnd sorā poorē bi yāmb maagdē n paad y zīisē wā? Yāmb yara ne dūni vumā n yud yaolem-raarā? Ad dūni vumā wum-noogā pa yi ti b sā n na n mak-a ne yaolem-daarā vumā rēnda bilf bala.
39. Rēnda y yi, sā n ka rē A na n sibg-y-la ne sibgr sēn zabde, la A tedg yāmb ne neb a taaba sēn ka yāmba, la yāmb ka maand-A ba fi. Wēnd yaa būmbā fāa tōoda.
40. Rēnd y sōng-a, bala Wēnd zoe n sōng-a lame, sasa ning sōm-zitbā sēn wa n yiis-a ti b yaa b yiib bala, b yiibā sēn wa n be bokē wā, a sēn wa n yet a tūud-n-taagā:" ra sām f sūur ye, ad Wēnd bee ne tōndo", ti Wēnd sik A yīn-yōgnegā n kō-a la a sōng-a ne zab-zabdb yāmb sēn ka ne, la A maan sōm-zitbā gomdā ti be tēngre, la Wēnd gomdā, yēnda n be yīngri, la Wēnd yaa wind n yaa buud mita.

41. Y i-y n kēng (zabrē wā), zem ti y faasame bi y zisame, la y zab ne y arzegsa, la y yōyā, Wēnd sorā sōngr yīnga, rē la sōama ne yāmb ti yāmb sā n yi n mii.
42. Sā n da yaē loag paoong sēn yaa nana, la so-toak sēn yaa pug-puge, b ra na pugē yāmba, la ha! b neeme ti naongā na n taka wok ne-ba. B na n Wēnda ne Wēnd ti b sā n da tallē tōgo; b naan n tūē yāmb n yi, b kēesda b mensā bōgsg pugē, la Wēnd miime ti b yaa zīri-be-neb meng-menga.
43. Wēnd basame ti loog f yīnga, bōe yīng ti fo kō-b sor taor ti na n ka vēneg ne foo sēn kō-b sidā la f bāng zīri-be-nebā?
44. Sēn kō-b sid ne Wēnd la yaolem daarā ka yas n bōosd foo sor n na n pa n pa zab ne b arzegsa la b yōyā ye, la Wēnd yaa mit ne wēnzotbā.
45. Ad sēn bōosd-b foo sorā yaa sēn ka kō-b sid ne Wēnd la yaolem daarā ti b sūyā maadn sāmbuga, ti b be b sāmbugā pugē n yilimdē wā.
46. La b sā n da ratē yīibā b naan n segl a yīng seglg tekē, la ad Wēnd kīsga b yīibā n dī-ba, ti b yeel-ba: naag-y zīndīdbā n zīndī.
47. B sā n da naagē yāmb n yi me, b ka na n da paasē yāmb rēnda sāanga, la la ti b na kēesē yāmb svkā tēnkān-wēnem, n dat yāmb ne yelle, ti yāmb pugē wā me neb n be be n kelsd-ba, la Wēnd yaa mit ne wēgdbā.
48. Sidā, b baoo yel pīnda, n leeb yelā fo zugu, hal ti sidā wa wa, ti Wēnd yellā puk ti bāmb yaa rē kīsgdba.
49. La be b pugē wā sēn yetd ti: kō-m sor la f ra kēes-m yell pug ye, rē yīnga ka yell pugē bal la b lvire? La bāng ti gehānem gūbga sōmzitbā.
50. Neer sā n paam foo, zad-b lame, la wēng sā n paam foo la b sēn yetd ti: tōnd ra pīnd n duka d yellā ne gūusgu; n daeegdē ti b yaa kidemdba.
51. Yeele: yell ka paamd tōnd rēndame ti yaa Wēnd sēn gvls n dogl-do, Yē la tōnd lallda, bi sid kōatbā bobl b mens ne Wēnde.
52. Yeele: rē yīnga yāmb kollda tōnd zug ti ka yel-sōam a yīibā yembr bal bi?(tōogre ma ki n kē Arzēna) La ad tōnd gūudame n na n yē ti Wēnd kut ti naong sēn yi A nengē paam yāmba, ma ti tū ne tōnd nusi; bi y koll-d ti tōnd me naaga yāmb n yaa kolldbā.
53. Yeele: y sā n tvll bi y yāk n nafe, zem ti yaa ne yam-yākr maa yaa ne modgre, b ka na n deeg y yīng lae, ad yāmb yume n yaa tar-m-bas-tūudūm rāmba.

54. La bũmb ka kit ti b ka reeg b yĩnga, n zvvug b sēn maan sōm-zulem ne Wēnd la A Tēn-tvumã, la b ka pvusde rēnda ne kvungo, la b ka yãkd b sēn tarã n nafe rēndame ti b pa nongē ye.
55. Bĩ b arzēgsã ra maan foo ye-lsolemde, pa b kaomb me; ad Wēnd ratame n nams-b ne rē dũni vumã pvugē, ti b yōyã me wa yit ti b yaa sōm-zitba.
56. B wēenda ne Wēnd ti lak ti bãmb bee ne yãmba, la b yaool n pa be ne yãmb ye, la ad bãmb yaa neb sēn tar pelen-yika.
57. Lak ti b sã n da tōe n paamē lallg zĩiga, maa tãms bogdē, maa tēngã bokē, b naan n loogē be ti b yaa sēn yãgde.
58. La be b pvugē wã sēn sãbsd foo arzekã pvub poorē; b sã n yãk n kō-b la sēn tat b yam, la b sã n pa yãk n kō-b la b sēn gēede.
59. La bãmb sã n rag n yarē-la bũmb ning Wēnd la A Tēn-tvumã sēn kō-bã, la b yeele: "Wēnd seka tōndo, Wēnd na n kōo tōnd A yudlemã ne A Tēn-tvumã, ad yaa Wēnd A yembr la tōnd tēeda" naan n yiē sōma ne-ba".
60. Ad zagsã yaa talsã la nin-bãan-nebã n so, la sēn tvmd-b a pvugē wã, la b sēn nangd n rat n minim-b rãmb sũy ne lslaangã, la yembs na paam b burkĩndlim, la sam rãmba, la Wēnd sorã sōngdba, la so-toagda. Yaa tilae sēn yi Wēnd nengē, la Wēnd yaa bāngd n yaa bvvd-mita.
61. La be b pvugē wã sēn namsd Nabiyaamã la b yetdē t'a yaa kelg-yaar soaba, yeele: ad a yaa tvb-sōng yãmb yĩnga, a kōta sid ne Wēnd la a kōt sid ne sid-kōatbã, la a yaa yolsg n kō sēn kō-b stdã yãmb pvugē wã; la sēn namesd-b Wēnd Tēn-tvumdã, naong sēn zabd be b yĩnga.
62. B Wēenda ne Wēnd bvl yĩng la yãmb sak n deeg b yĩnga, la Wēnd ne a Tēn-tvumã n sōmb ne bãmb na bao b yard ti sã n da mik ti bãmb yaa sid-kōatba.
63. Rē yĩnga bãmb ka bāng ti sēn zab-a ne Wēnd la A Tēn-tvumã, gēhãnam bugmã bee a yĩnga, t'a na n zĩnd a pvugē n pa be? Ad rēnda la yãn-kasēngã.
64. Kulum-kalmã rãmb (munaafigsã) yeesdame ti b na n wa sik Svura bãmb zug t'a togsd sēn be bãmb sũyã pvusē, yeele: yaal-y yã, ad Wēnd na n puka bũmb ning yãmb sēn yeesd ti ra pukã.
65. La ti fō sã n sokb-a, b na yet ti tōnd ra yumē n faood la d reemdē, yeele: Wēnd ne A goamã la A Tēn-tvumã la yãmb ra faagda?

66. Ra padem-y ye, sīda; ad yāmb maana sōm-zitem y sūd-kūun poorē, D sã n bas ti loog yāmb sānda yīnga, D na n sūbga sānda b sēn yī yel-wēn-maandbā yīnga.
67. Kulum-kalem maandbā (munaafigsā), b raopā la b pagbā, bāmb la a yembre, b sagenda sēn kisā la b gudgd sēn sōmbā, la b maand beedo. B yīma Wēnd ti A yīm-ba, ad kulum-kalem rāmbā bal la dīin-yitbā.
68. Wēnd pulma gehānnam bugmā ne kulum-kalem rāmbā (munaafigsā), b roap la b pagba, la sōm-zitbā. B yaa paadb a pugē, yē na sek-ba, la Wēnd le zāag-b ne A yolsgā, la naong sēn ka sēeb me le be b yīnga.
69. Yaa wala sēn deng-b bāmb taorā, b pāng keelem yuga yāmba, la b le yud ne ligd la kamba, ti b wūms-b noog ne b pūurā, bī yāmb me wūmd noog ne y pūur wala sēn deng-b yāmb taorā sēn wūm noog ne b pūurā to-to wā, la y fao wala bāmb faoobā, bāmb rāmbā tūum sāama dūni la yaoolem-daarā pugē, la bāmb rāmbā me la bōndbā.
70. Rē yīnga sēn deng-b bāmb taorā yellā ka wa bāmb nengē sīda? A Nuuh nebā, la Aad la Samuud rāmba, la a Ibraahiim nebā, la Madyan dāmbā, la b sēn kiblg-b rāmbā? B tēn-tūumbā waa b nengē ne vēnem buud toor-toore, la Wēnd ka yī n na n wēg-b ye, la ad yaa bāmb n da wēgd b mense.
71. La sūd-kōatbā, b raop ne b pagba, bāmb la lall-n-taas ne taaba, b sagenda ne sēn sōmbā, la b gudgd sēn kisā, la b yalsd ne pūusgo, la b kit zakā, la b tūud Wēnd la A tēn-tūumā, bāmb rāmb la Wēnd sēn na n yolsā, ad Wēnd yaa zīsg n yaa buud mita.
72. Wēnd pulma sūd-kōtbā, b raop la b pagba, ne Arzēn ti ko-sood n zoet a tēngrā, b yaa paadb a pugē wā, la zag yūlma sēn be zīndg-Arzēn pugē. La yard sēn yī Wēnd nengē wā, rē n yude, woto la pōsb-kasengā.
73. Yaa foo Nabiyaamā, zab ne sōm-zitbā la kulum-kalem rāmbā la f tak ne b kēnkē, b gāag zīig yaa ghehānnam, la yaa baas-beed zīigē.
74. B wēenda ne Wēnd ti b ka yeel ye, la sūdā; b yeela sōm-zulem gomdā, la b maan sōm-zulem b Līslaamd poore, la b mak b sēn ka paame. La b wēngā maaneg ra ka sōmbē n yī ye, bala yaa Wēnd sēn kō-b A yudlem ti sek-b poorē, la b maan b sōm-zulmā. La b sã n tek n lebge, yūta sōama b yīnga, la b sã n gōd b kudsī, Wēnd na n namsd-b-la namsg sēn zabde dūni la yaoolem-daarā, la b ka tar lalld la sōngd buud fāa tēngā poor zug ye.
75. La be b pugē sēn pūlem Wēnd t'A sã n kō tōnd sēn yī A yudlmā, d naan n yāk n kōē, d na naagē nin-sōama.

76. La A sēn wa n kō-b A yudlmā, b maana beed ne-a la b gūd-b kuds ti b yaa balldba.
77. T'A lobg kulum-kalem b sūyā pvsē, hal n na n tāag b sēn na n seg-A raar ningā, b sēn viig b pulengā ne Wëndā yīnga, la b sēn yi n yagd zīri wā yīnga.
78. Rē yīnga, b ka bāng ti Wënd mii b yel-soondt wā la b walengā? B le bāng me ti Wënd ya A yel-soondt mita.
79. Neb nins sēn zangd sid-kōtbā, sēn yākd-b n nafdē ne b yamleoogo, la neb nins sēn ka tar n na n kō, ralla bāmb me sēn modg b mens m paamā, sēn zangd-b bāmbā rāmbā, Wënd na paoog-ba. La naong sēn zabd me n be b yīnga.
80. Fo kos yaaf n kō-ba, f bas n pa kos n kō-ba; ba ti f sā n kos yaafa b yīng noor pis-yopoe, ad Wënd pa na n yaaf-b lae. Rē yaa b sēn maan sōm-zulmā ne Wënd la A Tēn-tvumā yīngā, la Wënd ka wilgd tar-n-yi-dīin rāmbā sor ti b rik ye.
81. Paadbā nooga b sūyā ne b sēn pa yi ne Wënd Tēn-tvumā, la b kisg b nidg-pāng n zab ne b arzēgsā la b yōyā Wënd sorā zugu, la b yeele: ra yii-y tvulgā pvgē ye. Yeele: ghehānnam bugmā n yud ne tvulem ti b sā n da miē.
82. Bt b laadē bilf-bilfu, la b wa yābd wvsg-Wvsgo, yaa b sēn da tvmdā rolbo.
83. La Wënd sā n lebs foo n tug b sānda nengē ti b bōos foo sor n na n tū foo n yi bt f yeele: yāmb kōn tū maam n yi baa-baa, y kōn le naag maam n zab ne be me, ad yāmb ra reng n yara paabā hal rēnem, bt y kell n naag paadbā (pagbā la koambā la bāad-rāmbā) n zīndi.
84. La b ned sā n maan kaalem bt f ra pvs-a baa-baa ye, la f ra yaas a yaoogē me n na n kos a yīng ye, bala b maana sōm-zitem ne Wënd la A Tēn-tvumā, n maan kaalem me ti b yaa dīin-yitba.
85. Bt b arzēgsā la b koambā ra wa maan foo yel-solemd ye. Wënd sēn datā yaa sēn na n nams-b ne-a bal dūni vumā pvgē; ti b yōyā me wa yit ti b yaa sōm-zitba.
86. La B sā sik Svura n yeel ti b kō sid ne Wënd la b naag A Tēn-tvumā n zabe, la b arzēgsā rāmb sēn bōosd foo sor n yetē: "bas tōnd ti d naag zīidbā".
87. B yarame n na n lagem pademsā rāmba; ti B pag b sūyā ti b ka fahemdē ye.

88. La sã n yaa ne Tën-tvumã la neb nins sën naag-a n kõ sūdã, la b zab ne b arzëgsã la b yōyã, yaa bãmb rãmbã la yel-sômã sën be-b rãmb yīngã, la bãmb me la tūgdbã.
89. Wënd segla arzãnã b yīnga, tı ko-soodã zoet a tēngrã, b yaa paadb a pugē wã. Woto la paoong sën bedme.
90. La padmdbã sën yaa weoogē laarb-rãmbã waame n kotē tı b kō-b sore (tı b pa), tı sën yags-b Wënd la A tēm-tvumbã pa n zīndi, la sibg zabdga n na n paam sën kifl-b bãmb sukã.
91. Taal ka be ne sën ya-b valemsã ye, taal ka be ne bãad rãmbã la sën ka tar-b sën na n tall n sōng a meng me ye, tı b sã n pelg b pusã ne Wënd la A tēn-tvumã. Sor ka kõ tı b nams manegdbã ye, la Wënd yaa Yaafd n yaa Yolsda.
92. La taal me le ka be ne neb ninsi, bãmb sã n wa fo nengē n dat tı f kō-b bōn-zoamdg tı fo yeele: "m ka tar bōn-zoamdg n na n kō-f ye" la b sën lebgde tı b ninã sedgd nintãm, b sën ka tar b sën na n yãk n nafã yīnga.
93. Ad sor sën be tı b yōk-b rãmb yaa sën kot-b foo sor n na n pa wã, la b yaool n yaa tardbã, bãmb yarame n na n pa ne pagbã la koms-rãmbã tı Wënd pag b sūyã tı b pa miē ye.
94. B pademda ne yãmb tı yãmb sã n lebg n wa b nengē, yeele: "ra padem-y ye, sūdã, Wënd togsa tōnd yãmb yellã, la Wënd na n yã yãmb tvumã la A tēn-tvumã. Rē poorē b na n lebsa yãmb n tvug yel-soondi la sën vëneg Mitã nengē t'A kō-y kibar y sën ra yı n tvmdē wã.
95. B na n wēena ne Wënd yãmb taoore tı yãmb sã n wa lebg n wa b nengē, sën na yil tı yãmb bas-ba, bı y ball n bas-ba, ad b yaa rēgdo, la b gãag zīg yaa gehannam tı yaa rolb ne b sën ra yı n tvmdē wã.
96. B wēenda ne yãmb sën na yil tı y yar-ba, la yãmb sã n yar-ba ad Wënd pa yard dīin-yitb ye.
97. Weoogē Laarb-rãmbã n yud ne kifend la munaafiglem n le pē ne b kōn fahem būmb ning Wënd sën sik n kō A tēn-tvumã, la Wënd yaa mita n yaa buvd mita.
98. La bee weoogē Laarab-rãmbã pugē, sën magd tı yē sën yãkd n nafdē wã yaa bōne, la a kollid tı wēng wa rvvg yãmb zugu, ad wēng rvvgr be ne-ba, la Wënd n yaa wumd n yaa mita.
99. La be weoogē Laarab-rãmbã svka, sën kōt Wënd sıda la yaoolem raarã me; la a rikd a sën nafdã n dat pēnegr ne Wënd la sën na yil n paam Tēn-tvumã pvvsgo. Ad woto sid yaa pēnegr ne Wēnde, Wënd na n kēes-b-la A yolsgã pugē, ad Wënd yaa yaafg la yolsg naaba.

100. La rēnem (sūd-kōatbā) sēn yi Ansaar-rāmbā(Madiin rāmbā) la Muhaaguruumbā (sēn yib Makā), la neb nins sēn pvg bāmb ne manegrā, Wēnd yard be b yīnga, ti b yard be ne Wēnde, t'A segl b yīnga Arzān-dāmba ti kvuls zoet b tēngrā, ti b yaa duumdb a pvgē, woto la paoong sēn bedme.
101. La be tēn-kirems nins sēn yeg yāmbā, sēn yaa weoogē Laarab-rāmbā pvgē munaafigse, la Madiin neb sānda me n maand nidg-pāng munaafiglemā pvgē. Fo ka mi-b ye, Tōnd mi-b lame.Tōnd na n nams-b-la naoor a yiibu, rē loogr poorē b na n tall-b lame n tug namsg sēn bedme.
102. La neb sānda n be Madiin, n sak n reeg b zugē ne b zūnuubā, bāmb tuma tvum sōmse, la sānda yaa tvum-yoodo, tōe ti Wēnd reeg b tuubgā, ad Wēnd yaa yaafd n yaa yoalsda.
103. Yāk Sārā b arzēgsā pvgē, n yulg-b ne-a la f paas b yelsōmdā ne rē, la f kos Wēnd n kō-ba. Ad fo kosgā yaa yīn-yōgneg ne-ba. La Wēnd yaa wumda n yaa mita.
104. B pa mi ti yaa Wēnd n reegd A yembsā tuubgu la A le reegd Soadakaatā (Doosā) la? B pa mi ti yaa Wēnd la tuubg rēegd n yaa yolsg naab la?
105. La Yeel-ba: "tvum-y-yā, bala Wēnd na n yēnda yāmb tvumā, la A Tēn-tvumā, la sūd-kōatbā, la b na n talla yāmb n kēng sēn miē sēn solg la sēn vēnegā nengē, t'A kō yāmb kibar ne yāmb sēn da yi n tumdē wā".
106. La sānda n be sēn pab n pa kēng Tabuuk zabrā, n pa tar padeng ye, ti b yaooleg bāmb yellā, n kollid Wēnd sēn na n bu b zugu, A sā n rat t'A nams-ba, A sā n rat t'A yaaf-ba, la Wēnd yaa minim naaba n yaa buvd mita.
107. La sēn le be Munaafigsē wā, yaa neb nins sēn me miisr ti yaa sēn naa n nams Lislaambā, n rik-a t'a yaa Kufindo la sēn na welg sūd kōatbā ne taab sukā, la b segl-a ti yaa kollgo la soolg zīiga ne neb nins sēn da yi n zabd ne Wēnd la A Tēn-tvumā, la b na n wēendame ti " tōnd pa rat ne misrā meebā rēnda yolsg ne muumin-dāmba bala" la (bāmbā rāmbā) Wēnd maanda kaseto ti b yagda zīri.
108. Ra saag n pvvb miis-kāngā pvgē lae, bala (Kvbaav) miisrā b sēn yēbg wēn-zoēeg zug pipi raarā n sōmb ne fo yals be (n pvvse). Bee beenē raop sēn nong n yulgdb mense n yit rēg-rāmba, la Wēnd nonga sēn yaa b yulgdbā.

109. Ānd n sōmb n yuda? Yaa ned ning sēn me a roog wēn-zoεεg la Wēnd yard zug bu, bɪ yaa ned ning sēn me a roog bog bisdg kurengē, t'a bisg n lvi ne yē Gehannem Bugmā pvgē? La Wēnd pa kāndagd wēgdbā ye.
110. B roog ning bāmbā sēn me wā pa bākd n yaa sik sor b sūyē wā, hal tɪ b sūyā wa pāsge. La Wēnd yaa mit naaba n yaa bʊvd minim naaba.
111. Sɪd la hakuka, ad Wēnd raa sɪd-kōatbā nengē, b yōyā la b arzεgsā n na n leds-b arzāna. B zabda Wēnd sorā zugu: n kvvd la b kvvd-b me. Yaa sɪd puleng Wēnd sēn da rɪk Taoraat pvg la Lungiil la Alkorāana. La ānd n tōe n pids a puleng wala Wēnde? Bɪ y noog y sūur ne y "baεngā" y sēn maanā: bala yaa woto la paoong bedre.
112. B yaa tuubdba, tūudba, Wēnd pēgdba, b gōoda tēn-gōng zug (n sōngd dīinā) bɪ b yaa no-loetba, b maanda rukuu, b maanda suguudu, b sagenda ne manegr la b gɪdgd yooko, b gūusda Wēnd todsā... la kō sɪd-kōatbā kiba-noogo.
113. Pa sōmb ne nabiyaamā la ne neb nins sēn be ne yē wā tɪ b kos yaafg n kō lagem-n-taarā rāmb ye, ba tɪ b sā n yaa b rog-pētse, tɪ sā n wa yaa vēeneg tɪ b yaa Gehum neba.
114. A [braahum ka kos yaafa n kō a saambā sā n ka pulengā a sēn da maanā. La sēn wa n lebɔ vēeneg t'a yaa Wēnd bε wā a pidga a meng n yi-a. Ad a [braahum ra yume n lebsd a meng Wēnd nengē, n yaa sugr soaba.
115. Wēnd pa yɪ n na n menes zāma A sēn kāndag-b loogr poorē, rēndame t'A wilg-b lame b sēn sōmb n zoe n zāag ne. Ad Wēnd yaa mit ne būmb fāa.
116. Ad Wēnd n tar saas la tēng naam, Yē n kōt vum la a kvvda, yāmb pa tar lalld zēng sēn pa Wēnde, y pa tar Sōngd me.
117. Sɪd la hakuka ad Wēnd reega A Nabiyaamā la muhaagirvumbā la ansaar-rāmbā sēn tū Nabiyaamā toogā wakatā tuubgu, sāndā sūy sēn da na n kedg loogr poorē, rē loogr poorē tɪ Wēnd reeg b tuubgā, ad A yaa nimbāan-zoet n yaa yolsg naaba.
118. La (A leb n saka) neb a tāabā (tuubgu) sēn da pa poorē wā, tɪ tēngā weoog-ba ne a yalengā fāa, tɪ b ra kō sɪd tɪ zoes zīig pa be rēnda Wēnd nengē, rē loogr poorē t'A reeg b tuubgā sēn na yɪl n tɪ b wa A nengē. Ad Wēnd la tuubg reegd soab n yaa yolsg naaba.
119. Yaa yāmb neb nins sēn kō sɪda! Zoe-y Wēnd la y yɪ n naag togs sɪd rāmbā.

120. Pa sōmb ne Madiin nebã la weoogē Laarab nins sēn vɪ a kuremsã, tɪ b pa Wēnd Nabiyaamã poorē ye. B pa sōmb n maan b vumã nonglem n yug Nabiyaamã ye. Bala ko-yūudu, maa yaamse, maa kom ka yōkd-b Wēnd sorã zugu, b pa tabd tēngã tɪ puug kɪfr-rãmbã sūyã, b kōn n paam yōod be wã zugu, rēndame tɪ b gʊlsame n kō-ba tʊvm-sōngo. Ad Wēnd pa zaeemd manegdbã keoor ye.
121. B pa yãkd b arzekã bilfu maa bedre n nafe, b pa gāndgd kvilga, rēndame tɪ b gʊlsa b yīng pʊure, bʊl yīng tɪ Wēnd yao-b yel-sōmd ning b sēn da yɪ n maandã.
122. Sɪd kōatbã pa sōmb n yi zāng n bas b zagsã ye. Bōe yīng tɪ zãma zug fãa neb sãndã pa kēngd n tɪ karem dīinã, sēn na yɪl n paam n bugs b nebã tɪ b sã n wa lebg n wa b nengē.
123. Yaa yãmb neb nins sēn kō sɪda! Zab-y ne neb nins sēn kɛg yãmbã sēn yaa kɪfr-rãmbã, tɪ b paam keelem yãmb nengē. La y bāng tɪ Wēnd bee ne wēn-zoetbã.
124. B sã n wa sik Svura, bee b sukã sēn yete: "ãnd n be yãmb svka t'a sɪd-kūun paasame?" la sã n yaa ne sɪd-koatbã yē, a paasa b sɪd kūuni, tɪ b sūyã yaa noogo.
125. La sã n yaa ne neb nins bāagã sēn be b sūyē wã, Svurã wã paasd-b-la rēgdo, tɪ b ki kɪfend pʊga.
126. Rē yīnga bāmb pa gūusd n getē tɪ b paamda zarbg vugr maa naoor a yiibu yʊvm fãa? Tɪ baa ne woto fãa b pa tuubdi, b pa tēegd Wēnd yelle.
127. Tɪ b sã n wa sik Svura la b sēn get taaba [n yetē]: "rē yīnga ned n yē yãmb bɪ?" Rē loogr poorē tɪ b gūd b kūnã. Wēnd na gūd A kūd n bas bāmbã sūyã!, B yaa neb sēn pa fasemd ye.
128. Sɪd la hakuka, ad Tvntʊvm b sēn yiis yãmb pʊgē waa yãmb nengē, bumb sēn namsd yãmb fãa yaa zɪsg ne-a, n maand yão-bood ne yãmb (neere), n yaa nimbãan-zoet la yoalsd ne sɪd kōatba.
129. Rēnd b sã n gūd b kuidga, yeele: "Wēnd seka maam. soab zēng ka be tɪ sã n pa Yē ye. Mam rɪka m yelã n boabl-A, Yē la Al-ars bedrã naaba.

10. Yuunus*

Ne Wënd yvvrā barka, sēn yaa yols yaleng Soabā, n yaa Yolsdā, la d sungd d tvumdā.

1. Altf, Laam, Raa,¹ woto yaa Gafā Aayar-rāmb sēn bv n manege.
2. Tı nebā maand yel-solemd tı Tōnd tumsa wahu tı kēng rao a yembr nengē b svkā: "bugs nebā la f kō sid-kōatbā koe-noog tı b tara b Soabā nengē kūun sēn segde (b sak-n-tū wā yīnga) tı kuf-rāmbā yeele: " ad yāoā yaa tı-soaad vēnega"
3. Ad yāmb Soabā la ning sēn naana saasā la tēngā rasem a yoob pvga, rē loogr poorē t'A zīnd "Istawa" alarsā zugu, A maanda yelā fāa bvvdo, sugsd ka be sēn pa Yē ye, ad yāmb Wēndā la woto, bı y tū-A. Rē yīngā yāmb pa tagsde?
4. Yāmb fāa lebgr zīig yaa Yē nengē, woto yaa Wēnd pvleng sēn yaa sıda, yaa Yē n yēbgd naanegā rē loogr poor t'A le lebs-a (n vuvg-a) sēn na yul n rol sēn kō sidā rāmb la b maan tvvm neerā. La sā n yaa ne kuf-rāmbā b na n kō-b-la bōn-yūudı sēn yi Gehum pvge la nang sēn zabde, b sēn da yı n ktvendē wā yīnga.
5. Yaa Yē la sēn naan wīndgā t'a yaa bugmā la a maan kiuugā t'a yaa vēnemā la A kord-a t'a tar sigb zīis sēn na yul n tı yāmb bāng yvvmā sōor la geelgo. A pa maan woto tı sā n pa sid yīng ye. A welgda tagmas-rāmbā n kōt neb nins sēn tar bāngrā.
6. Ad bee yvvdā la wīndsā sēn ledsd taabā, la Wēnd sēn naan saasā la tēngā, tagmase ne neb sēn zoet Wēnde.
7. Ad neb nins sēn pa tēed Tōnd segbā, tı b sūyā noom ne dūni wā vumā la b maan bas-m-yam ne-a wā, la neb nins sēn maand yam yaal-yaal ne Tōnd Aaya-rāmbā,
8. Bāmb rāmbā lebgr zīig yaa Bugmē, b sēn da yı n tvmdē wā yīnga.
9. Ad neb nins sēn kō sidā la b maan tvvm sōmā wā, b Soabā kāndagd-b lame ne b sid-kūunā. Tı kvulsā koom zoet b tēngā Arzānā pvge.

* Yuunus (A Yuunus svvra).

[1] Wēnd n yud minim ne A sēn rat ne gvls-bi tōsdt-kāensā. La Gvls-bi tōsdt-kāensā, sēn be Svvr-kāensā baasgē wā, yaa sēn wilgd Alkvrāanā sēn komsd a gees-n-taasā, bala b geesa kuf-dāmbā ne Alkvrāanā, tı b kong n ka tōog n wa ne a buud ye, tı Alkvrāanā me -yaool n yaa sēn tui ne gombiis nins bāmb goamā sēn tuit ne wā, sēn yaa gvls-bi tōsdt bāmbā buudā, tı rēnda wilgd Laarab-rāmbā kongame n ka tōog n wa ne Alkvrāanā buud ye, n lagem ne bāmb n yud nebā ne zelem pekā, tı wilgdē tı Alkvrāanā a yaa sēn tvme tı yi Wēnd nengē.

10. Beenē, b kosgā yaa ti: "yleng be ne Foo, d Soabā", la b puvsgā yaa : "Salaam"[Laafi !] la b kosgā baasgo: "Pēgr be ne Wēnde, sēn yaa dūni Soaba".
11. La ti Wēnd sã n da yāgda ne nebã wēng ning b sēn kot n baoodē (wã kūuni); wala b sēn yāgd n baood zu-noogã, b vumã buvd ra pīnd kaoē. La Tōnd basda neb nins sēn pa tēed Tōnd segbã yirbg la yam-yoog pugē.
12. Sū-sāang sã n paam ninsaala, a kota Tōnd wakat fãa : a kullame, a zīime, a yasame; la Tōnd sã n wa rok naongã n yi-a la a sēn loogd ti yaa wa a ka rag n kos Tōnd ti D yiis-a nangē ye. Yaa woto ti b nags sēn maan-b n zvvgã rãmb tvvm n kō-ba.
13. Tōnd halka zāma sēn reng yāmb taoor b sēn wa n maan wēgd ti b tēn-tvumbã tall vēnem n wa bāmb nengē. Ba ne rē b pa kō sid ye. Yaa woto la Tōnd rond nin-wēnsã.
14. Rē poore, Tōnd ledsa yāmb tēng zugu, bāmb loogr poorē sēn na yil n ges wān-wān la y na n tvme.
15. La b sã n na n karem Tōnd Aaya-rāmbã b zut ne vēnem, neb nins sēn pa tēed Tōnd segbã yetame: "tall Alkvrāan zēng sēn pa yāoã n kō tōndo" maa "toem-a". Yeele: pa sōmb ne maam ti m toem-a ne mam yam tulsem ye. Mam tūda wahi wã sēn wa mam nengē wã bala. Mam yaeesda raar ning nang sēn bedmã, ti mam sã n kus Wēnde.
16. Yeele: Wēnd sã n da rata, mam dag n kōn n karem-a y zug ye, y rag n kōn n bāng-a me, mam zīnda yāmb nengē yvuma ti Alkvrāanã na n pa wa ye, rē yīngã yāmb pa tagsde?
17. Ānd wēgb n yud ned ning sēn wāaga zīri n rogl Wēnde, maa ned ning sēn yags A Aayar-rāmbã. Ad nin-wēnsã pa pōsd ye.
18. La b tūda zēng sēn pa Wēnde, būmb ning sēn pa tōe n nams bāmb la pa nafd bāmba, la b yetē: "ad bāmbã la tōnd sugsd b Wēnd nengē". Yeele: " yāmb kōta Wēnd bāngr A sēn pa mi saasē wã la tēng gāngã zugu? " Yulgemd be ne-A n yi yāmb sēn maan lagem-n-taarã ne būmb ningã wã.
19. Ninsaalbã ra pa yi rēndame ti b yaa zāma a yembr bala (sungrē wã), rē loogr poorē ti b yōs taaba, la ti fo Soabã koεεgã sã n da pa rengē taoore, b ra na vēneg n wilg-b b sēn yōsd taab yell ning zugã.
20. La b yetē: "bōe yīng ti b pa sikd n kō-a (Mohammad) yel-solemd sēn yi a Soabã nengē?" Bı f yeele: "ad Wēnd bal n mi sēn solge, bı y kolle, ti maam me naaga yāmb n kollde.

21. Tõnd sã n leems nebã yolsg nang sën paam-b poorë la b sën paoogd Tõnd Aaya-rãmbã. Yeele: "ad Wënd nangã pëe ne sigbu (ne neb nins sën paoogd A Aayar-rãmbã zutu) bala Tõnd malegsã gulsda yãmb paoogrã.
22. Yë la sën kënesd yãmb têng gãngã zugu (vuvugë wã la mogrã puga) halt ti yãmb sã n wa be koom koglg puga (batayo), ti kogendã zoet ne bãmba sën tũ ne seb noogã tusbu, ti bãmb sũyã noom ne seb-kãnga. Wakat-kãng la seb-kugd sën wat n bui bãmba, ti ko-wiuugã wë bãmba wëeng fãa gilli, ti bãmb tëed ti b na n halkame, wakat-kãng la b na n bool Wënd A Yembre, n ka maan lagem-n-taar ne-A ye, n yetë: Ad Fo sã n pösg tõnd n yi yel-kãngã, d na yı bark pvvsdb wvsgo, ne Foom".
23. La A sã n fãag-ba, ad b sën maan wubd têng zugu. Yaa yãmb nebã! Y wubdã ka lut ti sã n pa yãmb meng zug ye, yaa dũni-kãngã kideng bala, rë poorë yãmb lebgr zïig yaa Tõnd nengë, ti Tõnd tëeg-y y sën da yı n tumdë wã.
24. Ad dũni vumã bilgri a wënda wa koom Tõnd sën sik saagë wã, t'a bue ne têng gãngã bõn-bundi, ti b buli n yi, nebã sën dute la rũmsã sën wãbde, rë loogr poorë ti tën-gãngã sã n wa rik a faas-teedã n lebgr neere, ti têngã rãmb tëed ti bãmb n so-a, la Tõnd yellã sën wat-a yungo maa wïndga, ti Tõnd kit t'a fãa lebgr wa sën këebe, ti yaa wala a ra ka bidms zãame ye. Yaa woto la Tõnd vënegd D daliil-rãmbã neb nins sën tagsdã yïnga.
25. La Wënd boondame n tvugd laafti yiri la A kãndagd ned ning A sën rat n tvgr sor-turga.
26. Neb nins sën tum sômã wã tara yel-sõmd la paasgo, wubsg pa na n bue bãmb nensã pa paoogr me. Bãmbã rãmbã yaa arzãn neba, b na n ruuma be.
27. La neb nins sën maan tvvm-wënsã rolb yaa wëng wa b sën tumã; paoogr n na n paam-ba, b pa tar gũud zëng sën pa Wënd ye. Tı yaa wala b nensã luda ne yvvn-lik sablmã keelem, bãmbã rãmbã yaa Gëhum neba, b na n ruuma be.
28. La raar ning Tõnd sën na n tigs b gillã, rë poorë ti Tõnd yeel neb nins sën maan lagem-n-taarã: "yãmb zïig la yãmb lagem-n-taasã zïiga" Tõnd na n welg-b-la toor-toor ti b lagem-n-taasã yeele: "pa tõnd la yãmb sën da tũudã ye".
29. Wënd seka ne kaseto tõnd ne yãmb soka, sıd la hakuka tõnd ra yume n maan yam yaal-yaal ne yãmb tũudumã.

30. Zī-kāngā la b na n zarb yōor fāa (a sēn da yī n tumē) ti looge, la b na n tall-b lame n kēng Wēnd nengē, sēn yaa bāmb zu-soaba. Tī bāmb sēn da nangdā (tēn-kugā) na n zāag n basa bāmba.
31. Yeele: "ānd n rulgd yāmb saagē wā la tēngē wā? Ānd n tar wumbā la nenemā, la a yiisd vit kiid pugē la a yiisd kiid vit pugē. La ānd n rabsd yelā fāa gilli? B na n yeelame" yaa Wēnde" bī f yeele: "Yāmb pa na n zoe Wēnde?"
32. Ad Wēnd la woto, Yē la yāmb Soab sūdā, la bōe n be sūd loogr poorē ti sā n pa menengo? Yaa wān-wān ti yāmb gōdgd n basd sūdā?
33. Sūd la hakuka, fo Soabā gomdā sūdga diin yitbā zugu "b pa na n kō sūd ye".
34. Yeele: yāmb lagem-n-taasā sukā, ānd n kōt vumā (ānd n singd naanegā), la a lebsd vum [kūumā poorē] ? Yeele: yaa Wēnd [a yembre] n kōt vum pipi naanegā wakato la A le yikd-b kūumā poorē. Yāmb maanda a wān n ball n pa tūud Wēnde?
35. Yeele: "rē yīnga be yāmb lagem-n-taasā sukā sēn kāndagd n tvgd sīda? Yeele "yaa Wēnd bal n kāndagd n tvgd sīda" rē yīnga ned ning sēn kāndagd n tvgd sūd la b sōmb n tū bī? Bī yaa ned ning sēn pa tōe n kāndag a to n tvg sīda rēndame ti b kāndag yē mengā? Rēnd yaa bōe n tar yāmb ti y buud woto?
36. Bāmbā sēn waoog fāa pa pugd rēnda sika, la sik me pa tar nafa baa fvi sūd taoor ye! Ad Wēnd yaa minim tēng-n-biig ne b sēn maandā.
37. Alkurāan-kāngā ra pa tōe n yī ti yaa būmb b sēn wāag n rogl ti ka yī Wēnd nengē ye, ad a yaa sūdgr ne sēn reng a taoore, la Gafā welgre. Sik ka be a pugē ye, a yīi bōn-naandsā Soab nengē.
38. Bī b yetame: "t'a (Mohammad) n wāag-a n rogle?" Yeele: "bī y wa ne Svura sēn wōnd wānde la y bool yāmb sēn rat ned ning fāa ti pa tū ne Wēnde, ti y sā n yaa sūd-rāmba.
39. Pa woto ye, b yagsa būmb ning bāmb bāngrā sēn pa tōe n gūbgi, a welsgā na n pa ta bāmb nanand ye. Yaa woto la neb nins sēn reng bāmbā ra yagsda (b nabiyaam-rāmbā). Bī f ges bāmb baasgā sēn yī to-to ningā?
40. La bee b sukā neb sēn kōt-a sīda, la bee b sukā neb sēn pa kōt-a sīda, la fo Soabā n mi sāamdbā.
41. La b sā n yags foom bī f yeele: "mam tumā bee ne maam, yāmb me tumā bee ne yāmba, b pa na n sok maam yāmb sēn maane, b leb n ka na n sok yāmb mam sēn maane.

42. La be b sukã neb sën kelgd foom, rë yīngã fo tõe wumsa munga, baa sã n mikame ti b pa tar yam?
43. La be b sukã neb sën get foom, rë yīngã fo tõe ti zoens yã, baa sã n da mikame ti b pa neë.
44. Sıd la hakuka, Wënd pa wëgd nebã ye, ad yaa nebã bal n wëgd b mense.
45. La raar ning A sën na n tigs-ba, yta wala b ka zīnd (b yaadë wã) sã n pa raarã wakat a yembr bala, ti b bāngd taaba a pugë. Sıda neb nins sën yags-b Wënd sēgbã bōname, b pa yı me n paam kändagr ye.
46. Maa ti Tōnd wīnig foom yel sānda Tōnd sën bugsd-b ne wã, maa Tōnd kıt ti fo maan kaalem (ba sën yı to-to fāa) yaa Tōnd nengë la b lebgr zīiga, leb n yaa Wënd n yaa kaset soab ne b sën tımdã.
47. Zāma fāa tara tēn-tıvma, b tēn-tıvmã sã n wa, b kaooda b buvdã n kō-b ne tırğa, ti b pa na n wëgd-b ye.
48. La b yetë: "yaa rabır la pıveng-kāngã, ti y sã n togsda sıda?"
49. Yeele: mam pa tar fıv sën tõe n nams maam maa naf maam, sã n pa Wënd n sake, zāma fāa tara a teka, a tekã raar sã n wa, b pa wogend-ba, b leb n pa kuvgd b daarã me ti pa ta.
50. Yeele: "rë yīngã yāmb yāame! A nangã sã n wa yāmb nengë yung maa wīndga, yaa bōe la nin-wēnsã yāgd ne a pugë?"
51. Rë yīngã namsgã sã n wa la yāmb yaool n na n kō sıda? (B kōn n yeel yāmba) Aoo, masã (la yāmb na n kōt sıda ? ! Tı pīndã yāmb ra baoodame ti nangã wa tao-tao.
52. Rë loogr poorë b na n yeela wëgdbã: "lemb-y nang sën ka saabo! " Rë yīngã b na n rola yāmbã sã n pa y sën da yı n tımdë wã?"
53. La b yaool n baood kibar fo nengë n yetë: "rë yīngã naongã b sën pıvemd ne tōnda yaa sıda?" yeele: "n-ye!" m wēen ne m Soabã! Yaa sıda. Yāmb pa na n tōog n pōsg (Wënd) me ye.
54. Ba sã n da mikame ti wëgd fāa ra soo Dūni wã gill tōre, a rag n na rık-a n yao n paam a menga la pa tõe ye. Tı b na n solg nims la sū-sāanga b sën wa n yā nangã, ti b bu b sukã ne sıda, b pa na n wëg-b ye.
55. Sıd la hakuka, ad sën be saasë la tēngë yaa Wënd n so, ad Wënd pıvengã yaa sıda, la nebã sën waoog fāa pa mi ye.
56. Yaa Yë n kōt vum, leb n yaa Yë n kōt kūum, yaa Yë nengë la y na n lebe
57. Yaa yāmb neba! Hakuka, waazı waa yāmba, waazı sën yi y Soabã nengë, n yaa tıpg ne būmb ning sën be yāmb sūyë wã, la kändagr, la yolsg ne sıd-kōatbã.

58. Yeele : "woto yii Wënd yudlemā la A yolsgā, bɪ b ruk rē n noog b sūur ne, rē n yud arzɛgs nins bāmb sēn tigimdā fāa.
59. Yāmb gesa ye n yāa Wënd sēn sik rɪtl ning n kō yāmbā, y yāgs sānda tu yaa haraam la y yāgs sānda tu yaa halaale? Yeele: "Yaa Wënd n kō yāmb sor bɪ yaa yāmb n yagd Wënd zīri?"
60. La neb nins sēn wāagd zīri-beedā n rogend Wëndā tēedame tu bōe n na n paam bāmba Yikra raarā? Sɪd la hakuka ad Wënd yaa yudlem Soab nebā zugu, la b sēn waoog fāa pa puvsd bark ye.
61. Fo sēn wa n tu be zīg ning fāa, la fo sēn wa n tu karem Alkuraanā zīg ning fāa, yāmb sēn wa n tu tum tuvm ning fāa, Rēndame tu Tōnd yaa kaset ne yāmba, y sēn wat n maand-a wā, fɪv pa pōsd fo Soabā tēngā poore maa saagā zug ye, pa bilf sēn pa ta woto maa bedr sēn yud woto, fāa bee gaf vēeneg pugā
62. Sɪd la hakuka, ad Wënd waliimbā (nong-n-taasā), yæsg pa be ne-ba, sū-sāang me pa be ne-ba.
63. Bāmb la neb nins sēn kō sɪdā la b zoet Wëndā.
64. B tara kiba-noog Dūni kaanē la Laahre, Wënd gomdā pugē toeeng ka be ye, woto la paoong sēn yaa bedre.
65. Ra sāam f sūur ne b goamā ye, ad zɪslemā fāa bee Wënd nengē, Yē la wumd n yaa mita.
66. Ad yaa Wënd n so sēn be saasē la tēng zugu. La neb nins sēn kot zēng sēn pa Wëndā (rɪbsā) yaa bōe la b tūuda, b sēn tūudā pa yɪ rēnda sika, la b sēn maandā fāa yaa zīri.
67. Yaa Yē n maan yvngā n kō yāmb tu y vuuse, la wīndgā tu y na yā. Ad woto fāa yaa tagmas ne neb nins sēn wumdā.
68. B yeelame: "Wënd tara biiga" A Naam zēk n yulge! A seka A menga, Yē n so sēn be sāasē la tēngē, yāmb pa tar daliil fɪv yel-kāngā zug ye. Y na n yaga zīri n rogl Wënd ne yāmb sēn pa mi?
69. Sɪd la hakuka, ad neb nins sēn yagd zīri wā n rogend Wëndā, b pa na n pōs ye.
70. Yaa Dūni kaanē wum-noog bala, rē poorē b na n leba Tōnd nengē tu D leems-b nang sēn zabde, b sēn da maan kifendā yīnga.
71. Karem n togs-b a Nuuh kibarā a sēn wa n yeel a zāmā wā: "yaa yāmb mam zāma! Sā n mikame tu mam zīndgā (yāmb sukā) la mam sēn tēegd-y Wënd tagmasā namsda yāmba, bɪ y bāng tu yaa Wënd la mam bobl m menga. Bɪ y tigim taab y yellā zugu, yāmb la y lagem-n-taasā, rē poorē tu y maan y sēn rat ne maam la y ra gū-m ye.

72. Yāmb sã n gūđ y zān-kuidsi, ad mam pa kot yāmb yaood ye, mam yaoodã bee ne Wēnde, la B sagla maam ti m yi pipi sak-n-tū soaba.
73. Tı b yags-a ti Tōnd pōsg-a la neb nins sēn lagm-a batayo wã pugã, n rik-b n leds (tēng gāngã zugu) la d bōr neb nins sēn yags Tōnd tagmas-rāmbã. Bı f ges yaa wān-wān la b sēn bugs-b rāmbã baasg yi yã?
74. Rē poorē ti Tōnd tum tēn-tvumb b nebē, ti b wa ne vēenem, la b (nebã) ra pa yi n na n kō sid ne bāmb sēn da yags pīndã ye. Yaa woto la Tōnd pagd maan-n-zvvgã rāmbã sūya.
75. Rē poorē, Tōnd tuma a Muusa la a Harvun a Firaon la a kvg-zīdbã nengē, ne Tōnd tagmas-rāmba, ti b maan waoog-n-menga. La b yume n yaa tvum-wēng rāmba.
76. La wakat ning sidã sēn wa n wa-ba sēn yi Tōnd nengē wã, b yeelame: "ad wāndã yaa tum sēn ya vēenega"
77. T'a Muusa yeele: "yāmb yeta sidã sēn wa yāmb nengē wã ti tum, ad ttã-rāmb pa tōe n pōs ye".
78. Tı b yeele: "fo waame n na n gōdg tōnd n yi d sēn mik d yaab-rāmbã yell ning zugã, sēn na yıl ti yāmb y yiibã paam zu-sobend tēn-gāngã zugu! D ka na n kō-y sid ye!
79. T'a Firaon yeele: "tall-y ti-mit fãa n wa kō-ma".
80. La ttã rāmb sēn wa wã, a Muusa yeel-b lame: " lobg-y yāmb sēn na n lobg būmb ningã".
81. La b sēn wa n lobgã, a Muusa yeelame: "yāmb sēn maan būmb ningã yaa tum! Ad Wēnd na n sãam-a lame, Wēnd pa manegd sãamdbã tvum ye.
82. Tı Wēnd sidg A gomdã, baa ti nin-wēnsã kiswa rēnda.
83. La ned baa a ye ka kō a Muusa (tēn-tvumdmã) sıda, rēnda kom-bub saar sēn yi a meng zāma wã svka, b sēn yeas a Firaon la a kug-zīdbã nangã yīngã. Ad a Firaon ra yume n yaa zēk-m-meng soab tēn-gāng zugu, a leb n yu n naaga sãamdbã.
84. T'a Muusa yeele: "Yaa yāmb mam neba! Y sã n kō Wēnd sid bı y bobl y yelã ne-A, ti sã n mikame ti yāmb yaa sak-n-tū rāmba.
85. Tı b yeele: "Tōnd bobla d mens ne d Soabã. Yaa Foom d Soaba! Ra maan tōnd zarbgo ne wēgdbã ye.
86. La F pōsg tōnd ne Fo yolsgã n yi ktrf-dāmbã.
87. Tı Tōnd tvms wakt ti kēng a Muusa la a ma-biigã nengē, n yeel-ba: " tvng n zīnd-y Misra (Ezipt), yāmb y yiibã la y nebã, la y maane y zagšã ti yaa Pvvsng zīiga, la y duum ne Pvvsngã, la kō sid kōatbã koe-noogo.

88. T'a Muusa yeele: "Yaa m Soaba! Ad Fo kōo a Firaoon la a kug-zīidbā faas-teed la arzek dūni kaanē; yaa m Soaba! Tı b na n paam n menesd nebā Fo sorā zugu; yaa m Soabā! Sāam b arzekā la f kuus b sūyā, tı b ra kō sid yes hal tı b wa tvg n yā nan-zabdgā".
89. T'A yeele: "Yāmb kosgā B reeg-a lame. Bı yāmb y yīibā kell n pa so-
turgā zugu la y ra pug neb nins sēn pa mi wā soy ye".
90. La Tōnd kit t'a [srayel koambā pārg mogrā t'a Firaoon la a tāpā (sodaasā) pug-b ne beem la zabre. Rē poorē a (Firaoon) sēn wa n na n bōrā la a yeele: "mam kōo sid tı soab zēng kae tı sā n pa a [srayel koambā sēn kō a Soab sıda ye. La mam sak n tūume".
91. [Tı Wēnd yeele]: Aoo moasā? Tı fo yaool n da tōdga pindā la f le yı n naag sāamdbā!
92. Rēnd rūndā, Tōnd na n yiisa fo yīngā sēn na yıl tı fo lebg tagmas la tags-n-gesga ne neb nins sēn wat fo poorē wā. La baa ne rē fāa ad nebā wvsg maanda yam yaal-yaal n yit Tōnd tagmas-rāmbā.
93. La sid la hakuka Tōnd zīndga [srayel koambā zī-sōngē la D rulg-b rı-
yılma. Rē poorē b pa yōs taab rēnda bāngrā sēn wa n wa b nengē, bāngr sēn yi Wēnd nengē. Ad fo Soabā n na n bv b svk Alktyaoom rāarā būmb ningā b sēn yōsd taab a zugā.
94. Sā n mikame tı fo maanda sik ne Tōnd sēn sik n kō foomā, bı f sok neb nins sēn da karemd Gaf ning b sēn sik taoor tı fo pa wa wā. Ad yaa sid la sēn wa fo nengē wā n yi fo Soabē wā, bı f ra yı n naag sēn maand-b sikā ye.
95. Bı f ra le yı neb nins sēn yags Wēnd Aaya-rāmbā, n wa naag bōnā neb ye.
96. Ad neb nins fo Soabā koεgā sēn sidg b rāmb zugā pa na n kō sid ye.
97. Baa tı tagmasā gill fāa sā n wa bāmba, b pa na n kō sid hal tı b wa yā sıbgrā.
98. La tēng pa zīndi n kō-sıda a sēn watē n yā naongā sasa t'a sid-kūuna le naf-b ye, sā n pa a Yunus tēngā rāmba! B sēn wa yā Tōnd naongā n kō sidā, Tōnd roka yāndā sıbgre n bas-ba Dūni kaanē, la D wums-b noogo n tvg n tāag wakat ninga.
99. Fo Soabā sā n da tullame, neb nins sēn be tēng gāngā zug fāa rag n na kō sıda. Rē yīngā fo tōe n modg nebā fāa tı b yı sid-kōtba?
100. La yōor pa yı n na n kō sıda, rēndame tı tūu ne Wēnd raabo. La A maanda sıbgrā n rogend neb nins sēn pa tagsdā.

101. Yeele: "ges-y bũmb ning sẽn be sãasẽ wã la tẽng gãngã zugã". Baa ne rẽ fãa, nabiyaam-rãmbã tagmasã la b bugsgã ket n pa sekđ neb nins sẽn pa kõt sđđ ye.
102. Rẽ yĩngã bãmbã gũuda bũmb a to, sã n pa nang sẽn wõnd neb nins sẽn reng-ba nangã? Yeele: "bı y gũ! Ma me naaga yãmb n gũudẽ"
103. Rẽ poorẽ, Tõnd na n põsga kõ-sđđ rãmbã, bala sđđ-kõtbã põsgr yaa hake n rog Tõnd zugu.
104. Yeele: "Yaa yãmb neba! Y sã n bee sik pugẽ ne mam đĩnã, bãng-y ti mam pa tũud yãmb sẽn tũud bũmb ning sẽn pa Wẽndã ye. Mam tũuda Soab ning sẽn deegda yãmb yõyã ti y maan kaalmã. La B sagla maam ti m naag sđđ-kõtbã.
105. La (b le yeela maam) : Rık f mengã fãa n ning đĩnã pug n yemb Wẽnde! La ra yı n naag lagem-n-taarã rãmb ye.
106. La f ra bool zẽng sẽn pa Wẽnd ye, bũmb sẽn pa nafđ foom la a pa namsđ-fo. Fo sã n maan woto, f na n yu wẽgđbã pugẽ yembre.
107. La ti Wẽnd sã n sus foom ne wẽnga, ned pa be n tõe n lak-a ti pa Yẽ ye. La A sã n tvll foom ne neere, ned pa tõe n tus-a ti pa Yẽ ye. A kõta A yudlmã A sẽn rat ned ning A yembsã svka. Yẽ la yaafg naab n yaa yolsg naaba.
108. Yeele: "Yaa yãmb neba! Ad sđđ waa yãmb nengẽ, sđđ sẽn yi yãmb Soabẽ wã. Ned ning sẽn kãndag-a, a kãndagr bee ne a menga; la ned ning sẽn menem-a, a meneng roga a zugu, Ad mam pa yãmb gũud ye".
109. La f tũ b sẽn tvm fo nengẽ ti yaa wahu wã, la f maan sugr hal ti Wẽnd wa bv A bvdã, Yẽ la bv-kaosõng soaba.

11. Huud*

Ne Wënd yvvrā barka, sēn yaa yols yaleng Soabā, n yaa Yolsdā, la d sungd d tvvmdā.

1. Altf, Laam, Raa.¹ Alkvrāana Yaa Gaf Aaya-rāmb B sēn bu-a n manege tu tar vōore, la B wels-a, a yii buvd minim Soabā nengē.
2. Tt y ra tū-y zēng sā n pa Wënd ye. Ad mam yaa yāmb bugsd n yi A nengē, n leb n yaa sū-noogda.
3. La y kos-y Soabā yaafa, rē poorē tuub-y n leb A nengē. A na kō yāmb wvms noogo n tt tāag wakat sēn yāk teka, la A kō ned ning sēn nidg pāng soab fāa a keorā ne zu-zēkre. La yāmb sā n gōd y zān-kuidsi, mam yaesda yāmb zugu, ra-bedrā raar sibgre.
4. Yaa Wënd nengē la yāmb lebgr zīiga, Yē la būmb fāa Tōoda.
5. La bāmb luta b yāoodā sēn na ytl n solg Wēnde sēn be b yādē wā. La ad bāmb sēn wat n pind b futā Wënd mii b sēn solgā la b sēn vēneg būmb ningā. Ad Wënd mii sēn be sūyā pvgē.
6. La bōn-vug ka be tēn-gāngā zugu, rēndame t'a ritlā zaoo Wënd zugu, t'A mi a zīndg-zīig la a kūum zīiga, fāa gill bee Gaf vēeneg pvgē.
7. Yaa Yē n naan saasā la tēn-gāngā rasem a yoob pvgē, la A Alarsā ra bee koom zugu; sēn na ytl n zarb yāmb n bāng ānd tvvmd n na n yug sōmblem. La tt fo sā n yeele: "b na n vvvga yāmb y kūumā loogr poorē", neb nins sēn pa kō sūdā na n yeelame: "ad wānde yaa tum sēn vēnege".
8. La tt Tōnd sā n yaoolg b sibgrā n tāag wakato, b na n yeelame: "yaa bōe n tadgd-a?" La raar ning a sēn na n wa wā, b pa na n wēnems-a n yi-b ye, tt b sēn da yaandā pil bāmba.
9. La tt Tōnd sā n leems ninsaal Tōnd yolsgā rē poorē tt d leb n deeg-a, la a sēn wāagd a tēeb n lebgd sōm-zita.
10. La Tōnd sā n maan-a zu-noog wēng sēn sus-a poore, a yetdame: "yel-wēmsā zoe n zāaga maam", la a bas n kudemdē la a pēgd a menga.
11. Sā n pa neb nins sēn maan sugrā la b tum sōmā wā, bāmb rāmbā tara yaafg la keoor sēn bedme.

* Huud (A Huud svvra).

[1] Wënd n yud minim ne A sēn rat ne gvls-bi tōsdt-kāensā. La Gvls-bi tōsdt-kāensā, sēn be Svvr-kāensā baasgē wā, yaa sēn wilgd Alkvrāanā sēn komsd a gees-n-taasā, bala b geesa kuftr-dāmbā ne Alkvrāanā, tt b kong n ka tōog n wa ne a buud ye, tt Alkvrāanā me -yaool n yaa sēn tui ne gombiis nins bāmb goamā sēn tuit ne wā, sēn yaa gvls-bi tōsdt bāmbā buudā, tt rēnda wilgd Laarab-rāmbā kongame n ka tōog n wa ne Alkvrāanā buud ye, n lagem ne bāmb n yud nebā ne zelem pekā, tt wilgdē tt Alkvrāanā a yaa sēn tvme tt yi Wënd nengē

12. La tõe ti fo rat n na n basa b sën maan wah ti wa fo nengē wā kēerā, ti fo yāoogā weoog ne rē, bala b yeelame: "bõe yīng ti b pa sik arzək n kō-a? Maa yaa bõe ti Malek pa tū-a n wa?" ad fo yaa bugsd bala! La yaa Wēnd la būmb fāa gūuda.
13. Bı b yetame: "t'a (Mohammad) n wāag-a n rogle?" Yeele: "bı y wa ne Svura sën wōnd wānde la y bool yāmb sën rat ned ning fāa t'a sōng-ya, sën pa tū ne Wēnde, ti y sã n yaa sid-rāmba.
14. B sã n pa leok yāmbā, bı y bāng t'a siga ne Wēnd bāngre, ad soab ka be ti sã n pa Wēnd ye, rē yīngā y na n sak n tūume?
15. Ned nins sën yı-b n rat dūni vumā la a nag-teedā, D pidsda b tvumā keoor n kō-b a pugē, kūun sën pa na n naag ne wēgbo.
16. Bāmbā rāmbā, b pa tar keoor a to yaoolem raarā rēnda Bugum, ti b sën tvumā lvi, b sën da yı n tvumdē wā me lebğda zaalem.
17. Rē yīnga sën be a vēnem (Alkvrāanā) zugu, vēnem sën yi a Soabā nengē ti kaset soab sën yi A nengē me (a Gibriila) pugd-a, la rē taoor me, a Muusa Gafā rengame n yaa kāndagr la yolsgo [Yē soab ne ned ning sën pa be vēnem pugē na yi yembre?]. Bāmbā rāmbā kōo sıda, la zāma sã n welg n pa kōt sıda, Bugmē wā la a sek zīiga. Bı f ra maan sik ne Alkvrāanā ye, ad a yaa sid n yi fo Soabā nengē, la neb sën waoog fāa pa kōt sid ye.
18. La ānd wēgb n le yud ned ning sën wāaga zīri n rogl Wēnde? B na n balla bāmb rāmbā b Soabā nengē la kaset maandbā (Malegsā) na n yeelame: "ad bāmbā la sën yag b Soabā zīri wā". La Wēnd kāab-beed be ne wēgdbā.
19. Neb nins sën git-b Wēnd sorā la b baood n na n goalem-a wā, la bāmb le yaa sën pa kōt sid ne Laahrā.
20. Bāmbā rāmbā ka yı n na n pōsg (Wēnd) tēn-gāngā zug ye! B leb n pa tar lall-n-taas zēng sën pa Wēnd ye, b na n fāoa nangā b zugu, b ra yume n pa wvumdē, la b ra pa yı n neē.
21. Bāmbā rāmbā la sën bōn b mensā, ti b sën yēgemd bōn-yood ninsā me menem n bas-ba.
22. Sik pa be ti bāmb n yud ne bōn Yaoolem daarā ye.
23. Ad neb nins sën kō sid la b tvum sōmā wā la b sikd b mens b Soabā taoorā, bāmb rāmbā la arzān neba, b na n duuma beenē.
24. Zāma a yiibā bilgr yaa wa zoang la muka, la net la wvumdā, rē yīnga b yiibā zema taaba, yāmb pa tagsd la?
25. Sid la hakuka Tōnd tvmsa a Nuuh t'a kēng a nebē wā (n taas-ba): "ad mam yaa bugsd sën yaa vēeneg yāmb yīnga!"

26. Sēn na yul ti y ra tū sā n pa Wēnde, ad mam yaeesda yāmb zug ra-toogā raar nango.
27. La kug-zīdb nins sēn kɪfl a nebē wā yeele: " Tōnd pa yā foom rēndame ti f yaa ninsaal bal wa tōndo, tōnd leb n pa yā sēn pvgd-b foomā rēndame ti yaa tōnd nin-yaalsā, sēn pa tar yamā, la tōnd leb n pa yā yāmb ne yudlem buud tōnd zugu. Tōnd pvs n tēedame ti y yagda zīri.
28. T'a yeele: "Yaa mam neba! Yāmb yāame? Mam sā n be vēeneg zug sēn yi m Soabā nengē, t'A kō maam yolsgo (nabiyaamdem) sēn yi A nengē ti yāmb ninā zondg n pa tōe n yā, rē yīnga tōnd tōe n modga yāmb ne-a ti y sā n kis-a?
29. Yaa yāmb m neba! Mam pa kot yāmb arzek ye, mam rolb bee ne Wēnde, mam pa na n rig sɪd-kōtbā ye, ad b na n sega b Soabā. La mam mikame ti y yaa zɪtba.
30. Yaa yāmb m neba! Ānd n na n sōng maam n yi Wēnd (nangā) ti mam sā n rig-ba? Yāmb pa tar pv-tēer la?
31. La mam pa yet yāmb ti mam tara Wēnd arzekā kogend ye, bɪ mam mii sēn solg ye, la m pa yet ti mam yaa Malek ye; m pa yet ti neb nins yāmb sēn kisā Wēnd ka na n kō-b sōma ye, Wēnd n mi sēn be b sūyē wā [mam sā n yeel-b woto], mam yuta wēgdbā pugē yembre.
32. Tɪ b yeele: "yaa foo a Nuuhu, fo wēe ne tōnd no-koeemd n wogle. Tall fo sēn bugsd tōnd ne būmb nīngā n wa ne-a ti fo sā n yaa sɪd soaba"
33. T'a yeele: "ad yaa Wēnd n na n tall-a n wa t'A sā n rata, la y ka na n tōog n pōs ye".
34. Mam saglgā pa na n naf yāmb ti yāmb Soabā sā n rat n menes-y ye, yaa Yē la y Soaba, A nengē me la b lesbsd yāmba.
35. Bɪ b yetame: "a wāag n rogl-a lame" yeele: "mam sā n wāagame n rogle, mam beegrā roga ne maam, la yāmb sēn maand beem ningā me pa rog maam ye.
36. Tɪ B tvm ti kēng a Nuuh nengē (n wilg-a): " fo nebā pvga, ned ba a ye pa na n kō sɪda, sā n pa sēn pīnd n kō sɪdā rāmbā. Bɪ f ra sāam f sūur ne b sēn da maandā ye.
37. La f maan koglgā ne Tōnd gūudum la wala Tōnd wahu wā sēn sagl to-to wā, la F ra bool Maam wēgdbā yīng ye, ad b na n bōra koomē.
38. T'a na n maan koglgā. A nebā kug-zīdbā sā n pɪvvg-a fāa, b laad-a lame. T'a yeele: "yāmb sā n yaand tōndo, tōnd me na n wa yaala yāmb wala yāmb me sēn yaal [tōndā].
39. La y na wa n bāng ānd la yaalg sɪbgr na n paame ti nan-paadg na n sig a zugu.

40. Hal ti Tõnd noor (buvdã) sã n wa, ti yigrã sã n wa fudgi [koom], d yetdame: "zulg [koglã pvgã], bũmb fãa yãang la raogo, n paas fo zakã nebã - sã n pa ned ning Tõnd buvd sãn reng a soab zugu - la f rik neb nins sãn kõ sidã". La ra pa lagem-a n kõ sida rända bilf bala.
41. T'a yeele: "kẽ-y a pugẽ wã. A zoes la a yalsg yaa ne Wënd yuvre. Ad mam Soabã yaa yaafg soab n yaa yolsg Naaba.
42. T'a zoet ne bãmb ko-wiigã sãn yaa wala tãmsã svka , t'a Nuuh moon n bool a biigã la a ra lakame (sãn pa zãr ne koglã): "m biig sõngo, zomb n lagem tõnd la f ra lagem kifr-rãmbã ye"
43. T'a yeele: "Mam na n zoe n tu rvv tãngã t'a põsg-m n yi koomã". T'a Nuuh yeele: " Ad põsgd ka be ründã n yi Wënd yellã sã n pa A sãn yols a soaba" Tı ko-wiigã pasg b yiibã svka, ti biigã yı bõrdbã yembre.
44. Tı B yeele: " yaa foo tãn-gãngo, vel f koomã! La foo a saaga, yoog n yals [niibã]"! Tı koomã sigi, ti (Wënd) buvdã yı, ti koglã na n yãnes Zuudiy zugu, ti b na n yeele: " wẽgdbã zıig zãage"!
45. La a Nuuh bool a Soabã n yeele: " yaa Foom m Soaba! Ad mam biigã yaa mam zakã neda la Fo pvlengã yaa sida. La Foom n yud bu-kaoodbã ne yals-turga.
46. T'A yeele: "yaa foo a Nuuhu! Ad a pa fo zakã ned ye, bala a maana tvvm-yooko. Ra kos Maam fo sãn pa tar yell ningã bãngr ye, ad Mam sagenda foom ti f ra yı zitbã pvgẽ yembr ye".
47. La a Nuuh yeele: "Yaa m Soaba! Mam kota gũudum n ra wa kos Foom bũmb ning mam sãn pa tar bãngr a zugu. La ti Fo sã n pa yaaf maam la F yols maam, mam na yı bõn-rãmbã yembre".
48. Tı B yeele: " Nuuhu, sig ne bãane sãn yi Tõnd nengẽ. La D bark be foo la zãma ning sãn be ne foomã zugu. La zãma a taab n na n zınd b pvgẽ Tõnd sãn na n wvms-b noogo, rẽ poorẽ sibgr sãn zabd sãn yi Tõnd nengẽ n na n paam-ba.
49. Woto yaa sãn yi kiba-soondi ti Tõnd tvvm wahu ti wa fo nengẽ. Fo ra ka mi kiba-bãmbã ye; f nebã me ra pa mi-b taoor ti wã nan pa wa ye. Bı f maan sugri, ad baas neer bee ne wãn-zoetbã.
50. La (Tõnd leb n tvmsa) a Aad nengẽ, b saam-biig a Huude, t'a yeel-ba: "Yaa yãmb mam neba! Tũ-y Wẽnde, yãmb pa tar soab-zẽng sãn pa Yẽ ye. Ad yãmb sãn maandã fãa yaa zıri.
51. Yaa yãmb mam neba! Ad mam pa kot yãmb keoor bı rolb ye, ad mam keoorã bee ne sãn yẽbga maamã, yãmb pa tagsd la?

52. Yaa yāmb mam neba! Kos-y y Soabā yaafg la y lebg n tug A nengē; A na tums y nengē sa-koom ti kiigdē la A paas yāmb pāngā. La y ra tud-A y zān-kuids n wa lebg nin-wēns ye".
53. La b yeele: "yaa foom a Huude! Fo ka wa ne vēenem tōnd nengē ye, tōnd leb n pa sak n na n bas d sob-rāmbā fo goamā yīng ye, tōnd leb n pa na n kō foom sid ye".
54. Tōnd yetame bal ti yaa tōnd sob-rāmbā sānda n maan foom. T'a yeele: " Wēnd yaa mam kaseto, yāmb me maan kaset ti sid la hakuka, mam pidga m meng n yi yāmb sēn maan lagem-n-taar ne būmb ninsā".
55. Zēng sēn pa Yē (Wēnde); bi y rab maam y fāa gilli, rē poorē ra koll-y maam ye.
56. Ad mam bobla m meng ne Wēnde, sēn yaa maam la yāmb Soabā. Bōn-vit ka be rēndame t'A wōr-a lame t'a be A soolmē wā. Ad mam Soabā bee tēeg-turg zugu.
57. La yāmb sā n gūd y zān-kuidsi, sid la hakuka mam taasa yāmb b sēn tool maam ne būmb ningā, mam Soabā ledsda neb a taab sēn pa yāmba, la yāmb pa namsd-A baa fvi, ad mam Soabā yaa gūusd ne būmb fāa.
58. La Tōnd buvdā sēn wa n wa wā, Tōnd pōsga a Huud la neb nins sēn be ne yē n kō sidā, ne yolsg sēn yi Tōnd nengē, n pōsg-b n yi nang sēn tagme.
59. A Aad rāmb la woto, b yagsa b Soabā tagmas-rāmbā, n kus A tēn-tvumbā la b tū na-pāng soab fāa sēn yaa kUSD noore.
60. Tū kāab-beed pug-b Dūni kaanē la Dūni-yikr raarā. Ad Aad rāmb pa kō b Soabā sid ye, ad Aad rāmb sēn yaa a Huud nebā zāaga ne yolsgo!
61. La (Tōnd leb n tum) ti kēng Samuud rāmb nengē, b saam-biig a Salih, t'a yeele: "Yaa yāmb mam neba! tū-y Wēnde, y pa tar soab zēng sēn pa Yē ye, A Naana yāmb n yi tēn-gāngā la A maan yāmb ti y yaa metba, kos-y-yā-A yaafg la y lebg n tug A nengē, ad A pēeme n reegd kosgo.
62. Tū b yeele: "yaa foom a Salih, tōnd ra tara tē-sōng fo zug sēn da looge, rē yīngā fo gidgda tōnd ti d ra tū d yaab-rāmbā sēn da tūud būmb ningā? Pa rēnda meng ye, ad tōnd bee sik wvsg pug ne fo sēn boond tōnd n teesd zīig nīngā.
63. La a yeele: "yaa yāmb mam neba! Yāmb yāame, sā n mikame ti mam sā n be vēenem zugu, vēenem sēn yi mam Soabā nengē zugu, t'A kō maam yolsgo, ānd n na n pōsg maam n yi Wēnd ti mam sā n kus-A? Ad yāmb pa paasd maam rēnda bōn bala."

64. Yaa yāmb mam neba! Ad wānde yaa Wēnd yugem-yāang A sēn tum
tu wa yāmb nengē tu yaa tagmase, bi y bas-a t'a wāb Wēnd tēn-gāngā
zugu, la y ra sus-a ne wēng ye, tu nang wa paam-y pēem-pēem ye!
65. Tɪ b kv-a. Tɪ b yeel-ba: maan-y wum-noog y zagsē wā rasem a tāab
tek tu nangā yaool n wa, woto yaa puleng sēn pa viigdi.
66. La Tōnd sagellā sēn wa n wa wā, Tōnd pōsga a Salih la neb nins sēn
lagem-a n kō sidā, ne Tōnd yolsgo, n pōsg-b n yi raarā yānde. Ad fo
Soabā yaa pāng soaba n yaa zislem Naaba.
67. Tɪ Kaasgā yōk wēgdbā. Tɪ b pa b zagsē wā n wūg n lebg kū-maasa.
68. Tɪ yaa wa b ra pa zīnd be ye. Ad Samuud-rāmb kɪfla ne b Soabā, ad
Samuud-rāmb zāaga ne Wēnd yolsgā!
69. La sid la hakuka, Tōnd Tēn-tvumbā wa a [braahum nengē ne kiba-
noogo, tɪ b yeele: "Salaam" tɪlgr be ne-ya, T'a yeele: "Salaam!" tɪlgre,
t'a yɪ tao-tao n wa ne lull sēn sē.
70. La a sēn wa yānd tɪ b nusā pa kolgd nemdā, pa ta a yam ye t'a pelengā
yike, a sēn yaæsd-ba, tɪ b yeele: "Ra yaæg ye, ad B tuma tōnd a Lvt
nebā nengē".
71. T'a pagā sēn da yāsā bas n la; tɪ Tōnd kō-a kiba-noog t'a na n roga a
[shaaka, la a [shaak poorē, yaa a Yaakuuba.
72. Tɪ pagā yeele: "kato, m sā n paamē dē! La m na n roga biig tɪ mam
yaool n yaa pug-yāanga, tɪ m sidā me yaa nin-kēema? Ad wā yaa yel-
solemd tekē.
73. Tɪ b yeele: " f maanda yel-solemd ne Wēnd yellā? Wēnd yolsg la A
bark be ne-ya, zakā rāmba! Ad A sōmba ne pēgbo, A yaa zisgo!"
74. La yaeesgā sēn wa n loog n bas a [braahumā tɪ sū-noogā kibar ta-a
wā, la a sung tak-n-taar ne Tōnd a Lvt nebā poorē.
75. Ad a [braahum sid yaa sugr soaba, n yaa lebs-n-meng soab a Wēnd
nengē.
76. Foom a [braahuma, bas yel-kāngā; bala f Soabā yellā zoe n buume n
gānege, la nang sēn pa tar lebsg n na n wa b nengē.
77. La Tōnd Tēn-tvumbā (Malegsā) sēn wa n wa a Lvt nengē wā, a sūur
sāamame tɪ lebg sēk ne-ba. T'a yeele: "ad wā yaa ra-kegenga".
78. T'a nebā na n zoe n wa a nengē. La b ra yume n maand tvum-yoodo.
T'a yeele: " Yaa yāmb mam neba! Woto yaa mam kom-pugli: bāmbā
n yud yulgemd ne yāmba. Zoe-y Wēnd la y ra ning-m yānd m sāambā
taoor ye. Rao pa be yāmb pugē n tar yam la?
79. Tɪ b yeele: Fo miime tɪ tōnd pa tar tulsem fo kom-pugliē wā ye. Sid la
hakuka ad fo mi tōnd sēn ratā.

80. T'a yeele: "la ti mam sã n ra tara pãng n na n tus yãmba! Maa mam sã n da tõe n paam teegdb sën tar pãng ti sõng-ma.
81. Tı b [sãambã] yeele: " Yaa foo a Luute, ad tõnd yaa fo Soabã tẽn-tũmdba. B pa na n tõog n ta foom ye. Bı f yi yvngã ne f nebã. La yãmb ned ba a yembr ra wëneg n ges a poorë ye. Sã n pa fo pagã, bũmb ning sën na n paam neb a taabã na n paam-a lame. B sekã yaa beoog yibeoogo. La yibeoog pa pë sida?
82. La Tõnd sagellã yell sën wa n wa wã, Tõnd kũbumd-a [tëngã] t'a yĩngrã lebg a tēngre, la D kiig b zug kug-wũmdı sën tũnugd taaba.
83. N tar tagmas sën yi fo Soabã nengë. La (kug-bãmbã) pa zãr ne wëgdbã ye.
84. La (Tõnd tũmsame ti kēng) Madyan-rãmb nengë b saam-biig a Sv-ayb, t'a yeel-ba: "yaa yãmb mam neba! Tũ-y Wēnde, yãmb pa tar soab zēng sën pa Yē ye. La y ra boogd y (bõn-koosmã) magbã la peesgã ye. Ad mam yaeesda yãmb zugu sibgr sën na n gũbg bũmbã fãa n gilgi.
85. Yaa yãmb mam neba! Pids-y magbã la peesgã ne sida, la y ra boog nebã b pvur ye; la y ra kēn tēn-gãngã zug ti y yaa sãamdb ye.
86. Sën tar paab ne yãmb ti yaa Wēnd yĩngã n yud sõma ne yãmb ti yãmb sã n yaa sid-kõtba! La mam pa gũusd ne yãmb ye.
87. Tı b yeele: " Foom a Sv-aybo, rē yĩnga yaa fo Pvusgã n saglg foom ti d bas d yaab-rãmbã sën ra tũud bũmb ningã la d ra maan tõnd sën rat d arzagsã pugë? Ad tõnd bãnga foo ti f yaa yam-bedr soaba, la yaa bõe n paam fo?"
88. T'a yeele: " Yaa yãmb mam neba! Togs-y maam y sën na n yıla ti m kelge, ti mam sã n tik vëenem sën yi m Soabã nengë, t'A rılg maam rıtl sën be neer sën yi A nengë? La mam pa rat n yõsg yãmb n maam m sën gidgd yãmb ne bũmb ningã ye. Mam sën ratã yaa manegr mam pãng tõog tēka. La mam (yelã) segl-sõng bee ne Wēnde, yaa Yē la mam bobl m mengã ne; le yaa yaa Yē nengë la m lebsd m menga.
89. Yaa yãmb mam neba! (Sõng-y ti) mam beemã ra tall yãmb ti y wa ti lvi nang ning a Nuuh nebã maa a Huud nebã maa a Salih nebã sën lvi zĩig ningã ye; la ad a Luvt nebã yellã pa zãr ne yãmb ye.
90. La y kos y Soabã yaafg la y tuub n tvg A nengë, ad mam Soabã yaa yolsg naab n yaa Noanga.
91. Tı b yeele: "Yaa foom a Sv-aybe: Tõnd pa fahemd fo sën yetã wvsg fãa ye, tõnd nee foom ti f yaa valeng tõnd svka, sã n ka fo nebã yĩngã

- d rag n na lob foom (ne kuga), la fo pa tar ziir tõnd zug d sën na bas-f ye".
92. T'a yeele: "Yaa yãmb mam neba! Mam roagdbã n tar ziir yãmb nengë n yud Wënde, ti yãmb rik-A n lebs y poorë? Ad mam Soabã gũbga yãmb sën maandã fãa gilli.
93. Yaa yãmb mam neba! Tum-y y tumã; ad ma me yaa tumda. Y na wa n bång nang sën na n wa-b rãmb n ning-b yãnde la y bång sën yaa zĩri-be-neda. La koll-y ti ma me naaga yãmb n yaa kollda.
94. La tõnd saglgã sën wa n wa wã, Tõnd põsga a Su-ayb la neb nins sën kõ stdã n lagem-a wã ne yolsg sën yi Tõnd nengë, ti tãsgã yõk sën wëgdbã ti b lebg kũ-rãmb n wũg b zagsë wã.
95. Tı yaa wa b ra pa zĩnd be ye. Ad Madyan rãmb halkame wala Samuud rãmb sën halkã!
96. Sıd la hakuka Tõnd tumsa a Muusa ne Tõnd yel-soalmã la Tõnd tikr sën yaa vënega.
97. N këng a Fur-aoon la a kug-zııdbã nengë, la b tũu a Fur-aoon noorã. La a Fur-aoon yellã pa sën tëeg turg ye.
98. A na n luu a nebã taoor Dũni-yıkrã raare. N këes-b Bugmã, ad bãmb waang zııg yı wënga!
99. Tı B pugl-b ne kãab-beed dũni kaanë la Al-kiyoom raare, ad bãmbã kũun yleng yaa n yı wënga.
100. Ad woto yaa Tõnd sën togsd foom [Mohammad] sën këed ne tënsã kibay, be beenë vũun sën kete, be beenë me sën yëese.
101. La tõnd pa wëg-b ye, la ad yaa bãmb bal n wëg b mense. B soaben-dãmbã b sën da tũud zëng sën pa Wëndã pa naf-b baa fıı fo Soabã buud sën wa n wa wã ye, la b soaben-dãmbã pa paas-b rënda halkr bala.
102. La yaa woto la f Soabã yõkrã, t'A sã n yõk tëng ti b yaa wëgdba, ad fo Soabã yõkrã zabda wusgo.
103. Ad wãndã yaa tagmas ne ned ning sën yaesda Laahr raar nangã, raar ning b sën na n tigim nebã, n yaa zãma sũ-taab raare.
104. La tõnd pa yaoolgd-a rënda a wakatã sën yãkã n ta.
105. A raarã sã n vëke, yõor baa fıı ka tõe n gome sã n pa A sën kõ a soab sor ye, zu-beed rãmb na n zĩnda b pugë, ti zu-noog rãmb me zĩndi.
106. La sã n yaa ne zu-be-nebã, b na n këe Bugmë wã, beenë yaa no-bend la vuus-tula la b tara.
107. B na n paa be ti saasã la tëngã sã n ket n beë sã n ka fo Soabã sën wa n tvll n yiis a soaba, ad fo Soabã yaa maan A sën rat soaba.

108. La sã n yaa ne zu-noogã rãmbã, b na n kēe arzãnã, n duum be, saasã la tēngã sã n ket n beē, sã n ka fo Soabã sēn wa n tvlla, yaa kũun sēn pa wãagde.
109. Bt f ra maan sik ne bãmbã sēn tũudã yaa yook ye. B pa tũudi rēnda wala b saam-rãmbã sēn da tũud pĩndã, la ad Tõnd na n pidsa b pvturã n ka boog ye.
110. La sũd la hakuka, Tõnd kō a Muusa Gafã, tı b yōs taab a pvgē, la sã n ka fo Soabã gomd sēn reng taorã b ra na n kaoo buvdã b svka, la ad b bee sik pvgē ne Alkorãanã.
111. Ad fo Soabã na n pidsa b fãa b tvvmã rolbo, A yaa minim tēng-n-biig ne b sēn tvmdã.
112. Bt f yãnes turg wala b sēn sagl foomã, foom ne neb nins sēn tuub n lagem foo wã, la y ra kedg ye, ad A yaa Net ne yãmb sēn maand bũmb ningã fãa.
113. La y ra wa kill n tvg wēgdbã nengē tı Bugmã wa sus-y ye, la y pa tar lalldb zēng sēn pa Wēnd ye, y pa na n paam tı b sōng-y me.
114. La yãnes Pvsugã wĩndg kirems a yĩibã la yungã wakat sãnda, ad tvvm-sõmsã yēesda tvvm-yoodã, ad woto yaa saglg ne neb nins sēn tagsdã.
115. La f maan sugri, tı ad Wēnd pa yeebd maan-neerã rãmb keoor ye.
116. Sã n da zĩndē zãmã nins sēn reng yãmb taorã pvgē, neb sēn yaa nin-turse n gudgd sãang tēn-gãngã zugu, [Aee] la pa kell rēnda bilf bala, Tõnd sēn pōsg-b rãmb b pvgē. Tı wēgdbã kell n pvg b sēn kō-b neemã ninsã la b yu nin-wēns ne rē.
117. La ad fo Soabã pa yı n na n halk tēns ne wēgbo, tı sã n mikame tı tēnsã rãmb yaa manegdb ye.
118. La tı fo Soabã sã n da ratame, A rag n na maan nebã fãa gill tı b yaa zãma a yembre. La b pa bak n yōsd taab ye.
119. Sã n ka ned ning fo Soabã sēn yols-b rãmb ne segl-sōngo, la yaa zarb-n- gesg ne rē yĩng la A sēn naan-ba, la fo Soabã gomdã pidi: "M na pids Gehannemã ne zĩn-dãmbã la nebã".
120. La tēn-tvumbã kibayã Tõnd sēn togsd foomã fãa gill yaa sēn na ył n keng fo sũurã. La sũdã waa fo nengē svvr-kãngã pvgē la saglg la tēegr ne kō-sũd rãmbã.
121. La f yeel neb nins sēn pa kōt sũdã: " tvvm-y yãmb me sēn tōe tēka, tı tõnd me yaa tvmdba".
122. La y kolle, ad tõnd me yaa kolldbã!".

123. Wënd n so saasã la têngã yel-soaandi, la yaa Yê nengê la yelã fãa gill lebda, bɪ y tũ-A la y bobl y mensã ne-A. Ad fo Soabã pa yam yaal-yaal soab ne yãmb sên maandã ye.

12. Yuusuf *

Ne Wënd yuvrã barka, sên yaa yols yaleng Soabã, n yaa Yolsdã, la d sungd d tuvmdã.

1. Altɪ, Laam, Raa.¹ Woto yaa Gaf vëenegã Aayay-rãmbã.
2. Ad Tõnd sik-a lame, t'a yaa Alkvrãan sên yaa Laarabiiimdu (goama), sên na yl n ti yãmb bãng a võorã.
3. Tõnd togsda foom togsg sên yud neer sên tũ ne Tõnd sên tvms wahu ti wa fo nengê wã, la fo ra yume taoor t'a na n pa sigi n yaa yam yaal-yaal soaba.
4. Tëeg wakat ning A Yuusuf sên wa n yeel a saambã: "m saamba, ad mam yênda ãds piig la a yembre, ne wîndgã la kiuugã ti b maan maam suguudu".
5. T'a yeele: "m biiga, ra togs fo zãmsdã f saam-biisã ye, ti b wa maan foom rabr ye, ad a svitãan ne ninsaal yaa beem sên vënege.
6. La yaa woto bal la fo Soabã na n tũus foom, la A wîinig-f zãmsd welgre, la A pids A neemã wã fo zug la a Yaakuub zakã rãmb zugu, wala A sên da pids-a fo rogdb a yïibã zug ti loogã, a [braahum la a [shaaka. Ad fo Soabã yaa mit n yaa buvd mita.
7. Sɪd la hakuka, ad sagls be a Yuusuf ne a saam-biisã svk togsgã ne neb nins sên yaa sok-n-bãng rãmba.
8. B sên wa n yeele: " ad tõnd baabã nonga a Yuusuf la a ma-biigã n yud tõndo, ti tõnd yaool n yaa zãma, ad tõnd baabã bee tudgr pvge sên yaa vënega.
9. Kv-y-yã a Yuusuf maa y lobg-a tẽn-zãrga, sên na yl n ti y saambã nengã wënems n tees yãmb bala, la y lebgr rë poorë n yɪ nin-sõma.
10. Tɪ b yembr yeele:" ra kv-y a Yuusuf ye, lob-y-yã-a bulgã pvge, ti y sã na n maaname, ti kênkëndbã sãnda rikd-a lame".

* Yuusuf (A Yuusuf svvra).

[1] Wënd n yud minim ne A sên rat ne gvls-bi tõsdt-kãensã. La Gvls-bi tõsdt-kãensã, sên be svvr-kãensã baasgê wã, yaa sên wilgd Alkvrãanã sên komsd a gees-n-taasã, bala b geesa kuf-dãmbã ne Alkvrãanã, ti b kong n ka tõog n wa ne a buud ye, ti Alkvrãanã me -yaool n yaa sên tui ne gom-biis nins bãmb goamã sên tuit ne wã, sên yaa gvls-bi tõsdt bãmbã buudã, ti rëndã wilgd Laarab-rãmbã kongame n ka tõog n wa ne Alkvrãanã buud ye, n lagem ne bãmb n yud nebã ne zelem pekã, ti wilgdê ti Alkvrãanã a yaa sên tvme ti yi Wënd nengê.

11. Tı b yeele: "Yaa foo tõnd ba! Bõe n tar foom ti f ka basd a Yuusuf ne tõndo, ti tõnd yaool n yaa pu-beelem rãmb ne-a.
12. Bas-a ne tõnd beoogo t'a wãbdē la a reemdē ti d na n gūus-a lame".
13. La a yeele: "ad m sūur pa noom ti y tall-a n loog ye, la m yeesda katr na n wa wãb-a ti yãmb pa maan gūusg ne-a ye".
14. Tı b yeele: "la ti katrã sã n wãb-a, ti tõnd yaool n yaa wusgo, rënd tõnd yaa bõn-rãmb wē".
15. La b sēn wa n loog ne-a wã, n zems taab n na n lob-a bul-vulungã pugã, ti Tõnd tum a nengē: " ad fo na n wa togsa bãmbã b yel-kãngã ti b pa ning b yamē ti yaa foo ye.
16. Tı b wa b baabē wã zaabr n tar yãbre.
17. B yeelame:" d baaba, ad tõnd kēngame n ti maan reng-reng-taaba n bas a Yuusuf tõnd teedē wã ti katrã ri-a. La fo ka na n kō tõnd sıd ba ti tõnd sã n da yaa sıd rãmba.
18. La b bolg a fuugã ne zıri-beed zum. T'a yeele: " yãmb yōyã sagla yãmb ne bumb wēnga, la m na maan sugr sēn be neere! La m kota sōngr ne Wënd yãmb sēn togsd yell ningã wã zugu!".
19. Tı kēnkēndb wa n tum b ko-yōngdã t'a sik a luvgã la a yeele: ad yaa sū-noog wē! Wã yaa biiga!" La b solg-a n yeel ti yaa lago. La Wënd yaa mit ne b sēn maandã.
20. Tı b tvg n koos-a ne ligd-yaalga: Wakır saar bala, la b ra yume n yıgsd a koosgã.
21. Tı ned ning sēn ra-a Misra wã yeel a pagã: " ges a sãandã sōma. Tõe t'a wa naf tõndo maa d rik-a n maan d biiga". La yaa woto me la Tõnd kō a Yuusuf pãnga tēngã pugē la sēn na yul ti D wīnig-a zãmsd-rãmb welgre, la ad Wënd winda ne A sēn rat yell ning fãa, la nebã sēn waoog fãa pa mi ye.
22. La a sēn wa n ta a pãng tēkē, Tõnd kō-a-la buud minim la bãngre, la yaa woto bal la D rond nin-sōmã wã.
23. Tı pag ning a sēn be a soab zakē wã ro-a a meng yīnga, n pag ragnoyã la a yeele: "wa paam-ma!"- T'a yeele: "Wënd na gūm-a! Ad mam zu-soabã manega mam zındgã, la m kōn n zãmb-a ye, ad wēgdbã pa tõe n pōs ye".
24. La ad pagã makame n na n kē ne-a, ti yē me rag n mames ne-a sã n pa a sēn yã a Soabã tagmasã. D maana rē sēn na yul n zãag-a ne wēngã la tum-beedã, ad a ra yume n be Tõnd yembs nins sēn yaa pu-peelem dãmbã pugē.

25. Tı b yiibã reng taab ragnoorẽ wã, tı pagã pãrg a fuugã poorẽ. Tı b seg pagã zu-soabã ragnoorẽ wã, tı pagã yeele: " ned ning sên ra tull fo zak rãmb ne wêng rolb yaa bõe tı sã n pa b pag-a maa sibgr sên zabde?"
26. T'a yeele: "yaa pagã n do maam m meng yĩnga". Tı sêet maan kaset sên yi pagã nebẽ n yeele: "sã n mikame t'a Yuusuf fuugã pãrga taoorẽ, bı y bãng tı pagã togsa sıda, t'a Yuusuf yaa zĩri-be-neda.
27. La sã n mikame t'a fuugã pãrga poorẽ, rënd pagã yagda zĩri t'a Yuusuf la sıdã soaba" .
28. La a zu-soabã sên wa n yã t'a fuugã pãrga poorẽ wã, a yeeleme: woto yaa yãmb pagb rabay! Ad yãmb rabay tar pãnga!
29. Yuusufu ball n bas yel-kãngã goam! La fo (a pagã me) kos f beegrã yaafgo, ad f yaa bæegda".
30. Tı pagb yeel têngã pugẽ: " Nim-bedrã pag rooda a yembã a meng yĩnga! Ad a nonglemã kões-a-la bãaga. Ad tønd getame t'a bee meneng pugẽ sên yaa vënega.
31. La pagã sên wa n wum b kuscã, a tumame tı b bool-ba, la a segl zĩig b yĩng n na maan ri-bendo; n kıs ned fãa svug n yaool n yeele [a Yuusuf]: "yi tı b yã-fo". La b sên wa n yẽ-a wã, b zêka a yellã (yel-solemde), n yirb n wã b nusã, la b yeele: " Wënd yulgame n yi lagem-n-taaga! Ad wãndã pa ned ye, wã pa yı rëndame tı yaa malek wagelle!"
32. Tı pagã yeele: " ad yãmb sên tar sãmb s ne maam a soab yĩngã la woto. La mam ro-a lame t'a zãgse. La a sã n pa sak mam sên sagend-a wã, b na n pag-a lame, a na n yu yaalga.
33. T'a (Yuusuf) yeele: "m Soaba, bãensã koom n são bãmbã sên boond maam n tugd zĩig nĩngã, bı F peng maam n yi b raba wã tı m ra wa kull n tug b nengẽ n wa lebg zitbã yembr ye".
34. T'a Soabã reeg a kosgã n wãnems-a n yiis b rabrã, ad Yẽ la a Wumd n yaa a Bãngda.
35. Rẽ poorẽ tı b lebg n yã yellã sên vënegã poorẽ tı b na n pag-a lame n tãag wakat nina.
36. Tı rasãmb a yiib naag-a n kē bãensã roogo, t'a yembrã yeele: "mam zãmsame n kōgd sib-rãam", t'a to wã yeele: "mam zãmsame n tuk bur m zugẽ wã, tı liuuli wã rit-a; togs tønd a võorã tı ad tønd neeme tı f yaa manegda".
37. T'a yeele: " rub pa wat n na n kō yãmba, rëndame tı mam reng n wĩniga yãmb a sên yaa a soaba, taoor t'a na n pa wa ye, rẽ me yaa mam Soabã

- n wīnig maam. Ad mam basa zāma sēn pa kōt sid ne Wēnd diin, ti bāmb yaa kusdb ne Yaoolem raarā.
38. La m tūuda m yaab-rāmbā dīinā, a [braahum la a [shaaka la a Yaakuuba, pa sōmb ne tōnd ti d maan lagem-n-taar baa fvi ne Wēnd ye, woto yaa Wēnd yudlem A sēn kō tōnd la nebā fāa, la ad nebā sēn waoog fāa pa puusd Wēnd bark ye.
39. Yaa yāmb m bāens tūud-n-taas a yiibu! Soab-dāmb sēn gal n yud ne sōmblem bu, bi Wēnd sēn yaa Yembrā n yaa Windā?
40. Yāmb sēn tūud būmb ning zēng sēn pa Wēndā pa zvug yvi bal yāmb la y yaab-rāmbā sēn pud-ba, Wēnd pa sik vēenem b zug ye, ad buvdā fāa gill yaa Wēnd n so, A sagla yāmb ti y ra tū sā n pa Yēnda, rēnda la dīin sēn tēeg turga la ad nebā sēn waoog fāa pa mi ye.
41. Yaa m bāens tūud-n-taas a yiibu! Sā n yaa ne yāmb nin-yengā, a na n yūnuga a zu-soabā rāam; la ned a to wā, b na n sār-a lame ti liuuli wā tar a zugā n ritē. Yel ning yāmb sēn sokd a vōorā pidame n na n yi".
42. La a yeel ned ning a sēn tēed ti yē n na n pōs b yiibā sukā " tēeg m yellā f zu-soabā nengē ". La a Svtāan yīmsa yē a zu-soabā tēegre, t'a Yuusuf ba bāensē wā yvum-rāmba.
43. Tī naabā yeele:" sid la hakuka, ad mam yāta m zāmsdē nag-yāans a yopoe sēn nobe ti nag-yāans sēn yaa wag a yopoe wābd-ba, la ka-zut a yopoe sēn yaa maas ne a taab sēn yaa koeemse, togs-y maam m zāmsdā vōor ti yāmb sā n mii zāmsd welgre".
44. La a b yeele: "ad yaa zāms-tula! La tōnd rag n pa mi zāms-tul welgr ye".
45. Tī sēn pōs-a b yiibā sukā yeele, a sēn tēeg a yellā wakat sēn loog poorē:" mam na n kōo yāmb a welgrā kibare, bi y tvum maam!".
46. " T'a tug n ta n yeele : Yaa foo a Yuusuf sid soaba! Togds tōnd wā vōore : nag-yāans a yopoe sēn nob ti nag-yāan-wag a yopoe rit-ba, la ka-zut a yopoe sēn yaa maas ne a taab sēn yaa koeemse, ti m paam n leb nebā nengē sēn na yil ti b bāng sēn be a pugē.
47. T'a yeele:" ko-y yvum a yopoe n pug taaba ne nidg pānga, ti y sēn na n kēebā fāa bīng-y-yā-a ne a zutā, sā n ka bilf bal y sēn na n ritē.
48. Rē loogr poorē, yvum a yopoe n na n wa n yaa ware, ti y rit y sēn da ko n bīng yvum kegenga yīngā, sā n pa y sēn na n kell bilf sēn yaa bōn-buudu.
49. Rē loogr poorē, tigr yvumd n na n wa, ti nebā kōtē la b wēkd ti-biisā la b kōgda".

50. Tı naabã yeele: " sōng-y-m ne-a". La tēn-tvumã sēn wa n wa a Yuusuf nengē wã, a yeelame: " lebg n kēng f zu-soabã nengē n ti soak-a: " pagb nins sēn wã b nusã kibarã yu wãn-wãna? Ad mam Soabã n mi bāmb rabrã.
51. Tı (naabã) yeel (pagbã):" yāmb yellã yu wãn-wãna, yāmb sēn wa n rood a Yuusufã?" Tı b yeele: " Wēnd yulg n yii lagem-n-taaga ! Tōnd pa bāng-a ne wēng buud fãa ye". Tı nim-bedrã pagã yeele: "moasã sıda vēnegame. Yaa maam n ro-a m meng yīnga, la ad a togsa sıda".
52. La rē yaa sēn na yıl t'a bāng ti m pa zāmb-a a kudgē ye, la Wēnd pa yāagd zāmb-rāmb rabsg ye.
53. La mam ka yulgd m yōorã, n yeel t'a yuda wēng maaneg ye, ad yōorã pirs dame n tvgd wēnga, sã n pa ned ning m Soabã sēn yols-a, ad mam Soabã yaa yaafg naaba n yaa yolsg naaba".
54. Tı naabã yeele: "sōng-y-m ne-a ti m wēlg-a ne m menga. La a sēn wa n gom ne-a wã, a yeelame: " ründã teka fo bee tōnd nengē n yaa zīnd-m-yam soaba n yaa bas-yard soaba".
55. T'a (Yuusuf) yeele: "ning maam tēngã bao zīgē, ti ad mam yaa gūuda n yaa bāngda".
56. La yaa woto la Tōnd kō a Yuusuf pāng Misra tēngã pvğē t'a zīnd be a sēn ratē, Tōnd paamsda D yolsgã Tōnd sēn tvll ne a soaba, la D pa yeebd manegdbã keoor ye.
57. La ad yaoolle-raar keoorã n yud sōmblem ne neb nins sēn kō-b sid la b zoet Wēndã.
58. T'a Yuusuf saam-biisã wa kē a nengē t'a bāng-ba la bāmb pa bāng-a ye.
59. La a sēn wa n seglg b teedã n kō-ba, a yeelame: " zã-y a saam-biigã n wa poorē ti m kō-y n paase, y pa ne ti mam pidsda vūgbã la m leb n yud sōmblem ne sãamd reegre?
60. La yāmb sã n pa wa ne-a mam nengē, y pa tar vūgb mam nengē ye, pvs n ra pēneg-y maam ye".
61. Tı b yeele: "d na bōos a ba wã, ad tōnd na n maana f sēn datã".
62. T'a yeel a tvumã koamba: "lebs-y b ligdã b teedē wã, sānd-sānde b na bāng ti yaa tōnd n so, b sã n wa lebg n ta b nebē wã, raare b na legb n wa".
63. La b sēn wa n lebg n tug b saambē wã, b yeelame: d saamba, "b gidga tōnd ti d sã n pa wa ne d saam-biigã b kōn n vūg n kō-d ye. Bı f tūnug tōnd d saam-biigã sēn na yıl n ti d paam pulbo, ad tōnd na n gū-a lame".

64. T'a yeele: Rē yīng m na n maana bas-m-yam ne yāmba! Pa na yu wala mam sēn ra maan bas-m-yam ne a ma-biigā buud ti loogā? La Wēnd la gūud sēn yud sōmblem, la Yē me n yud yoalsdbā fāa gill ne yolsgo.
65. La b sēn wa n lags b teedā, b mikam ti b lebs-b-la b ligdā. Tı b yeele: "Yaa foo d saamba! Bōe la tōnd le rata? Ad b sēn lebs tōnd d ligdā. Tōnd na n leb n ti pvlame n wa kō d zagsā rāmb la d gū d saam-biigā la d paas yvugemd zılgre, ad vūg-kāngā yaa nana ne-a".
66. T'a yeele: "mam pa na n tūnug-a ne yāmb rēndame ti yāmb rik sard mam taoor ne Wēnd ti yāmb na n lebg n waa ne-a , sã n ka b wa n gūbga y fāa". La b sēn wa n rik b sardā a taorā, a yeelame: "Wēnd la boabend ne tōnd sēn yet būmb ningā".
67. T'a yeele : "Yaa m koamba! Ra tvug n kē-y noor a yembr ye, kē-y noe toor-toore. La mam pa tōe n naf yāmb baa fvi n yi Wēnd buvdā pug ye. Yaa Yē la Mam bobl m menga, yaa Yē me la bobl-m-meng rāmbā me sōmb n bobl b mense".
68. La b sēn wa n kē wala b saambā sēn sagl-b to-to wā rē pa tōog n naf- b n yi Wēnd buvdā ye, ad yaa nimbāan-zoεeg sēn be a sūurē wā t'a vēneg-a bala, la ad a tara bāngr ne rē, Tōnd sēn karem-a yīnga, la nebā wvsg fāa pa mi ye.
69. La b sēn wa n kē a Yuusuf nengē wā, a kull n walma a ma-biigā n yeel-a: "ad maam la fo ma-biigā, bu f ra sām f sūur ne b sēn ra yı n maandē wā ye.
70. La, a sēn wa n kō-b b koodā, a ninga la-vūgdgā a ma-biigā laogē, n yaool n moond n yeele: "Yaa yāmb a toandba! Ad yāmb yaa wagda".
71. Tı b lebg n togl-b n yeele: "yāmb bōe n meneme?"
72. Tı b yeele: "Tōnd gēesda naabā la-vūgdga, la ned ning sēn wa ne-a a tara yvugemd zılgre, la a yaoobā be ne maam".
73. La b yeele: " d wēen ne Wēnde, yāmb miime ti tōnd pa wa n na n sām tēngā pugē ye, d leb n pa yı n yaa wagda".
74. Tı b yeele: " la sēn dik-a wā sıbgr yaa bōe yāmb nengē ti sã n mik ti yāmb yagdame?"
75. Tı b yeele: " ned ning b sēn mik laagā a teedā pugē wā yē bal la a soab keore t'a soaag-a, woto bal la wēgdbā sıbgr".
76. [T'a Yuusuf] sung neb a taabā kordā veosg n yaool n ta a ma-biigā nengē, rē poorē t'a yiis-a (laagā) a ma-biigā korgē, yaa woto la Tōnd wīnig a Yuusuf rabr-kāngā, a rag n pa tōe n reeg a ma-biigā ti sã n yaa naabā buvd sıbgr pugē, sã n pa Wēnd n wa n tolle. Tōnd zēkda

- ned ning darge Tõnd sën rata, la bāngr soab fāa zugu, bāngd n be beenē.
77. La b yeele: sã n mikame t'a zuume, a ma-biig me n ra reng n zu". "T'a Yuusuf kel n wāb rē n vol n pa maan ti b bāng ye. A yeela a sūurē: "yāmb sën be zīig ningē wā wēng n yude! La Wēnd n yud minim ne kībar ning yāmb sën sīdā".
78. Tı b yeele: Yaa foo tēngā nin-kāsenga! Ad a tara saamb sën yaa nin-kēem kvdr n nong-a wusgo, bı f reeg tōnd ned a yembr a zīigē wā la f bas-a, ad tōnd neeme ti fo yaa nin-sōngo.
79. T'a yeele: " Wēnd na gū-do, ti d ra wa yōk ned a to sã n pa d sën mik d būmbā a soab nengē wā, sã n pa yı woto fāa, tōnd yita wēgdba.
80. B sën wa n wāag b tēebā, b lakame n leebd taab yam, ti b kāsem-soabā yeele: "yāmb pa mi ti y saamb rıka sard yāmb zug ne Wēnde; Yaa woto me ti yāmb ra reng n tall yam-kaalg a Yuusuf nengē wā? Mam pa na n yērg tēngā rēndame ti m saamb kō-m sore maa Wēnd bu m yīng ti m paam (yoslgo); Yē me la bu-kaodb sën yud sōblem".
81. Lebg-y n tvg y baaba wā nengē n ti yeele: " d baaba, ad fo biigā zuume, la tōnd ka maan kaset rēnda ne tōnd sën bāngā bala, la tōnd ra pa mi-a ne wagdem ye.
82. La f sok tēng ning tōnd sën da beē wā la kēnkēndb nins tōnd sën tū n wa wā, la sıd la hakuka ad tōnd togsa sıda".
83. La a (Yaakuub) yeele: "yāmb yōyā le sagla yāmb ne yell ninga! La m maanda sugr sën be neere! Tōe ti Wēnd wa ne b yiibā fāa gilli, ad Yēnda la a Minim naab n yaa a Bvvd mita".
84. La a tud-ba a zān-kuidgā n yeele: "m sūur sām n ta tek a Yuusuf yīnga!" T'a ninā yiibā pelge, sū-sāang kūnkūm yīnga, ti sū-toog rvvg-a.
85. Tı b yeele: "ne Wēnde! Fo ka bak n tēegd a Yuusuf yell halı ti fo wa bē maa f tolğ n halak ye".
86. T'a yeele: "ad mam kūmda m sūurā la m sū-sāangā ne Wēnde, la m mii Wēnd nengē yāmb sën pa mi".
87. Yaa m koamba! Kēng-y n ti gēes a Yuusuf ne a ma-biigā la y ra wāag y tēeb ne Wēnd yolsgā ye, ad pa wāagd tēeb ne Wēnd yolsgā rēnda neb nins sën yaa kıfr-dāmbā.
88. La b sën wa n kē a (Yuusuf) nengē wā, b yeelame: " tēngā nin-bedre, ad kom n paam tōnd la d zakgs rāmba; la tōnd waa ne laog sën yaa yaalga, bı f mak ti pid n kō-do la f maan dooag ne-do, ad Wēnd nonga kō-n-bao-yelsōm rāmbā.

89. La a yeele: "rē yīnga yāmb bāngā (wēgb) ning y sēn maan a Yuusuf la a ma-biigā wakat ning yāmb sēn da wa n zu wā?"
90. Tı b yeele: "Rē yīngā pa foo la a Yuusuf bala!" T'a yeele: "ad yaa maam la a Yuusufu, la mam ma-biigā me la woto, ad Wēnd maana tōnd neere, ad ned ning sēn zoet a Wēnd la a maan sugri, rēnd Wēnd pa yeebd manegdbā keoor ye".
91. Tı b yeele: "ne Wēnde! Ad Wēnd yuga foom tōnd zugu, la ad tōnd ra yume n yaa yōsgdba".
92. T'a yeele: "sābsg ka be yāmb zug rūndā ye! Wēnd na yaaf-ya, yaa Yē la yolsdbā sēn yud ne yolsgo".
93. Kēng-y ne mam fu-kāngā n ti pil m baaba nengā ne-a: t'a ninā na n pukame, la y wa ne y zagsā rāmb fāa mam nengē.
94. La (wakat ning) kēnkēndbā sēn wa n gāndg Misra toadgā, b saambā yeelame: "ad mam yaool n wumda a Yuusuf yūugu, sã n pa yāmb sēn na n wa yeel ti mam zubsdame wā".
95. La b yeele: "ne Wēnd ti fo ket n bee f tuum-kvdrā pugē".
96. La sū-noogdā sēn wa n wa wā, a loba fuugā b ba wā nengā, t'a lebg n neē, n yeele: "mam pa yeel yāmb ti m mii Wēnd nengē yāmb sēn pa mi?"
97. Tı b yeele: " d baaba, kos Wēnd t'a yaaf tōnd zunuubā, ad tōnd ra yume n yaa tudgdba".
98. T'a yeele: "m na wa n kos Wēnd t'A yaaf-ya, ad Yē la yaafg naab n yaa yolsg naaba".
99. La b sēn wa n kē a Yuusuf nengē wā, a koka a rogdb a yiibā la a yeel-ba: kē-y Misra ne Wēnd raabo, ti yāmb yaa sēn tar bas-m-yam" .
100. La a zēk a rogdb a yiibā naamā goeelā zugu, ti b lvi n maan-a suguudu, t'a yeele: " m saamba, ad mam pīnd zāmsdā vōor la woto, Wēnd kitame t'a yı sıda, la ad A maana maam neere, A sēn yiis maam bāensē wā la A yiis yāmb tēn-kurengē wā n wa, svtāanā sēn wa n kēes yōs-taabā maam ne mam saam-biisā svkā. Mam Soabā sēgsda ne būmb ning A sēn rate, ad yaa Yē la minim naab n yaa buvd mita".
101. M Soaba! Ad fo kōo maam naam la F karem maan zāmsd wegsgo, Foom la saas la tēng naanda, Foom la mam lallda dūni kaanē la yaoolem raarā, reeg mam yōorā ti mam yaa lıslaama, la F naag maam ne nin-sōmā wā.
102. Woto yaa sēn be kibay solgdsā pugē, ti Tōnd tum-a fo nengē, la fo rag n pa be b nengē b sēn wa n zems taab n na n maan rabrā ye.

103. La nebã sên waoog fãa pa sîd-kõt b ye, ba ti fo sã n maanda yã-beed ne rã.
104. Fo leb n pa kot-b yaood kãndagrã yîng ye, ad a pa yî rëndame ti yaa tēegr ne bôn-naandsã.
105. La sōor waoog tagmas-rãmb sên be saasē wã la tēng zug ti bãmb puvugd-b n pa ningd b toog ne-b ye.
106. La b wvsgã fãa pa kõt sîd ne Wēnde, rëndame ti b maand lagem-n-taar ne-A.
107. Rē yînga bãmbã paama bas-m-yam ti Wënd sibgrã pa na n wa bōr-ba, maa Wakatã pa na n ling-b n wa ti bãmb pa ning b yamē?
108. Yeel-ba: ad woto yaa mam sor ti m boond nebã n tvgd Wënd vēnem zugu, maam la neb nins sên pvgd maamã me boodame n tvgd-A, la ylggr be ne Wēnde! La mam pa be legem-n-taarã rãmb pvge ye.
109. La tōnd pa tums sên reng foo taoore, rēnda raopa, sên yî tēn-bedã pvsē, ti Tōnd tumsd wahi wã ti kēngd b nengē. Rē yîngã b pa kēnd tēn-gãngã zug n tagsd n get neb nins sên reng bãmb taoorã baasg sên yî to-to? Ad yaoolem-raar zakã n yud ne sōmblem ne neb nins sên zoet Wëndã, yãmb pa na n maan yam?
110. Tara boto hal ti tēn-tvmbã sã n wa wãag b tēeb ne nebã sîdã kũuni, ti kufi-dãmbã wa tē ti b sên bugsd bãmbã ya zîri, la Tōnd sōngrã sên wat tēn-tvmbã nengē, ti D pōsg Tōnd sên tull n pōsg-b rãmba, la ad Tōnd nangã b pa tōe n tus-a n yî nin-wēnsã ye.
111. Ad bee bãmbã kibayã pvge tags-n-gesg ne pv-tē-nin rãmba, ad pa kibay sên wãag n rogl ye, la ad yaa Gaf-rãmb nins sên reng taoorã sidgre la bũmbã fãa welsgo, la kãndagr la yolsg ne neb sên kõt sîdã.

13. Ar-ra`ad*

Ne Wënd yvvrā barka, sēn yaa yols yaleng Soabā, n yaa Yolsdā, la d sungd d tvvmdā.

1. Altʼ, Laam, Raa,¹ ad woto yaa Gafā Aayay-rāmbā, la būmb ning b sēn sik ti yi fo Soabā nengē n wa fo nengē wā, yē la sūdā, la ad nebā sēn waoog fāa pa kōt sūd ye.
2. Ad yaa Wënd la sēn zēk saasā ti pa tū ne zeng-raad ti yāmb neē ye, rē poorē tʼA zēk Naamā Goeel (Al-Ars) zugu, la A wōr wīndgā la kiuugā ti b fāa zoet n na n tāag wakat sēn yāk toaaga. A kēnesda yelā la A vēnegd tagmas-rāmbā, ti sānd-sānde y na maan bāng-n-wāak ne y Soabā segbā.
3. La yaa Yē n yedg tēn-gāngā la A ning tāmsā la kvulsā. La A maan ti-biis fāa kōbg a yiibu. A luta wīndgā ne yvngā ti lebg lika. Ad tagmas-rāmb be rē pugē ne neb sēn tagsd n getē.
4. La tēngā pugē zīs n be beenē sēn pē taaba, la pvt sēn yaa sib la kood la tamar-tuse, sēn yaa se-yend la sēn weel taaba, b fāa yūnugda ne koom a yembre, la d yus-b taab noomē wā, ad woto yaa tagmas ne neb nins sēn tagsdā.
5. La ti fo sā n maand yel-solemde, ad sēn yud yel-solemd yaa b sēn yete: "rē yīnga tōnd sā n lebg tom, tōnd na n le kēe naan-paall pugē?" ad bāmbā la sēn kiflg ne b Soabā, bāmb me la bāensā sēn na n zīnd b yubliē wā. Yaa bāmb la Bugum koambā, b na n paa be.
6. La b yeta foom ti f wa ne yel-wēndā b nengē ne yāgbo, taoor ti yel-sōmā wā na n pa ta a tek ye, la sūd la hakuka sēn wōnd-b bāmb sibgr renga taoore, la ad fo Soabā yaa yaafg soab ne nebā b wēgbā pugē, la ad fo Soabā yaa sibg-kāenkāe soaba.
7. La neb nins sēn kiflā yeelame: "bōe yīng ti b pa sik yāoā (Mohammad) zug yel-solemd sēn yi a Soabā nengē?" ad fo yaa bugsd bala, la zāma fāa tara a pægdā.
8. Wënd mii pag fāa sēn tvt būmb ningā, la pusā sēn boogdā la a sēn paasdā, la būmb fāa tara toaag A nengē.

* Arra`ad (Saagā kvnkvmā svvra).

[1] Wënd n yud minim ne A sēn rat ne gvls-bi tōsdt-kāensā. La Gvls-bi tōsdt-kāensā, sēn be Svvr-kāensā baasgē wā, yaa sēn wilgd Alkvraānā sēn komsd a gees-n-taasā, bala b geesa kuf-dāmbā ne Alkvraānā, ti b kong n ka tōog n wa ne a buud ye, ti Alkvraānā me -yaool n yaa sēn tui ne gom-biis nins bāmb goamā sēn tuit ne wā, sēn yaa gvls-bi tōsdt bāmbā buudā, ti rēnda wilgd Laarab-rāmbā kongame n ka tōog n wa ne Alkvraānā buud ye, n lagem ne bāmb n yud nebā ne zelem pekā, ti wilgdē ti Alkvraānā a yaa sēn tvme ti yi Wënd nengē.

9. Sēn solg la sēn vēneg Mitā, n yaa Bedr n yaa Zēk-m-meng soaba.
10. Zema taab Yē nengē, ned ning sēn solg a koεeg la sēn vēneg-a, la sēn solg a meng yungo la sēn raeeda ne a tɔum wīndgu.
11. Ad bee [ninsaal] taorā la a poorē wā malegs sēn ledsd taaba n gūud-a ne Wēnd sagellā. Ad Wēnd pa toemd sēn be ne nebā halu tɪ b wa toem būmb ning sēn be ne-ba ye. La wēnd sā n rat wēng ne neba, a tUSD ka be ye, b leb n pa tar lalld buud zēng sēn pa Wēnd ye.
12. Yaa Yē la sēn wīnigd yāmb sa-yāgrā, tɪ yaa yāεes la tēeb ne-a ne sa-koomā, la A yēbgd sawatā sēn zisg ne koomā.
13. Tɪ Sa-kvkvkmā yaa sēn ylgd A yvrā, tɪ malegsā be yaεesg pvḡē, la A tumsd sa-tāsā tɪ paamd ned ning A sēn tvlle. Tɪ bāmbā maand tak-n-taar Wēnd yemblemā zugu, tɪ Yē yaool n yaa pān-kegeng soaba.
14. Yē bool n kos la yaa sɪd boolgo! La neb nins sēn boond-b zēng sēn pa Yē wā, b pa sakd b yīng sā n pa wa sēn tēeg a nug n na n yōng koom n kēng a noorē, la a kōn n tol n ta. La kuf-rāmbā kosgā ne b soab-dāmbā pa yɪ rēnda zaalem bala.
15. Yaa Wēnd A ye bal la sēn be saasē la sēn be tēng zug gānegd b mens ne n maand-A Suguudu, ne sak-n-tū bɪ ne tilae, la b maasmā me maanda boto yibeood la zaaba.
16. Yeele: "Ānd la saas la tēng Soabā?" yeele: "yaa Wēnde". Yeele: "yāmb na n baoa lall-n-taas zēng sēn pa Wēnde, (sob-bāmb yaool) n pa tōe n naf b mense, b pa tōe n nams me? Yeel-ba, rē yīngā zoang la net zema taab bu? Bɪ lik ne vēnem zema taaba? Bɪ b maan n kōo Wēnde lagem-n-taas sēn naan wala Wēnd naanegā, hal tɪ naanegā wa wōneg taab bāmb nengē? Yeele: " Wēnd la būmb a fāa Naanda, A yaa a Yembr n yaa Modgr Naaba.
17. A sikda sāasē wā koom tɪ ko-soodā pid ne-a n zems ko-soog fāa yalem, tɪ ko-zotmā wuk puud tɪ zēke; būmb ning bāmb sēn yēnegd bugmē wā, n baood faas teed la wvm-noogā tara puud wa rē bilgri. Yaa woto la Wēnd rɪkd sɪdā ne zīri wā bilg-n-taare, la sā n yaa ko-puudā la loogda zaalem-zaalem, la sā n yaa sēn nafd nebā, yē kaoosda tēngā zugu. Yaa woto la Wēnd rɪkd bilsgā n wīnigd nebā tɪ b na tall yam.
18. Neb nins sēn sak b Soabā (boollā) tara sēn be neerā (Arzāna), la neb nins sēn pa sak-A wā, baa b sā n da tara sēn be tēngā zug fāa la a to sēn yaa wa rē n paase, b na rɪk-a n yao n pōsg b mengā. Bāmb rāmb tara geelg sēn yaa wēnga, tɪ b gāag-zīig yaa Gehannam, la gāag zīig yɪ wēnga.

19. Rē yīnga, ned ning sēn mi ti būmb ning B sēn tums ti wa fo nengē wā yaa sīda wēnda ned sēn yaa zoanga? Ad yaa yamā rāmb bal n tagsd n getē.
20. Sēn pidsd-b b sartā ne Wēndā, la b pa viigd b pvlengo
21. Bāmb la sēn tōkd Wēnd sēn sagl ti b tōkā, la b yaæsd b Soabā la b yaæsd geel-wēngā.
22. La b maand sugr b Soabā yardā baoob yīnga, la b yānes Puvsgā la b yākd b arzēgsā Tōnd sēn kō-ba n nafdē, n solgd n kōtē la b vēnegdē, la b tusd wēng ne sōma, bāmbā rāmb tara baas neere.
23. Arzān zīndidis pugē la b na n kē, n lagem sēn manega n yi b bārāmbē, b zagsā-rāmbē la b koambē, ti malēgsā kēed b nengē ne ragnoorē fāa n beend-b (n yetē:)
24. "Laafi be ne yāmba, y sēn maan sugrā yīnga!" Ad yāmb yaolem zak be neere.
25. La neb nins sēn yidgd Wēnd pvlengā b sēn loe-a poorē, la b wāagd alkaool ning Wēnd sēn sagl ti b tōkā, la b kēnd tēngā zug n maand sāangā, ad bāmbā-rāmb la kāabgā sēn be ne wā la b tar baas-beedo.
26. Wēnd n yalgd rtlā n kō A sēn rat ned ninga la A weogdē, la ktrf-dāmbā kīdemda ne dūni vumā, la dūni vumā pa fvi yaolem rarārā taoor rēndame ti yaa wum-noog sēn yaa gīrg bala.
27. Ti neb nins sēn ktlā yeele: " yaa bōe ti b pa sik yel-solemd n kō-a (Mohammad) sēn yi a Soabā nengē?" yeel-ba: "ad Wēnd menesda A sēn rat-a la A kāndag ned ning sēn lebs a menga n tug Yē nengē.
28. Bāmb la neb nins sēn kō sīdā ti b sūyā paamd yōgneg ne rē wā, la pa Wēnd yvūrā tēegr la sūyā rag n yōgend ne la?
29. Sēn kō-b sīd la b tum sōmā wā, b tara vvi-noog la geelg sēn yaa sōma.
30. Yaa woto la Tōnd tums foom n tug zamaē zāma a taab sēn reng b taoore, sēn na yil n ti f karem b zug būmb ning Tōnd sēn sik ti wa fo nengē wā, ti bāmb yaool n pa kōt sīd ne yolsg Naabā ye. Yeele:" yaa Yē la mam Soabā, soab zēng ka be sā n pa Yē. Yaa Yē zug la m bobl m mengā, la yaa Yē nengē la mam lebgr zīiga.
31. La lak Kvrāan sā n da beeme ti b kēnes tāms ne-a, maa ti b pārg tēngā ne-a, maa b vuvgd kūum ne-a (ad rag n na n yu Alkvrāan-kāngā). La ad yellā gill fāa bee ne Wēnde, rē yīnga sīd kōatbā pa bāng ti Wēnd sā n da ratē, A rag n na kānd nebā fāa gilli. La neb nins sēn ktlā pa bak n be toog pugē b tvum-yoodā yīnga, pa rē bi a (toogā) sigd b zagsā kuremsē hal ti Wēnd pvlēn-wēngā wa wa, ad Wēnd pa viigd pvleng ye.

32. Sid la hakuka, ad b ra yaala tēn-tvumb sēn reng fo taoore, ti Mam yaoolg kifr-dāmbā, rē poorē ti M yōk-ba, la Mam Yōkrā yu wān-wāna?
33. Rē yīnga, sēn gūsda yōor fāa sēn tvum n sōmb ne tūub b₁, " b₁ yaa bāmb rvbsā?". La ba ne rē fāa b naagda lagem-n-taas ne Wēnde. Yeel-ba: "togs-y tōnd b sēn yaa b rāmb ti d gese. B₁ yāmb wīnigd-A-la A sēn pa mi būmb ning tēng zugu? B₁ yaa gom vud bala? " Ayae, ad svtāan n faas kifr-rāmbā rabsgā n kō-b ti b gōdg n yi so-turgā zugu. La ned ning Wēnd sēn menemse, a pa na n paam pægd ye.
34. B tara s₁gr dūni vumā pvgē, la ad yaoolem raarā nangā n yud toom, la b pa na n paam gūudum n yi Wēnd nangā ye.
35. Arzān ning b sēn pvlem wēn-zoetbā bilgri: ko-sood n zoet a tēngrā, a ti-biisā duumdame la a maasmā me. Ad yaa be la wēn-zoetbā baasgo, la kifr-dāmbā baasgo yaa Bugmē.
36. La neb nins Tōnd sēn kō Gafā maanda sū-noog ne B sēn sik ti wa fo nengē wā. La be sulā pvgē neb sēn yagsd sānda. Yeele: "ad B sagla maam ti m tū Wēnde la m da maan lagem-n-taar ne-A ye, m boondame n tvgd A nengē, m lebr zīg me yaa Yē nengē.
37. La yaa woto la Tōnd sik-a (Alkvrāanā) t'a yaa buud ne laarb-rāmb goama. La fo sā n tū bāmbā yamleedā, bāngrā sēn wa fo nengē poorē, fo ka tar lalld buud b₁ gut n yi Wēnd ye.
38. La sid la hakuka Tōnd tuma tēn-tvumb fo taoore, la D maan ti b tar pagb la koamba, la pa sōmb ne tēn-tvum t'a wa ne yel-solemd ti ka tū ne Wēnd n kō sor ye, sek fāa tara gvsem ti be sebrē.
39. Wēnd yēesda A sēn date, la A tabend A sēn rate, la sebrā ma wā bee Yē nengē.
40. Maa ti Tōnd wīnig foom Tōnd sēn pvlem-b rāmb wēngā sānda, maa D reeg f yōorā (ti f pa yā rē), sēn dog ne foom yaa taasgo, ti geelgā rog Tōnd zugu.
41. Rē yīnga b pa yāt ti Tōnd boogd kifr-tēnsā ti l₁slaangā rit a kiremsā? Ad yaa Wēnd n buude, bāgd buud ka ne A buudā ye, A geelg me yaa tvulle.
42. La ad neb nins sēn reng bāmb taoorā maana raba, la rabr gill yaa Wēnd n so, A mii yōor fāa sēn tvmdē, la kifr-dāmbā na wa n bāng baas neer sēn be ne-b rāmba.
43. T₁ neb nins sēn k₁lfbā yeele: "fo pa tēn-tvum ye". Yeele: "ad Wēnd seka kaset yub maam ne yāmb svka, la neb nins sēn tar rēnem Gafā bāngrā me tara kaseto.

14. |braahum*

Ne Wënd yuvrā barka, sēn yaa yols yaleng Soabā, n yaa Yolsdā, la d sungd d tuvmdā.

1. Altf, Laam, Raa,¹ yaa Gaf Tōnd sēn sik-a n tug fo nengē, sēn na ył tı fo yiis nebā likē wā n tug vēnemē wā ne fo Soabā raabo, n tug wilb naab sēn yaa pēgr naabā sore.
2. Soab ning sēn so sēn be saasā la tēngē, la wubd be ne kıfr-dāmbā sēn yaa nang sēn zabde.
3. Neb nins sēn nong dūni wā vumā n yud yaoolem raarā, la b gıgdg Wēnd sorā la b baood n rat-a n golmā, bāmb rāmb bee meneng sēn zār puga.
4. La Tōnd pa tvms tēn-tvuma rēndame tı yı ne a nebā zelemde, sēn na ył t'a vēneg n wīnig-ba, rē poorē tı Wēnd menems Yē sēn rate, la A kānd Yē sēn rate, la Yē la wilb naab n yaa buvd minim naaba.
5. La ad Tōnd tvmsa a Muusa ne tōnd tagmas(rāmbā t'a "yiis f nebā likā puga n tug vēnemē wā, la f tēeg-b Wēnd rasem-rāmbā", ad tagmas be rē pugē ne ned ning sēn maan sugr fāa n yaa bark pvvsa.
6. Tēeg wakat ning a Muusa sēn yeel a nebā: " tēeg-y Wēnd neemā wā y zugu, A sēn wa n pōsg yāmb n yi a Fur-aon rāmb sēn sıbgd yāmb sıbg-wēnga, la b kvvd y kom-dıbli wā la b basd y kom-pugli vuse, tı woto yaa zarb-n-gesg-kēeng sēn yi y Soabē wā.
7. La y Soabā sēn wa n moon n boole: " ad yāmb sā n yı sōm-mıtbā ad Mam na paas-ya, la yāmb sā n yı sōm-zıtba ad Mam sıbgrā yaa kāenkāe.
8. T'a Muusa yeele: " yāmb sā n yı sōm-zıtba, yāmb la neb nins sēn be tēn-gāngā zugā fāa gılli, ad Wēnd yaa sek-m-meng Soaba n yaa pēgr Soaba.
9. Rē yīnga neb nins sēn reng yāmb taorā kibay pa wa yāmb nengē la? A Nuuh la a Aad la a Samuud nebā la neb nins sēn wa bāmb poorē wā, ad ka mi b sōorā sā n ka Wēnde! B tēn-tvumbā kēnga b nengē ne vēnem tı b rüm b nusā la b yeel:" tōnd kıfla ne b sēn tvms yāmb ne

* |braahum (A |braahum svvra).

[1] Wēnd n yud minim ne A sēn rat ne gvls-bi tōsdt-kāensā. La Gvls-bi tōsdt-kāensā, sēn be svvr-kāensā baasgē wā, yaa sēn wilgd Alkvrāanā sēn komsd a gees-n-taasā, bala b geesa kıfr-dāmbā ne Alkvrāanā, tı b kong n ka tōog n wa ne a buud ye, tı Alkvrāanā me -yaool n yaa sēn tui ne gom-biis nins bāmb goamā sēn tuit ne wā, sēn yaa gvls-bi tōsdt bāmbā buudā, tı rēnda wilgd Laarab-rāmbā kongame n ka tōog n wa ne Alkvrāanā buud ye, n lagem ne bāmb n yud nebā ne zelem pekā, tı wilgdē tı Alkvrāanā a yaa sēn tvme tı yi Wēnd nengē

bũmb ningã, la tõnd leb n bee sik-zulung pug sën kēed ne yãmb sën boond tõnd n teesdē wã.

10. Tı b tēn-tvũmbã yeele: "rē yīnga sik bee sën kēed ne Wënd yellã, saas la tēng yēbgdã, A boond yãmb ti y wa t'A yaaf y yel-wēnsã sën loogã la A yaool-y n ti tãag wakat sën yãk toaaga? Tı kifr-rãmbã yeele: "ad yãmb pa yı, rēnda neb wala tõnd bala, y ratame n gidg tõnd ti d ra tũ d yaab-rãmbã sën da tũud bũmb ninsã ye, bı y wa ne tagmas sën vēnegde".
11. Tı b tēn-tvũmbã yeele: "yaa sid ti tõnd yaa neb wala yãmba, la ad Wënd kōta yudlem A yembsã pugē ned ning A sën tvulle, la tõnd pa tōe n wa ne tagmas yãmb nengē rēnda ne Wënd tōogo, la ad yaa Wënd la sid-kōtbã bobend b mens ne.
12. La bōe n na n kit ti tõnd ka na n bobl d mens ne Wēnde, t'A yaool n kãndaga tõnd n wīnig so-tırsã? La d na maan sugr ne yãmb sën namsd tõndã, la ad yaa Wënd la bobl-m-meng rãmb sōmb n bobl b mens ne.
13. Tı neb nins sën kıflã yeel b tēn-tvũmbã: " tõnd na n yiisa yãmb d tēngē wã pa rē bı y leb tõnd dīnē wã!" Tı b Soabã tvũ wahu n yeel-ba: "sid la hakuka D na n halka wēgdã".
14. La D na zīndig yãmb tēngã pug bãmbã loogr poorē! Woto yaa neb nins sën yaeesd yaasgã Mam taorã la b yaees Mam pulem-wēngã!
15. Tı b kos sōngr ne Wēnde, ti na-pãng-soab sën yaa tōat fãa bōne.
16. Tı Gēhanam be taoor n gũud-a. Beenē, b yũnugd-a-la ne met koom.
17. T'a fũrgd-a n pa tōe n vel-a nana ye. Tı kũumã wat a nengē zīgã zãng fãa, la a pa na n ki ye. Tı sıbgr sën tagem ket n gũud-a taorã .
18. Neb nins sën kıfl ne b Soabã tvũmã bilgr yaa wala tompeglem sebg sën zaeems-a seb fugdg raare. B pa na n paam yōod baa fvi b sën tvũmã pug ye, rē bal la menen-zulungã.
19. Fo pa bãng ti yaa Wënd n naan saasã la tēngã ne sida, la A sã n tull A kēnesda yãmb la A wa ne naaneg sën yaa paalle.
20. La rē pa yı n yaa toog ne Wënd ye.
21. Tı b fãa na n yi n kēng Wënd taoore, ti nin-valensã na n yeel b nin-bedã: "ad tõnd ra yume n tũud yãmba, rē yīnga yãmb tōe n sōnga tõnd n yi Wënd nangã baa fvi bı?" – ti neb a taabã yeele: "Wënd sã n da kãndē-la tõndo, d ra na kãndē yãmba, zem ti tõnd ka maan sugri, maa d maan sugri, yaa ye tõnd zugu, d pa tar pōsg zīg ye.
22. T'a svutãan na n yeel yelã sën wat n bı ti se wã: "Ad Wënd pulma yãmb puleng sën yaa sida, ti mam me pulem yãmb n kit ti y yidg Wënd pulengã. Mam da pa yı n tar pãng yãmb zugu, rēnda mam sën

- bool yāmb ti y sak mam boollā bala. Ra maan-y maam taal ye, taal-y y mensā bala. Mam pa tōe n fāag yāmba, yāmb me pa tōe n fāag maam. Ad mam kɪfla ne būmb ning yāmb sēn ra maand ne maam lagem-n-taarā. Ad wēgdbā tara nang sēn zabde.
23. La b na n kēesa neb nins sēn kō sɪdā la b tum sōmā wā arzānā pugē, ti ko-soodā zoet a tēngrā, b na n paa beenē ne b Soabā raabo, b pʊʊsgā beenē yaa: tɪgr bala.
24. Rē yīnga fo pa bāng Wēnd sēn rik bilgri, gom-sōng wēnda wala ti-sōngo, a yēgrā sudame t'a wuilā tāo n tees saasē wā.
25. T'a womd a biisā wakat fāa ne a Soabā sor-kūuni, la Wēnd rikda bilsgā ne nebā, ti raar ninga b na tēege.
26. La gom-wēng bilgr yaa wala ti-wēnga, b sēn vōog-a n yiis tēngā zugu, a pa tar yānesg zīig lae.
27. Wēnd tabenda neb nins sēn kō sɪdā ne tablg-koεga, dūni vumē la yaoolem raarā, la Wēnd menesda wēgdbā, la A maand A sēn rate.
28. Fo ka yēnd neb nins sēn tek Wēnd neemā wā ne kɪflem, la b sik b nebā halkr zakē.
29. Gēhannam la b na n kē ! Ad zīndig zīig yɪ wēnga.
30. La b maanda gees-n-taas ne Wēnd sēn na yɪl n menes nebā n yi A sorē wā, yeele: " wum-y noog ti ad yāmb lebgr zīig yaa Bugmē.
31. Yeel Mam yembs sēn kō-b sɪdā ti b yānes Pʊʊsgā la b yāk rɪtl ning Tōnd sēn kō-ba n naf ne solgr la vēnega, taoor ti raar na n ka ta ti koosem ka be a pugē, ti zood me ka be.
32. Yaa Wēnd n naan saasā la tēngā, la A sigsd koomā n kut ti ti-biisā bul n yaa yāmb rɪtla, la A wōr kogendā n kō yāmb ti b zoet mogrā zug ne A sagelle, la A leb n wōr kvɪlsā n kō yāmba.
33. La A leb n wōr wīntoogā la kiuugā ti b tar kēna, la A leb n wōr yungā la wīndgā n kō yāmba.
34. La A kō yāmb y sēn kos-A fāa. La ti yāmb sā n na n geel Wēnd neemā wā fāa, y kōn n tōog n sōd-b n se ye, ad ninsaal sɪd yaa wēgd n yaa yel-sōm-zita.
35. La tēeg wakat ning a]braahum sēn wa n yeele: "m Soaba, maan ti tēng-kāngā yɪ bas-m-yam tēnga, la F zāag maam la m koambā n yi tēn-kvg tūubu.
36. M Soaba, ad bāmbā (rubsā) menesa nebā wusgo, la ned ning sēn puga maam, a yaa mam neda, la ned ning sēn kusa maam, ad Foom la yaafg naab n yaa yolsg naaba

37. M Soaba, ad mam zīndiga m zakā rāmb ko-soog pug kood sēn ka be, Fo Roogā krenge, sēn na yil ti b yānes Puvsgo, bi F kit ti nebā sūy fiindē n tugd b nengē. La F rulg-b ti-biisā buud fāa ti sān-sānde b na puvv barka.
38. Tōnd Soaba, ad Fo mii tōnd sēn solgd la tōnd sēn vēnegde, la ad būmb pa tōe n solg ne Wēnd tēngā zugu, pa tōe saasē wā me.
39. Pēgr be ne Wēnd sēn kō maam a [smaa-ul la a [shaaka mam kāseng zugu, ad mam Soabā yaa kosg wumda.
40. M Soaba, sōng maam ti m yi Puvsg yānesda, la sōng sēn yi m koambē wā me. D Soaba! La F reeg m kosgā.
41. D Soabā! Yaaf maam la m roagdb a yiibā la sid-kōatbā yikrā geelg raare".
42. La f ra tē ti Wēnd maanda yam yaal-yaal ne wēgdbā sēn tumdā ye, ad A yaoond-b lame n na n gū raar ning nin sēn na n noodā.
43. N serdē n nak b zutā, ti b ninā pa kamsd ye, ti b pelemsā yike.
44. La f bugs nebā ne raar ning nangā sēn na n wa-ba, ti wēgdbā yeele; " d Soaba, yaoolg tōnd n kēng wakat bilfu, ti d sak Fo boollā la d tū tēn-tuumbā" – yāmb rag n pa yi n wēendē ti yāmb ka na n tol n yik la?
45. La y zīnd neb nins sēn wēg b mensā zīisē, ti yi vēneg ne yāmba yel nins Tōnd sēn maan bāmbā, la Tōnd leb n rik bilsg n kō yāmba.
46. La sid la hakuka b maana rabre, la b raba wā fāa bee Wēnd nengē, pa solg-A ye, la bāmb raba wā pa tōe ti tāms yik ye.
47. Bi f ra tē ti Wēnd na n yidga A pulengā ne tēn-tuumbā ye, ad Wēnd yaa vilb naaba, n tar maan-n-role.
48. Raar ning b sēn na n tedg tēn-gāngā ne tēn-gāng a to, la saasā me ne a taaba, ti nebā na n wa Wēnd taoore, Soab sēn yaa a Yembr n yaa Modgr naabā taoore.
49. Ra-kāng raarā fo yāt nin-wēnsā ti b tedg taab bāensā pusē.
50. B futā maana ne zēoong-taale, ti Bugmā buiid b nemsā.
51. (Woto fāa) yaa sēn na yil ti Wēnd yao yōor fāa a sēn tume, ad Wēnd yaa geel tao-tao soaba.
52. Ad woto (Alkvrāanā) yaa taasg ne nebā, la sēn na yil ti b bugs b mensā ne-a, la sēn na yil ti b bāng t'A yaa Soab a yembr taa, la yam-beel rāmbā tall n tēge.

15. Al-Higr*

Ne Wënd yvvrā barka, sēn yaa yols yaleng Soabā, n yaa Yolsdā, la d sungd d tvvmdā.

1. Aluf, Laam, Raa,¹ woto yaa Gafā Aayar-rāmb la Alkvrāan sēn vēnegde.
2. Kufi-rāmbā na n wa tvll n nongame n yiē moeemba [sak-n-tū-rāmba].
3. Bas-b ti b rutē la b maan wum-noogo, ti tēebā liibd-ba, ad b na wa n bānge.
4. La Tōnd pa halkd tēnga, rēndame t'a ra tara wakat b sēn mi.
5. Zāma pa tōe n reng a wakato, a leb n pa tōe n yaoolg-a ye.
6. Tı b (Mak-rāmbā) yeele: "yaa foom b sēn sik Alkvrāanā n kō-a soabā, ad fo sūd yaa gāeenga.
7. Bōe yīng ti fo pa na n wa ne malegs tōng nengē, sã n mikame ti f yaa sūd soaba?"
8. Tōnd pa sikd malegsã rēndame ti yı ne sıda, la wakat-kāngā, b pa na n koll-b ye.
9. Ad yaa Tōnd n sik Alkvrāanā, la ad yaa Tōnd n gūud-a.
10. La ad Tōnd tuma sēn reng fo taoore ti kēng rēnem rāmbā sulē wā.
11. Tēn-tvum buud pa wat bāmbā nengē, rēndame ti b yı n yaand-a.
12. Yaa woto bal la Tōnd kēesd-a (kugā) nin-wēnsā sūy.
13. B pa kōt sūd ne-a lae (Alkvrāanā) la ad pīnd rāmbā lemba b pvure ti looge.
14. La baa ti Tōnd sã n pak ragnoor saagē wā, ti b kel n rvvd be
15. B ra na n yeelame: "ad b raaga tōnd ninā, b pvu n maana tōnd tum.
16. La ad Tōnd ninga saagē wā ādse, la D le nags-a ne a getbā.
17. La D leb n gū-a n yi sutāan fāa b sēn rig n zāag Wënd yolsgā.
18. Sã n pa sēn zuka n kelge, ti bug-vileng sēn yaa vēneg pvlg-a.
19. La tēn-gāngā, Tōnd yedg-a lame la D ning a zug tān-bed la D buls a pvge būmbā fāa ti zemse.
20. La D ning a pvge rıbd yāmb yīnga la D rılgd bōn-vuls a taab yāmb sēn pa rılgde.

* Al-Higr (Higr tēngā svvra).

[1] Wënd n yud minim ne A sēn rat ne gvls-bi tōsdt-kāensā. La Gvls-bi tōsdt-kāensā, sēn be Svvr-kāensā baasgē wā, yaa sēn wilgd Alkvrāanā sēn komsd a gees-n-taasā, bala b geesa kufi-dāmbā ne Alkvrāanā, ti b kong n ka tōog n wa ne a buud ye, ti Alkvrāanā me -yaool n yaa sēn tui ne gom-biis nins bāmb goamā sēn tuit ne wā, sēn yaa gvls-bi tōsdt bāmbā buudā, ti rēnda wilgd Laarab-rāmbā kongame n ka tōog n wa ne Alkvrāanā buud ye, n lagem ne bāmb n yud nebā ne zelem pekā, ti wilgdē ti Alkvrāanā a yaa sēn tvme ti yi Wënd nengē.

21. La bũmb buud pa be rëndame ti Tõnd tar a kvlem-biisã la Tõnd pa sikd-a rēnda sēn na zems bala.
22. La Tõnd tũma sebgã t'a leegd sawatã ti D sik saasē wã koom n yũnug yãmb ne-a la yãmb rag n pa tõe n kogl-a ye.
23. La ad yaa Tõnd n vumsd la D kvvda, la leb n yaa Tõnd la faad rikdba.
24. Ad Tõnd mii yãmb svkã neb nins sēn deng taoore, la Tõnd le mi neb nins sēn yaoolbã.
25. Ad fo Soabã n na n tigim-b gilli, ad A yaa buud mita n yaa mita.
26. La ad Tõnd naana ninsaal ne yagd sablg sēn yaa koeng koe-koe.
27. La sã n yaa zĩn-rãmbã, Tõnd reng n naan-b lame ne bug-zirga.
28. Tēeg fo Soabã sēn wa n yeel malegsã: " Ad Mam na n naana ninsaal ne yagd-sablg sēn yaa koeng koe-koe.
29. La M sã n wa saas-a n fũvs M vumã a pugē, bĩ y lvĩ n maan-a suguudu.
30. Tĩ malegsã fãa gill maan-a suguudu.
31. Sã n pa a [blus sēn zãgs t'a pa na n lagem suguud maandbã.
32. Tĩ Wēnd yeele:" [blusa, bõe n tar foom ti f pa lagem suguud maandbē?
"
33. T'a yeele: "mam pa yĩ n na n maan ninsaal suguud ye; Fo naan-a-la ne yagd-sablg sēn yaa koeng koe-koe.
34. T'A yeele: " bĩ f yĩ [arzãnã pũga] bala fo yaa b sēn rig n zãag yolsgo!
35. La kãab beed be ne foom n ti tãag dĩinã yaoob raare!"
36. T'a yeele: m Soaba, bĩ F koll maam n ti tãag raar ning B sēn na n yik-ba"
37. T'A yeele: " rēnd fo naaga b sēn na n koll-b rãmbã.
38. Hal n ti ta raar wakat sēn mi.
39. T'a yeele:" m Soaba, Fo sēn menes maamã yĩnga, mam na n faasa wēngã b yĩng tēn-gãngã zugu, la m na n menemsa b fãa gilli.
40. Sã n pa Fo yembsã sēn yaa F sēn yilg-b rãmbã".
41. T'A yeele: "ad wãnde yaa so-turg sēn taasd Mam nengē.
42. Ad Mam yembsã, fo pa tar pãng b zug ye, rēnda ned ning sēn tũ foom n naag neb sēn kedje.
43. La ad gehannem la b fãa sek zĩiga.
44. A tara noy a yopoe, noor fãa bãmb pēdg tara b puur be.
45. Ad wēn-zoētbã bee arzãn-rãmb la ko-nin pugē.
46. Kē-y-yã-a ne laafi, n yaa bas-m-yam rãmba.
47. Tĩ Tõnd yĩis sũ-kĩir fãa b sũyē wã, ti b lebq ma-biisi, n be gãas zut n tees taaba.
48. Yaams pa paamd-b a pugē, b leb n pa na n yĩis-b be ye.

49. Kõ M yembsã kibar tu yaa Maam la yaafg naab n yaa yolsg naaba.
50. La Mam sibgrã me n yaa sibg toaaga.
51. Leb n kō-b kibar sēn kēed ne a [braahum sãambã.
52. B sēn wa n kē a nengē n yeele: "Salaam" tulgr bala, t'a yeele: " ad tōnd yaæesda yãmba".
53. Tı b yeele: "ra yaæes ye! Tōnd kōta foom koe-noog ne biig sēn yaa bāngda.
54. T'a yeele: yãmb kōta maam koe-no-kāngã tu mam yaool n lebga kãsema? Yaa bōe sū-noogre?
55. Tı b yeele: ad tōnd nooga fo sūur ne sıda, bi f ra yı tēeb wāagd ye.
56. T'a yeele: " la ãnd n wāagd a tēeb ne Wēnd yolsgã, sã n pa menemdbã?"
57. La a yeele: " bōe la yãmb rata yãmb a tēn-tumdbã?"
58. Tı b yeele: " ad b tuma tōnd tu d kēng nin-wēnsē wã,
59. Rēnda a Luvt zakã rãmba, tōnd na n pōsga b gilli,
60. Rēnda a pagã bala, "Tōnd buume t'a na n zında halkdbã puga.
61. La tēn-tumdbã sēn wa n wa a Luvt zakã rãmbē wã.
62. A yeelame: "ad yãmb yaa nin-sãambse".
63. Tı b yeele: "ayo, tōnd waa fo nengē ne būmb ning bãmb sēn da yı n maan sikã".
64. D waa fo nengē ne sıdã, la tōnd yaa sıd-rãmba.
65. Bı f yı yung ne f zakã rãmba, la f pug b poorã, la yãmb ned ba a ye ra wēneg a poorē ye, la tees-y b sēn saglē yãmbã.
66. La Tōnd togs a Luvt yel-kānga: tu ad bãmbã yēgrã na n wãaga be-vēer wakato.
67. Tı (Saduum) tēngã rãmb wa n kudemdē.
68. T'a yeele: "ad bãmbã yaa mam sãamba, ra ning-y-m yãnd ye.
69. La zoe-y Wēnd la y ra yãndg-m ye.
70. La b yeele: "rē yīnga, tōnd pa gıdg foom tu f ra reeg nebã sãando?"
71. T'a yeele: "ad bãmbã yaa mam kom-pugli tu yãmb sã n rat (n furi).
72. M wēen ne fo vumã! Ad b be b suubã pugē n tuumdē.
73. Tı tãsgã rik-b winto-pukr wakato.
74. Tı Tōnd lebg (tēngã) a tēngr n ning yīngri la D kut tu kug sēn yaa tãnwumi ni b zugu.
75. Ad woto yaa tagmas ne neb nins sēn yaa tags-n-ges rãmbã.
76. La ad (tēng-kāngã) bee so-raoog zugu, (tı b gillã fãa mi-a).
77. Ad bee rēnda pugē sēn yaa tags-n-gesg ne sıd-kōtbã.
78. Ad Al-Ayka tēngã rãmb me ra yu wēgdba.

79. Tı Tõnd maan-b n role, la ad (tẽn-bãmbã) b yibã bee so-raoog zug ti yaa vënega.
80. La ad Al-higr têngã rãmb rag n yagsa tẽn-tuumbã.
81. La Tõnd rag n kõi-b-la Tõnd tagmas-rãmbã ti b ra balldẽ n yit-ba.
82. B ra bogda tâensã n maand roto, n tar bas-m-yam.
83. Tı tâsgã rik-b be-vëer wakato.
84. Tı b sẽn da yı n baoodẽ wã pa naf-b ye.
85. La Tõnd pa naan saasã la têngã la bũmb ning sẽn be b yibã svkã, rẽnda ne sıda, la ad Wakatã (dũni wã yikrã) sid na n waame, sik ka be ye, bı f maan bas-tı-loog sẽn be neere.
86. Ad fo Soabã la Naanda, n yaa minim naaba.
87. La ad Tõnd kõi foom Aayay a yopoe sẽn karemd n yilemdẽ, la Alkrãan wagallã.
88. Ra tool f nin a yibã n get bũmb ning Tõnd sẽn wũms-b noog kõbg toor-toorã ye, ra leb n sãam f sũur b zug ye, la sik f meng ne sid-kõtbã.
89. La f yeele: "maam la bugsd sẽn yaa vënega".
90. Tı bũmb ning Tõnd sẽn sik welgdbã zugã buud ra wa paam-y ye,
91. Neb nins sẽn maan Alkrãanã peds-pedsã.
92. Ne fo Soabã yõore, D na n sogsa b fãa gilli
93. B sẽn da yı n tuumdẽ wã.
94. Bı f vëneg b sẽn sagl foom ne bũmb ningã la f ball n yi lagem-n-taarã rãmba.
95. Tõnd na n gũu foom n yi yĩgsdbã.
96. Sẽn lagem-b soob-dãmb a taab ne Wëndã, b na wa n bãnge.
97. La ad Tõnd miime ti fo sãamda f sũur ne b sẽn yetã.
98. Bı f yıl f Soabã ne pëgre la f yı n naag puvsdbã.
99. La tũ f Soabã hal ti sidã (kũumã) wa wa foom.

16. An-nahl*

Ne Wënd yvurā barka, sēn yaa yols yaleng Soabā, n yaa Yolsdā, la d singd d tvumdā.

1. Wënd yellā waame, bī y ra yāg ne-a ye, A yilgame n zēk n yi bāmb sēn maand-A lagem-n-taarā ne wā.
2. A sikda malegsā ne wahī wā sēn yaa A sagellā, A sēn tull a soab nengē A yembsā pvgē, tī b bugs n yeel tī: "soab ka be rēnda Maam, bī y zoe-Ma".
3. A naana saasā la tēngā ne sīda, A Naam yī wagell n yi b sēn maand-A lagem-n-taar ne wā.
4. A naana ninsaala sēn tū ne mani, t'a yik n yaa no-koeem zaal soab vēeneg-vēenega.
5. La rūmsā, A naan-b lame n kō yāmba. Bee b pvgē, yāmb sēn yiisd waood teed b pvgē, la yōod a taab me. Bee b pvgē me yāmb sēn rute.
6. La b tara rasānd yāmb gesgē y sā n wa n kēesd-b zaabre la y sēn wat n pakd-b yibeoog n na n raage.
7. La b zulgd yāmb zubā n kēngd tēng ning yāmb sēn da pa tōe n ta rēndame tī tūu ne yaamse, ad yāmb Soabā yaa nin-bāan-zoet n yaa yolsg naaba.
8. La wiidi wā ne bōensā, yaa y na zombdē n le yaa faas teedo. La A naand yāmb sēn pa mi.
9. Ad so-turgā wīnigr bee ne Wēnde, bala soe sānda yaa golemse. A sā n rata A kāndgd-y-y fāa gilli.
10. Yēnd n sikd koom saasē wā yāmb yūub yīnga, la tus me yiisg tī y wābendē.
11. A bulsda ne-a koodā la zaetvvnā la tamar tusā la sib-rāmbā la tī-biisā buud fāa, ad bee rē pvgē tagmas ne neb sēn tagsde.
12. La A wōr n kō yāmba, yvngā la wīndgā. Wīntoogā la kiuugā la ādsā yaa sēn wōr ne A saglga, ad tagmas bee woto pvgē ne neb sēn ya yam-rāmba.
13. La A sēn naan n kō yāmb tēngā zugā, sēn yaa kōbg toor-toore, ad tagmas be woto pvgē ne neb sēn tagsd n getē.
14. La leb n yaa Yē n nom mogrā n kō yāmba, sēn na yīl tī y rī nemd sēn yaa maas a pvgē, la y yiisd a pvgē faas teed n yeelgdē, la fo yāta kogendā tī b pārgd mogrā n rukdē, la sēn na le yīl tī y bao A yudlemā, tī sānd-sānd me y na pvvv barka.

* Annahl (Sī wā svura).

15. La A sela tēn-gāngā zug tāmse, sēn na yil t'a ra miim ne-y ye, la kvuls la soay sēn na yil ti y tūudē.
16. La A maan tagmas-rāmba, la ādsā ti bāmb bāngd soay ne rē.
17. Rē yīnga, ning sēn naandā wā wōnda wala ned ning sēn pa naandā wā, yāmb pa tagsd n getē laa?
18. La ad yāmb sā n na n sōd Wēnd neemā wā, y kōn n tōog n bāng b sōor ye, ad Wēnd yaa yaafg naab n yaa yolsg naaba.
19. La Wēnd mii būmb ning y sēn solgdā la y sēn vēnegdā.
20. La bōn-yood nins b sēn boond zēng sēn pa Wēndā, b pa tōe n naan baa fvt, bāmb me b naan-b lame.
21. (B) Yaa kums n pa vvus ye, b leb n pa mi wakat ning b sēn na n yik-b kūumā poorē wā ye.
22. Yāmb Soabā yaa Soab yenga, la neb nins sēn pa kōt sid ne yaolem raarā, b sūyā kusda rē ti b yaa waoog-m-mens rāmba.
23. Sik ka be ti Wēnd mii b sēn solgdā la b sēn vēnegdā, ad A pa nong waoog-m-mens rāmb ye.
24. La b sā n yeel bāmba: "yaa bōe la y Soabā siki? La b sēn yete: " yaa pīnd rāmb soalma!
25. Tī b na n wa tvk b zubā poaem dūni-yikrā raare, la neb nins bāmb sēn menemsd ti pa tū ne bāngrā me zubo. Ad bāmbā sēn tvkdā yī wēnga.
26. Ad neb nins sēn reng bāmb taorā rag n maana raba, ti Wēnd ta b meoongā yēgrē n kut ti b meoongā gēk n lvi b zugu, ti sūbgrā wa-b zīig ning b sēn n ka tēedē.
27. Rē poorē, Dūni-yikr raarā A na n yāng-b lame la A yeel-ba:" Mam lagem-n-taas nins yāmb sēn da yī n zabd b yīngā bεε?" Tī bāngdbā yeele: " ad yānd la wēng be kīfr-rāmbā zug rūndā daarā.
28. Neb nins malegsā sēn reegd b yōyā ti b yaa wēg-m-mens rāmbā, ti b na n sak n tū nana la b yeele: "tōnd ra pa tvmd wēng buud ye!" " n-ye, ad Wēnd mii yāmb sēn da yī n tvmdē wā.
29. Bī y kē għannem ragnoy wā, ti y yaa paadb a pvgē, rēnd waoog-m-mens rāmbā gāag zīig yī wēnga!
30. Tī b yeel neb nins sēn zoe-b Wēndā: "yaa bōe la y Soabā siki?" ti b na n yeele: " yaa sōma". Neb nins sēn maan sōma dūni kaanē wā b tara rolb sēn yaa sōma dūni; la yaolem raar zakā n yud sōmblem, la ad wēn-zoetbā zak be neere!
31. Arzān zīndidgā, la b na n kē, ti kvulsā zoet b tēngrā, b tara b sēn rat fāa a pvgē, yaa woto la Wēnd rond wēn-zoetbā.

32. Neb nins malegsā sēn reegd b yōyā tī b yaa nin-sōmā wā b yet-b lame: "tulgr be y yīnga! Kē-y arzānā y sēn da yī n tumdē wā yīnga".
33. Rē yīnga b gūuda būmb n zvvg malegsā wa wa bāmb nengē maa fo Soabā sagellā wa wa bāmba? Ad yaa woto la neb nins sēn reng bāmbā maane, la Wēnd pa wēdg ye, ad yaa bāmb n yī n wēgd b mense.
34. Tī tvvm-beed nins bāmb sēn maanā paam bāmba, tī b sēn rag n yaand būmb ningā wā gūbg-b n gilgi.
35. Tī neb nins sēn maan lagem-n-taar ne Wēndā yeele:" Wēnd sā n da tullē tōnd ra ka na n tū baa fvi zēng sēn pa Yē ye; tōndo la d ba-rāmbā me ra pa na n maanē woto ye, d ra ka na harem būmb me ye". Yaa woto la neb nins sēn reng bāmb taorā maane, la rē yīnga būmb roga Tēn-tvmdbā sā n ka taasg sēn vēnegde?
36. La sīda, Tōnd tvmsame tī kēng zāma fāa nengē Tēn-tvuma [sēn na yīl n t'a yeel-ba]: "tū-y Wēnd la y zāag rvbse, Tī be b pvğē Wēnd sēn kānde, la be b pvğē meneng sēn sīdg b rāmb zugu. Bī y kēn tēngā zug n ges yagsdbā baasg yū wān-wāna?
37. Baa tī fo sā n maand yā-beed ne b kāndagrā, ad Wēnd pa kāndagd ned A sēn menems ye, b pa tar sōangd buud me.
38. La b wēen ne Wēnd b pāng tēka: tī Wēnd pa vvvgd ned sēn ki ye. Ad pa sīd ye! Ad yaa puleng sēn yaa sīda n rog A zugu, la ad nebā wvsg fāa pa mi ye.
39. (A na n vvvug-b lame) sēn na yīl n vēneg n wīnig-ba b sēn da yī n yōsd taab būmb ning zugā, tī kuf-rāmbā me bāng tī bāmb ra yū zīri-be-rāmba.
40. Ad Tōnd sā n rat yell t'a yī, yaa D yeel-a bal t'a "yī" t'a be yubē.
41. La neb nins sēn yik ne b dīnā Wēnd yīnga, b sēn wēg-ba loogr poorē, D na zīndg-b zīg sēn be neer dūni kaanē. La yaoolem-raar keorā n yud bedrem, tī b sā n da miime.
42. Neb nins sēn maan-b sugr la b rik b mens n bobl ne b Soabā.
43. La Tōnd pa tvms taor tī fo pa wa rēnda raopa; tī Tōnd tvmd wahu wā b nengē. Bī y sok gafā rāmbā tī y sā n pa miē.
44. (Tōnd tvms-b lame) ne vēnem la gāf-rāmbā, La D sik Alkvrāanā fo nengē sēn na yīl tī fo vēneg n wīnig nebā b sēn sik n kō-bā, la sēn na yīl tī b tagse.
45. Rē yīngā sēn rabsd-b wēnsā maana bas-m-yam tī tēngā kōn n bōr-ba? Maa sibgr wa b nengē b sēn pa tēed zīg ningē?
46. Maa a yōk-b b gil mā pusē tī b pa tōe n pōs ye.

47. Maa a yök-b b rabeemã pugë. Ad yãmb Soabã yaa nin-bãan-zoet n yaa yoalsda.
48. Rë yïnga b pa yãnd ti bũmb fãa Wënd sën naanã maasem yaa sën kulld goabg la rıdgo, n maand suguud ne Wënde, ti b yaa sën sik b mense?
49. La yaa Wënd la sën be saasë la sën be têngë, sën yaa bõn-yãnemds fãa maand suguudu, la malegsã me, ti pa naag ne waoog-m-meng ye.
50. B yaeesda b Soabã sën be b yïngrã, la b maand b sën sagl-b ne wã.
51. La Wënd yeelame: "ra rik-y soab rãmb a yiib ye, ad Soab sën tũud yaa a yembr bala, bı y yaees Maam bala".
52. La Yë n so sën be saasë la têngë, la yaa Yë n so tũudmã ti tab ne-A, rë yïnga zëng sën pa Wënd la yãmb yaeesda?
53. La neema fãa yãmb sën tare, yii Wënd nengë, rë poorë wëng sã n paam yãmba, yaa Yë nengë la yãmb lebda.
54. Rë poorë, A sã n zëk nangã n bas yãmba, la yãmb këer sën maan lag-m-taar ne b Soabã.
55. N na n kifl ne A sën kō-b bũmb ningã wã, bı y wum noogo ti y na wa n bãnge!
56. La b yãkd puur Tõnd sën rılg-b bũmb ningã pugë n kõt (b rubsã) b sën pa mi b rãmb yõodo. Ne Wënde! B na sok yãmb y sën da yı n naandë wã.
57. La b yet ti kom-pugli wã yaa Wënd rënda; A naam yulgame! N yaool n kõt b mens bãmb sën nongã (kom-ribli).
58. La b sã n noog b yembr fãa sũur ne bi-pugla la a nengã sën kelled n sobg t'a yaa sũ-toog soaba.
59. N solgd a nebã b sën kō-a kibar ne bũmb ningã wëng yïnga. A na n zã-a-la ne yaalg bı a na n bus-a-la tomë? Ad bãmbã sën buvdã yı wënga.
60. Neb nins sën pa kõt sud ne yaolem raarã, bãmb n tar bilg wëngã (b sën da yı n bilgd Wëndã). La Wënd [A ye] n tar bilgr sën yud zëkre, Yë me la a Winda, n yaa a Buvd-mita.
61. La ti Wënd sã n da yökda nebã ne b wëgdã, A rag n ka na n bas têngã zug bõn-vũnung buud ye, la ad A yaoond-b lame n na n tãag wakat sën yãke, la b raarã sã n ta, b pa na n yaoolg-b ye, b leb n pa na n yãg ne-b ye.
62. La b kõt Wënd bãmb sën kis bũmb ningã, ti b zilmã yet ziri ti bãmb tara sën be neer Wënd nengë. Sik kae ti Bugum la b tara, n na kē ne yãbgo.

63. Ne Wēnde! Ad Tōnd ra tvmame ti kēng zāma fo taoore t'a Sutāan faas b tuvmā n kō-ba, rēnd yē la b lall-n-taag rūndā, la b le tar sibgr sēn zabde.
64. La Tōnd pa sik Gafā n kō foom, rēndame ti yaa sēn na kut ti f vēneg n kō-ba b sēn yōs taab būmb ning zugā, n leb n yaa kāndagre, la yolsg n kō neb nins sēn kōt sūdā.
65. La yaa Wēnd n sik koom sēn yit saasē, n vumsd tēngā ne-a a sēn ki poorē, ad bee rē pugē tagmas sūd-sūd ne neb sēn wumde.
66. Ad bee rūmsā pugē, tags-n-gesg n kō yāmba: Tōnd yūnugda yāmb būmb ning sēn be rūmsā pusē wā, sēn yit bīnd la zum svka, ti yaa bīisim n yaa yilenga, n sakd loogr ne yūudba.
67. La ti-biisē wā, sēn yi tamar tus la sibi, ti y yiisd bōn-yūudi sēn suud la rttl sēn yaa yilemde, ad bee woto pugē tagmas-rāmb n kō neb sēn tar yam.
68. La fo Soabā tvmame ti kēng sī wā nengē:" rik-y tāensā n maan y roto, la tusā, la b sēn yagendā.
69. Rē poorē ri-y ti-biis buud fāa la y rik y Soabā soyā sēn kōogā. Tū bōn-yūudi yit b pusē wā kōbg sēn yōs taaba, ti yaa tip-tum n kō nebā be a pugē, ad tagmas be rē pugē ne neb sēn tagsd n getē.
70. Ad yaa Wēnd n naan yāmba; rē poorē t'A kv yāmba. Be yāmb svka b sēn na n bas t'a kvvl n ta vum vūnug zīgē, sēn na yl t'a ra bāng baa fv a sēn da mi poorē, ad Wēnd yaa Mita n yaa Tōoda.
71. La Wēnd yusa yāmb taab rttlē wā, la b sēn yus-b rāmbā pa yi n sak n kō b rttlā b yembsā ti b fāa lebg a yembr ye. Wēnd neema wā la y maan sōm-zulem ne?
72. La Wēnd maana pagb sēn yi yāmb mensē wā n kō yāmba, la A leb n maan n kō-ya sēn yi yāmb pagbē wā kom-ribli la yagense, la A rulg yāmb ri-yilmā. Zīri wā la b kōt sūd ne-a la b yaool n maan sōm-zulem ne Wēnd neema wā?
73. La b tūud zēng sēn pa Wēnde, būmb sēn pa tar rttl n na n kō-b saasē bī tēngā zugu; b pus n pa tōe.
74. Bū y ra maan wēnes-n-taas ne Wēnd ye, ad Wēnd miime la yāmb pa mi ye.
75. Wēnd rika bilgri, yamb b sēn so-a t'a pa tar tōoga, ne Tōnd sēn kō a soab rttl sēn be neere, t'a yākd-a n nafdē sēn solg la sēn vēneg pugē. Rē yīngā nin-bāmbā b yiibā zema taaba? Pēgr be ne Wēnde! La ad b wusg fāa pa mi ye.

76. La Wënd leb n rika makr ne neb a yiibu, a yembrā yaa muka, a pa tõe n maan baa fu ye, n yaa zub a zu-soabā zugu; a zu-soabā sën tees-a zīg ning fāa, a pa wat ne bōn-sōng ye, rē yīnga yē soabā zema ned ning sën sagenda ne tēeg-turg la a leb n be so-turg zugu?
77. Ad sën solg saasē la tēngē yaa Wënd n so, ad dūni wā yikr yell pa y rēndame t'a yaa wa nif-kamsg maa yē pēnegrā n yude, ad Wënd yaa būmbā fāa tōogda.
78. Ad yaa Wënd n yiis yāmb y ma-rāmbā pusē ti y pa mi baa fu, la A naan ninā la twbā la sūyā n kō yāmba, ti sānd-sānde y na pus barka.
79. Rē yīnga yāmb pa get luili wā ti yaa sën nom ti b be saasā ween-n-vuugē, ti būmb pa gād-ba, rēnda Wënd bala, ad bee woto pugā sën yaa tagmas-rāmb ne neb nins sën kōt sīdā.
80. La Wënd maana yāmb zagsā ti yaa yī-yōgneg zīg n kō yāmba, la A maan n kō yāmb rūmsā gānd ti y maan roto, t'a yaa faag ne yāmb y yikr raare maa y tilgr raare, la sën leb n yi rūmsā kōbdē, la yugma wā kōbdē la rūm-bānege kōbdē ti yaa rot-teed n le yaa wum-noog n ti tāag wakat sën yāk toaga.
81. La Wënd maaname n kō yāmb A sën naanā pugē maasem-dāmba, la A kō yāmb tāensā pusē kōom zīsē la A leb n kō yāmb futu ti kogend yāmb n yi wīndgā la gānse ti kogend yāmb y zabrē. Yaa woto la A pidsd A neema yāmb zugu, ti sānd-sānde y na sak n tū.
82. La b sā n gūd b zān-kuidsā rēnd ka rog fo zugu, rēnda taasg sën yaa vēneg bala.
83. B mii Wënd neemā wā, la b maand sōm-zulem. La bāmbā wusg yaa kīfr-dāmbā.
84. (Tēeg) raar ning D sën na n tūus zāma pug fāa kaset soaba, rē poorē, b pa na n kō kīfr-dāmbā padeng ye, b pa na n leb n kō-b sor ti b leb ye.
85. La wēgdbā sā n wa yēnd sbgrā, b pa na n yols b yīnga, b pa na n koll-b me ye.
86. La neb nins sën maan lagem-n-taarā sā n wa yā b lagem-n-taasā, b yetame: "d Soaba ad yaa bāmbā la tōnd lagem-n-taas nins d sën da y n tūudē zēng sën pa Foomā". ti b lagem-n-taasā na n leok-ba n yeele: "ad yāmb yaa zīri-be-neba.
87. Ti b na n sak n tū Wënd ra-kāng raarā, ti bāmb sën da pasd zīrī wā menem n bas bāmba.
88. Neb nins sën kīfl la b gid (nebā) n yit Wënd sorā, D na n paas-b-la nang b nangā zugu, b sën da yī n sāamdē wā yīnga.

89. (Tēeg) raar ning Tōnd sēn na n wa tums zāmā fāa pugē kaset soab sēn yi b suka, la D wa ne foom ti f na n yi kaset soab ne bāmbā rāmbā. La ad Tōnd sika Alkvrāanā n kō foom ti yaa vēnegr ne būmbā fāa, n leb n yaa kāndagr la yolsg la sū-noogr n kō sak-n-tū-rāmbā.
90. Ad Wēnd sagenda ne tēeg-turg la manegre, la rog-pēts sōngre, la A gidgd tum yood la yel-kiti la wēgbo, A sagenda yāmb ti sānd-sānde y na tags n gese.
91. La pids-y Wēnd pulengā ti y sā n rik-a, la y ra yidg pulengā a kengr poorē ye, ti yāmb yaool n maana Wēnd t'A yaa yāmb pulengā seeta, ad Wēnd mii yāmb sēn maandā.
92. La y ra wa yi wa pag ning sēn yidg a pāndā a sēn nidg pāng n wī ti kē poorē, ti yāmb rikd y wēnegā ti yaa zāmbg yāmb ne taab suka, n rat ti yāmb zāma wā wil zāma zēngā. Ad Wēnd zarbda yāmb ne rēnda, la sēn na yil n vēneg n wīnig-y yikrā raarā yāmb sēn da yi n yōsd taab būmb ning pugā.
93. Ad Wēnd sā n da tullē, A rag n na maan yāmb ti y yaa zāma a yembre, la ad Wēnd menesda A sēn rata soab la A kāndagd A sēn rat soaba, la ad b na n sok-y lame y sēn da yi n tumdē wā.
94. La y ra wa rikd y wēnegā ti yaa zāmb yāmb ne taab suk ye, ti naoor ra wa salg a sēn tabl poorē ye, ti y lemb nan-wēngā yāmb sēn da yi n gidgd Wēnd sorā yīngā. La be ne yāmba, nang sēn zise.
95. Ra rik-y Wēnd pulengā n tek ne ligd-bil ye, ad sēn be Wēnd nengē wā n yud sōmblem ne yāmba, ti y sā n da miē.
96. Būmb ning sēn be yāmb nengē wā satame, la sēn be Wēnd nengē wā n paade, la ad Tōnd na n rola sug-maandbā b keoor neerem sēn yud b sēn da tumdā.
97. Ned ning sēn tuma sōma - yaa rao ti yaa paga -, t'a yaa sūd-kita, D na vums a soab vum sēn yaa noogo, la D na rol-b keoor sōmblem sēn yud b sēn da yi n tumdē wā.
98. F sā n na n karem Alkvrāanā, bi f kos gūudum ne Wēnd n yi a Svtāan b sēn rig n zāag ne yolsgā.
99. Ad a pa tar sor sūd-kōtbā la sēn bobend b mensā ne b Soabā zug ye.
100. A pāngā yaa neb nins sēn lalld-a wā la a tōe, la sēn maand-b lagem-n-taar ne Wēndā.
101. La Tōnd sā n wa tedg Aayare, Aayar a to zīgē - la Wēnd n mi būmb ning A sēn sikkā - la b sēn yete: "ti fo yaa zīri-be neda". La pa woto ye, ad b wvsg fāa pa mi ye.

102. Yeele: "ad yaa yō-yulengā (Malek a Gibriil) n sig ne Alkvrāanā, n yi fo Soabā nengē ne sīda, sēn na yul n tabl neb nins sēn kō sidā, n leb n yaa kāndagr la sū-noogr ne lūslaambā.
103. La ad Tōnd miime ti b yetame: " yaa neb n wīnigd-a (Alkvrāanā)" la zilemd ning b sēn dōtā yaa bu-zēnga, ti wānde [Alkvrāanā] yaa laarb-rāmb goam sēn yaa vēenega.
104. Ad neb nins sēn pa kōt sid ne Wēnd Aayayā, Wēnd ka na n kāndag-b ye, la nang sēn zabd be ne-ba.
105. Ad sēn wāagd zīri wā n rogendē wā yaa neb nins sēn pa kōt sid ne Wēnd Aayayā, bāmb me la zīri-be-nebā.
106. Ned ning sēn kifla ne Wēnd a sid-kūun loogr poorē, sā n pa ned ning b sēn modg-a t'a sūurā yaool n ket n tabend ne sid-kūuni, la sēn yāag b yāoog ne kiflmā gēeg sēn yi Wēnd nengē be ne-ba, la nang sēn zabd be ne-ba.
107. Woto, ti bala bāmb tūusa dūni vumā n nongē n yud yaoleem raarā, la Wēnd pa kāndgd kifr-dāmb zāma ye.
108. Bāmb la neb nins Wēnd sēn pag b sūyā la b tvbā la b ninā, bāmb me la yam yaal-yaal rāmbā.
109. Sik ka be ti yaoleem raarā, bāmb la bōn rāmbā.
110. Rē loogr poorē, ad fo Soabā ne neb nins sēn yik ne b dīnā [Higra] b sēn nams-b poorē, rē poor ti b maan gihaadi la b maan sugri, ad fo Soabā rē loogr poorē, A yaa yaafg naaba n yaa yolsg naaba.
111. (Tēeg) raar ning yōor fāa sēn na n wa, n maan tak-n-taar n dat n fāag a menga, ti B na n pids n dol yōor fāa būmb ning a sēn tvmā, ti b pa na n wēg bāmb ye.
112. Wēnd gānega bilgri, tēng (Maka) sēn da tar bas-m-yam n yōgne, t'a rutlā wat-a yol-yol n yit zīig fāa, t'a maan sōm-zulem ne Wēnd neema wā, ti Wēnd na n leems-a kom la pelen-yık b sēn da yi n tvmdē wā yīnga.
113. La Ad tēn-tvum n wa b nengē, sēn yi bāmb pugē wā, ti b yags-a ti sibgrā rik-ba, ti b yaa wēgdba.
114. Bı y rı būmb ning Wēnd sēn pvi n kō yāmbā, ti yaa halaal n yaa ylenga, la y pvs Wēnd neema wā, ti y sā n yume n tūud Yē bala.
115. Ad A sēn harem ne yāmbā yaa gifo la zı-fudgdum la kurkuy nemdo, la b sēn kodg n kō la b pvd zēng sēn pa Wēnd yvvre, la ned ning sēn wa n pak a soaba, ti pa kedgr n pa zvug toaaga, rēnd Wēnd yaa yaafda n yaa yolsda.

116. Ra wa-y n yetē ne yāmb zelmā wā sēn stfd sēn yaa zīri wā: "ti Wānde yaa halaale ti wānde yaa haraam" n na n wāagd zīri n rogend Wēnd ye. Ad neb nins sēn wāagd zīri n rogend Wēndā pa na n tulg ye.
117. Yaa wum-noog bilf bala, la nan-zabdg be ne-ba.
118. Neb nins sēn yaa Yahuud-rāmbā me, Tōnd harma b zug Tōnd sēn karem n togs foom ti loogā, la tōnd pa wēg-b ye; ad b yume n wēgd b mense.
119. Rē poorē, ad fo Soabā ne neb nins sēn tum wēngā ne zulemā, rē poorē ti b tuub la b maneg b tūmā, ad fo Soabā rē poorē A yaa yaafg naab n yaa yolsg naaba.
120. Ad a [braahum yu zāma yē a yembrā n duumd ne Wēnd tūudum, n killed n yit lagem-n-taare, a pa yu n naag lagem-n-taar rāmb lae.
121. N yaa bark pūsd ne A neemā wā, a Soabā tūus-a lame la A kāndag-a n tug so-tirga.
122. La Tond kō-a-la dūni kaanē pūur sēn be neere, la yaoleem raarā a bee nin-sōmā wā pūgē.
123. Rē loogr poorē ti Tōnd tūms ti wa fo nengē: " ti f tū a [braahum vūunā sēn yaa sor sēn killed n yi lagem-n-taarā, a pa yu n naag lagem-n-taarā rāmb ye.
124. Ad b maana sibrā zisgr t'a yaa tulae ne neb nins sēn yōs taab a pūgē wā, la fo Soabā n na n bu n welg b svk yaoleem raarā, b sēn da yu n yōsd taab būmb ning zugā.
125. Bool n tug fo Soabā sorā ne yam la sagl-sōngo, la maan-b tak-n-taar sēn yaa sōma n yuda, ad fo Soabā n yud minim ne ned ning sēn menema n yi A sorē wā, Yē n leb n yud minim ne ned ning sēn kānda.
126. La y sā n na n sibge n dole, bi y sibg [bē wā] wala b sēn sibg yāmb to-to wā, la y sā n maan sugri ad rēnd n yud sōma ne sug-maandbā.
127. La maan sugri, la fo sugrā pa yu rēnda ne Wēnd segl-sōngo, la f ra sāam f sūur b yīng ye, la f ra pak f meng ne b sēn maan rabā wā ye.
128. Ad Wēnd bee ne neb nins sēn zoet-A wā la neb nins sēn yaa manegdbā.

17. Al-Israa'v*

Ne Wënd yuurā barka, sēn yaa yols yaleng Soabā, n yaa Yolsdā, la d sungd d tvm̄dā.

1. Soab ning sēn kēnesa yambā ne yungo, n yi Lohorem miisrē wā n tug mis-zārg (Masgid Al-akšaa) ning D sēn bark a kuremsā n yulgā, sēn na yul n wīnig-a D yel-soalmā sānda, ad Yē bal la a Wumda n yaa a Neta.
2. La Tōnd kōo a Musa Gafā la D maan-a t'a yaa kändgr n kō a Israeel koambā:" ti y ra rik lall-n-taag zēng sēn ka Maam ye".
3. [Yāmb] yaa Tōnd sēn rik-b rāmb n lagem a Nuuhā yagemse, ad a [Nuuh] yu yamb sēn yaa zaamē pvv̄sda.
4. La Tōnd kōo Israeel koambā kibar Gafā pv̄gē : " y na n sāama tēn-gāngā zug naoor a yiibu; y na n maana waoog-m-meng me ti loog nugu.
5. La rēnem sāangā sā n wa ta, Tōnd na n tumsa y yīnga Tōnd yembs sēn yaa pān-kegems rāmb ti b kāas̄d zāgsā. La yaa pvleng sēn yī bala.
6. Rē poorē ti Tōnd lebs tōogā n kō yāmb ti y wil-ba la D sab yāmb ne arzēgs la koamba la D maan ti yāmb sōorā waooglem n yude.
7. Y sā n manege, y manega y mens yīnga, la y sā n sāame ad rē me be ne-a. La sāang a yiibē soabā sā n wa ta, ad yaalg na paam yāmba, beebā na n leb n kēe misrā wala b sēn da kē-a rāeenmā, b na n bōgsa būmb ning fāa b sēn paamā bōgsg tekē.
8. Tōe ti yāmb Soabā wa yols-y ti y sā n tuubi, la y sā n leb n lebe Tōnd na leb n sibg-ya, la Tōnd maana Gehannemā t'a yaa pī-gāag ne kifr-dāmba.
9. Ad Alkvrāan-kāngā kändgdame n tugd būmb ning sēn yud trlem la a kut sēn kō-b sidā la b tvm̄d sōma wā kiba-noogo, ti ad b tara keoor sēn yaa bedre.
10. La neb nins sēn pa kōt sid ne yaolem raarā, Tōnd sēgla b yīnga nang sēn zabde.
11. La ninsaal kota wēng n kōt a meng wala a sēn kot neerā, a sēn zī wā yīnga; la ninsaal yume n yaa yāgda.
12. La Tōnd maana wīntoog la yungo ti yaa yel-soalem a yiibu, ti Tōnd yaool n yēes yung yel-solemdā la D maan wīntoog yel-solemdā ti yaa vēnem, sēn na yul ti y bao neema sēn yi yāmb Soabē wā, la y bāng yv̄vm̄ā sōor la gēela, la būmbā fāa Tōnd wēel-a-la weelg tekē.
13. La ninsaal fāa Tōnd rika a tvm̄m gafō n pid a yublē wā, la d yiisd-a-la yikrā raarā ti yaa sebr t'a mikd-a t'a yaa sēn paelee.

* Al-Israa'v (Yvn-kēndā sv̄vra)

14. "Karem f gāfā, tı seka ne foo rūnda raarā tı fō mengā yı f toorē gēendā".
15. Ned ning sēn kāndaga a kāndagrā nafda a mengā, la ned ning sēn menema me yaa a meng bala. Yōor pa tıkd a to zıub ye, la Tōnd pa yı n na sibg rēndame tı D reng n tım tēn-tıvma.
16. La Tōnd sā n tıll n halk tēnga (rāmba), Tōnd sagenda rı-n-tekā rāmb tı b kus tēngā zugu, tı namsg koεeg yı tılae ne-ba, tı Tōnd halk-b halkr tekē.
17. La sōor waoog Tōnd sēn halk zāma-rāmb a Nuuh loogr poorē, la minim la nenem ta tek ne fo Soabā sā n yaa ne A yembsā beegrā.
18. Ned ning sēn yāgda n rat (dūni wā) pıurā, Tōnd kot-a la a pıgē D sēn tıll teka, ne ned ning n sēn date. Rē poorē tı Tōnd maan tı yaa Gehannem la a na n kē, ne sābgr la tāndgre.
19. La ned ning sēn tılla yaolem raarā la a tım n bao-a, t'a yaa sıd-kōta, bāmb rāmb tıvmā na n yāa soeesgo.
20. Yembr fāa Tōnd kōt-b-la sēn yı fo Soabā kūunē wā, la ad fo Soabā kūunā pa yı n mongd (ned baa a yembr ye).
21. Ges Tōnd sēn zēkd b sāndā n yug sānda to-to, la ad yaolem-raarā n yud ne zıir-dāmba, n leb n yud ne yusgo.
22. Ra wa tū soab zēng n lagem Wēnd ye, tı fo wat n baasame n yaa b sēn sābs-a soaba, b sēn bas-a soaba.
23. Fo Soabā bıvme tı : "ra tū-y zēng sēn pa Yē ye, la (tall-y) manegr ne roagdb a yıibā, zem tı yaa b yıibā yembr maa b yıibā fāa n ta kaseng wakat fo nengē, bı f ra wa kāees-b ye, la f ra tās b ye, la f yeel-b yıibā koεeg sēn yaa waoore".
24. La f sik f meng ne b yıibā sēn yaa yolsg buud fāa la f yeele: " m Soaba yols b yıibā wala b sēn wub maam tı m da yaa yāagā".
25. Yāmb Soabā n yud ne minim sēn be yāmb mensē wā, y sā n yume n yaa manegdba, ad A yaa yaafd ne lebs-m-mens rāmba.
26. La kō rog-pēt a hake, la ninbāan-ned la so-toagda. La ra fāe (arzek) yaar ye.
27. Ad neb nıns sēn sāamd-b arzεgsā yaa a Sıtāan ma-biisi, a Sıtāan me yume n yaa sōm-zıt ne a Soabā.
28. La fo sā n segd n ball n bas-ba, fo sēn tēed yolsg f Soabā nengē (sēn na n wa tı f kō-ba), bı f yeel-b koεeg sēn yaa yol-yole (Wēnd na loke).
29. La ra rık f nugā n tıg n galg f yublā ye (ra yı beed soab ye), ra leb n tēeg-a fas-fas ye, tı f wat n zıı ne sābsg la nımsa.

30. Ad yaa fo Soabã n yalgd rtlã n kõt A sën rat a soab la A weoogd A sën tvll a soab zugu. Ad A yaa Mit n yaa Net ne A yembsã.
31. La y ra kv y koambã talemd yaeesg yïng ye, Tõnd n rlgd bãmba la yãmba. Ad b kvvbã yume n yaa tudgr sën bedme.
32. La y ra pëneg yoob ye, ad a yaa yel-beed n le yaa sor sën yaa wënga.
33. La y ra kv yõore ning Wënd sën gıdg ti b ra kv wã ye, rëndame ti tũu ne hake, la b sën kv ned ning ne wëgdo, Tõnd kõo a nedã sor t'a maan n dole, la y ra maan n zvvg kvvbẽ wã ye, yënda yaa (Sãri wã) sën sõng-a soaba.
34. La ra pëneg-y kub arzek rënda ne neng sën be neere, hal t'a wa ta a bung zïigẽ, la y pids pvlengã, ad b na n soka pvleng fãa yelle.
35. La y pids vũgbu ti y sã n wa vũgdẽ, la y mag ne magdg sën ya tırga, woto la sõma n leb n yud ne baas-neere.
36. La ra pvğ bũmb ning fo sën pa tar minim a pvğẽ ye, ad wumbã (tvbã) la ninã, la sũurã, wãnde fãa b na n wa soka b yelle.
37. La ra kën tën-gãngã zug ne pugb ye, ad fo kõn n tol n pãrg têngã, la f pa na n tol n ta tâensã ne woglem ye.
38. Woto fãa, a wëngã fo Soabã nengẽ yaa b sën kisgi.
39. Wãndã fãa yii fo Soabã sën tvms ti wa fo nengẽ sën yaa bvvd-minim. La keng n da tũ soab zëng n naag ne Wënd ti b wa lobg-f Gëhannemã pvğẽ ti f yaa b sën sãbs-a soab n rig-a n zãag ne yolsg ye.
40. Yãmb Soabã na n tũusa yãmb n kõ kom-dibli n yaool n yãk malegsẽ wã kom-pugli n kõ A Mengã? Ad yãmb yeta gomd sën yaa bedre.
41. La ad Tõnd welsame n wïnig Alkvrãan-kãngã pvğẽ bvul yïng ti b na tēge, la ka paasd-b rënda zoe-n-zãag bala.
42. Yeele: " soaben-dãmb sã n da naag-A lame wala b sën yetã, b rag n na bao sor n ti zab ne Al-`Aršã Naabã.
43. A naam Yulgame n zëk n yi bãmb sën yetã, zëkr tekẽ.
44. Saas a yopoe wã la têngã la bũmb nins sën be b svkã yulgd A yvvrã, bũmb pa be rëndame t'a yulgd A yvvrã la ad yãmb pa fahemd b yulgrã ye, ad A yaa sugr Soaba n yaa yaafg Naaba.
45. La fo sã n karemd Alkvrãanã, Tõnd maanda gıdr n ning foo ne sën pa kõ-b sıdã svka, gıdr sën ludi.
46. La Tõnd ninga b sũyẽ wã lim ti b ra fahem-a ye; b tvbẽ wã me kıd n be beenẽ. La fo sã n gom fo Soabã yell A Yembr tãa Alkvrãanã pvğẽ la b sën laeegd n leb b poayẽ wã n zoet n zãagdẽ.
47. Tõnd n yud ne minim ne b sën kelgd Alkvrãanã ne raab ningã, b sën wat n kelgd foomã la b sën wat n walemd taabã, wakat ning wëg-m-

- mens rāmbā sēn wat n yetē:" ad yāmb sēn pugdā pa yī rēnda rao b sēn sao-a tum".
48. Ges būmb ning b sēn bilgd foom ne wā! Tī b menemame n ka tōe n rik so-turg ye.
49. La b yeele: "tōnd sā n wa lebg kōb la bugdu, b na n le yik-d lame tī d yaa naan-paalle?"
50. Yeele: " (y sā n rat bī) y yī kug maa kutu,
51. Maa bōn-naamds yāmb sēn tagsd tī bāmb n yud bedrem. B na n yeelame:" yaa ānd n na n leb n vuvug tōndo." Yeele: " yaa yāmb Soab ning sēn naana yāmb rāeenmā bala" la b na n gira b zutā n yetē: yaa wakat bug la a na n yī? Yeele: " tōe tī yī pēm-pēm.
52. Raar ning A sēn na n bool yāmba, tī y sakdē la y pēgd-A, tī y tēed tī yāmb pa zīnd dūni rēnd bilf bala!"
53. La f yeel Mam yembsā tī b yeel būmb ning sēn be neere, bala Svtāan baooda sāang bāmb ne taab svka, ad a Svtāan yume n yaa ninsaal be sēn yaa vēenega.
54. Yāmb Soabā n yud minim ne yāmba, A sā n rata t'A yols yāmba, A sā n rat t'A sibg yāmba, ad Tōnd pa tvms foom tī f yaa gūusd b zug ye.
55. La fo Soabā n yud minim ne sēn be saasē la tēng zugu, la ad Tōnd yusa nabiyaam-rāmbā sānda sānda zugu, la D kō a Daawvud Zabvure.
56. Yeele:" bool-y yāmb sēn da yēgemd tī yaa soaben-dāmb zēng sēn pa Yē wā, b pa tōe n pārg keelem n bas yāmba, b pa tōe n wēnems-a.
57. Ad bāmb me baooda raodg n rat n pēneg b Soabā ne pōs-taaba, la b toll A yolsgā la b yaeesd A namsgā, ad fo Soabā sibgrā sōmba ne gūusgu.
58. La tēn-wēng ka be rēndame tī Tōnd halk-a taoor tī yikr raarā na n ka ta ye, maa D sibg-a dūni nang sēn yaa kegenga; rē yume n yaa b sēn guls Gafā puga.
59. La būmb ka gidgd Tōnd tī D pa tvn tagmas-rāmbā rēnda rāeenem rāmbā sēn da yagsbā yīnga, la ad Tōnd kō a Samvud-rāmb yvgemdā tī yaa vēenega, tī b kīfl ne-a, la Tōnd pa tvmsd tagmas-rāmbā rēnda bugsg yīnga.
60. La tēeg wakat ning Tōnd sēn wa n yeel foom:"ad fo Soabā (tōogā la a bāngrā) gūbga nebā fāa, la Tōnd pa maan yāab ning Tōnd sēn wīnig-a foomā rēndame t'a yaa zarb-n-gesg ne nebā; la kāab-beed tugā b sēn gom a yell Alkrāanā pugā me yaa boto. la Tōnd bugsd-b lame la pa paasd-b rēnda maan-n-zvug wvsg bala.

61. Tëeg Tõnd sën wa n yeel malëgsã:" maan-y a Adam suguudu", ti b maane rënda a [blus. A yeelame "mam na maan suguud n kō ned ning Fo sën naan ne tãndo?"
62. La a yeele:" Fo yãa Fo sën waoog-a soab n yug maamã, Fo sã n yaoolg maam n ti tãag Yikrã raare, mam na kedg a koambã, sã n pa bilf bala".
63. La A yeele: "kënge, la sën puga foom b sukã ad Gehannem la b rolbo; yaa rolb sën pidsi.
64. La belg ned ning fo sën tõe b pugë ne f koëgã, la f kãag-b ne f wiidi wã la f naoã rãmbã, la f lagem-b arzëgsë wã la koambë wã la pulem-ba". La ad a Sutãan sën pulem-ba pa yi rënda belgr bala.
65. Ad Mam yembsã fo pa tar tōog b zug ye, la fo Soabã taa tek ne boblm-menga.
66. Yãmb Soabã n kënesd kogendã mogrã zug sën na yul ti yãmb bao A kũunã, ad A yume n yaa Yoalsd ne yãmba.
67. La pakr sã n paam yãmb mogrã pugë la bũmb nins yãmb sën boondã sën menemd (y yamë) rënda Yënda bala, la A sã n wa tulg yãmb n yiis ween--n-vugã zug la y sën ballde, la ninsaal yume n yaa sōm-zita.
68. Rë yĩnga yãmb tara bas-m-yam t'A ka na n bōr yãmb ween-n-vugë wã maa A tums seb-fãeedg y zug ti yãmb pa paam fãagd y yĩnga.
69. Yãmb tara bas-m-yam t'A ka na n lebs yãmb a (mogrã) pugë raar ninga, n tums seb-këgeng yãmb zug t'a bōr yãmb y sōm-zulmã yĩnga? Rë poore me y pa na n paam pugd sën na n pug n sok Tõnd ye!
70. La ad Tõnd waooga a Adam-koambã la D kënes-b ween-n-vug la mogr zugu; la D rulg-b ri-yulm buud fãa la D zëk-b n yug Tõnd sën naanã wvsg fãa yudlem tekë.
71. Raar ning D sën na n bool zãma fãa ne b taoor soabã; raar-kãngã b sën kō-a soab a gaf ne a ritgo, rënd yaa bãmb rãmb la sën na n karem b gafã ti b pa na n wëg-b baa fvi.
72. La ned ning sën yi zōang dũni kaanë, yë soab yita zōang Yaoolem raarã, n leb n yud ne sor menengo.
73. La ad kella bilf ti b güdg foom n yi Tõnd sën tums bũmb ning ti wa fo nengë wã n dat ti fo wãag zĩri sën pa yë n rogl Tõndo, wakat-kãngã b rag n na rukë foom n maan b zoa.
74. La sã n pa Tõnd sën tabend foomã, fo rag n na n kulla bilf n tvg b nengë.
75. Rënd Tõnd rag n na leems foom sibg zabdg vumã pugë la sibg zabdg kũumã poorë, rë poorë ti f pa paam fãagd n yi Tõnd ye.

76. La b ra pēnegame n na n weoog foom sēn na yl n yiis foom Mak tēngē wā, la bāmb me ra kōn n zīndē fo poorē rēnda bilf bala.
77. Rē yaa Tōnd sēn tum-b rāmb ti reng fo taorā nao-kēndre, la fo pa yāt teoong Tōnd nao-kēndrā pugē ye.
78. Yānes Puvsgā sēn sung wīntoogā killg wakato n ti tāag zī-sobdo la Fagir karem-n-wogle, ad Fagir Puvsgā Malegsā yume n zīndid beenē.
79. La yvngā pugē bi f puvv ti yaa paasg ne foo, ti sānd-sānde fo Soabā na taas foom pēgr zīigē.
80. La yeele:" m Soaba, kēes maam sid kōom zīiga la yiis maam sid yiisg zīiga la maan sōngr pāng n kō maam".
81. La yeele:"sid waame la zīri viigame, ad zīri wā rag n yaa sēn viigi".
82. La Tōnd sikda Alkvrāanē wā būmb ning sēn yaa tūp-tum la yolsg n kō sid-kōtbā, la ad a ka paasd wēgdbā rēnda bōn bala.
83. Tōnd sā n maan ninsaal neema la a sēn gūt a zān-kuidg n wuk a koagdā n zāage, la wēng sā n paam-a la a sēn lebgd tēeb wāagda.
84. Yeele:" ānkām fāa tumda a yam-yākre, la yāmb Soabā n yud minim ne ned ning sēn yud ne so-turg rikre.
85. La b sokda foom yōorā yelle. Yeele:" ad yōorā yellā yaa m Soabā yelā a yembre", la b pa kō yāmb bāngr rēnda bilf bala.
86. La Tōnd sā n ratē D na loog ne būmb ning Tōnd sēn tum ti wa fo nengē wā, rē poorē f pa na n paam bobend sēn na n lebs-a Tōnd nengē n kō-f ye.
87. Sā n pa yolsgā sēn yi fo Soabā nengē wā yīnga. Ad A kūunā fo zugā yu bedre.
88. Yeele:" ninsaalb la zīn-dāmb sā n lagem taaba n na n wa ne Alkvrāan-kāngā buudu, b kōn n tōog n wa ne a bilgri baa ti b sā n sōng taaba.
89. Ad Tōnd welsame n wīnig nebā Alkvrāan-kāngā puga būmbā fāa biligri, la nebā wvsgā fāa tōdgame rēnd sōm-zulem bala.
90. La b yeelame:" tōnd ka na n tol n kō sid ne foom hal ti f wa pusg ko-nin tēngē wā n kō tōndo"
91. Maa fo tall puvv sēn yaa tamar tus la sib puvvgo, ti ko-sood pusgd a pugē pusgr tekē.
92. Maa f lub saagā geemd-geemd tōnd zug wala fo sēn yēgemdā, maa f wa ne Wēnd la malegsā tōnd taor vēnega.
93. Maa fo tall roog sēn bolg ne sānem; maa f rv saagē wā, la d ka na n kō fo rvubā sid lae rēndame ti fo wa sik tōnd zug gafo ti tōnd karem-d-a". Yeel-ba: "yulgemd be ne m Soabā! Mam pa būmb a to n zvvg ned sēn yaa tēn-tvum ye"

94. La bũmb pa gidg nebã ti b kō sid kãndagrã sẽn wa b nengẽ poore, rẽnda b sẽn yetede: " yaa bõe yĩng ti Wënd tums yĩng soab [neda] ti yaa tẽn-tvũma?"
95. Yeele: "malegs sã n rag n beẽ tẽngã zug n kẽnd n tar yõgnego D na sik b zug malek ti yaa tẽn-tvũma".
96. Yeele: "ad Wënd kasetã sekame maam ne yãmb suka", ad A yume n yaa minim Tẽng-n-biig la Net ne A yembsã.
97. La Wënd sẽn kãndag a soaba, yẽ n paam kãndgre. La A sẽn menes a soab me, a kõn n tol n paam lall-n-taas zẽng sẽn pa Yẽ ye. D na n tigim-b lame Yikrã raarã b nensã zugu, ti b yaa zõees n yaa mugs n yaa wumse, la b gãag zĩig yaa Gehannem; Bugmã sã n maag la Tõnd sẽn paasd-a widgri.
98. Yaa woto la b rolb b sẽn kufi ne Tõnd Aayay-rãmbã yĩngã la b yeele: "rẽ yĩnga tõnd sã n lebg kõb la bugdu b na n leb n vuvga tõnd ti yaa naan-paalga?"
99. Rẽ yĩnga bãmb pa get ti Wënd sẽn naanã saasã la tẽngã tara tõog ne A naan b bilgr yesa? Ad A kõo bãmb wakat sik sẽn ka be a pugẽ, la wẽgdbã zãgsame rẽnda sõm-zulem bala.
100. Yeele: "yãmb sã n da so m Soabã yolsgã baoã y rag n na maan beed talem d yaesg yĩnga, la ad ninsaal rag n yume n yaa beed soaba.
101. La ad Tõnd kõo a Musa yel-soalem a wae sẽn ya vëenese, bi f sok a [srae]l koambã a sẽn wa n wa b nengẽ wã t'a Fir'aoon yeel-a: " ad mam tẽeda foo a Musa ti b maan-f-la tum".
102. T'a yeele: "fo meng miime ti pa sik yel-solem bãmbã rẽnda saas la tẽng Soabã; rẽ yaa vëenega, la ad mam tẽeda foom a Fir'aoon ti f yaa bõnda".
103. T'a [Fir-aoon] maan tulsem n na n yiis-b tẽngẽ wã ti Tõnd bõr-a ne neb nins sẽn lagem yẽ wã fãa gilli.
104. Rẽ loogr poorẽ, Tõnd yeela a [srae]l koambã: " zĩnd-y tẽngẽ wã, la Yaoolem raarã pvleng sã n wa ta, D wata ne y fãa gilli.
105. La yaa ne sida la Tõnd sik-a (Alkvrãanã), yaa ne sid me la a sigi, la Tõnd pa tums foom rẽnda (f na y) sũ-noogd la bugsda.
106. (Tõnd sik-a lame) ti yaa Alkvrãan D sẽn wëgs sẽn na yul ti f karem-a nebã ne maag-m-menga. La Tõnd sik-a-la gĩnd-gĩndi.
107. Yeele: "kõ-y-yã-a sida maa y ra kō sid ne-a ye, ad neb nins b sẽn da kō bãngrã taor t'a na n pa wa wã, b sã n na n karem-d-a b nengẽ la b sẽn lut b lemã zut n maan suguudu.

108. La b yetedē: "yulgemd be ne d Soabã, ad tõnd Soabã pvlengã sɪd na n yume"
109. La b lvtit suguud b lemã zut n kũmdē, ti woto paasd b wēn-zoεεga.
110. Yeele: "bool-y Wēnd maa y bool Yolsg Naabã, yãmb sēn bool yvvr ning fãa A yuyã manegame ti be neere n yuda. La ra wa zēk f koεεgã wvsg Pvvsã pvgē ye, ra leb n sik f koεεgã wvsg me ye, la bao tēng-n-svgr rē pvgē.
111. La yeele: "pēgr be ne Wēnde, A pa tar biiga, A leb n pa tar lagem-n-taag A naamã pvga, A pa tar lall-n-taag A pãng kaalg yīng ye, la waoog-A n zɪsg-A zɪsgr tekē.

18. Al-kahf *

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. Pēgr be ne Naab ning sēn sika Gafā A yambā zugā, n pa maan-a t'a tar goaleng ye!
2. A yaa turg sēn na yil n bugs ne nang sēn zabd n yi A nengē; la A noog sid-kōtb sēn maan tvum-sōma sūuri, ti b tara keoor sēn be neere.
3. B yaa paadb a pugē lae-lae.
4. La A bugs neb nins sēn yeel ti Wënd tara biigā.
5. Bāmb mens pa tar bāngr buud ne rē; b saam-rāmb me pa talle. Ad gomd ning sēn yit b noyē wā yt bedre, ad b sēn yetā pa yt rēnda zīri.
6. La tōe ti fo wa pogend f meng b poorē, b sēn pa kōt sid ne gom-kāngā sū-sāag keelem.
7. Ad Tōnd maana sēn be tēngā zugā ti yaa faas-teed ne-a sēn na yil n zarb-b n ges ned ning sēn yuda ne tvum sōmblem.
8. La Tōnd na n maana sēn be a zugā ti lebg zī-peen-daaga.
9. Bı fo tēedame ti vadgā rāmbā la (Rakum) neb nins yvy sēn guls walgē wā ra yume n yaa yel-soalem Tōnd tagmasā suk la?
10. Wakat ning rao-sāmbā sēn wa n kēng n ti sool vadgē wā, n yeele: " d Soaba! Kō tōnd yolsg sēn yi Fo nengē la F segl tōnd n kāndag d yellā pugā".
11. Tı Tōnd na n lims b tvbā vadgā pugē yvum wvsgo.
12. Rē poorē ti Tōnd vuvg-b sēn na yil n bāng sul a yiibā sēn kUSD taabā sēn yuda minim ne b sēn zīnd be wā sōore.
13. Tōnd togsda foom b kibarā ne sīda, ad b yaa ra-sāmb sēn kō sid ne b Soabā ti Tōnd paas-b kāndagre.
14. La D keng b sūyā, b sēn wa n yik n yeele: "tōnd Soabā la saas la tēng Soabā, d ka na n bool soab zēng lae ti pa Yē ye, tōnd sā n maan rē, ad tōnd yeela gomd sēn zār ne sīda.
15. Bāmbā sēn yaa tōnd nebā rika soab zēng sēn pa Wēnde, la yaa bōe ti b pa na n wa ne tikr sēn yaa vēeneg b tūudmē wā, la ānd n yud wēgd ne ned ning sēn wāaga zīri n rogl Wēnde?
16. La y sēn welg n bas-b ne b sēn tūud būmb ning ti pa Wēndā, bı y sool n kēng vadgē wā, ti y Soabā na sāceg A yolsgā y yīng la A segl yol-yol n kō-ya y yellē wā.

* Al-kahf (Vadgā svvra)

17. La fo yāta wīntoogā t'a sã n puki, a kułldame n bas b vadgã rutg wæengē, la a sã n lutē la a sēn basd-b n kull goabg wæengē, ti bāmb be zī-yalengē vadgē wā. Wāndā yaa sēn yi Wēnd yel-soalmā pugē. Wēnd sēn kānd a soaba, yē n rikd so-turga, la A sēn menes a soabā, fo kōn n tol n paam lall-n-taag sēn na n kānd-a ye.
18. La fo tēedame ti b neeme, ti b yaool n yaa sēn gōe. Tı Tōnd leebd-b rutg wæengē la goabg wæengē, ti b baagā tēeg a kars a yiibā noorē wā. Fo sã n lik n yā-ba fo na leb g n wudg n bas-ba, f na tall pelen-yik me ne-ba.
19. La yaa woto la Tōnd yik-ba ti b na n sogs taaba; yet n zīnd b svkã n yeele: " yaa sōor wān la yāmb sēn zīndā?" La b yeele: " tōnd zīnda raar maa raar pedga". La b kēer yeele: " yāmb Soabā n yud minim ne rasem ning sōor yāmb sēn zīndā, bı y tvms yāmb ned a yembr ne yāmb ligd koεng-kāngā t'a kēng tēngā pugē n ti ges rub ning yleng sēn yuda bı a wa ne rıtł sēn yi be, la a maan lam-lam ti ned ra bāng yāmb yellā ye.
20. Ad b sã n bāng yāmb zīga, b na n loba yāmb n kv maa b lebs yāmb b dīinē wā, la y kōn n tol n tulg rē poorē lae.
21. La yaa woto la Tōnd maan ti b yēnd-ba, sēn na ył ti nebā bāng ti Wēnd pvlengā yaa sıda, la Dūni wā yikrā sik ka be a pugē ye. La wakat ning nebā sēn wa n maan no-koeemd b yellā zugā, b yeelame: "me-y meeng b zugu, ad b Soabā n yud minim ne b yellā", la zut-rāmbā sēn yaa zıtbā yeele: " d na n rıka b zīgā n maan misri".
22. B na n yeelame: " b yaa tāabo, ti b baagā paas naase". B leb n yetame: " b yaa nu, ti b yoob soabā yaa b baagā", n gomd b sēn ka mi. B leb n yetame: " b yaa b yopoe ti b baagā paas nii". Yeele: " mam Soabā n yud minim ne b sōorā, ka mi bāmbā sōorā rēnda bilf bala". Bı f ra maan no-koeemd bāmbā yellā zug rēnda no-koeemd sēn yaa lenga, la f ra sok b yellā ned baa a yembr bāmbā pugē ye.
23. (La sã n dat n maan būmb bı) f ra wa yeele: " mam na n maana woto beoog ye".
24. Rallame ti f paase:"tı Wēnd sã n sake". La tēeg f Soabā yvvr ti fo sã n yīmi, la yeele: " tōe ti m Soabā kāndg maam n tv g sor sēn yaa turga".
25. La b zīnda b vadgē wā yvvr kobs-tā ti b paas (yvvr) a wae.
26. Yeele: "Wēnd n yud minim ne b sēn zīndā sōore, Yē n so saasā la tēngā yel-soondse. A nenem pa tar to, A wvmb pa tar to! Ad bāmbā pa tar lall-n-taag zēng sēn pa Yē ye, A leb n ka lagemd A naamā pugē ned baa a yembr ye.

27. La f karem bũmb ning b sēn tums ti ti wa fo nengē wā sēn yi fo Soabā Gafē wā, toemnd pa tōe n toem A goamā ye, fo le kōn n paam relleg zīg zēng sēn ka Yē ye.
28. La maan sugr n naag f meng ne neb nins sēn kot b Soabā yibeoog la zaabrā, n tull A yardā (a nengā yāabo / yel-sōmdā). La ra wa zvvg f nin a yībā n gāndg-b n rat dūni wā faas-teedā ye. La ra wa tū ned ning Tōnd sēn yēd a soab sūur t'a yaa yam yaal-yaal soaba n yi Tōnd yvvrā tēgre, n leb n pvgd a yōorā yamleoog t'a yellā yeebe.
29. La yeele: "sidā la sēn yi yāmb Soabā nengē wā, ned ning sēn tvlla bi a kō sda, sēn rata me bi a kifle" ad Tōnd segla Bugum wēgdbā yīnga, t'a lalgā gūbg-ba, la b sā n wa baood yūubu, b yūnugd-b lame ne koom sēn yaa wala rāngo, n gāogd nensē, bōn-yūudi yi wēnga, zīndig zīg me yi wēnga.
30. Ad neb nins sēn kō-b sidā la b tum tvvm sōma wā, ad Tōnd pa yeebd ned ning sēn maneg a tvvmd keoor ye.
31. Bāmb rāmbā tara arzān ti kvuls zoet a tēngrā, ti b nagsd-b beenē ne zūy sēn yaa sānem la b yeelgd fut sēn yaa kōoda sēn yaa fu-saala (harur) sēn yaa faas la tagdo, ti bāmb yaa sēn kill a pvge gat zutu, ad yel-sōmd yi neema ti zīndig zīg me be neere.
32. La rik bilgr n wīnig-b raop a yību, Tōnd maana sib put a yīb n kō b yībā yembre, la D gūbg put a yībā ne tamar-tuse, la D ning kood put a yībā svka.
33. Put a yībā fāa woma womb tekē b pa boog baa fut ye, ti Tōnd pusg kvulg put a yībā svka.
34. La a le tar ti-biis a taaba, la a yeel a tūud-n-taagā n sōsd ne-a: "mam yuda foom ne arzeka, n leb n yud foo ne neb sōor la zislem.
35. La a kē a pvvgā pvg ti yēnda yaa sēn wēg a menga, a yeelame: "mam pa tēed ti wānde na n saame lae;
36. m leb n pa tagsd ti Dūni wā me na n yikame, la baa ti b sā n lebs maam m Soabā nengē, m na n ti mika sōmā sēn yud mam pvvgā yesa".
37. A tūud-n-taagā yeel-a lame n sōsd ne-a: " rē yīnga fo maanda sōm-zulem ne Naab ning sēn naana foom n yi tomē wā, rē poorē ne mani, rē poorē t'A naan foom ti f yaa raoa?"
38. La sā n yaa ne maam, yaa Wēnd la mam Soabā, m kōn n maan lagem-n-taar ne m Soabā baa a ye.
39. Fo sēn wa n kē f pvvgē wā, fo sā n da yeelame: " ad yaa sēn ta ne Wēnd raab la woto! Pāng ka be rēnda ne Wēnde". Fo sā n neeme ti mam pa ta foo ne arzek la koamba,

40. Ad mam Soabã tõe n kõo maam sõblem sën yud fo puvgã, la A tums fo puvgẽ wã gæel sën yi saasẽ wã t'a lebg zĩ-peell n salsd nao.
41. Maa a koomã lebg zulung ti fo ka tõe n bao-a n paam ye".
42. Tı sãangã gubg a ti-biisã t'a wa baas n pãbd nug-poak yẽ arzekã a sën kées a pugẽ wã bõne, ti puvgã kao n lu a yẽgã zutu. Tı yẽ yetẽ: " kato m bãngẽ n rag n ka maanẽ lagem-n-taar ne mam Soabã baa yembre"!
43. Tı zãma ka zĩnd n na n sõng-a n yi Wënd nangã ye; a pa tõog n sõng a meng me ye.
44. Zĩ-kãensã zĩigẽ fãagd yaa Wënd a yembre, Yẽnda rolb n yud sõmblem la baas neere.
45. La rik bilgr n wĩnig-b dũni wã vumã yalẽ, a yaa wala koom Tõnd sën sik-a saasẽ wã ti tẽngã bõn-tobd fugumd ne-a; rẽ loogr poorẽ t'a wa lebg zeend ti sebgã yelgd-a, la Wënd yume n yaa Tõod ne bũmbã fãa.
46. Arzekã la kom-ribli wã yaa dũni wã faas-teedo, la ad tvm sãmã wã n yud sõmblem ne keob fo Soabã nengẽ, la b yud sõmblem me tẽeb pugẽ.
47. La tẽeg raar ning Tõnd sën na n kēnes tãmsã ti fo ne tẽngã t'a yaa sën puk zãnga, ti Tõnd tigim-b n pa bas b ned baa a yembr ye.
48. Tı b tall-b n ti ball ne fo Soabã nengẽ rulg-rulga: " ad yãmb waa Tõnd nengẽ wala Tõnd sën ra naan yãmb rãeenemã; yãmb yaool n rag n sãmbdame ti D kõn n tol n maan sek ne yãmb ye.
49. Tı b riglg (tvmã) gafo, ti fo ne nin-wẽnsã sën be pelen-yik pugẽ ne bũmb ning sën be gafẽ wã, la b yetẽ: "yaa tõnd wubdo! Yaa bõe me gaf la woto n pa basd sën paood maa sën waog rëndame t'a gũbg-a?" Tı b mik b sën tumã ti be beenẽ, la fo Soabã pa wẽgd ned baa a yembr ye.
50. La tẽeg Tõnd sën wa n yeel malegsã: " maan-y a Adam suguudu", ti b maan suguudã, rẽnda a [blus bal sën da yaa zĩnã, t'a zãgs a Soabã saglgã, rẽ yĩngã yãmb na n rik-a lame ne a koambã n maan lall-n-taas ti ka Maam, ti b yaool n yaa yãmb bæeba? Ad wẽgdbã tedgr yı wẽnga.
51. Mam ka maan-b (a [blus ne a koambã) kaset saasã la tẽngã naanegẽ, b pa yit kaset ne b mensã naaneg me, la Mam pa yı n na n rik menesdbã ti yaa sõngdb ye.
52. Tẽeg raar ning A sën na n yeel-ba: " bool-y Mam lagem-n-taas nins yãmb sën da yẽgemdã we,". Tı b na n bool-b ti b ka sak b yĩng ye, ti Tõnd maan halkr zĩig ti b naag taab a pugẽ.
53. Tı nin-wẽnsã yãnd Bugmã ne bãng-n-wãak ti bãmb na n lu a pugẽ, la b pa paam põsgr zĩig n na n yi-a ye.

54. La ad Tõnd welsa Alkvrãan-kãng pugã bilgr buudã fãa n wĩnig nebã, la ninsaal yume n yud bũmbã fãa ne no-koεmã.
55. La bũmb pa gidg nebã ti b kō sıda kãndgrã sēn wa n wa-b la b kos b Soabã t'A yaaf-ba, yaa b sēn rat bal ti rãeenem rãmbã na-kēndrã wa bãmb me nengē wã, maa b wa yã nangã vēenegã.
56. La Tõnd pa tũmsd tēn-tũmbã rēndame ti b yaa sũ-noogdb la bugsdba, la neb nins sēn kutlã maanda no-koεem ne zĩri sēn na yul n menes sidã ne rē, la b rik Mam Aaya-rãmbã (Alkvrãanã) la b sēn bugsd-b ne bũmb ningã n yaandē.
57. La ãnd wēgb n yud ned ning b sēn tēeg-a ne Tõnd Aaya-rãmbã t'a gũd a zãn-kuidg la a yĩm a nus a yĩibã sēn tum ti reng taoore, ad Tõnd ninga b sũyē wã lima, n kut ti b pa tōe n fahem-a (Alkvrãanã) ye, la b tvbē wã yēdb n be beenē. Ba ti fo sã n boond-b n tvugd kãndagr zĩigē, b pa na n tol n rik sor lae.
58. La fo Soabã yaa yaafg Naabã n yaa yolsg Soaba. A sã n rag n yōkd-b lame b tvumã yĩnga, A rag n na yãg ne-b ne sibgrã. Ka woto ye, ad b tara sēka, b kōn n tol n paam kōom zĩig n pōs-a ye.
59. La tēn-kãensã Tõnd halk-b lame, b sēn wa n wēgã, la Tõnd maana b halkrã ti tall sēka (raare).
60. La (tēeg) a Musa sēn wa n yeel a sōgnã: " mam pa na n bak n kēnd hal n tvug n tãag mog a yĩibã yek-taabã zĩigē maa ti m kēn zãmaan wooko".
61. La b sēn wa n ta mog a yĩibã yek-taab zĩigã, b yĩma b zĩifã t'a rik a sorã mōgrã pugē n basd wĩiga.
62. B sēn wa n zvugã, a yeela a sōgnã: " tall d rubã n wa ne, ad Tõnd yãa d bob-kãngã pugē yaams tekē .
63. [Tı sōgnã] yeele: " fo yãame, tõnd sēn wa n kull pĩigē wã, mam yĩma zĩifã la bũmb pa yĩms maam rēnda a Svtãan bala, ti mam pa togs foom ye,- ad a rika a sorã mogrã pugē ti yaa yel-solemde".
64. T'a [Musa] yeele : " ad yaa rē la tõnd sēn da baoodã". Tı b yĩibã lebg n rik b nao wã vũun n tũnugdē.
65. Tı b yĩibã tvug n mik yamb sēn yı Tõnd yamb sōmsã pugē D sēn kō-a yolsg sēn yi Tõnd nengē la D wĩnig-a bãngr sēn yi Tõnd nengē.
66. A Musa yeel-a lame:" rē yĩnga m tōe n tũu foom sēn na yul ti f wĩnig-m B sēn wĩnig foom, sēn yaa kãndagrã?"
67. La a yeele: "ad fo ka na n tōog n maan sugr ne maam ye".
68. F na n maana sugr wãn ne bũmb ning fo sēn pa tar a bãngre?"

69. La a [Musa] yeele: "Wënd sã n sake fo na n mika maam ti m yaa sugr soaba, m ka na n kus foom yell me zug ye".
70. La a yeele: " fo sã n na n tũ maam, ra sok maam yell baa a yembr vōor hal ti mam wa n togs foom a vōorã".
71. Tı b looge n ti tãag b sën na n ti zomb koglgã t'a poog-a, t'a [Musa] yeele: " fo poog-a lame n na n bōr a nebã bu? Ad fo waa ne yel-gēenga!"
72. La a yeele: "rē yīnga, mam pa reng n yeel foom ti f ka tōe n maan sugr ne maam?"
73. La a [Musa] yeele: "ra yōk maam m sën yīm yīng ye, la ra weoog maam m yellã pugē kãe-kãe ye".
74. Tı b na n leb n tud n ti tãag b sën na n yek biiga, t'a be a kuvbē. T'a [Musa] yeele: " fo kuv yōor sën yaa ytleng ti pa tũ ne yōor ye, ad fo waa ne yel sën kisi!"
75. La a yeele: "rē yīnga, mam pa reng n yeel foom ti f ka na n tol n tōog n maan sugr ne maam?"
76. T'a Musa yeele: " m sã n le sok foom būmb a to yel-kãngã poorē, bı f ra le bas maam ti m pug-f ye, f taa padeng tekē mam yellē wã".
77. Tı b loog hal n wa ti ta tēngē n bao rub tēngã rãmb nengē ti b zãgs ti b kōn n reeg-b sãand ye; ti b yã lalg sën kill n rat n lvi t'a maneg-a n me n yalse. La a [Musa] yeele: fo sã n rata f reegda keoor a yīnga".
78. La a yeel-a: " wã la maam ne foom svk welgre, m na n wīniga foom būmb ning fo sën pa tōog n maan sugr a poorē wã vōore".
79. La sã n ya ne koglgã, ra yaa nimbãan-neb rēnda ti b tumd mogrã puga, ti m tvll n na n ning-a zanga, bala naab n be b taorã n reegd koglg sën yaa sōmã fãa ne fãabo.
80. La sã n yaa ne bi-bilfã, a roagdb a yiibã yaa kō-sıd-rãmba, la biiga na n yii kıfre a kaseng poorē, ti tōnd yaeesd t'a na n wa menesa b yiibã ti b kedg la b kıfle b sën nonga keelem.
81. Tı tōnd tvll ti b Soabã tedg n kō b yiibã bi-sōng sën yud yē yulgrē n leb n pē n yud ne a na yols a roagdb a yiibã.
82. La sã n yaa ne lalgã, ra yaa tēngã pug kom-dibli a yiib sën ya kubs rēnda, ti b arzek n da be lalgã tēngre; la b saambã yu nin-sōngo, ti fo Soabã tvll ti b lebg kãsemba n buk b arzekã. Woto yaa yolsg sën yi fo Soabã nengē, la mam pa maan yel-kãensã ne m raab ye, yaa woto la būmb ning fo sën pa tōog n maan sugr ne-a wã welsgo".
83. La b sokda foom a ZulKarnayn yelle. Yeele: " m na wa n karem n togs yãmb a kıbare".

84. Ad Tōnd kō-a-la pāng la tōog tēn-gāngā zugu, la D rik būmbā fāa gill a sēn tull-a sabab n kō-a t'a ta a raabē wā.
85. T'a rik sababā n tug wīnto-lvutgē wā sēn na yil n ta a raabē wā.
86. Hal t'a ti ta wīntoog sēn lvutē, a mik-a lame t'a lvuta ko-nif tvulgē la a mika neb beenē sēn yaa kifr-dāmba, ti Tōnd yeele:" Zulkarnayni maa ti fo stbg-ba maa f maan-b neere.
87. La a yeel yā: "ned ning sēn wēg-a d na n namsa a soabā, la d lebs-a a Soabā nengē t'A ti nams-a ne nong sēn yaa kegenga".
88. La sā n ya ned ning sēn kō-a sid la a tvm sēn sōmbe, a tara keoor sēn yaa arzēn, D na n yeel-a la tōnd saglsē wā sēn yaa yol-yole.
89. Rē poorē t'a leb n rik sor a to n tū sababā n tug wīntoog sēn pukdē.
90. Hal t'a sēn wa n ta wīntoogā pvkrē wā, a mikame ti a pukda neb zug Tōnd sēn ka ning lill bāmb ne wīntoogā svk ye.
91. Yaa woto la a yellā, la ad Tōnd minimā gūbga būmb ning sēn be a nengē wā.
92. Rē poorē t'a leb n dik sor a to n tū sababā.
93. Hal t'a tug n ta tāeens a yīibā geoong svka, n ti mik zāma sēn pa tullē n fahem nin-zēmes goam ye.
94. La b yeel yā: " Zulkarnayni, ad a Yaaguug la a Maaguug maanda sāang tēngā zugu, la rē yīnga tōnd tōe n yaoo foom sēn na yil ti fo maan gidr tōnd ne bāmb svkā?"
95. T'a yeele: "mam Soabā sēn kō maam tōog la pāng ningā sōmblem n yud ligd fāa yāmb sēn kōt maam, bi y sōng-y maam ne pānga, ti m maan gidr yāmb ne b svka.
96. Wa-y ne kud-gursā, hal t'a a sēn wa n me n yek tāees a yīibā ti zems taaba, a yeelame: "zug-y-yā". Hal t'a sēn n wa n lebg bugmā a yeelame: " wa-y ne zūud ti m kiig a zug".
97. B pa tōog n gāndg-a, b pa tōog n poog n yi me ye.
98. La a yeelyā: "woto yaa mam Soabā yolsgo, la mam Soabā puleng sā n wa wa, A maand-a lame t'a lvi n sāeege; la mam Soabā puleng yume n yaa sīda".
99. La D bas-b bōn-naandsā sānda ti b fāood taab ra-kāng raarā sēn yaa zāmaana paasgē wā ; ti b fvvs bargē wā ti D tigim-b tiging tekē n na n geel-ba.
100. La D puk Gehannem bugmā ra-kāng raarā n wīng kifr-rāmbā pvkr tekē.
101. Neb nins nin sēn da be lill pvgē n yi Mam yvvrā tēegrā, la b ra yī n da ka tōe n kelg Wēnd Aayayā ye.

102. Rē yīnga neb nins sēn kīflā tēedame ti b na n gāda Mam yemsā n maan lall-n-taas zēng sēn pa Maam? Ad Tōnd sēgla Gēhannem kīfr-rāmbā yīnga, ti yaa b sigb zīiga.
103. Yeele: " rē yīnga m wīnig yāmb neb nins sēn yud bōn b tūm pug bi?"
104. Yaa neb nins b tūmā dūni wā pugē wā sēn menem n bas-b yīkrā raarā ti b rāmbā yaool n tēed ti b tūmda tūm-sōms sēn na n wa naf-ba.
105. Bāmb yaa neb sēn kus b Soabā Aaya-rāmb la A yekrā, ti b tūmā lu , rēnd D ka na n fa-b dūni yīkr raarā ye.
106. Yaa woto ti b rolb yaa gēhannam, b sēn kīflā la b rik Mam Aaya-rāmbā la M tēn-tūmbā ti yaa wīsgā yīnga.
107. Ad neb nins sēn kō sidā la b tum tūm-sōmā wā, arzān na-tēngā la b zīndg zīiga.
108. B yaa paadb a pugē, b pa baood tedgr n na bas-a ye.
109. Yeele: "mogrā sā n da yaa rŭba, ti b na n tall-a n guls m Soabā koesā, mogrā na sē, taoor ti m Soabā koesā ka sē ye, baa ti Tōnd sā n wa ne mogā buud n paase".
110. Yeele: " ad mam yaa ned wa yāmb bilgri, ti b tūmd wahı ti wat mam nengē, ti ad yāmb Soabā yaa Soab yeng, la ned ning sēn tēed a Soabā sēgbā, bi a tum tūm-sōma la a ra maan lagem-n-taar ne a Soabā baa fū ye".

19. Maryam*

Ne Wënd yvvrā barka, sēn yaa yols yaleng Soabā, n yaa Yolsdā, la d sungd d tvmūdā.

1. Kaaf, Haa, Yaa, 'Ayn, Şaad ¹
2. Woto yaa fo Soabā yolsg A sēn maan n kō A yambā a Zakariyaa wā la D togsd foo.
3. A sēn wa n bool a Soabā ne solgre.
4. N yeele:" m Soaba! m kōbā valemsame, ti mam zugā puk ne peelem; m Soaba! m pa yi n kos Foom me n kong ye".
5. La mam yaeesda pēdbā ledsgā mam kūum poorē, la mam pagā yaa pvḡkir n pa rogdē ye, bı F kō maam ledsd sēn yi Fo nengē sēn yaa biig ti sōngd-ma.
6. T'a rikd mam faado, la a rik a Yakuub zakā rāmb faado, la maan-a m Soaba! t'a yi b sēn yard-a soaba.
7. (Yaa foo a) Zakariyaa, Tōnd na n nooga fo sūr ne biiga, a yvvr la a Yahyaa, Tōnd pa maan sēn da loog ti b pvḡ a yvvrā buud ye.
8. La a [Zakariya] yeel yā: m Soaba! yta wān ti mam paam biiga, ti mam pagā yaa kiri, la ma me yaool n taa kvvlem tekē.
9. La a [malekā] yeel yā: "yellā yaa wa fo sēn togsā! La fo Soabā yeelame t'a yaa yol-yol ne Yē; la ad Mam da naana foom sēn da loog ti fo ra pa yi n ya fvı ye.
10. La a yeel yā: " m Soaba! maan a tagmas n kō maam ti m bānge". la A yeel yā (biigā paoong) tagmasā yaa fo sēn na n wa ka tōe n gom ne nebā yvnd a tāab la f tar laaft".
11. T'a yi Mīhrē wā n kēng a nebē wā n yeel-b ne teesg ti b yvlḡ A yvvrā zaabr la yibeogo.
12. Yahyaa, gād Gafā (Taooratā) ne nidg pānga, la Tōnd kō-a-la bāngrā t'a nan yaa bilfu.
13. (N leb n kō-a) nimbāan-zoeer sēn yi Tōnd nengē, la yvlḡre; A leb n yume n ya wēn-zoeta.

* Maryam (A Maryam svvra).

[1] Wënd n yud minim ne A sēn rat ne gvls-bi tōsdt-kāensā. La Gvls-bi tōsdt-kāensā, sēn be Svvr-kāensā baasgē wā, yaa sēn wilgd Alkvrāanā sēn komsd a gees-n-taasā, bala b geesa kfr-dāmbā ne Alkvrāanā, ti b kong n ka tōog n wa ne a buud ye, ti Alkvrāanā me -yaool n yaa sēn tui ne gom-biis nins bāmb goamā sēn tuit ne wā, sēn yaa gvls-bi tōsdt bāmbā buudā, ti rēnda wilgd Laarab-rāmbā kongame n ka tōog n wa ne Alkvrāanā buud ye, n lagem ne bāmb n yud nebā ne zelem pekā, ti wilgdē ti Alkvrāanā a yaa sēn tvme ti yi Wënd nengē.

14. N ya manegd n tvgd a roagdb a yiibã, a pa yı waoog-m-meng soab n yaa Wënd-kus ye.
15. La tulgr be ne-a a rogem raare, la a kũum raare, la raar ning b sën na n vuvg-a t'a yaa vitã.
16. La tēeg Gafã (Kvrãanã) pugē, a Maryam yelle, a sën wa n lak n bas a zakã rãmb n tees wĩntoog sën pukdē.
17. N maan lill n yi-ba, ti Tõnd na n tvms Gibriil ti kēng a nengē t'a maan a meng n lebg ninsaal fas.
18. Ta a (Maryam) yeele: "mam kota gũudum ne Yolsg naabã n yi foom ti f sã n zoeta Wēnde.
19. La a yeel yã: "ad mam yaa fo Soabã tēn-tvuma, n na n wa kō foom bi-yilenga".
20. La a yeel yã: "mam na n yu wãn n paam biig ti sud pa pēneg maam m leb n pa yı yoaad me?"
21. T'a yeele: "yaa woto wa fo sën yeelã! La fo Soabã yeelame: " woto yaa yol-yol ne Maam, la sën na yil ti d maan-a ti yaa yel-solemd ne nebã la yolsg sën yi Tõnd nengē, la ad yaa puleng sën zoe n yı."
22. T'a rik a pugã n kēng ne-a zĩig sën zãre.
23. Ti rogmã zabdem tall-a n tvg Tamar-tugã ssegē, a yeelame: " kato ! Mam sã n da kiē taoor ti wã pa wa pa são, ti mam lebg yell b sën yĩmi!"
24. T'a ([ısa] bool-a a tēngrã [n yeele:] "ra sãam f sũur ye. Ad fo Soabã maana ko-sor fo tēngrã.
25. La f Miim Tamar-tugã yēgre ti tamarv maas n na n dvvg f nengē ti yaa sën wob paalem.
26. Bi f rı la f yũ la noog f sũuri. Fo sã n wa tvg n yã ned t'a sok-fo, bi f yeel ad mam rika puleng ne Yolsg naabã sındg no-loeere, rënd m kōn tol n gom rũnda ne ned ye.
27. T'a tall-a (biigã) n kēng a nebē wã, ti b yeel-a:" ad fo wa ne yell kãseng sën yaa zilembeedo.
28. A Harvvn tão wã, fo saambã pa yı nin-wēng ye, fo ma wã me pa yı yoaad-poak ye.
29. T'a tees-a [biigã], la b yeel yã: "tõnd na n goma ne biig sën be zegsē wãn-wãnd?
30. La a [biigã] yeel yã: " ad mam yaa Wënd yamba, A kōo maam Gafã la A leb n maan maam ti m yaa nabiyaama,

31. La A maan maam ti mam tar bark mam sēn be zīg ning fāa, la A sagl maam ne puvsg la zak ti mam sã n ket n vu.
32. N yaa manegd ne m ma wã, A ka maan maam ti m yaa waoog-n-meng soab n yaa zu-be-ned ye.
33. La tulgr be ne maam m rogem raare, la m kũum raare la raar ning b sēn na n vuvg-ma yikrã raarã.
34. Yaa woto la a Yiisa sēn yaa a Maryam biigã, yaa sid koegã la woto pa bãmb sēn be a soab pugē n maand sik a yellã pugē wã ye.
35. Pa sōmb ne Wēnd t'A tall biig buud ye, A yulgame n yi rē, A sã n bu yelle, A yet-a lame: "yɪ!" t'a be yubē.
36. La ad yaa Wēnd la mam Soaba; n leb n yaa yãmb Soabã. Bɪ y tũ-A, ti wãnde la sor sēn ya turga.
37. Tɪ sulã yōs taab bãmb ne taab svka, rēnd wubd be ne sēn kɪfl-bã, sēn yaa ra-kāsengã raar yel-ytsã.
38. B wumb ka to b yãab me pa tar to raar ning b sēn na n wa Tōnd nengē wã! La ad ründã wēgdbã bee meneng sēn yaa vēeneg pugē.
39. La bugs-b ne nĩmsã raarã, yellã sēn wat n bu wã; ti bãmb yaool n be yam yaal-yaal pugē n ka kōt sid ye.
40. Ad yaa Tōnd n rukd tēngã faad la bũmb nins sēn be a zugã fãa faado, la b lebgr zīg me yaa Tōnd nengē.
41. La f tēeg Gafã pugē a [braahum yelle, ad a yu sid soab n yaa nabiyaamã;
42. A sēn wa n yeel a saambã: "m saamba, yaa bōe ti fo tũud bũmb sēn pa wumd la a pa ne, la a pa tōe n naf foom n yi baa fvi?
43. M saamba, ad mam paama bāngr fo sēn pa tare, bi f pug maam ti m kãndg foom sor sēn yaa turga.
44. M saamba, ra tũ a Svtãan ye, ad a yume n yaa dũni Yolsg naabã kusda.
45. Yaa m saamba, ad mam yaeesdame nang na n wa paam foom sēn yi dũni yolsg naabã nengē, ti fo wa yɪ a svtãan lallda.
46. La a yeel yã : "Fo kisa mam soaben-dãmbã! foo a [braahumã? Fo sã n pa tek n bas (tōnd rvbsã sãbsgo) m na lob foom ne kuga, la pvs n wãag n bas maam wakat wooko".
47. La a yeel yã:"tulgr be ne foom, m na wa n kos m Soabã t'A yaaf-fo, mam Soabã yaa manegd ne maam".
48. La m lak n basa yãmb ne bũmb nins yãmb sēn tũud zēng sēn pa Wēndã fãa. M tũuda m Soabã A ye, ti sãnd-sãnde m kō n tol n kos m Soabã n kong n wa yɪ zu-be-ned ye".

49. La a sēn wa n lak n bas-b la būmb nins b sēn tūud zēng sēn pa Wēndā, Tōnd kō-a-la a [shaak la a Yaakuuba, la b fāa gilli Tōnd maan-b lame ti b yaa nabiyaam-dāmba.
50. La Tōnd kō-b-la būmb sēn yi Tōnd yolsgā pugē, la D maan yv-noog sēn zēk b yīnga.
51. Le tēeg Gafā pugē a Musa yelle, ad a yu pv-peelem soaba, n yaa tvntvum n yaa nabiyaama.
52. Tı Tōnd bool-a Tvvr tângā rutg wængē, la D pēneg-a ne sōsga.
53. La D leb n kō-a sēn yi Tōnd yolsgā pugē, n maan a ma-biig a Haarvun t'a yaa nabiyaama.
54. Le tēeg Gafā puga a [smaa'ul yelle, ad a yu pvleng pidsda, n leb n ya tēn-tvumā n ya nabiyaama.
55. A ra sagenda a zakā rāmb ne Pvvsq la zak yākre, a leb n da tara yard a Soabā nengē.
56. Tēeg Gafā puga a [drusa, ad a yu std soab n ya nabiyaama.
57. Tı Tōnd zēk a yvvrā t'a ziirā zēke.
58. Ad bāmbā la Wēnd sēn maan-b rāmb neema wā, sēn yi nabiyaam-rāmbā pugē, sēn yi a Adam koambē la neb nins Tōnd sēn rik n naag a Nuuh koglgā pugē wā, la sēn yi a [braahum la a [sraa'ul koambē la neb nins Tōnd sēn kāndg la D tūsā pugē, b sā n wa karemd Arrahmaan naab Aayayā b nengē, la b sēn lvit n maan suguud n kūmdē.
59. Tı ledsdb leds bāmb poorē, n yeeb Pvvsqā la b tū b yōyā yamleodo, la yi bilf bala b na yek wēng Gehannam pugē
60. Rēnda ned ning sēn tuub la a kō sıda la a tvm tvum sōmse, ad bāmbā rāmbā na n kēe arzāna, b pa na n wēg-b baa fvi.
61. Ārzān ning yolsg naab sēn pvlem A yembsā ne lilli, ad A pvlengā yaa sēn na n wa.
62. B pa wvmd a pugē gom-zaal rēnda tvlgr koεεg bala, la b tara b rıtl a pugē yibeoog la zaabre.
63. Ad arzēn ning sēn stf woto wā, yē la Tōnd sēn rıkd a faad n kōt D yembsā, yembs nins sēn ya-b wēn-zoetbā.
64. La Malek-rāmb pa sikd rēnda ne fo Soabā saglgo, būmb ning sēn be tōnd taoore, la būmb ning sēn be d poorē la sēn be wāndā suk yaa Yē n so, la fo Soabā pa yı n yaa yīmd ye.
65. Saasā la tēngā la būmb nins sēn be b yiibā suk Soabā, bı f tū-A la f maan sugr ne A tūudmā, rē yīnga fo mii A wōneg bu? A pa tar to ye.

66. La ninsaal yetame: "rē yīnga mam sã n ki, b na n leb n yika maam ne vum yesa?"
67. Rē yīnga ninsaal pa tēr ti Tōnd naan-a-la sēn da looge, t'a ra pa baa fvi?
68. La (m wēenda) ne fo Soabã, M na n tigim-b lame la svtãambã, rē poorē D na peeg-b n tug Gēhannem rag-noē wã ti b yaa sēn wūgi.
69. Rē poorē, D na yiis zãma fãa pugē, neb nins sēn yud ne wēng ne Arahmaan naabã kusgã.
70. Rē poorē, Tōnd n yud minim ne neb nins sēn sōmb ne bugmã kōomã.
71. Ned ka be yãmb svk rēndame t'a puvug be [bugmē wã, Gēhãnmã pō zuku]; ad puvug kãngã yaa bũmb ning fo Soabã sēn bv ti yaa tulae.
72. Rē loogr poorē ti D pōsg neb nins sēn zoe Wēndã la D bas wēgdbã beenē ti b yīga.
73. La b sã n wa karemd Tōnd Aaya-rãmbã vēenese, kifr-rãmbã yetda neb nins sēn kō sūdã: "sul a yiibã, ãnd n yud sōmblem ne zīga la zagse la ãnd n yud sōmblem ne zīid-n-taase?"
74. La sōor waog Tōnd sēn halk tēms sēn reng bãmb taoore, ti b arzēgs la b gesr neerem yud bãmba.
75. Yeele: "ned ning sēn wa n be meneng puga, bɪ yolsg naabã rōneg a yīnga rōnegr tekē, hal ti b sã n wa yãnd b sēn pulem-bã, zem ti yaa nangã, maa ti yaa dūni wã yikri, wakat kãng b na bãng ãnd zīig wēng n yude, la ãnd tã-biis valeng n yude".
76. La Wēnd paasda neb nins sēn kãndg-bã ne kãndgre, la yel-sōma sēn paad n woglã n yud ne keoor f Soabã nengē la b leb n yud ne baas neere.
77. Fo pa yã ned ning sēn kɪfl ne Tōnd Aaya-rãmbã la a yeele: " ad b na kō maam koamb la arzeka".
78. Rē yīnga a lik n bãnga sēn solgã bɪ a talla pvuleng yolsg Naabã nengē t'A na n kō-a-la rē?
79. Pa poto ye! D na n gvlsa a sēn yetã la D paas-a nangã pugē paasg tekē.
80. La D rik a sēn basã faad n bas-a ta wa Tōnd nengē beelle.
81. La b gãda zēng sēn pa Wēnd n maan b soab-rãmba, bvul yīng ti b yɪ b sōngdba.
82. Pa woto ye, b na n wa kɪfla ne b tũudmã la b yɪ b bæɛba.
83. Fo pa ne ti Tōnd n tvmsd Svãambã kifr-rãmbē wã ti b lengd-b [n tug tvvm beedē wã] lengr tekē?

84. Bɪ f Ra yāg ne-b ye, ad Tōnd geenda b yōyā geelg tekē, tɪ sã n wa sa bɪ D yōk-ba.
85. (Tēeg) raar ning D sēn na n wa tigim wēn-zoetbã n kēng Yolsg naab nengē, tɪ b yaa zāma sēn tar waoore.
86. La D kāag kifr-rāmbã n kēng Gəhannem tɪ b yaa ko-yūud rāmba.
87. B pa tar sugsd rēnda ned ning sēn rik-a puleng dūni ne yolsg Naabã n kō sɪd la maan neere.
88. La b (yahvud-rāmb la nasaar-dāmba) yeelame tɪ: " yolsg naabã tara biiga".
89. Ad yāmb wa ne yel-kisg sēn yaa bedre.
90. Saasã tull n pārsame gom-kāngã yīnga tɪ tēngã tull n pus n pāse tɪ tānsã tull n wur wurb tekē.
91. B sēn yeel tɪ yolsg Naabã tara biigã yīnga.
92. La pa sōmb ne yolsg Naabã t'A wa tar biig ye.
93. Ad būmb ning sēn be saasē wã la tēngē wã fāa wata yolsg Naab nengē tɪ b yaa yembse n gāneg b mense.
94. Ad A minim gūbg-b lame la A sōd-b-la sōdb tekē.
95. La b yembr fāa na n waa A nengē Yikr raarã t'a yaa a yembre.
96. Ad neb nins sēn kō sɪdã la b tvm tvm sōma wã, yolsg Naabã na n maan-b-la nonglem.
97. Ad Tōnd yols-a-la (Kvrāanã) ne a sēn sig ne fo zulemdã, sēn na yɪl tɪ fo noog wēn-zoetbã sūur la f bugs ne-a kokor-kegems rāmba.
98. La sōor waoog Tōnd sēn halk neb sēn deng bāmbã taoore, sēn yaa zāma; rē yīnga fo tara ned baa a yembr kibare, bɪ fo wumda b wūn-wūni?

20. Țaahaa*

Ne Wënd yvvrā barka, sēn yaa yols yaleng Soabā, n yaa Yolsdā, la d sungd d tvmūdā.

1. Taahaa.¹
2. Tōnd pa sik AlKvrāanā fo zug ti yi sabab ti fo nams ye.
3. A pa būmb a to rēnda tēegr ne ned ning sēn yaeesd Wēnde.
4. A sigame n yi sēn naan-a tēngā la sasā sēn zēkā nengē.
5. Yolsg Naabā, A zēka Naamā goeel yīngri (zēkr sēn sōm ne Wende).
6. Yēnd n so būmb ning sēn be sāasē wā la tēngē wā la sēn be b yiibā svka la sēn be tomā tēngrā.
7. Fo sā n zēk f koεga, maa f solg-a lame, ad A mii sēn solg la sēn tvg n solg n yuda.
8. Wēnde, Soab ka be rēnda Yēnda, yv-yilems yaa Yēnd n so.
9. La rē yīnga a Muusā kībarā waa fo nengē?
10. A sēn wa n yā bugum, n yeel a zakā rāmba: " zīnd-y, ad mam yāa bugum, raar bi m wa ne bug-vileng n wa kō-yā maa m paam (ned) bugmē wā t'a wīng-m sorā.
11. La a sēn wa n ta-a wā, b bool-a lame: "Yaa fo a Muusa!"
12. Ad yaa Maam la fo Soabā, pidg f neood a yiibā, bala fo bee Tuuwaa ko-so-yilengē wā.
13. La M tūusa foom, bi f kelg wahu M sēn na n tums ti wa fo nengē wā.
14. Ad yaa Maam la Wēnde, Soab ka be, rēnda Maam, bi f tū Maam la f yānes Pvvsḡā n tēeg Mam yvvrā.
15. Ad dūni yikr yaa sēn wa n sa, M pēnegrā n solgd-a, sēn na yul ti b rol yōor fāa a sēn tvme.
16. Bi f ra bas ti ned ning sēn pa kō-a sūdā la a pugd a yōorā yamleogā wa ḡdg foom n yi-a ye, ti f wat n halkame.
17. La yaa bōe n be fo nug rutgē wā, yaa foo a Musa?
18. T'a yeele:" yaa m ra-saarā; m tar-a lame n tikdē la m tar-a n ḡūd m rūmsā la m leb n tar tvlse m a taab ne-a".
19. Tt [Wēnd] yeele:" lobg-a, yaa foo Muusa".

* Țaahaa (Taahaa svvra).

[1] Wēnd n yud minim ne A sēn rat ne ḡvls-bi tōsdt-kāensā. La ḡvls-bi tōsdt-kāensā, sēn be Svvr-kāensā baasḡē wā, yaa sēn wilgd Alkvrāanā sēn komsd a gees-n-taasā, bala b geesa kuf-dāmbā ne Alkvrāanā, ti b kong n ka tōog n wa ne a buud ye, ti Alkvrāanā me -yaool n yaa sēn tui ne gom-biis nins bāmb goamā sēn tuit ne wā, sēn yaa ḡvls-bi tōsdt bāmbā buudā, ti rēnda wilgd Laarab-rāmbā kongame n ka tōog n wa ne Alkvrāanā buud ye, n lagem ne bāmb n yud nebā ne zelem pekā, ti wilgdē ti Alkvrāanā a yaa sēn tvme ti yi Wēnd nengē.

20. La a sēn lobg-a wā, a lebga waaf n zoetē.
21. La Wēnd yeel yā: "rūk-a la f ra yaees ye, D na n lebs-a-la wa a sēn da yaa to-to wā".
22. La rūk f nugā n ning f kurengā, t'a na n yiime n yaa pælg ti pa sēer ye, rē me yaa yel-solemd a to.
23. Sēn na yil ti Tōnd wīnig foom D yel-solem bedā sānda.
24. Kēng a Fir-aoon nengē, ti ad a kedgame.
25. T'a [Muusa] yeele: " m Soaba! yalg m yāoogā n kō-ma,
26. La F yols m yellā.
27. La F yidg loεεgā sēn be mam zelemdē wā,
28. Tı b fahem mam koεεga.
29. La maan sōangd n kō-m sēn yi mam zakē wā,
30. A Haarvvn sēn yaa mam ma-biigā.
31. Keng m poorā ne-a.
32. La F lagem-a m Tēn-tvumdā pvgē.
33. Sēn na yil ti d paam n pēgd Foom wvsg-wvsgo.
34. La d tēegd F yvvrā wvsgo.
35. Ad Fo yaa net ne tōndo, tōnd yellā pa solg Foo ye.
36. T'A yeele: " fo sēn kos būmb ningā b kō-f lame, yaa foo a Muusa.
37. Ad Mam maana foom neema noor a to yesa.
38. Wakat ning Tōnd sēn wa n nig fo ma wā yamē wā, būmb ning A sēn leems-a wā.
39. "T'a ning-a koglgā pvga; rē poorē bı f lobg koglgā kulgē wā ti kulgā na n lob-a-la kurenga, ti Mam be sēn leb n yaa a be n na n rūk-a ". La M lob-f nonglem sēn yi Mam nengē ti nebā nong-fo; la sēn na yil ti b wub foom Mam gūusg la M gūub pvgē.
40. Wakat ning fo tāoā sēn wa n kēnd n pvgd n ti yeele: "m wīnig-y ned ning sēn na n wub-a?" Yu woto ti Tōnd lebs foom f ma wā nengē, bvl yīng t'a nifā maage la a ra wa sām a sūur ye. La fo sēn wa n kv nedā, ti Tōnd tulg foom n yi yōkrā, la D zarb foom zarbg teka, ti fo zīnd yvum saar Madyan nebā nengē, rē poorē ti fo leb n wa B sēn da pvlem wakat ningā; Yaa foom a Musa.
41. La M tūus foom ti f yaa M Tēn-tvumā.
42. Kēnge, foom ne f ma-biigā ne Mam tagmas-rāmbā la y ra wa maan yaams ne Mam Yvvrā tēegr ye.
43. Yāmb y yiibā, Kēng-y a Fir-aoon nengē, ti ad a zvuga toadga.
44. Bı y gom ne-a koεεg sēn bugse, raar ning a na tēeg n zoe Wēnde.

45. La b yībā yeel yā: " Tōnd Soaba, ad tōnd yaeesdame t'a na n wa yāga ne tōnd namsg maa a maan n zvvg tōnd sibgrā pugē.
46. T'A yeele:" ra yaees-y ye, Mam bee ne yāmba, M wumdame la M neē,
47. Bı y kēng a nengē n ti yeel-a: " ad tōnd yaa fo Soabā Tēn-tvumb a yīibu, bı f yiis [sra'ēel koambā ti b tū tōnd la f ra nams-b ye, ad tōnd waa fo nengē ne fo Soabā tagmas-rāmba, la tilgr be ne ned ning sēn tū kāndgrā!
48. Ad B tuma wahu ti wa tōnd nengē ti namsgā bee ne ned ning sēn yags-a la a gūd a kudga".
49. T'a (Fır-aoon) yeele: "yaa ānd la yāmb y yībā Soabā, Muusa?
50. T'a yeele: "Tōnd Soabā la sēn naan-a būmbā fāa gilli, rē poorē t'A togl-a.
51. T'a Fır-aoon yeele; " la zāma rāmb nins sēn da reng taorā ne ktflmā yell yaa wān-wāna?"
52. La a Muusa yeel yā: "bāmb yellā minim bee mam Soabā nengē, gaf pvga, mam Soabā pa menemde, a pa yīmdi,
53. Ning sēn maan-a tēngā n kō yāmb t'a yaa sēn sakd vum, la A tuk soay n kō yāmb a pvge, la A sik sa-koom n yi saasē wā, n buls ne-a bōn-bundi kōbse, sēn yaa tus toor-toore.
54. "Rı-y la y gū y rūmsā, ad woto yaa tagmas ne yam-beel rāmba,
55. (Tēn-gāngā) zug la D naan yāmba, la yaa be la D na n lebs yāmba, leb n yaa beenē la D na n yik yāmb yik-zēng yesa.
56. La ad Tōnd wīnig-a lame D tagmasā t'a yags la a tōdge.
57. N yeele:" Fo waa tōnd nengē n na n yiis tōnd d tēngē wā ne f tumā bı? Yaa foom a Muusa!
58. Ad d na n waa ne tum woto bilgr fo nengē, bı f yāk sek tōnd ne foo svka; tōnd pa viigd-a fo me ka viigd-a, la yı zīg sēn yaa tēng-n-svk ne d fāa.
59. T'a Muusa yeele:"sekā raar na n yu tigrā raarā, wakat ning nebā sēn wat n tigim sōor wakato.
60. T'a Fır-aoon na n gūd a kuidg n ti tigim a rabrā, rē poorē n na n lebg n wa.
61. La a Muusa yeel-ba: "wubd be ne yāmba! Ra wāag-y zīri n rogl Wēnd t'A namsgā wa paam yāmb ye, ad ned ning sēn wāag-a zīri (n rolg Wēnd) bōname".
62. Tı b maan tak-n-taar bāmb ne taab svk b yellā zugu, la b solg b yēsgā.
63. La b yeel yā: "ad bāmbā b yībā yaa tum rāmba, sēn tull n yiis yāmb tēngā pvg ne b tumā, la b paam n loog ne yāmb sorā sēn be neerā.

64. Bı y tigim y dabrã ti ta, rē poorē ti y tong taab n wa lob y sēn tarã, ad ned ning sēn tōog-a ründã, yē soab n wili.
65. La b yeel yã:" a Muusa, maa ti fo reng n lobg (f rasaarã) maa tōnd yi pipi n lobge.
66. T'a yeele: " ayo, yãmb reng n lobe. La b wĩyã la b rasayã sēn rãmbde b tumã keelem t'a Muusa tēed ti yaa wiis sēn zote.
67. Tı yaeesg paam a Musa t'a solg-a a nengē.
68. Tı Tōnd yeele:" ra yaees ye, ad yaa foom n na n wili.
69. Lob bũmb ning sēn be fo ritgē wã, a na n vela b sēn maan yel ninsã fãa, ad b sēn maan bũmb ningã yaa tum raba, la tum soab me pa paamd a tulsem a sēn kēng zĩig ning fãa.
70. Tı titã-rãmb lvi n maan suguudu, n yeele:" tōnd kōo sid ne a Haarvun la a Muusa Soabã".
71. La a Fur-aoon yeel yã;" y kō-a-la sıda taoor ti m na n ka kō yãmb sore, ad yaa yē la yãmb taoor soab sēn zãms yãmb tumã, m na n kuvsa y nusã la y naoã n yōs taaba, la m na n sēb-y lame Tamar-tusã yēgē, la y na bãng tōnd d yibã suka ãnd n yud ne namsg keelem la paabo.
72. Tı b yeele:" tōnd ka na n tol n sak ti fo n são tagmas-rãmbã nins sēn yaa vēenes n wa tōnd nengē wã ye, la Soab ning sēn naan-a tōndã me ye, bı f maan fo sēn na n maan tōnd a soaba, ad fo tōogã yaa dũni-kãngã vumã pugē bala.
73. Ad tōnd kōo sid ne tōnd Soabã sēn na yil t'A yaaf d tvum-tuutsã la fo sēn modg tōnd ti d maan tumã, Wēnd n yud ne sōmblem la a yud ne paabo.
74. Ad ned ning sēn wa n wa a Soabã nengē n tum tvum-wēnse, Gehannem be ne-a, a pa kiid a pugē, a pa vi me.
75. la ned ning sēn wa A nengē n kō sid la a tum tvum sōma, ad bãmb rãmb tara ziir sēn zēke.
76. Arzãnã pugē, ti ko-sood zoet b tēngrã, n na n duumd beenē, woto yaa ned ning sēn ylg-a a meng rolbo.
77. Ad Mam tuma wahu ti kēng a Muusa nengē:" yi ne M yemsã n pãrg sor n kō-ba, mogrã puga ti lebg koεenga, ra yaees ti b na n paam-f lame ye, le b n da yaees bōrbo.
78. T'a Fur-aoon na n pug-b ne a tãppã, ti mogrã na n bōr-b bōrb tēka.
79. La a Fur-aoon menesa a nebã, n ka kãndg ye.
80. Yãmb a [srael koambã, ad Tōnd tulga yãmb n yi y be wã, la D rik puleng ne yãmb tãngã ritg wεengē, la D sigs luiili nemd la sud-koom n kō yãmba.

81. Rı-y rı-ylems D sēn pvi n kō yāmbā la y ra wa kedg a pvgē ye, ti Mam gēegā wa sig y zug ye, ad Mam gēegā sēn wa n sig a soab zugu, a halkame.
82. La ad Mam yaa yaafg soab ne ned ning sēn tuub-a la a kō sıda, la a maan tvum-sōma, rē poorē t'a kānde.
83. "La bōe yīng ti fo yāg n bas fo nebā? Yaa foom a Muusa!"
84. A yeelame: " b bee mam poorē n pvgda, la mam yāg n waa Fo nengē sēn na yil ti Fo yar-ma".
85. La Wēnd yeel yā: "ad Tōnd zarba fo nebā fo loogr poorē, t'a Saamiriy menes-ba.
86. T'a Muusa na n lebg n kēng a nebā nengē, ne gēeg la sū-sāamse, n yeele: " yaa yāmb mam nebā, rē yīnga yāmb Soabā pa pulem yāmb pvlen-sıda, rē yīnga yaa pvlēngā n wogl bi y ratame ti gēeg sēn yi y Soabā nengē wa paam-yā, y sēn bas pvlēngā y sēn dik ne maamā yīnga? "
87. La b yeel yā: " tōnd pa bas fo pvlēngā pvgb ne tōnd tōog ye, la ad b tvka tōnd zub sēn yaa a Fir-aoon nebā nag-teedo ti d kong n lob-a bokē wā, yaa woto la a Saamiriy me lob (a rēndā).
88. N yiis nag-bil ne yīng sēn maand bvure ti vum ka be ye, la b yeele: "ad yaa wānde la yāmb Soabā, a Muusa me Soabā la woto, la a yīmame".
89. La rē yīnga yāmb pa ne t'a pa lebsd koεeg n tvgd-ba, a leb n pa so b nang la b nafa?
90. La ad a Harvvn rag n yeel-b lame sēn reng taoore:"yaa m nebā! ad b zarba yāmb ne-a; la ad yāmb Soabā la a Yolsg Naaba, pvg-y maam la y sak mam saglsā".
91. B yeelame: "tōnd ka na n bak n bas a tūub hal t'a Muusa wa lebg n wa tōnd nengē".
92. A (Muusa) yeelame: " yaa foo a Harvuna! bōe n gidg foom, f sēn wa n yānd ti b menmame wā,
93. Tı fo bas-ba la f pvgē maam? Fo tōdga mam sagellā la?"
94. A (Harvvn) yeelame: " yaa m ma-biiga, ra gād m toεngā ye, ra gād m zugā me ye, ad mam yaεgame ti f wa yeele: "fo welga [sra'ul koambā ne taaba, f ka gūus mam sagls ye".
95. T'a (Muusa) yeele: " fo halhaal yaa wāna? foom a Saamiriy!
96. A (Saamiriy) yeelame: "mam yānda būmb ning b sēn pa yā, ti m yāk tom sēn yi Tvntvumā vūunē n lobe, woto la mam yōorā sagl maam".

97. T'a (Muusa) yeele: " kēng n zāag maam, ad bee ne foom vumã pugē ti fo sã n wa yã ned bu fo yeel-a: " ra sus maam ti mam pa susd-f ye, (a na n vumsa wilinga)!" la ad fo tara pvleng sēn ka na n viigi, ges fo soab ning fo sēn da tãag n tũudē wã, tōnd na n yōog-a-la ne bugum, rē poorē tōnd na n sãeeg-a lame sãeegr tekē.
98. Ad yãmb Soabã yaa Wēnd ning soab-zēng sēn pa be ti pa Yē wã, A minmã gũbga bũmbã fãa.
99. Yaa woto la D togsd foom kibay sēn looge, la ad Tōnd kōo foom Tēegr sēn yi Tōnd nengē (Kvrãana).
100. Ned ning sēn gũd-a a zãn-kuidg n bas-a (Kvrãanã), yikrã raare a na n tvka zubo.
101. A na n duuma beenē, ad a sēn tvk yi wēng yikrã raarã.
102. Raar ning b sēn na n fvvs baorgē wã, ti D tigim nin-wēnsã ti b nensã sobg (yaeesg keelem)!
103. N walemd bãmb ne taab svka:" ad yãmb sēn zĩnd (dũni wã) yaa rasem piig bala!
104. Tōnd n yud minim ne b sēn yet bũmb ningã, b ned ning sēn yud-a ne bãngr yetame: " ad yãmb pa zĩnd (dũni wã) rēnda raar a yembr bala".
105. La b sokda foom tãensã yelle; yeele: "m Soabã na n sãeeg-b lame sãeegr tekē.
106. N bas-b ti b legb saalle.
107. Fo pa ne golengo, fo pa ne pusbu.
108. Ra-kãng raarã b na n puga boaandã, gōdgr ka be ye, ti koesã fãa yōgen n tees yolsg Naabã nengē, fo pa wumd bũmb ralla walengo.
109. Raarã, sugsg pa nafd ralla yolsg Naabã sēn kō-a soab sore, n yardē t'a gome.
110. A (Wēnd) mii sēn loog bãmb taoore, la sēn na wat b poorē; la bãmb minim ka gũbg Wēnd ye.
111. Tı nensã yōgen n tug Vitã sēn yaa Sek-m-meng Soabã, la ad ned ning sēn tvk wēgb soab bõn yã.
112. La ned ning sēn wa n tum tvvm-sōma, n ya sid-kōta, a pa na n yaees wēgbo, a pa na n le yaees ti b na n wa boog a yel-sōmd ye.
113. La yaa woto la M sik Kvrãanã ne laarabiiindu, la M yilem a pugē pvleng-wēnse, ti raar ninga b na yaees (Wēnde), ma a kut ti b tēeg-tēeg taaba.
114. Wēnd naam zēk yã, sēn yaa sid naaba, ra yãg ne Kvrãanã karengo n lagmd a Gĩbriil taoor ti wahu wã nan pa se ye, la yeele: " m Soaba! Paas maam bãngre!"

115. Ad Tōnd ra rika pvleng pīnd n tvg a Adam nengē, t'a yīmi, la D pa mik loeeg ne sugr a nengē ye.
116. Tōnd sēn wa n yeel Malek-rāmbā: "maan-y a Adam suguudu", ti b maan suguudā rall a [blus sēn tōdge.
117. Tı Tōnd yeele:" yaa foo Adama! ad wānde yaa fo be, yaa fo pagā me be, gūus-y t'a ra wa yiis yāmb arzānā pug ye, ti yaams wa paam foom ye".
118. Ad kom ka na n yōk foom (arzānā pugē) ye, f ka na n kēn zaal me ye.
119. Ko-yūud ka na n paam foom a pugē, wīnto-sul me pa na n paam foom ye.
120. T'a Svtāan na n yubs-b n yeele:" yaa foo Adama! m wīnig foom duung tug la naam sēn pa sete?"
121. Tı b yiibā (Adam la a Hawa) na n rı tugā, ti b yiibā yānā na n vēneg, ti b na n tōs arzānā vāt n na n pil b yānā, yaa woto la a Adam kus a Soabā n menem.
122. Rē loogr poorē t'a Soabā tūus-a n reeg a tuubgā la a känd-a.
123. La A yeele:" sig-y yāmb y yiibā (Adama la a Hawa) kaanē, yāmb ne taab na n yu beem, la kändgr na n yii Mam nengē n wa yāmb nengē, la ned ning sēn tū-a M kändgrā, a pa na n meneme a pa na n yı zu-beed soab me.
124. La ned ning sēn gūd-a zān-kuidg ne Mam tēegrā, vum sēn ya weoogr be ne-a; yikr raarā b na n yik-a lame t'a ya zoanga.
125. T'a yeele: " yaa m Soabā! bōe yīng ti Fo yik maam zoanga, ti mam yaool n da yaa nin-soab pīnda?"
126. T'A yeele: yaa woto, bala Mam tagmasā waa fo nengē ti fo yīm-ba, yaa woto la b na n yīm foom rūnda raarā.
127. Yaa woto la D rond ned ning sēn maan n zvuge la a ka kō a Soabā tagmas-rāmba sıda, la ad yaoleem raarā nangā n yud keelem la paabo.
128. Rē yīnga bāmbā pa paam kändgr ti sōor waoog Tōnd sēn halk neb nins sēn reng-b bāmbā taorā, ti bāmb pıvugd b zagsē wā? Ad woto yaa tagmas n kō yam beel rāmba.
129. La sā n ka koεeg sēn reng fo Soabā nengē, (sıbgrā) rag n na yı tılae ne-ba la yı wakat b sēn yāke.
130. Bi f maan sugr ne būmb ning b sēn yetā la f yulg f Soabā yvūrā ne pēka, taor ti wīntoog nan pa puki, la taor t'a nan pa lvi ye. La yunga wakato bi f yulg f Soabā yvure, la wīndgā krensā (zafar la magrib), ti raar ning f na yare.

131. Ra wa vulems f nin n tees Tõnd sēn kō-b sēn yaa pagb ye; ad yaa dūni tī-puud bala, sēn na yil n zarb-b a pvgē, la fo Soabā kūunā n yud sōmblem la kellgo.
132. La sagl f zakā rāmb ne pvvsg la f maan sugr ne-ba, Tõnd pa sokd foom ruti yell ye, yaa Tõnd n rulg d foom, la baas neerā bee ne wēn-zoetbā.
133. B yeelame: "yaa bōe yīng la a pa na n wat ne tōnd nengē yel-solemd sēn yi a Soabā nengē wala sēn be rāeenem gaf-rāmbā pvgē wā?"
134. La Tõnd sā n da halk-b-lame taor (t'a Mohammad) nan pa wa, b rag n na n yeelame (yaoleem raarā): "yaa d Soaba! Fo sā n dag n tums tōnd nengē tēn-tvuma, tī d ra paam n tū Fo Aaya-rāmbā, sēn na yil tī d ra paam yānd la paor ye".
135. Yeele: "ad nebā fāa kolldame, bī yāmb me kolle! Y na wa n bāng ned ning sēn be so-turg zugu, la ned ning sēn kānd-a".

21. Al-anbiyaa'u*

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tuvmdā.

1. Nebā geelgā kolgame, la b baas n bee yam yaal-yaal pugē n gōdgd n yit stda.
2. Saglg ka wat bāmb nengē, n yi b Soabā nengē, sēn ya paalle, rēndame ti b kelg-a lame la b reemdē.
3. Tı b sūyā toog ka beē ye. Tı sēn wēg-b mensā-rāmba solgd b yēsgā n yetē: " rē yīnga, yāoondā yaa nin-zēng sēn pa yīng soab wala yāmba; rē yīngā yāmb na n tūu tum soab n yaool n neē ti ya ned wa yāmba?"
4. A yeelame: " mam Soabā n mi koεεg sēn be saagē wā la tēngā zugu, yaa Yē la a Wumd la a Mita."
5. Ka woto ye, b yeelame: (Alkvrāanā) yaa zāms-gēdma! Yaa a Mohammad n pvs n wādg-a n wa, a pvs n ya yun-yunda, bi a wa ne tōnd nengē ne yel-solem wala b sēn tum rāeenem rāmb to-to wā?
6. Tēms n reng taoor n ka kō sid ye, ti Tōnd halk-ba; bāmbā n na n wa kō sid bi?
7. La Tōnd pa tvms ti reng fo taoor rēndame ti yaa raopa, bi y sok gafā rāmb ti y sā n yume n ka miē.
8. La Tōnd pa maan-b ti b yaa yins rāmb n pa rut rub ye, b leb n pa yi n yaa dūni paadb ye.
9. Rē loogr poorē ti Tōnd sidg-ba D pvlengā, n tulg-b la neb nins Tōnd sēn tvllā, la D halk maan-n-zvvg rāmbā.
10. Ad Tōnd sikame gaf n kō yāmba, ti yāmb tēegr be beenē; yāmb pa tagsd la?
11. Sōor waoog Tōnd sēn halk tēms sēn da wēg b mense, rē loogr poorē ti Tōnd naan neb a taaba.
12. La b sēn wa n yūbs Tōnd naongā, la b sēn bao n na n zoe n zāag-a.
13. Ra zoe-y ye, lebg-y n kēng y wum-noogā zīisē la y rotē wā, ti raar ninga b na sok-yā.
14. La b yeelyā: "yaa tōnd wubdo! Ad tōnd da yume n ya wēgdba".
15. B ka bak ti yaa rē la b gomde, hal ti Tōnd wa maan-b ti yaa wala (kood) sēn kēbe ti b yaa sēn n ki.
16. Tōnd pa naan saagā la tēngā la sēn be b yiibā suka ne wusg ye.

* Al-anbiyaa'u (Nabiyaam-rāmbā svvra).

17. Tõnd sã n da ratame n rik wısga, D rag n na rik sën be Tõnd nengē wã, ti D sã n yi n yaē maandba.
18. Ad Tõnd rikda sūdã n lobg zīri wã, t'a sãam-a t'a yaa sën menme, la wubd be ne yãmb y sën sūfd (Wënd) ne bũmb ningã yīnga.
19. Yē n so sën be saasē la tēngē, la sën be b Yē nengē wã b pa maan waoog-m-meng ne A tūudmã ye, b yamã leb n pa lakd me ye.
20. B yulgda Wënd n gēdgd ne pēk yung la wīndga, la b pa wãagd ye.
21. Ad b rıka soab-rãmb tēngē wã n tūudē, b ka tōe n vums kũ-rãmb ye, la yu wãn ti b wa tūud koms-rãmba?
22. Soab-zēms sën pa Wënd sã n da beē saagē wã bi tēngã zugu, b yībã (saagã la tēngã) fãa ra na sãame, yılgeng be ne Wënd, sën yaa Al-ars wagellã Naaba, n yi bãmb sën sūfdã.
23. Ned pa tōe n sok Wënd A sën maand bũmb ning ye, la sã n yaa ne bãmba, b na n sok-b lame (b tvmã).
24. B gãda zēng sën pa Yē n maan soab rãmbã? Yeele:" wa-y ne y daliili, wahu-kãngã yaa neb nins sën be-b ne maamã la sën reng-b mam taorã tēegre, la ad bãmbã sën waoog fãa pa mi ye, b balldame (n yit sıda).
25. Tõnd pa tvms Tën-tvum ti reng foom taor rallame ti Tõnd tool wahu a nengē ti ad: "soab ka be rēnda Wēnde, bi y tũ Maam m yembre".
26. La b yeelame:" yolsg Naabã rıka Malegsã ti yaa A koamba". Yılgemd be ne-A! Pa woto ye, ad yaa yems b sën waooge.
27. B pa rengd-A ne koεg ye, la yaa A sën sagl bũmb ningã la b tvmda.
28. A mii bũmb ning sën be bãmb neng taoore, la bũmb ning sën be bãmb poor wēngē; b pa tōe n maan sugsg rēnda sën na n kō ned ning A sën yarde, la bãmb yaa sën gūusdi A yaesã zīri.
29. La sën wa n yeel-a bãmbã svka: "mam yaa soaba, zēng sën pa Yē" D yaood-a-la Gehannem, yaa wot la D yaood wēgdbã.
30. Rē yīnga kıfr-rãmbã pa yã ti saasã la tēngã rag n taba taaba? Tı Tõnd welg b yībã, la Tõnd maana bõn-vul fãa n yi koomē, b pa kõt sūd la?
31. Tõnd ninga tēngã zugu, tãn-tabendse, sën na yul t'a ra miim ne bãmb ye, la D maan ruls ti yaa soay sën na yil ti b bång n tũ.
32. La D maan saasã ti yaa wala beoongo, n gũ-a t'a pa lvtē ye, ti b yaool n göd b zãn-kuids n yit Tõnd Aaya-rãmba.
33. La Yē la Naab ning sën naan-a yungã la wīndgã, la wīntoogã la kiuugã, ti yen kam fãa be wēngē n rugda.
34. Tõnd pa maan nin-yīng soab sën reng foom t'a duumdē ye, rē yīnga fo sã n ki, bãmb yē n na n paame?

35. Yōor fāa na n lemba kūum, la D na n zarba yāmb ne sōng la wēnga, la yaa Tōnd nengē la y na n lebg n wa.
36. Neb nins sēn ktfl-bā sā n wa yānd foom, b pa gāt foom rēnda sābsgo (n yetē): " yaa yāoā soab la sēn zangd yāmb soab-rāmbā bu?" ti bāmb yaool n ktfl ne yolsg Naabā yvvrā tēegre.
37. B naana ninsaal t'a nong yāgbo, M na wa n wīnig yāmb Mam Aaya-rāmbā, bᵢ y ra yāg ye.
38. La b yetē: yaa rabur la puleng-kāngā, ti y sā n togsda sīda?
39. Kuf-rāmbā sā n mii (stbgrā raarā) bāmb sēn pa na n tōog n tus bugmā n yi b nensā la b poayā, la b pa na n paam sōngr me ye.
40. Pa woto ye, ad a na n waa bāmb ne lingri tu b yirbi, n pa tōe n lebs-a ye, b pa na n koll-b me ye.
41. Ad b ra yaala Tēn-tvumb sēn reng fo taoore, ti halkr sig neb nins sēn yaal Tēn-tvumbā, b sēn da yᵢ n yaand būmb ningā.
42. Yeele: " ānd n gūud yāmb n yit yolsg naab naongā yvng la wīntoogo?" ti bāmb yaool n gōt d b zān-kuids n yi b tēegrā.
43. Bᵢ b tara soab-rāmb sēn tōe n gū-b n yi Tōndo? La soab-bāmb pa tōe n sōng b mense, b pa tōe n bool neb ti b sōng-b n yi Tōndo.
44. Pa woto ye, ad Tōnd wumsa bāmbā la b ba-rāmbā noogo, hal ti b wa kuvle, rē yīnga bāmb pa ne ti yaa Tōnd n boogd tēngā a kuremsē wā? Rē yīnga bāmb ra yaa windba? A yo, b wili-b lame
45. Yeele: "ad mam bugsda yāmb ne wahu" la ad wums pa tōe n wum boaal sēn boond n na n bugs-b ye.
46. La stbgr sēn yi fo Soabā nengē sā n paam bāmba, la b sēn yete: "ad tōnd ra yume n yaa wēgdba".
47. La Tōnd na n rigla peesgā ne tēeg-turga. Yikrā raarā, b pa na n wēg yōor baa fvᵢ, ba ti yaa būmb bilf wala goandg biiga, D na n waa ne-a, la ad Tōnd geelgā sek yā.
48. Ad Tōnd kōo a Muusa la a Harvvn gaf sēn welgd sūd la zīri (Taoraatā), sēn yaa vēnem la tēegr ne wēn-zoetbā.
49. Neb nins sēn yaæsd b Soabā ne A sēn solga fāa la b le yaæsd (dūni) yikrā.
50. La wānde (Alkvrāanā) yaa tēegr sēn tar barka, ti Tōnd sik-a, rē yīnga yāmb kUSD-a lame?
51. La ad Tōnd ra kōo a [braahum a kāndgrā, wāndā taoore, la D ra yume n mi a yalē wā.
52. A sēn wa n yeel a ba wā la a nebā: " yaa bōe bōn-naands la yāmb sēn yās ne b tūudum lug-lugā?"

53. La b yeele: " tōnd mika d saam-rāmb ti b tūud-ba".
54. La a yeel yā: "ad yāmb la y saam-rāmbā ra bee meneng sēn vēneg puga".
55. La b yeel yā: "fo waa tōnd nengē ne sūd bī fo reemdame?"
56. La a yeel yā: "pa woto ye, yāmb Soabā yaa saasā la tēngā Soabā, Yēnda n naan-ba, la ma me yaa kaset soab ne woto.
57. Ne Wēnd ti m na n rabsa yāmb rvbsā ti y sā n wa loog n gōd n zān-kuidsi.
58. La a pāb-b n sāeeg la a bas (rvb) kāsengā ti raar ninga b na leb a nengē (n soke).
59. La b yeel yā: " ānd n maan woto ne tōnd soab-rāmbā? Ad yaa wēgda.
60. La (kēer) yeel yā: "tōnd ra wōma ra-sāng sēn da zangd-ba (rvbsā), b boond-a lame t'a [braahum".
61. La b yeel yā: " tall-y-yā n wa nebā ninē, ti raar ninga b na maan kaseto.
62. La b yeele: " rē yīnga foom n maan woto ne tōnd soab-rāmbā, yaa foo a [braahum?"
63. La a yeel yā: "ka woto ye, ad yaa b kāsmā la sēn maan-ba, bī y sok-y-b n ges ti b sā n gomdame".
64. La b leb b mensē n yeele: "ad yāmb n yaa wēg-m-mens rāmba".
65. Rē poorē la b sulg b zut n yeele: " fo miime ti bāmbā pa gomd ye".
66. La a yeel yā: "rē yīnga yāmb tūuda zēng sēn pa Wēnde, būmb tūudum sēn pa nafd yāmba, a bas n pa tū me sēn pa maan yāmb naongo?
67. Wēng be ne yāmb la y sēn tūud būmb nins zēng sēn pa Wēndā, yāmb pa tagsd la?"
68. La b yeel yā: " yōog-y-yā n sōng y soab-rāmbā, sā n mikame ti y na n maana (būmbu)".
69. La Tōnd yeel yā: "bugumā, yī maasg la tulgr n kō a [braahum".
70. B rag n tvll n na n rabs-a lame ti Tōnd kit ti bāmb la bōndbā.
71. Tōnd tulg-a lame la a Lvvt n tug tēng ning Tōnd sēn barkā.
72. La Tōnd kō-a-la a [shaaka la a Yaakuub sēn yaa paasgo, la b gillā fāa Tōnd maan-b lame ti yaa nin-sōma.
73. La Tōnd maan-b lame ti b yaa taoor-rāmba, n kāndgdē ne Tōnd saglgā, la Tōnd tuma wahi ti kēng b nengē ti b tum tum sōma, la b yals ne Pvvsq la b kō zaka, la b ra yume n tūud Tōndo.
74. La a Lvute, Tōnd kō-a-la buvd welgr minim la bāngre; la D tulg-a n yi tēng ning rāmb sēn da yī n tum wēnga, ad b ra yume n ya nin-wēnse.
75. La D kēes-a Tōnd yolsgā pūgā, ad a yume n naag nin-sōmā wā.

76. La a Nuuh, a sēn wa n bool taoor t'a [braahum la a Luud na n pa wa, ti Tōnd reeg a kosg n pōsg-a la a zakā-rāmb n yi weoogr ning sēn yaa bedrā.
77. La d sōng-a n yi neb nins sēn yags ne Tōnd Aaya-rāmbā, ad bāmbā yu nin-wēns ti Tōnd bōr-b fāa gilli.
78. La a Daawuud la a Sulaymaan, b yībā sēn wa n buud puugā yelle, nebā rūmsā sēn wa n wāb koodā, la Tōnd yu kaset rāmb ne b yībā buudā.
79. Ti Tōnd fasem a Sulaymaane, la Tōnd kōo b yībā fāa buud minim la bāngre, la Tōnd noma tāens la liuuli ti b lagem a Daawuud n yulgd Wēnde, yaa Tōnd n maan woto.
80. La Tōnd zāms-a-la zabr fut maaneg sēn na yul n kogl yāmb n yi y mensā wēnga, la rē yīnga yāmb yaa zaam-n-beoog puusdb bu?
81. La Tōnd wōra sebgā n kō a Sulaymaan t'a zoet ne Tōnd saglgo, n kēngd tēng ning D sēn barkā, la Tōnd yaa būmbā fāa gill mita.
82. La Sūtāmbā svka bee sēn lisd (moaga pugē n yiisd arzegse) n kōt-a la b maand tum-zēms sēn pa woto, la Tōnd da yume n gūud-b la D ruls-ba (bi b ra maan sāang ye).
83. La a Ayyūba, a sēn wa n bool a Soabā:" ad keelem paama maam, la yaa Foom n yud yolsdbā fāa ne yolsgo.
84. Ti Tōnd reeg a kosgā n lak keelmā la D kō-a a zakā rāmbā la bāmb bilgri, ti yaa yolsg sēn yi Tōnd nengē la tēegr ne tūudbā.
85. La a [smaa'tul la a [driisa la a Zul-kifle, b gillā fāa yu sugr maandbā.
86. La Tōnd kēes-b-la Tōnd yolsgē wā, ad b yu nin-sōmbse.
87. La a Zunnuni (Yuunus) a sēn wa n zab ne a nebā n gē n loogā, n tēed ti Tōnd pa na n tōog-a, t'a na n zīnd likā pugē n bool tu: "soab-zēng ka be rēnda Foom, yulgr be ne Foom, ad mam yume n yaa wēg-m-meng soaba".
88. Ti Tōnd na n reeg a kosgo, n pōsg-a n yi weoogrā, yaa woto la Tōnd tlgd sid-kōtba.
89. La a Zakariya, a sēn wa n bool a Soabā: "yaa m Soabā! ra bas maam m yembr ye, ad Foom n yud fa-rūkdbā fāa ne sōmblem".
90. Ti Tōnd na n reeg a kosgo la D kō-a a Yahyaa la D tūp a pagā, ad bāmbā ra yume n yāgd ne tum-sōma, la b boond Tōnd ne yamleoog la nonglem, yaeesg yīnga, la b fāa yu yōgen-m-meng ne Tōnd tūudmā.
91. La a (Maryam) sēn gūus a taorā n yi yoobā! Ti Tōnd na n fuus-a (vum) yōor sēn yi Tōnd nengē, la D maan yē ne a biigā ti yaa yel-solemd ne dūni rāmba.

92. Ad yāmb zāma-kāngā yaa zāma a yembre, la yaa Maam la yāmb Soabā, bɪ tū Maam.
93. Tɪ b yōs taab bāmb ne taab sukā, la b fāa gill na n lebg n waa Tōnd nengē.
94. La ned ning sēn wa n maan tʊm-sōma, n ya sid-kōta, b pa na n sām a tʊmā ye, Tōnd na n gulsa (yel-sōmd) n kō-a.
95. La yaa gɪdgr ne tēng rāmb Tōnd sēn halk tɪ b le lebg (n wa dūni) la b maneg b tʊmā.
96. Hal tɪ b wa pak a Yaagʊg la a Maagʊg-rāmb yēdrā, tɪ b pukd n yit kūnkubr zug fāa.
97. La pʊleng sɪdā (raar) kolgdame, tɪ kufr-rāmbā ninā yaa sēn nodge, b yetdame: " yaa tōnd wubdo! tōnd ra yume n be yam yaal-yaal ne woto, tōnd pʊs n da yume n yaa wēgdba".
98. Yāmb ne y sēn tūud būmb nins zēng sēn pa Wēndā yaa bugum ra-giisi, y na n waa be.
99. Bāmbā sā n da yaē soab-rāmba, b rag n kōn waē be ye, la b fāa na n duuma a pʊgē.
100. B na n kūmdame n kīgsdē; bugmā pʊgē b pa na n wʊm baa fʊt ye.
101. Ad neb nins pʊleng sōng sēn da reng n yi Tōnd nengē b yīngā, b na n zāag-b lame ne bugmā.
102. B pa na n wʊm (bugmā) rāamde, b bee sēn noom b yōyā pʊg n duumdē.
103. Sū-sāang kasengā pa paamd-b ye, Malek-rāmbā yekd-b lame n yetē: "ad yāoā yaa raar ning b sēn da pʊlem yāmbā".
104. Raar ning Tōnd sēn na n wa pil saagā tɪ yaa wala gaf-rāmb karaag pilbu, Tōnd na n lebsa būmb a fāa wala Tōnd sēn da sung a naanegā rēnemā, yaa pʊleng D sēn ruke, n na n pidsi.
105. Ad Tōnd gulsa Taoraatā pʊgē, D sēn ning (saasē) gafā pʊg loogr poorē tɪ : " tēngā, yaa Mam yemb-sōmsā n na n rik a faado.
106. Ad bee woto pʊga, taasg sēn sek ne neb sēn yaa (Wēnd) tūudba.
107. Tōnd pa tʊms foom rēnda yolsg yīng ne dūni wā rāmba.
108. Yeele: "ad b sēn tʊms wahu wā tɪ wa mam nengē yaa tɪ: yāmb Soabā yaa Wēnd a yembre, la rē yīnga yāmb yaa sak-n-tū-rāmb bu?
109. B sā n gōd b zān-kuidsi, bɪ f yeele: "mam taasda yāmb zabr kibar ne sda, la m pa mi b sēn pʊlem yāmb būmb ningā pēeme bɪ zārame.
110. Ad Yē n mi yāmb sēn vēneg koes ninsā la y sēn solgdā.
111. La mam pa mi woto (naongā yaoolgā) sā n yaa yāmb zarb-n-gesga bɪ a sā n yaa (yāmb) wʊms-noog n tɪ tāag wakato.

112. La a yeele:"Yaa fo m Soabã! kao bvvdã ne sıda! La ad tõnd Soabã la yolsğ Naaba, yaa Yẽ la m kot sõngr n yi yãmb sẽn sıfd bũmb ningã".

22. Al-Hağ *

Ne Wënd yvvrã barka, sẽn yaa yols yaleng Soabã, n yaa Yolsdã, la d sungd d tvvmdã.

1. Yaa yãmb a nebã! Zoe-y y Soabã, ad Dũni yikrã rigingã yaa yel-kãsenga.
2. Yaa raar ning fo sẽn na n yã pog-yẽsemđ fãa sẽn na n fãsg a biig n lobe, tı sẽn da tvt-a fãa pvg na n yi. Fo na n yãa nebã tı b yirb wa b yũu rãam la b yaool n pa yũ rãam ye, la ad yaa Wënd naongã la kegenga.
3. Bee nebã pvgẽ, ned sẽn maan tak-n-taar Wënd yellã pvgẽ, tı ka tũ ne bãngr ye, la a tũud Svtãan fãa sẽn yaa tõtã.
4. B bvvme n rogl-a tı ned ning sẽn wa n lall-a, a na n menes-a lame la a peeg-a n tvğ bug-saalã naongẽ wã.
5. Yaa yãmb nebã, y sã n bee sik pvg ne Dũni yikrã, bı y bãng tı Tõnd naana yãmb n yi tãndo, rẽ loogr poorẽ n yi mani, rẽ loogr poorẽ n yi zi-pelle, rẽ poorẽ n yi Nẽmd-võre naaneg sẽn pid la naaneg sẽn pa pidi, sẽn na yul n wĩnig yãmb (Tõnd pãnga), la D tabend rog-wvvgẽ wã bũmb ninga D sẽn tvlle, n tvğ n tãag wakat sẽn yãke, rẽ poorẽ tı D yiis yãmb tı y yaa koamba, rẽ poorẽ tı y wa tvğ n ta ra-sãnde. Be yãmb pvgẽ sẽn maand kaalem t'a ka ta ra-sãnd ye, la be yãmb pvgẽ ned sẽn na n tı kvvl n tı ta a yõorã yaalg wakato, t'a le ka mi a minim zugẽ baa fvı. Fo yẽta tẽn-gãngã t'a yaa sẽn kvı n pelge, tı Tõnd sã n sik koom a zugu, la a sẽn wvvgd n pusi, n bul n yiis bõn-bundi toor-toore.
6. Woto tı bala yaa Wënd la Sıda, yaa Yẽnd n vvvgd kũ-rãmba, la yaa Yẽ la bũmb fãa tõogda.
7. Ad dũni yikrã yaa sẽn wate, sik ka a pvgẽ ye, la ad Wënd na n yika neb nins sẽn be yaadẽ wã.
8. Bee nebã svka, ned sẽn maan tak-n-taar Wẽn-yemgã yelle pvgã, tı pa yı ne bãngre, pa yı ne kãndgre, pa yı ne gaf vëeneg me ye.
9. N põt a yublã sẽn na yil n menes (nebã) n yi Wënd sorã zugu, a tara naong sẽn ningđ yãnd dũni kaanẽ, la yikrã daarã D na n leems-a-la saalã bugum.
10. Woto yaa fo nug sẽn tvv (dũni wã) tı reng taoore, la ad Wënd pa wẽgd a yembsã ye.

* Al-Hağ (Hagiimdã svvra).

11. Bee nebã pvgẽ, ned sën tũud Wënd ne nao-yende, sõama sã n paam-a la a sën yõgend ne rëndã; la zarbg sã n paam-a la a sën wënem a neng n leb poorẽ, a soab bãna dũni la laahre, woto yaa bãn sën vënege.
12. B tũudã zëng sën pa Wëndẽ, bãmb sën pa tõe n nams bãmba, a leb n pa tõe n naf-ba, woto yaa meneng sën zãr (sida).
13. B tũuda bãmb ning naongã sën pẽ n yud a nafa wã; lalld yı wënga, la tũud-n-taag yı wënga.
14. Ad Wënd këesda neb nins sën kõ sida la b tum tum-sõmsã arzãna, ti kvuls zoet a têngrà, ad Wënd maanda A sën rate.
15. Ned ning sën wa n tagsdẽ ti Wënd ka na n sõng-a (nabiyacmã) dũni kaanẽ la laahre, bi a bao wĩir n loe n rv saagẽ wã; rẽ loogr poor bi a fãsg (wĩirã) n gese rẽ yĩnga a rabsgã saasda yẽ sũ-puurã.
16. Yaa woto la Tõnd sik-a (Alkvrãanã) Aayay sën yaa vëenese, la ad Wënd kãndgda ned ninga A sën tolle.
17. Ad neb nins sën kõ stdã, la Yahuud-rãmba, la Sabi'un-rãmba (yaa neb sën tũud nabiyacm-dãmba sãnda), la Nasaar-rãmba, la Magvvs-rãmba(Bug-tũudbã), la neb nins sën maan lagem-n-taarã, ad yaa Wënd n na n welg bãmb ne taab suk yikrã raare, ad Wënd yaa bãmb fãa kaset soaba.
18. Rẽ yĩnga fo pa yã ti bãmb nins sën be saasẽ wã la têngã zugu, la wĩntoogã la kiuugã la adsã la tãeensã la tusã la rũmsã (bõn-yãnemse) la nebã sën waoog fãa maanda Wënd suguud la? La naongã yu waagib ne neb wusg fãa. Ned ning Wënd sën faage, a ka tõe n paam waoogd ye; ad Wënd maanda A sën rate.
19. Woto yaa sul a yiib sën zabd taab Wënd (yembg) zugu, la neb nins sën kvlã, b sõe bugum fut n kõ-b ti b na n yeelge, la b na n kiigd ko-tvuls bãmb zutẽ wã.
20. Tı ko-tvulgã na n yënegd bãmb pusã la b gãndã.
21. B leb n tara guud sën yaa kutu (ti Malek-rãmba nan pãb b zutã ne rẽ).
22. B sã n wa rat n yi be fãa keelem yĩnga, b lebsd-b lame n yeel-ba:" lemb-y bug-yõogdgã naongõ".
23. Ad Wënd këesda neb nins sën kõ stdã la tum tum-sõama wã Arzãna, ti ko-sood zoet a têngrà, b na n faas-b lame ne sãnem-zũy la koomẽ sãnem, la b yelg-b ne harur futu.
24. La b na n kãndg-b lame n tvug koëeg sën yaa yulgemde, la b leb n kãndg-b n tvug sor sën tar pëgre.
25. Ad neb nins sën kvlã la b gidgd Wënd sorã la (b gidgd) lohorom Miisrã Tõnd sën maan n kõ nebã: zem ti yaa neb nins sën zĩ beenẽ wã

- maa sēn puvgd n loogdē...La ned ning sēn wa n rat n na n kull beene ne wēgdo, Tōnd leemsd-a lame noang sēn zabde.
26. (Tēeg wakat ning) Tōnd sēn wa n tees Roogā [Ka'abā] zīg n wīnig a [braahum [n yeel-a]: "ra maan lagem-n-taar ne Maam baa fvi, la yulg Mam Roogā neb nins sēn maand-b Tawaafā, la sēn yās-b yīngrā la suguud maandbā yīnga".
27. La moon n bool nebā ti b wa maan hagiimdā. B na n waa fo nengē, n kēnd ne nao la rūm-zoamdg buud toor-toore, n yit zīis sēn zār n watē.
28. Sēn na yil yī ti nafa-rāmba yī b nifē, la b tēeg Wēnd yvvr rasem-dāmb b sēn mi, A sēn pvi rūmsā n kō-b ti b kv wā yīnga, bī y yāk n rī la y kō nin-bāan-ned la talga.
29. Rē poorē ti b saas būmb ning b sēn da gidg bāmb pīndā (n yulg b mense) la b pids b pvlensā la b gilg Ro-kvdrā.
30. Yaa woto, ti ned ning sēn zisgd-a Wēnd yel-gidgdī wā, a tara yel-sōma a Soabā nengē; la A maaname ti rūmsā yaa halaal ne yāmbā, sā n ka b sēn winig-b yāmbā, bī y zoe n zāag rubsā rēgdā la y zoe n zāag kaset zīri yeelgo.
31. (Yī-y) wēn-tūudba, ra maan-y lagem-n-taar ne-A ye, la ned ning sēn maan lagem-n-taar ne Wēnde, yaa wala a rvv saagē wā n lvi ti liuuli koak-a maa sebg rik-a n kēng zīg sēn zulmi.
32. Yaa woto, ti ned ning sēn wa n zisgd Wēnd saglsā, ad a yaa sūyā wēn-zoεεga.
33. Yāmb tara nafa (ne rūmsā) hal n ti tāag wakat sēn yāke; rē poorē, b (Kvubā) zīg yaa Wēnd Ro-kvdrē wā.
34. Zāma fāa gilli, Tōnd maana tūudum ti yaa rūms kvvbo, sēn na yil ti b tēeg Wēnd yvvrā A sēn kō bāmb rūmsā yīnga, rēnd yāmb Soabā yaa Soab a yembre, bī y sak n tū-A. La kō sik-m-mengā rāmb sū-noogo.
35. Bāmb la neb ninsā ti sā n wa tēeg Wēnd yvvrā, b yīnsā rigimdame, la b maand sugr ne yel nins sēn paam bāmbā, la b yānesd ne Pvvsgo, la b leb n yākd Tōnd sēn pvi n kō-bā pvge n maand nafre.
36. La Tōnd kōo yāmb yvgma wā (la niisā) tūudum kēer Wēnd sēn rīglā yīnga. Y tar-b lame ti b yaa yāmb arzeka. Bī y tēeg Wēnd yvvrā b zugu, b sā n wa loe b naoā [b kvubā wakato], rē poorē, b sā n wa lvi b lvgrā zutu, bī y yāk n rī la y rīlg nin-bāan-ned sēn solg a meng la bōosda. Yaa woto la Tōnd wōr-b n kō-yā, ti raar ninga y na pvv barka.
37. Ad b nemdā la b zumā pa na n ta Wēnd ye, ad yaa yāmb Wēn-zoεεgā bal n tat-A; Yaa woto la Tōnd wōr-b n kō yāmb sēn na yil ti y zisg Wēnde A sēn kāndg yāmbā yīnga. La kō manegdbā koe-noogo.

38. Ad Wënd sōngda neb nins sēn kō sūda, ad Wënd pa nong zāmb soab fāa sēn yaa yel-sōm-zit ye.
39. B kōo neb nins kufun-dāmbā sēn zabd ne b rāmbā, ti b zab n fāag b mense, bala b wēg-b lame, la ad Wënd tara tōog n na n sōng-ba.
40. Bāmb la neb nins b sēn yiis-b b zāksē, ti pa tū ne hake, rēnda b sēn yeele: " tōnd Soab la Wēnde". Wënd sā n da ka tusda nebā ne taaba, lak ti tūudum-zīisē, la wënd roto, la Yahuud-rāmb tūudum zīisi, la miisa, b sēn tēegd Wënd yuurā wvsg b pvğē rag n na siigi, ad Wënd yaa pāng naab n yaa wilb naaba.
41. Neb nins ti Tōnd sā n zindg-b tēngā zug n kō-b pānga, b yānesda Pvvsg la b yākd zaka, la b sagend ne manegre la b gıdg n yi tvvm-kiti, la ad yelā baasg be ne Wēnde.
42. La b sā n yags foom bi f bāng ti sēn reng taoore, a Nuuh la a Aad, la a Samuud nebā ra yagsame.
43. La a lbraahum la a Lvvt nebā.
44. La Madyan rāmba. B yagsa a Musa me, ti Mam yaoolg kuf-rāmbā, rē poorē ti Mam yōk-ba, la Mam yōkrā yu yōkr tekē.
45. Sōor waog tēms Tōnd sēn halke, b wēgb yīnga, ti b yaa sēn lvi b beoong zugu, la kvuls sēn base (kvul-wāoose)! La gāsg sēn me (n yi n base).
46. Bāmb pa na n kēn tēngā zug ne b sūyā n tagsdē la b tubā n kelgdē la? Ad zondlem pa nin sēn pa ne ye, zondlem yaa sūy nins sēn be yātē wā sēn ki.
47. B yāgda fo nengē ti f wa ne b naongā, la Wënd ka na n yidg A pvlengā ye, la ad raar (a yembr) fo Soabā nengē yaa wala yvvm tusr yāmb nengē.
48. Tēms sōor waog M sēn koll-b ti b yaool n yaa wēgdba, rē poorē ti M yōk-ba. Ad yaa Mam nengē la lebgrā zīiga.
49. Yeele: "Yaa yāmb nebā! Ad mam yaa bugsd vēeneg yāmb yīnga".
50. Rēnd neb nins sēn kō sūdā la b tum sōma wā, b tara yaasfg la waooqr kūuni.
51. La neb nins sēn kēnd n rat n golem Tōnd Aaya-rāmbā, sēn na yil n pōsā, bāmb rāmb la Gehum neba.
52. La Tōnd pa tvms Tēn-tvvm bi nabiyaam ti reng fo taoore, rēndame t'a (sā n na n wa karem wahu wā) a Sūtāan wat n tvll n loba (sik nebā sūyē) a karengā pvğē, ti Wënd yēes a Sūtāan sēn lobd koes ninsā, rē poorē ti Wënd tablg A Aaya-rāmbā, Wënd yaa minim naaba, n yaa bvvd mita.

53. Sēn na ył n maan a Sv̄tāan sēn lobd būmb ningā ti yaa zarbg ne neb nins bāag sēn be b rāmb sūyē wā, la sū-koeems rāmbā. La ad neb nins sēn wēg b mensā bee tak-n-taar sēn zāre.
54. La sēn na ył ti bāngdbā bāng t'a (Alkvrāanā) yaa sɪd n yi fo Soabā nengē, n paam n kō-a sɪda, ti sūyā paam n yōgne, ad Wēnd na n kānda sɪd-kōtbā n tug sor sēn yaa turga.
55. Neb nins sēn kɪflā pa bāk n be sik zug hal ti yikrā wa wa ne lingri, maa ra-kirā naongā wa wa-b nengē.
56. Ra-kāng raarā naamā yaa Wēnd n so, A na n buv bāmb ne taab svka, neb nins sēn kō sɪdā la maan tvvm-sōmsā bee arzān neemā wā pugē.
57. La neb nins sēn kɪflā la b yags Tōnd Aaya-rāmbā, naon-faagdɔ be ne bāmba.
58. La neb nins sēn maan Higrā wā, Wēnd Sorā yīngā, rē poorē ti b kv-b maa b ki, Wēnd na n kō-b-la pvur sēn yaa sōma, ad Wēnd n yud pvutbā ne sōmblem.
59. A na n kēes-b lame yard kōom zīiga, ad Wēnd yaa minim naaba, n yaa sugr soab ne bas-ti-looge.
60. Ned ning sēn wa n maan n rol wala b sēn wēg yē to-to wā, rē loogr poorē b sā n leb n wēg-a, Wēnd na n sōng-a lame, ad Wēnd yaa yaafg la gaafar maanda.
61. Woto, ti bala Wēnd n kēesd yungā wīndgā pugē, la A kēesd wīndgā yungā pugē, la ad Wēnd yaa wumd n yaa neta.
62. Woto, ti bala yaa Wēnd la sɪda la bāmb sēn tūud būmb ning zēng sēn pa Wēndā, yē la zīri, la ad yaa Wēnd la zēk wagell naaba.
63. Fo pa yā ti yaa Wēnd n sikd koom sēn yit saasē wā, ti tēngā buli n lebɔ kēega, ad Wēnd yaa lomsd n yaa mita.
64. Yē n so būmb ning sēn be saasē la tēngē, la ad Wēnd seka A meng (n yi bōn-naandsā) n yaa pēgr naaba.
65. Rē yīnga fo pa yā ti yaa Wēnd n nom n kō yāmb būmb nins sēn be tēngā zugu, la koglgā sēn zoet mogrā zug ne Wēnd yardo, la A gāt saagā t'a pa lvut tēngā zugu, rēndame ti tū ne A sor kūuni. Ad Wēnd yaa nin-bāan-zoet la yolsd ne nebā.
66. Yaa Yē n kō yāmb vumā, rē poorē t'A kv yāmba, rē poorē t'A leb n vuvɔ yāmba; la ad ninsaal yaa sōm-zuta.
67. Zāma faa Tōnd kō-a-la Sāri ti b tūud-a, bi ned bac a yembr ra wa maan foo tak-n-taar ne yellā ye, la bool n tug fo Soabā sorā zugu, ad fo bee sor sēn yaa turgē.

68. B sã n wa maan foom tak-n-taare, bɪ f yeele:" Wënd mii yãmb sën maand bũmb ningã,
69. Wënd n na n bu yãmb suk Yikrã raare yel nins zug yãmb sën da yɪ n yõsd taabã".
70. Fo ka mi ti Wënd n mi bũmb ning sën be saasë la têngã zugu? Ad woto bee Gafë, ad woto yaa naana ne Wënde.
71. La b tũuda zëng sën pa Wënde, bũmb ning A sën ka sik daliil a zugu, la bũmb ning minim sën pa be b nengë, la ad sõngr pa be ne wëg-m-meng rãmbã ye.
72. B sã n wa karemd Tõnd Aaya-rãmbã b nengë, ti yaa vëenese, fo nee kisgr kifr-rãmbã nensë; b pënegdame n dat n yök neb nins sën karem Tõnd Aaya-rãmbã b nengë wã. Yeele: "m wĩnig yãmb wëng sën yud rëndã? Ad Wënd pvlma bugmã neb nins sën kiflã, ad lebgr zĩg yɪ wënga!"
73. Yãmb a nebã! B gãnega bilgri, bɪ y kelg-a: ad bũmb nins yãmb sën tũud zëng sën pa Wëndã, b pa tõe n naan baa zõaag ye, ba ti b naag taaba, zõaag sã n fãag bũmb b nengë menga, b pa tõe n dig-a n reeg ye; baood yɪ valenga, b sën baood ned ning nengë wã me yɪ valenga!"
74. B pa waoog Wënd a waoogr sɪd-sɪd ye, ad Wënd yaa pãng kegeng naaba, n yaa wilb naaba.
75. Wënd n tũusd malek-rãmbã n maand Tën-tvum-rãmba, la nebã suk me (Wënd n tũusd n maan Tën-tvum-rãmba) ad Wënd yaa wumd n yaa neta.
76. A mii bũmb ning b sën tvum ti loge, la b sën na n tume, la yelã baasg pata Wënd nengë.
77. Yaa yãmb neb nins sën kō sɪda! Maan-y ruku, la suguudu la tũ-y y Soabã, la y maan tvum-sõma, ti tõe ti y tulge.
78. La y zab Wënd yĩnga, zabr tekë, yaa Yënd n tũus yãmba, A pa maan diinã pugë weoogr ne yãmb ye, yaa y saamb a lbraahum sore, yënd n pvd yãmb ti sak-n-tũ-rãmba (moeemba) gaf-rãmb nins sën reng wãnde taorã pugë la Alkvrãanã pugë, sën na yilë ti Tën-tvumã yɪ kaset soab ne yãmba, la yãmb me yɪ kaset rãmb ne nebã, la y tēeg turg ne Pvsug la y yãk zaka, la y gãd (Wënd) sorã kãe-kãe; yaa Yënd la yãmb lallda, la lalld yɪ neema, sõngd me yɪ neema.

23. Al-muu'minuun*

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. Ad sid-kōtb paam pūure.
2. Bāmb la neb nins sēn be puvsgā pugē n yōkd b mensā (n zoet Wëndā).
3. Bāmb la neb nins me sēn zoet n zāag gom-yaare.
4. Bāmb rāmb me la sēn yākd zakā.
5. Bāmb me la sēn gūusd b tao wā (n yit yoobo).
6. Rēnda b pagbē maa b yemb-pogsē, ad zī-kāngā, b pa sābs-d-b ye.
7. La ned ning sēn bao-a woto loogr poorē, ad bāmb rāmb la maan-n-zvug rāmba.
8. (Sid-kōtbā) la neb nins sēn gūusd b boablā la b pvlengo.
9. La bāmb me la neb nins sēn gūusd b puvsgā.
10. Ad yaa bāmb rāmb la faad rikdba.
11. Bāmb n na n rik arzān na-tēngā faado, b na n duuma a pugē.
12. La ad Tōnd naana ninsualā sēn tū ne tāndo.
13. Rē poorē ti Tōnd maan-a t'a yaa mani n ning-a tablg zīig sēn yōgne.
14. Rē loogr poorē ti Tōnd naan mani wā t'a yaa zı-pelle, rē poorē ti Tōnd naan zı pellā t'a legb nem-gilgu, rē poorē ti Tōnd naan nem-gilgā t'a lebg kōbre, rē poorē ti Tōnd sēgen kōbrā nemdo, rē poorē ti Tōnd maan-a t'a yaa naaneg a to, Wënd bark yı wagelle sēn naand t'a naangā sōmlem yud nangdb buud fāa!
15. Rē loogr poorē yāmb yaa kiidba.
16. Rē poorē, yıkr raarā b na n vuvga yāmba.
17. Ad Tōnd naana saas a yopoe yāmb yīngrā, la Tōnd pa maan yam yaal-yaal ne D sēn naanā ye.
18. Ad Tōnd sika sa-koom saasē wā sēn zemse, la D zīndg-a tēn-gāngā zugu, la ad Tōnd tara tōog ne D kit t'a looge.
19. La Tōnd maana ne-a (sa-koomā) puto sēn yi Mak-kegla la sibi n kō yāmba, la ti-biis wvsg n kō yāmb, la be a pugē yāmb sēn rute.
20. La tugā (zaytvvn) sēn tobd Sīinaa'a tāngē wā, sēn tar kaam la zēed (sēn tar n ninged rutb) n rutē.
21. La ad tags-n-gesr be ne yāmb rūsā pugē: Tōnd yūnugda yāmb ne būmb ning sēn be b pusē wā, la y tar-b n maand nafa wvsg la y rit a pugē.
22. La b poyā zutu, la koomē kogendā zut la b rikd yāmb n kēnda.

* Al-muu'minuun (Sid-kōtbā svvra).

23. Ad Tõnd tumsa a Nuuh n tug a nebē wā, t'a yeele:" Yaa yāmb a mam neba! tū-y Wēnde, yāmb pa tar soab zēng sēn pa Yēnda ye, rē yīnga, yāmb pa na n zoe-A?"
24. La a nebā kug-zīidb nins sēn kuf̄lā yeele: "yāoā pa bōn-zēng rēnda ned wala yāmb bala, a ratame n yug a meng yāmb zugu; Wēnd sā n da ratē, A rag n na sik Malek-rāmba; tōnd pa wum wānde tōnd saam-rāmb sēn looga nengē ye"
25. A ka baa fu, ad yaa gāeemd n tar-a, gūus-y-yā-a hal n tu tāag wakat ning a yellā sēn na n vēngā".
26. A yeelame: "yaa m Soaba! Song maam ne b sēn yags maam-a".
27. Tū Tōnd na n tum wahu tū kēng a nengē: "maan koglg ne Tōnd gūusg la Tōnd wahu. Tōnd saglgā tū b halkbā sā n wa wa tū yigrā fuug (ne koom) bī f kēes koglgā pugē yīib-yīibu (yāang la raogo) la fo zakā nebā, rēnda ned ning (naongā) koεeg sēn reng taoore a soab zugu, la ra gom ne Maam neb nins sēn wēg b mensā yell ye, ad b na n bōrame.
28. La fo sā n kē (koglgā pugē) n zīnd n sē la neb nins sēn naag foom koglgā pugā, bī f yeele: "pēgr be ne Naab ning sēn pōsg-a tōnd n yi nin-wēnsā".
29. La yeele: "yaa m Soaba! sik maam bark sigb zīiga, Foom n yud neer ne sāan reegr".
30. Ad tagmas bee woto puga. La Tōnd me ra yume n na n zarb-b n gese.
31. Rē loogr poorē, Tōnd naana zāma zēmse.
32. N tums b nengē Tēn-tūm-rāmbā, sēn yi bāmb nengē, n yeel-ba:" tū-y Wēnde, ad yāmb pa tar soab zēng sēn pa Yē ye, rē yīnga yāmb pa zoet Wēnd la?"
33. La a nebā kug-zīidb nins sēn kuf̄l la b yags Yaoolem raar sekā, Tōnd sēn lok-b rāmb neemā dūni kaanē wā yeelame: "yāoā pa bōn-zēng rēnda ned wala yāmb bala, a rita yāmb sēn rit būmb ningā la a yūud yāmb sēn yūudā."
34. La tū yāmb sā n tū ned sēn wōnd yāmba, rēnda yaa yāmb la bōndba.
35. Rē yīnga, a pulemda yāmba tū yāmb sā n ki n lebq tom la kōaba, b na n leb n yiisa yāmba [y yaadē wā]?
36. Ad woto zāra, ad woto zāra, b sēn pulemd yāmb tū na n paame lame wā!
37. Ad vūum yaa dūni ka bala, tōnd kiidame la d vū, ad b pa na n yik tōnd ye.
38. Ad yaa ned sēn wāag zīri n rogl Wēnd bala, la tōnd ka na n kō-a sid ye

39. A yeelame: "yaa m Soaba! Song maam ne b sēn yags maam-a".
40. Tı [Wēnd] yeele:"yi bilfu, b na wa n maan mimsa".
41. Tı Tōnd na n yōk-b ne tāsġ ne sıda, n maan-b tu b kvı n sobge; rēnd halkr be ne wēg-m-mens rāmba.
42. Rē loogr poorē, Tōnd naana zāma zēmse.
43. Zāma pa tōe n reng a wakato, a leb n pa tōe n yaoolg-a me.
44. Rē loogr poorē Tōnd tumsa D Tēn-tvumbā n tunug-b taaba; Tēn-tvum sēn wa zāma nengē fāa b yagsd-a lame, tu Tōnd na n pugl sānda halkr ne taaba, n maan-b tu b lebġ yēsġo, rēnd halkr be ne neb sēn pa kōt sıda.
45. Rē loogr poorē Tōnd tumsa a Musa la a ma-biiga a Haarvuna ne Tōnd yel-soalmā la gom-lubdga sēn yaa vēenega.
46. N tug a Fur-aoon ne a kug-zīidbā nengē ti b maan waoog-n-menga. Ad b ra yume n yaa zēk-n-mens rāmba.
47. La b yeel yā: "rē yīnga tōnd na kō-sıd ne neb a yıib sēn yaa wa tōndo, tu b yıibā nebā yaa tōnd yembse".
48. Tı b yags b yıibā, n yı neb nins sēn halk-bā.
49. La ad Tōnd kōo a Musa Gafā, tu raar ninga b na kāndge.
50. La Tōnd maana a Maryam biigā la a ma wā tu yaa yel-solemde, la Tōnd peeg b yıibā n kēng zī-zēkdġē sēn yaa tabendġ zīig la ko-nini.
51. Yāmb a Tēn-tvumba! Rı-y rı-yılmā sēn yaa halaal rubo, la y maan tvum-sōma, ad Mam mii yāmb sēn maand būmb ninsā wā.
52. Ad yāmb zāma-kāngā yaa zāma a yembre, la yaa Maam la yāmb Soabā, bı y zoe Maam.
53. Tı b wām-rāmba wa welġ taaba, tu zāma fāa kıdemd ne sēn be a nengē wā.
54. Bı f bas-ba b menengā zug hal n tu tāag wakato.
55. Rē yīnga bāmb tēedame tu Tōnd sēn kōt bāmb sēn yaa arzek la koambā,
56. B tēedame tu Tōnd kōona D yāgdame n kōt bāmb yel-sōma bāmb sēn tog ne la? Ka woto ye, ad b pa mi ye.
57. Ad neb nins sēn yaeesd b Soabā,
58. La neb nins sēn kōt sıd ne b Soabā Aaya-rāmbā,
59. La neb nins sēn pa maan lagem-n-taar ne b Soabā,
60. La neb nins sēn yākd Tōnd sēn pıı n kō-bā pugē n kōtē tu b sūyā yaeesdē tu b na n wa leba b Soabā nengē.
61. Ad yaa bāmb rāmb la sēn yāgd ne yel-sōmā, yaa bāmb n pōsd taab ne-a.

62. La Tõnd pa rogend ned rēnda a sēn tõe, la Gaf n be Tõnd nengē n yet sīda, la b pa na n wēg-b ye.
63. Pa woto ye, bāmbā sūyē bee yam-yaal-yaal pugē ne yā wā (alKurāanā), la b tara tum-wēn a taab me n tumdē.
64. Hal ti Tõnd sã n wa yõk b wum-noogã rãmba ne sibge la bāmb sēn kelemde n baood sõngre.
65. Ra kelem-y ründã ye, ad y ka na n paam sõngr ye n põsg Tõnde ye.
66. Ad Mam Aaya-rāmbã rag n yume n karemd yāmb nengē ti yāmb rag n yi n tard n lebd poorē.
67. Ne waoog-m-meng ne y goamã n yit Alkurāanã n paoogd-a y sõsg pusē.
68. Rē yīnga bāmb pa tagsd (Kurāanã) koes n getē la? Bı waa bāmb nengē būmb ning sēn pa wa b saam-rāmb nins sēn reng taorã nengē?
69. Bı b pa bāng b Tēn-tumã, n wa ti sek b na n kus-a?
70. Bı b yetame t'a yaa gāeenga? "ka woto ye, ad a waa ne sīda, la ad bāmbā wusg fāa kisa sīdã".
71. La ad sīdã sã n ra tūuda bāmbā yōyã yamleogo, saasã la tēngã la sēn be bāmbā pugē wã rag n na sãame, la ad Tõnd wa n kōo bāmba b tēegr toagsgã, ti bāmb yaool n balldē n yit tēegrã.
72. Bı fo sokd-b-la (taasgã) keoore? Ad fo Soabã keoor n yud sõmblem, la ad Yēnd n yud putbã ne sõmblem.
73. La ad fo boond-b lame n tugd so-turg zugu.
74. La ad neb nins sēn pa kõt sid ne yaolem raarã, b baoodame n na n golem sorã.
75. La la ti Tõnd sã n rag n yols-b lame la D zēk keelem ning sēn be b zugã n bas-ba, b na kel n duum b kedgrã zug n tumdē.
76. La ad Tõnd gād-b-la ne sibgre, la b pa sik b mensã ne b Soabã ye, b leb n pa bōos-A me.
77. Hal ti Tõnd wa pak rag-noor b yīnga, sēn yaa sibg kegenga la b sēn be be ti b yaa sēn wāag b tēebo.
78. Yaa Yēnd n naan n kō yāmbã, tubã la ninã, la sūyã, la ad yāmb barkã puvsgã yaa bilfu.
79. Leb n yaa Yēnd n sãeeg yāmb tēng gāngã zugu, la y lebgr pata Yē nengē.
80. La yaa Yēnd n kõt vum la A kvvda, la ad yung la wīndg yõs-taabã bee ne Yē, rē yīnga yāmb pa tagsd la?
81. Ka woto ye, ad b yeela wala rāeenem rāmbã sēn yeelã.

82. B yeelame: "rē yīngā, tōnd sã n ki n lebq tom la kōaba, b na leb n vuug tōndo?
83. Ad b ra pulma woto tōnd la d saam-rāmb sēn reng taoore, ad wānde ka baa fū rēnda rāeenem rāmb zīri wāasgo.
84. Yeele: " ānd n so tēngā la (neb) nins sēn be a pugē wā ti yāmb sã n miimi?
85. B na n yeelame : " yaa Wēnd n so", bi f yeele: " yaa bōe yīng ti yāmb pa tagsdē?"
86. Yeele: "ānd n so saas a yopoe wā, la ānd la Al'ars wagellā Soaba?"
87. B na n yeelame : " yaa Wēnd n so", bi f yeele: " yaa bōe yīng ti yāmb pa na n zoet Wēnde?"
88. Yeele: " ānd n zāad būmbā fāa gill naam a nugē wā, ti b baood sōngr a nengē la Yē pa baood sōngr ned nengē, ti y sã n miē?
89. B na n yeelame ti : " yaa Wēnd n so", bi f yeele: "yāmb maana a wān ti b wa maan yāmb tum ti y yamā yiki?" (ti y pa kōt sid ne-A?)
90. Pa woto ye, ad Tōnd waa ne sid bāmb nengē, la ad bāmbā yagda zīri.
91. Wēnd pa tar biig ye, soab zēng me leb n pa naag-A ye, sã n da beeme n lag-Ma, ad soab fāa rag n na n ruka a sēn naan-a n looge, la b rag n na bao n bugs taaba, yilgem be ne Wēnd n yi b sēn stfdā.
92. Yel-soaandi la yel-nett mita, A naam zēkame n yi b sēn maand-A lagem-n-taarā.
93. Yeele: " yaa m Soabā! Fo sã n wīnig maam b sēn pulem-b pulem wēng ningā me,
94. Yaa m Soabā! ra naag maam ne wēg-m-mens rāmbā ye.
95. La ad Tōnd yaa tōogd ne D wīnig foom Tōnd sēn pulem-bā.
96. Ruk sōng n tus būmb ning sēn ya wēnga, ad Tōnd n yud minim ne b sēn stfdā.
97. La yeele: yaa m Soabā! m kota Foom ti F gū maam n yi Svtāanmbā yuus-yuusā.
98. Mam kota Foom ti b (Svtāanbā) ra wa kē mam tvvmā pugē ye.
99. Hal ti kuumā sã n wa wa b nin-yembre, a yetame: "m Soabā! Lebs maam" (dūni wā zugu).
100. Sēn na yl ti m paam n maan tvvm-sōmd mam sēn basā pugē: ka woto ye; ad yaa gomd yē sēn yet bala, ti barzah vum n be yē poorē wā hal n ti tāag yikr raarā.
101. B sã n wa fvus bargā, rogem ka leb n be svk ra-kāng raarā ye, b pa leb n sokd taab ye.

102. Rënd ned ning (tuum-sõng) peesg sën zısge, yaa bāmb rāmbā la paamdba.
103. La ned ning (tuum-sõng) peesg sën yı faaga, ad yaa bāmb rāmbā n bõn b mense, n be Gēhannemā pvgē n yaa duumdba.
104. Bugmā rita b nensā ti b noyā yõon n lebg yīi a pvgē.
105. "Rē yīngā b rag n pa yı n karem Mam Aaya-rāmbā yāmb nengē, ti yāmb rag n yı n yagsdē?"
106. La b na n yeele: "d Soabā, tōnd zu-beedā wila tōndo, ti d yı neb sën meneme.'
107. D Soabā, yiis tōnd kaanē, ti d sã n leb n beege, rē mosā tōnd n wēgd d mense.
108. T'A (Wënd) na n yeele: "sind-y a pvgē la y ra gom ne Maam ye".
109. Ad zāma n rag n be Mam yembsā pvgē n yetdē: "yaa d Soabā! yaaf tōnd la F yols tōndo, ad Foom n yud yolsdbā fāa ne yolsgo'.
110. Tı yāmb gād-b ne puglg hal ti b wa yīms yāmb Mam tēegrā, la yāmb ra yı n laad-ba.
111. Ad Mam na n rol-b-la ründā, b sën maan sugrā yīnga, ad yaa bāmb la pıur paamdba.
112. Wënd yeelame: "yaa yuum a wān la yāmb zīnd tēn-gāngā zugu?"
113. La b na n yeele:" tōnd zīnda raar a yembre, bı yaa raar bogr bala. Bı F sok sōtbā'.
114. Tı Wënd na n yeele: "ad yāmb zīnda bilf bala ti sugr maaneg ne tūudmā ra yaa nana, ti y sã n da yı n miime'.
115. Rē yīnga yāmb tēedame ti Tōnd naana yāmb zaalem (wisga) ti y ka na n lebg n tvg Tōnd nengē?"
116. Rënd Wënd zēka me n yilge, A yaa Sıd Naaba, soab zēng ka be rēnda Yēnda, yaa Yēnd la Al'ars wagellā Naabā.
117. La ned ning sën wa n kot-a soben-zēng sën pa Wēnde, a pa tik daliil ye, ad a geelg bee a Soabā nengē, la ad kuf-rāmbā pa na n pōs ye.
118. La yeele: "yaa m Soaba! yaaf la F yolse, ad Foom n yud yolsdbā fāa ne yolsg sōmblem.

24. An-nuur*

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tuvmdā.

1. Woto yaa Svurat Tōnd sēn sik-a la D maan-a t'a yaa tilae la D sik daliil vēenes a pugē, ti raar ninga y na tēege.
2. Yood-poak la yood-raoogo, pāb-y b yiibā nin-yend fāa kaas koabga, la y ra kūm b yiibā nin-bāaneg Wënd diinā pug ye, ti yāmb sā n yume n kō Wënd sīda la Yaoleem raarā; la zāma sēn yaa sīd-kōtb maan kaset ne b yiibā sībgrā.
3. Yood-raoog ka furd rēnda yood-poaka maa lagem-n-ta-poaka, la yood-poak me ka furd rēnda yood-raoogo maa lagem-n-ta-raoogo, la b gidga bāmbā furā loebo sīd-kōtbā zugu.
4. Neb nins sēn rōt pug-yulmā, n yaool n pa wat ne kaset rāmb a naasā rē poorē wā, pāb-y kaas pis-nii la y ra tol n reeg b kaset lae. Ad yaa bāmbā la dīn yitbā.
5. Rēnda neb nins sēn tuub woto poore, rē poorē ti b maneg b tuvmdā. Ad Wënd yaa yaafg naab n yaa yolsg naaba.
6. La roap nins sēn rōt b mens pagb la b yaool n ka tar kaset-rāmba rēnda bāmb mensā bala, b yembr kaset fāa yaa a sēn na n wēen ne Wënd naoor a naas ti yē yaa sīd soaba.
7. A (wēeneg a) nu soaba ti Wënd kāab-beed be ne yēnda, t'a sā n yume n yaa pv-yagda.
8. La sēn na yul ti sībgrā pigd n bas pagā, a sōmb n wēena naoor a naase ne Wēnde, ti raoā yaa pv-yagda.
9. A (wēeneg a) nu soabā ti Wënd gēeg be yē zugu, ti raoā sā n yume n yaa sīd-soaba.
10. La ti sā n pa Wënd yudlemā la A yolsgā yāmb zugu...! La Wënd sēn yaa tuubg reegdā n yaa buvd mitā, (A naan n yāgē n sībg yāmb y zūnuub-rāmbā yīnga) .
11. Ad neb nins sēn wa ne tēnkānebā (yēme yaa b sēn dōd muumin-dāmbā ma wā a Aaīsat -Wënd yard be a yīnga- ne yoobā) yaa zāma sēn yi yāmb pugē, ra geel-y ti yaa wēng ne yāmb ye, ad a yaa sōma ne yāmba. Ned fāa sēn be b pugē wā tara zūnuub a sēn paame a tuvmdē wā, la ned ning sēn yika ne yellā bāmbā suka, a tara nan-bedre.

* Annuur (Vēenemā svura).

12. Yaa bõe ti yãmb sën wa n wum-a wã, sid-kõt pogsã la sid-kõt-roapã pa maan tẽ-sõng b mensẽ wã yellã pugẽ, la b yeele: "yã wã yaa tẽnkãnd sën vënege".
13. Yaa bõe yĩng ti b pa wa ne kaset rãmb a naase, ad b sã n pa wa ne kaset-rãmba, Wënd nengẽ, b yaa zĩri-be-neba.
14. La ti sã n pa Wënd yudlemã la A yolsgã yãmb zugu dũni kaanẽ la yaolem raarã, sibgr kãseng rag n na paam yãmba, y aobã poorẽ.
15. Wakat ning yãmb sën wa n lobd koesã n kõt taaba, la y gomd ne y noy bũmb ning minim sën ka be ne yãmba, ti yãmb tẽed t'a yaa faaga, t'a yaool n yaa bedr Wënd nengẽ.
16. Bõe yĩng ti yãmb sën wa n wum-a wã, y pa yeele: "pa sõmb ne tõnd ti d rik yel-kãngã n maan d no-goam ye, yilgemd be ne Wënde, ad woto yaa pu-yagb vënegea.
17. Wënd sagenda yãmba, ti y ra wa saag a buud bilgr ye, ti sã n mikame ti y yaa sid-kõtba.
18. La Wënd vënegda A Aaya-rãmbã n kõt yãmba, Wënd yaa mita n yaa buud minim Naaba.
19. Ad neb nins sën nong ti yel-beedã sãeeg sid-kõtba nengẽ wã, sibgr be neba, dũni kaanẽ la yaolem raarã, Wënd n mi, la yãmb pa mi ye.
20. La ti sã n pa Wënd yudlemã la A yolsgã sën be yãmb zugã...!La Wënd sën yaa nin-bãan-zoetã n yaa yoalsdã A naan n yãgẽ ne yãmb sibgre.
21. Yaa yãmb a neb nins sën kō sudã! ra tũ-y a Sutãan soyã a zirĩ-beedã faasg pugẽ ye, ad ned ning sën tũ a Sutãan so-faagdsã, ad a sagenda ne yel-beed la tũm kitsi. La sã n pa Wënd yudlemã la A yolsgã yĩnga, yãmb ned baa a yembr kōn tulge; la ad Wënd tulgda A sën rat ned ninga, A yaa wumda n yaa minim naaba.
22. La yudlem la arzek rãmb ra wa wëen ti b kōn kō b rog-pëts la talse la neb nins sën maan higra wã Wënd yĩngã ye. Tı b yaaf la b ball n base. Rẽ yĩnga bãmb pa rat ti Wënd yaaf-b la? Wënd yaa yaafg la yolsg naaba.
23. Ad neb nins sën rõt sid-kõt-pogsã, sën yaa ylma (ne yoobã), kãab-beed be ne-ba dũni kaanẽ la yaolem raarã, la sibgr sën bedem be neba.
24. Raar ning bãmbã zelma wã, la b nusã la b naoã sën na n maan kaset ne b sën ra tũmdã.
25. Raar-n-kãngã, Wënd na n pidsa b puurã n kō-ba, la b na n bãngame ti Wënd yaa sid sën vënege.

26. Pug-wēnsā ne rao-vēnsā n segd ne taaba la rao-wēnsā ne pug-wēnsā me n segd ne taaba. La pug-sōmā wā ne rao-sōmā wā n segd ne taaba la rao-sōmā ne pug-sōmā me n segd ne taaba. Bāmbā rāmbā yaa sēn pidg n yi b sēn yetā, yaafg be ne-ba la rtl sēn tar waoogre(Arzēna).
27. Yaa yāmb a sid-kōtbā! ra wa kē-y zags zēms sēn pa yāmb zagsā hal ti wa tug n kos sore la y pūvs zakā rāmba. Woto n yud sōmblem ne yāmba, ti raar ninga y na tēege.
28. Y sā n ka mik zakā pugē neda, bi y ra kē-a hal ti b wa tug n kō-y sore. La b sā n yeel yāmba: "lebg-y", bi y lebge. Woto n yud yulgemd ne yāmba, Wēnd mii yāmb sēn tumd būmb ningā wā.
29. La yel ka be ne yāmba, ti y kē rot sēn pa ro-gāase, yāmb teed sēn be b pugē. Wēnd n mi yāmb sēn vēnegd la y sēn solgde.
30. Yeel sid-kōt-roapā ti b gidg b ninā la b gūus b taoā (n yi yoobo) ti woto n yud yulgemd ne-ba. Ad Wēnd yaa minim tēng-n-biig ne b sēn tumdā.
31. La yeel sid-kōt-pogsā ti b lud-b ninā la b gūus b taoā (n yi yoobo) la b ra wa vēneg b faas teedā, rēnda būmb ning sēn wa n vēneg a pugē, la b ning b fu-lutsā n tāag b yāoodo, la b ra wa vēneg b nag-teedā rēnda b sūdbā maa b baaba-rāmba, maa b sūdb-baaba-rāmba, maa b ma-biisi, maa b koamb maa b sūdb komba, maa b ma-bi-roap maa b ma-bi-roap kom-ribli, maa b ma-bi-pogs kom-ribli, maa moeem-pogse, maa b yembs b sēn so, maa b tum-koamb sēn pa tar tulsem ne paga, maa kom-ribli sēn pa mi pagb yāmdē. La b ra tigimd b naoā sēn na yul n wīnig b nag-teedā sēn solgā. La tuub-y gill n tug Wēnd nengē, yaa yāmb sid-kōtbā, ti raar ninga y na tulge.
32. La fur-y pug-sādbā la rakōapā sēn yi yāmb nengē la nin-sōmā wā sēn yi yāmb yemb-roapē wā la yemb-pogsē wā, sā n mikame ti b yaa talse, Wēnd na sek bāmb ne A yudlemā, Wēnd yaa minim yaleng naaba.
33. La neb nins sēn pa tar furā tōogā yōk b mense, hal ti Wēnd wa sek-b ne A yudlemā. La yāmb yembs nins sēn baood sēk n na n tum n yao n baood ti yāmb guls-b ti b paam burkīndā, bi y guls-ba, ti y sā n miē ti sōma n be b pugē. La kō-y-b sēn yi Wēnd arzekā A sēn kō yāmbā. La ra wa modg-y y yemb-pogsā ti b yi n yo ye ti b sā n rat n yōka b mensā n yi yoobo, rat n na n bao dūni faas teedo, la ned ning sēn wa n modg-b ne b yi n yo, ad Wēnd yaa yaafg naaba, n yaa yolsg naaba b sēn mōdg-bā poorē.
34. Ad Tōnd sika Aayay vēenes n kō yāmba, n leb n ya bilgr ne neb nins sēn reng yāmb taorā, la sagls ne Wēnd-zoetbā.

35. Wënd la saas la tēng vēenem, a vēenmā bilgr yaa wa koara-koara sēn tar fitla, ti fitlā bee kāndar puga, ti kāndarā yaa wala ād-punga b sēn widgd ne bark tuga, sēn yaa taang tuga, a pa be wīntoog sēn pukdē, a leb n pa be wīntoog sēn lutē, a kaamā pēneg n witame, baa ti bugum pa sus-a, a yaa vēenem sēn be vēenem zugu, Wënd kāndgda ne A vēenemā A sēn tull-a soaba, la Wënd leb n gānegda bilgrā n kōt nebā, la Wënd yaa mit ne būmbā fāa gilli.
36. Zags (miisā) pugē Wënd sēn kō sor ti b zēk la b tēeg A yuurā beenē, yulgda A yuurā b pugē zaaba la yibeedo,
37. Raopa, tolb la koosg pa maand-b soagl n yi Wënd tēegrā la puvsg yalogo la zak yākre, b yaesda raar ning sūyā la ninā sēn na n wa leebdē wā.
38. Wënd na n rol-b lame ti sōmblem yud b sēn tume, la A paas-b sēn yi A yudlemē wā, Wënd n pūt n kōt ned ninga A sēn rate ti ka tū ne geelg ye.
39. La neb nins sēn kiflā, b tūmā yaa wala ko-sug sēn be pu-raagē (ween-vuvsgē); ko-yūud soab tēed ti yaa koom, la a sēn wa n ta-a wā, a pa paam baa fut, la a mika Wënd beenē t'A pids a geelgā n kō-a, ad Wënd yaa geel tūvg naaba.
40. Maa wala lik sēn be mog-zulung puga, ti ko-wiig lud-a, a zugē wā me yaa ko-wiiga, a zugē wā me yaa sa-wat n be beenē, ligs sēn rogl taaba, a sā n yiis a nugā, a pa tōe n yā-a ye. Wënd sēn pa maan vēenem n kō-a soaba, a pa tar vēenem ye.
41. Rē yīnga fo pa ne ti sēn be saasē la sēn be tēngā zug la liuuli wā sēn yedgd b pūgsā yulgda Wēnde, ānkam fāa bānga a sēn sōmb n puvsg (Wënd) to-to la a sēn sōmb n yulg-A. La Wënd yaa minim tēng-n-biig ne b sēn maandā.
42. Saas la tēng yaa Wënd n so, la yela fāa pata Wënd nengē.
43. Rē yīnga fo pa ne ti yaa Wënd n kāagd sa-watā? Hal n wa ti tigim-b n maan-b ti b wa rogl taab wvsgo, rē poorē ti fo ne sa-koomā sēn yit a pugē. La A sikd sāagē wā sa-pūlem [sēn wënd wala] tāense. N tall-a n ti wē A sēn rat-a soaba la A pōsg A sēn rat ned ninga. A sa-yāgā rat n na n raaga nina.
44. Wënd n leebd yungā la wīndgā, ad tags-n-ges bee yel-kāngā pugē ne pv-tē-nin rāmba.
45. Wënd naana bōn-yāneng fāa n yi koomē, bee b svka sēn kēnd a pug zugu, la bee b svka sēn kēnd a nao a yīib zugu, la bee b svkā sēn kēnd

- a nao a naas zugu, Wënd n naand A sën rate, Ad Wënd yaa bumb fãa tōogda.
46. Ad Tōnd sika Aayay vēenese, la yaa Wënd n kãndgd A sën rat-a soab n tvg so-turga.
47. La b yetē: "tōnd kōo sid ne Wēnde, la ne Tēn-tvumã la d sak n tūumi, rē loogr poorē la b zãmã kêer gūt b zãn-kuidsi, ad bãmbã rãmb pa sid-kōtb ye.
48. La b sã n wa bool-b n tvg Wënd la A Tēn-tvumã nengē sën na yl t'a bu bãmb ne taab suka, la zãmã sën yi b svk sën gödgd (n pa rat n wa ye).
49. La sã n mikame ti yaa bãmb n tar tvum la b sën zoet n wat vēesa-vēesa.
50. Rē yīnga yaa bãag n be b sūyē wã bi b maanda sika? Bi b yaeesdame ti Wënd la A Tēn-tvumã na n wa wēg-ba? Pa woto ye!... ad bãmbã yaa wēg-m-mens-rãmba.
51. Ad sid-kōtbã koes ra yume, ti b sã n bool-ba, n tvg Wënd la A Tēn-tvumã nengē, n na n ti bu b suka, b yetame: "d wumame la d sakame"; la yaa bãmbã-rãmbã la tulgdba.
52. Ned ning sën tū Wënd la A Tēn-tvumã la a yaeesd Wënd la a zoe n zãag tvum-wēnã, bãmb-rãmbã la tulgdã.
53. La b wēena ne Wënd n nadgd pãng ne b wēenegã, ti fo sã n sagl-b ne Guhaadi, b na yi, yeele: "ra wēen-y ne Wënd ye, ad yãmb tūudmã b mii zīri-beedã teka, ad Wënd yaa minim tēng-n-biig ne yãmb sën tvmdã".
54. Yeele:" tū-y Wënd la y tū A Tēn-tvumã, la ti yãmb sã n gūd y zãn-kuidsi, ka be ne [Tēn-tvumã] rēnda b sen rogl-a bala, ka be yãmb me zugu rēnda b sën rogl yãmb bala, la yãmb sã n tū-a y na kãnde, la pa zao ne Tēn-tvumã rēnda taasg sën vēneg bala.
55. Wënd pulma neb nins sën kō sidã yãmb suka, la b tvum tvum-sōmã, t'A na n leds-b-la tēngã zug wala A sën leds neb nins sën reng bãmb taorã, A na n ku b dīin ning A sën yar ti b tū wã n kō-ba ta tal pãnga, A na n tedga b yaeesgã ti lebg bas-m-yam, ti b tūud Maam la b pa maand lagm-n-taar ne Maam ye, La ned ning sën wa n kufi-a woto loogr poorē, ad yaa bãmb la dīin-yitba.
56. La yãnes-y turg ne Pvusgo, la y yãk Zaka, la y tū Tēn-tvumã, ti raar ninga y na tulge.
57. Ra wa tēed-y ti neb nins sën kufiã, ti Wënd kongã b yōkr tēngã zug ye, la b zīndg zīig yaa bugmē, la b lebgr zīig yi wēnga.
58. Yaa yãmb neb nins sën kō sida! yãmb yembsã la koamb nins sën pa ta baalikimdã sōmb n kosa yãmb sor n yaool n kê yãmb nengē, wakat a tãabo: taor ti yibeoog na n pa pvuse, la yãmb sën wat n yãk y futã

wĩntoog gōbgr wakat (n na n gāand n vuuse), la sãanf puvsg loogr poorē; soolg a tãabo yãmb sēn tōe n piid y futã; woto loogr poorē, yell ka be ne yãmb ti y gilgd n kēngd taab nengē ye. Yaa woto la Wënd vënegd A Aaya-rãmbã n kōt yãmba, Wënd yaa minim naab n yaa buvd mita.

59. La koomb nins sēn be yãmb svkã sã n wa ta baaligimdu, bı b kos sor wala sēn deng taoor rambã sēn kos sor to-to wã, yaa woto la Wënd vënegd A Aaya-rãmbã n kōt yãmba, Wënd yaa minim naaba, n yaa buvd mita.
60. La pagb nins sēn loog rogmã, n pa leb n tēed furã, yell ka be ne-b ti b yãk b svta (futã) wã ye, la b pa sōmb n vëneg b nagem teed ye, la b sã n yōk b mense, rēnda sōmblem n yuda, la Wënd yaa wumb naaba, n yaa minim naaba.
61. Zūnuub ka be ne zoanga, zūnuub ka be ne woabga, zūnuub ka be ne bāada ti b sã n pa kēng Gihaadi wã ye, gidgr me ka be ne yãmb mensã ti y ri y rotē wã ye, maa y saam-rãmbã rotē, maa y ma-rãmbã rotē, maa y ma-bi-roapã rotē, maa y tão-pogsã rotē, maa y ba-bi rotē, maa y pugd-rãmb rotē, maa y yasb-rãmb rotē, maa y ma-bi rotē, maa rot yãmb sēn so b kvulen-biisi, maa y zao nengē. Gidgr ka be ne yãmb ti y lagem taab n di zãma, maa yembr-yembr ye. Rēnd y sã n na n wa kē zagsē, bı y nig y mensã sallem sēn yi Wënd nengē n tar barka sēn yaa ylenga, yaa woto la Wënd vënegd A Aaya-rãmbã n kōt yãmba, ti raar ninga y na tagse.
62. Ad sid-kōtbã la neb nins sēn kō sid ne Wëndã la A Tën-tvumã, ti b sã n wa lagem Tën-tvumã tvumd pugē, b pa loogd hal ti b wa kos-a sore; Ad neb nins sēn kot foom sorã, yaa bãmb la sēn kō Wënd la A Tën-tvumã sɪdã; rēnd b sã n wa kos foom sor n na n maneg b yel kēere, bı f kō ned ning fo sēn dat-a sor t'a looge, la kos yaafa n kō-ba, ad Wënd yaa Yaafd n yaa Yolsda.
63. Ra maan-y Tën-tvumã yuur boolg wa yãmb ne taab (yv-peelã) boolgã ye. Ad Wënd mii neb nins sēn solgd n loogdē wã. Bı neb nins sēn yōsgd (Tën-tvumã) saglgã gūus ti zarbg ra wa paam-ba, maa sibgr sēn zabd ra wa paam-b ye.
64. Ad sēn be saasē la tēngē yaa Wënd soolem, A mii yãmb sēn be yell ningã zugã, la raar ning b sēn na n lebs nebã A nengē wã, t'A na n kō-b kibar ne b sēn tvumã, Wënd yaa bumb fãa Mita.

25. Al-furkaan*

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tuvmdā.

1. Naab ning yt wagelle, sēn sik-a Welegrā (Gafā) A yambā zugā sēn na yul t'a yt dūni wā neb bugsdā.
2. Naab ning sēn so saas la tēnga, A pa tar biiga, A pa tar lagem-n-taag A naamē wā ye, A naana būmbā fāa n kit t'a zems zemsg tekē.
3. La b rika soab-rāmb zēms sēn pa Yēnda, soab-bāmb pa naan baa fvu, bāmb mensā yaa sēn naane, b pa tōe n tak nafre maa naong n kō b mensā ye, b pa so kūum, b pa so vum, b pa so (ki n ti) yikā ye.
4. La neb nins sēn ktlā yeelame: "ad wānde pa baa fvu rēnda zīri-beedo, tū neb a taab sōng-a". ad bāmbā wa ne wēgb la zīrimbeedo.
5. La b yeele: "yaa pīnd rāmb soalem la a kit tū b gulsdē, tū b togsd-a yibeoog la zaabr t'a kelgdē".
6. Yeele: "yaa Naab ning sēn mi yel-solgdū saasē wā la tēngē wā n sik-a, A yaa Yaafg Naaba n yaa Yolsg Naaba.
7. La b yeele: "yaa bōe n tar Tēn-tvum kāngā t'a rutē la a kēngd raasē? B sā n rag n sik malek n naag-a tū yē me bugsdē.
8. Maa b kō-a arzek baoore, maa a tall pvvg n rut beenē?" La wēgdbā yeel yā: "ad yāmb pa tūud rēnda rao b sēn maan tum".
9. Ges b sēn bilgd foom ne ned ningā! B menemame n ka tōe n yek (sūdā) sor ye.
10. Naab ning yt wagelle, t'A sā n tvlla, A kōta foom sōmblem sēn yud woto, pvv tū koom zoet b tēngrā la A kō foom gasdo.
11. Pa woto ye, ad b yagsa dūni wā yikri, la Tōnd segla Bug-witg n kō neb nins sēn yagsd dūni wā yikrā.
12. Bugmā sā n wa yā bāmb zārgē, b wvmda a sū-yikrā la a kudbā.
13. B sā n wa lob bāmb Bugmā pvv gē, zī-sēkē n loe-b ne taaba, la b na n kos tū (Wēnd) sāam bāmb (tū sε).
14. Rūnda, ra kos-y sāang a yembr ye, kos-y sāang wvsgo.
15. Yeele: "woto la sōmā bī yaa paab arzānā b sēn pvlem wēn-zoetbā, ad a yaa bāmb keoor la b lebgr zīiga.
16. B tara a pvv gē b sēn tvlle, b yaa paadba, ad yaa fo Soabā pvlenga sēn rog A zugu.

* Al-furkaan (Welgrā svvra).

17. Raar ning b sēn na n tigim-b la b sēn tūud būmb nins zēng sēn pa Wēndā, t'A yeel-ba: "rē yīnga yaa yāmb n menes Mam yembsā bī yaa bāmb n menem sore?"
18. La b na n yeele: "yulgemd be ne Foom, pa sōmb ne tōnd tī d rik zēng sēn pa Foom n maan lall-n-taag ye, la ad Fo maana bāmbā la b saam-rāmbā wum-noog hal tī b wa yīm Tēegrā n yī bōn-rāmba.
19. (Rūbsā) yagsa yāmb y sēn yeel būmb ningā, y pa tar pōsgr zīiga, y le pa tar sōngr zīigā, ned ning sēn wēg a meng yāmb suka, D na n lembs-a-la sibgr sēn bedme.
20. La Tōnd pa tūms Tēn-tūumb sēn reng foom taoore, rēndame tī b ra ritame la b kēngd raasē, la Tōnd maana yāmb tī yaa zarbg ne taaba, sēn na yīl n gese y na n maana sugri? La fo Soabā yaa Neta.
21. La neb nins sēn pa tēed Tōnd sēgbā yeel yā: "b sā n da sika tōnd nengē malegs maa d sā n da tōe n yāndē tōnd Soabā"; ad bāmbā waoga b mens la b kedg kedgr sēn yaa bedre.
22. Raar ning b sēn na n yā malegsā, nin-wēnsā ka na n paam kūba-noog ye, [malegsā] na n yeelame: " sū-noogr ne yāmb yaa gidgr sēn ta teka"!
23. Tī Tōnd rik b sēn da tūm (dūni kaanē wā) n maan-a t'a lebg tom sēn sāeegē.
24. Arzān nebā ra-kāngā n yud sōmblem neer ne zīndg-zīiga, la yud neer ne vūsem zīiga.
25. La tēeg raar ning saasā sēn na n wa pārg n bus sawad-fuase tī malegsā sig sigb tekē.
26. Sīda, naamā ra-kāngā raarā yaa Yolsg Naab n so-a, a na n yū raar sēn na n yī kāenkāe ne kuf-rāmbā.
27. La tēeg raar ning wēgd sēn na n rūm a nus a yiib n yeele: kato! Mam sā n rag n puga Tēn-tūmā pa sāoo.
28. M wubdo kato! Mam sā n rag n ka gād a zagl n maan zao!
29. Ad a menemsa maam Tēegrā (Alkurāanā) sēn wa n wa mam nengē wā poorē, la a switāan zoet n basa ninsaalā (a sēn wat n zarb-a poorē).
30. La Tēn-tūmā yeel yā: "yaa m Soabā! ad mam nebā wāag n basa Alkurāanā".
31. La yaa woto la D maan be n kō nabiyaam fāa, sēn yī nin-wēnsē wā, la ad fo Soabā kāndgrā la A sōngrā sekame.
32. La neb nins sēn kufīlā yeel yā: "yaa bōe yīng la b pa sik Alkurāanā a zug vugri"? Tōnd sik-a-la woto sēn na yīl n rik-a n tabl fo sūūrē wā, la Tōnd karem-a lame n tūnug taaba.

33. B pa wat ne bilgr rëndame ti Tönd waa ne fo nengē ne sid la welgr sēn yud sōma.
34. Neb nins b sēn na n tigim n vub-b b ninsā zut n kēng Gehannemā, bāmb rāmb zīg n yud wēng la yud sor menengo
35. La sid la hakuka, Tönd kōo a Musa Gafā la D maan a ma-biigā n lagm-a ti yaa sōngda.
36. Rē poorē, Tönd yeelame: "kēng-y-yā, yāmb y yībā fāa, neb nins sēn yags Mam Aaya-rāmbā nengē". Rē poorē ti Tönd halk-b halkr teka.
37. La a Nuuh nebā b sēn wa n yags Tēn-tvumbā, Tönd bōr-b lame la D maan-b ti b yaa tagmas ne Tönd tōogā n kō nebā, la D segl sibgr sēn zabd wēgdbā yīnga.
38. La a 'Aad la a Tamuud rāmba, la Rass nebā (kvlgē rāmbā) la zāma wvsg sēn zīnd bāmbā wakatā suka.
39. Ānkam fāa Tönd sifa reng-taoor rāmba sāngā n wing-ba, la ānkam fāa Tönd halkame halkr tēkē.
40. La bāmb puvga tēng ningā zu-beed saagā sēn ni wā, rē yīnga b pa yā-a-la, bāmbā pvs n pa tēed ti (b sā n ki) b na n yik-b lame ye.
41. B sā n wa yā foom la b sēn sābsd foom (n yetē): "rē yīnga yaa yā wā la Wēnd sēn tvms ti yaa Tēn-tvumā bi?"
42. Kella bilf t'a menes tōnd n yi d soab-rāmbā tūdum sā n ka tōnd sēn maan sugr b zugu!" Yı bilfu b na bānge, b sā n wa yānd naongā, ānd n yud ne sor menengo".
43. Rē yīnga fo yānda ned ning sēn rik a yamleooq ti yaa a zu-soaba, yaa foom n na n yı a yel-bobendā?
44. Maa fo tēedame ti b sēn waooq fāa wvmdame bi b tagsdame? Ad b yaa wala rūmsi, b menengā pvs n yuda rūmsi.
45. Fo pa yānd fo Soabā sēn yedg maasmā to-to, A sā n rata, A rag n na maan-a t'a yās zīg a yembre, la Tönd maana wīntoogā t'a yaa tagms n wīngd maasmā, t'a woglemā la a goeelmā tūngda wīntoogā.
46. Rē poorē ti Tönd mobg-a n kēng Tönd nengē mobgr sēn yaa yol-yole.
47. Yaa Yēnda la sēn maan yungā n kō yāmbā ti yaa fuugu, la gōeemā ti yaa vuvsgo, la wīngdā ti yaa lebg-n-kēng tvvma.
48. Yaa Yē la Naab ning sēn tvms sebgā ti yaa sū-noogr sēn lvt A yolsgā taoore, la Tönd sigsa saasē wā sa-ko-yilgemde.
49. Sēn na yil n vuvsg tēng sēn da kvı n pelg la D yūnug rūms la ninsaalb wvsg Tönd sēn naane.
50. Ad Tönd pviya tagmes-rāmbā Alkvrāana pvge bāmb suka sēn na yil ti b tēege, la b wvsg fāa tōdgame n maan sōm-zulem.

51. La ti Tõnd sã n ra tvllame, D rag n na tvms Bugtsda tẽng fãa nengẽ.
52. Bı f ra wa tũ kfr-rãmbã ye, la tall Alkrãanã n maan-b tak-n-taar sãn yaa bedre.
53. La yaa Yẽnda la Naab ning sãn kegl mog a yیبã, wãnde yaa ko-noog n yaa maasga, ti wãnde yaa yamsem n yaa toog liga, la A ning b yیبã svka gıdr sãn pa pasgde.
54. La yaa Yẽnda la sãn naan ninsaal n yi koomẽ, n maan-a t'a tar buud la reemdo, la fo Soabã yaa tõogd ne bũmb fãa.
55. La b tũud zẽng sãn pa Wẽnde, bũmb sãn pa nafd-ba la pa namsd-ba, la ad kfr ra yume n yaa lall-n-taag ne a Soabã bæeba.
56. La Tõnd pa tvms foom rẽndam ti f yaa sũ-noogd la bugtsda.
57. Yeele: "mam pa kot yãmb keoor a zug ye, rẽnda ned ning sãn wa n rata n gãd kãndgr sor n tvg a Soabã nengẽ.
58. La bobl f meng ne Vıt ning sãn pa kiidã la yulg a Yvvrã, ad A minimã ne A yembsã zunuubã sekame.
59. Yaa Yẽnd la Naab ning sãn naan saasã la tẽngã la bũmb ning sãn be b svkã rasem a yoobe pugẽ, rẽ loogr poorẽ ti Yolsg Naab zẽke Al-'aršã (Naamã goeel) yĩngri (zẽkr sãn tog ne Wẽnde), Yẽ la yolsg-naabã bi f sok-A ned ning sãn tar-a kıbar n yuda.
60. La b sã n yeel-ba: "maan-y Yolsg Naabã suguudu", la b sãn yetde: "yaa bõe la Yolsg Naaba?" ti rẽ paasd-b zoe-n-zãage.
61. Naab ning sãn ning-a ädsã saasẽ wã yı wagelle, la A maan fitl (wĩntoogo) beenẽ la kiuug sãn vẽene.
62. Yaa yẽnda la Naab ning sãn naan-a yvngã la wĩndgã ti b ledd taaba, ne ned ning sãn rat-a n tẽege maa sãn rat-a n soeese Wẽnde.
63. La Wẽnd yembsã la neb nins sãn kẽnd tẽn-gãngã zug ne bvg-buge la zıtbã sã n wa gom ne-b la b sãn yetde: "tulgr" gomde.
64. Bãmb rãmbã la neb nins sãn tat yvng n maan b Soabã suguud la b yãs A taor (n kotẽ),
65. Bãmb la neb nins sãn yete: "yaa tõnd Soaba! zãag tõnd ne Gẽhannem Bugmã", ad a naongã yaa sãn duumdi.
66. Ad a tablg zĩig la a zĩndg zĩig yı wẽnga.
67. Bãmb la neb ninsi, ti b sã n na n yãk (arzek) n nafe, b pa maan ti zvuge, b pa maan bõn-zoer me, b yãnesda tẽng-n-svka.
68. Bãmb la neb nins sãn pa boond soab zẽng n lagem Wẽnde, la b pa kvvd yõor ning Wẽnd sãn gidgã rẽndame ti tũu ne hake, b leb n pa yood ye, la ned ning sãn tvn woto, a na n paama sıbgre.

69. B na n fāo wā naongã n kō-a Yikr raarã la a na n duuma beenē n faagre;
70. Rēnda ned ning sēn tuub-a la a kō sīda la a tum sōma, bāmb rāmbā Wēnd teemda b yel-wēnsā ti lebq yel-sōma, la Wēnd yume n yaa Yaafg Naab n yaa Yolsg Naaba.
71. La ned ning sēn tuubi la a maan tum sōma, ad a tuubgā pata Wēnd nengē.
72. Leb n yaa bāmb la neb nins sēn pa maand kaset zīri la b sã n na n puvg gom-yaar zīgē, b puvgd zān-zānd n zāag-b mensā ne-ba.
73. La bāmb la neb nins ti b sã n na n karem b Soabā Aaya-rāmb b nengē, b pa maand b mensā mugs la zoens ye.
74. La bāmb la neb nins sēn yete: "yaa tōnd Soaba! kō tōndo, sēn yi tōnd pagbē wā la d koambē wā nif-maare, la maan tōnd ti d yī wēn-zoethā taor-rāmba.
75. B na n yao bāmb-rāmbā (arzān) roogo, b sēn maan sugrā yīnga, b na n seg-b lame ne puvg la tilgre.
76. B na n duuma beenē, ad tablg zīg la zīndg zīg yī neere.
77. Yeele: "mam Soabā toog ka be ne yāmb sã n ka yāmb kosgā yīnga, ad yāmb yagsame, la ket bilfu sibgrā na n yu tīlae ne yāmba.

26. Aš-šv'araa'u *

Ne Wēnd yūrā barka, sēn yaa yols yaleng Soabā, n yaa Yolsdā, la d singd d tumdā.

1. Ṭaa, Sun, Miim.¹
2. Ad woto yaa Gafā Aaya-rāmba sēn vēnegdā.
3. Tōe ti fo weogda f sūrā, b sēn ka kōt sid yīnga.
4. Tōnd sã n tulla, D sikda saagē wā yel-soalem ti b yubli wā kell n sulg ne-a n get-a ti yaa vēnega.
5. Tēeg-paall ka wat bāmbā n yi Yolsg Naab nengē, rēndame ti b gūda b zān-kuidsi.
6. Ad bāmbā yagsame, la b sēn da sābsdā kibay na n wa-b lame.
7. Rē yīngā bāmb pa yā tēn-gāngā, sōor waog Tōnd sēn buls a zugu bōn-bundi toor-toore sēn yaa wagle.

* Aš-šv'araa'u (Yun-yundbā svra).

[1] Wēnd n yud minim ne A sēn rat ne guls-bi tōsdt-kāensā. La Guls-bi tōsdt-kāensā, sēn be svr-kāensā baasgē wā, yaa sēn wilgd Alkrāanā sēn komd a gees-n-taasā, bala b geesa kfr-dāmbā ne Alkrāanā, ti b kong n ka tōog n wa ne a buud ye, ti Alkrāanā me -yaool n yaa sēn tui ne gombiis nins bāmb goamā sēn tuit ne wā, sēn yaa guls-bi tōsdt bāmbā buudā, ti rēnda wilgd Laarab-rāmbā kongame n ka tōog n wa ne Alkrāanā buud ye, n lagem ne bāmb n yud nebā ne zelem pekā, ti wilgdē ti Alkrāanā a yaa sēn tume ti yi Wēnd nengē.

8. Ad tagmas be woto puga, la ad bāmbā sēn waooḡ fāa pa sūd-kōtb ye.
9. La ad fo Soabā yaa wilb Naab n yaa Yolsg Naaba.
10. La (tēeg) wakat ning fo Soabā sēn wa n bool a Musa n yeel-a: "kēng neb nins sēn wēg b mensā nengē".
11. A Fir-aon nebā nengē, n ti yeel-ba: "rē yīnga y pa na n zoe Wēnde?"
12. A Muusa yeelame m Soaba! Ad mam yeesdame ti b na n wa yags maam.
13. Tı mam yāooḡā wa weooḡe, ti mam zilemd pa tōe gom ye, bı F tums a Haarvun n lagem maam.
14. La mam rag n beeg-b lame, ti m yaeesd ti b na n wa kv maam.
15. Tı [Wēnd] yeele: "rē kō n yı ye! Kēng-y yāmb y yiibā, ad Tōnd bee ne yāmb n kelgdē.
16. Kēng-y yāmb y yiibā a Fir- 'aon nengē n ti yeel-a: "ad tōnd yaa bōn-naandsā Gvūdā Tēn-tvumba".
17. Tı fo bas [sraeel koambā ti tū tōndo".
18. La a Fir- 'aon yeel yā: "rē yīnga tōnd pa wub foom tōnd nengē ti fo yaa bi-kidga? Tı fo zīnd tōnd nengē yvuma?"
19. Tı fo tvum tvum ning fo sēn tvumā, ti fo yaa sōm-zita".
20. La a Musa yeel yā: "mam tvum-a-la wakat-kāngā ti mam yaa menemda."
21. Mam zoeeme n yi yāmba, mam sēn wa n yaeesdā: rē poorē ti mam Soabā kō maam Bvud minim la A maan ti mam naag Tēn-tvumbā pvgē.
22. La fo sēn gvul maama yaa neema fo sēn tar-a n tāasd maam, ti fo yaool n kitame t'a [sraeel koambā yaa fo yembse la f bas maam. (la rē pa gidgd maam ti m da bool foo ye).
23. La a Fir- 'aon yeel yā: "yaa bōe la bōn-naandsā Soaba?"
24. La a Musa yeele: "yaa saas la tēng la būmb nins sēn be b yiibā suk Soabā, ti yāmb sā n yume n yaa bāng-n-wāag-rāmba".
25. La a Fir- 'aon yeel neb nins sēn be yē kurenga: "y wvumdame bı?"
26. "Ta a Muusa yeele: "A yaa yāmb Soabā la yāmb ba-rāmb sēn deng taoorā Soaba".
27. Ta a Fir- 'aon yeele: "ad y Tēn-tvum ning b sēn tvums ti wa yāmb nengē wā yaa gāeenga".
28. T'a a Musa yeele: "A yaa wīntoog sēn pukdē la a sēn lvtē la būmb ning sēn be b yiibā sukā Soaba, ti yāmb sā n tara yam n tagsd n getē".
29. La a Fir- 'aon yeel yā: "la ti fo sā n tū soab zēng sēn ka maam, m na pag-f bāense".

30. T'a a Musa yeele:" ba ti mam sã n wa ne bũmb sãn sidgd-m ti yaa vëenega?"
31. Ta a [Fur-'aon] yeele: " bi f wa ne-a ti sã n mikame ti fo yaa sid-soaba".
32. T'a [Musa] lobg a rasaarã t'a lebg waaf ti yaa vëenega.
33. La a rik a nugã n tum a bãokẽ wã, ti nugã lebg pæelg ti b neẽ.
34. La a [Fur-'aon] yeel kug-zĩidb nins sãn be yẽ kurengã: "ad yãoã yaa ti-mita,
35. n rat n yiis yãmb y têngẽ wã ne a tumã, la yãmb sagenda maam ne bõe?"
36. La b yeele: "kut ti yẽ la a ma-biigã lebg n kuli, la f tums têngã pugẽ ti b tigim,
37. n wa ne ti-mit fãa fo nengẽ".
38. Tı titã-rãmb na n tigim taab raar ning b sãn yãkã.
39. La b na n yeel nebã: "rẽ yĩngã yãmb tigim n seeme?",
40. Tõe ti tõnd tũ titã-rãmbã ti b sã n wili"
41. La titã-rãmb sãn wa n wa wã, b yeela a Fur-'aona: "rẽ yĩngã tõnd tara keoor ti tõnd sã n wili?"
42. La a yeel yã: "n-yëe, yãmb na n lebga mam pënegdba!
43. La a Musa yeel-ba: "lob-y bũmb nins yãmb sãn na n lobã".
44. La b lob b wĩyã la rasapã n yeele: "ne a Fur-'aon zıslemã, yaa tõnd n na n wili".
45. La a Musa lobg a rasaarã t'a na n vel bãmb sãn maanã.
46. Tı titã-rãmb lvi n maan suguudu.
47. N yeele: " D kõo sid ne bõn-naands Soabã,
48. a Musa la a Harvvn Soabã".
49. La a [Fur-'aon] yeele: "yãmb kõ-a-la sıda taoor ti mam ka kõ yãmb sore? Ad yaa yẽnda la yãmb kãsmã, sãn wĩnig yãmb tumã, yı bilfu y na bãnge, m na n (kutame ti b) kvvs y nusã la y naoã n tul taaba, n lulg-y fãa gilli".
50. La b yeele: "yell ka be ye! ad yaa tõnd Soabã nengẽ la tõnd lebgda".
51. Ad tõnd tara tvlsem ne tõnd Soabã t'A yaaf tõnd tvvm-tuutsã, tõnd sãn yaa rãeenem sid-kõtã.
52. La Tõnd toola wahi ti kêng a Musa nengẽ [n yeel-a] : "loog ne f nebã, ad b na n pvga yãmba".
53. T'a Fur-'aon na n tums ti b bool tẽmsã pugẽ ti b yek taaba.
54. "Bãmbã yaa neb kidg bala,
55. La ad b puuga tõnd sũyã

56. ti tōnd fāa gill yaool n yaa gūus-m-mens-rāmba".
57. Tı Tōnd na n yiis-b putā pusē la ko-ninā pusē.
58. La arzeksē la waoogr zīisē.
59. Yaa woto ti Tōnd rik a faadā n kō a [sraeɛl koambā.
60. Tı bāmb na n pug-b wīntoog yiib wakato.
61. Wakat ning zāma a yīibā sēn wa n yānd taaba, a Musa nebā yeelame:
"ad b na n paama tōndo".
62. La a yeele: "tek-y woto, ad mam Soabā bee ne maam, A na n kānda maam".
63. Tı Tōnd na n tums waht ti kēng a Musa nengē: "rik f rasaarā n wē mogrā". T'a pārg n maan ti yembr fāa lebg wala tām-bedre.
64. Tı Tōnd kit ti neb a taabā [a Fir- 'aon ne a nebā] pēnege.
65. La Tōnd tulg a Musa la neb nins sēn naag yēnda wā fāa.
66. Rē loogr poorē ti Tōnd na n bōr neb a taaba.
67. Ad tagmas be woto puga la ad bāmbā sēn waoog fāa pa sud-kōtb ye.
68. La ad fo Soabā yaa wilb Naab n yaa yolsg Naaba.
69. La karem n togs-b a [braahum kībarā:
70. Wakat ning a sēn wa n yeel a saamb la a zāmā wā: "yaa bōe la yāmb tūdā?"
71. La b yeele: "tōnd tūuda rvbse n yās ne b tūdumā lug-lugi".
72. La a yeele: "rē yīnga b wumda yāmba, y sēn wat n kot-ba?"
73. Maa (yāmb sēn tūud-bā) b nafda yāmbā, maa (y sā n bas n ka tū-ba) b namsda yāmbā?
74. La b yeele: "ka woto ye! Tōnd mika d saam-rāmbā ti b maand woto".
75. La a yeele: "yāmb yāame, y sēn tūud būmb ningā wā...?"
76. Yāmb la y saam-dāmb nins sēn reng taorā?
77. Ad b yaa mam bæɛba, rēnda bōn-naandsā Soabā (Wubdā).
78. Soab ning sēn naan maamā la A kāndg maamā;
79. Naab ning sēn rulgd maam la A yūnugd maamā.
80. Naab ninga, ti mam sā n wa ka keeme, A kōta maam laafi,
81. Naab ning sēn reegd-a mam yōorā la A leb n vug maamā,
82. Naab ning mam sēn tar tulsem t'a yaaf mam tvvm-tuutsā, dīinā (yaoodā) raare.
83. M Soabā Wēnde, kō maam buvd minim la lagem maam ne nin-sōmā wā;
84. La maan maam ti m tal yv-noogo yaolem zāmaan rāmbē,
85. La maan maam ti m yi neemā arzānā fa-rikda,
86. La yaaf mam saambā, ad a yume n yaa menemda.

87. La ra wa ning-m yānd Yikr raarā ye.
88. Raar ning arzek la koamb sēn pa nafde.
89. 'Rēnda ned ning sēn wa Wēnd nengē ne sūur sēn yulge".
90. Tı b na n kolg arzānā n kō Wēnd-zoetbā.
91. La Gēhum Bugum na n vēneg a meng n wuk ne sēn belg b mensā,
92. Tı b na n yeel-ba: "yāmb sēn da yı n tūud būmb ningā wā bæε,
93. zēng sēn pa Wēndā? Rē yīnga b tōe n sōnga yāmbā? Bı b tōe n sōnga b mense?"
94. B na n lob-b lame n kalem taaba, bāmb ne sēn belg b bāmbā,
95. La a [blus poorē rāmbā fāa gilli.
96. La b na n yeele, tı bāmb be Bugmā pugē n takd taaba:
97. "Ne Wēnde! Ad tōnd rag n bee meneng sēn vēneg pugē,
98. tōnd sēn wa n rikd yāmb n zemsd ne bōn-naandsā Soabā.
99. Būmb pa menes tōnd n zvvug nin-wēnsā ye.
100. La tōnd pa tar sugsd ye.
101. Zao turg ka be me ye.
102. La tı lebgr sā n da beeme tı d paam n yı sid-kōtba.
103. Ad tagmas be woto (a [braahum kibarā la yagsdbā baasgā) puga la ad bāmbā sēn waoog fāa pa sid-kōtb ye.
104. La ad fo Soabā yaa wilb Naaba n yaa Yolsg Naaba.
105. A Nuuh nebā yagsa Tēn-tvumbā,
106. Wakat ning b saam-biig a Nuuh sēn wa n yeel-ba: "rē yīnga yāmb ka zoet [Wēnde]?"
107. Ad mam yaa Tēn-tvum ne yāmba n yaa bas-m-yam soaba.
108. Bı y zoe Wēnd la y pug maam.
109. Mam pa kot yāmb keoor a zug ye, ad mam keoorā bee bōn-naandi wā Soabā nengē.
110. Bı y zoe Wēnd la y pug maam
111. La b yeele: "rē yīngā tōnd na sak n kō foom sıda, tı yaool n yaa nin-yaalsā la sēn pugd foomā?"
112. La a yeele: "mam ka tar bāngr ne b sēn da tvmd ye.
113. Ad b geelgā roga ne mam Soabā zug tı y sā n miē.
114. Mam ka na n rig sid-ktbā ye.
115. Mam ka zēngā rēnda bugsd sēn vēnege".
116. La b yeele: "yaa a Nuuhu, la tı fo sā n ka maan gūusgu, ad b na n loba foom [ne kuga]!"
117. La a yeele: "yaa m Soaba, ad mam nebā yagsa maam.

118. Bı F bu maam ne b svka, buvd sēn sācmd-b ti yaa vēenega , la F tulg-
ma la neb nins sēn kō sid n lagem maamā".
119. Tı Tōnd na n tulg-a la neb nins sēn kē n naag-a wā kogl pitgā pvgē.
120. Rē poorē ti Tōnd bōr neb a taabā (kuf-rāmbā).
121. Ad tagmas be woto puga la ad bāmbā sēn waoog fāa pa sid-kōtb ye.
122. La ad fo Soabā yaa wilb Naab n yaa Yolsg Naaba.
123. Ad a 'Aad rāmb yagsa Tēn-tvumbā,
124. Wakat ning b saam-biig a Huud sēn wa n yeel-ba: "rē yīnga yāmb ka
zoet [Wēnde]?"
125. Ad mam yaa Tēn-tvum n yaa bas-m-yam ne yāmba.
126. Bı y zoe Wēnd la y pvg maam.
127. Mam pa kot yāmb keoor a zug ye, ad mam keoorā bee bōn-naandu
wā Soabā nengē.
128. Rē yīngā yāmb na n meta kunkubr zug fāa me-zāntg n reemdē bala?
129. La y met ro-bēda (gāsdo) ti yaa wala yāmb na n duumame?
130. La yāmb sā n na n maan n role, y maandame ti y yaa maan-n-zvug
rāmbā, ti ninbāan-zoeg ka be ye.
131. Bı y zoe Wēnd la y pvg maam.
132. Yaes-y Naab ning sēn kō yāmb bōn-sōmā wala y sēn mi wā.
133. Sēn kō yāmb rūms la koamba.
134. La pvt la ko-soaya.
135. Ad mam yaesda yāmb zugu, ra-kāseng raarā naongā.
136. La b yeele: "zem ti fo maana tōnd waazv maa fo ka maane, fāa yaa a
yembr tōnd nengē".
137. Ad wānde yaa rāeenem rāmb zvugdo la b rog-n-miki.
138. La b pa na n svbg tōnd ye.
139. Tı b yags-a, ti Tōnd halk-ba, ad tagmas be woto puga la ad bāmbā
sēn waoog fāa pa sid-kōtb ye.
140. La ad fo Soabā yaa wilb Naab n yaa Yolsg Naaba.
141. Ad a Tamuud rāmb yagsa Tēn-tvumbā.
142. Wakat ning b saam-biig a Šaalḥ sēn wa n yeel-ba: "rē yīnga yāmb
ka zoet [Wēnde]?"
143. 'Ad mam yaa Tēn-tvum n yaa bas-m-yam ne yāmba."
144. Bı y zoe Wēnd la y pvg maam.
145. Mam pa kot yāmb keoor a zug ye, ad mam keoorā bee bōn-naandu
wā Soabā nengē.
146. Rē yīnga, yāmb tēedame ti b na basa yāmb kaanē ti yāmb be bas-m-
yam pvg bala?

147. Tı y be pvt pvg la ko-sood puga
 148. La koodo la tamar tus biis sēn yaa lom-lome (n sakd rubo)?
 149. La y peesd tāmsā n met rot ti yāmb yaa sēn tōe tvumdā ti looge?
 150. Bı y zoe Wēnde la y pvg maam.
 151. La y ra wa tū zvvg-toadg rāmbā sagell ye.
 152. Neb nins sēn kēnd tēngā zug ne sāongā la b pa manegdā.
 153. La b yeele: "ad b maana foom tum,
 154. Fo ka baa fvt n zvvg ned wala tōnd ye, bı f wa ne tagmas ti sã n mikame ti f naaga nin-sōma wā".
 155. La a yeele: "woto yaa yvgemde: a tara yūub raare, ti yāmb me tar yūub raar sēn yāk n miē".
 156. Ra sus-y-yā-a ne wēng ye, ti ra-wagell raarā sıbgr wa yōk yāmb ye".
 157. La b kōs-a [n kv] ti b vēeg beoog ne nimsa!
 158. Tı naongā yōk-ba, ad tagmas be woto puga la ad bāmbā sēn waoog fāa pa sıd-kōtb ye.
 159. La ad fo Soabā yaa wilb Naab n yaa Yolsg Naaba.
 160. Ad a Lvvt nebā yagsa Tēn-tvumbā.
 161. Wakat ning b saam-biig a Lvvt sēn wa n yeel-ba: "rē yīnga yāmb ka na n zoe [Wēnde]?"
 162. Ad mam yaa Tēn-tvum n yaa bas-m-yam ne yāmba.
 163. Bı y zoe Wēnde la y pvg maam.
 164. Mam pa kot yāmb keoor a zug ye, ad mam keorā bee bōn-naandi wā Soabā nengē.
 165. Yāmb na n baooda raop bōn-naandi wā svka?"
 166. N yaool n basd pagbā yāmb Soabā sēn naan n kō yāmb ti yaa halaalā? Ad yāmb yaa zvvg-toadg rāmbā".
 167. La b yeele: "yaa foo Lvvtē! ad fo sã n ka tek n base, b na n rig-f lame n yi tēngā".
 168. La a yeele: "ad mam kiswa yāmb tvumdā,
 169. M Soaba, tılg maam la m zakā rāmbā n yi bāmbā sēn tvumdā".
 170. Tı Tōnd na n tılg-a la a zakā rāmb fāa gilli.
 171. Rēnda pvg-yāanga, n naag halkdbā pvgē.
 172. Rē loogr poorē ti Tōnd na n halk sēn ket-bā.
 173. La Tōnd na n sik sa-koom b zugu, ad bugs-n-kong rāmb saag yu wēnga.
 174. Ad tagmas be woto puga la ad bāmbā sēn waoog fāa pa sıd-kōtb ye.
 175. La ad fo Soabā yaa wilb Naab n yaa Yolsg Naaba.
 176. Ad a Ayka nebā (kāgrē rāmbā) yagsa Tēn-tvumbā.

177. Wakat ning a Su' ayb sēn wa n yeel-ba: "rē yīnga yāmb ka na n zoe [Wēnde]?"
178. Ad mam yaa Tēn-tvum n yaa bas-m-yam ne yāmba.
179. Bı y zoe Wēnde la y pvg maam.
180. Mam pa kot yāmb keoor a zug ye, ad mam keorā bee bōn-naandi wā Soabā nengē.
181. Pids-y vugbā la y ra yı neb nins sēn boogd vugb ye.
182. La y pees ne pæsdg sēn tēeg turga.
183. Ra wa boog-y nebā teedā vugbā pugē ye, la y ra kēn tēn-gāngā zug ne sāng ye.
184. Zoe-y Naab ning sēn naan-a yāmb la zāma-rāmb nins sēn reng yāmb taorā.
185. La b yeele: "ad b maana foom tum,
186. Fo ka baa fvi n zvvg ned wala tōnd ye, la ad tōnd tēedame ti fo yaa zīri-be-neda.
187. Bı f kut ti bōn-wædg yi saagē wā n lvi tōnd zugu, ti sã n mikame ti fo yaa sid-soaba!"
188. La a yeele: "mam Soabā n mi būmb ning yāmb sēn maandā".
189. Tı b na n yags-a, ti sawadg (maasem) raar sibgr na n gād-ba, la ad raarā yu ra-kāseng raar naongo.
190. Ad tagmas be woto pvg, la ad bāmbā sēn waog fāa pa sid-kōtb ye.
191. La ad fo Soabā yaa wilb Naab n yaa Yolsg Naaba.
192. Ad a sigame n yi bōn-naandsā Soab nengē.
193. Bas-m-yam yō-yulemdā (Gibriil) n sik-a.
194. Fo sūurē wā, sēn na yıl ti fo yı bugsd.
195. Ne Laarab-rāmb zulemd sēn vēnege.
196. Ad a bee rāeenem (Tēn-tvumbā) gaf-rāmb pvgē.
197. Rē yīnga a ka yı yel-solemd ne bāmbā t'a [sraeɛl bāngdbā wa tar a kibare?
198. La ti b sã n da sik-a n kō neb zēms sēn pa Laarab-rāmba.
199. Tı b wa karem-a n wīnig-ba, b ra ka na n kō sıda ti bala b pa fasmd-a ye.
200. Yaa woto la Tōnd kēes (Tēn-tvumbā yagsgo) nin-wēnsā sūyē,
201. B pa na n kō (Alkurāanā) sıda, hal ti b wa tvug n yā naon-zabdgā,
202. Naongā na n waa b nengē ne lingri, ti b pa tēed ye.
203. La b yetdē: "rē yīnga, b na n kolla tōnd (ti d tuub bı)?"
204. Rē yīnga yaa Tōnd nongā la b yāgd n baoodē?
205. Fo yāame ti Tōnd sã n wvms-b noog yvum saare,

206. Rē poorē ti (nong) ning b sēn da pulem-bā yaool n wa,
 207. Bōe la būmb ning b sēn da wumd noogā na n tōog n naf-ba?.
 208. La Tōnd pa halkd tēnga, rēndame ti D reng n tums Tēn-tuum ti tug n
 bugs-ba.
 209. Ti yaa tēegre, la Tōnd pa yi n yaa wēgdb ye.
 210. Ad pa Sūtāamb n sig ne Alkrāana ye.
 211. A ra pa sōmb ne-ba, b pvs n pa tōe.
 212. Ad b lill-b lame ti b pa tōe n paam n kelg (Wēnd goamā) ye.
 213. Bt f ra wa bool soab zēng sēn pa Wēnde, ti fo wa yi neb nins b sēn
 na n namsā pugē ye.
 214. La bugs fo rog-pētbā.
 215. La gāneg f faagr pıgs ne neb nins sēn pugd foomā sēn yaa sıd-kōatbā.
 216. La b sā n kus foom, bt f yeele: "mam pigd n yii būmb ning yāmb sēn
 tumdā".
 217. La bobl f meng ne wilb Naabā la Yolsg Naabā.
 218. Naab ning sēn ne foomā, wakat ning fo sēn wat n yik n deed puvgā.
 219. La fo sēn wat n leebd suguud maandbā suka.
 220. Ad A yaa Wumd n yaa Mita.
 221. Rē yīnga, m pa na n kō-y kibar ne Sūtāambā sēn sigd neb nins nengē
 wā?
 222. B sigda zīrimbeed soab sēn yaa zunuub-bed soab nengē.
 223. B modgdame n na n paam n kelg saasē wā...la b wusg fāa yaa
 zīrimbe-neba.
 224. La yun-yundbā, yaa kedgdbā n pugd-ba.
 225. Rē yīnga fo pa yānd ti ko-soog (wεng fāa) fāa pugē, bāmb n be
 beenē n faooda,
 226. La b yet būmb ning b sēn pa tumde?
 227. Rēnda yun-yudb nins sēn kō sıdā la b maan tuum sōmā la b tēegd
 Wēnd yuvrā wusgā, la b wili, b sēn wēg-b loogr poorē. La wēgdbā
 na wa n bāng lebgr zīg ninga b sēn na n wa lebā.

27. An-naml *

Ne Wënd yvvrā barka, sēn yaa yols yaleng Soabā, n yaa Yolsdā, la d sungd d tvvmdā.

1. Ṭaa, Sun,¹ ad woto yaa Alkvrāanā Aaya-rāmba, la Gaf sēn vēnegde.
2. a yaa kāndgre la sū-noogr ne sid-kōtba
3. Neb nins sēn yānesd ne Pvvsgā la b kōt zakā la b maan bāng-n-wāak ne Yaoolem Raarā.
4. La neb nins sēn ka kōt Yaoolem Raarā sīdā, Tōnd faasa b tvvmdā n kō-ba, ti b be be n tuumdē.
5. Bāmbā rāmbā tara naon-yooko, la Yaoolem Raarā, bāmb la bōndbā.
6. Ad fo reegda Alkvrāanā n yi Bvvd-mitā sēn yaa Bāngdā nengē.
7. Tēeg wakat ning a Musa sēn yeel a zakā rāmba: "ad mam yānda bugum, tōe ti m wa ne kibar n kō-y maa bug-vlenga ti y paam n woode".
8. La a sēn wa n ta-a wā, b bool-a lame, "bark be ne Soab ning sēn be bugumē la Soab ning sēn be a kurengē wā, yulgemd be ne Wēnde sēn yaa bōn-naandi Soaba".
9. "Yaa foom a Musa, ad Maam la Wēnd sēn yaa wilb Naabā, n yaa Bvvd Mitā"
10. La "lobg f rasarā". La a sēn wa n yā-a t'a rāmbd wala waafā, a lebg n na n zoeeme, n ka yals n ges ye. A Musa, ra yaees ye, ad Tēn-tvumbā ka yaeesd Mam nengē ye,
11. Rēnda ned ning sēn wēge, rē loogr poorē t'a tedg sōmblem a wēngrā poorē, rēnd Mam yaa Yaafg Naab n yaa Yolsg Naaba.
12. La tum f nugā f fuugā loorē, t'a na n yiime n yaa paelga, la pa bāag ye, yaa tagmas a wae wā a yembr la woto; kēng a Fur-‘aon la a nebā nengē, bala b yume n yaa dīin-yitba.
13. Wakat ning Tōnd tagmasā sēn wa b nengē, n yaa vēnese, b yeelame: "ad woto yaa tum sēn vēnege!"
14. La b maan sōm-zulem ne-a ti bāmb mengā yaool n maan bāng-n-wāag ne wēgd la zēk-m-menga, bi f ges yaa wān la sāambā baasgā yī yā.

* An-naml (Gūurā svvra).

[1] Wēnd n yud minim ne A sēn rat ne gvls-bi tōsdt-kāensā. La Gvls-bi tōsdt-kāensā, sēn be Svvr-kāensā baasgē wā, yaa sēn wilgd Alkvrāanā sēn komsd a gees-n-taasā, bala b geesa kuf-dāmbā ne Alkvrāanā, ti b kong n ka tōog n wa ne a buud ye, ti Alkvrāanā me -yaool n yaa sēn tui ne gom-biis nins bāmb goamā sēn tuit ne wā, sēn yaa gvls-bi tōsdt bāmbā buudā, ti rēnda wilgd Laarab-rāmbā kongame n ka tōog n wa ne Alkvrāanā buud ye, n lagem ne bāmb n yud nebā ne zelem pekā, ti wilgdē ti Alkvrāanā a yaa sēn tvme ti yi Wēnd nengē.

15. La ad Tõnd kõo a Daawuud la a Svlaymaan bāngre, ti b yiibā yeele: "pēgr be ne Wēnd sēn maana tōnd ti d yud sūd-kōtb wvsg sēn yaa A yembsā".
16. T'a Svlaymaan rik a Daawuud faado, n yeele: "yaa yāmb nebā! b wīniga tōnd liuuli goam la b kō tōnd būmb fāa, la ad woto yaa yudlem sēn vēnege".
17. La b tigma me n kō a Svlaymaane, a sodaasā sēn yaa zīn-dāmbā la ninsaalbā la luiili wā, n tong-ba
18. hal ti b kēn n wa tug n ta gūyā kosoogē, la gūur sēn yeele: "yaa yāmb gūyā! kē-y rotē wā, t'a Svlaymaan la a sodaasā ra wa tab yāmb n ka bāng ye"!
19. La a Svlaymaan na n yōgem a noorā n laadē gūurā koegā yīnga, la a yeele: "yaa m Soaba! leems maam ti m pvus bark ne Fo neemā wā Fo sēn maan n kō maamā, la mam roagdb a yiibā, la sēn na yulē ti m tum tum ning Fo sēn na yard-a, la F kēes maam Fo yemb sōmā wā pugē ne F yolsgā".
20. Rē poorē t'a gēes liuuli wā svka n yeele: "yaa bōe ti mam pa ne we-no-raoogā? Bt a ka be?"
21. M na yōk-a n subg-kegenga maa m koadg-a maa t'a wa ne daliil sēn yaa vēnega n kōt-a padenga".
22. La liuulā sēn yi bilf bala la a sēn wa, n yeel a Svlaymaan: "m paama bāngr fo sēn pa tare, m waa fo nengē ne kibar vēneg sēn yi Sabaa:
23. Mam ti mik-b lame ti yaa pag la b naaba, la B kō-a-la būmbā fāa, a tara naam-goeel sēn yaa kāsenga.
24. M mika na-poakā la a nebā ti b maamd wīntoogā suguudu, zēng sēn ka Wēnde, t'a Svutāan faas b tumā n gidg-b n yi so-turgē, ti b ka tōe n kāndg ye.
25. Yaa bōe yīng ti b pa na n maan suguud Naab ning sēn yiisd bōn-beel saasē wā la tēngē wā yīnga, la A leb n mi yāmb sēn solgdā la y sēn vēnegdā?
26. Soab ka be rēnda Yēnda, A yaa Al-‘ars wagellā Soaba.
27. La a Svlaymaan yeele: "d na n gesame fo sēn togsā yaa sūd bt f yagda zīri.
28. Kēng ne mam seb-kāngā n ti lob b nengē, rē poorē loog n bas-b n gese b na n leoka wān-wāna?"
29. La na-poakā yeele: "yaa yāmb mam nebā! ad b loba sebr sēn yaa wagell ti wa mam nengē.

30. Ad sebrā yīi a Sṽlaymaan nengē n sung : "ne Wēnd yvure, sēn yaa Yols-yaleng Naabā, n yaa tūus-n-yols Naabā,
31. Ra wa-y n zēk y mens mam zug ye, la wa-y mam nengē ne sak-n-tū".
32. La na-poakā yeele: "yaa yāmb mam nebā! sagl-y maam m yellā zugu, ad mam pa yī n na n kao yell buvdo, rēndame ti y maan kaset a pvgē".
33. La b yeele: " ad tōnd yaa pāens rāmba la zab-kegens rāmba, bī f ges fo sēn na n sagl būmb ning bala (ti tōnd tōe n maan-a lame)".
34. La a yeele: "ad nanambsā sā n kē tēngē, b sāamd-a lame la b kut ti tēngā nin-zīsdā lebg nin-yaalse, la yaa woto la b maanda.
35. La mam na n tuma kūun n ti kō-ba, rē poorē m na n kollame n ges yaa bōe la tum-tvumbā na n lebg ne?".
36. La wakat ning tum-tvumbā sēn wa a Sṽlaymaan nengē, la a yeele: "yāmb paasda maam arzeka n dat ti m bas-yā?, la ad Wēnd sēn kō maamā sōmblem yuda A sēn kō yāmbā, ka woto ye, yāmb kīdemda ne y kūunā (t'a yaool n ka baa fvi ye)".
37. Lebg n kēng b nengē, ad tōnd na n waa b nengē ne sodaas b sēn ka tar tōog ne-ba, la ad tōnd na n yīs-b la beenē ti b yaa sēn faag ne paogre".
38. La a Sṽlaymaan yeele: "yaa yāmb mam neba, ānd n na n wa ne a naamā goeelā taor ti b nan ka wa mam nengē n sak-n-tū?"
39. La zīn tōtr yeelyā: "mam tōe n waa ne-a, taor ti fo nan ka yik f zīgē wā ye, ad mam tara pāng ne yel-kāngā n yaa bas-m-yam soaba".
40. La ned ning sēn tar Gafā bāngrā yeele: "mam na n waa ne-a, taor ti fo nifā ka kams n lebg ye. Rēnd wakat ning a Sṽlaymaan sēn wa n yā naamā goeelā t'a rīg a taorā, a yeelame: "ad woto yaa mam Soabā neema, t'A tvll n rat n zarb maam n ges m na n pūusa bark bī, bī m na n maana sōm-zulem. La ned ning sēn wa n pūus barka, yaa a meng yīnga, la ned ning sēn wa n maan sōm-zulem, ad mam Soabā yaa sek-m-meng-Soab n yaa wagalle".
41. La a Sṽlaymaan yeele: "tee-y me a naamā goeelā ti d gese a na n bāng-a lame bī a ka na n bānge".
42. La na-poakā sēn wa n wa wā, la b yeel-a: "yaa woto la fo naamā goeele?" la a yeele: "ad yaa wala yēnda". –[la a Sṽlaymaan yeele]: b reng n kōo tōnd bāngr ne Wēnd tōogā taor ti pagā pa miē ye, la tōnd rag n yaa sak-n-tū-rāmba.
43. Tī būmb ning na-poakā sēn ra yī n tūudē wā gidg-a lame (t'a ka tōe n yī sid-kōat ye), bala a rag n yaa sōm-zita.

44. La b yeel-a: "kē gāsgā". La a sēn wa n yā-a wā, a sām̄bame ti yaa koom sēn zulmi t'a kool n bas a kars a yiibā yunga, la a [Svlaymaan] yeele: ad yaa gāsg sēn maan ne nin-gets, la na-poakā yeele: "ad mam rag n wēga m menga, la moasā m maga a Svlaymaan n na n sak n tū Wēnd sēn yaa bōn-naands Soabā.
45. La ad Tōnd tumsame ti kēng a Tāmuud rāmb nengē, b saam-biig a Şaalth [t'a yeel-ba] "tū-y Wēnde". La b welga taab zāma a yiibu n maan tak-n-taare.
46. A yeele: "yaa yāmb mam nebā! yaa bōe yīng ti yāmb yāgd ne yel-wēnde, n yaool n ka yāgd ne yel-sōmde? Y ka na n kos Wēnd yaafa ti raar ninga b na yols-yā?
47. La b yeele: "Ad yaa foom la neb nins sēn lagem foomā zu-beedā n be ne tōndo". La a [Şaalth] yaale: "ad yāmb zu-beedā bee Wēnd nengē, yāmb pvs n yaa neb b sēn zarbd-b ne kōon-dāmba n na n gese".
48. La rag n bee tēngē wā, raop a wae sulli, n sām̄d tēngā puga, la b pa manegd ye.
49. B yeelame: "d wēen ne Wēnd ti tōnd na n kv-a lame ne a zakā rāmba yung wakato, la d yeel a nedā: "tōnd pa tar kaset ne yē la a zakā rāmb kuvbā ye, la tōnd yaa sid-rāmba".
50. La b rabs b rabrā ti Tōnd na n lebs b rabrā ti b ka miē ye.
51. Bt f ges b rabrā baasg yu wānā? Tōnd halk-b lame la b nebā fāa gilli.
52. Ad woto yaa b rotā lebga raboodo n yaa vudo b sēn wēg b mensā yīnga, ad tagmas bee woto pugē ne neb sēn tagsd n getē wā.
53. La Tōnd na n tilg neb nins sēn kō sidā la b yī n zoet Wēndā.
54. La [tēeg] a Luvṭ yelle, a sēn wa n yeel a nebā, rē yīnga yāmb wata ne yel-beedo, ti yāmb mensā ne taaba?
55. Ad yāmb wata rap nengē ne yamleoogo la wum-noog (baobo) zēng sēn pa pagba, ad yāmb yaa zitb zāma.
56. A nebā leokr pa yī, rēnda b sēn yeele: "yiis-y a Luvṭ zakā rāmb y tēngā pugē, ad b yaa neb sēn yaa yulg-m-meng rāmb n yī rēgdo.
57. Tū Tōnd na n tilg-a la a zakā rāmba, rēnda a pagā. Ad Tōnd buum t'a na n paa halkdbā pugē.
58. La Tōnd niis b zug kug saaga, rēnd bugs-n-kong rāmb saag yī wēnga.
59. Yeele : "pēgr be ne Wēnde, la tilgr la bas-m-yam be ne A yembs nins A sēn tūsā (Nabiyaamā sahaabsā), rē yīnga yaa Wēnd n yud sōmblem bt yaa būmb ning bāmb sēn maan lagem-n-taarā?
60. Bt yaa Naab Ning sēn naan saasā la tēngā la A sik saasē wā sa-koom t'a kit ti pvt bul n tob ti be neere, yāmb ra pa tōe n buls a tusā de. Rē

- yīnga soab zēng n be ne Wēnde? Pa woto ye, ad bāmb yaa neb sēn golemd n baood lagem-n-taas n makd ne Wēnde.
61. Bɪ yaa Naab ning sēn maan-a tēngā tɪ yaa tablg zīgā la A maan ko-sood a pugē, la A ning tām̄s a zugu, la A maan mog a yībā ne taab svk gidre. Rē yīnga soab zēng n be n lagem Wēnde? Ka woto ye, ad b wvsg fāa pa mi ye.
62. Bɪ yaa sēn reegd-a keelem soab kosgā t'a sā n bool-A la A zēkd wēngā, la A maan yāmb tɪ y yaa ledsdb n ledsd taab tēn-gāngā zugu. Rē yīnga soab zēng n be ne Wēnde? Ad paood yāmb sēn tēegd n tagsdē.
63. Bɪ yaa sēn peegd-a yāmb wen-vvvgā ligsē la mogrā ligsē wā, la A tvmsd sebgā tɪ yaa sū-noogr n lvusd A yolsgā taoore (sa-koomā). Rē yīnga soab zēng n be n lagm Wēnde? Wēnd naamā zēkame n yɪ būmb ning bāmb sēn maand lagem-n-taarā.
64. Bɪ yaa sēn yēbgd-a naanegā, rē poorē t'A lebg n vvvvg-a, la A rɪlgd yāmb ne rtl sēn yɪ saasē wā la tēngē wā. Rē yīnga soab zēng n be ne Wēnde? Yeele: "wa-y ne y daliilā tɪ y sā n yume n yaa sid-rāmba".
65. Yeele: "bōn-naands nins sēn be saasē wā la tēngē wā pa mi sēn lill ye, rēnda Wēnd A ye; ad b ka mi wakat ning b sēn na n wa yik-b me ye.
66. Ka woto ye, bɪ b bāngrā puga taaba sēn kēed yaolem raarā yelē tɪ b tar bāng-n-wāaka ne-a? Pa boto ye, b pvs n bee sik la yirbg pugē; aee, bāmb pvs n bee zondlem pugē sēn kēed ne yel-kānga.
67. La neb nins sēn kɪflā yeelame: " Rē yīnga tōnd la d saam-rāmbā sā n ki n lebg tom, b na n leb n yiisa tōnd vuse?
68. Ad b pulem-d-la wānde tōnd ne d saam-dāmbā sēn reng taoore, woto pa yɪ rēndame tɪ yaa rāeenem rāmbā zirimbeedo.
69. Yeele: "kēn-y tēn-gāngā zugu n tags n ges nin-wēnsā baasg yu wān-wāna?"
70. Ra wa sām f sūur b tōdgrā poorē ye, la ra wa weoog f yāoogā ne būmb ning b sēn rabsdā ye.
71. La b yetame: "yaa rabur la pulen-kāngā na n yɪ, tɪ yāmb sā n yaa sɪda-rāmba?"
72. Yeele: "tōe tɪ pēnega yāmb y sēn yāgd ne wā sānda sēn yaa sɪbgrā".
73. La ad fo Soabā yaa yudlem kōta ne nebā, la ad b wvsgā fāa ka pvvvd bark ye.
74. La ad fo Soabā mii būmb ning b sēn solgd b sūyē wā la būmb ning b sēn vēnegdā.

75. La būmb ka be n lill ne nebā saasē wā la tēngē wā, rēndame t'a gʷlsame ti be Gaf sēn yaa vēeneg pʷgē.
76. Ad Alkrāan-kāngā togsda [srayel koambā yelle, būmb nins bāmb sēn wʷsgd ne yōs-taab a zugā fāa n vēnegd b kedgrā.
77. La ad a yaa kāndgr la yolsg n kō sid-kōtbā.
78. Ad fo Soabā, A na n buu b svka, la Yēnda la wilb Naab n yaa minim Naaba.
79. Bı f bobl f meng ne Wēnde, ad fo bee sid sēn yaa vēeneg zugu
80. Fo ka tōe n wʷms kũ-rāmb ye, (sũy sēn ki rāmbā b ktfulmā yīnga); fo le ka tōe n wʷms wung ne f boaala, ti b sã n gũd b zān-kuds n balld n basd foom ye.
81. La ad fo ka tōe n kāndg zoes n yi b menengā pʷg ye, fo sēn tōe n wʷms yaa neb nins sēn kōt sid ne Tōnd Aaya-rāmbā ti b yaa sak-n-tũ-rāmbā.
82. La sibgrā sã n na n wa sik b zug n sa, Tōnd yiisda rūng tēngā zugu(yaa dũni yikrā tagmas-rāmbā yembre), t'a gom ne-b b sēn wʷmde: "ti ad nebā rag n da yume n pa kōt sid ne Tōnd tagmas-rāmba ye".
83. La tēeg raar ning Tōnd sēn na n wa tigim zāma fāa sulli, sēn yaa neb nins sēn yagsd tōnd Aaya-rāmbā ti bāmb yaa sēn tigim taab ti b kāagd-ba.
84. Hal ti b sã n wa ti ta, [Wēnd] yetdame: "rē yīnga yāmb sak n yagsa Mam Aaya-rāmbā, ti yāmb minmā yaool n ka gũbg ne-ba? Bı yaa bōe la yāmb rag n maanda?"
85. Tı Wēnd sibgrā lvi b zugu, b sēn wēg b mensā yīngā, ti b pa tar koεεg n na n yeel ye.
86. Rē yīnga b pa yā ti Wēnd naana yʷngā ti b vʷus a pʷgē la wīntoogā ti yaa vēnega, ad bee woto pʷga tagmas ne neb sēn kōt sıda.
87. La raar ning b sēn na n fvʷs baorgē wā, ti būmb ning sēn be saasē wā la sēn be tēngē wā na n yaese. Rēnda neb nins Wēnd sēn tulle, b fāa na n waa A nengē ne sik-m-menga.
88. Tı fo yā tāemsā ti yaa wala b kvı n yāsame, ti b yaool zoet wala sawato, yaa Wēnd naanego A sēn maneg būmbā fāa naanegā, ad A yaa Minim Tēng-n-biig ne b sēn maand būmb ningā.
89. Ned ning sēn wa-a ne yel-sōmde, a tara yel-sōmd sēn yud rēnda, la ra-kāng raare b paamda bas-m-yam n yi raarā wēnga.

90. La neb nins sēn wa-b ne tuvm wēnde, b na n fūgna b nemsā bugmē wā. Rē yīnga b na n rola bāmb bōn-zēng tı pa b sēn da yı n tuvdē wā la?"
91. Ad b sagla maam tı m tū tēn-kāngā Soabā, Naab ning sēn maan-a t'a yaa laohorem tēngā, n yaa Naab ning sēn so būmb fāa wā. La b sagla maam tı m yı sak-n-tū soaba.
92. (la b sagla maam) tı m karem Alkvrāanā, la ned ning sēn kāndg-a, a kāndgr bee ne a menga, la ned ning sēn menem-a bı f yeele: "ad mam yaa bugsd bala".
93. La yeele: "pēgr be ne Wēnde", A na n wīniga yāmb A yel-soalmā, tı y bāng-ba, la fo Soabā ka na n maan yam yaal-yaal ne b sēn tuvdā ye (A ka na bas būmb ning b sēn tuvdā n ka rol-b ye).

28. Al-Kaşaş *

Ne Wēnd yuvrā barka, sēn yaa yols yaleng Soabā, n yaa Yolsdā, la d sungd d tuvdā.

1. Ṭaa, Sun, Miim.¹
2. Ad woto yaa Gafā Aaya-rāmba sēn yaa vēenegā.
3. Tōnd karemdame n togsd foom ne sıda, sēn yı a Musa la a Fur-‘aon kibarā sıd-kōtbā yīnga.
4. Ad a Fur-‘aon zēka a meng tēng zugu, n welg a tēngā rāmbā, n yōg kēerā n maan yembse, n kuvd b kom-ribli wā la a basd b kom-pugli wā vuse, ad a yı sāamda.
5. Tı Tōnd tvll n na n maan neb nins b sēn valems-b tēng zugā neere, la D maan tı b lebg sıd taoor rāmba, la D maan tı yaa bāmb la faad rikdbā.
6. La D kō-b pāng tēng zugu, la D wīnig a Fur-‘aon la a Ḥaamaan la b yıibā tāb-biisā b sēn da yı n yaeesdē wā.
7. La Tōnd leemsa a Musa ma wā t'a yēsem-a la f sā n yeesd a zugu, bı f rik-a n ning kulgā puga, la f ra yees ye, la ra sām f sūur ye, ad Tōnd na n lebs-a-la fo nengē la D maan-a t'a yı Tēn-tuuma.
8. T'a Fur-‘aon zakā rāmb rik-a t'a na n wa yı b be la b sū-sāanga ne bāmba, ad a Fur-‘aon la a Ḥaamaan la b yıibā tāb-biisā yu tudgdba.

* Al-Kaşaş (Toagsā svura).

[1] Wēnd n yud minim ne A sēn rat ne gvls-bi tōsdt-kāensā. La Gvls-bi tōsdt-kāensā, sēn be Svvr-kāensā baasgē wā, yaa sēn wilgd Alkvrāanā sēn komsd a gees-n-taasā, bala b geesa kuf-dāmbā ne Alkvrāanā, tı b kong n ka tōog n wa ne a buud ye, tı Alkvrāanā me -yaool n yaa sēn tui ne gom-biis nins bāmb goamā sēn tuit ne wā, sēn yaa gvls-bi tōsdt bāmbā buudā, tı rēnda wilgd Laarab-rāmbā kongame n ka tōog n wa ne Alkvrāanā buud ye, n lagem ne bāmb n yud nebā ne zelem pekā, tı wilgdē tı Alkvrāanā a yaa sēn tvme tı yı Wēnd nengē.

9. T'a Fur- 'aon pagã yeele: "ad a na n yu nin-maagr n kō maam ne foom, ra kv-a ye, ti tōe t'a wa naf tōndo, maa d rik-a t'a yī d biiga". La b ra ka mi b yellã baasg sēn na n yī wā ye.
10. T'a Musa ma wā pelgã lebg vvugo (rēnda a yellã bal n pak-a); kellē-la bilf t'a vēnegē yellã, sã n ka Tōnd sēn keng a sūurã sēn na yī t'a yī sid-kōta.
11. La a yeel a Musa tãoã: "pv̄g-a n gese". T'a get-a yuga, ti b ka ning b yamē ti yaa a tão ye.
12. La Tōnd ra reng n gidg-a lame n yī pagb a taab yēsengo, t'a tãoã yeel-ba: " m wīnig-y zak rāmb sēn na n zã-a n kō-y la b leb n na n maan pv̄-peelem ne-a?"
13. Tī Tōnd na n lebs-a a ma wā nengē, sēn na yī t'a nifã maage la a ra sām a sūuri, la a bāng ti Wēnd pulengã yaa sīda, la ad nebã wv̄sg fāa ka mi ye.
14. La a sēn wa n ta a keelem wakato, Tōnd kō-a-la Bv̄vd minim la bāngre, la yaa woto bal la Tōnd rond nin-sōmsã.
15. La a Musa kēe tēngã pv̄gē, b yam yaal-yaal wakate, n mik roap a yīib sēn zabd taaba; a yembrã yaa yēnda buudã neda, la a to wā yaa yēnda bæbã neda, ti ned ning sēn ya-a a buudã nedã bao t'a sōng-a ti b zab ne b bæ wā, t'a Musa na n toag-a t'a vik n lv̄i n ki. La a [Musa] yeel-yã: "ad woto yaa a Sv̄itāan soosgo, ad a yaa bæ, n yaa menesd ti yaa vēnega".
16. T'a yeele: "M Soab a Wēnde! ad mam wēga m menga, bī f yaaf-ma. Tī Wēnd na n yaaf-a, Ad A yaa yaafg Naab n yaa yolsg Naaba.
17. La a yeel-yã: "M Soab a Wēnde! ad Fo sēn maan maam neema wā, m kōn leb n sōng nin-wēnsã ye".
18. Ta be tēngã pv̄gē n lebg yaeesda n gūusd sēn na n yīla, la ned ning sēn kos-yē sōngr zaamē wā moond-a t'a wa sōng-a, la a Musa yeel-a: "ad fo yaa kedgd ti yaa n vēnege".
19. La a sēn wa n rat n wēbg ned ning sēn ya-a b yīibã bæ wā, la a [Musa] nedã yaees n yeele: "Musa, fo rat n kv̄v maam wala fo sēn kv̄ yōor zaamē wā? Fo pa tv̄ll baa fv̄i rēnda fo na yī bi-bæsg bal tēng zugu, fo pa rat n yī paasd ye".
20. Tī rao yī tēngã yaang n yāgdē n wa n yeele: "Musa, ad kug-zīidbã rikda noor n rat n wa kv̄ foom, bī f yī tēngã, ad mam maand-f-la pv̄-peelem".
21. T'a yī tēngã n yæsdē n lamsdē n pa mi sēn na n yī ye, a yeelame: "M Soaba! tlg maam n yī wēgdbã".

22. La a sēn wa n toglg Madyan sēnē wā, a yeelame: "tōe ti m Soabā peeg maam n tvg so-turga".
23. La a sēn wa n ta Madyan koomē (kvlgē) wā, a mika zāma ti yūnugd b rūmsi, la a mik pagb a yiib sēn lak n ti be kēeng n gidgd b rūmsā. t'a yeele: "yāmb yellā yaa wān-wān ti y pa yūnugdē?" ti b yiibā yeele: "ad tōnd pa yūnugd d rūmsā hal ti rüm-kumbā wa looge, la tōnd saambā me yaa nin-kēem-kvdre".
24. T'a yūnug n kō b yiibā rūbsā n kō-ba, rē poorē t'a kēng maasmē wā, n yeele: "m Soaba! Ad Fo sēn sik būmb ning n kō maam sēn yaa sōma fāa m tvllame".
25. Tū b a yiibā yembr wa a nengē n kēnd ne yān-zoεεga, n ta n yeele: "ad m saambā boonda foom n na rol foo fo sēn yūnug tōnd rūmsā keoore, la a Musa sēn wa n ta b saambā nengē wā, n togs-a a kībayā, a yeel-a lame: "ra yaees ye, ad fo pōsa neb (a Fīraoon-rāmb) sēn yaa wēgdbā".
26. La b yiibā yembr yeel-yā: "M saamba, rik-a t'a gūud tōnd rūmsā, ad ned sōmblem sēn yud fo sēn na n duk tvvma, yaa pāng soabā sēn yaa bas-m-yam soabā".
27. T'a yeele: "mam rat n rika m kom-pugli a yiibā yembr n loe fur n kō foom, la furā ligd yaa ti fo tum mam nengē yvum a nii, la fo sā n pids yvum piiga rē yaa fo maan-neere, mam pa rat n na n weoog foom ye, Wēnd sā n sake, fo na n mika maam ti m yaa nin-sōngo".
28. La a (Musa) yeel yā: "woto yaa maam ne foom suka, wakat bāmbā b yiibā yembr mam sēn wa n tōog n ta, beem ka be ne maam ye, la yaa Wēnd la tōnd sēn gomdā Bobenda".
29. La a Musa sēn wa n pids yvumā, n loog ne a zakā rāmbā n na n leb Mīsrā, a yāa bugum tāngā kurenga, t'a yeel a zakā rāmba: "mam yānda bugum, raar bi m paam kībar beenē n wa, maa m paam bug-vileng ti sānd-sānde y na paam n woode".
30. La a sēn wa n ta-a wā la B bool-a ko-soogā rtg wēngē, zīg ning sēn yaa barkā, tugē wā: n yeele "Yaa fo a Musa! ad yaa Maam la Wēnde, sēn ya-a bōn-naandā Soabā"
31. La "lobg f rāsarā". La a sēn wa n yā-a t'a rāmbdē ti yaa wala waafā, a lebg n zoeeme, n pa lebgdē ye. T'A yeel-a: "Yaa fo a Musa! lebg la f ra yēes ye, ad fo be bas-m-yam pugē".
32. Rik f nugā n sui f loorē wā, t'a na n yiime n yaa pēelga, ti pa sēer (bāag) ye. La f rik f nugā n pī f yāoogā ti yaeesgā sa. Rēnda yaa

- tagmas a yiibu sēn windi, ti yi fo Soabā nengē n tum ti f kēng ne a Fur-‘aon la a kug-zīidbā nengē, ad b ra yume n yaa dīin-yitba.
33. La a yeel yā: " M Soaba Wēnde! ad mam kuv yōor b pugē wā, rēnd mam yaesda b na n wa kv maam n dole".
34. La mam ma-biig a Haarvuna, yēnda yuda maam ne zulem-peka, bī F tums-a n naag maam t'a sōngd maam la a sidgd maam, ad m yaesda b na n wa yags maam".
35. T'A yeele: " D na n kenga f pāngā ne f ma-biigā, la D maan wilb tagmas n kō yāmb ti b ka tōe n maan yāmb wēng ye. Sēn tū ne Tōnd tagmas-rāmbā, yāmb y yīibā la neb nins sēn pug yāmbā n na n wili".
36. La a Musa sēn wa n wa b nengē ne Tōnd tagmas-rāmbā ti yaa vēenesā, la b yeel-yā: yāoā ka baa fvi rēnda tum sēn wāag n dogle, tōnd pa wvm yāoā kibar tōnd saam-rāmb nins sēn deng taorā nengē me ye.
37. La a Musa yeel yā: "mam Soabā n yud minim ne ned ning sēn wa ne kāndgr n yi A nengē, la A mi Yaoolem daarā baas neerā yaa ānd na n tall-α; ad wēg-m-mens-rāmbā ka tulgd ye".
38. La a Fur-‘aon yeel yā: "yaa yāmb mam kug-zīidba! mam ka wīnig yāmb soab zēng n zvvg maam ye. Yaa foo a Ḥaamaana, yōgen tāndo n me gāsg n kō maam ti m rv n ti tāag a Musa Soabā, mam pvs n tēedame t'a yagda zīri".
39. La a waooga a meng tēng zugu, yēnda la a tāb-biisā ti pa tū ne sid ye. La b tē ti b pa na n lebg n wa Tōnd nengē ye.
40. Ti Tōng yōk-a la a sodaasā n lob-b mogrā puga. Bī f ges wēgdbā baasg yu wāna?
41. La Tōnd maan-b lame ti b yaa taor rāmb n boond n tvgd bugmē, la Yikr raarā b pa na n paam sōngr ye.
42. La Tōnd leb n pugl-b lame ne kāab-beed dūni kaanē, la Yikr raarā b na n zāag-b-la ne yolsgo.
43. La ad Tōnd kōo a Musa Gafā, D sēn halk rāeenem rāmbā zāma loogr poorē, ti yaa pv-tēer ne nebā la kāndgr la yolsgo, ti raar ninga b na tēegdē.
44. La ad fo pa zīnd (Sunae) tāngā kireng sēn teesd wīntoog sēn lvtē, wakat ning Tōnd sēn wa n tums ti kēng a Musa nengē, fo ka yi kaset soab me wakat-kāng ye.
45. La ad Tōnd naana zāma rāmba, ti b zīndgā wogle, la fo ka yi zīid Madyan tēngā pugē n karemd Tōnd Aaya-rāmbā b zug ye, la ad Tōnd tum foo, la D tums a Musa kibarā (ti wa fo nengē) .

46. La fo ka zīnd tāngā kurenga, Tōnd sēn wa n boolā wakat ye, la ad yaa yolsg sēn yi fo Soabā nengē, sēn na yū tu fo bugs neba, bugsd sēn pa wa b nengē sēn reng foom, tu raar ning b na tēege.
47. La Masub sā n rag n paam-b lame, b sēn tum zunuub tu reng taoor yīnga, b rag n na n yeelame: "yaa d Soaba! yaa bōe yīng la Fo sēn ka tums tēn-tuum tu wa tōnd nengē wā? Tu d paam n tū Fo Aaya-rāmbā, la d paam n yū sid-kōtba?".
48. La wakat ning sidā sēn wa bāmbā, n yi Tōnd nengē wā, b yeelame: "yaa bōe yīng la b ka kō-a tagmas sēn wōnd a Musa rēnda? "la b yeele: " tōnd pus n pa kō sid ne baa a yembr ye!".
49. Yeele: " bi y wa ne gaf sēn yi Wēnd nengē t'a kāndgr yud bāmbā b yiibā, tu m na n pug-a lame, tu y sā n yū n yaa sid-rāmba".
50. La ad b sā n ka tōog n wa ne gafā, bi f bāng tu b tūuda b yōe yamleoogo, la yaa ānd n yud meneng n yud ned ning sēn tūud a yōor yamleoogo, zēng sēn pa kāndgr sēn yi Wēnd nengē, ad Wēnd pa kāndgd wēgdb ye.
51. Ad Tōnd taas-b-la koesā, tu raar ninga b na tēege.
52. Neb nins Tōnd sēn kō Gafā, taoor tu Alkvrāanā pa wa wā, b kōt-a-la sida.
53. La b sā n na n wa karem Alkvrāanā b nengē, b yetdame: "tōnd kōo sid ne-a, ad a yaa sid sēn yi tōnd Soabā nengē, tōnd ra yume n yaa sak-n-tū-rāmba taoor tu Alkvrāana pa wa ye.
54. B kōta bāmbā rāmbā b keorā naoor a yiibu, b sēn maan sugrā yīnga la b sēn rikd b yel-sōmdā n tusd yel-wēnsā yīnga, la b sēn ra yū n yākd Tōnd sēn da kō-b pūr n maand doosā yīnga.
55. La b sā n wa wum gom-yaals la b sēn gūt b zān-kuids la b yeele: "tōnd tum n be ne tōndo, yāmb me tum n be ne yāmba, tulgr be ne yāmba, tōnd ka baood zitbā zīigē ye".
56. Ad fo ka kāndg fo sēn nong-a soab ye, yaa Wēnd n kāndgd A sēn tull-a, Yēnda n leb n yud minim ne neb nins sēn kāndā.
57. La b yeel yā: "la tu tōnd sā n naag foom n tū kāndgrā, b na n vōoga tōnd n yiis d tēngē wā", - rē yīnga Tōnd pa zīndg yāmb Lohorem tēngē, sēn ya bas-m-yam tēngā, tu ti-biis buud fāa kāagd n wat beenē, tu yaa pūr sēn yi Tōnd nengē? La ad sēn waoog fāa ka mi ye.
58. La sōor waoog Tōnd sēn halk tēms sēn da maand kufndo ne Wēnd neemā wā n pugd ne b vum sēn da yaa noogo, ad bāmb zagsā yaa sēn lebq raboodo ned ka leb zīnd be bāmb loogr poorē, sā n ka bilf bala sēn so-loogdbā, la yaa Tōnd n dukd saas la tēng gill faado.

59. La fo Soabã ka yı n na n halk têngã, rëndame t'A tũms b nengẽ Tën-tũma, t'a ti karem Tõnd Aaya-rãmbã b zugu, la ad Tõnd pa yı n na n halk têng rëndame t'a nebã yaa wëgdba.
60. Bũmb nins b sën kō yãmbã fãa yaa dũni wum-noog la a faas teedo, la bũmb ning sën be Wënd nengẽ wã, yënd n yud sõmblem la paabo, rë yĩnga b pa tagsd n getë laa?
61. Rë yĩnga ned ning Tõnd sën maan pvlen-sõngo, t'a na n seg-a, yënda soab wõnda wala ned ning Tõnd sën maan dũni wum-noog n kō-a, ti Yikr raarã a na n naaga neb nins b sën na n bv (Tõnd taorã)?
62. La raar ning Wënd sën na n wa bool-b n yeele: "bõn-naands nins yãmb sën da yags zĩri ti yaa Mam lagem-n-taasã bæε?"
63. Tı halkrã sën yaa tilae ne neb nins zugã yeele: "yaa d Soaba! ad yaa bãmbã la sën menes tõndã. Tõnd menes-b lame wala b sën menes tõndã, tõnd foosa d nus n yi-ba, d lebg n waa Fo nengẽ: ad b rag n pa tũud tõnd ye".
64. La b na n yeel-ba, bool-y y lagem-n-taasã! Tı b na n bool-ba, ti b pa sakdë ye. La b sã n wa yãnd naongã, b na n tullame n da yı kãndgdb Dũni kaanë.
65. La raar ning Wënd sën na n wa bool-ba n yeele: "yãmb leoka tën-tũmbã ti bõe?"
66. Tı kibayã lebg lik ra-kãngã, ti b pa na n leb n sogs taab baa fvı (sũ-sãag keelem).
67. La sã n yaa ned ning sën tuub-a la a kō sıd la a maan tũm sõmde, a tõe n wa naaga põsdbã.
68. La yaa fo Soabã n naand A sën tulle la A yãkdë, ad bãmbã ka tar yãkr ye, yulgemd be ne Wënd n yi b sën lagemd-A bũmb ninsã wã.
69. La fo Soabã mii bũmb ning b sũyã sën solgdã la bũmb ning b sën vënegdã.
70. Yaa Yënda la Wënde, soab ka be rënda Yënda. Yë n so pëgr rãeenem (dũni zugu) la yaolem. Bvudã kaoob yaa Yënd n so, la yaa Yënda nengẽ la y na n lebg n kënge.
71. Yeele: "yãmb yãame, rë yĩnga Wënd sã n maan yungã t'a kell n pa woto n ti tãag yikrã raare, sob-bug n tõe n kō yãmb vëenem zëng ti pa Wënde? Rë yĩnga yãmb ka wumd la?"
72. Yeele: "yãmb yãame, rë yĩnga Wënd sã n maan wĩndgã t'a kell n pa woto n ti tãag yikrã raare, sob-bug n tõe n kō yãmb yung ti yãmb vuus a pigë zëng ti pa Wënde?. Rë yĩnga yãmb ka ne la?"

73. La sên be a yolsgã pugê la A sên maan yvngã la wîndgã n kô yãmb sên na ytl ti y vuus a pugê la y bao Wënd neema wã, ti raar ninga y na vuus barka.
74. La raar ning Wënd sên na n wa bool-b n yeele: "bôn-naands nins yãmb sên da yagd zîri ti yaa Mam lagem-n-taasã bæ?"
75. La D yiis zâma pugê fãa b kaset soaba, rê poorê ti D yeele: "wa-y ne y daliili". Tı b bãng ti yaa Wënd n so sîdã, ti bumb ning b sên yagd zîri n dogendê wã menem n bas-ba.
76. Ad a Kaarvun ra yaa a Musa nebê yembre, la a maan n zvuga b zugu, la Tõnd kô-a-la arzeg-beda, a kvilen-biisã yaa zâma wvsg sên tar pãng n tõe tuke, t'a nebã yeel-a: "ra maan waoog-m-meng ye, ad Wënd ka nong waoog-m-mens-rãmb ye,
77. La rik arzek ning Wënd sên kô foomã n bao Yaoolem zîigã, la ra yîm f pvurã dũni kaanê ye, la f tum tvum sôama wala Wënd sên maneg n tvug foomã, la ra wa bao sãang têngã zug ye, ad Wënd ka noang sãamdb ye".
78. La a (Kaarvun) yeel yã: "ad mam sên paam arzekã yaa sên tũ ne bãngr sên yi mam nengê". Rê yînga yê ka bãng ti Wënd halka zâma sên reng yênda taore, ti b pãng la b ligd ra yud yênda? La ad b ka buood n na n sok nin-wênsã b beegrã sên yulye ye.
79. La a (Kaarvun) yi a nebê wã n be a faas teedã pugê, la neb nins sên rat dũni vumã yeel yã: ad tõnd ra tvllame n paam wala a Kaarvun arzekã, ad a yaa zu-noog bedr soaba".
80. La neb nins b sên kô bãngrã rãmb yeel yã: "wubd be ne yãmba, ad Wënd yel-sômdã n yuda ne ned ning sên kô sîda la a maan tvum sôma". La ka paamd woto rênda neb sên maan sugri.
81. Tı Tõnd kut ti têngã ri-a, yênda la a zakã, la a ka paam tâp ti na n sông-a n pösg Wënd naongã ye, a leb n ka töog n sông a meng ye.
82. Tı neb nins sên dag n bv nonglem zaamê n rat n yı wala a Kaarvun bilgrã yik yibeoog n yeele: "Hã! Sã n yaa sîda, ad Wënd yalgda arzek n kô A sên rat ned ninga, sên yi A yembsê wã, la A weoog kêer ritla. Wënd sã n rag n ka maan A neema wã tõnd zugu, têngã rag n na n ru tõndo, ad kîfr-rãmbã pa tulgd ye".
83. Woto yaa yaolem Roogã, D maand-a lame n kô neb nins sên ka rat zêk-m-meng la sãang têngã zugu. La ad yaolem tulgrã bee ne Wên-zoetbã.

84. Ned ning sēn wa ne tʊm-sōngo, a tara keoor neerem sēn yud rēnda, la ned ning sēn tum-a tʊm wēnga, b pa na n rol neb nins sēn maan tʊm wēnsā rēndame ti yaa b sēn tumā bala.
85. Ad Naab ning sēn sik-a Alkvrāanā n maan-a t'a yaa tilae n rog fo zugā, A na n lebsa foom ti f kēng Maka (n ti pak-a). Yeele: "mam Soabā n yud minim ne ned ning sēn wa-a ne kāndgre, la yaa Yēnda n leb n yud minim ne ned ning sēn be meneng sēn yaa vēeneg puga".
86. La fo rag n ka tēed ti b na n maana Gafā (Alkvrāanā) wahı n kō foom ye, ad woto yaa yolsg sēn yi fo Soabā nengē, bı f ra yı sōngd ne kıfr-rāmbā ye.
87. La bumb ra wa gidg foom n yi Wēnd Aaya-rāmbā, b sēn sik-b n kō foom poorē. La bool n twg fo Soabā sorē, la ra yı n naag lagem-n-taarā rāmb ye.
88. La ra wa bool n lagem Wēnde soab zēng ye. Soab ka be rēnda Yēnda, bumb fāa na n halkame, rēnda Yēnda bala, Bvudā yaa Yēnd n so, lebgrā zıig me yaa Yēnda nengē.

29. Al-Ankabuut *

Ne Wēnd yvurā barka, sēn yaa yols yaleng Soabā, n yaa Yolsdā, la d sungd d tʊmdā.

1. Altı, Laam, Miim.¹
2. Rē yīnga nebā tēedame ti b na n bas-b-la woto n ka zarb-b n ges la?
3. La sıda, Tōnd zarba sēn deng-b bāmb taorā; la ti Wēnd na bāng neb nins sēn kō-b sıdā, A na bāng zırimbe-nebā me.
4. Bı neb nins sēn tumd tʊm-wēna tēedame ti b na n pōsa Tōndo? B sēn sāmbd yı wēnga.
5. Ned ning sēn tēed Wēnd segbā, bı a bāng ti Wēnd sasa wā watame, la Yēnda la a Wımd la a Bāngda.
6. La ned ning sēn nidg-a pānga, a nidgda pāng a meng yīnga; ad Wēnd yaa Sek-m-meng Soab n yi a bōn-naandsā fāa gilli.
7. La neb nins sēn kō-b sıda la b tum tʊm-sōamā wā, D na lvd b tʊm wēnā, la D na rol-b rolb sōmblem sēn yud bāmb sēn da tʊmdā.

* Al-Ankabuut (Svlgā svvra).

[1] Wēnd n yud minim ne A sēn rat ne gvls-bi tōsdt-kāensā. La Gvls-bi tōsdt-kāensā, sēn be Svvr-kāensā baasgē wā, yaa sēn wilgd Alkvrāanā sēn komsd a gees-n-taasā, bala b geesa kıfr-dāmbā ne Alkvrāanā, ti b kong n ka tōog n wa ne a buud ye, ti Alkvrāanā me -yaool n yaa sēn tui ne gom-biis nins bāmb goamā sēn tuit ne wā, sēn yaa gvls-bi tōsdt bāmbā buudā, ti rēnda wilgd Laarab-rāmbā kongame n ka tōog n wa ne Alkvrāanā buud ye, n lagem ne bāmb n yud nebā ne zelem pekā, ti wilgdē ti Alkvrāanā a yaa sēn tʊme ti yi Wēnd nengē.

8. La Tõnd sagla ninsaal ne a roagdb a yibã saglg sën be neere, la b sã n pëdg foo ti f lagem Maam ne bũmb fo sën ka tar a bãngre, bi f ra tũb ye, Mam nengë la yãmb lebgr zïig ti M rol yãmb y sën dag n tumdã.
9. La D na këes neb nins sën kō-b sid la b tum tum-sōamã nin-sōmã wã pugë.
10. La bee nebã pugë ned sën yete: "tõnd kōo sid ne Wënde". La b sã n nams-a Wënd dīina poorë la a sën dikd nebã maan-wënsã wala Wënd noangã; la ti sōngr sã n yi Wënd nengë n wa, a na yeele: "ad tõnd ra naaga yãmba". Rë yïnga Wënd ka mi sën be bõn-naandsã sũy pusë?
11. La ti Wënd na bãng neb nins sën kō-b sidã, A na bãng munaafigsã me.
12. La kifr-rãmbã yeela muumin-rãmbã: "tũ-y tõnd sorã ti tõnd tuk yãmb tum-tuuti wã rolbo". La b yaool n ka na n tuk b tum-tuuti wã rolb baa fvi ye, la sidã b yaa zirimbe-neba.
13. La ti b na tuk b tum-tuuti wã la tum-tuuti n paas b tum-tuuti wã, la ti b na sok-b Yikrã raare b sën da wãadgd n dogendë wã.
14. La sid la hakuka tõnd tuma a Nuuh a nebã nengë, t'a zïnd b nengë yvum pis-nu sën paoog yvum tusri, ti koomã ri-ba, ti b yaa wëgdba.
15. Ti tõnd tulg yënda la koglgã rãmba, la D maan-a t'a yaa tags-n-gesg bõn-naandsã yïnga.
16. La f tëeg a [braahum yellã, a sën wa n yeel a nebã: "tũ-y Wënd la y zoe-A ti rënda n sōmb y yïng ti yãmb sã n yi n mië.
17. Yãmb sën tũud zëng sën ka Wëndã yaa rvbs bala, la y wvgd zïri; ad yãmb sën bōosd-b rãmbã ka so rtl yãmb yïng ye, bi y bao rtlã Wënd nengë la y tũ-A la y soees-A, Yënda nengë la y na n lebe.
18. La ti b sã n yags foom, ad zãma sën reng bãmb taoor rag n yagsame, la ka rog ne Tën-tvum rënda taasg sën vënege.
19. Rë yïnga bãmb ka yã Wënd sën sungd naanegã to-to la A leb n wa vvvg-a wã la? Ad wã yaa yol-yol ne Wënde.
20. Yeele: "kën-y tēngã pugë n ges A sën sung naanegã to-to wã, rë poorë ti Wënd na n yëbg vvvgrã sën yaa yaolem naanegã; ad Wënd yaa bũmb fãa Tõoda.
21. A namesda A sën dat-a soaba, la A yolsd A sën dat-a soaba, la yaa Yë nengë la b na n lebs yãmba.
22. La yãmb ka tar pōsg zïig tēng zug bi saasë ye. Y le ka tar lalld la sōngd zëng sën ka Wënde.

23. La neb nins sēn kufl ne Wēnd goamā la A segbā, bāmb rāmb n yāk b yam n yi Mam yolsgā, la bāmb rāmbā, naon-zabdg n be b yīnga.
24. T'a nebā ka tall leokr sā n ka b sēn yeele: "ku-y-yā-a ma y yōog-a bugum" .Tı Wēnd pōsg-a n yi bugmā; ad wānde pugē wā tags-n-gesg-rāmb n be ne neb nins sēn kōt-b sidā.
25. La a le yeele: "ad būmb ningā yāmb sēn duk zēng sēn ka Wēndā yāmb ne taab suk noanglem yīng dūni vumā pugē wā, yaa rvbs bala. Rē poorē yāmb na n kɪfla taab Yikrā raare, la yāmb sānda na n kāabda sānda, la yāmb kōom zīg na n yu bugmā, la y ka na n tall sōngdb me ye. La sōngdb ka na n zīnd y yīng me ye.
26. T'a Luvt kō-a sid la a yeele: "ad mam na n maana higra n tvg m Soabā nengē, ad Yēnda, Yē la zısg Naab la buud Mita".
27. La Tōnd kō-a a [şhaak la a Yaakvuba, la d ning Nabiyaamdem la Sebrā a koambā pugē, la d kō-a a keoorā dūni. La ad yaoolem daarā a na n naaga nin-sōmā wā.
28. La f tēeg Tōnd sēn tum a Luvt, a sēn wa n yeel a nebā: "ad yāmb tumda yel-wēn ned ba a yembr sēn ka reng yāmb n tum a buud bōn-naandsā pugē".
29. Yāmb maanda kēed-n-taar ne rapā la y basd pagbā, la y gut soay la y kUSD Wēnd yāmb bool-taabā zīgē? T'a nebā ka tall leokr sā n ka b sēn yeele: "bı f wa ne Wēnd noangā ti f sā n yaa sid-soaba".
30. T'a yeele: "Wēnde! sōng-m ti m tōog sāmdbā zāma".
31. La Tōnd Tēn-tumdbā sēn wa n wa a [braahum nengē ne sū-noogrā, b yeelame: "ad tōnd na n halka tēn-kāngā rāmbā, ad a nebā ra yu wēgdba".
32. A ([braahum) yeel-b lame: "ad a Luvt bee beenē", ti b yeele: "tōnd n yud minim ne neb sēn be tēngā pugē, tōnd na n pōsga yēnda la a zakā rāmba, rēnda a pagā bala, a naaga b sēn na n halkā rāmbā".
33. La Tōnd tēn-tumdbā sēn wa n ta a Luvt nengē wā, a sūurā sāama b yīnga, a sēn ka tar pāng n na n sōng-bā, la b yeelyā: "ra yees ye, ra sām f sūur ye, ad d na n pōsga foom ne f zakā rāmba, rēnda fo pagā bala, a naaga b sēn na n halkā rāmba.
34. Ad tōnd na n sika noang ti yi saagē wā tēn-kāngā rāmbā zugu, b sēn da yı n tard n basd dīnā yīnga.
35. La sid la hakuka Tōnd basa a pugē, yel-soalem-vēenes sēn tagsdbā yīnga.

36. La D tum Madyan, b saam-biiga a Sv'ayba b nengē, t'a yeele: "Yaa yāmb m neba! Tū-y Wēnd la y tē Yaoolem daarā, la y ra yī sāamdb n gilgd tēngā pugē ye.
37. Tī b yags-a, tī miim-kēgengā rik-b tī b lebg kums n wūg b zagsā pusē.
38. La tēeg-y a Aad la a Tamuud rāmb yelle; sid la hakuka, b zagsā yu vēeneg ne yāmba, la a svūtāan faasa b tumā n kō-ba, n gid-b n yīis sorē wā, la b yaool n yu nenem-vēenes rāmba ne yela fāa.
39. La y tēeg a Kaarvun la a Fur' aoon la a Haamaan rāmb yelle; la sid la hakuka a Musa waa b nengē ne yel-vēenesā tī b maan waoog-m-meng tēngā pugē, la b ka yī pōsdb ye.
40. La ned kam fāa Tōnd yōk-a-la ne a zunuubu. Zīnda b pugē Tōnd sēn tum sobg t'a halk-ba, zīnda b pugē tāsg sēn paame, zīnda b pugē Tōnd sēn kut tī tēngā vel-ba, zīnda b pugē Tōnd sēn bōre. Wēnd ka yī n na n wēg-b ye, la yaa bāmb n da yī n wēgd b mense.
41. Neb nins sēn dik zēng sēn ka Wēnd n maan b lall-n-taasā bilgr yaa wala svlg sēn wvg a roogo, la ad zak sēn yud valeng yaa svlg zaka, tī b sā n da miime.
42. Ad Wēnd mii būmb ningā b sēn boond zēms sēn ka Yēnda wā, la Yē la a Wilb Naaba n ya a Bvud Minim Naaba.
43. La yaa bilg-bāmbā la Tōnd rikd n wīngd nebā, la ka wumd a vōorā rēnda yam-beel rāmbā.
44. Wēnd naana saasā la tēngā sid yīnga, ad wānde pugē wā yel-soalem bee beenē sid-kōtbā yīnga.
45. Karem b sēn tum tī wa fo nengē tī be Gafē wā, la f yals Pvvsngā, ad Pvvsngā gūudame n yit yel-wēn la yel-kiti tvvma, la ad Wēnd yvvrā tēegrā n yud bedrem, la Wēnd mii yāmb sēn maandā.
46. La y ra wē no-koemmd ne Gafā rāmb rēnda ne sēn sōmbe, rēnda b nins sēn wēgbā; la y yele: "tōnd kōo sid ne b sēn sik tī wa tōnd nengē la yāmb nengē wā; la tōnd Soabā ne yāmb Soabā yaa A Yembre, la tōnd yaa sak-n-tū rāmb A yīnga".
47. La yaa woto bala la Tōnd sik Gafā tī wa fo nengē; rēnd neb nins Tōnd sēn kis Gafā kōta sid ne-a (Alkvrāanā), la bee bāmbā (Mak kīfr-dāmbā) pugē sēn kōt sid ne-a. La ka yagsd Tōnd goamā ne pv-toog rēnda kīfr-dāmbā.
48. La fo ra ka yī taoor tī Alkvrāana na n pa wa n da karemd Gaf ye, fo ka yī n gulsdē me ye; sā n da yī woto, neb nins sēn kusdb sidā rag n na n maana sik a zugu.

49. Ka woto ye, ad a yaa Goam sēn be bāngdbā yāadē, la ka yagsd Tōnd Goamā ne pu-toog ralla wēgdbā.
50. La b yeele: "b ka na n dag n sikē yel-soalem-dāmb sēn yi a Soabā nengē a zugu?" Yeele: "ad yel-soalem-dāmbā fāa yaa Wēnd nengē bal la be, la mam ka yi ralla bugsd sēn yaa vēnega".
51. La rē yīnga Tōnd sēn sik Gafā ti b karemd-a bāmb zugā ka sek bāmba? Ad rēnda pvgē wā yaa yolsg la tēegr n be beenē neb nins sēn kōt-b sidā yīnga.
52. Yeele: "maam ne yāmb suka, Wēnd seedgā sekame; A mii sēn be saasē la tēngē, la neb nins sēn kō-b sid ne zīri wā la b kufl ne Wēndā, bāmb-rāmb la bōndbā.
53. La b yāgdame ti fo wa ne naongā, la sā n ka sasa sēn yāk n kō yīnga, noangā rag n na paam-ba, la ti naongā na paam-b ne lingr ti b ka bāng ye.
54. B yāgdame ti fo wa ne naongā, la ad Gehannam na n gūbga kifr-dāmbā.
55. Raar ning naongā sēn na n yit b yīngrā la b naoā tēngrā wēngē n sudgd-ba [la b yet-ba]: " lemb-y y sēn da yi n tūmdē wā".
56. Yaa yāmb M yembs nins sēn kō sīda! Ad Mam tēngā yalmame, bi y tū maam bala.
57. Yōor fāa na n lemba kūum, rē poorē yaa Tōnd nengē la b na n lebs yāmba.
58. La neb nins sēn kō sid la b tum tūm-sōmā wā, Tōnd na sik-b arzān rotē ti ko-sood zoet b tēngre, ti b yaa paadb a pvgē; ad tūmdbā keoor yi neere.
59. La neb nins sēn maan sugrā la b rik b mensā n rell b Soabā, b keoor be neere.
60. La sōor waoog bōn-yānemdi sēn ka tōe n tukd ma b bao b rtlā, ad yaa Wēnd n dulgd bāmb la yāmba, la Yēnda la Wūmdā la Mitā.
61. La ti fo sā n sok-b ti ānd n naan saasā la tēngā la a nom wīntoogā la kiuugā? B na yeel ti yaa Wēnde. La maana a wān ti b gōgdg n basd so-turgā?
62. Wēnd yalgda rtlā n kōt A sēn dat-b rāmb A yembsā pvgē la A weoogd A sēn dat-b rāmba; ad Wēnd yaa Mit ne būmb fāa.
63. La ti fo sā n sok-b ti ānd n sikd koomā ti yit saagē wā n tall-a n wūvg tēngā a sēn ki loogr poore? B na yeel ti yaa Wēnde. Yeele: "Wēnd n so pēgre". Ad b wūsgā fāa ka tagsd ye.

64. La dũni-kãngã ka baa fũt n zvvg kũdeng la reem ye, la ad Yaoolem zakã, yẽ la vum sãn ka saabã ti b sã n da yume n miẽ.
65. La b sã n wa zomb koom koglgo la b sãn n bõosd Wẽnde ti b yaa sãn n yũlg b pvs A kosgẽ wã; la A sã n tũlg-b n yiis yungã la b sãn maand lagem-n-taar ne-A.
66. Bũl yĩng ti b na kũfl ne A sãn n kõ bãmbã; b maan wum-noog ti bũf bala b na bãnge.
67. Rẽ yĩnga bãmb ka yãnd ti Tõnd kõ bãmb Lohorem zĩig sãn yaa bas-m-yam, ti b yaool n tabsda nebã bãmb tẽn-krensã. Rẽ yĩnga bãmb kũta sũd ne zaalem la b kũfend ne Wẽnd neemã wã?
68. La ãnd n yud wẽgb ne ned ning sãn wãagd-a zĩri n dogl Wẽnd ti ka yũ ne sũda maa a yagsd sũdã a sãn wa n wa-a wã? Rẽ yĩnga, ka Gehannem la kũfr-rãmb gãag zĩigã?
69. La neb nins sãn nidg-b pãng Tõnd yĩngã, D na kãndg-b D soyã zugu, la bãng ti Wẽnd bee ne neb nins sãn yaa manegdbã.

30. Ar-ruum *

Ne Wënd yuurā barka, sēn yaa yols yaleng Soabā, n yaa Yolsdā, la d sungd d tumdā.

1. Altf, Laam, Miim.¹
2. B tōoga Ruum-rāmba.
3. Tēng sēn pē yambē ne beebā tēngā (Faaris), la b sēn tōog-bā poorē b na n tōogame.
4. Yuum a wān poor bala. Yellā taoor la a poor yaa Wënd soolem, la baraare sid-kōtbā na n kidmame.
5. Ne Wënd sōngrā. A sōngda A sēn dat rāmba, la Yē la a Wilb la a Welg-n-yols Naaba.
6. Wënd pulengo, Wënd ka yidgd A puleng ye. La nebā wusgā fāa ka mi ye.
7. B mii dūni vumā yel-vēenese, la yaoolem raarā yelā, b yaa zitb ne rē.
8. Bāmb ka tags n ges b mensā pusē la? la Wënd ka naan saasā la tēngā la sēn be b yīibā sukā rēnda ne sīda, la ad nebā wusg ka tēed b Soabā segbā ye.
9. Rē yīnga bāmb ka kēn tēngā pugē n ges rāeenem rāmbā baasg sēn n yi to-to la? B pāng yuga bāmba; b koo tēn-gōngā la b me-a n yud bāmb sēn me-a wā. B tēn-tvumbā waa b nengē ne vēenem-dāmbā, la Wënd ka yi n na n wēg-b ye, bāmb n da yi n wēgd b mense.
10. Rē poorē, neb nins b sēn tum wēngā baasg yu wēnga, b sēn yags Tōnd Aayayā la b sēn da yaand-bā yīnga.
11. Wënd n sungd naonegā, rē poorē n lebs n yilm-a, rē poorē yaa Yē nengē la y na n lebe.
12. La raar ning Dūni wā sēn na n yikā yel-wēn-maandbā na n wāaga b tēebo.
13. La sugsd b ka na n zīnd b lagem-n-taasā pugē b yīng ye; b na n yume n kuf ne b lagm-n-taasā.
14. La dūni wā yīkr raare, b na n weela taaba:

* Ar-ruum (Ruum-dāmbā «Rūmani» suura).

[1] Wënd n yud minim ne A sēn rat ne guls-bi tōsdt-kāensā. La Guls-bi tōsdt-kāensā, sēn be Suvr-kāensā baasgē wā, yaa sēn wilgd Alkvrāanā sēn komsd a gees-n-taasā, bala b geesa kuf-dāmbā ne Alkvrāanā, ti b kong n ka tōog n wa ne a buud ye, ti Alkvrāanā me -yaool n yaa sēn tui ne gom-biis nins bāmb goamā sēn tuit ne wā, sēn yaa guls-bi tōsdt bāmbā buudā, ti rēnda wilgd Laarab-rāmbā kongame n ka tōog n wa ne Alkvrāanā buud ye, n lagem ne bāmb n yud nebā ne zelem pekā, ti wilgdē ti Alkvrāanā a yaa sēn tume ti yi Wënd nengē.

15. La sã n yaa ne neb nins b sãn kō sūd la b tvm tvm-sōmã wã, bãmb rãmbã bee arzãn bãoogẽ wã n noogd b sũyã.
16. La sã n yaa ne neb nins sãn kɪfl la yagsd Tõnd Aaya-rãmbã la yaoolem segbã, bãmb la sãn na n zĩnd naongã pugẽ wã.
17. Rẽnd bɪ y yulg Wẽnd yuurã yãmb sãn wat n kēed zaabr la y sãn wat n v̄eegd beoogo.
18. A tara Pẽgr saasẽ la tẽngẽ, la y sãn wat n kēed zaabr(Laansre) la wẽnto-suka (Zafar) wakat.
19. A yiisda vit kiid pugẽ la A yiisd kiid vit pugẽ la A vuvgd tẽngã a sãn ki poorẽ, la yaa boto me la B na n yiis yãmba.
20. La sãn yi A yel-soalmã pugẽ yaa A sãn naan yãmb n yi tãndẽ, rẽ poorẽ ti yãmb yaa neb n sãeegdẽ.
21. La sãn yi A yel-soalmã pugẽ yaa A sãn naan pagb yãmb yĩng ti yi yãmb mensã pvsẽ bul yĩng ti y na paam yam-gãag b kurengã, la A ning nonglem la yolsg yãmb suka, ad woto pugẽ yel-soalem bee sãn tagsd-bã yĩnga.
22. Saasã la tẽngã naanegã la yãmb zelmã wã la yãmb kōbgã yõs-taabã yii A yel-soalmã pugẽ, ad wãnde pugẽ yel-soalem bee bãngdbã yĩnga.
23. La yãmb gōeemã yung la wĩntoogã la yãmb sãn baood A yudlmã, ad wãnde pugẽ yel-soalem bee sãn kelgd-bã yĩnga.
24. La sãn yi A yel-soalmã pugẽ yaa A sãn wĩngd yãmb ti y yãt sa-yãgrã ti yaa yeesg la sakoom-tẽebo, la A sikd koom ti yi saagẽ wã t'A vuvgd tẽn-gõngã ne-a a sãn ki poore, ad wãnde pugẽ wã, sida yel-soalem bee sãn tagsd-bã yĩnga.
25. La sãn yi A yel-soalmã pugẽ yaa saasã ne tẽngã sãn yals ne A sagellã, rẽ poorẽ t'A sã n bool yãmb bool-vuk tẽn-gãongẽ wã la yãmb sãn tar yiib bala.
26. La sãn n be saasẽ la tẽngẽ yaa Yẽ soolem, b fãa yaa sak-n-tũ-rãmb A yĩnga.
27. La Yẽnda n singd naonego, n na n le ylem-a rẽ poorẽ, la rẽ n yud naana ne-A, la bilgr sãn yud zɪslem saasẽ la tẽngẽ yaa Yẽ soolem, la Yẽ la Zɪsg n yaa Bvvd-mita.
28. A rɪka bilgr sãn yi yãmb mensẽ wã: rẽ yĩnga yãmb nusã sãn so b rãmbã (yembsã) pugẽ, yãmb tara sood-n-taas Tõnd sãn dulg yãmbã pugẽ ti yãmb fãa zem taab a pugẽ, ti yãmb zoet-b wala yãmb a burkĩnbã sãn zoet taabã? Yaa woto la Tõnd welgd D goamã sãn tar b yam n tagsdẽ wã yĩnga.

29. Pa rē bal ye, neb nins sēn wēg-b mensā tūuda b yamleog ti ka tū ne bāngr ye, la ānd n na n kāndg Wēnd sēn menes-b rāmbā? La b pa tar sōngd me ye.
30. Bī f wēnem f nengā fāa n yals dīnā n toglg Wēnd-yembgo, Saobā yard bal baoob yīnga; Soab ning sēn yaa tēeg-turg-soabā. Woto yaa yalē ning Wēnd sēn naan nebā à pugē wā, Wēnd naanegā ka tar tedgr ye, wānde yaa dīin sēn yaa turga, la ad nebā sēn yud wusg fāa ka mi ye.
31. Tī y yaa lēbgdb n tugd A nengē, la y yals Puvsg la y ra yī lagem-n-taar-rāmba,
32. n gēdg neb nins sēn weel-b dīnā n lebg sulā, tī sull fāa kīdemd ne sēn be a nengē wā.
33. La keelem sā n paam nebā b boonda b Soabā tī b yaa lēbgdb n tugd A nengē, rē poorē t'A sā n lemb-b yolsg sēn yī A nengē la sul sēn be b pugē wā n maand lagem-n-taar ne b Soabā.
34. Bvul yīng tī b kīfl ne Tōnd sēn kō-ba, bī y wum noog tī ket bilf tī y bānge.
35. Bī Tōnd sika daliil n kō bāmb t'a togsd bāmb tī b sēn da yī n maand lagem-n-taarā ne būmb ninsā manegame?
36. La Tōnd sā n lemb nebā yolsgo, la b sēn kīdemd ne-a; la keelem sā n paam-b tī yaa b nus sēn tvm yīng la b sēn wāagd b tēbo.
37. La rē yīnga bāmb ka yē tī Wēnd yalgda ritlā n kōt A sēn dat a soab la A wēoogdē la? Ad wānde pugē yel-soalem n be ne sēn kōt-b sidā yīnga.
38. Bī f kō rog-pēt la nimbāan-ned la so-kēnd a pvure, rē la sōama ne neb nins sēn baood Wēnd yel-sōmdā, la bāmb rāmbā la tilgdbā.
39. La yāmb sēn kō "rtbaa" sēn na yul n paam yōod paasg nebā nengē, a ka paasd Wēnd nengē ye, la yāmb sēn kō arzeg-yuleng n dat Wēnd yīngā, bāmb dāmbā la b sēn na n fāoo n kō-b rāmbā.
40. Wēnd n naan yāmba, rē poorē n dulg yāmba, rē poorē n kuvd yāmba, rē poorē n na n vuvg yāmba; rē yīnga bee yāmb soben-rāmbā pugē sēn tōe n maan boto buud ba fvī bī? Yūlgemd be ne-A, la A le zēk n gāndg n yī ne b sēn maand lagem-n-taar ne būmb ninsā.
41. Sāang puka ying tēn-gāng zug la Mogrē tī yaa nebā nus sēn tvmā biisi, bvul yīng la Wēnd lemb-b b sēn tvmā sānda tī sān-sānde b na tek n base.
42. Yeele: kēn-y tēmsā pusē n ges sēn deng-b yāmb toarā baasg yu wān-wānā? b sēn yud wusg fāa yu lagem-n-taar rāmba.

43. Bı f tees f nengā diin turgē wā taoor ti raar sēn ka tar lebsdgā nan ka ta ye, baraar la b na n weel taaba.
44. Neb ning sēn kɪfl-a, a kɪflg bee ne-a; la neb nins sēn tum sōama me yaa b mens la b segend n bīngdē.
45. Bvul yīng la A rol neb nins sēn kō-b sɪd la b tum tvum-sōmsā ne A yudlmā, ad A ka nong sōm-zutb ye.
46. La sēn yi A yel-soalmā pvgē yaa a sēn tum sobdā ti b yaa sū-noogdba, bvul yīng ti y na lemb A yolsgā, la bvul yīng ti koglsā kēn ne A sagelle, la bvul yīng ti y na bao A yudlmē wā, la sānd-sānde y na pvvs barka.
47. Sɪda Tōnd tuma tēn-tvumb b nebā nengē toaar ti fo nan ka wa. B waa b nengē ne vēnem ti Tōnd sɪbg neb nins sēn tumd yel-wēna; la sɪd-kōatbā sōngr yaa tilae ne Tōndo.
48. Wēnd n tumd sobdā ti b peegd sawatā t'A sāeegd-b saasē wā wala A sēn date, la A maan ti b lebg sawad-pel ti fo yēt sa-koomā t'a yit b pvse. A sā n sik-a A sēn dat-b rāmb A yembsā zugu, la bāmb sēn noogd b sūyā.
49. La taoor ti b nan ka sik-a n kō-ba, b ra yume n da wāag b tēebo.
50. Bı f ges Wēnd yolsgā vūunā A sēn vuvgd tēngā a kūum poorā, ad yaa Yēnda n vuvgd kiidba, la A yaa būmb fāa gill tōogda.
51. La ti Tōnd sā n tum sobg ti b yā-a t'a yaa rōodo, b na kell n pa a loogr poorā n ktvendē.
52. Rēnd fo ka tōe n wumsg kū-rāmb ye, la fo ka tōe n wumsg wums boaal ti b sā n gūd n teesdē ye.
53. La fo ka tōe n kāndg zoes n yiis b menengē wā ye; fo sēn tōe n wums-b rāmb yaa neb nins sēn kō sɪd ne Tōnd goamā, bāmb rāmba yaa sak-n-tū rāmba.
54. Wēnd la sēn naan yāmb ne ko valenga, rē poorē t'A kō pāng valengā loogr poore, rē poorē t'A kō komsg la kvlem pāngā poore. A naanda A sēn date, la Yēnda la bāngd la tōog Naaba.
55. La raar ning dūni wā sēn na n wa yikā, yel-wēn-maandbā na n wēendame ti bāmb ka zīnd rēnda sasa-yeng bala, yaa woto la b rag n wēnesd-b dūni wā n yit sɪdā.
56. La b sēn kō-b rāmb bāngrā la sɪd kūunā yeel-yā: "sɪda ad Wēnd Sebrā pvge, yāmb paame hal n tāag Yikr raarā, rēnd Yikr raarā la woto, la būmb ning sēn be yaa ti yāmb ra yume n ka miē ye.
57. Rēnd baraarā wēgd bā padengā ka na n tall yōod ne-b ye, la b ka na n kō-b sor me ti b bao lebgr ye.

58. La sid la hakuka Tōnd rika Alkvrāan-kāngā pugē bilgr buud toor-toore, la ti fo sã n wa ne Aayar n kō-ba, kuf-rāmbã na yeele: "ad yãmb yaa zirimbe-neb bala".
59. Yaa woto bal la Wënd pagd sën ka mi-bã sũy wã.
60. Bt f maan sugri, bala Wënd pulengã yaa sida, la sën ka maand-b bång-n-wãakã ra wa tus foom ti f maan sũ-yikr ye.

31. Luĳmaan *

Ne Wënd yuvrã barka, sën yaa yols yaleng Soabã, n yaa Yolsdã, la d sungd d tuvmdã.

1. Altf, Laam, Miim.¹
2. Woto yaa Gafã Aaya-rãmb sën bv n manege.
3. A yaa sor-wilgr la yolsg maan-neerã rãmb yinga.
4. Neb nins sën yãnesd ne Puvsgã la b kōt zakã la b maand bång-n-wãak ne Yaoolem raarã.
5. Bãmb rãmbã n be kãndgr zug la bãmb me la pōsdbã.
6. La bee nebã pugē neb sën daad reem goam buil ying ti b na menes n bas Wënd sorã ti ka yi ne bångr ye la b rik-a ne wisga, bãmb rãmbã la naong yaandgã be b yingã.
7. La b sã n karem Tōnd goamã a zug la a sën kēngd n loog t'a yaa waoog-m-meng soab ti yaa wa a pus n ka wum-a ye, bt f noog a sũur ne non-zabdga.
8. Bång-y ti sën kō-b sidã la b tum tuvum-sōmã wã, arzãn sën yaa neemã be b yingã.
9. B yaa paadb a pugē, yaa Wënd puleng sën yaa sida, la Yēnda la zisg n yaa buvd mita.
10. A naana saasã ti pa tũ ne ra-tædga ti yãmb ne-a ye, la A ning tãms tēngã pugē buil ying la a ra miim ne yãmb ye, la A sēeg bōn-yãnemdg buud fãa a pugē, la A sik koom ti yi saagē wã t'A buls bũmb sën tar waoor buud fãa.
11. Wënd noonegã la woto, bt y wilg maam zēng sën ka Yē wã sën naan we! Ad yaa wēgdbã n be meneng pugē bala.

* Luĳmaan (A Luĳmaan svvra).

[1] Wënd n yud minim ne A sën rat ne guls-bi tōsdt-kãensã. La Guls-bi tōsdt-kãensã, sën be Svvr-kãensã baasgē wã, yaa sën wilgd Alkvrāanã sën komsd a gees-n-taasã, bala b geesa kuf-dãmbã ne Alkvrāanã, ti b kong n ka tōog n wa ne a buud ye, ti Alkvrāanã me -yaool n yaa sën tui ne gom-biis nins bãmb goamã sën tuit ne wã, sën yaa guls-bi tōsdt bãmbã buudã, ti rēnda wilgd Laarab-rãmbã kongame n ka tōog n wa ne Alkvrāanã buud ye, n lagem ne bãmb n yud nebã ne zelem pekã, ti wilgdē ti Alkvrāanã a yaa sën tme ti yi Wënd nengē.

12. La sɪda Tõnd kõo a Lvkmaan buvd minim: "pʊʊs Wënd barka, ned ning sën pʊʊs-a barka yaa a meng yǐng bala; la ned ning sën kɪfl-a bi y bǎng ti Wënd yaa sek-m-meng-soab n yaa pëgr Naaba".
13. Tëeg wakat ning a Lvkmaan sën wa n yeel a biigã, a sën wa n sagenda wã: "m biiga, ra maan lagem-n-taar ne Wënd ye, ad lagem-n-taar yaa wëgb sën bedme".
14. La Tõnd sagla ninsaal ne a roagdb a yiiבã manegre, a ma wã zɪ-a lame ne ninבãaneg sën pug ninבãanega, la a yësengã yaa yʊʊm a yiiב pugë: "bi f soees Maam la f roagdb a yiiבã, Mam nengë la y na n lebgn wa".
15. La b yiiבã sã n pëdg foom ti f lagem Maam ne bũmb fo sën ka tar a bǎngre, bi f ra tũ-b ye, la zĩnd ne b yiiבã dũni pugë ne manegre, la f tũ ned ning sën lebgn-a n wa Mam nengë wã sorã. Rë poorë Mam nengë la y lebgr zĩiga, ti M togs-y y sën da yɪ n tumdë wã.
16. M biig sõngo! Ba bũmb sã n zems wala goandg biiga, n ti be pĩig pugë, ma saasë wã, ma tẽngã pugë, Wënd wata ne-a, ad Wënd yaa Bǎng-pëk naaba n yaa minim tẽng-n-biiga.
17. M biig sõngo! Yals Pʊʊsgo, sagl ne manegr la f gɪdg ne wënga, la f maan sugr ne sën paam-fo, ad woto naaga yel-bedã.
18. La f ra wënemd f ysgdg n kɪs nebã ye, la f ra kën tẽngã zug ne titaam ye, ad Wënd ka nong waoog-m-meng-soab n yaa fʊʊs-m-meng-soab ye.
19. La f maan zem-zem f kënã pugë la f sik f koεεgã, ad koes sën yud wëng yaa bõees koεεga.
20. Rë yĩnga yãmb ka yë ti Wënd noma sën be saasã pʊʊsë la tẽngã zug n kõ yãmba, la A kõ-y A neema-rãmb ti gale yung la pugë? La bee nebã pugë neb sën wëed no-koeemd Wënd yellã zug ti ka yɪ ne bǎngr la sor-minim la gaf-vënegd ye.
21. La sã n yeel-ba: "tũ-y Wënd sën sikã". La b sën yete: "d tũuda d sën mik d baaba-rãmbã sën ra tũud bũmb ningã". Rë yĩnga ba ti sã n yaa a sʊtãan n boond bãmb n dabd Sa'ur bugmë wã b na pugba?
22. La ned ning sën wa n pelg a pug ne Wënde n yaa manegda, rënd a gãda raodg sën yud ne pãnga, la yaa Wënd nengë la yelã fãa lebgr zĩiga.
23. La ned ninga sën maan-a sõm-zitem bi a sõm-zitmã ra wa sãam fo sũur ye. Tõnd nengë la b lebgr zĩig ti D wilg-b b sën tumã. Ad Wënd mii sën be sũyë wã.
24. D wumsgd-b-la noog bilf bala, rë poorë ti D kës-b naon-taok pugë.

25. La fo sã n sok-ba "ãnd n naan saasã la têngã". B na yeele: "yaa Wênde". Bt f yeele: "pêgr yaa Wênd n so". Pa woto ye, b wusgã fãa ka mi ye.
26. La sên be saasê la têngê yaa Wênd soolem, ad Wênde, Yê la sek-m-meng Soab n yaa pêgr Soaba.
27. Ba ti têngã zug tusã fãa sã n da yaa guls-moodo [n na n gulse], ba ti mogrã sã n lebg rvba, ti b leb n paas-a mog a yopoe, kõon n sek Wênd goamã gulsg ti se ye, ad Wênd yaa Winda n yaa buud-mita.
28. Yãmb [fãa] naanegã la yãmb vuugrã ka yî rëndame ti yaa wala yõor a yembr bala, ad Wênd yaa Wvmd n yaa Neta.
29. Rê yïnga fo ka bãng ti Wênd kéesda yungã wïndgã pugê la A kéesd wïndgã yungã pugê la A nom wïntoogã la kiuugã t'a yembr fãa zoet n gũud sasa b sên yãk n dıglã, la f leb n ka bãng me ti Wênd yaa minim têng-n-biig ne yãmb sên tumdã?
30. Woto, ti bala yaa Wênd la sıda la bãmb sên tũud bũmb ning zêng sên pa Wêndã, yê la zïri wã, la ad yaa Wênd la zêk wagell Naaba.
31. Fo ka yã ti koom-koglgã zoeta mogrã zug ne Wênd yolsgã buul yïng ti y yãnd A yel-soalmã kêere, ad woto pugê yaa daliils ne sug-maand la ned sên pēgd buudã fãa yïnga.
32. La ko-wiuug sã n yik n lug be b yïngrã wala maasem la b sên boond Wênd n yulgd b tũudmã ne-A; la A sã n wa n tılg-b n yi yungã la b kêerã sên lebg titaam-rãmba; la ka kUSD Tõnd yel-soalmã rēnda yel-sõm-zıt la zãmb-bedr-soaba.
33. Nebã! Zoe-y Wênd la y zoe raar ninga biig sên ka na n yaoog a roagd ti roagd me ka na n yaoog a biig ba fut wã; ad Wênd pulengã yaa sıda, bt y gũus ti dũni vumã ra wa belg yãmb ye, la y gũus ti belgdã (svitãanã) me ra wa belg yãmb ti y bas Wênd ye.
34. Ad yaa Wênd n tar dũni wã yıkr bãngre; yê me n sikd sa-koom la A mi sên be (pag) rogsê. Yõor ka mi a sên na n paam beoog ye, yõor ka mi a sên na n ki têng ning ye, ad Wênd yaa Bãngd n yaa minim têng-n-biiga.

32. As-sağda *

Ne Wënd yuvrā barka, sēn yaa yols yaleng Soabā, n yaa Yolsdā, la d sungd d tuvmdā.

1. Altʃ, Laam, Miim.¹
2. Gafā sikrā sāmbg kae t'a yii bōn-naandsā fāa Soabā nengē ye.
3. Bı b yetame t'a (Mvhammad) wug-a lame? Ayo, yē la sūdā sēn yi fo Soabā nengē bul yīng ti fo na bugs neb bugsd sēn da ka wa b nengē sēn na yilē ti b bāng sor n dike.
4. Wënd la sēn naan saasā la tēngā la sēn be b yibā svk rasem a yoob pugē, rē poorē t'A zēk Al-‘arsā (Naamā goeel) yīngri (zēkr sēn tog ne Wēnde), yāmb ka tar lalld la sugsd ti ka Yē ye, rē yīnga y ka na n tēege?
5. A tūnugda yellā ti yit saagē wā n wat tēngā, rē poorē t'a ruvd A nengē raar sēn zem yāmb sēn sōt to-to wā yvum tusri.
6. Yē la yel-soodi la yel-vēeneg Mita, A yaa Winda n yaa Yoalsda.
7. Soab ning sēn manegd būmb ning A sēn naan fāa ti yud ne malgre; la A sung ninsaal naonegā ne tāndo.
8. Rē poorē t'A naan a koambā ti b yit ko-yaalgē.
9. Rē poorē t'A pids a naonegā la A fvvs a pugē sēn yi A wumē wā n ning-a vumē, la A naan wumb la nenem la yam n kō yāmba, yāmb ka pēgde rēnda bul bala.
10. La b yeele: "rē yīnga tōnd sā n ki la d lebg tom la kōaba rē yīnga tōnd na n le leba naaneg-paall pugē?" Ayo, bāmba yaa yagsdb ne b Soabā segbā.
11. Yeele: "kūum tuvum-tvumdā (malegsā) b sēn dik n boblg yāmbā na n deega yāmb yōyā, rē poorē yāmb Soabā nengē la b na n lebs yāmba".
12. Lak ti fo sā n yā yel wēn-maandbā b sēn wat n sulg b zutā b Soabā nengē n yetdē: "d Soaba! tōnd yāame la d wume, bı F lebs-d ti d na tuv sōngo, ad tōnd yaa bāng-n-wāak-rāmba".
13. La Tōnd sā n da ratē D naan n kō yōor fāa a kāndgre, la ad koεeg sūdgame n yi Mam nengē ti Mam na n pidsa geehānnam ne zīn-dāmb la neba.

* Assağda (Suguudā maanegā svvra).

[1] Wënd n yud minim ne A sēn rat ne gvls-bi tōsdt-kāensā. La Gvls-bi tōsdt-kāensā, sēn be Svvr-kāensā baasgē wā, yaa sēn wilgd Alkvrāanā sēn komsd a gees-n-taasā, bala b geesa kifr-dāmbā ne Alkvrāanā, ti b kong n ka tōog n wa ne a buud ye, ti Alkvrāanā me -yaool n yaa sēn tui ne gom-biis nins bāmb goamā sēn tuit ne wā, sēn yaa gvls-bi tōsdt bāmbā buudā, ti rēnda wilgd Laarab-rāmbā kongame n ka tōog n wa ne Alkvrāanā buud ye, n lagem ne bāmb n yud nebā ne zelem pekā, ti wilgdē ti Alkvrāanā a yaa sēn tvme ti yi Wënd nengē.

14. Bı y lemb yāmb sēn da yīm y ründā sekā yīnga, bāng-y tı Tōnd yīma yāmb yelle, la y lemb naong sēn ka sate, y sēn da yı n tımdē wā yīnga.
15. Ad sēn kōt-b sıd ne Tōnd goamā yaa neb nins tı b sã n tēeg-b ne-a la b sēn lut n yaa tukdb la b yulgd b Soabā yuvr ne pēgr la b ka maand waoog-m-meng ye.
16. B kuremsā lakdame n basd gāasā-zīsi n yik n bōosdb b Soabā yeeg la yā-beed yīnga, la b yākd Tōnd sēn dulg-bā n maand sārā (neere).
17. Rēnd yōor ka mi b sēn solg n bīng bāmbā sēn yaa sū-noog la nif maagr tekē, tı yaa b sēn da yı n tımdē wā rolbo.
18. Rē yīnga sıd-kōt ne kufr zema taaba? B ka yıt wa taab ye.
19. La sã n yaa ne neb nins b sēn kō sıd la b tım tıvm-sōamā wā, ma-awaa arzānā be b yīnga, yaa sigb zīisi, b sēn da yı n tımdē wā rolbo.
20. La sã n yaa ne neb nins sēn targ n bas so-sōngā, Bugmā la b kōom zīiga, b sã n dat n yı a pıgē wā fāa b lebsd-b la a pıgē wā, la b yeel-ba: "lemb-y yāmb sēn da yagsd Bugum ningā naongo".
21. La tı Tōnd na lemb-b naon-bilā, naong-kēengā taoore, sānd-sānd b na tek n base.
22. La ānd wēgb n le yud ned ning b sēn tēeg-a ne a Soabā goamā la A yel-soalmā, rē poorē t'a ball n base? Bāng-y tı Tōnd na n sıbga yel-wēn-maandbā.
23. La sıda ad Tōnd kōo a Muusa sebrā, bı f ra wa maan sāmbg ne a segbā ye, la D maan-a t'a yaa kāndgd a Israaul kambā yīnga.
24. La D maan Taoor-rāmb tı yı b pıgē wā tı b wilgd sor ne Tōnd sagl la D raabo, b sēn wa n maan sugrā. La b ra yume n yaa bāng-n-wāak-rāmb ne Tōnd goamā.
25. Ad fo Soabā, Yēnd n na n bı b ne taab suk Yikrā raar b sēn da yı n yōsd taab yel nins zutā.
26. Rē yīnga bāmbā pa paam vēnem ne Tōnd sēn halk neb wısg nins sēn reng bāmb taor tı bāmb pıvıgd b zagsē wā la? Ad tags-n-gesga be wā pıgē, rē yīnga bāmb ka kelgd la?
27. Rē yīnga bāmb ka yē tı Tōnd wata ne koomā tēn-koengē n tall-a n buls bōn-bındı tı bāmb rūmsā ne bāmb mensā rıtē la? Rē yīnga bāmb ka ne la?
28. La b yetdē tı: yaa sasa bıg la bıvd yēne na n yı tı yāmb sã n yaa sıd-rāmba?
29. Yeele: "bıvdā raarā kufr-dāmb sıd-kūun ka na n tall yōod ne-b ye, la b leb n ka na n yaoolg bāmb me ye"
30. Bı f ball n bas-b la f gū, ad bāmb me yaa gūudba.

33. Al-Ahzaab *

Ne Wënd yuurā barka, sēn yaa yols yaleng Soabā, n yaa Yolsdā, la d sungd d tumdā.

1. Yaa foom Nabiyaama, zoe Wënd la f ra tū kifēn-rāmbā la munaafigsā ye, ad Wënd yume n yaa Mit la buvd-minim Soaba.
2. La f tū b sēn taasd foo sēn yaa sēn yit f Soabā nengē wā, ad Wënd yume n ya tēng-n-biig ne yāmb sēn tumdā.
3. La f bobl f meng ne Wēnde, la lalld ta tek ne Wēnde.
4. Wënd ka ning sūy a yiib rao ba a yembr pugē ye, la A ka maan yāmb pagb nins yāmb sēn yet ti b poayā yaa wa y ma-rāmb poayā ti yaa yāmb ma-rāmb ye, la A ka maan yāmb kom-yōgdsā ti b yaa yāmb koamb ye, yaa yāmb noy goam la rē, la Wënd yeta sīda, la Yē me n le wilgd sore.
5. Bool-y-b n tōk ne b baabā rāmbā, rē n yud turg Wënd nengē, la yāmb sā n ka bāng b baabā-rāmbā rēnd b yaa yāmb saam-biisi dīnā pugē la yāmb lalldba, la yel ka be ne yāmb ti y sā n tudg n bool-b n tōk ne zēng sēn ka b baabā-rāmbā ye, la yel sēn be yaa yāmb sēn maan pu-toog y sūyā pusē wā, la Wënd yume n ya a Luta la a Yoalsda.
6. Nabiyaamā n sōmb ne sīd kōtbā n yud b mensā, la a pagbā yaa b ma-rāmba, la roagdbā n sōmb ne taab n yuda, woto yaa Wënd sebrā puga, sā n ka mikame ti y rat n maana y lalldbā neere; wāndā yume n yaa sēn da guls ti be sebrā pugē.
7. La tēeg wakat ning Tōnd sēn wa n deeg Nabiiyaam-rāmbā pulengā la D reeg fo pulengā la a Nuuh la a Ibraahum la a Muusa la a Maryam biig a lisa me nengē, la D reeg puleng kēeng b nengē, ti b pids tēn-tumdlmā.
8. Bul yīng la A sok sīdā-rāmb b sīdā yelle, la a segl naon-zabdg kifr-rāmbā yīnga.
9. Yaa yāmb neb nins sēn kō sīda! tēeg-y Wënd neemā wā yāmb zugu, zab-zabdb sēn wa n na n seg yāmb ti Tōnd tum sebg la zab-zabdb yāmb sēn ka ne-b ye, la Wënd yume n yaa net ne yāmb sēn tumdā.
10. B sēn wa n yi yāmb yīngr la yāmb tēngr wēngē n wat yāmba, la sasa ning nin sēn wa n nodg ti sūyā be ragsendakē, ti yāmb sāmbe Wënd ne sāmbe.
11. Beenē la b zarb sīd-kōtbā n ges la b miim-b miuun-kegenga.

* Al-Ahzaab (Sulā suura).

12. La sasa ning munaafigsā la neb nins bāas sēn be b sūyē wā sēn wa n yetdē: "Wēnd ka pulem tōnd rēnda belgr bala".
13. La sasa ning b sānda sēn wa n yeele: "yaa yāmb Yasrib (Madīin) rāmba yalsg zīig kae y yīng de! Pīnd n lebg-y; ti b sānda kot Nabiyaamā sor n yetdē: "ad tōnd zagsā ka tar gūudb ye". La b zagsā yaool n tar gūudba, ka ba fvi n zvug zoes bal la b rat ye.
14. La ti b (beebā) sā n da tōe n tū (tēngā) kurems n kē, rē poorē ti b yeel-b ti b maan lagem-n-taare, b ra na maan-a, ti rēnda meng yaa yol-yol ne-ba.
15. La b yaool n da pulma Wēnd pīnda, ti b ka na n zoe ye, la Wēnd pulengā yaa būmb ning b sēn na n soke.
16. Yeele: "zoes ka na n tall yōod ne yāmb ba ti yāmb sā n zoe n na n pōs kūumā maa kvbā ye, la ba ti y pōs me, y kōon n vvum noog rēnda bilf bala".
17. Yeele: "ānd n tōe n pōsg yāmb n yi Wēnd t'A sā n dat yāmb ne wēng ma t'A sā n rat yāmb ne yolsgo?" La b ka na n paam lalld la sōangd ti ka Wēnd ye.
18. Ad Wēnd mii koamesdbā sēn be yāmb pugē wā la neb nins sēn yet b saam-biisā: "wa-y tōnd nengē wā". La b yaool n ka sak n na n kē keelmā (zabrā) pugē rēnda bilf bala.
19. B sēn maan beem yāmb zug yīnga, la rabeemā sā n wa fo neeme ti b get foo ti b ninā yilimd wala kūum sēn yilimd a soaba, la rabeemā sā n looge b silgda yāmb ne zılma sēn zabde, n maan yā-beed n rat sōmbā (arzegsā b sēn paam beebē wā), bāmb rāmb la sēn ka kō sid ti Wēnd sāam b tvumā, la wāndā yume n yaa naana ne Wēnde.
20. B sāmbdame ti zāmā wā nan ka loog ye, la zāmā wā sā n lebg n wa, b maanda nonglem n dag n beē weoogē dāmbā pugē n sokd yāmb yelle, la ba ti b sā n da pa yāmb pugē wā me, b ka na n kē zabrē wā rēnda bilf bala.
21. Sid la hakuka, ad togs-n-ta-sōng zīnda Wēnd Tēn-tvumdā vumā pugē yāmb yīnga, ned ning sēn tēed-a Wēnd la Yaoolem daarā la a tēeg Wēnd yell wvsgo.
22. La sid kōatbā sēn wa n yā zāmā wā, b yeelame: "yaa wā la Wēnd ne A Tēn-tvumā sēn pulem tōndā, la Wēnd la A Tēn-tvumā pulenā yi sīda". La rē ka paas-b rēnda sid-kūun la sak-n-tū.
23. Neb n zīnd sid-kōtbā pugē n pids b sēn pulengā ne Wēndā, la be b pugē sēn maan kaalem, la be b pugē sēn na gūuda, la b ka tol n teem ba bilf ye.

24. Bvul yǐng ti Wënd rol sūdā-rāmb b sūdā yǐnga, la A nams munaafigsā t'A sā n data, maa t'A sak n deeg b tuubgā, ad Wënd yume n yaa yaafd la yoalsda.
25. La Wënd lebsa kifr-rāmbā ne b sū-yikrā, b ka paam ba fvi, la Wënd seka sūd-kōatbā n yi zabrā, la Wënd yaa pāng-soab la zislem-soaba.
26. La A sik Yahuud-rāmb nins sēn sōng kirf-rāmbā b gūudmā zags pusē, la A kēes b sūyē wā rabeem, ti yāmb kvvd b sānda la y yōgd b sānda.
27. La A leds yāmb b tēngē wā la b zagsē wā la b arzagsē wā. La yāmb nao sēn nan ka tag tēng ningā, la Wënd yume n yaa būmb fāa tōogda.
28. Yaa foom Nabiyaama! Yeel f pagbā: "Sā n mikame ti yāmb rata dūni vumā la a nag-teedā, bī y wa ti m kō-y kūun ti ta y yam la m bas-y basg sēn be neere,
29. La sā n mikame ti yāmb rata Wënd la A Tēn-tvumā la yaoolem zakā bī y bāng ti Wënd segla rol-kēeng n bīng yaa b manegdb yāmb pugē wā".
30. Yaa yāmb Nabiyaam pagba! Ned ninga sēn wa-a ne yel-wënd vēenega b fāooda naongā naoor a yiib a yǐnga, la rē me yume n yaa naana ne Wēnde.
31. La yāmb pugē wā ned ning sēn wōr a meng la a tum tvum-sōma, D kōt-a-la a rolbā noor a yiibu, la D segl rti wagell a yǐnga.
32. Yaa yāmb Nabiyaam pagbā! Ad yāmb ka wala pag buudā fāa de! Ad yāmb sā n zoe Wēnde, bī y ra noos y koes ti ned ning bāag sēn be a sūurē wa maan yamleog ye, la y gom manegr goam sēn pa tar sik ye.
33. La y tabend y zagsā puse, la y ra yi wala rēnem zulem yiibā buud ye, la y yals ne Pvvsq la y kō arzek-yulgr-pvūrā (Zakā), la y tū Wënd la A Tēn-tvumā, Wënd sēn datā yaa sēn na loog ne rēok kvvd fāa n bas yāmb a zakā rāmba la a ylg yāmb sōma.
34. La y tēeg Wënd goamā la kvvd-welgr sēn karemd yāmb zagsā pusē wā, ad Wënd yume n yaa Bvg-bvg soab ne yāmba n yaa minim Tēng-n-biiga.
35. Ad hslaam raadā la hslaam pogsā, la sūd-kōatb raadā la sūd-kōatb pogsā, la wōr-m-meng raadā la wōr-m-meng pogsā, la sūd-toagsdb raadā la sūd-toagsdb pogsā, la sug-maandb raadā la sug-maandb pogsā, la (Wënd) yēesdb raadā la (Wënd) yēesdb pogsā, la sārā-maandb raadā la sārā-maandb pogsā, la no-loetb raadā la no-loetb pogsā, la gūus-m-taoor raadā la gūus-m-taoor pogsā, la (Wënd)

- tëegdb raadā wusgā la (Wënd) tëegdb pogsā, ad Wënd segla yaafg la rolb sën yaa kēeng b yīnga.
36. La ka segd ne sid-kōat raoog la sid-kōat-poak ti Wënd la A Tën-tuumā sā n gāneg yell buvd n se bi b le tall yam-yākr b yellā pugē ye, la ned ning sën kus-a Wënd la A Tën-tuumā rënd a menema meneng sën yaa vēenega.
37. (La tëeg sasa ning) fo sën wa n yet fo sën maan-a soab neer ti Wënd maan-a neerā: "tall f pagā la f zoe Wēnde". La fo solgd f mengē wā yell ninga Wënd sën na n vēneg-a, la fo zoet nebā, la yaool n yaa Wënd la fo sōmb n zoe. La a Zayd sën wa n bas pagā, Tōnd kēes-a-la kāadem pugē (Tōnd loe-a-la fur) n kō foo, buil yīng ti yell ra zīnd sid-kōatbā yīng b kom-yōgdsā pagbā pugē, ti b sā n bas-ba ti bāmb wēneg n na n furb-ba, la Wënd yel-ratmā yaa būmb sën yit tilae.
38. Yel kae ne Nabiyaamā, Wënd sën kō-a sor yell ning pugē ye; yaa Wënd yell sën da sung n beē sën loog-b pīndā zugu, la Wënd yel-datmā yaa sën korde ti na n yi tilae.
39. Tën-tuum kānsā taasda Wënd tēn-tumdā la b zoet-A la b ka zoet ned ba a ye sā n ka Wēnde, la Wënd geelgā A yemsā tuumā sek yā.
40. A Mohammad ka yi n yaa yāmb roapā ba a yembr baaba ye, la sën be bala, a yaa Wënd Tën-tuum n yaa Nabiyaam-rāmba pidsda, la Wënd yume n yaa mit ne būmb fāa.
41. Yāmb a sën kōb sīda! Tēeg-y Wēnde (yuvrā/yelle), tëegr sën waooge.
42. La y yulg-A yibeoog la zaabre.
43. Yēnda n yolsd yāmba la A pēgd-yā, t'A Malēk-rāmba me kot Wënd n kōt yāmba sën na yil t'A yiis yāmb ligsē wā n kēng vēenmē wā, la A yume n yaa yoalsda ne sid-kōatbā.
44. B sën na n seg-A raarā b puvsem yaa Tilgre, la A segla rol-wagell b yīnga.
45. Foom a Tën-tuumā! Ad Tōnd tuma foom ti fo yaa kaset-soaba la sūnoaagda la bugsda,
46. La boaand n tugd Wënd nengē ne A raabo, la fitl sën yaa vēenem.
47. La f noog sid-kōatbā sūuri ti yudlem kēeng sën yi Wënd nengē be b yīnga.
48. La f ra tū kirf-rāmbā la munaafigsā ye, la f ra wēnemd n ges b sën namsd foo wā ye, la f bobl f meng ne Wēnde, la ad bobend ta tek ti sā n yaa Wēnde.
49. Yāmb a sën kōb sīda! Y sā n kē kāadem ne sid-kōt-pogsā rē poorē n bas-ba taoor ti yāmb nan ka kē ne-ba, bi y bāng ti b ka tar rasem-

- rāmb sōore b sēn na n zīnd n gū ye; bī y kō-b kūun tī ta b yam, la y bas-b basg sēn be neere.
50. Foom a Nabiyaama! Ad Tōnd kōo foo sor ne fo pagb nins fo sēn kō-b b furā ligdi, la D le kō-f sor tī f tōe n kē kāadem ne fo nug sēn sooge (yemb pogsā) sēn yaa Wēnd sēn n kō foomā, la f baaba kāseng la f baaba-bil kom-pugli, la f pugdb-rāmb kom-pugli, la f yesb kom-pugli, la f ma tōp-pogs kom-pugli nins b sēn maan higrā naag foomā (n yik n wāag n bas b tēngā), la pag sēn yaa sid-kōat sēn dīk-a meng n kō Nabiyaam tī Nabiyaamā sā n dat n kēe kāadem ne-a sakda me t'a loe-a furi, la rē welga ne foog f yembr bala, sid kōt-raad a taabā(Mūumin-dāmba) ka naag be ye, Tōnd bānga Tōnd sēn dogl-b yel nins-ba b pagbē wā (pa tōe n zvug naas ye) la b nusā sēn so pagb ninsā yelā pugē, Tōnd maana woto bvl yīng la weoogr ra paam foo ye, ad Wēnd yume n yaa Yaafd n yaa Yolsda.
51. Fo tōe n lak n basa f sēn dat-a soab f pagbā puga, la f pēnegd f sēn dat-a soaba; la fo sēn dat n pēneg-a soab fo sēn da lak n bas-b rāmbā pugē wā yell ka ne f ye; rēnda n pē ne b nin na maag la b sūy kōn sāame, la fō sēn kō-b yemkām fāa būmb ning me le ta b yam; la Wēnd mii sēn be yāmb sūyā pvsē, la Wēnd yume n yaa Bāngd n yaa Bvgbug-soaba.
52. Pagb a taab ka segd ne foo bāmbā loogr poor ye, la f leb n ka tōe n tedg-b ne pagb a taab me ba tī b sōmblemā taa fo yam, sa n ka fo nug sēn sooge (yemb pogsā), la Wēnd yume n yaa būmb fāa Gūsda.
53. Yāmb a neb nins sēn kō sīda!, ra kē-y Nabiyaamā zagsē wā sā n ka b kōo yāmb sor tī kē n rī ye, la y raa wa zīnd n gūud-a ye, la b sā n bool-y bī y kē, la y sā n dī n sē bī y sāeeg la y ra yaas n sōs n lolem yam ye, ad rē ra namsda Nabiyaamā t'a yaool n zoet yānd ne yāmba, la Wēnd ka zoet yānd ne sid vēnegr ye, la yāmb sā n dat n sok Nabiyaama pagbā būmb yelle, bī y sok-b lill poore, rēnd n yud yūlgr yāmb ne bāmb sūyē wā, la ka segd ne yāmb tī y maan sēn na nams Wēnd Tēn-tvumā ye, la ka segd ne-y me tī y kē kāadem ne a pagbā a loogr poor ye, ad rēnda yume n yaa zūnuub-kēeng Wēnd nengē.
54. Yāmb sa n vēneg būmb bī y soalg-a lame, ad Wēnd yume n yaa būmb fāa Mita.
55. Yell ka be ne pagbā tī ned yāb-a la a gom neba tī pa tū ne lill ye, tī sā n yaa b baaba-rāmbā, la b koambā, la b tāopā, la b tāopā koambā, la b tāo-pogsā koambā, la b pog-taasā, la b nusā sēn soogā (b yemsā), la y zoe Wēnde, bala Wēnd yume n ya būmba fāa Sēeta.

56. Ad Wënd ne A Malegsã puv̄sda Nabiyaamã, yãmb a neb nins sën kō sıda! puv̄s-y-yã-a la y kos tulgr sën yaa kēoog n kō-a.
57. Ad sën maand-b ti namsd Wënd la A Tën-tv̄vmã, Wënd kãabd-b lame Dũni kaanē la Laahre, la A segl naon-faagdg b yīnga.
58. La neb nins sën namsd-b muumin raadã la muumin pogsã ti b yaool n ka maan ba fvi wã, ad b tv̄ka zīri la yel-wënd sën yaa v̄ēnega.
59. Yaa foom Nabiyaama! Yeel f pagbã la f kom-pugli wã la muumin-rãmbã pagbã, ti b woglg b fv̄-bedã n maan ti kull n p̄nege, ti rënd n p̄ē ne b na bāng-ba, n ka maan ti naong ta-b ye, la Wënd yume n ya Yaafd n yaa Yolsda.
60. La tu munaafigsã la bāag sën be neb nins sūyē wã la zūngdbã sën be Madiinã sã n ka tek n base, D na n kutame ti fo zab ne-ba, rē poorē, b kōn zīnd ne foo Madiina rēnda sasa bilf bala.
61. Tı b yaa b sën digd-b rãmb n zāag ne yolsgo, b sën be zīig ning fãa, b yōgd-b lame n kv̄vd sōma.
62. Yaa Wënd sën maan ti deng taorã to-to wã, la fo ka na n paam Wënd manesmã toeeng ye.
63. Nebã sokda foom Sasã wã yelle (Dīnã Yikrã), yeele: "Ad a bāngrã yaa Wënd nengē bal la be, la āndã n wīnigd foom ti Sasã wã ka p̄nege?"
64. Ad Wënd kãaba kuf̄r-rãmbã la A seglg Bugum b yīnga.
65. B yaa a pvgē wã paadba, la b ka na n tol n paam lalld la sōngd ye.
66. Raar ning b sën na n leebd b nemsã bugmē wã ti b yetdē: " Kato, tōnd sã n da tūē Wënd la A Tën-tv̄vmã pa são".
67. Tı b yetē: "d Soaba! Ad tōnd tūu d zu-sob-n-dãmbã la d nin-bedã ti b menes tōnd sorã,
68. D Soaba! Kō-b naong sën fãoog n paase, la F kãab-b kãab-bedre".
69. Yaa yãmb neb nins sën kō sıda! Ra yı-y wala neb nins sën nams a Muusa wã ye, ti Wënd tulg-a n yi b sën dōd-a wã. La a yume n yaa wagell Wënd nengē.
70. Yaa yãmb neb nins sën kō sıda! Zoe-y Wënd la y yeel gom-turse.
71. T'A na maneg yãmb tv̄vmã, la A yaaf yãmb yel-wēna, la ned ning sën tū Wënd la A Tën-tv̄vmã, sid la hakuka a tulga tulg-kēenga.
72. Ad Tōnd yeela saasã la tēngã la tãmsã ti b reeg Bobelle, ti b zāgs-a la b yet ti yuda b pānga, b ka na n tōog ye; ti ninsaal tv̄k-a, ad a yu wēgd ne mengã n yaa zita.

73. Bul yǐng la A nams munaafigsã la munaafig-pogsã la lagem-n-ta rapã la lagem-ta pogsã, la Wënd sak n deeg sid-kõt-raadã la sid-kõt-pogsã tuubgu. La Wënd yume n ya Yaafda n yaa Yolsda.

34. Saba'v *

Ne Wënd yuurã barka, sën yaa yols yaleng Soabã, n yaa Yolsdã, la d sungd d tumdã.

1. Pëgr be ne Wënde, sën so saas la tēnga, n ya Soab sën tar pëgr Yaolem raarã, la Yē la Buvd Mit n yaa minim tēng-n-biiga.
2. A mii sën kēed tēngã pugē la sën yit a pugē; la sën yit saagē la sën duvd a pugē; la Yē la Yolsd la Yaafda.
3. La neb nins sën kufi-bã yeelame: "Sasa wã (Dūni Yikrã) ka na n wa ye". Yeele: "n-yēe, m wēend ne m Soabã sën yaa sën solg Mitã, la tu Sasã wã na n waame, sën zems wala goandg biig sën be saasã la tēngã pugē ka lilld m pōs-A yāab ye, la sën ka ta rē la sën yud rē ka be, rēndame ti bee seb-vēeneg pugã.
4. Bul yǐng la A rol neb nins sën kō sid la b tum tum-sōama wã, bāmb rāmbã tara yaafg la ritl sën yaa wagelle.
5. La neb nins sën nidg pāng n baood kongr n ning Tōnd goamã, bāmb-rāmbã naong sën yi naong sën zabd be b yǐnga.
6. La b sën kō-b rāmb bāngrã neeme ti b sën sik fo nengē wã, n yi f Soabã nengē wã, rē la sida, a leb n kändgdame n tugd so-zisg la pēgre.
7. La sën kufi-bã yeelame: "d wilg-y rao sën na n togs-y ti b sã n beds yāmb bedsg tekē, b na n le lebsa yāmb naaneg-paall pugã?
8. A wāag n dogla Wënd bi, bi gēemd n tar-a? Ō-o, sid la hakuka yaa ti sën ka kōt-b sid ne yaolem daarã n be naongã la meneng sën zārã pugã.
9. Rē yǐnga bāmb ka yã sën be bāmb neng taoor la b poorē sën yaa saasã la tēngã la? Tōnd sã n data, D kitdame ti tēngã velb-a ma ti D sik pæeg ti yi saasē wã b zugu, ad yel-soalem be rēnda pugē ne ned fã sën yaa tuubg soab yǐnga.
10. La sid la hakuka, Tōnd kōo a Daawvvd yudlem sën yi Tōnd nengē la D yeel tãmsã la luiili wã: "naag-y-yã-a n yulg Wënd yuurã". La D nom kutã n kō-a.
11. (La D yeel-a) maan kut fut sën yedg n ta, la f maneg a kuiisã n kums ti zems taab n yōgnege, la y tum tum-sōama, ad Mam yaa minim tēng-n-biig ne yāmb tumã.

* Saba'v (Saba'a tēngã svura).

12. La D nom sebgã n kô a Svlaymaan t'a yibeoog kënd yaa kiuug kēna, t'a zaabr kēnd yaa kiuug kēna, la D boog waasdã nif n kô-a, la D nom zîn-dãmbã kêere ti b tumd a nenge, ne Wënd sagelle, la zîn ning sên kus-a Tõnd sagellã D leemsd-a-la Buguma naongo.
13. B tumda a sên dat n kôt-a sên yaa tũudum-zĩisi, la nin-naandse, la la-bed sên yalme ti yaa wala bãgse, la rogd sên lugi; la D yeele: "Daawwud zak-rãmba! Tum-y pēgr yĩnga". La ad pēgdã Mam yembsã pugē yaa bilfu.
14. La Tõnd pulemgã sên wa n ta ti kũum na n paam-a wã, bũmb ka wilg a kũumã rēnda mogd sên dit a rasaarã, la a sên wa n vik n lvi wã, zîn-dãmbã vēneg n bãngame ti bãmb sã n da miē sên solge, b koon n paē naon-faagdã pugē ye.
15. Sid la hakuka ad yel-soalem zĩnda Saba'a rãmb tēngã pugē b yĩnga, sên yaa put a yuib n be ritg la goabga; la D yeele: ri-y sên yi y Soabã rtilã pugē la y pēg A yĩnga. Ad tēng sên ya tēn-noogo! Ad Soab sên ya Yaafda!
16. Ti b ball n base, ti Tõnd tum kvulgã ko-rukã, la D toem b put a yuibã ne put a yuib biis sên ya toogo, la tus sên ka womde, la mugnug bilf bala.
17. Tõnd rol-b-la woto b kuflgã yĩnga, la rē yĩnga Tõnd ronda rol-kãngã buud sã n ka kif-rãmbã?
18. La D maan ti b suka ne tēms nins Tond sên barkã (Saam tēese) ti yaa tēms sên pē taaba, la D mag kēnã woglemã b suka ti zems ti yaams ka be ye. (la D yeele:) kēn-y a pugē wã yund la wĩntood ne bas-m-yam.
19. Ti b yeele: "d Soaba! Zãag tõnd gõobã soayã tēmsa ne taaba" . La b wēga b mensã ti Tõnd maan-b ti b lebg sõasg ti b tar n sõsda, la D sēeg-b sēegr meng-menga. Ad be rēnda pugē wã tags-n-gesga sug-maand la pēgd buudã fãa yĩnga.
20. La sid la hakuka, a [blus modgame t'a sên datã yi b zug ti b tũ-a sã n ka sull sên yi sid-kõatbē wã bala.
21. La a ra ka tall b pãng n wõrd-b ye, rēnda Tõnd sên da rat n maan ti b bãng sên kô-a sid ne yaolem raarã n welg ne sên be-a sãmbg pug n sãmbdē; la fo Soabã yaa bãmb fãa gũusd la b gũuda.
22. Yeele: bool-y yãmb sên dik-b rãmb n maan soben-dãmb zēng sên ka Wëndã, bãng-y ti b ka so ba goandeng biig bilgr saasē bt tēng zug ye; b leb n ka tar lagem-n-so b yuibã pugē ye, A le ka tar sõangd ba a ye b pugē wã ye.

23. La sugsg ka tar yōod A nengē sã n ka A sēn kō-a soab sor ye; hal ti b sã n wa yiis rabeem n bas b sūyã la b sēn na n yeele: "yãmb Soabã yeelame ti bōe?" Tı b yeele: "A (yeela) sıda". La yēnda la Zēkr Naab n ya Bedre.
24. Yeele: "yaa ãnd n dulgd yãmb sēn yit saasē la tēngē?" Yeele : "yaa Wēnde". (La yeele): "Masã, d ges we: tōnd ne yãmb svka, ãnd n be sid zug ti ãnd be menen-vēeneg zugu?"
25. Yeele: "b ka na n sok yãmb tōnd sēn tum wēng ye, la b ka na n sok tōnd me yãmb sēn tum ye".
26. Yeele: "d Soabã n na n tigim tōnd ne taaba, rē poorē t'A bv tōnd ne taab svk ne sıda, la Yē la Bv-kaood la Bāngda".
27. Yeele: "wilg-y maam lagem-n-taas nins yãmb sēn dık n lagem-A wã". Ka woto de! Yē la Wēnd n ya Zısg n ya yel-gānegd Mita.
28. La Tōnd ka tum foo rēndame ti fo yaa sū-noaagd la bugsd nebã fãa yīnga, la nebã wusgã fãa ka mi ye.
29. La b yetē: "yaa rabur la pulen-kāngã, ti y sã n yaa sid-rãmba?"
30. Yeele: "ad yãmb tara sek raare, y ka na n tōog n targ n leb poorē n bas-a, y le ka toē n deng a taoor me ti ka ta".
31. La sēn kıfl-bã yeelame: "tōnd ka na n kō sid ne karen-kāngã la sēn deng a taorã ye, la ti sã n da be yãab ti fo na n yã wēngdbã ti b yals-b b Soabã nengē ti b leebd taab ne goam ti valemsã yet sēn maan-b waoog-m-mengã: "sã n ka yãmb yīnga tōnd ra yutē-la sid-kōatba".
32. Tı sēn maan-b waoog-m-mengã yet valemsã : "rē yīnga tōnd n gidg yãmb n yi sıdã tūubu, a sēn wa yãmb nengē poorē? Ka woto ye, yãmb n da yi yel-wēn-maandb bala."
33. La valemsã yeta waoog-m-mengã rãmbã: "yaa y yung la wıntoog silem tvuma, yãmb sēn da sagend tōnd ti d kıfl ne Wēndã la d bao lagem-n-taas n paas-A". La b solga maan-m-bāngē b sēn wa n yã naongã; la Tōnd ninga sēn kıfl-bã yubli wã kēene-rãmba. Rē yīnga b rond-b lame ti ka b sēn da tumdã?
34. La Tōnd ka tum bugsd tēng pugē rēndame t'a vı-noodã rãmbã yeele: "ad tōnd kıfla ne b sēn tum yãmb ne bumb ningã".
35. La b yeele: "tōnd n yud ne arzek la koamba, la b ka na n nams tōnd me ye".
36. Yeele: "ad mam soabã yedgda rıtlã A sēn dat-a soab yīnga, la A weoogd A sēn dat-a soab yīnga, la nebã wusg fãa ka mi ye".
37. La ka yãmb arzgsã la yãmb koambã n pēnegd yãmb Wēnd nengē ye, sã n ka sēn kō-b sid la b tum sōngã, rēnd bãmb rãmbã rolb fãoogr

- be b yīng b sēn da tumā yīnga, la b be zagsā pvsē n yaa bas-m-yam rāmba.
38. La sēn nidgd-b pāng ti b na tus nebā n zaag ne Tōnd goamā, bāmb rāmbā b na n waa ne-b (bugmā) naongā pvga.
39. Yeele: "ad mam Soabā yedgda ritlā n kōt A sēn dat-a soab A yembsā pvge la A weoogd A sēn dat-a soaba, la yāmb sēn yāk būmb n maan neer fāa Yēnd n lebsd-a, la Yēnd n yud rlgdbā fāa ne sōmblem".
40. La raar ning A sēn na n tigim-ba, rē poorē n yeel Malegsā: "yaa yāmb la bāmbā rag n tūud bi?"
41. Ti b yeele: "yulgemd be ne Foom, Foom la tōnd Lalld ti ka yi ne bāmb ye, ad b ra tūuda zīn-dāmba, b wvsgā fāa yume n ya sid-kōatb ne-ba".
42. Rend rūndā raarā, b ka tar yōodo n na naf taab ye, b leb n ka so namsg me taab yīng ye; la Tōnd yeta sēn wēgbā: "lemb-y Bugum ning yāmb sēn dag n yi n yagsdē wā nongā".
43. La b sā n karem Tōnd goamā vēenes-vēenes n wilg kifr-rāmbā, b yetame: yāoā ka baa fvi n zvvg rao sēn dat n gidg yāmb n yi ne y baab-rāmbā sēn da tūudā". La b yetē: "yāoā ka ba fvi n zvvg zīri yagb ye". La sidā sēn wa n wa kifr-rāmbā nengē wā, b yeel-a lame: "yāoā ka ba fvi n zvvg tum sēn yaa vēeneg ye".
44. La Tōnd ka kō-b seb ti b karemdē, D leb n ka tum bugsd b nengē fo taoor ye.
45. La neb nins sēn deng bāmb taorā yagsame. Bāmbā ka paam ti ta Tōnd sēn kō pīnd rāmbā sēn pvi piig yembr ye, la b yaool n yags Mam Tēn-tumdbā; b pa ges ma sābsgā sēn yi to-to la?
46. Yeele: "mam sagenda yāmb ne yel-yeng tāa: ti y yik yiib-yiib la yembr-yembre, rē poorē n naag taab n tags n ges ti gāeemd ka tar yāmb nedā ye, ad a ka yi rēnda bugsd bal yāmb yīnga, n yi naon-kegeng sēn be taoore".
47. Yeele: mam sēn kos yāmb keoor fāa -ti sā n beē- bi y bāng ti yaa yāmb yīnga, mam keoor ka be rēnda ne Wēnd bala, la Yē me la būmb fāa kaset-Soaba.
48. Yeele: "ad mam Soabā tumdsda sidā, Yē la yel-saoondt Mitā".
49. Yeele: "sida waame, la zīri wā ka na n le puk ye, a kōn le yulem n wa me.
50. Yeele: "mam sā n menem, ad mam ka menemd rēndame ti yaa mam meng la m na n namse, la mam sā n kāndge, rēnd yaa ne m Soabā sēn taasd maam būmb ningā, bala Yē yaa Wumd n yaa pēnegr-Soaba.

51. La sã n be yãab ti fo yã-b sën na n wa yees-b ti pösgr me ka be, ti b be b yögbë pëem-pëem.
52. Tı b na n yelee: "tönd kōo sid ne-a". La b na n maana wãn n paam sid-kūun ti bāmb zīg zāage?
53. La sid la hakuka b kılame ne-a sën da looge, la b pasd zîrë n yagd ne zulem, zīg sën zār ne sidë.
54. Tı b gud bāmb ne b sën datã, wala b sën maan b wënes-n-taasã pîndã, ad b yume n be sãmbg sën yood yam pugë.

35. Faaṭur *

Ne Wënd yvurã barka, sën yaa yols yaleng Soabã, n yaa Yolsdã, la d sungd d tvumdã.

1. Pëgr be ne Wënde, sën ya saas la têng Naandã, sën kıt-a ti Malëgsã yaa tën-tvumdb sën tar pigs a yiib-yiib la tãab-tãab la naas-naase, A paasda A sën dat naanegã pugë, ad A yaa bumb fãa Tōoda.
2. Wënd sën pakd sën yi A yolsgë wã n kō nebã, gudgd kae ye; A sën mong me, kōt ka be a loogr poor ye, la Yë la Zısg la buvd minim Soaba.
3. Yaa yãmb neba! tēeg-y Wënd neema wã A sën kō yãmbã; rë yīnga naand zēng sën ka Wënd n dilgd yãmb ti yit saasë wã la tēngã? Soab sën tūud kae rēnda Yë. Yaa wãn ti b tar yãmb n tat n teesdë?
4. La b sã n yags foom, sid la hakuka, b rag n yagsa tën-tvumdb sën deng foom taore, la Wënd nengë la yelã fãa lebgr zīga.
5. Yaa yãmb neba! Ad Wënd pulengã yaa sıda, bı y ra bas ti dūni wã vum belg yãmb n tōog ye, la y ra wa sak ti belgdã me wa belg yãmb n tōog ye.
6. Ad Svıtãanã yaa be yãmb yīnga, bı y rik-a n maan y be, ad a boonda a sullã buıl yīng la b na naag Bugum rãmbë wã bala.
7. Neb nins sën kıl-bã naong-kegeng be b yīnga, la neb nins sën kō-b sid la b tum tvum sōama wã, yaafg la keoor sën bedem be b yīnga.
8. Rë yīnga ned ning b sën nags a tvum-wēng n kō-a t'a ne-a ti yaa sōma, yë soab ne tvum-sōama soab yaa wala taaba? Ad Wënd menesd A sën dat-a soab la A kãndg A sën dat-a soaba, bı f ra wa sãam f sūur b yīng ye, ad Wënd mii b sën maandã.

* Faaṭur (Yëbgdã svura).

9. La Wënd la sën tũmd sebdā ti b rāmbd sawat ti Tõnd peegd-b n kēngd tēn-koεngē n tall-a n vuug tēngā a sën ki poore, yaa woto bal la kũ-rāmb vuugrā.
10. Ned ning sën yi n dat zislem, ad zislemā gill yaa Wënd soolem, Yē nengē la gom-sōma wā ruvda; la tvum-sōngo A zēkd-a-la yīngri. La sën rabsd-b raba-wēnsā, naong sën yaa kegeng be b yīnga, b raba wā me na n sāmame n ka tall yōod ye.
11. La Wënd naana yāmb ne sën yi tomē, rē poorē ne sën yi yīn-koomē, rē poorē t'A maan yāmb yīb-yiibu, rao la paga, la pag ka be sën na n ruk puḡa, bi a rogdame, rēndame t'A mii tiiri. Bõn-naandg ka be sën na vum n paas ba bilfu, bi a vumā booge, rēndame ti ra gvlsa sebr puḡē. Ad rēnda yaa naana wvsg ne Wēnde.
12. La moag a yībā ka wõnd taab ye, yāoā (koomā yaa noogo, n sakd yūubu, t'a to wā (koom) yaa yamsem liga. Yāmb rita nem-bugs sën yit b yībā fāa puḡē, la y yiisd nagem-teoog n yelgdē; ti fo yāt koglbēdā ti b wedgd n teesdē, buv yīng la yāmb bao sën yi Wënd yudlemā, ti sānd-sānde yāmb na pēge.
13. A kēesda yvng wīndg puḡē la A kēesd wīndg yvng puḡē, la A nom wīntoogā la kiuugā ti yenkām fāa zoet n na n tāag sasa sën yāk ti beē. Yē la Wënd sën yaa yāmb Soabā, naamā yaa Yē n so, la yāmb sën boond-b rāmb zēng sën ka Yē wā ka so ba zūuf vuug meng ye.
14. Yāmb sā n bōosd-b me, b ka wvmd yāmb ye, b sā n da wum me, b ka na n deeg yāmb yīng ye. Yīkrā raarā b na n kusa yāmb lagem-n-taarā b yīngā. Kõn kō foom kiba-turg n yud minim tēng-n-biig ye.
15. Yāmb a nebā! Yāmb la tvlsem-dāmb ne Wēnde, la Wēnde, Yē la Sekm-meng Soab n yaa pēgr Naaba.
16. A sā n data A loogda ne yāmb la A wa ne bõn-naands paala.
17. Woto pa yi n yaa toog ne Wënd ye.
18. La bõn-naadg ka tvkd bõn-naandg taag yel-wēng ye, la yel-wēnd soab sā n bool ti b sōng-a n tvke, b ka sōngd-a n tvk būmb ye, ba ti yaa rog-pēta. Ad fo sën bugsdā yaa neb nins sën yeεsd b Soabā ba ne b sën ka yā-A wā la b yalsd Puvgā. Sën yvlgd-a a menga, a tvma a meng yīng bala, la yaa Wënd nengē la lebgrā zīiga.
19. La zoang ne nin soab ka ya wa taab ye.
20. La ligs la vēnem me ka ya wa taab ye.
21. La maasem ne pems-tvuleg me ka ya wa taab ye.
22. La vutb la kums ka ya wa taab ye, ad Wënd wvmsda A sën dat soaba, la fo ka tōe ti sën be-b yaadē wā wum ye.

23. Fo ka yī, rēnda bugsd bala.
24. Ad Tōnd tuma foom ti f yaa sū-noaagd la bugsdā, la zāma ka zīnd sēn loog rēndame ti bugsd zīnd b pūgē.
25. La b sã n yags foom, sūd la hakuka, sēn deng-b bāmb taorā me yagsame. B tēn-tvumbā waa b nengē ne yel-vēenese, la seḅ toor-toore, la sebr sēn yaa vēenem.
26. Rē poorē ti Tōnd yōk neb nins sēn kīfl-bā, la Tōnd sābsgā yu wān-wāna?
27. Fo ka yā ti Wēnd sika koom ti yi saasē wā ti Tōnd tall-a n yiis ti-biis kōbg sēn yōs taaba. Bee tāmsā pūgē, soay sēn yaa miid la pēl ti b kōbgā yōs taaba, la soay sablem sēn tar pānga.
28. La nebā pūgē, la bōn-yānemdi wā, la rūm-mugsā me pūgē, kōbg yōsa taaba me woto. Ad sēn yæesd-b Wēnd A yembsā pūgē, yaa bāngdbā bala, ad Wēnd yaa Zısg n yaa Yaafda.
29. Ad neb nins sēn karemd Wēnd Sēbrā la b yalsd Puvsgā la b yākd Tōnd sēn dılg-bā n maand neer ne solgr la vēenegā, b tēda tolḅ sēn ka na n bōn ye.
30. Buḅ yīng la A rol-b b keorā la A paas-b sēn yi A yudlemē wā, ad A yaa Yaafd n yaa bark Puvsd.
31. La Tōnd sēn tūus būmb ning n sikd fo zug sēn yi sebrā pūgē wā, yē la sūdā n sūdgd sēn deng yēnda taorā.
32. Rē poorē Tōnd ledsa Tōnd sēn tūus-b rāmb D yembsā pūgē wā sebrē wā. Be b pūgē sēn yaa wēg-m-meng rāmba, be b pūgē sēn maand ti zemes soab, be b pūgē wā me sēn yaa bōsd ne yel-sōama tvvma, tū ne Wēnd raabo, rē la yudlem kēengā.
33. Yaa Adan Arzān zagsē wā la b kēeda, b yeelgd-b-la zūy sēn ya sānem la lv'lv' zūyā, la b fut a pūgē yaa Harure.
34. La b yeele: "pēgr be ne Wēnde, sēn loog-a ne sū-sāngā n bas tōndā, ad tōnd Soabā yaa Yaafd n yaa Pēgr Naaba.
35. Sēn sik-a tōnd zīndg Zakē ne A yudlemā, paab zakē, yaams ka paamd tōndo, bāag me ka paamd-d be.
36. La sēn kīfl-bā, Gehannam be b yīnga; b pa tolgd n kv-b ti b ki n paam n vuvse, b leb n ka woogd b naongā me. Yaa woto bal la Tōnd rond kīfr buudā fāa.
37. La bāmb be a pūgē n kaasd n yetē: "d Soaba! Yiis-d ti d na tvm tvvm-sōama sēn yōsgd ne tōnd sēn da yī n tvmdē wā" .Rē yīnga Tōnd ka woglg yāmb yōyā ti sek ned ning sēn dat tēegre, ti bugsdā me wa yāmb nengē? Bı y lemd naongā, ti sōangd ka be wēgdbā yīng ye.

38. Ad Wënd yaa saas la tēng yel-soalem Mita, ad Yē yaa bāngd ne sēn be sūyē wā.
39. Yē la sēn maan yāmb ti y ya lēdsdb tēngā zugu, rēnd sēn kɪfl-a, yē soab kɪflg bee ne-a, la kɪflgā ka paasd-b sã n ka gēeg b Soabã nengē, la kɪflgā ka paasd-b rēnda bōne.
40. Yeele: "yāmb yāa yāmb lagem-n-taas nins yāmb sēn kot-b rāmb zēng sēn ka Wëndã kō-y Maam kɪbar wε? Bōe la b naan tēn-gāongā zugu? Bɪ b tara lagem-n-taar saasē wā? Bɪ Tōnd kō-b la sebr ti bāmb tar tikr a pugē, ka woto ye, ad wēgdbā ka pɪvmd taab rēnda belg-m-meng bala.
41. Ad Wënd n gāt saasã la tēngā ti b ka lɪutē ye. Sã n be lɪus ti b na n lɪɪ, Wënd sēn yāk A toogo, ned a to ka be sēn na n gād-b ye.
42. La b wēen ne b pāngā fāa tek ne Wënd ti bugsd sã n da wa bāmb nengē fāa, b rag n na tēeg turg n yud zāma a yembrã; bugsdã sēn yaool n wa wa b nengē wā, ka paas-b rēnda zoe-n-lak bala.
43. Waoog-m-meng maaneg tēngā zug la wēnem raba bal yīnga; la wēnemã raba ka paamd rēnda a rāmbã bala. Rē yīnga bāmbã gūudame ti ka rēnem dāmbã yellã sēn baas to-to wā? La fo kōn tol n paam Wënd manesmã teong ye.
44. Rē yīnga bāmb ka na n kēn tēngā zug n ges sēn deng-b bāmb taorã baasg sēn yɪ to-to? La b ra yuda bāmb ne pāng keelem. Wënd ka yɪ n kong pāng ne būmb ba fɪɪ sēn be saasē bɪ tēng zug ye; ad Wënd yume n ya Bāngd n ya Tōeta.
45. La Wënd sã n da yōkdē nebã ne b sēn tɪmã, A kōon n basē bōn-yānemdg tēngā poor zug ye, la sēn be bala yaa t'A yaoond-b lame n na tāag sasa sēn yāk ti beē; ti b sasa wā sã n wa ta, ad Wënd yume n yaa nenem Soab ne a yembsã.

36. Yasun *

Ne Wënd yuvrā barka, sēn yaa yols yaleng Soabā, n yaa Yolsdā, la d sungd d tuvmdā.

1. Yaa Sun¹
2. M wēen ne Alkvrāanā sēn bu n manegā.
3. Sīd la hakuka fo bee tēn-tvumbā pugē.
4. N be so-turg zugu.
5. N ya wilb Naabā sikri, sēn yaa yolsg Naabā.
6. Bvul yīng ti f bugs neb b sēn pa bugs b baab-rāmba, ti bāmb yaa yam yaal-yaal rāmba.
7. Sīd la hakuka gomdā sīdga b wvsg fāa zugu, ti bāmb pa kōt sīd ye.
8. Ad Tōnd ninga b yubliē wā goala ti b tvg n teeg b lemā, ti b nensā nake.
9. La D ninga koak b taorā, la b poorē wā me koaka, n lud-b ti b pa neē ye.
10. La yaa a ye b zugu, fo bugs-b lame ma fo pa bugs-ba: b pa kōt sīd ye.
11. Ad fo sēn bugsdā yaa ned ning sēn tūud-a tēegrā, la a yaeesd Arrahmaan (yolsg) Naabā ne a sēn lillā fāa. Bī f noog a sūur ne yaafa la keoor sēn yaa bedre.
12. Ad Tōnd n vuvgd kū-rāmbā, la D gulsd būmb ning b sēn tvum ti reng taorā, la b vūunā, la būmbā fāa Tōnd tigim-a-la gaf vēeneg pugē.
13. La f ruk bilgr ne-ba, ne tēngā rāmba, wakat ning tēn-tvumbā sēn wa n wa-a wā.
14. Wakat ning Tōnd sēn wa n tvms neb a yiib b nengē, ti b yags b yiibā, ti Tōnd paas tāaben-soaba, ti b yeele: "Ad tōnd yaa b sēn tvms-b rāmb yāmb nengē".
15. Tī b yeele: "yāmb pa yī rēnda ninsalb bal wala tōndo, la Arrahmaan Naab pa sik baa fvī, yāmb pa yī rēnda yagdb bala".
16. Tī b yeele: "tōnd Soabā miime ti ad tōnd yaa b sēn tvms-b rāmb yāmb nengē",
17. 'La pa be tōnd zug rēnda taas vēeneg bala".
18. Tī b yeele: "wubd n paam tōnd yāmb yīnga, la ti yāmb sā n pa base, d na lob-y neer-neere, la naong sēn zabd na paam yāmba sēn yi tōnd nengē".

* Yasun (Yaasun svvra).

[1] Wënd n yud minim ne A sēn rat ne gvls-bi tōsdt-kāensā. La Gvls-bi tōsdt-kāensā, sēn be Svvr-kāensā baasgē wā, yaa sēn wilgd Alkvrāanā sēn komsd a gees-n-taasā, bala b geesa kifr-dāmbā ne Alkvrāanā, ti b kong n ka tōog n wa ne a buud ye, ti Alkvrāanā me -yaool n yaa sēn tui ne gombiis nins bāmb goamā sēn tuit ne wā, sēn yaa gvls-bi tōsdt bāmbā buudā, ti rēnda wilgd Laarab-rāmbā kongame n ka tōog n wa ne Alkvrāanā buud ye, n lagem ne bāmb n yud nebā ne zelem pekā, ti wilgdē ti Alkvrāanā a yaa sēn tvme ti yi Wënd nengē.

19. Tı b yeel: "yāmb wubdā bee ne-yā. B tēeg yāmb yīng (la y yet woto?). Pa woto ye! Yāmb yaa neb sēn yaa maan-n-zvug rāmba".
20. Tı rao yi tēngā yaang n wa ne yāgbo, n yeele: "mam neba! Tū-y tēn-tvumbā",
21. Tū-y neb nins sēn pa kot-b yāmb keorā, tı bāmb yaool n yaa kāndgdba.
22. La yaa bōe n tar maam tu m pa na n tū Soab ning sēn naan-a maamā, la yaool n yaa Yēnda nengē la b na n lebs yāmbā?
23. Rē yīnga m na gād soben-zēms sēn pa Yēnda, tı Arrahmaan Naab sā n tull maam ne wēnga, b sugsgā pa nafd maam baa fvı! B pa fāagd maam me.
24. Sıd la hakuka, wakat-kāngā m bee meneng sēn vēneg pvgē.
25. Ad mam kōo sid ne yāmb Soabā, bı y kelg-ma".
26. Tı b yeel-a -b sēn kv-a poorē-; "kē Arzānā". T'a yeele: " kato! Mam nebā sā n ra bāngē pa sāo,
27. Būmb ning mam Soabā sēn yaaf maamā la A naag maam b sēn waoog-b rāmbā pvgē"
28. La Tōnd pa sik a nebā zug tāp-biis (soddaas) sēn yi saasē b sēn kv-a wā poor ye. Tōnd pa yt n yaa sikdb me.
29. Pa yt rēnda Kaas-vuk bal tı bāmb yaa sēn ki.
30. Ad bōn be yembsā zugu, tēn-tvum buud pa wat b nengē rēndame tı b yt n yaand-a.
31. Rē yīnga, bāmb pa bāng tı sōor waoog Tōnd sēn halk zāma-rāmb sēn reng bāmb taore, tı b pa le tōe n legb n wa bāmb nengē.
32. La b yenkām fāa gilli, rēndame tı b na n waa ne-a Tōnd nengē.
33. La tagmas sēn na wilg bāmba, yaa tēng koεngā, Tōnd zvugd-a lame la D yiisd a pvgē bōn-beela, tı beenē la b rta.
34. La Tōnd maan a pvgē tamarv-tuse pvt la siba, la D pus ko-ninā tēnga pvgē.
35. Bvı yīng tı b na rı a biisā, la bāmb nusā sēn tvum būmb ninga. Rē yīnga b pa na n pvs barka?
36. Yılgemd be ne Naab ning sēn naan kōbgā gillā, sēn yaa tēngā sēn bulsdi la sēn yi bāmb mensē wā la būmb ning b sēn pa mi.
37. La tagmas sēn na n wilg bāmba, yaa yungā. Tōnd yiisda windgā a pvgē tı bāmb yaa sēn be likē.
38. La wīndgā zoetame n tvug a tablg zīigē, ad rēnda yaa wilb Naabā kordgo, minim Naabā kordgo.

39. La Kiuugā Tōnd kord-a-la ne sigb zīisi, hal t'a wa tvg n lebg wala tamar gīna wilā sēn kudge.
40. Pa segd ne Wīndgā t'a paam Kiuugā, yvngā me pa rengd wīndgā; la b fāa be wεng-vvugē n rugda.
41. La tagmas sēn na n wilg bāmba, Tōnd ruka bāmb baab-rāmbā koglpitgā pvge.
42. La D naan sēn wōnd rē n kō-ba, b sēn na zombe.
43. La d sā n da tollē, D bōrd-b lame, ti sōngd ka ne-b ye, ti b ka na n fāag-b me ye.
44. Sā n pa yolsg sēn yi Tōnd nengē yīnga la wum-noog n tvg n tāag wakato.
45. La b sā n yeel-ba "gūus-y būmb ning sēn be yāmb taorā la sēn be yāmb poorē wā ti sānd-sānde b na yols-yā".
46. La Aayar buud pa be sēn na wa b nengē, sēn yaa b Soabā Aayay rēndame ti b yī balldb n yi-a.
47. La b sā n yeel-ba: "yāk-y būmb ning Wēnd sēn kō yāmbā n nafe". Sēn kīfl-bā yeta sēn kō-b sīdā "tōnd na rīlg ned ning Wēnd sēn da na n rīlg a soab t'A sā n da ratē? Yāmb pa be rēnda meneng sēn vēneg pvge".
48. La b yetē: "yaa rabur la puleng-kāngā, ti y sā n togsda sīda?"
49. B pa koll d rēnda Kaas-vuk bal ti rik-ba, n mik ti bāmb ra zabda taaba.
50. Tī b pa tōe n kō sagelle, b pa lebg me n tvg b nebē wā.
51. Tī b fūvs Bargē wā, ti bāmb yaa sēn yit b yaadē wā n yāgd n tvgd b Soabā nengē.
52. Tī b yeele: "yaa tōnd wubdo! Ānd n yik tōnd d gāasē wā?" Yaa wāndā la Arrahmaan Naab sēn pulmā, la tēn-tvumbā togsa sīda.
53. Pa yī rēnda Kaas-vuk bala, ti bāmb fāa gill yaa b sēn na n wa ne Tōnd nengē.
54. La rūndā, b pa wēgd yōor ba fūi, la b pa rond-y me, rēnda būmb ning y sēn da yī n tvmdē wā.
55. Ad Arzān koambā, rūndā b bee wum-noog soagl puga,
56. Bāmb ne b pagb bee maasem pvsē, n be gāas zut n kīla.
57. B tara ti-biis a pvge, la b leb n tar b sēn rat fāa.
58. "Salaam" tīlgr koεg sēn yi Soab nengē sēn yaa Yolsda be ne bāmba.
59. La lak-y rūnda, yaa yāmb a nin-wēnse!
60. Rē yīnga M ra pa sagl yāmba, yaa yāmb Adam koamba, ti y ra tū a Sūtāanā? Tī ad a yaa be sēn vēneg ne yāmba.
61. La y tū Maam, wānde la sor sēn yaa turga.
62. La sīd la hakuka a menemsa yāmb pvge bōn-naands wvsgo, rē yīnga yāmb pa yī n paam yam?

63. Wānde la Gəhannem ning b sēn da yɪ n pʊlem yāmbā.
64. Kē-y-yā-a rūnda, yāmb sēn da yɪ n kifendē wā yīnga.
65. Rūnda D sēta b noyā tɪ b nusā gom ne Tōndo, tɪ b nāō seet būmb ning b sēn da yɪ n tʊmdē wā.
66. La tɪ Tōnd sā n da tullē, D naan n yēes b ninā, tɪ b reng taab sorē wā, la b na n yāa wān-wāna?.
67. La tɪ D sā n da tullē, D na n toeem b naanegā b zīisē wā, tɪ b pa tōe n kēnge, b pa tōe n lebg me.
68. La Tōnd sēn wogl-a soab yōore, D boogd-a-la naanegā wēengē, b pa tar yam la?.
69. La Tōnd pa wilg-a yul ye, la a pa sōmb ne-a me ye, a pa yɪ rēnda tēegr la Alkrāan sēn vēnege.
70. Bvul yīng t'a na bugs ned ning sēn ya-a vɪta, la gomdā sidg kifr-rāmbā zugu.
71. Rē yīnga bāmb pa yā tɪ Tōnd naana neema rūms n kō-ba, sēn yaa Tōnd Nus sēn tʊme, tɪ bāmb n so-ba?
72. La D nom-b n kō-ba. Be b pʊgē b sēn zombde, be b pʊgē me b sēn rite.
73. La b leb n tar nafa b pʊgē la bōn-yūudi, b pa na n pʊvs baaka?
74. La b gāda soaben-dāmb zēng sēn pa Wēnde, sānd-sānde b na sōng bāmba.
75. B pa tōe n sōng-b ye; pa rē meng ye, bāmb meng yaa tāp-biis (sodaase) n gūud-ba, la bāmb ne b rʊbsā yaa watba bugmeē wā.
76. Bɪ b gomdā ra wa sām fo sūur ye, ad Tōnd mii būmb ning b sēn solgdā la b sēn vēnegdā.
77. Rē yīnga ninsaal pa yā tɪ Tōnd naan-a lame ne mani, la a sēn yik n lebg tak-n-taar sēn vēneg soaba.
78. La a rik bilgr ne Tōndo, n yaool n yīm a naanegā; n yeele: " Ānd n tōe n vʊvg kōab tɪ b sā n kē bugdu?".
79. Yeele: "Soab ning sēn yēbg-a raēnemā n vʊvgd-a, la Yēnd n yaa mit ne naaneg fāa".
80. "Soab ning sēn maan-a bugum n kō yāmbā n yi tɪ-maasrē wā, tɪ yāmb yaa sēn vidgd ne-a".
81. Rē yīnga Soab ning sēn naan-a Saasā pa tōe n naan b bilgr sɪda? A toeeme! La Yēnda la naaneg tōog Soaba n ya Mita.
82. Ad A sā n rat būmbu, yaa A yeel-a bala: "yɪ" . T'a be yubē.
83. Rēnd yulgemd be ne Naab ning būmb fāa soolem sēn be A Nugē wā, la Yē nengē la b na n lebs-yā.

37. Aş-şaafaat *

Ne Wënd yuurā barka, sēn yaa yols yaleng Soabā, n yaa Yolsdā, la d sungd d tumdā.

1. M wēen ne Malēgs tedgdbā, rulg-rulgā.
2. La sēn tās-d-b Sawatā tās-g tekē n peegd-b n teesd Wënd sēn tollē.
3. La sēn karemd-b Tēegrā sēn yaa Wënd goamā.
4. Ad yāmb Soabā, a yaa a Yembre.
5. Saas la tēng la būmb ning sēn be b yībā suk Soaba, la Wīndg pukr zīis Naaba.
6. Ad Tond nagsa Dūni saagā ne faas-teed sēn yaa ādse.
7. La D leb n gūus-a n yi Svutāan fāa sēn yaa tōta.
8. B pa tōe n kelg yīngr rāmbā ye, b lobd-b-la wēeng fāa gilli.
9. Na zāag yīnga, la b le tar nong sēn ruumdi.
10. Rēnda ned ning sēn zaeeg-a zaeegr ti vleng sēn wit pvgl-a.
11. Bı f sok-b n gese, bāmb naanegā toolem n yud bı? Bı yaa būmb ning Tōnd sēn naanā? Ad Tōnd naan-b lame ne tād sēn yaa tabende.
12. Pa woto ye, fo maanda yel-solemd ti bāmb yaandē.
13. La b sā n tēeg-ba, b pa tēegd ye.
14. La b sā n yā yel-solemde, la b sēn boond taab n yaandē.
15. La b yeel yā: "yāoā pa yı rēnda tum sēn vēnege".
16. B yeelame: "rē yīnga tōnd sā n ki n lebg tom la kōaba, b na leb n vuvv tōndo?"
17. La tōnd saam-rēemsā fāa?"
18. Yeele: "n-ye". Tı yāmb yaa b sēn faag-b rāmba.
19. Ad a yaa tās-vuk bal ti bāmb yaa sēn gete.
20. Tı b yeele: "yaa tōnd wubdo! Yāoondā yaa rolbā raare.
21. Yāoā yaa welgr raar ning yāmb sēn da yı n yagsdē wā".
22. Tigim-y b rāmb nins sēn wēgbā, b pagbā la būmb nins b sēn da yı n tūdē wā.
23. Zēng ti pa Wēndā, bı y kāag-y-b n tug Bugmā sorē.
24. La y yals-y-ba, ti b na n sok-b lame.
25. Yaa bōe n tar yāmb ti y pa sōngd taaba?.
26. Pa woto ye, bāmbā rūnda, b yaa sak-n-tū rāmba.
27. Tı b sānda togl sānda n sogsd taaba.
28. N yetē: "ad yāmb ra yume n wat tōnd nengē ne pānga".
29. Tı b yeele: "yāmb pvs n ra pa yı n yaa sūd-kōtb ye".

* Aş-şaafaat (Tedgdbā sūra).

30. La tōnd ra pa tar ba pāng yāmb zug ye, yāmb pvs n ra yu neb sēn yaa kēdgdba.
31. Tōnd Soabā gomd sīdga tōnd zugu, ad tōnd yaa (naongā) lembdba.
32. Tı tōnd kedg yāmba, ad tōnd yume n yaa kēdgdba.
33. La raar-n-kāngā, b fāa yaa lagem-n-taas naongā pvgā.
34. Ad tōnd yaa woto bal la D tum ne nin-wēnsā.
35. Ad bāmb ra yume ti b sā n yeel-ba: "soab kae sā n pa Wēnde". La b sēn maand waoog-m-menga.
36. La b yetē: "rē yīnga tōnd yaa d soben-dāmbā basdba, yun-yuund sēn yaa gāeeng yīnga?".
37. Pa woto de! A waa ne sīd la a sīdg tēn-tvumbā.
38. Ad yāmb yaa naon-zabdgā lembdba.
39. La b pa rond yāmb rēnda yāmb sēn ra yı n tvmdē wā.
40. Ralla Wēnd yembs nins b sēn tilgā.
41. Bāmb rāmb n tar rıtl b sēn mi.
42. Sēn ya ti-biisi, ti bāmb yaa b sēn waoog-b rāmba.
43. Tı b be Neema arzān-rāmbā pvsē.
44. N be gāt zutu, n togl taaba.
45. Tı b gilgd b zut ne ko-tees sēn yaa yolgmd wa la ko-nifri.
46. Pæelg fudd n yaa noog ne a yūudba.
47. Suub ka a pvgē ye, a pa zab b zutu.
48. La b tara pagb sēn ya ges-koees rāmba, n ya pvg-need nin sēn yalme.
49. B yaa wala gel sēn gūusi.
50. Tı b sānda togl sānda n sogsd taaba.
51. Yet n yeel b pvgē wā : "ad mam ra tara zao.
52. T'a ra yetē: "rē yīnga fo lagma sīd kōtbā bı?".
53. 'Tōnd sā n ki n lebg tom la kōaba rē yīnga tōnd yaa b sēn na n rol-b rāmb bı?"
54. Tı sīd-kōtā yeel tūud-n-taasā sēn be Arzēna: "rē yīnga yāmb pa na n wa ti d lik n ges a sēn maanega?"
55. T'a lk n yā-a Bugmā svka.
56. T'a yeele: "m wēen ne Wēnde, fo ra na n halkē-la maam,
57. La sā n ka mam Soabā neema wā yīngā, m ra na n zīnda b sēn wa ne-b rāmb bugmē wā.
58. M mi ti tōnd a Arzēn koamb pa kiidb la?.
59. Rēnda d kūrāeengā? Tōnd pa b sēn na n nams-b rāmb me ye?.
60. Ad woto la pvt-bedre.
61. Bı tvum-tvumbā tvme, woto bilgr paang yīnga.

62. Señ togs ti loogã, yẽ la sigb zĩig sōama sẽn yud bı yaa zakvum tugã (tuk sẽnego) ?.
63. Tõnd naan-a lame t'a yaa zarbg-n-gesg ne wẽgdbã.
64. Ad a yaa tug sẽn yit Bugmã yẽgrẽ.
65. A bĩisã yaa wala Svıtãams zutu.
66. La bãmb na n rı-a lame n pids-a b pvsã.
67. Rẽ poorẽ b tara bõn-yũudi sẽn gẽdg ne ko-tvulg n na n paas a zugu.
68. Rẽ poorẽ ad b lëbeng zĩig yaa Bugmẽ wã.
69. Ad bãmb mika b saam-dãmbã ti b yaa menemdba.
70. Tı bãmb yaa sẽn zoet n wurd b vũunã tũub zugu.
71. La sıd la hakuka rãeenem-rãmbã wvsg sẽn reng bãamb taoor menmame.
72. La sıd la hakuka Tõnd tvmsa bugsdb b pugẽ.
73. Bı f ges b sẽn bugs-b rãmbã baasg yu wãn-wãna?
74. Ralla Wënd yembs nins b sẽn tilgã, (bãmb na n põsa nangã).
75. La sıd la hakuka a Nuuh boola Tõnd, la sakdb sakr sẽn be neer n yud yaa Tõndo.
76. La D tulg-a-la ne a zakã rãmb n yi naon-bedrã.
77. La D maan a koambã ti bãmb la kelldba.
78. La D bas ti b na n wa gomd a yell yaolem rãmbẽ wã.
79. Tulgr be ne a Nuuh bõn-naandsã pvga.
80. Ad yaa woto bal la Tõnd rond manegdbã.
81. Ad a yaa Tõnd yembs nins sẽn ya sıd-kõtã a yembre.
82. Rẽ loogr poorẽ ti Tõnd na n bõr neb a taabã.
83. La a [braahum yume n dik a sorã n ya-a yãaga.
84. Wakat ning a sẽn wa a Soabã nengẽ ne sũur sẽn yılge.
85. Wakat ning a sẽn wa n yeel a saambã la a zãma wã: "yaa bõe la yãmb sẽn tũudã?"
86. Zĩri soben-dãmb zẽng sẽn pa Wënd la yãmb rata?
87. La yãmb tẽeda wãn-wãn ne bõn-nãandsã Soabã, ti sã n sega ne lagm-n-taare?
88. T'a nak n ges ãdsẽ wã.
89. N yeel-ba: "ad mam yaa bãada".
90. Tı b ball n yi-a n gũd b kuidsi n looge.
91. T'a zãoos n kẽng b soben-dãmbẽ wã, n yeel: "yãmb pa rt laa?".
92. Bõe n tar yãmb ti y pa gomda?"
93. T'a loog n ta n pãbd-b ne ritgo.
94. Tı b togl n wat a nengẽ ne yãgbo.

95. T'a yeele: "yāmb tūda būmb ning yāmb sēn peesdā"
96. Tı Wēnd n yaool n naan yāmb ne būmb ning yāmb sēn tūmdā?
97. La b yeelyā: "me-y wulg a yīnga, n lobg-a bugmā puga".
98. Tı b tuls-a ne wēnga tı Tōnd maan tı bāmb la bōna rāmba.
99. T'a yeele: "ad mam yaa loogda n tvg m Soabē nengē, A na n kāndga maam".
100. Foom m Soabā! Kō maam bi-sōngo.
101. Tı Tōnd noog a sūuri ne bi-ribl (lma-ūl) sēn yaa sugr soaba.
102. La a sēn wa n bi, n ta sōng-a sāambā n tvm wakatā, a (lbraahum) yeelame: "m biig sōngo, ad mam yāta gōeem pugē n kodgd foom, bi f gese fo tagsg yaa wān-wāna?" T'a yeele: yaa m baaba sōngo, maan b sēn sagend-fā tı Wēnd sā n sake, f na n mika maam tı m lagma sugr rāmbē".
103. B yiibā fāa sēn wa n sak n reeg b zugē, t'a gāneg-a a yegdgē wā.
104. Tı Tōnd boaal-a: "yaa foom lbrahuma!"
105. Sıd la hakuka fo sıdga zāmsdā", yaa woto bal la Tōnd rond manegdbā.
106. Ad wānda la zarb-n-gesg sēn vēnege.
107. La Tōnd tēdg-a lame ne bōn-koadgdg sēn bedme.
108. La D bas tı b na n gomd a yell yaoolem rāmbē wā.
109. Tulgr be a lbraahum yīnga.
110. Yaa woto bal la tōnd rond manegdbā.
111. Ad a yaa Tōnd yembs nins sēn yaa sıd-kōtbā a yembre.
112. La D noog a sūur ne a lshaaka t'a yaa nabiyaam n yi nin-sōmsē wā.
113. La D bark-a (lsmā-ūl) la a lshaaka. Be b yiibā koamb pusē, manegd la wēg-m-meng soab sēn vēnege.
114. La sıd la hakuka Tōnd maana neema a Musa ne a Harvvn zugu.
115. La D tulg b yiibā la b yiibā neb n yi naon-bedrā.
116. La D sōng-b tı b yı n yaa bāmb la windba.
117. La D kō b yiibā gaf vēnega.
118. La D kāndg b yiibā n tvg so-turga.
119. La D bas tı b na wa gomd b yiibā yv-noogo yaoolem rāmbē wā.
120. Tulgr be a Musa ne a Harvvn yīnga.
121. Ad yaa woto bal la Tōnd rond manegdbā.
122. Ad b yiibā yii Tōnd yembs nins sēn yaa sıd-kōtbā pugē.
123. La sıd la hakuka a lyaas bee tēn-tvumbā pugē.
124. Wakat ning a sēn wa n yeel a nebā: "yāmb pa zoet Wēnde?".
125. Yāmb tūda a Baal (rvbga) la y basd Naand sēn yud a ne sōmblem,

126. Sēn yaa Wēndā, yāmb Soabā la yāmb baab-rāeemsā Soabā?
 127. Tı b yags-a. Ad bāmba yaa b sēn na n wa ne b rāmba.
 128. Ralla Wēnd yembs nins b sēn tilgā.
 129. La D bas tı b na n wa gomd a yv-noogo yaolem rāmbē wā.
 130. Tulgr be ne a llyaasun yīnga.
 131. Ad yaa woto bal la Tōnd rond manegdbā.
 132. Ad a yaa Tōnd yembs nins sēn yaa sūd-kōtbā a yembre.
 133. La sūd la hakuka a Luut bee tēn-tvumbā puga.
 134. Wakat ning Tōnd sēn wa n tilg-a ne a zakā rāmb gilli.
 135. Ralla pvg-yāang n pa halkrā pvgē.
 136. Rē loogr poorē tı Tōnd na n halk sēn ket-bā.
 137. La sūd la hakuka yāmb puvvgd-b-la yibeoogo.
 138. La yvngo, yāmb pa tar yam la?
 139. Sūd la hakuka a Yuunus bee tēn-tvumbā puga.
 140. Wakat ning a sēn wa n zoe n kēng kogl pitgā puga.
 141. Tı b maan poeere, t'a zīnd b sēn wil-b rāmbā pvgē, (ti b lu-ba mōgrē wā).
 142. Tı zīnfā vel-a, tı yē yaa b sēn sābs-a soaba.
 143. La tı sā n pa a sēn yı n lagem sēn yulg-b Wēnd yuvrā.
 144. A naan n zīndē a pvgē wā n tāag b sēn na n yik-b raarā.
 145. Tı Tōnd lob-a weo-raoogē wā t'a yaa bāada.
 146. La Tōnd buls tug a yīnga, tug sēn tāo tēnga.
 147. La D tvms-a neb tus-koabg nengē pvs n yuda rē.
 148. Tı b kō sıda, tı Tōnd wvms-b noog n tvg wakato.
 149. Bı f sok-b n gese, fo Soabā n so kom-pugli wā tı bāmb n so kom-ribli wā?
 150. Bı Tōnd naana Malegsā tı yaa pagba, tı bāmb yı kaset-rāmbā?
 151. Yaa sıda, ad bāmbā, b zīri wā yīnga b yetame:
 152. "Wēnd rogame". La sūd la hakuka ad b yaa pv-yagdba.
 153. Rē yīnga kom-pigli la A tūus n bas kom-ribli?
 154. Yaa bōe n tar yāmb tı y buvd woto?
 155. Yāmb pa tagsd la?
 156. Bı yāmb tara daliil sēn yaa vēenega?.
 157. Bı y wa ne y gafā, tı y sā n da n yume n yaa sūd-rāmba.
 158. La b maan rogem n ning Yēnda ne Malegsā svka. La sūd la hakuka malegsā bāngame tı ad Wēnd na n waa ne lagm-n-tacara rāmba n geel-ba.
 159. Yulgemd be ne Wēnde n yi būmb ning b sēn bilgdā.

160. Rēnda Wēnd yembs nins b sēn tūlgā.
 161. Ad yāmba, la būmb ning yāmb sēn tūudā.
 162. Yāmb pa yī n tōe menemes ned n yī sīda sor ye,
 163. Ralla ned ning sēn yaa Bugmā kēeda.
 164. La malek ba a ye pa be tōnd sūka rēndame t'a tara yalsg zīig b sēn mi.
 165. La sūd la hauka Tōnd la tēgdgba, (Wēnd tūuba pvgē).
 166. La sūd la hakuka Tōnd la yūlgdba.
 167. La b ra yume n yetē:
 168. "Tōnd sā n da tarē-la tēegr sēn yī rēenem rāmbē wā.
 169. D rag n na yī Wēnd yembs nins b sēn tūlg-ba".
 170. Tī b kifl ne-a, la b na wa n bānge.
 171. La sūd la hakuka Tōnd gomd rag n reng a taoore, Tōnd yembs nins sēn ya-b tēn-tūmbā yīnga.
 172. Tī ad yaa bāmb n na n paam sōngrā.
 173. La ad Tōnd tāp-biisā (sodaasā) bāmb la windbā.
 174. Bī f ball n yī-ba n tūg n tāag wakato.
 175. La f koll-b tī b na wa n yā.
 176. Paa Tōnd naongā la b yāgd n baoodē la?
 177. La a sā n wa sig b samandē wā, b sēn bugs-b rāmb yibeoog yī wēnga.
 178. Bī f ball n yī-b n tūg n tāag wakato.
 179. La f koall-b tī b na wa n yā.
 180. Fo Soabā yūlgame, sēn yaa zūsem Soabā n yī būmb ninga b sēn bilgdā.
 181. La tūlgr be ne tēn-tūmbā.
 182. La pēgr be ne Wēnd sēn yaa bōn-naandsā Soabā.

38. Şaad *

Ne Wënd yuvrā barka, sēn yaa yols yaleng Soabā, n yaa Yolsdā, la d sungd d tuvmdā.

1. Şaad,¹ m wēen ne Alkvrāanā sēn yaa tēegrā, (ad yellā pa wa kifr-dāmbā sēn tēed ti lagm-n-taase n be ne Wēnda ye).
2. Pa woto ye! Sēn kɪfl-bā bee waoog-m-meng la yōs-taab puga.
3. Zamaan-rāmb sōor waoog Tōnd sēn halk sēn reng bāmb taore, ti b moon n boole, la pa le yaa pōsg wakat ye.
4. La b (Mak-rāmba) maan yel-solemd ne bugsd sēn n wa bāmb nengē, n yi bāmb pvgē, ti kɪfr-dāmba yeele: "yāoā yaa tum soaba, n ya puyagda",
5. A maana soaben-dāmbā ti lebg soab a yembre? Ad yāoā yaa yell sēn yaa yel-solemd tekē".
6. Tɪ b zu-raadā yi n yeele: "kell-y n kēng bala, la y maan sugr ne y soaben-dāmbā, ad yāoā yaa yell b sēn rat n yōk yāmb ne-a n wilyā,
7. Tōnd pa wvm yāoondā diin-rāmba taabā pvgē ye, yāoā yaa yel-nangdt",
8. Yē zug la b sik tēegrā (Alkvrāaa) tōnd svka?" Pa woto ye, b bee sāmbs pvgē ne Mam tēegrā. Pa woto ye, b na n pa lemb Mam naongā ye.
9. Bɪ fo Soabā yoslgā baoā bee bāmb nengē, sēn yaa wilb Naabā, n yaa kōtā?.
10. Bɪ bāmb soo saas la tēng naam la būmb ning sēn be bāmb b yiibā svkā? Bɪ b rv a nengē ne b sēn tōe sor ning fāa.
11. Bambā yaa tāp sēn kong pānga wala sulā-rāmbā sēn reng taoor n kusā sēn kong pāng ti b tōogbā.
12. Taoor ti bāmb nan pa wa, a Nuuh nebā la a Aad, la a Fır-Aoon sēn yaa bayā soabā yagsame.
13. La a Samuud, la a Lvut nebā, la tusā rāmb (A sv'ayb nebā) me yagsame, bāmbā la sula rāmba,
14. Bāmb yembr fāa pa yɪ rēndame t'a yagsa tēn-tvumbā, ti Mam naongā sidg b zugu.
15. La bāmbā rāmbā pa gvudi, ralla kaas-vuk bala, sēn pa tar yilenga.

* Şaad (Saad svura).

[1] Wënd n yud minim ne A sēn rat ne gvls-bi tōsdt-kāensā. La Gvls-bi tōsdt-kāensā, sēn be Svvr-kāensā baasgē wā, yaa sēn wilgd Alkvrāanā sēn komsd a gees-n-taasā, bala b geesa kɪfr-dāmbā ne Alkvrāanā, ti b kong n ka tōog n wa ne a buud ye, ti Alkvrāanā me -yaool n yaa sēn tui ne gom-biis nins bāmb goamā sēn tuit ne wā, sēn yaa gvls-bi tōsdt bāmbā buudā, ti rēnda wilgd Laarab-rāmbā kongame n ka tōog n wa ne Alkvrāanā buud ye, n lagem ne bāmb n yud nebā ne zelem pekā, ti wilgdē ti Alkvrāanā a yaa sēn tvme ti yi Wënd nengē.

16. La b yeel yā: "yaa tōnd Soaba! kō tōnd d pūrā tao-tao ti Geelgā Raar nan pa ta ye".
17. Maan sugr ne b sēn yetā, la f tēeg Tōnd yamb a Dawvud sēn ya pāngā soabā, ad a yaa lebs-m-meng soaba.
18. Tōnd noma tāmsā ti b lagem-a n yulgd Wēnd zaabr la yibeoogo.
19. Ti liuuli wā yaa sēn tigmi, b fāa gill yaa sēn lebs b mens Wēnd nengē n pugd a Dawvuda.
20. La Tōnd kenga a naamā, la D kō-a buvd-minim la goam welgre.
21. La zabd-n-taasā kıbar waa fo nengē bi? Wakat ning b sēn wa n kal a tūudmā zīig lalgā n kē wā.
22. N kē a Dawvud nengē, t'a yaeese, ti b yeele: "ra yaees ye, tōnd yaa zabd-n-taas a yiibu, tōnd ned a yembr n wēg a to. Bi f bu tōnd svk ne sid la f ra maan n zvug ye. Kāndg tōnd n tvug sor-turga.
23. Ad yāoā yaa mam saam-biiga, a tara pe-yāams pis-wae la a wae, ti mam tar pe-yāang a ye, la a yeel-yā: "kō-a maam ti m lok" . La a wila maam goamā pugē.
24. T'a (Dawvud) yeele: "sid la hakuka a wēga foom ne a sēn kos fo pe-yāangā n na paas a pe-yāamsā, la tvmd-n-taarā rāmb wvsg fāa, sāndā wēgda sāndā, rēnda rāmb nins sēn kō sid la tvmd sēn sōmbā, la bāmb rāmb paooda". La a Dawvud tēegame ti Tōnd zarb-a lame n na n gese yel-kānga pugē, t'a kos yaafa ne a Soabā, n lvi n pōond n lebs a meng Wēnd nengē.
25. Ti Tōnd yaaf-a, rēnd a tara zīig sēn zēk Tōnd nengē la lebeng zīig sēn be neere.
26. Yaa foom Dawvuda, Tōnd ninga foom ti f yaa lēdsd tēng zugu, bi f bu neba ne taab svk ne sida, la f ra tū f yōor yamleog t'a wa menems foom n yi Wēnd sorā zug ye. Ad neb nins sēn menemd n yit Wēnd sorā, b tara naong sēn keeme b sēn yīm Geelgā Raarā yīnga.
27. La Tōnd pa naan saagā ne tēngā la būmb ning sēn be b yiibā svkā zaalem yīng ye, woto la sēn kıfl-bā tēeda, la wubd be ne neb nins sēn kıflā.
28. Tōnd na maan sēn kō-b sid la b tvmd sēn sōmbā wala sāmdbā tēngā zugā sida? Bi Tōnd na maan wēn-zoetbā wala nin-wēnsā?.
29. Yāoā yaa bark gafo ti Tōnd sika fo nengē, buul yīng ti b na tags n ges a aaya-rāmbā, la sēn na yulē ti yam-beel rāmbā tēege.
30. La Tōnd kōo a Dawvud a Suleyman, ad yaa yamb-sōng tekē! A yiime n ya lebs-m-meng soaba.

31. Wakat ning b sên wa n tedg a nengê wed-zoets sên be neere, zaabr sasa.
32. T'a yeele: "mam buv arzeka (wiidi wã) nonglem n yud m Soabã yuvr tēegr hal ti wīngã wa tvg n lvi.
33. Lebs-y-b mam nengê, t'a saagd b karsã la b yubli wã.
34. Sıd la hakuka Tõnd zarba a Suleymaan n na n gese, n lobg svtãan a zaoorê wã, t'a maa-a mengã wala ned; n tal naama wakat bilfu, rê poorê ti naama lebg n wa a nengê, ti Wënd kō-a pãng zīnd-dãmbã zugu.
35. A yeelame: "yaa m Soaba! yaaf-ma, la f kō-m naam sên pa sōmb ne ned ba a ye mam poorê ye, ad Foom la kũun Naaba".
36. Tı Tõnd nom sebgã n kō-a t'a zoet bug-bug ne a sagelle, a sên rat zīg ning fãa.
37. La Svutãambã, ti b yaa metb la yēedba.
38. Tı sãnda sên wegma, bãm yaa sên sēb ti b lagem taab bæensã pvğê.
39. Wãndã yaa Tõnd kũuni, bu f kō ma f gãde, ti geelg ka be ye.
40. La a tara zīg sên zēk Tõnd nengê la lebg zīg sên be neere.
41. La f tēeg Tõnd yamb a Ayvub yelle, wakat ning a sên wa n bool a Soabã n yeele: "A Svutãan bolga maam ne yaams la naongo".
42. "Tīng ne f naoorã, ti wãndã yaa pekr zīg sên maas la yũubu".
43. Tı Tõnd kō-a a nebã, la b buud n lagem-ba, ti yaa yolsg sên yi Tõnd nengê la tags-n-gesg ne yam-bæel rãmba.
44. (A sên wa zab ne a pagã n wēen t'a na pã-ba sãbg koabgã, Tõnd yeel-a lame): Yãk mo-kill ne f nugã n pãb ne-a la f ra yidg f wēenegã ye, la Tõnd mik-a lame t'a yaa sugr soaba, ad yaa yamb-sōng tekê, a ra yume n ya lebs-n-meng soaba.
45. La tēeg Tõnd yembsã a |braahum la a Ishaaka, la a Yaakuub yelle, sên yaa pãng rãmb la pv-tēer-rãmba.
46. Tõnd welg-b lame ne laahrã tēegr bala.
47. La ad Tõnd nengê, b bee b sên tũus-b rãmbê wã sên yaa nin-tũusdbã.
48. La f tēeg a |smaa-ul yelle, la a Ya-sa'a, la a Zvlkɪfl, b gillã been nin-tũusdê wã.
49. Yãoã yaa tēegre, la ad wēn-zoetbã tara lebg zīg sên be neere.
50. Arzãn ruumds pvğê, ti rag-noe wã yaa sên pak bãmb yīnga.
51. Tı b kull a pvğê n boond (ti b kō-b b yam) ti-biis wvsgo, la bõn-yũudi.
52. B tara ges-koes rãmba, pvğ-neebe sên yaa reem-n-taase.
53. Woto la b pulem-ba, Geelgã Raare.
54. Wãndã yaa tõnd rutla, pa tar saab ye.

55. Yaa woto, la kədgdbā me tara lebeng zīg sēn ya wēnga.
56. Gəhannem ti b kēed-a; gāag zīg yī wēnga.
57. Sā n ya woto, bī b lemb-a, ko-kaeedg la nod-meto.
58. La naong kōbg toor-toor sēn leb n wōnd woto.
59. Woto yaa zāma sēn na n sēdg n kē n lagem yāmba, beelg pa be ne-b ye, ad b yaa Bugmā kēedba.
60. (Tī kifr-dāmb ne taab) yeele: "yāmb zīg n pa be neer kae, yāmb n kēes tōnd a pvgē, rēnd tablg zīg yī wēnga".
61. b yeelame: "yaa tōnd Soabā! Ned ning sēn ya-a sabab n wa ne tōnd ka wā, bī F rogl-a naong n paas Bugmā pvgē".
62. La b yeele: "yaa bōe ti tōnd pa ne roap tōnd sēn da yī n tēed ti b yaa nin-wēense?"
63. Tōnd ruk-b-la ne yaalg bī yaa d ninā n pa ne-ba?"
64. Ad Bugum koambā zab-taabā woto wā yaa sid ti sik kabe ye.
65. Yeele: "ad mam yaa bugsda, la soab buud kae rēnda Wēnde, sēn yaa Soab-Yənga, n yaa Modgr Naaba"
66. Saas la tēng Soaba, la būmb ning sēn be b yīibā suka, n ya wilb Naaba, n ya Yaafg Naaba.
67. Yeele: "ad a yaa kiba-bedre,
68. Tī yāmb yaa balldb n yita.
69. Mam ra pa tar ba bāngr ne yīngr zāmā wā wakat ning b sēn wa n takd taabā ye.
70. B pa tums ti wa mam nengē, rallame ti mam yaa bugsd sēn vēnege.
71. Wakat ning fo Soabā sēn wa n yeel Maləgsā: "Mam na n naana yīng soaba, ne tāndo,
72. La M sā n wa maneg-a la M fvbv a pvgē wā Mam vumā, bī y lvi n maan-a suguudu".
73. Tī maləgsā fāa gill maan-a suguudu.
74. Ralla a [blus sēn waoog a menga, n lagem kifr-rāmbā.
75. A yeelame: "yaa foom a [blusa! Bōe n gidg foom ti f maan Suguud ne būmb ning Mam sēn naan ne M Nus a yīibā, f waooga f meng bī f yume n be zēk-m-meng rāmbē wā?"
76. A yeelame ([blus): "mam sāo-a lame, Fo naana maam ne bugum, la F naan yē ne tāndo".
77. T'A (Wēnd) yeele: " bī f yī [azrānā puga] bala fo yaa b sēn rig n zāag yolsgo!
78. La ad mam kāabg be fo zug n tāag Rolbā Raare".

79. T'a yeele: "yaa m Soaba! koll maam n ti tãag raar ning b sën na n nek nebã"
80. Tı [Wënd] yeele: "ad fo naaga b sën na n koll-b rãmbã.
81. Hal n ti ta raar Wënd sën mi.
82. T'a ([blus] yeele: "m wëen ne Fo zislemã, la ti m na raag-ba, b gilli,
83. Sã n pa Fo yembs nins sën yaa pɔ-peelem rãmbã".
84. T'A (Wënd) yeele: "yaa sɪda! La yaa sɪd bal la Mam yetã,
85. La ti M na pids Gëhannemã neer-neer ne foom la neb nins sën pɔg-b foomã gilli.
86. Yeele: "mam pa kot yãmb keoor a zug ye; la m pa yɪ me n yaa rogl-m-mens rãmb b sën pa tõe ye".
87. A (Alkvrãanã) pa yɪ rëndã tēegr ne bõn-naandsã.
88. La lak ti y na bãng Alkvrãana kɪbarã wakt bilf poor bala.

39. Az-zumar *

Ne Wënd yvvrā barka, sēn yaa yols yaleng Soabā, n yaa Yolsdā, la d singd d tuvmdā.

1. Gafā sigbā yii Wënd nengē sēn yaa wilb Naabā n yaa buvd Mitā.
2. Tōnd sika gafā n tuv fo nengē ne sīda, bī f tū Wënd ti f yaa sēn yulg dīinā ne-A.
3. Pa Wënd la dīin yuleng soab sīda? La neb nins sēn gād lall-n-taas ti pa yī ne-A wā yetame: "tōnd pa tūud-b rēnda b na tall tōnd n pēneg Wēnde, pēnegr sēn yude". Ad Wënd buvda bāmb ne taab svka, būmb ning pugē bāmb sēn yōs taabā. Ad Wënd pa kāndgd ned ning sēn yaa zīrimbe-ned n yaa kīfr ye.
4. La ti Wënd sā n da rat n na n yāk biiga, a na tūsē a sēn naandā pugē A sēn rate, yulgr be ne-A, Yēnda la Wënd sēn ya-a a Yembr n ya Modgdā.
5. A naana saasā la tēngā ne sīda, A kēesda yvngā wīntoogā pugē, la a kēesd wīntoogā yvngā pugē, la A nom wīndgā ne kiuugā, b yembr kam fāa zoetame n na n tāag wakat sēn yāk raare, ad Yēnda la wilb Naab n yaa Yaafda.
6. A naana yāmb n yi yō-yeng pugē, rē poorē n naan a pugē a pagā, la A sik kōbg a nīi n kō yāmba rūmsē wā. A naanda yāmb y ma-rāmbā pusē, naaneg toor-toor ligs a tāab pugē. Yāmb Wēn-kāng la yāmb Soabā, Yē n so naamā, soab kae ti pa Yē ye; la yaa wān ti b gōdg yāmba?
7. Yāmb sā n kīfle, ad Wënd sek a Meng n yi yāmba, la A pa yard kīflmā ne A yembsā ye. Y sā n puv barka, rē la A yard ne-a. Zi-tvkd fāa pa na n tvk a to zub ye. Rē poorē yāmb lebeng zīg yaa y Soabē wā t'A kō yā būmb ning y sēn da yī n tuvmdē wā kibare, ad A yaa Mit ne sēn be yāadē.
8. La keelem sā n paam ninsaala, a boonda a Soabā t'a yaa sēn lebs a mengā A nengē, rē poorē A sā n lebg n kō-a neema sēn yi A nengē (Wënd) a yīmda būmb ning a sēn da yī boond pīndā. La a maan wōnesem-taas ne Wënd sēn na yīl n menes (nebā) n yi A sorā, yeele: "wum noog ne f kīfendā bilf bal ti ad fo yaa Bugum neda".
9. La ned ning sēn yās ne tūudum yvng wakatse n yaa suguud maanda, n yaa yasda, n yaeesd laahrā la a tēed a Soabā yolsgo, yeele: "rē yīnga neb sēn mi-bā makda ne sēn pa mi-bā?". Ad yaa yam beelā rāmb n tagsd n getē.

* Az-zumar (Zāma-zāmā svvra)

10. Yeele: "yaa yāmb m yembs nins sēn kō sūda, zoe-y Soabā, yel-sōmb be ne neb nins sēn maneg dūni kāngā pūgā; la Wēnd tēngā yalmame, ad b pidsda sugrā-rāmb b keoor ti pa yi ne geelg ye".
11. Yeele: "ad maam, b sagl-m lame ti m tū Wēnde, ti m yaa sēn yulg dīinā ne-A,
12. B leb n sagla maam ti m yi luslaambā rēnem".
13. Yeele: "ad mam yaeesdame ti m sā n kus m Soabā, ra-kāsengā raar naongo".
14. Yeele: "Wēnd la mam tūuda ti m ya sēn yulg m dīinā ne-A.
15. Bı y tū būmb ning yāmb sēn rat ti pa Yēnda. Yeele: "ad bōndbā yaa neb nins sēn bōn b mens la b zags-rāmb dūni yikr raarā, ad rēnda la bōn vēenega.
16. B tara b zugē wā Bugum pala, la tēngrā me pal n be beenē, yaa rē la Wēnd bugsd ne A yembsā: "Mam yembsā! bı y zoe Maam".
17. La neb nins sēn zāag b mensā ne rıbsā n pa rat n tū-bā, la b lebs b mens Wēnd nengē wā, sū-noog be ne bāmba, bı f noog M yembsā sūuri.
18. Neb nins sēn kelgd-b gomdā n tūud a sēn yud sōmblemā, bāmb rāmb la neb nins Wēnd sēn kānde, la bāmb rāmb la yam bæel rāmba.
19. Ned ning namsg koεεg sēn sūdg-a soab zugu, rē yīnga fo tōe n pōsg sēn be-a Bugum pūga?
20. La neb nins sēn zoe b Soabā, bāmb rāmbā tara rot ti b yīngrā me be rot sēn me, ti ko-sood zoet b tēngre. Yaa Wēnd pıleno, Wēnd pas yıgdg pıleno ye.
21. Fo pa yā ti Wēnd sika koom sēn yi saagē wā, t'a kēes-a ko-ninē tēngā pūga, rē poorē t'a yiis kood t'a kōbgā yaa toor-toore, rē poorē t'a zelge, ti fo ne-a t'a yaa kōodre, rē poorē t'a maan-a t'a yaa sēn zendge, ad be rē pūgē, tēegr ne yam bæel rāmba.
22. Rē yīnga ned ning Wēnd sēn pak a yāoog ne luslaaong ti yē be nuura pūgē sēn yi a Soabē wā? Rēnd wıbd be ne sūy sēn kvı-b n yi Wēnd yıvr tēegre, bāmb rāmbā bee meneng sēn vēneg pūgē.
23. Wēnd sika goam sēn yud sōmblem, t'a (Aaya sānda) wōnd taab n yulembdē, ti neb nins sēn yaeesd b Soabā yīn-gānd sidgdē. Rē poorē ti b yīn-gāndā la b sūyā yōgendē n tvg Wēnd yıvr tēegre. Wāndā yaa Wēnd kāndgr t'A kāndgd A sēn rat-a soaba, la Wēnd sēn menemesd-a soab pa tar kandgd ye.

24. Rē yīnga ned ning sēn gūus a neng ne naon-wēnga dūni wā yikr raarā, a wōnda wala b sēn na n yeel wēgdbā: "lemb-y būmb ning yāmb sēn da yī n tūmdē wā".
25. Neb nins sēn reng bāmb taorā yagsame, ti naongā wa-b zīig ning b sēn pa tēede.
26. Tī Wēnd kīt ti b lem yānd dūni vumā pugē, la laahr naongā n yud bedrem, ti b sā n ra yī n miime.
27. La sīd la hakuka, Tōnd wēe bilgri ne nebā Alkvrāan-kāngā puga, bilgr buud fāa, sānd-sānde bāmb na tēege.
28. Alkvrāan sēn yaa laarabiindu, sēn pa tar goalma, sānd-sānde b na zoe Wēnde.
29. Wēnd rika bilgr ne yemb-raoogo zu-soaben-dāmb sēn zabd taab a poorē, la rao (a to), ra-yeng sēn so-a, rē yīnga bilgr pugē b wōnda taaba? Pēgr be ne Wēnde, pa woto ye, b wvsg fāa pa mi ye.
30. Ad fo (Mvhammad) yaa kiida, la ad bāmb me yaa kiidba.
31. Rē poorē, yikrā raare y Soabā nengē la y na n bv ne taaba.
32. Ānd wēgd n yud ned ning sēn yag Wēnd zugu, la a yags sīdā a sēn wa n wa a nengē ? Rē yīnga ka Gehannem pugē n yaa gāag zīig ne kīfr-rāmbā?
33. La neb nins sēn wa-a ne sīdā, la sēn sīdg-a sīdā, bāmb rāmba la Wēnd zoetba.
34. Bee b Soabā nengē b yīnga b sēn tull būmb ninga, woto la manegdbā rolbo.
35. Bvul yīng ti Wēnd na yaaf-ba, wēng ninga b sēn tūmā, la A rol-b b keoorā, sōmblem sēn yud būmb ning bāmb sēn tūmā.
36. Rē yīnga Wēnd pa sek A yamba? La b yaesd ne foom būn-zēms sēn pa Yē, la Wēnd sēn menes-a soab pa le tar ned sēn na n kānd-a ye.
37. Wēnd sēn kāndg-a soab pa le tar menemsd ye, rē yīnga Wēnd pa wilb Naab n yaa maan n roalg Soab sīda?
38. La fo sā n sok-ba: ānd n naan saasā la tēngā b na yeele: "yaa Wēnde". Yeele: "yāmb yāame, būmb ning yāmb sēn boond ti pa Wēndā, Wēnd sā n rat maam ne naongo, rē yīnga bāmb yaa naongā pārgdb bī? Ma A sā n rat maam ne yolsgo, rē yīnga bāmb yaa A yolsgā yōkd bī?" Yeel: "Wēnd seka maam, Yē la bobl-m-mens rāmbā bobl ne-a"
39. Yeele: "yaa mam neba! tūm-y y sēn tōe ti mam yaa tūmda, la y na wa n bānge".
40. Ned nīng naong sēn wat-a soab nengē n nīngd-a yānde, la a sik a zug naon-duumdga.

41. Ad Tõnd sika gafã fo zug nebã yĩng ne sıda, la ned ning sãn kãnd-a yaa a meng yĩnga, ned ning sãn menem-a me, rënd a menesda a menga, la fo pa boabld b zug ye.
42. Wënd n kuvd yõyã b kũumã wakato, la sãn pa ki-b b gõeem wakat me, t'A yõk a sãn bv kũumã a soab zugã, la A bas a to wã n tvug wakat sãn yãk raare, ad yel-soalem be rē pugē ne neb sãn tagsd n getē.
43. Bı b gãda sugsd b ti pa yı Wēnde? Yeele: "ba ti b sã n yume n pa so baa fvi, la b pa tar yam?".
44. Yeele: "ad sugsg fãa yaa Wēnd n so, Yē n so saas la tēng naam, rē poorē yaa Yē nengē la y na n lebe".
45. La b sã n tēeg Wēnd a yembr yelle, la neb nins sãn pa kō sıd ne laahrã sũy sãn yikdi, la b sã n tēeg rũbsã b sãn tũud ti pa Yē wã, la b sãn noogd b sũuri.
46. Yeele: "yaa m Soaba! Saas la tēng Yēbgda, yel-soaandi la sãn vñeg mita, Foom n buvd F yembsã ne taab suka b sãn da yı n yõsd taab bũmb nins zugu".
47. La ba ti neb nins sãn wēg-bã sã n tar bũmb ning sãn be tēngã pug gilli, la rē bilgri n lagem-a, b na n yao ne-a n fãag b menga n yi naon-wēngã dũni wã yıkr raare, ti vñeg ne bãmb Wēnd nengē, bũmb ning bãmb sãn da pa yı n tēedã.
48. Tı vñeg ne bãmb bũmb ning b sãn tumã wēnga; ti sig bãmb zugu, bũmb ning bãmb sãn da yı n yaandē wã.
49. La keelem sã n paam ninsaala a boonda Tõndo, rē poorē, Tõnd sã n tedg-a ne neema sãn yi Tõnd nengē la a sãn yete: "ad b kō-a-la maam m bãngr yĩnga". Pa woto ye, ad a yaa zarbgo, la ad b wvsg fãa pa mi ye.
50. Sıd la hakuka, sãn reng-b bãmb taoorã ra yeel-a lame, la pa naf bãmba bũmb ning bãmb sãn da yı n paamdē wã ye.
51. Tı paam bãmb bũmb ning b sãn tumã wēnga. Neb nins sãn wēgd-b bãmbã pugē wã (b sãn tum a Mohammad neb nins nengē wã) me na n paama bũmb ning b sãn tumã wēnga, la bãmb pa põsdb ye.
52. Rē yĩnga, b ka mi ti yaa Wēnd n yedgd rıtlã n kõt A sãn rat a soaba, la A yõbgdē? Ad bee woto pugē, tagmas-rãmb ne neb sãn kõt sıda.
53. Yeele: "Mam yembs nins sãn maan n zvug b mens zugu! ra wãag-y tēeb ne Wēnd yolsgã ye, ad Wēnd yaafda zunuubã zãnga, ad Yēnda la yaafg Naab n yaa yoalsda".
54. La y lebg n tvug y Soabã nengē, la y sak n tũ-A, taor ti naongã nan pa wa yãmb nengē ye, rē poore b pa sōngd-y ye.

55. La y tũ sēn yud sōamã n ya bũmb ning b sēn sik n kō yãmb n yi y Soabã nengē wã, taoor tu naongã nan pa wa yãmb nengē ne lingri, tu yãmb pa tēed ye.
56. Maane rē, tu yōor ra wa yeele: "yaa mam nims ne bũmb ning mam sēn maan kvung Wēnd wængē, la m da yume n lagem yaandba".
57. Ma a yeele: "Wēnd sã n da kãndgē maam, m naan n zĩndē wēn-zoetbē wã".
58. Ma a yeel a sēn wat n yã naongã: "m sã n da tōe n lebgē lame, m paam n zĩndē manegdbē wã,(pa são)?".
59. Yaa woto, sid la hakuka Mam Aayayã ra waa fo nengē tu fo yags-ba, la f waoog f menga, la f ra yume n yaa kifre.
60. La dũni wã yikr raare, foo nee neb nins sēn yag n roglg Wēndã tu b nemsã sobge. Rē yĩnga pa Gehannam pvg n yaa gãag zĩig ne waoog-m-meng rãmba?
61. La Wēnd fãagda neb nins sēn zoe-b Wēndã, ne bãmb sēn paam pvurrã t'a kēes-b arzēnã, wēngã pa susd bãmb ye, bãmb pa sãamd b sũur me.
62. Wēnd la bũmbã fãa naanda, Yē me la bũmb fãa bobl a meng ne-A.
63. A soo saas la tēng kvulen-biisi, la neb nins sēn kũfl ne Wēnd Aaya rãmbã, bãmb rãmb la bõn-rãmba.
64. Yeele: "Rē yinga zēng sēn pa Wēnde la yãmb sagend maam tu m tũ, yaa yãmb a zũtba?"
65. La sid la hakuka b tvmsame tu wa fo nengē la neb nins sēn reng fo taorã nengē: "tu fo sã n maan lagem-n-taare, hakuka fo tvumdã na lvi, la f na lagem bõn rãmba".
66. Bv f tũ Wēnd la f lagem bark pvusdbã.
67. La lagem-n-taarã rãmb pa zĩsg Wēnd A zĩsgr tækē ye, tu tēngã fãa gill yaa A yõng-vuka yikrã raare, tu saasã yaa sēn pōd ne A rutgo, ylgem be ne Wēnd, A naam leb n zēkame n yi bũmb ning b sēn maan ne-A lagem-n-taarã.
68. Tũ b peeb Baorgã, tu sēn be saasē la tēngē fãa ki, rēnda Wēnd sēn toll-a soaba, rē poorē tu b le peeb peebg a to tu bãmb yaa sēn yik n yas n getē.
69. Tũ tēngã pul ne a Soabã nuura, tu b rĩgl Gafã, la b wa ne nabiyaam-rãmbã la sæetbã, tu b bv bãmb ne taab svk ne sũda, b pa na n wēgd-b ye.
70. La b pids n kō yōor fãa a sēn tvme, la Yēnda (Wēnde) n yud minim ne bũmb ning b sēn tvmdã.

71. La b kãag neb nins sën kufi-bã zãma-zãma n tvg Gehannem, hal ti b sã n wa ta-a, b pakda a rag-noyã, t'a gũudbã yeel-ba: "Rẽ yĩnga tẽn-tvum-rãmbã pa wa yãmb nengẽ sën yi yãmb pvgẽ n karemd yãmb y Soabã Aayay la b bugsd yãmb ra-kãngã segbã?" La b yet ti yaa sıda, la yaa namsg koεεg n sıdg kıfr-dãmb zugu.
72. Tı b yeel: "kẽ-y Gehannem rag-noyã ti y yaa ruumdb a pvgẽ, rënd waoog-m-meng zĩndig zĩig yı wẽnga".
73. La b peeg neb nins sën zoe b Soabã zãma-zãma n tvg arzãna, hal ti b sã n wa ta-a ti b pak a rag-noyã t'a gũudbã yeel-ba: Tulgr be ne-yã, y yulg yã, bı y kẽ-y-yã-a ti y yaa ruumdba".
74. Tı b yeele: "pẽgr be ne Wënd ningã sën sıdg-a tõnd A pvlengã la A kõ tõnd tẽngã ti yaa faado, ti d zĩ arzãnẽ wã d sën ratẽ; ad tvumdb keoor be neema".
75. Tı fo ne Malęsã ti b gũbg Al-arsã, n yulg ne b Soabã pẽgre, ti B bı bõn-naansã ne taab svk ne sıda, ti b yeel: "Pẽgr be ne Wënd sën ya bõn-naandsã Soabã".

40. Gaafir *

Ne Wënd yvvrā barka, sēn yaa yols yaleng Soabā, n yaa Yolsdā, la d sungd d tvvmdā.

1. Haa miim ¹
2. Gafā sigbā yii Wënd nengē sēn ya-a a wilb Naabā n yaa a Mitā.
3. Yaa zunuub Yaafda, tuubg rēegda, nams-kegeng Soaba, kūun la yudlem Soaba. Soab kae ti sā n pa Yē, lebeng zīg yaa Yē nengē.
4. Pa maand tak-n-taar Wënd yel-soamā pvg ralla neb nins sēn kɪfl-bā. La b gōobā n gilgd tēmsā ra wa belg foo ti f tēed ti yaa b sēn pōs ye.
5. A Nuuh nebā ra yagsame, taoor ti bāmb nan pa wa ye, la zāma fāa mamsa ne b tēn-tvvmā n na n yōk-a, la b maan tak-n-taar ne zīrimbeedo, sēn na yul n yēes sɪdā ne rē, ti mam yōk-ba, la mam namsgā yu wān-wāna?
6. La yaa woto bal la fo Soabā gomd sɪdg neb nins sēn kɪfl-bā zugu, ti bāmb yaa Bugum-rāmba.
7. Rāmb nins sēn zāad-b Al-Arsā, la sēn be a krensā yɪlgda ne b Soabā pēgre, la b kōt sɪd ne-a, la b kot yaafa n kōt neb nins sēn kō sɪdā: "yaa tōnd Soaba! Fo gūbga būmbā fāa gill ne yolsg la minim, bɪ F yaaf neb nins sēn tuub la b pvg Fo sorā, la f gū-b ne Gēhum naongā.
8. D Soaba! La kēes-b Aden Arzān (Arzān ruumdg) ning Fo sēn pvlem ne-bā, la ned ning sēn maneg-a sēn yi b saamb-rāmbē la b pagbē, la b koambē, ad Foo la a wilb Naab n yaa a buud Mita.
9. La F gū-b ne yel-wēnse, la Fo sēn gū a soab ne yel-wēns raaren-kāngā, sɪd la hakuka F yols-a lame. La woto la pvt-bedre!
10. Ad neb nins sēn kɪfl-bā b boond-b la yikrā raare n yetē: "ad Wënd kisgrā ne yāmbā a yuda yāmb sēn kɪsg y mensā, wakat ning b sēn wa n boond yāmb n tvg lumaoongē wā ti yāmb kɪfendē wā".
11. La b yeele: "d Soaba! Fo kvv tōnd noor a yiibu la F vums tōnd noor a yiibu, ti tōnd reeg d zunuubā d zugē, la rē yīnga sor bee sēn na yi bɪ?"

* Gaafir (Yaafdā svvra).

[1] Wënd n yud minim ne A sēn rat ne gvls-bi tōsdt-kāensā. La Gvls-bi tōsdt-kāensā, sēn be Svvr-kāensā baasgē wā, yaa sēn wilgd Alkvrāanā sēn komsd a gees-n-taasā, bala b geesa kɪfr-dāmbā ne Alkvrāanā, ti b kong n ka tōog n wa ne a buud ye, ti Alkvrāanā me -yaool n yaa sēn tui ne gom-biis nins bāmb goamā sēn tuit ne wā, sēn yaa gvls-bi tōsdt bāmbā buudā, ti rēnda wilgd Laarab-rāmbā kongame n ka tōog n wa ne Alkvrāanā buud ye, n lagem ne bāmb n yud nebā ne zelem pekā, ti wilgdē ti Alkvrāanā a yaa sēn tvme ti yi Wënd nengē.

12. Yaa woto bala, ti b sã n da boond Wënd a Yembr la yãmb sën kifende, la b sã n lagem-A ne bũmb la yãmb sën kõt sida. Bvudã bee ne Wënde, sën ya zëkr Naab n ya Bedrã.
13. Yë la Soab ningã sën wilg yãmb a yel-soalmã, la A Sikd rtl n yi saasë wã yãmb yïnga; la pa tëegd rë ralla ned ning sën lebsd a menga (n tvgd Wënd nengë).
14. Bı y kos Wënde, ti y yaa sën yulgd dīinã ne-A ba ti křfr-dãmb kisame.
15. Yaa dargε-rãmb zëkda, n ya Al-arsã Soaba. A kōta wahu wã A sën rat-a soab ne A sagelle, t'a na bugs ti b gũus seg-taabã raare.
16. Raar ning bãmb sën vënegdã, ti bũmb pa solgd Wënd ye, ãnd n so naamã rũnda? Yaa Wënd sën ya-a a Yembr n ya-a a Modgdã.
17. Rũndã b ronda yōor fãa a sën tume, wëgd kae rũndã ye! Ad Wënd yaa Geel-tvvlg Naaba.
18. La f busg-ba, pënegrã raare (dũni yikr) ti sũyã sã n wa be koko-londë n wuki; wëgdbã pa tar ba noanga, b pa tar sugsd me b sën na n tũ ye.
19. A mii nin sën zãmbde, la bũmb ning yãad sën solgde.
20. La Wënd bvuda ne sida, la bũmb ning bãmb sën kot zëng ti pa Wëndã, b pa bvd ne ba fvi. Ad Wënde, Yë la a Wvmd n yaa a Neta.
21. Rë yïnga b pa kënd têngã poor zugu, n getë yaa wãn-wãn la neb nins sën reng bãmb taorã yi yã? Bãmb yume n yud bãmbã ne keelem la vũuna, ti Wënd yōk-b b zũnuubã yïnga, la b pa tall gũud n yi Wënd ye.
22. Yu woto ti bãmb tēn-tvumbã ra wat bãmb nengë ne vënese, ti b kuse, ti Wënd yōk-ba. Ad Yë yaa pãng Saoab n yaa nams kenke Soaba.
23. Sid la hakuka Tōnd tumsa a Muusa ne Tōnd yel-soalmã la Tōnd gom-lubdg sën yaa vënega.
24. N tvg a Fır-Aoon ne a Haamaan la a Kaarvvn nengë, ti b yeel ti yaa tum soaba n yaa zīrimbe-neda.
25. La wakat ning sidã sën wa bãmb nengë n yi Tōnd nengë, b yeelame: "kv-y neb nins sën lagem-a wã komb-ribli la y bas b pagbã ti b vume". La křfr-dãmbã rabr pa yi ralla meneng bala.
26. La a Fır-Aoon yeel yã: "bas-y maam ti m kv a Muusa, t'a sã n rat bı a bool a Soabã, ad mam yaeesda a na n tedg yãmb dīinã, ma a puk sãang têngã zugu".
27. T'a Muusa yeele: "Ad mam kota gũudum ne mam Soabã, la yãmb Soabã, n yi waoog-m-meng ned fãa sën pa kōt sida ne Geelgã Raare".
28. Tı rao sën yaa sid-kōat n yi a Fır-Aoon zakã rãmbë n solgd a lumaoong yeele: "rë yïnga yãmb na n kvv raoa, t'a yeelam ti "m soab la Wënd"

- yīnga? La sīd la hakuka a waa ne vēenes n yi a Soabā nengē, a sā n yi n ya zīrimbe-neda, a zīrimbeed be nee-a, la a sā n yume n ya sīd soaba, yel nins sānda a sēn pūlem yāmba paamd-y lame. Ad Wēnd pa kāndgd ned ning sēn ya maan-n-zvvg soab n yaa zīrimbe-ned ye,
29. Mam nebā! Yāmb n so naamā rūnd-rūndā n ya windb tēngā zugu, la ānd n na n sōngd tōnd n yi Wēnd naongā t'a sā n wa tōndo? La a Fur-Aoon yeel yā. "Mam pa wilgd yāmb ralla būmb ning mam sēn ne wā, la m pa peegd yāmb n tutē ralla kāndgr sore".
30. Tī sēn kō-a sīdā yeele: "yaa mam neba! Ad mam yaeesda yāmb zug tu raar na n wa paam yāmb sēn wōnd wala (ahzaab raare) sula rāmb raare".
31. Wala a Nuuh la a Aad la a Samuud nebā miningā la sēn wa-b bāmb poorē wā, la Wēnd pa rat wēgd ne A yembsā ye.
32. La mam nebā! Ad mam yaeesda yāmb zugu, bool-taabā raare.
33. Raar ning yāmb sēn loogd n zoetē tī y yaa sēn gūd y kuidsā, yāmb pa tar ba gūud n yi Wēnd ye, la ned ning Wēnd sēn menes pa tar kāndgd ye.
34. La sīd la hakuka a Yuusuf ra waa yāmb nengē pīnda ne vēenese, tī yāmb pa bak n be sik pūgē ne būmb ning a sēn wa ne yāmb nengē wā, hal t'a sēn wa n maan kaalmā, yāmb yeelame: "Wēnd kōn tvl n tvms tēn-tvum a poorē ye". Yaa woto bala, Wēnd menesda ned ning sēn ya-a maan-n-zvvg soab n ya sik maanda.
35. Neb nins sēn maan tak-n-taar Wēnd yel-soalmā pūgē tī pa yī ne daliil sēn wa b nengē wā, gēeg yī bedr Wēnd nengē, la neb nins sēn kō sīdā nengē. Yaa woto bal la Wēnd pagd waoog-m-men-ned sēn yaa modg-yood soaba fāa sūuri.
36. La a Fur-Aoon yeel yā! Foo Haamaana! Me beoong zāntga (Tuka), sānde, m na paam soayā.
37. Saasā soayā, tī m n lik n ges a Muusa Soaba, la mam tēedame t'a yaa pv-yagda. Yaa woto bal la b faas ne a Fur-Aoon a tvumdā wēnga, la b gid-a n yi sorā. A fur-Aoon rabrā pa yī rēnda halkr pūgē bala.
38. Tī ned ning sēn kō-a sīdā yeele: "mam nebā! Pūg-y maam, tī m na peeg-y n tū kāndgr sore".
39. Mam nebā! Ad dūni wā vī-kāngā yaa wvm-noogo, la ad laahrā, yē la tablg roogo.
40. Ned ning sēn tvn-a wēnga, b pa roand-a sā n pa a bilgr ye! La ned ning sēn tvn-a sōama, rao bī paga, t'a yaa sīd-kōata, yaa bāmb-rāmbā n kēed Arzāna, b rīlgd-b la a pūgē, tī pa yī ne geelg ye.

41. La mam nebâ! Yaa bõe ti mam boond yãmb n tudg pōsg ti yãmb boond maam n tudg Bugmē?.
42. Yãmb boonda maam ti m kɪfl ne Wënd la m lagem ne-A ne bũmb ning mam sēn pa tar a bāngre, la mam boonda yãmb n tudg wilb Naab nengē, yaafg Naab nengē.
43. Sik pa be ti bũmb ning yãmb sen boond maam n tudgē wā, a pa tar vōor dūni, a pa tar vōor laahr me, la ad tōnd lebeng zīg yaa Wënd nengē, la ad maan-n-zvug rāmba, bāmb la Bugum rāmba.
44. La yãmb na wa n tēeg bũmb ning m sēn yeel-yā, la m bobla m yellā ne Wēnde, la ad Wënd yaa Net a yembsā zugu".
45. Tɪ Wënd gū-a n yi bũmb ning b sēn rab-a wēnga, ti naong wēngā sig a Fir-Aoon zakā rāmba.
46. Bugmā, b ballid-b-la a zug yibeoog la zaabre, la raar ning dūni wā sēn yikdā, b yetame: "kēes-y a Fir-Aoon neba nong sēn yud kēgengā pvgē".
47. La b sēn wat n maan tak-n-taar Bugmā pvgē, ti nin-valemsā yeel neb nins sēn waoog b mensā: "tōnd da yume n pvgd yāmba, la rē yīnga yãmb tōe n roka pvur Bugmē wā n bas tōndo?"
48. La neb nins sēn yaa waoog-m-mensā yeel yā: "Tōnd fāa be a pvgē, ad Wënd buv A yembsā suka, ti ned fāa reeg a pvire.
49. La neb nins sēn be bugmē wā yeel Gēhannem gūudbā: " kos-y y Soabā t'A yols naongā tōnd zug ba ti yaa raar a yembre".
50. La b na n yeele: "rē yīnga yãmb tēn-tvumbā ra pa yɪ n wat yãmb nengē ne vēnese?" Tɪ b yeele: "yaa sɪda" . La b yeele: " bɪ y kose!" La kɪfr-dāmb kosg pa yɪ ralla meneng pvgā.
51. La ti Tōnd na sōng d tēn-tvumbā la neb nins sēn kō-b sɪda, dūni vumā pvgē, la raar ning seetbā sēn na n yikā.
52. Raar ning wēgdbā padeng sēn pa nafd-ba, la kāabg be ne-ba, la zag-wēng be ne-ba.
53. La sɪd la hakuka Tōnd kōo a Muusa kāndgre, la D kō a ɪsraɛl koamb gafā faado.
54. Tɪ yaa kāndgr la tēegre ne yam-bēel rāmba.
55. Bɪ f maan sugr ti ad Wënd pvlēngā yaa sɪda, la f kos yaafg ne f zunuubā, la yɪlg ne f Soabā pēka, zaabr la yibeoogo.
56. Ad neb nins sēn maan tak-n-taar Wënd yel-soalmā pvgē, ti pa yɪ ne daliil sēn wa b nengē, pa be b sūyē wā rēnda waoog-m-meng b sēn pa na n tol n ta-a, bɪ f kos gūudum ne Wēnde, ad Yēnda la a Wvmd n yaa a Neta.

57. Saasã la têngã naaneg bedrem n yud nebã naanego, la ad nebã wusg fãa pa mi ye.
58. La zoang ne nin-soaba pa a yembr ye. Neb nins sên kô-b sidã la b tum sên sômbã ne wêngdba me pa a yembr ye; paood yãmb sên têngde.
59. Ad dũni wã yikr watame, sik ka a pugẽ ye, la ad nebã wusg pa kôt sid ye.
60. La yãmb Soabã yeelame: "kos-y-Ma ti M na reeg y yĩnga, ad neb nins sên waoogd b mens n yit Mam tũudmã, b na n kêe Gehannem ti b yaa yaalse.
61. Wënd la Naab ning sên maan yungã n kô yãmba, buul yĩng ti y na paam yĩn-yôgneg a pugẽ; la wĩndgã ti yaa vëemem. Ad Wënd yaa yudlem Soab nebã zugu, la ad nebã wusg pa puusd bark ye.
62. Woto yaa Wënde, yẽnda la y Soab hakuka, bũmbã fãa naandã, Soab kae ti sã n pa Yẽ ye. La yaa bõe ti y wënemsdẽ?
63. Yaa woto bal la neb nins sên da yi n kUSD Wënd yel-soalmã wënemsda (n yit sor-trgã).
64. Wënd la soab ning sên maan-a têngã n kô yãmb t'a yaa tabendg zĩiga, la saagã t'a yaa wa meoongo, la A suur(naan) yãmb n maneg yãmb naanegã, la A rulg yãmb ru-yilmã. Yãmb Wënd kãngã la yãmb Soabã, la Wënd albarak yi wagalle, sên yaa bõn-naandsã Naabã.
65. Yẽ la Vuta, Soab kae ti sã n pa Yẽ, bi y kos-y-yã-A ti y yaa sên yulg dĩinã ne-A. Pëgr be ne Wënd sên ya bõn-naandsã Soabã.
66. Yeele: "ad b gidga maam ti m da wa tũ yãmb sên kot-b rãmb ti pa Wëndã, wakat ning vënmã sên wa n wa mam nengẽ n yi m Soabẽ wã. B leb n sagla maam ti m sak n tũ bõn-naandsã Soabã".
67. Yẽ la Soab ning sên vumSD la A kuuda, t'A sã n bu yelle, A yet-a lame t'a yi, t'a be yubẽ!
68. Yẽ la Soab ning sên vumSD la A kuuda, t'A sã n bu yelle, a yet-a lame t'a yi, t'a be yubẽ!
69. Rẽ yĩnga fo pa yã neb nins sên maan tak-n-taar Wënd yel-soalmã pugẽ wã b sên yuusd-b yuusg ningã.
70. Neb nins sên yags-b gafã, la bũmb ning Tõnd sên tums ne tẽn-tũumbã.
71. Wakat ning bãn-daoogã sên wat n be b yubliẽ wã, la bãensã, ti b vuud-ba.
72. Ko-tvulgã pugẽ, rẽ poorẽ Bugmã pugẽ, ti b yooGD-ba.
73. Rẽ poorẽ ti b yeel-ba: "yãmb sên da yi n maand lagem-n-taar ne bũmb ningã bẽ?"

74. Sên yaa zēng ti pa Wēndā? " La b yeel yā, "b menemame n bas tōndo, tōnd da pus n pa yi n kot būmb ye". Yaa woto bal la Wēnd menemsd kɪfr-rāmba.
75. Yāmb rol-kānga, yaa būmb ning yāmb sēn da yi n noogd y sūur tēngā zug ti pa yi ne sidā yīnga, la yāmb sēn da yi n kudemdē wā yīnga.
76. Kē-y Gēhannem ragnoyā ti y yaa ruumdba, la waoog-m-meng rāmb gāag zīg yi wēnga.
77. Bɪ f maan sugri, ti ad Wēnd pɔlengā yaa sɪda, la Tōnd sā n wilg foom b sēn pɔlem-b yel ninsā sānda, ma D kv-f lame, yaa Tōnd nengē la b na n lēbs-ba.
78. La sɪd la hakuka Tōnd tɔmsa tēn-tɔumb sēn reng fo taoore, be b pugē Tōnd sēn togs foom b rāmb yelle, la be b pugē Tōnd sēn pa togs foom b yelle. Pa yi ne tēn-tɔum t'a wa ne yel-soaleme rēnda ne Wēnd tōogo. Wēnd yellā sā n wa, b buuda neba ne taab sukā ne sɪda, ti zaalmā rāmb bōn zī-kānga.
79. Wēnd la Soab ning sēn maan rūmsā, buɪl yīng ti y na zomb sānda, la be b pugē y sēn rite.
80. La yāmb tara nafa a pugē; la y na tall-b lame n ta tulsem sēn be yāmb sūyē wā. Yaa rūmsā la kogendā me n rɪkd yāmba.
81. La A wilgd yāmb A yel-soamā; yaa Wēnd yel-soalem bus la yāmb kusda?
82. Rē yīnga b pa na n kēn tēngā zug n ges neb nins sēn reng-b bāmb taorā baasg sēn yi to-to? B ra yume n waoog n yud bāmba, n tar pāng la keelem (pāng keelem) n yud bāmba la b tar vūun tēng zugu. La būmb ning b sēn da yi n tɔmdē wā pa naf-b ye.
83. B tēn-tɔumbā sēn wa n wa b nengē ne vēenesā, b nooga b sūur n sek b mens ne bāngr ning sēn be b nengē wā, ti būmb ning b sēn da yi n yaandē wā sig-b zugu.
84. La wakat ning b sēn wa n yā Tōnd naongā b yeelame: "tōnd kōo sɪd ne Wēnd a Ye la d kɪfl ne būmb ning tōnd sēn da yi n maand lagem-n-taarā".
85. Tɪ b lumaoongā pa leb n nafd-ba, b sēn wa n yā Tōnd naongā ye. Wēnd sor la woto sēn da reng taoor a yembse wā, ti kɪfr-rāmb bōn zī-kāngā.

41. Fuṣṣilat *

Ne Wënd ywvā barka, sēn yaa yols yaleng Soabā, n yaa Yolsdā, la d sungd d tvm̄dā.

1. Haa miim¹
2. (Woto) Yaa sēn sik n yi Rahmaan Naab nengē n yaa yolsg naaba.
3. Yaa gaf b sēn wels a Aayayā, ti yaa Alkvrāan sēn ya laarabiiindu, buv yīng ti nebā na bānge.
4. N ya sū-noogd la busgda, la b wvsgā fāa gūda b kuidg n pa wvmdē ye.
5. La b yeele: "tōnd sūyā bee lim pvsē n yi būmb ning fo sēn boond tōnd n tugdē wā, tōnd tubē wā me kid n be beenē, tōnd ne foom suka gidr n be be. Bı f tvm̄ ti tōnd me tvm̄dame".
6. Yeele: "ad mam yaa yīng soab wala yāmba, ti b tvm̄ ti wat mam nengē: "ti yāmb Soabā yaa Sob-yend tāa, bı y tēeg turg n tvug A nengē la y kos-A yaafa. La wubd be ne lagem-n-taar rāmba.
7. (Lagem-n-taar rāmbā la) Nins sēn pa kōt Zakā, bāmb leb n yaa kusdb ne laahrā,
8. Ad neb nins sēn kō-b sūd la b tvm̄ sēn sōmbā, b tara keoor sēn pa wāagde.
9. Yeele: "Rē yīnga yāmb na kifl ne Soab ning sēn naan-a tēngā rasem a yiib pvge, la y maan mak-n-taas ne-A, ad Yē la bōn-naandsā Soaba.
10. La A maan tāms sēn yaa bed a zugu, la A ning bark a pvge, la A kord a ri-rāmb a pvge; ti wā yu rasem a naas sēn zems taab pvge, (woto yaa leokre) sokdbā yīnga.
11. Rē poorē t'A togl saagē wā t'a yaa wulwuku, t'A yeel-a ne tēngā fāa: "wa-y-yā, ne sak-n-tū ma ne tilae". Tı b yiibā yeele: "tōnd waame ti d yaa sak-n-tū rāmba"
12. N maan b saas a yopoe rasem a yiib pvge, la A tvms saag fāa pvge a tvm̄ā, la Tōnd faasa dūni saagā ne fitl-rāmba (ādse) la b le yaa gūudum, wānde yaa a wilb Naab kordogo, Yē la a Mitā.
13. La b sā n balle, bı f yeele: "M beoond-y lame ne halkr wala a Aad ne Samuud halkrā,

* Fuṣṣilat (B sēn wels svvra).

[1] Wënd n yud minim ne A sēn rat ne gvls-bi tōsdt-kāensā. La Gvls-bi tōsdt-kāensā, sēn be Svvr-kāensā baasgē wā, yaa sēn wilgd Alkvrāanā sēn komsd a gees-n-taasā, bala b geesa kuf-dāmbā ne Alkvrāanā, ti b kong n ka tōog n wa ne a buud ye, ti Alkvrāanā me -yaool n yaa sēn tui ne gom-biis nins bāmb goamā sēn tuit ne wā, sēn yaa gvls-bi tōsdt bāmbā buudā, ti rēnda wilgd Laarab-rāmbā kongame n ka tōog n wa ne Alkvrāanā buud ye, n lagem ne bāmb n yud nebā ne zelem pekā, ti wilgdē ti Alkvrāanā a yaa sēn tvme ti yi Wënd nengē.

14. Wakat ning tēn-tuumbā sēn wa n wa b nengē b nens taoore la b nense poorē n yet-ba: "ra tū-y ti sã n pa Wēnd ye". La b yeel yã: "tōnd Soabã sã n da tollē, A a sikdē-la Malægse. Rēnd tōnd yaa kɪfr-rãmb ne bũmb ning b sēn tũms ne yãmbã".
15. La sã n yaa ne a Aade, b waooga b mens tēngã zug ti pa yɪ ne sid ye, la b yeele: "ãnd pãng keelem n yud tōndo?" Rē yīngã b pa bãng ti ad Wēnd ning sēn naan-a bãmbã, Yē pãng keelem n yud bãmba? La b ra yume n kUSD Tōnd yel-soalmã.
16. Tɪ Tōnd tũms b zug seb-fubdgã zu-be-rasem rãmb pusē, buɪl yīng ti d na leems-b yãnd naong dũni wã vum puɷgã, la ad laahrã naong yãnd n yude, la b pa na n sōng-b ye.
17. La sã n ya ne a Samuud, Tōnd kãndg-b lame, ti b bu zondlem nonglem n yug kãndgre (tũusa meneng n bas kãndgre) ti naon-faagdgã vũbgrã rik-ba b sēn da yɪ n tũmd bũmb ningã yīngã.
18. La D tulg neb nins sēn kō-b sidã, la b ra yɪ n zoet Wēndã.
19. La raar ning b sēn tigimd Wēnd bæbã n tvg Bugmē wã ti b tardã,
20. Hal ti b sã n wa ta-a, b tubã la b ninã la b gãndã maanda kaset b zug ne bũmb ning b sēn yɪ n tũmdē wã.
21. Tɪ b yeel b gãndã: "yaa bōe ti yãmb seet tōnd zugu?". Tɪ b yeele : " Wēnd n kɪt ti tōnd gome, Soab ning sēn kɪt-a ti bũmbã fãa gomã, la Yē n naan yãmb rēnem, la b na n lebsa yãmb n tvg A nengē".
22. La yãmb ra pa yɪ n yæesdē n solgd ti y tubã la y ninã la y gãndã ra wa maane-y kaset ye, la ad yãmb ra tēedame ti Wēnd pa mi yãmb sēn tũmdã wvsg fãa ye.
23. La yãmb tēeb ning yãmb sēn tē ne y Soabã halka yãmba, ti yãmb lebg bõn rãmba.
24. La b sã n maan sugri, rēnd yaa Bugumã la b gãag zīiga, b sã n baood padenga, bãmb pa yɪ b sēn na n reeg-b rãmb padeng ye.
25. Tɪ Tōnd seglg tũud-n-taas n kō-ba, ti b faas ne-b bũmb ning sēn be b neng taoore la sēn be b poorē, ti gomdã sidg bãmb zugu, ti b kē n naag zãma sēn reng bãmb taoor n yaa zīn-dãmb la ninsaalba; ad b yaa bõn rãmba.
26. La neb nins sēn kɪfl-bã yeelame: "Ra kelg-y Alkvrãan kãngã ye, la y maan buur a puɷgē, sãnde yãmb na wili"
27. La D na leems neb nins sēn kɪfl-bã naong sēn keeme, la D rol-b wēng sēn yud bũmb ning bãmb sēn da yɪ n tũmdē wã.
28. Woto bala, ti Wēnd bæbã rolb yaa Bugum. Bãmb tara paab zak a puɷgē ti yaa rolbo, b sēn da yɪ n kUSD Tōnd yel-soalmã yīngã.

29. Tı neb nins sēn kɪfl-bā yeele: "yaa tōnd Soaba! wilg tōnd b yiib nins sēn menes-b tōndā sēn yi zīn-dāmbē la ninsaalbē, tı d ning b yiibā tōnd nao-sulpamā tēngre, sēn na yul tı b zīnd tēngre".
30. Neb nins sēn yeele: "tōnd soab la Wēnde". Rē poorē tı b tēeg turgā, malegsā sigda b nengē (n yetē): ra yaæs-y ye, ra sāam-y y sūur ye; noog-y y sūur ne Arzān ning b sēn da yı n pulem yāmbā.
31. Tōnd la yāmb lalldba, dūni vumā pugē la laahre, la yāmb tara a pugē būmb ning yāmb yōyā sēn maan yamleoog ne, yāmb leb n tara a pugē būmb ning yāmb sēn baoode".
32. Tı yaa sāand sigb zīg sēn yi Yaafg Naabā nengē, Yolsg Naabā.
33. Ānda koæg manegr n yud ned ning sēn bool-a n tvg Wēnd nengē, n tum sēn sōmbe, la a yeele: "ad mam lagma (sak-n-tū-rāmbā) moeembā" ?
34. La tum-sōng la tum-wēng pa makd taab ye. Bı f rol ne būmb ning sēn yud sōmblem, tı mikdame tı ned ning foom ne a svk beem sēn da be wā, a lebgda wa lall-n-ta-kegenga.
35. La ned ka paamd woto ralla sēn maan-b sugrā, la ned ka paamd-a ralla zu-noog soaba.
36. A Sutāan sā n wa tōg foom tōgb ninga, bı f kos gūudum ne Wēnde, ad Yē la wumb Naab n yaa Mita.
37. La sēn leb n be A yel-soalmā pugē, yaa yvngā la wīndgā, la wīntoogā la kiuugā, ra maan-y wīntoogā suguud ye, ra maan-y kiuugā me ye, maan-y suguud Wēnd yīng bala, Soab ning sēn naan-a bāmbā, tı y sā n yume tı yaa Yēnda bal la y tūuda
38. La b sā n waog b mensā, rēnd rāmb nins sēn be fo Soabā nengē wā, b yilgd-A lame yvng la wīndga, tı b yam pa yit ye.
39. La sēn leb n be A yel-soalmā pugē, yaa fo sēn ne tēngā t'a yaa sēn kvı, tı Tōnd sā n sik koom a zug la a sēn pus n fugumdi, ad soab ning sēn vuvg-a wā, hakuka A yaa kūrāmb vuvgda, ad A yaa tōogd ne būmbā fāa gilli.
40. Ad neb nins sēn golemd Tōnd Aayay wā pugē wā, b pa solg (ne) Tōnd ye, rē yīngā b sēn lobd-a soab Bugmē n yud sōmblem bı? Bı yaa ned ning sēn wat ne bas-m-yam dūni yıkr raarā, tum-y y sēn rate, ad A yaa Net ne būmb ning yāmb sēn tumdā.
41. Neb nins sēn kɪfl ne Tēegrā (Alkvrāana) a sēn wa n wa b nengē wā (b tara nang yıkrā raare), la ad a yaa gaf sēn yaa zısgo.
42. Zīrimbeed pa wat a pugē ye, pa wat a taoore, ka wat a poore; yaa sēn sig n yi buvd Mit nengē n yaa pēgr Naaba.

43. B pa yet foom ralla būmb ning sēn da yeel tēn-tvumb sēn reng fo taore, ad fo Soabā yaa yaafg naaba, n leb n yaa nams-zabdg Soaba.
44. La Tōnd sā n da maan-a t'a yaa Alkurāan sēn pa Laarabiindu, b rag n na yeele: "yaa bōe yīng ti b ka na n wels a Aayayā (Alkurāan), rē yīngā Kurāana na yi bu-zēnga ti tēn-tvumā yaool n yaa laarba? Yeele: "a yaa kāndgr la tūp-tum ne neb nins sēn kō-b sūdā". La neb nins sēn pa kōt sūdā, kīd n be b tvbē wā, t'a yaa zondlem ne-ba, bāmb rāmbā, yaa wala b sēn boond-b rāmb zīig sēn zārē.
45. La sūd la hakuka, Tōnd kōo a Muusa Gafā, ti b kus taab a pvgē, la sā n ka fo Soabā gomd sēn reng taoor t'a kō n halk-b yīnga, b rag na n bu b svkā ne halkre, ad bāmbā bee sik wvsg pvgē ne Alkurāana.
46. Ned ning sēn tvm-a sēn sōmbe yaa a meng yīnga, la ned ning sēn wēng-a be ne-a, f Soabā pa yt n yaa wēgd bac bilfu ne A yembsā ye.
47. Dūni wā yīkr minim lebsda Yē nengē. Tī-bil fāa pa yit a paokē, yāang fāa pa zāad pvgā bī a roga me, rēnda ne A minim. La tēeg-b raar ning A sēn na n bool-b n yetē: "Mam lagem-n-taasā be?" La b na n yeele : "tōnd reega d zugē, ti kaset soab ka be tōnd svkā n yetē ti Fo tara lagem-n-taag ye".
48. Tī būmb ning b sēn da yt n boond hal pīndā menem n bas-ba, ti b bāng n wāag ti bāmb pa tar zoes zīig ye.
49. Ninsaal yam pa yit sēn sōmb kosg ye; la wēng sā n paam-a, a yaa tēeb-wāagda n lak a yam.
50. La Tōnd sā n lēems-a yolsg sēn yi Tōnd nengē, keelem sēn paam-a poorē, la a sēn yete : "yāoā somba ne maam, la m pa tēed ti Dūni wā na n yikame ye; b sā n lebs maam m Soabā nengē me, m tara A nengē somblelem sēn yud wānde". La d na kō kīfr-rāmbā kībar ne būmb ning b sēn tvumā, la D na leems-b naong sēn tagme.
51. la Tōnd sā n maan ninsaal neema, a balldame n lak kurenga ne waoog-m-menga, la wēng sā n paam-a, la a sēn yaa kos-yaleng soaba.
52. Yeele: "yāmb yāame t'a (Alkurāana) sā n yume n yi Wēnd nengē, rē poorē ti yāmb kīfl ne-a, ānd meneng n yud ned ning sēn welg n be zī-zārgē?"
53. D na n wilg-b-la d yel-soamā, ween-vusē wā la b mensē wā hal ti wa vēneg ne bāmb t'a (Alkurāanā) yaa sūda. Rē yīngā pa sek ti fo Soabā yaa Seet ne būmbā fāa gilli?
54. Sūdā, bāmbā bee sik pvgē ne b Soabā sēgbo. Sūdā, A yaa gūbgda ne būmbā fāa gilli.

42. Aš-šuuraa' *

Ne Wënd yuurā barka, sēn yaa yols yaleng Soabā, n yaa Yolsdā, la d sungd d tvmūdā.

1. Haa miim¹
2. Ayn, Sun, Kaaf.
3. Yaa woto bal la Wënd tumsd fo nengē la neb nins sēn reng fo taorā; Wënd sēn ya-a a wilb Naabā n ya-a a buud Mitā.
4. Yē n so sēn be saasē la sēn be tengē, la Yēnda la zēkr Naab n yaa Nazisgo.
5. Saasā rat n pārsā yīngrā, ti malegsā yulgd b Soabā ne A pēkā, la b kot yaafa ne neb nins sēn be tēngā zugu, yaa sida, ad yaa Wënd la Yaafg Naab n yaa Yolsg Naaba.
6. La neb nins sēn gād lall-n-taas zēng ti pa yi ne Yē wā, Wënd yaa gūusd b zugu, la fo pa yi n yaa b sēn boabl-a soaba ne b tvmūma gūusyē.
7. La yaa woto bal la Tōnd tums fo nengē Alkrāan sēn yaa laarabiindu, buul yīng ti f na bugs tēmsā ma (Maka) la neb nins sēn gūbg-a wā. La f bugs ti sik kae ne tigsgā raar ye, sull n be arzāna pugē, ti sull me be Bugmē wā.
8. La Wënd sā n da tullē A na maanē-b zāma a yembre, la A kēesda A sēn rat-a soab A yolsgā pugē. La wēgdbā, bāmb pa tar lalld buudu, b pa tar sōngd me.
9. Bī b gāda lall-n-taas zēms ti pa tū ne Yē. Ad Wēnde, Yē la lallda, la Yē n vuvgd kū-rāmba, la Yē n yaa Tōod būmb fāa zugu.
10. La yāmb sēn yōs taab ne būmb ning pugē fāa, a buudā bee ne Wēnde, yāmb Wënd kāng la mam Soabā, Yē la mam bobl m mengā, m lebsa m mengā Yē nengē.
11. Saas la tēng yēbgdā, A maana pagb sēn yi yāmb mensē wā n kō-yā. Rūmsā me yaa yāang la raogo, A wvsgda yāmb sēn tū ne rē. Būmb pa be n wōnd-A ye, la Yēnda la a Wvmd n yaa a Neta.
12. A soo saas la tēng kvilen-biisi, A yēdgda rītlā ne A sēn rat-a soaba, la A kēgsd ne A sēn rat-a soaba, ad A yaa Mit ne būmbā fāa gilli.

* Aš-šuuraa' (Saawarā suura).

[1] Wënd n yud minim ne A sēn rat ne gvls-bi tōsdt-kāensā. La Gvls-bi tōsdt-kāensā, sēn be Svur-kāensā baasgē wā, yaa sēn wilgd Alkrāanā sēn komsd a gees-n-taasā, bala b geesa kifr-dāmbā ne Alkrāanā, ti b kong n ka tōog n wa ne a buud ye, ti Alkrāanā me -yaool n yaa sēn tui ne gom-biis nins bāmb goamā sēn tuit ne wā, sēn yaa gvls-bi tōsdt bāmbā buudā, ti rēnda wilgd Laarab-rāmbā kongame n ka tōog n wa ne Alkrāanā buud ye, n lagem ne bāmb n yud nebā ne zelem pekā, ti wilgdē ti Alkrāanā a yaa sēn tme ti yi Wënd nengē.

13. ☉ A tuka sor dīinā pug n kō yāmba, rē la A sēn sagl a Nuuh ne būmb ningā, rē me la būmb ning Tōnd sēn tūms fo nengē wā, rē me la Tōnd sēn sagl ne a [braahum, la a Muusa la Iisa wā, ti y yānas ne dīinā, la y ra bao n na n wels taab a pugē ye. Paka logem-n-taarā rāmba, būmb ning yāmb sēn boond-b n tugdē wā, Wēnd tūusda A sēn rat soab n pēneg A menga, la A kāndgd ned ning sēn lebsd a meng A nengē.
14. La b pa yōs taaba, rēnda bāngrā sēn wa b nengē poorē, kedgr bāmb ne taab suka, la sā n pa gomd sēn reng taoor n yi fo Soabā nengē t'a na n yaoola nangā n tug wakat sēn tar raare, b naan n bŭē bāmb ne taab suka. La sīdā, b sēn kō gafā neb nins ti yaa faad ne bāmbā, bāmb reng-taoor rāmbā loogr poorē, b bee sik pugē ne-a (Alkurāanā), n maand sāmbse.
15. Rē yīng bi f boole (n tug sīda, lumaoong la zems taaba), la f tēeg turg wa b sēn sagl-fā. Ra pug b yōyā yamleood ye. Yeele: "M kōo sīd ne būmb ning fāa Wēnd sēn sikā sēn yaa gafā. B sagla maam ti m tēeg turg yāmb suka; Wēnd la tōnd Soab la yāmb Soaba. Tōnd tūm bee ne tōndo, yāmb me tūm bee ne yāmba, tak-n-taar pa be tōnd ne yāmb svk ye, Wēnd n tigimd tōnd ne taaba, la lebeng zīg yaa Yē nengē".
16. Neb nins sēn maan-b tak-n-taar Wēnd yellā pugē wā, nebā sēn sak-A poorē, bāmb daliilā pa tar vōor b Soabā nengē ye. Gēeg n be b zugu, naon-kegeng me leb n be b zugu.
17. Wēnd la Soab ning sēn sik-a gafā ne sīd la tēeg-turga. La bōe n wilgd foo ti dūni yīkr pa pē?
18. Neb nins sēn pa kōt sīdā yāgda ne-a, la neb nins sēn kō sīdā yaeesd-a lame la b mi t'a yaa sīda. Neb nins sēn wēed no-koemā dūni yīkrā zugā, sīd la hakuka b bee meneng sēn zāag pugē.
19. Wēnd yaa bŭg-bŭg soab ne A yembsā, n rīlgd A sēn rat-a soaba, la Yēnda la pāng Naaba n yaa wīnda.
20. Ned ning sēn wa n rat laahr koodo D paasd-a-la a koodē wā, la ned ning sēn wa n rata dūnī koodo, D kōt-a-la a pugē, la a pa tar ba puur laahrā ye.
21. Bī bāmb tara lagem-n-taas ti b tuk sor sēn yaa dīin n kō bāmba, Wēnd sēn pa kō sor ne dīin ninga. Sā n pa gom wēldgā yīnga, b naan n bŭ bāmb ne taab svka, la ad wēgdbā tara naong sēn zabde.
22. Fo nee wēgdbā ti b yaeesd būmb ning b sēn tūmā rolbo, t'a yaool n na n lŭu b zugu. La neb nins sēn kō-b sīd la b tūm sōmā wā, b bee arzān putē wā, b tara būmb ning fāa b sēn tull b Soabā nengē, woto la pu-bedrā.

23. Rē la būmb ning Wēnd sēn noogd ne A yembs nins sēn kō sūdā la b tum sōmā wā sūyā, yeele : "m pa sokd yāmb keoor a zug ye, rēnda nonglem rogmā yīnga". Ned ning sēn tum-a yel-sōmde, D paasd-a-la sōmblem a pugē, ad Wēnd yaa yaafg Naaba n yaa bark Puvda.
24. Bī b yetame: "a pasga zīrimbeed n rogl Wēnde". La Wēnd sā n tulla, A pagda fo sūrā. La Wēnd yēesda zīrimbeedā la A sūdg sūdā ne A goamā, ad A yaa Mit ne būmb ning sēn be yāadē wā,
25. la Yē la Soab ning sēn reegd tuubgā A yembsā nengē, la A yaafd n basd yel-wēna, la A mi būmb ning yāmb sēn tumdā.
26. La A reegd neb nins sēn kō-b sūd la b tum sōma wā tumma; la kuf-rāmbā, naong kegeng be ne-ba,
27. ☉ La Wēnd sā n da yedg A rūtlā ne A yembsā b na kedg tēngā zugu, la ad A sikd-a lame ne alkadr ning A sēn rate, ad A yaa minim tēng-n-biig ne A yembsā, n leb n ya Net ne-ba.
28. Yē la Soab ning sēn sikd sa-koomā b sēn wāag b tēeb poorē la A sāeegd A yolsgā. Yēnda la lalld n yaa pēgr Naaba.
29. La sēn be A yel-soalmā pugē, yaa saasā la tēngā naanego, la būmb ning A sēn sāeeg b yīibā pugē sēn yaa bōn-kēndse, la Yēnda yaa tōogd ne b tiugung t'A sā n rata.
30. La yell buud sēn paam yāmb fāa, yaa yāmb nusā sēn tume, la A (Wēnd) yaafdame n basd wvsgo.
31. La yāmb pa yī n yaa pōsdb tēngā zug ye. Yāmb pa tar bac lalld zēng sēn pa yī ne Wēnde, y leb n pa tar sōngd me ye.
32. La sēn leb n be A yel-soalmā pvga, yaa bōn-zoetsā mogrā zug wala tāmsā.
33. A sā n tulla A yōkda sobgā tī b kell n yāsē bal a zugu, sūd la hakuka ad yel-soalem be rē pugē wā ne sugr soab fāa sēn yaa bark puvda.
34. Ma A halk-b ne būmb ning b sēn tumā, la A yaafdame n basd wvsgo.
35. La neb nins sēn maan tak-n-taar Tōnd yel-soalmā pugē wā miime tī b pa tar pōsg zīig ye.
36. La b sēn kō yāmb būmb ning fāa, yaa dūnī vum wum-noogo, la būmb ning sēn be Wēnd nengē wā n yud sōma la kellig ne neb nins sēn kō sūdā la b bobend b mens ne b Soabā.
37. La neb nins sēn zāagd zunuub bedā, la yel-beedā tumā, tī b sūyā sā n wa yīk bī b basdē tī loogā.
38. La neb nins sēn sak b Soabā sagellā la b yānesd puvsgā, tī b yellā yaa saawar bāmb ne taab sukā, tī būmb ning Tōnd sēn kō-bā pugē b yākd n nafdē wā.

39. La neb nins ti wēgb sā n ta-b la b sēn wind wēgdā n tōoge.
40. La wēng rolb yaa wēngā bilg-n-taare; la sēn yaaf-a la a manege, a keoorā bee ne Wēnde, ad A pa nong wēgdbā ye.
41. La ned ning sēn wil-a, b sēn wēg-a poorē, bāmb rāmbā sor pa be b zug ye.
42. Ad sor sēn be wā yaa neb nins sēn wēgd-b nebā, la b maand n kedgd tēngā zug ti pa tū ne sūdā, bāmb-rāmbā tara naon-zabdgā.
43. La ned ning sēn maan-a sugr la a bas ti looge, ad woto la sēb-svk yela.
44. La ned ning Wēnd sēn menemse, a kōn paam lall-n-taag A poorē ye. La fo na n yāa wēgdbā ti b sā n wa yā naongā, b yetame: "rē yīnga tōnd tōe n le leba (dūni) bi?"
45. Fo yāt-b lame ti b ball-b bugmā zug ti b yaa valemse yaalg keelem, n lukd n getē, ti sēn kō-b sūdē yeele: "ad bōn rāmb yaa sēn bōn b mens la b zags-rāmb dūni-yikrā raare, yaa sīda ad wēgdbā bee naong duumdg pugē.
46. La b pa tar lalld buud sēn na fāag-b n yi Wēnd naongā ye, la Wēnd sēn menems-a soaba, a pa tar sor buud sēn na kāndg ye.
47. Sak-y y Soabā yīnga taoor ti raar nan pa wa ti Wēnd pa na n viig-a ye. Yāmb pa tar rellg zīig baa fvi, y leb n pa tar kusg buudu n kus y zunuubā ye.
48. La b sā n raege, ad Tōnd pa tvms foom ti f yaa gūusd b zug ye, pa be ne foom rēnda taasgo. La Tōnd sā n lems ninsaal yolsgo sēn yi Tōnd nengē la a sēn kudemd ne-a, la wēng sā n paam-ba b nus sēn tvn ti reng taoore sabab, la ninsaal sēn yaa sōm-zita.
49. Wēnd n so saas la tēng naam, A naanda A sēn tulle, A kōta A sēn tull-a soab kom-pugli la A kōt A sēn tvll-a soaba kom-ribli.
50. Ma A kō-b kom-ribli la kom-pugli, la A maan A sēn tvll-a soab t'a yaa kiri, Ad A yaa Mit n yaa Tōogda.
51. ☉ Yīng soab pa yi ti Wēnd na n gom ne-a rēndame ti tū ne Wahi maa lill poorē, wall b tool tēn-tvum (maleka) t'a wa ne wahi sēn tū ne A sor kūuni, A sēn rate. Ad A yaa sek-m-meng Soab n yaa buud Mita.
52. Yaa woto la Tōnd tvms Vum (Alkvrāanā) sēn yi Tōnd nengē, fo rag n ka mi yaa bōe la Gafā, pa Lumaoong me, La ad Tōnd maan-a lame t'a yaa vēnem, ti D kāndgd ne-a Tōnd sēn tvll-a soaba D yembsē wā, La sūd la hakuka, fo kāndgdame n tvgd sor sēn yaa turga.
53. Sor sēn ya Wēnd sore, Soab ning sēn so sēn be saasē la sēn be tēngē wā sore. Yaa boto bal ti būmb fāa lebeng zīig yaa Wēnd nengē.

43. Az-zuhruf *

Ne Wënd yuvrā barka, sēn yaa yols yaleng Soabā, n yaa Yolsdā, la d sungd d tuvmdā.

1. Haa miim¹
2. M wēen ne Gaf (Alkvrāan) vēnegdgā.
3. Tōnd maan-a lame t'a yaa Alkvrāan sēn yaa larabiindu, sānd-sānde y na tall yam.
4. Ad yēnda bee gafā ma sēn be Tōnd nengē wā pugē; a zēkame n bu n manege.
5. Rē yīnga, Tōnd na n balla Tēegrā n yi yāmba, ti yāmb yume n yaa neb sēn ya maan-n-zuvg rāmba?
6. La Nabiyaam-rāmb sōor waoog Tōnd sēn tums rēnem rāmbē wā.
7. Nabiyaam pa yi sēn na n wa b nengē, rēndame ti b yi n yaand-a.
8. Tōnd halka sēn yud bāmb ne keelem, la rēnem rāmbā bilgr loogame.
9. La fo sā n sok-ba: "ānd n naan saasā ne Tēngā?" B na yeele: "wilb Naabā sēn yaa minim Naabā n naan-ba".
10. Soab ning sēn naan-a Tēngā n kō yāmbā ti yaa sēn yadge, la A leb n maan soay a pugē n kō yāmba sānd-sānde yāmb na kāndgā.
11. Soab ning sēn sik koomā n yi saasē wā ne zemsgo, ti Tōnd vums ne-a tēng sēn ki (sēn kvī), yaa woto bal la b na n yiis yāmba.
12. Yē la Soab ning sēn naan-a kōbgā fāa gillā, la A naan kogend la rūms n kō yāmb ti y tar n zomd n kēnda.
13. Bvul yīng ti yāmb na zomb b poayā zutu, rē poorē ti y tēeg y Soabā neema-rāmbā; ti y sā n wa yōgen n zomb-b bi y yeel: "yulgemd be ne Soab ning sēn nom-a yāoā n kō tōndā, la tōnd da pa yi n na n tōogē-yā-a sā n pa Wënd sēn wōr n kō tōndā,
14. La Tōnd yaa lēbgdb n tvgd d Soabā nengē".
15. La b maan pedg n kō Wēnde sēn yi A yembsā pugē, ad ninsaal yaa sōm-zit sēn vēnege.
16. Bt A yāka kom-pugli Yē sēn naanā pugē la A tūus kom-ribli n kō yāmba?

* Az-zuhruf (Faas-teedā svura).

[1] Wënd n yud minim ne A sēn rat ne gvls-bi tōsdt-kāensā. La Gvls-bi tōsdt-kāensā, sēn be Svvr-kāensā baasgē wā, yaa sēn wilgd Alkvrāanā sēn komsd a gees-n-taasā, bala b geesa kuf-dāmbā ne Alkvrāanā, ti b kong n ka tōog n wa ne a buud ye, ti Alkvrāanā me -yaool n yaa sēn tui ne gom-biis nins bāmb goamā sēn tuit ne wā, sēn yaa gvls-bi tōsdt bāmbā buudā, ti rēnda wilgd Laarab-rāmbā kongame n ka tōog n wa ne Alkvrāanā buud ye, n lagem ne bāmb n yud nebā ne zelem pekā, ti wilgdē ti Alkvrāanā a yaa sēn tvme ti yi Wënd nengē.

17. La b sã n noog b yembr fãa sũuri ne bi-bugla a sãn rik n kũ Yolsg Naabã, la a nengã sãn sobgde t'a yaa sũ-toog soaba,
18. Ned sãn wubd nag-teed pugẽ n pa tõe n fãag a meng n yi zabd-n-taaga a poglem yĩnga la yãmb yet ti yaa Wënd biiga?
19. La b yet ti malegs nins sãn yaa Wënd yembsã yaa pagba, rẽ yĩnga bãmb seeda b naonegã bi? B na n gulsa b kasetã la b soak-ba.
20. La b yeele: "Arrahmaan Naab sã n da ratẽ tõnd ra pa na n tũ-b ye". B pa tar bãngr baa fvi a pugẽ ye, bãmb pa yi rẽnda zĩrimbeed pasdb bala.
21. Bı Tõnd kũ-b-la gaf yẽ (Alkurãanã) taoore, ti bãmb gãd-a?
22. Pa woto ye, b yeelame: "ad tõnd mika d saamb-rãmb dīin zugu, la tõnd yaa kãndgdb bãmb vũunã zugu.
23. Yaa woto bala, Tõnd pa tvms fo taoore bugsd fãa n tvg tẽngẽ, rëndame ti tẽngã rı-n-tikã-rãmb yeele: "tõnd mika d saamb-rãmb ti b be dīin zugu, la tõnd yaa bãmb vũunã tikdba".
24. ﴿T'a (tẽn-tvuma) yeele: "rẽ yĩnga yãmb na n kell n tika y saamdãmbã ba ti mam sã n wa yãmb nengẽ ne kãndgr sãn yud yãmb sãn mik y saamb-rãmbã ti b tũudẽ wã? " La b yeel yã: "tõnd yaa kũfr-rãmb ne bũmb ning b sãn tvms ne yãmbã".
25. Tı Tõnd na n rol-ba, bı f gese yagsdbã baasg yi wãn-wãna?
26. Tẽeg wakat ning a [braahum sãn wa n yeel a saambã ne a nebã: "ad mam zãaga m meng n yi yãmb sãn tũudã;
27. Sã n pa Soab ning sãn naan-a maamã, Yẽnda n na n kãndg maam".
28. La a maan-a t'a yaa gom-paadg a ([braahum) pendẽ wã sãnd-sãnde b na leb n tvg Wënd nengẽ.
29. Pa woto ye, M wvmsa bãmb ne b saamb-rãmbã noogo hal ti sidã wa b nengẽ la tẽn-tvum vẽnengã.
30. La sidã sãn wa n wa b nengẽ wã, b yeelame: "yãoã yaa tum la tõnd kũfla ne-a".
31. La b yeele: "b ra pa na n sikẽ Alkurãan kãngã nin-zusg zug sãn yi tẽmsã a yiibã pugẽ (Mak la Toaa'if)".
32. Yaa bãmb n pvit fo Soabã yolsgã bi? yaa Tõnd n pvit bãmb rıtlã b suk dũni vumã pugẽ, La D zẽk sãnda darge n yus sãnda, sãn na yulẽ ti sãnda wõr sãnda. La fo Soabã yolsg sõmblem n yud b sãn tigimd bũmb ningã.
33. La sã n pa nebã na n wa yi zãma a yembre yĩnga, D na naan n maan ti neb nins sãn kũfl-b ne Rahmaan Naabã, ti b rotã tar beoongo sãn yaa wanzuri la rads ti b tũud be n rvuda.
34. Tı b rotã leb n tar zag-noy la gãt ti b kul b zutu.

35. La faas-teedo, la wānde fāa pa yī rēnda rūni wum-noog bala, la laahrā, bee fo Soabā nengē, wēn-zoetbā yīnga.
36. La ned ning sēn suusd-a n yi a Rahmaan naaba yvur tēegre, D togend-a-la ne a Svutāan ti yēnda yaa a lall-n-taaga,
37. La bāmb (Svutāambā) guta nebā n yit sorā, la b tēedame ti b yaa kāndgdba.
38. Hal t'a (nedā) sā n wa Tōnd nengē a yetame: "M sā n da paamē ti maam ne foom (Svutāana) svka yaa wala yaang la wīnto-lvungē pa sāo! Ad yaa lall-n-ta-wēnga (la foom a Svutāana).
39. La kōn n tol n naf yāmb rūnda, y sēn wēga yīnga, bala yāmb naaga taab naongā pvge.
40. Rē yīnga fo tōe n wumsa wunga, maa f nenes zoanga, bī ned ning sēn be meneng sēn vēneg pvge?
41. Ba ti D loog ne foo, ad Tōnd yaa maan-n-roalg rāmba ne-ba.
42. Maa ti D kit ti fo yēnd pvlen-wēng ning Tōnd sēn pvlem-bā, ad Tōnd tara tōog b zugu.
43. Bī f gād būmb ning b sēn tvms fo nengē wā, ad fo bee so-tvrg zugu.
44. La ad a (Alkvrāanā) yaa zu-zēkre ne foo la fo nebā, la yī bilf bala b na wa n sok yāmb a yelle.
45. La f sok Tōnd sēn tvms-b rāmb sēn reng fo taorā: "rē yīnga Tōnd maana soaben-rāmb zēng sēn pa a Rahmaan naab ti b tūudē?"
46. La sūd la hakuka Tōnd tvmsa a Musa ne Tōnd yel-soalmā n tvug a Fir-Aoon la a zamā wā nengē, t'a yeele: "Ad mam yaa bōn-naandsā Soab tēn-tvuma",
47. La a sēn wa n wa bāmb nengē ne Tōnd yel-soalm-dāmbā la b sēn laade.
48. La Tōnd pa yī n na n wilg-b yel-solemd rēndame ti yēnda bedrem yuda sēn loog-a wā, Tōnd yōk-b-la ne naongo, sānd-sānde b na lebge (n wa Tōnd nengē).
49. La b yeele: "foo a tumā soaba! kos f Soabā tōnd yīnga (t'A zēk naongā tōnd zugu) ne A sēn pvlem foo ti tōnd sā n kō sūdā a na n zēka nangā; ti ad tōnd na n kāndame t'A sā n zēk nangā".
50. La Tōnd sēn wa n zēk naongā n yi-bā, la b sēn yidg al-kaoolā.
51. T'a fir-Aoon moon a zama wā pvge n yeele: "yāmb a zamā! Rē yīnga pa maam n so Misra naam, ti ko-sood bāmbā yaa sēn zoet mam tēngrā, rē yīnga yāmb pa ne sīda?
52. Rē yīnga mam sōmblem pa yud yāoā sēn yaa yaalgā, la a pa tōe n gom ti fahmā.

53. Yaa bõe yǐng ti b pa na n sik faas-teed a zug sēn yaa Sānem, maa malegs-rāmbā tong taaba n tūud-a n watē?"
54. T'a gudg a nebā ti b tū-a, ad-b yu zāma sēn yaa dīn yitba.
55. La b sēn wa n sāam Tōnd sūuri, D maan-b lame n role, n bōrb gilli.
56. Tı Tōnd maan-b ti b yaa reng-taoor la bilgr ne sēn wat-b bāmb poorē.
57. La b sēn wa n rik bilgr ne a Maryam biigā, la fo nebā sēn kilsdi; (n yetē ti bāmb rvbsāme pa são a [ısa ye, b yaool n tūu yē me, rēnd bāmb ne b rvbsā sã n yaa bugum rāgiisi, rēnd a Maryam biiga me yaa boto)
58. La b yeele: "tōnd soaben-dāmbā sōmblem n yud bı yaa yē?" Bāmbā pa rikd bilgr ne foo rēnda no-koεem bala. Pa woto ye, bāmb rag n yaa no-keem neba.
59. Ad a [ısa pa yı rēnda yamb bal Tōnd sēn maan neema a zugu, la Tōnd maan-a t'a yaa tagmas ne [srayel koamba.
60. La Tōnd sã n sa tullē D na maan malegs yāmb zīgē, ti b leds yāmb tēngā poor zugu.(N tūud wēnd a yembre)
61. La ad a ([ısa) yaa tagmas ne dūni wā yikri, bı y ra maan sik ne-a ye, la y tū maam, yāoondā yaa so-turga.
62. La a Svıtāan ra wa gid yāmb de, ad a yaa be sēn vēneg ne yāmba.
63. La wakat ning a [ısa sēn wa n wa ne yel-vēnesā, a yeelame: "sid la hakuka m waa yāmb nengē ne buud sēn manege; buil yǐng me ti m na vēneg yāmb yel sānda yāmb sēn yōsd taab a zugu; bı y zoe Wēnd la y tū maam".
64. Ad Wēnd la mam Soaba, yē me la yāmb Soaba; bı y tū-A, ad yāoā la so-turga.
65. Tı sulā yōs taab bāmb ne taab soka, la wubd be ne neb nins sēn wēgbā raar ning naong sēn zabdā.
66. Rē yǐnga b kollda būmb ti sã n pa rūni wā yikr sēn na n wa b nengē ne lingr ti b yaool n pa miē.
67. Pa yē-to-kōngūs rāmbā yaa beem ne taab ra-kāngā raarā, ralla wēn-zoetbā.
68. Yāmb a Mam yembsā! Yaeesg pa be ne yāmb rūnda ye, la yāmb sūy kōn sāam me ye.
69. Rāmb nins sēn kō sid ne Tōnd yel-soalmā, la b yı n yaa moeembā;
70. Kē-y Arzānā yāmb ne y pagb n kudembdē.
71. B gilgda bāmb zug ne sānem laase (aset-rāmba) la ko-toeese; būmb ning sēn noom yōor fāa la nin sēn nong n pid be, ti yāmb be a pvge n yaa paadba.

72. La yē la Arzān ningā b sēn kut ti yāmb rik a faad ne būmb ning yāmb sēn yī n tumbdē wā yīngā.
73. Yāmb tara ti-biis wvsg a pugē n ditē.
74. Ad nin-wēnsā, bāmb bee gēhanem naongā pugē n yaa paadba.
75. B pa valem d bugmā bāmb zugu, ti bāmb be beenē ti b yaa sēn wāag b tēeb ne Wēnd yolgā.
76. La Tōnd pa wēg-b ye, yaa bāmb n da yī n yaa wēgdba.
77. Tī b moon n boole : "Foo Maaliki, kos f Soabā t'A kv tōnd ti d peems", t'a yeel: "yāmb yaa paadba " (paab sēn pa tar tēka n pa wāagdē).
78. Sīd la hakuka Tōnd waa yāmb nengē ne sīda, la yāmb wvsg fāa gill kisa sīda.
79. Bī b rīnga yelle, rēnd Tōnd me yaa rīngdba.
80. Bī b tēedame ti Tōnd pa wumb b walengā la b wūnungā? Pa woto ye Tōnd tēn-tvumbā (Malegsā) bee b nengē n gvlsdē.
81. Yeele: "Rahmaan Naab sā n da tara biiga, mam na yīē rēenem n tū-a".
82. Yūlgemd be ne saas la tēng Naabā sēn yaa Al-Ars Naabā n yī būmb ning bāmb sēn stfdā.
83. Bī f bas-b ti b faood la b reemdē hal n wa seg raar ning b sēn pvlem-bā.
84. Yē n yaa Soab saasē, yē la Soab tēng zugu, Yē la bvd Naab n le yaa minim Naaba.
85. La Soab ning bark yī wagalle sēn so-a saas la tēng naamā la būmb ning sēn be b yīibā suka; ti rūni yīkr minimā bee A nengē, ti yāmb lebgr zīg yaa Yē nengē.
86. La b sēn kot būmb nins zēng ti pa tū ne Wēndā pa tar sugsgā ye, rēnda ned ning sēn seed-a ne sīd la b miē.
87. Fo sā n sok-ba ti ānd n naan-b b na yete: "yaa Wēnde". La yaa wān-wān ti bāmb kedgdē?
88. La M wvmda (nabiyaamā) koεgā a sēn yete: "m Soaba! bāmbā yaa neb sēn pa kōt sīda".
89. Bī f ball n (yaaf) bas-b la f yeel-b laaft koεga; ti sā n yī bilf bala b na bānge.

44. Ad-duḥaan *

Ne Wënd yuvrā barka, sēn yaa yols yaleng Soabā, n yaa Yolsdā, la d sungd d tuvmdā.

1. Haa miim¹
2. Ne gaf-vēenegā.
3. Ad Tōnd sik-a-la yung pugē sēn yaa bark yungo, ad Tōnd yume n yaa bugsdba.
4. Yuvn-kānga pugē la b welgd yell buud fāa sēn bu n manege.
5. Tı yaa sagls sēn yi Tōnd nengē, ad Tōnd yume n yaa Tuvmsdba.
6. Tı yaa yolsg sēn yi fo Soabā nengē; ad Yēnda la Wvumd n ya Mita.
7. Yaa saasā la tēngā, la sēn be b yiibā svk Soabā, yāmb sā n yaa bāng-n-wāak rāmba, bı y kō sid ne Mam tēn-tvumā.
8. Soab ka be sēn na n tū n tılg ti pa Yē ye, A kuvdame la A vuvgdē, yaa yāmb Soaba, yaa y baaba-rāmb sēn reng taoor me Soaba.
9. Pa woto ye, bāmb bee sik pugē n reemdē.
10. Bı f koll-ba, raar ning saagā sēn na n wa n yaa wulwuku ti yaa vēnega.
11. N buiid fo nebā, la b yet-ba, ad wānde yaa namsg sēn zabde,
12. "D Soab a Wēnde! Pārg naongā n bas-do, ad tōnd yaa sıd-kōtba"
13. La tēegr na n nafa bāmb wān-wāna ti tēn-tvum sēn yaa vēneg ra waa bāmb nengē!
14. Rē poorē ti bāmb gōd b zān-kuids n bas-a la b yeele: " yaa karem-biig sēn yaa gāeenga".
15. Ad Tōnd na n pārga naongā bilfu, ad y na n le lebame.
16. Raar ning sēn na n wēoog-b wēoog kegengā, ad Tōnd yaa subgdba.
17. La sıd la hakuka, Tōnd zarba sēn reng bāmb taoore, a Fur-aoon nebā, ti tēn-tvum wagell wa b nengē.
18. (n yeel-ba:) "bas-y Wēnd yembsā ti b wa mam nengē, ti mam yaa tēn-tvum sēn yaa vēneg ne yāmba".
19. La y ra zēk y mens ne Wēnd ye, ad mam na n waa ne daliil (vēnegr) sēn yaa vēneg yāmb nengē.

* Adduḥaan (Bug-zōosā svvra).

[1] Wēnd n yud minim ne A sēn rat ne gvls-bi tōsdt-kāensā. La Gvls-bi tōsdt-kāensā, sēn be Svvr-kāensā baasgē wā, yaa sēn wilgd Alkvrāanā sēn komsd a gees-n-taasā, bala b geesa kuf-dāmbā ne Alkvrāanā, ti b kong n ka tōog n wa ne a buud ye, ti Alkvrāanā me -yaool n yaa sēn tui ne gom-biis nins bāmb goamā sēn tuit ne wā, sēn yaa gvls-bi tōsdt bāmbā buudā, ti rēnda wilgd Laarab-rāmbā kongame n ka tōog n wa ne Alkvrāanā buud ye, n lagem ne bāmb n yud nebā ne zelem pekā, ti wilgdē ti Alkvrāanā a yaa sēn tvme ti yi Wēnd nengē.

20. La ad mam kota gūudum ne m Soabā la yāmb Soabā, ti y ra wa lob-m ye.
21. La yāmb sā n ka kō sid ne maam, bi y ball n bas-ma.
22. T'a na n bool a Soabā, (n yeele): "bāmbā yaa nin-wēnse"
23. T'A yeele: "yi ne M yembsā n bob yungo, ad b na n puga yāmba."
24. La f bas mogrā hāoo ti ad b yaa tāp b sēn na n bōr-b".
25. Sōor waoog b sēn bas sēn yaa put la ko-nin.
26. La kood la zags sēn yaa wagla.
27. La neema-rāmb b sēn da be beenē n wumsd noogo.
28. Yaa woto bala, la Tōnd rika b faadā n kō neb a taaba.
29. La saag la tēng pa kūm b yīng ye, b pa yi me n ya b sēn na n koll-b rāmb ye.
30. La sid la hakuka Tōnd tulga [sraeɛl koambā n yi naon-yaandga.
31. N yi a Fur-aona, ad a yume n yaa zēk-m-meng soab maan-n-zuuk rāmbā pugē.
32. La ad Tōnd tūus-b lame, Tōnd minim pugē, bōn-nandsā fāa zugu.
33. La D kō-b yel-soalem-rāmba, ti zarb-n-gesg sēn ya vēeneg sēn be a pugē.
34. Ad bāmbā sēn kUSD Yikrā na yeele:
35. "Ad vum kabe rēndame ti yaa tōnd kūrāeengā bala, tōnd pa yi n yaa b sēn na n yik-b rāmb ye."
36. Bi y wa ne tōnd baaba-rāmbā ti y sā n yaa sid-rāmb.
37. La bāmb sōmblem n yud bi yaa Tuba'a nebā la sēn reng-b bāmb taorā? Tōnd halk-b lame, ad b yume n yaa wēngdba.
38. La Tōnd pa naan saasā la tēngā la sēn be b yiibā sukā reem yīng ye.
39. Tōnd pa naan b yiibā ralla ne sīda, la ad b wusgā fāa pa mi ye.
40. Ad Welgrā Raar la b fāa kep seka.
41. Raar ning lalld sēn pa nafd a lall-n-taag ba fvi, b pa tōe n song taaba.
42. Sā n pa Wēnd sēn yols-a soaba, ad Yēnda la Wind n yaa Yolsda.
43. Ad (zakuum) tok-sēnegā tugā.
44. Yaa beegdb ruho.
45. A yaa wala zūud koom n kaeed pusē wā.
46. Wala ko-tvulg kaebo.
47. (Ti b yet buguma malęsā): Yōk-y-yā-a n vēs n kēng Bugmā suka.
48. Rē poorē bi y kiig a zugā suk ko-tvulgā.
49. Lembe, ti foo la zısg n yaa wagelle.
50. Ad yaa wānde la yāmb sēn maan sik ne wā.
51. Ad wēn-zoetbā bee bas-m-yam zīgē.

52. Arzān-rāmb pvgē la ko-nini.
 53. B yeelgd-b-la fu-faas la fu-tagā, t b yaa sēn togl taaba.
 54. Woto bal la D furd-b pvg-nee nin sēn yaa yalemse.
 55. B boondame tu wat a pvgē, sēn yaa ti-biig buud fāa, t b yaa bas-m-yam rāmba.
 56. B pa lembd kūum a pvgē, rēnda kū-rāeengā, t b Soabā gū-b n yi Bug-yōogdgā.
 57. Tū yaa kūuni sēn yi fo Soabā nengē, ad wānde la pūr sēn yaa zisgo.
 58. La ad Tōnd yols-a-la ne fo zilemdā, sānd-sānde b na tags n gese.
 59. Bū f koll-ba, tu ad bāmb me yaa kolldba.

45. Al-Ġaaṭiya *

Ne Wēnd yūrā barka, sēn yaa yols yaleng Soabā, n yaa Yolsdā, la d singd d tūumdā.

1. Haā miim¹
2. Gafā sigbā yī Wēnd nengē sēn yaa wilb Naabā n yaa buud Mitā.
3. Ad be saasē la tēngā zugu, yel-soalem-dāmba ne sid-kōtba.
4. La yāmb naanegā pvgē, la sēn sāeegd sēn yaa bōn-kēndi fāa yaa yel-soalem ne bāng-n-wāaak rāmba.
5. Yungā ne wīndgā yōs taabā, la Wēnd sēn sikd rtlā n yit saasē wā n vumsd tēngā ne-a a sēn ki poorā, la sebgā kēnesgā yaa yel-soalem ne yam rāmba.
6. Wā yaa Wēnd aaya-rāmb tu D karemd-b fo zug ne sīda; la yaa goambug la bāmb na n kō sid ne Wēnd ne A Aayayā poorē?
7. Wubd be ne zīrimbe-ned fāa sēn yaa beegda.
8. Sēn wūmd Wēnd Aayayā tu b karemd a zugu, rē poorē t'a kell n nadgd n waogd a menga, tu yaa wala a pa wum-b ye, b f noog a sūr ne namsg sēn zabde.
9. La a sā n bāng būmb Tōnd Aaya-rāmbā pvgē, la a sēn rikd-a ne yaalgo; bāmb rāmbā tara namsg sēn faagde.
10. Ġehannem bee b poorē n gūud-ba. Būmb ning bāmb sēn paamā ka na n naf-b ba fū, b sēn rik-b rāmb n maan lall-n-taas zēng tu pa Wēndā me, pa naf-d ba fū! La b tara namsg sēn yaa zisgo.

* Addoḥaan (Bug-zōosā suura).

[1] Wēnd n yud minim ne A sēn rat ne guls-bi tōsdt-kāensā. La Guls-bi tōsdt-kāensā, sēn be Suur-kāensā baasgē wā, yaa sēn wilgd Alkvrāanā sēn komsd a gees-n-taasā, bala b geesa kifr-dāmbā ne Alkvrāanā, t b kong n ka tōog n wa ne a buud ye, t Alkvrāanā me -yaool n yaa sēn tui ne gombiis nins bāmb goamā sēn tuit ne wā, sēn yaa guls-bi tōsdt bāmbā buudā, t rēnda wilgd Laarab-rāmbā kongame n ka tōog n wa ne Alkvrāanā buud ye, n lagem ne bāmb n yud nebā ne zelem pekā, tu wilgdē tu Alkvrāanā a yaa sēn tūme tu yi Wēnd nengē.

11. Wā yaa kāndgre. La sēn kufl-b ne b Soabā Aaya-rāmbā tara namsgo sēn yaa naon-zabdga.
12. ☉ Wēnd la Soab ning sēn wōr mogrā n kō yāmbā, buul yīng ti koom kogendā na zoe a zug ne A sagelle, la y sēn na paam A kūnā yīnga, ti sand-sānde y na puus barka.
13. La A wōr sēn be saasē la sēn be tēng zug n kō yāmba, fāa kep yaa sēn yi A nengē; ad yel-soalem bee rē pugē ne tagsdba.
14. Yeel sēn kō-b sidā ti b bas ti loog sēn pa tēed-b Wēnd rasem-rāmbā yīnga, buul yīng ti Wēnd na rol nebā b sēn da yi n tumdē wā.
15. Sēn tum-a sōama, yaa a meng yīnga, la sēn wēng-a me yaa a meng zugu; rē poorē yaa y Soabā nengē la b na n lebs-yā.
16. La sid la hakuka Tōnd kōo [sraeɛl koambā gafā la buud la nabiyaaamdem, la D rilg-b ri-yulma, la D yus-b bōn-naandsā zugu.
17. La D kō-b vēnem yellā pugē. La b pa yōs taaba rēndame ti yaa bāngrā sēn wa bāmb nengē poore, ti yaa kedgr bāmb ne taab svka. Ad fo Soabā n na n bu bāmb ne taab svk Dūni Yikr raare, b sēn da yi n yōsd taab būmb ning zugā.
18. Rē poorē ti Tōnd ning foom Sor zug sēn yaa vēeneg yellā pugē, bɪ f pug-a la f ra pug sēn ka mi-bā yamleed ye.
19. Ad b pa tōe n naf foom ba fuɪ n yud Wēnd ye. Ad wēgdbā yaa lall-n-taas ne taaba, la Wēnd la wēn-zoetbā Lallda.
20. Wānde yaa vēnem ne nebā la kāndgr la yolsg ne bāng-n-wāak rāmba.
21. Bɪ sēn tum-b wēngā tēedame ti Tōnd na n maan-b-la wala sēn kō-b sidā la b tum sōama wā, b vum wēngē la b kūum wēngē? Ad bāmb sēn buudā yi wēnga.
22. La Wēnd naana saasā la tēngā ne sida, la sēn na rol yōor fāa gill a sēn tume, ti bāmb yaa b sēn pa wēgd-b rāmb ye.
23. Fo pa yā sēn rik-a a yamleoog ti yaa a soaba, ti Wēnd menems-a bāngr zugu, n pag a tubā la a sūurā, n ning a ninē wā lutsi, yaa ānd n na n pæeg-a Wēnd poorē, Y pa na n tags n gese?
24. La b yeele: "vum kae ti sā n ka Dūni vumā ye, ti d kudē la d vumdē, la būmb pa kuud tōnd rēnda zamaanā bala". La bāmb ka tar bāngr buud ne rē ye, b pa yi, rēndame ti yaa b sēn tēed bala.
25. La b sā n karemd b zugu Tōnd Aaya-rāmbā ti yaa vēnese, b tikr ka yi rēnda b sēn yete: "wa-y ne tōnd baaba-rāmbā ti y sā n yaa sid-rāmba".

26. Yeel ti yaa Wënd n vumsd yāmba, rē poorē t'A kv yāmba, rē poorē t'A tigim-y n tug Dūni Yikr raare, sik ka a pugē ye, la ad nebā wusg pa mi ye.
27. La ad Wënd n so saasā la tēngā naam, la Dūni wā Yikr raare, ra-kāng raare, zīrimbe-nebā na n bōname.
28. La fo yāta zāma fāa t'a yīga, zāma fāa b boond-a lame n tug a gafē: "rūndā la b rond yāmb y sēn da yī n tūmdē wā".
29. Wā yaa Tōnd gaf sēn gomd yāmb zug ne sida, ad Tōnd ra yume n gulsd yāmb sēn da tūmdā.
30. La sā n yaa sēn kō-b sūdā la b tum sōama wā, b Soabā kēesd-b-la A yolsgā pugē, rē la pūr sēn yaa vēnega.
31. La sā n yaa sēn kīfl-bā (Wënd yet-b lame): "rē yīngā Mam Aaya-rāmbā, b ra pa yī n karemd-b yāmb zugu, ti yāmb waoog y mense, la y ra yī n yaa nin-wēnse?"
32. La b sā n yeel ti Wënd pulengā yaa sida, la Dūni Yikrā sik ka a pugē, yāmb yetame: "tōnd pa mi Dūni Yirk ye, tōnd pa tēed rēndame ti yaa sāmbs bala, la tōnd pa yī n yaa bāng-n-wāag rāmb ye".
33. Tī bāmb sēn tumā wēng puk ne bāmba, tī gūbg bāmb būmb ning bāmb sēn da yī n yaandē wā.
34. Tī b yeele: "rūndā D yīmda yāmb yell wala yāmb sēn yīm y ra-kāngā segbā, la y gāag zīg yaa Bugmē, y pa tar sōngd buudu".
35. Yaa woto ti bala yāmb rika Wënd Aaya-rāmbā ne yaalgo, ti Dūni vumā belg yāmba, rēnd rūndā b pa na n yiis yāmb a pugē ye, b pa na n leb yaaf-b ye.
36. Rēnd Pēgr tiugung be ne Wēnde, saas la tēng Naabā, bōn-naands Naabā.
37. La Yē n so waoog-m-menga, saasē la tēnga, la Yē la α Wind n yaa buud Mita.

46. Al-Ahkaaf *

Ne Wënd yuvrā barka, sēn yaa yols yaleng Soabā, n yaa Yolsdā, la d sungd d tuvmdā.

1. Haa miim ¹
2. Gafā sigbā yii Wënd nengē sēn yaa wilb Naabā n yaa buvd Mitā.
3. Tōnd pa naan saasā la Tēngā la būmb nins sēn be b yībā svka, rēnda ne sid la wakat sēn tar tēka, la neb nins sēn kɪfl-bā yaa balldba n yi būmb ning b sēn bugsd-bā.
4. Yeele: "kō-y maam kibar ne būmb ning yāmb sēn tūud ti pa yi ne Wëndā, wilg-y maam bōe la b naan tēn-gāngā zugu, bɪ b tara lagem-n-taar saasē wā? Wa-y ne gaf sēn yi bāmb nengē n reng yāoā taoore (Alkvrāanā), ma bāngr vūun ti y sā n yaa sid-rāmba".
5. La ānd meneng n yud neb sēn boond zēng sēn pa Wēnde, neb nins sēn pa na n sak a yīng hal n ti tāag yikrā raare, la b Rvbsā rayume n yaa yam yaal-yaal rāmba, n pa mi bāmb tūudmā ye.
6. La b sā n wa tigim nebā, b (Rvbsā) yuta bæeb ne-ba (kɪfr-dāmba) la b leb n yi kusdb ne bāmb tūudmā.
7. La b sā n karemd Tōnd Aaya wā sēn yaa vēenesā b nengē, la neb nins sēn kɪfl-bā na n yeele, sidā sēn wa n wa b nengē: " yāoā yaa tum sēn vēnege"
8. Bɪ bāmb yetame: "a pasg-a lame n wa". Yeele: "M sā n pasg-a n wa ne, yāmb pa so ba fvi mam yīng Wënd nengē ye. Yēnda n mi būmb ning yāmb sēn faood a pugē wā, Wënd seedgā seka maam ne yāmb svka, Yē la yaafa la Yoaslda".
9. Yeele: "Mam pa yi n yaa tēn-tvum rāmbā sungd ye, la mam pa mi b sēn na n maan maam la yāmb ye, mam pa tūud rēnda būmb ning b sēn tvms ti wa mam nengē wā, la mam pa yi rēnda bugsd sēn vēnege".
10. Yeele: "kō-y maam kɪbare: sā n mik t'a yii Wënd nengē ti yāmb kus-a ti seet sēn yi [sraeɛl koambē wā yaool n seed a bilg-n-taare (sēn be Taoraatē wā) n kō sda, ti yāmb maan waoog-m-menga, ad Wënd pa kāndgd neb sēn yaa wēgdb ye".

* Al-Ahkaaf (Bīis tāmsā svura).

[1] Wënd n yud minim ne A sēn rat ne gvls-bi tōsdt-kāensā. La Gvls-bi tōsdt-kāensā, sēn be Svvr-kāensā baasgē wā, yaa sēn wilgd Alkvrāanā sēn komsd a gees-n-taasā, bala b geesa kɪfr-dāmbā ne Alkvrāanā, ti b kong n ka tōog n wa ne a buud ye, ti Alkvrāanā me -yaool n yaa sēn tui ne gom-biis nins bāmb goamā sēn tuit ne wā, sēn yaa gvls-bi tōsdt bāmbā buudā, ti rēnda wilgd Laarab-rāmbā kongame n ka tōog n wa ne Alkvrāanā buud ye, n lagem ne bāmb n yud nebā ne zelem pekā, ti wilgdē ti Alkvrāanā a yaa sēn tvme ti yi Wënd nengē.

11. Tı neb nins sēn kɪfl-bā yeel neb nins sēn kō-b sɪdā: " a sã n da yaa sōama b kōn rengē tōnd be ye". La b sēn n pa paam kãndg ne-a wã, b na n yetame:" yãoã yaa zīrimbe-kɪdre".
12. La be sēn rēng yãoã taore a Muusa gafã, sēn ya b sēn tik n tūudē la yolsgo. La yãoã yaa gaf sēn sɪdgd Gaf-rãmb nins sēn reng taorã, n yaa Laarab-rãmb zilemde, sēn na yul t'a bugs neb nins sēn wēgdbã, la a yı sũ-noogr ne manegdbã.
13. Ad neb nins sēn yeele: "tōnd Soab la Wēnde". Rē poorē tı b tēeg tırgã, yaeesg pa be ne-ba, b pa sãamd b sūr me ye.
14. Bãmb la Arzãn rãmbã, n yaa duumdb a pugē, tı yaa rolb ne bũmb ning bãmb sēn da yı n tımdē wã.
15. La Tōnd sagla ninsaal ne a roagdb a yıibã ne manegre. A ma wã zãa a pugã ne toom n le rog-a ne toom; pugã zãabã ne a bĩismã basgã yaa kiis pistã, halı t'a pãngã sã n wa pidi, t'a ta yuum pis-naas la a sēn yete: "m Soaba, leems maam tı m soees Fo neema ning Fo sēn maan maamã, la m roagdb a yıibã, la m tıvm sōama tı F yard-a, la F maneg maam m koambē wã, ad mam lebsa m meng F nengē, la ad mam bee lıslaambã pugē".
16. Bãmb la neb nins Tōnd sēn reeg b tıvm-sōams nins b sēn tıvmã la D zıvıgd n basd b tıvm-wēnsã, tı b lagem Arzãn koambã, yaa pılen-sıd ning b sēn da pılem-ba.
17. La ned ning sēn yeel a roagdb a yıibã: "kãe! Yãmb y yıibã pılemda maam tı b na n yıisa maam, tı hakuk pugē wã zãma-rãmb n reng mam taore la b pa yık b baa yembr ye", tı b yıibã kot Wēnd (n yetē): "wubd be ne-fo! Kō sıda! Ad Wēnd pılengã yaa sıda. La a sēn yete: "yãoã pa yı rēnda rēnem rãmb soalma balı".
18. Bãmb la neb nins namsg koegã sēn yı sıd b zugã; tı b lagem zãma-rãmb sēn reng bãmb taore n yaa zın-rãmb la ninsaalba, ad bãmb yu bōn-rãmba.
19. Yemkãm fãa tara darge-rãmb ne bũmb nıng b sēn tıvmã, buı yıng t'A pıds b tıvmã, tı bãmba b pa na n wēg-b ye.
20. La raar ning b sēn na n ball neb nins sēn kɪfl-bã ne Bugmã: "yãmb yeeba y yel-sōma wã yãmb Dũni vumã pug, la y wıms noog ne-a, la rũndã b ronda yãmb naon-faagdga, bũmb ning yãmb sēn da yı n maan waoog-m-meng tēn-gãngã zugã tı pa yı ne sıdã yıngã, la ne yãmb sēn da yı dıın yıtba.
21. La f tēeg a Aad-rãmb saam-bıigã yelle, wakat ning a sēn bugs a zãma wã sēn be al-Ahkaafã. La hakuka, bugsdb reng yē neng taor la a

- poorē: "tu y ra tũ tu sã n pa Wēnde, ad mam yaesda yãmb zugu ra-kasengã raar naongã".
22. B yeelame: "fo waa tōnd nengē n na n wēnems n yiis tōnd d saob-rãmbē wã, bɪ f wa ne tōnd nengē bũmb ning f sēn pulem tōndã, f sã n yume n be sidã-rãmbē".
23. T'a yeele: "ad minimã bee Wēnd nengē, la mam taasda yãmb bũmb ning b sēn tvms ne maamã, bala mam nee yãmb tu y yaa zãma sēn maan zulem".
24. La wakat ning b sēn wa n yã-a wã t'a yaa sēn balld b ko-soodã wēngē, b yeelame: "yãoã yaa sawadg n na ni tōndo". Pa woto ye, a yaa yãmb sēn yãg ne bũmb ningã wã, yaa sebgo, la namsg sēn zabde n be a pugē".
25. A wōrda bũmbã fãa gill ne a Soabã sagelle, tɪ b vēeg beoog tɪ b pa leb neē sã n pa b zagsã, woto bal la D roll nin-wēnsã.
26. La sid la hakuka, Tōnd kō-b-la tōog bũmb ning pug Tōnd sēn pa kō yãmb tōog a pugē, la D maan tvb n kō-ba, la nini la sũyã. B tvbã la b ninã la b sũyã pa naf-b ba fvi ye, bala b ra yume n kUSD Wēnd yel-soalmã, tɪ sig bãmba, bãmb sēn da yɪ n yaald bũmb ningã wã.
27. La sid la hakuka Tōnd halka sēn gũbg yãmbã sēn yi tēmsē wã la D yilem yel-soalmã sãnd-sãnde b na lebge.
28. La yaa bōe tɪ Rvbs nins bãmb sēn yōk tɪ pa tũ ne Wēndã, n tēed-b la b baood pēnegr ne-bã tɪ yaa tũudmã, pa na n sōngē-ba? Pa woto ye, b menem n bas-b lame, la rēndala b zīrimbeedã la bũmb ninga b sēn ra yɪ n rōtē la b tēedã baasg la woto.
29. La wakat ning Tōnd sēn wa n wēnems zãma sēn yi zīn-rãmbē n toglg foo, tɪ b kelgd Alkvrãanã, la b sēn wa n wa-a wã b yeelame, "sīnd-y n kelgɪ-yã". La b sēn wa n se wã, b lebgame n tvg b nebē wã tɪ b yaa bugsdba.
30. B yeelame: "yaa tōnd zamã! ad tōnd wuma gaf sēn sik nabiyaam a Musa loogr poorē n yaa bugsd ne bũmb ning sēn reng a neng taoore, n kãndgd n tvgd so-turga".
31. Tōnd nebã! sak-y Wēnd boaandã la y kō sid ne-A, A yaafda yãmb n yi y zũnuub-rãmba, la A gũ yãmb n yi naong sēn zabde.
32. La ned ning sēn pa sakd-a Wēnd boaandã a pa yɪ n yaa pōsd tēn-gãngã zugu, la a pa tar lall-n-taas tɪ pa yɪ ne Yē ye, bãmb rãmbã n be meneng sēn vēneg pugē".

33. Rē yīnga bāmb pa yā tı Wēnd ning sēn naan-a saasā la tēngā n pa ya ne b naanegā, A yaa Tōogd ne A na vuug kũ-rāmba. Yaa sıda, ad Yēnda, A yaa Tōod ne bũmb fāa.
34. La raar ning b sēn na n ball neb nins sēn ktfl-bā ne Bugmā: "rē yīnga yāoā pa sıda?" Tı b yeele: "d wēen ne d Soabā t'a yaa sıda", t'A yeele: "bı y lemb namsgā bũmb ning yāmb sēn da yı n kifendē wā yīnga".
35. Bı f maan sugri, wala Loe-n-wāak rāmb sēn yi tēn-tuumbē wā sēn maan sugrā, la f ra yāg ne-b ye. Raar ning b sēn na n yā b sēn pulem bāmbā, yaa wala bāmb pa zīnd (Dūni wā) rēnda wīntoog sasa a yembre. Woto yaa taasgo; la rē yīnga b halkdame tı sā n pa tar-n-yi-dīin-rāmb zāma?

47. Muhammad *

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. Neb nins sēn ktfl-bā la b gudg nebā n yi Wënd sorā, A sāama bāmb tvvma.
2. La neb nins sēn kō-b sūd la b tvv sōma, la b kō sūd ne būmb ning sēn sik a Mohammad zugā - yē me la sūda n yi bāmb Soabā nengē - A yēesa bāmb rāmb yel-beed n yi-ba, la A maneg b yela.
3. Yaa woto bala, tī neb nins sēn ktfl-bā, b puga zīri, la neb nins sēn kō-b sūdā, b puga sūd sēn yi b Soabā nengē; yaa woto bal la Wënd wilgd nebā, b taabā bilg-n-taare.
4. Yāmb sā n wa yek neb nins sēn ktfl-ba (zabrē), yaa yubli keeb bala, hal tī yāmb sā n wa koms-ba, bī y keng sēbrā ma tī y bas taale, ma tī y reeg yōor yaoodo, hal tī zabrā wa tī rigl a zubo. Yaa woto bala, la Wënd sā n rag n tvlla, A naan n halk-ba, la yaa sēn na yil n zarb yāmb ne taab n gese. Neb nins b sēn kv Wënd Sorā zugā, A kōn yeeb b tvv lae-lae ye.
5. A na n peeg-b lame la A maneg b yela.
6. La A kēes-b Arzāna, A sēn rag n suf-ba wilg-b dīni wā.
7. Yāmb a neb nins sēn kō sūd ne Wēnde! Y sā n sōng Wēnde, A sōngd-y lame, la A tabl y nao-kadma.
8. La neb nins sēn ktfl-bā, yaalg be ne-ba, la A sāam b tvvmā.
9. Yaa woto bala, tī ad bāmb kiswa Wënd sēn sik būmb ningā t' A lub bāmb tvvmā.
10. Rē yīnga bāmb pa kēnd Tēngā zug n get wān-wān la neb nins sēn reng bāmb taorā baasg yī yā? Wënd pama b zugu, rēnda buud n be ne ktfr-dāmba.
11. Yaa woto bala, tī yaa Wënd la neb nins sēn kō sūdā lall-n-taaga, la neb nins sēn ktfl-bā, bāmb pa tar lalld ye.
12. Wënd kēesda neb nins sēn kō sūdā la b tvv sōama wā Arzān-rāmbē, ko-sood sēn zoet b tēngre, la neb nins sēn ktfl-bā wvmda noog la b ritē wala rūmsā sēn rutā, la Bugmā la bāmb gāag zīiga.
13. La sōor waog tēng sēn yud fo tēng ning sēn yīs-foo wā ne keelem, la Tōnd yaool n halk-b lame, tī sōngd pa be ne-b ye.

* Muhammad (A Muhammad svvra).

14. Rē yīnga, ned ning sēn be vēnem zugu, sēn yi a Soabā nengē, wōnda wala ned ning b sēn faas a tʷʷm-wēng t'a ne-a t'a yaa neere, la b tū b yōe yamleoodo?.
15. Arzān ning b sēn pulem ne Wēnd zoetbā bilgri: ko-sood n be a pugē sēn yaa koom sēn pa tedgde, la ko-sor sēn yaa biisim, a noosmā pa tedgd ye; la ko-sood sēn yaa noosem yūudbā yīnga, la ko-sood sēn yaa sud sēn yulge. La b leb n tar a pugē ti-biisā fāa gilli, la yaafa sēn yi b Soabā nengē. Rē yīnga, wā na yī wala neb nins sēn duumd Bugmā pugē ti b yūnug-b ko-tʷʷlg t'a fās b yāadā?
16. La be b (kʷf-r-dāmbā) pugē, ned ning sēn kelgd foom hal ti b sā n wa yi fo nengē la b sēn yet neb nins b sēn kō bāngrā: "yaa bōe la a sēn da yet moas-moasā wā? " Bāmb la neb nins Wēnd sēn pag b sūyā ti b pugd b yamleoodo.
17. La neb nins sēn kāndgā, A paasa bāmb kāndgr la A kō-b b wēnzozegā.
18. La rē yīnga, bāmbā rāmbā gūuda būmb ti sā n pa rūni wā yikr sēn na n wa b nengē ne lingri. La sīd la hakuka, a tagmas-rāmbā zoe n waame. La bāmbā na n yu wān n tēeg t'a sā n wa wa bāmb (ne lingri)?
19. Bʷ f bāng ne hakuk ti soab kae ti sā n pa Wēnd ye. La f kos yaafa f zunuubā yīnga, la muumin roapā la muumin pogsā me zunuub yīnga. La Wēnd mii yāmb lebeng zīiga, la yāmb gāag zīiga.
20. La neb nins sēn kō sīdā yetame: "b pa na n sik Svura?" Tī b sā n yaool n sik svura sēn bʷ n manege, n tēeg zabr a pugē fo yāta neb nins bāag sēn be b rāmb sūyē wā ti b get foo wala ned sēn sobg kūum yīng gesgo, la sēn sōmba ne-ba.
21. Tūudum la gomd sēn be neere. La yellā sā n wa loe n wāag bʷ f bāng ti bāmb sā n da kōē Wēnd sīda na yīē sōma ne-ba.
22. La rē yīnga y pa yaeesd ti y sā n gūd kuidga, yaa sāang bal la y na n sāeeg tēngā zug la y wāag rogem, wala y sā n da maan zulemā sasa wā?
23. Sēn maand-b rē wā bāmb rāmba la Wēnd sēn kāab-ba, n wung-ba ti b ka wʷmd sīd ye, la A zong b ninā.
24. Rē yīnga bāmb pa tagsd Alkrāanā n getē-la, bʷ yaa kvlem-biisi n be b sūyē wā?
25. Ad neb nins sēn tar n lebg poorē kāndgrā sēn vēneg ne bāmb poorā , yaa a Svūtāan n liib-ba la a walem-ba.
26. Yaa woto ti bāmb yeela neb nins sēn kisg būmb ning Wēnd sēn sikā: "d na n tū-y-la yel-sānda pugē". La Wēnd mii b solgrā.

27. La na n yī wān-wān tī Maleḡsā sā n wa kʷud bāmba, n pābd bāmb nensā, la b poayā?
28. Yīta boto bal tī bala bāmb tūu būmb ning sēn ḡēed Wēndā, la b kisḡ A yardā t'A lub bāmb tʷmā.
29. Bī neb nins bāag sēn be b rāmb sūyē wā tēedame tī Wēnd pa na n tol n maan tī bāmb beema la b kisḡrā yī n vēneg tī neba bāng-ba.
30. La Tōnd sā n da tulla, M naan n wilḡ-f-ba. La fo na bāng-b ne b tagmas-rāmbā, fo na bāng-b neer-neer b gom bundmā puḡē. La Wēnd mīi yāmb tʷmā.
31. La Tōnd na zarb yāmb neer-neere, hal n wa bāng nidḡ pāng rāmb Wēnd Sorā zugu, la sugr rāmba, la D zarb yāmb n ges n maan tī b bāng yāmb sūd-soaba la y zīri-be-neda.
32. Ad neb nins sēn kʷfl-bā la b ḡud Wēnd Sorā la b maan tēn-tʷmā beem kāndḡrā sēn vēneg ne bāmb poorē, b kōn tol n nams Wēnd ba fʷi, A na n luba b tʷmā me.
33. Yāmb neb nins sēn kō sūd ne Wēnde! Tū-y Wēnde, la y tū Tēn-tʷmā la y ra sām y tʷm ye.
34. Sūd la hakuka, neb nins sēn kʷfl-b la b ḡud Wēnd Sorā, rē poorē tī b kī tī b kell n ya kʷr-dāmbā, Wēnd kōn tol n yaaf-b ye.
35. Bī y ra valems ye, la y ra baood laafi rabeem yīng ye, tī yāmb n yaool n be zuḡē. Wēnd bee ne yāmba, A kōn tol n boog yāmb tʷmā me.
36. Ad Dūni wā vumā yaa wısg la reem. La yāmb sā n kō sūd la y zoe Wēnde, A kōta yāmb y keorā, la A pa modḡd yāmb y arzekē wā ye.
37. A sā n modḡd yāmb a puḡē n pēdḡ yāmba, y maanda beed la A yīis yāmb kisḡrā.
38. Ad yāmba, b boonda yāmb tī y yāk n naf Wēnd Sorā zugu. La bee yāmb puḡē sēn maand beedo. La ned ning sēn maand-a beedo, ad a maand a meng beedo. Wēnd yaa Sek-m-meng Soaba, yāmb la tʷlsdba. Y sā n ḡōd y kuidḡa, A tedḡda yāmb ne zēms sēn pa yāmba, rē poorē b pa yit wala yāmb buud ye.

48. Al-fath *

Ne Wënd yuurā barka, sēn yaa yols yaleng Soabā, n yaa Yolsdā, la d sungd d tumdā.

1. Ad Tōnd pakame n kō foom, pakr sēn yaa vēnega (Hudaybiya zems-n-taarā).
2. Bvul yīng tī Wënd na yaaf foom f zūnuub-rāmb sēn reng taoor la f zūnuub-rāmb sēn na n yaoole, la A pids A neema wā fo zugu, la A kāndg foo sor sēn ya turga.
3. La Wënd sōng foo sōngr sēn tar pānga.
4. Yē la Soab ning sēn sik yīn-yōgnegā muumin-rāmbā sūyē, bvul yīng tī b na paas liimaoong n lagem b liimaoongā. La Wënd n so saas la Tēng tāpo, la Wënd yume n yaa Mit n yaa buvd nimim Naaba.
5. Bvul yīng t'A na kēes Muumin-roapā la Muumin-pogsā Arzān-rāmbē, tī ko-sood zoet b tēngre, tī b yaa duumdb a pugē, la A yaaf-b b yel-wēna, la rēnda yu Wënd nengē n yaa puur sēn yaa bedre.
6. La A names Munaafig-roap la Munaafig-pogsā, la lagem-n-taar rāmb sēn yaa raoap la pagb n yaa tēed toog rāmb ne Wēnde, tē-wēnga Wēng na gilg b zugu, la Wënd gēeg be b zugu. A kāab-b lame la A segl Gehanem b yīnga. B baasg yī wēnga.
7. La Wënd n so saas la Tēng tāpo, la Wënd yume n yaa pāng Naab n yaa buvd Mita.
8. Tōnd tumsa foom, tī f yaa sēeta, sū-noogd la bugsda.
9. Bvul yīng tī y na kō sūd ne Wënd la A Tēn-tuumā, la y sōng-a, la y waoog-a, la y yulg Wënd yibeood la zaabre.
10. Ad neb nins sēn balemd foomā, ad yaa Wënd la b balemda, Wënd nugā bee bāmb nusā zugu. Ned ning sēn yidg-a, ad a yidgd a menga, la ned ning sēn pids-a būmb ning a sēn rik alkaool ne Wënd a zugā, A na n kō-a-la keoor sēn zise.
11. Paadbā sēn yaa weotē laarab-rāmbā sēn pa tū-ba n kēn kēng Makā, na n yeela foo: "tōnd arzekā la tōnd zagsā rāmb maanda tōnd soagla, bī f kos yaafa n kō tōndo". B yeta ne b zelma wā būmb ning sēn pa be b sūyē wā. Yeele: "yaa ānd n tōe bōsg yāmb ba fvi n yīng Wēnde t'A sā n rat yāmb ne naongo, ma A rat yāmb ne yōodo?" Pa woto ye! Wënd yume n ya tēng-n-biiga ne būmb ning yāmb sēn tumdā.

* Al-fath (Pakrā svura).

12. Pa woto ye! Yāmb tēeme tu Tēn-tvumā ne muumin-rāmbā kōn tol n lebg n tug b zagsā rāmbē lae-lae! Tı b faas rēnda yāmb sūyē wā, tu yāmb tē tē-wēnga, la yāmb yu neb sēn yaa halkdba.
13. La neb ning sēn pa kō sūd ne Wēnd la A Tēn-tvumā, rēnd Tōnd segla bug-witg kıfr-dāmbā yīnga.
14. La saas la tēng naam yaa Wēnd n so, A yaafda A sēn rat-a soaba, la A namsd A sēn rat-a soaba, la Wēnd yume n yaa yaafd n yaa yolsg Naaba.
15. Paadbā na n yeelame: "yāmb sā n wa kēng n na n rik Ganiim arzegse, bı y bas tōnd tu d pvg yāmba". B ratame n tedg Wēnd goamā, yeele: "yāmb kōn tol n pvg tōnd ye, yāmb yaa woto bala, Wēnd n yeel hal pīnda". La b na n yeelame: "pa woto ye! Y maanda tōnd sū-kīiri". La pa poto ye! B yume n pa fahemdē rēnda bilf bala.
16. Yeel paadbā sēn yaa weoogē laarb-rāmbā: "b na n boola yāmb n tug neb sēn yaa pān-kegeng rāmb tu yāmb zabd ne-ba, ma b sak n tū; la yāmb sā n sake, Wēnd kōta yāmb keoor sēn be neere, la yāmb sā n gōd y kuids wala yāmb sēn da gōd y kuids pīnda, A na n sıbga yāmb ne naong sēn zabde".
17. Yell pa be ne zoanga, yell pa be ne woabga, yell pa be ne bāada (tı b sā n pa kēng gihaadi ye). La ned ning sēn tūud-a Wēnd la A Tēn-tvumā, A kēesd-a-la Arzān-rāmbē tu ko-soay zoet b tēngre; la ned ning sēn gūd a kuidga, A sıbgd-a-la ne naong sēn zabde.
18. Sūd la hakuka Wēnd yara Muumin-rāmbā wakat ning b sēn wa n balemd foom tugā tēngrā, A bānga būmb ning sēn be bāmb sūyē wā t'A sik yīn-yōgneg bāmb zug la A lok-b ne pakr sēn pē.
19. La ganiim arzek sēn yaa wısg tu b wıkd-a. Wēnd yume n yaa pāng Naab n yaa bıvd mita.
20. Wēnd pılma yāmb ganiim arzek sēn yaa wısg tu yāmb wıkd-a, t'A yāg ne yāmb wānde (Haebar pakrā) la A yōk nebā nus n yi yāmba, bıvl yīng tu na yı tagmas ne muumin-rāmbā la A kāndg yāmb n tug sor sēn yaa turga.
21. La a to yesa, yāmb nan pa tōe n ta-a naand ye. Sūd la hakuka Wēnd tōogā gūbg-a lame, Wēnd yume n yaa tōod ne būmbā fāa.
22. La ba tu neb nins sēn kıfl-bā sā n da zabē ne yāmba, b na gūd kuidsı, rē poorē b pa paamd lallda, b pa paamd sōngd me.
23. Yaa Wēnd sor ning sēn da loog hal pīndā la f kōn tol n mik tedgr ne Wēnd sorā ye.

24. La Yē la Soab ning sēn yōk bāmb nusā n yi yāmba, la yāmb nusā n yi bāmba, Mak kurenga, A sēn sōng yāmb b zug poorē. Wēnd yume n yaa Net ne būmb ning yāmb sēn da tumdā.
25. Bāmb la neb nins sēn kɪfl-ba, la b gɪdgd yāmb Lohorem miisrē wā, la b gud Hadɪ rūmsā (rūms nins b sēn kuvd Makā) tɪ b pa tōe n ta b (kuvbā) zīgē wā. La sā n rag n ka roap sēn yaa muumin-rāmb la pagb sēn yaa muumin-pogs yīnga, yāmb sēn pa mi-ba; tɪ yāmb na n wa kv-b n lagem kɪfr-dāmba tɪ pa yɪ ne minim ye, tɪ zunuub wa paam yāmb la Yōor-yaood, tɪ yāmb pa miē ye, buɪl yīng tɪ Wēnd na kēes A yolsgā pugē A sēn tvll-a soaba, la tɪ b sā n da bakame (muumin-roapā la muumin-pogsā) D rag n na sɪbg neb nins sēn kɪfl-bā ne naong sēn zabde.
26. Wakat ning neb nins sēn kɪfl-bā sēn wa n ning b sūyē wā waoog-m-menga, zɪslem waoog-m-menga, tɪ Wēnd sik a yīn-yōgnegā A Tēn-tvumā zug la muumim-rāmbā zugu, la A tablg-b ne wēn-zoεεg gomde, la b ra yume n sōmb ne-a, bāmb la a rāmbā. La Wēnd yume n yaa mit ne būmbā fāa gilli.
27. Sɪd la hakuka, Wēnd sɪdga A Tēn-tvumā zamsdā ne sɪda: "y na kēed Lohorem miisrā neer-neer tɪ Wēnd sā n sake, tɪ y yaa basem-yam rāmba, tɪ y yaa sēn pōe y zutu, la y yaa sēn wōrse, n pa yaεsdē ye. T'A bāng būmb ning yāmb sēn pa mi t'A maana pakr a to sēn pē n yu Mak-pakrā n kō yāmb nanda (Haybar).
28. Yē la naab ning sēn tvms A Tēn-tvumā ne kāndgr la sɪd dīini, buɪl yīng t'A na wils-a Dīin-rāmbā fāa zugu, la kaset seka ne Wēnde.
29. A Mohammad yaa Wēnd Tēn-tvuma, la neb nins sēn lagem-a wā yaa keelem-rāmb kɪfr-dāmbā zugu, n yaa yoalsdb bāmb ne taaba. Fo yāt-b lame tɪ b yaa Ruku maandba, suguud maandba, n baood yudlem sēn yi Wēnd nengē la yarda. B tagmasā be b nensē wā suguudā vūun yīnga. Woto la b bilgr Taooraat pugē, la b bilgr Ingiilā pugē. Yaa wala kood sēn yiis a willi, t'a koge n nobe, n zēk a yasrā zug n maan koadbā yel-solemde. Buɪl yīng tɪ b na puug kɪfr-dāmb sūya. Wēnd pulma neb nins sēn kō sɪd la b tvum sōama sēn yaa Sahaabsā, yaafa la keoor sēn bedme.

49. Al-Huğraat *

Ne Wënd yvurā barka, sēn yaa yols yaleng Soabā, n yaa Yolsdā, la d singd d tvumdā.

1. Yaa yāmb neb nins sēn kō sid ne Wēnde! Ra rengd-y Wënd ne A Tēn-tvumā taoor ye, la y zoe Wēnde, ad Wënd yaa Wvmda n yaa Mita.
2. Yaa yāmb neb nins sēn kō sid ne Wēnde! Ra zēk-y y koesā Nabiyaamā koεeg zug ye, la y ra porg-a ne gomd wala yāmb ne taab porbā ye, tı y tvvm na n wa lvi tı y pa miē ye.
3. Ad neb nins sēn sikd b koesā Wënd Tēn-tvumā nengē wā, bāmb la neb nins Wënd sēn yulg-b rāmb sūy ne wēn-zoεega, bāmb rāmb tara yaafg la keoor sēn zıse.
4. Ad neb nins sēn boond-b foom rotā poayē wā, b wvsgā fāa pa tar yam ye.
5. Bāmb sā n da maanē sugri hal tı fo wa yi n kēng b nengē, rē n yudē sōmblem ne bāmba; la Wënd yaa Yaafd n yaa Yoalsda.
6. Yaa yāmb neb nins sēn kō sid ne Wēnde! Dīin yit sā n wa yāmb nengē ne kibare, bı y bao vēenem, la y ra rvvg neb ne zulem tı yāmb lebg n maan mims ne yāmb sēn tvm būmb ningā ye.
7. La y bāng tı Wënd Tēn-tvum bee yāmb pvğē; a sā n da tūudē yāmb yel wvsg fāa pvğē, rag n na pak yāmba. La Wēnde maana limaoongā nonglemā yāmb nengē, la A faas-a yāmb sūyē wā, la A kisg kifend yāmb nengē, la Dīin yiibu, la Wënd kusgo, bāmb rāmbā la kāndgdba.
8. Yaa yudlem sēn yi Wënd nengē la neema, la Wënd yaa Mita, n yaa bvvd Mita.
9. La sull a yiib sēn yi Muumin-rāmbē wā sā n wa zabd taaba, bı y maneg b yiibā svka, la b yiibā a yembr sā n maan n zvvg a to wā zugu, bı y zab ne sēn maan n zvvg-a wā hal t'a wa lebg n tvg Wënd bvvdē wā. A sā n lebge, bı y maneg b yiibā svka ne sıda, la y tēeg tırga, ad Wënd nonga tēeg tırğ rāmba.
10. Ad Muumin-rāmbā yaa ma-biisi, bı y maneg-y ma-biirā ne taab svka, la y zoe Wēnde, tı sānd-sānde, b na yols-yā.
11. Yaa yāmb neb nins sēn kō sid ne Wēnde! Neb ra yaal neba, tı b tōe n wa yu sōma n yud bāmba. Pagb me ra yaal pagba, tı b tōe n wa yu sōma n yud bāmba. Ra y ra zang y taab ye, ra pvd-y taab sond-wēns ye. Dīin yiib yvur yı wēng liimaoong poorē, la ned ning sēn pa tuub-a...Bāmb rāmb la wēgdba.

* Al-Huğraat (Rotā svvra).

12. Yāmb neb nins sēn kō sid ne Wēnde! Zāag-y tē-wēnsā wusgo; ad tēebā sānda yaa zunuubu. La y ra pēes ye, yāmb sānda ra wid sānda ye. Rē yīnga yāmb ned kam fāa nongame n na n wāb a ma-bi-taag nemd t'a sā n ki? Rēnd yāmb kisa rē. La y zoe Wēnde, ad Wēnd yaa tuubg rēegda, n yaa yolsg naaba.
13. Yaa yāmb a neba! Ad Tōnd naana yāmb ti y yaa roap la pagba; n maan yāmb ti y yaa zāma la buud-buudu, ti y na bāng taab yīnga. Ad yāmb sēn yud-a ne woor Wēnd nengē yaa sēn yud-a ne wēn-zoεεga. Ad Wēnd yaa mita, n yaa minim tēng-n-biiga.
14. Weoogē laarb-rāmb yeelame: "tōnd kōo suda". Yeele: "yamb pa kō sid ye, la yeel-y yā: "tōnd sak n tūume", bala liimaong nan pa kē yāmb sūyē wā nand ye. La yāmb sā n tū Wēnd ne A Tēn-tvumā, A pa boogd yāmb y tvumē wā ba fvi ye, ad Wēnd yaa Yaafd n yaa yolsg Naaba".
15. Ad yaa muumin-rāmbā la neb nins sēn kō sid ne Wēnd la A Tēn-tvumā, rē poorē ti b pa maan sik ye, la b nidgd pāng ne b arzεgs la b mens Wēnd sorā zugā; bāmb rāmbā la sid kōtba.
16. Yeele: "yāmb wilgda Wēnd y dīni, ti Wēnd yaool n mi būmb ning sēn be saasē la būmb ning sēn be tēng zugu. Wēnd yaa mit ne būmbā fāa gilli".
17. B tāasda foom ti b sak n tū yīnga. Yeele: "ra tāas-y maam ti y sak-n-tū yīng ye. Wēnd n sōmb n tāas yāmb ne A sēn kāndg yāmb ne liimaongā, ti yāmb sā n yaa sid-rāmba".
18. Ad Wēnd mii saasē yel-soondt la tēng zug yel-soondt. Wēnd yaa mit ne būmb ning yāmb sēn tvmdā.

50. Kaaf *

Ne Wënd yvvrā barka, sēn yaa yols yaleng Soabā, n yaa Yolsdā, la d sungd d tvvmdā.

1. Kaaf.¹ M wēen ne Alkvrāan-zisgā.
2. Pa woto ye, b maana yel-solemd ne bugsd sēn wa bāmb nengē sēn yi bāmb pvgē; ti kifr-dāmb yeele: "yāoā yaa yel-solemd tēkē".
3. Rē yīnga tōnd sā n ki n lebgt tom, ad rēnda yaa lebeng sēn zāre.
4. Sīd la hakuka Tōnd bānga Tēngā sēn boogd bāmbā, la Tōnd tara gaf sēn gūus būmba fāa.
5. Pa woto ye, b yagsa sīdā a sēn wa n wa bāmb nengē, ti bāmb be yel-gēdem pvgā.
6. Yalla bāmb pa get n tug saagā bāmb zugē wā, wān-wān la Tōnd me-a la D nags-a, t'a pa tar pārgre?
7. La tēn-gāongā, Tōnd yadg-a lame la D tilg tāms a zugu; la D buls a zugā (bōn-yitim) kōbg fāa gill sēn be neere.
8. Tī yaa tags-n-gesg la tēegr ne yamb fāa sēn yaa lebs-m-meng soaba.
9. La Tōnd sika saagē wā koom sēn tar barka, ti Tōnd bulsd ne-a pvt la bōn-beel sēn kēebde.
10. La tamar tusā sēn yaa wogd n tar gīna.
11. Yaa rītl ne yembsā, la D leb n vums ne-a tēn-kunga, la woto bal la yīibā (vvvgrā)
12. La ra reng n yagsa taoor ti bāmb pa wa, a Nuuh nebā la Raas bulg rāmba la a -Ṭamuud rāmbā.
13. La a 'Aad rāmb la a Fur-aoon la a Lvvt saam-biisā.
14. La Ayka rāmba (ti-gūmdī) la Tvbbā nebā, b fāa gill yagsa Tēn-tvumbā, ti Mam pulen-wēngā yī sīdā b zugu.
15. Rē yīnga Tōnd kongā pāng rēnem naanegā sasa? Pa woto ye, b bee sik pvg ne naaneg paalle bāmb kūuma poorē.
16. La sīd la hakuka Tōnd naana ninsaala, la d mi būmb ning a yōorā sēn liibd-a ne wā, la Tōnd n pē-a n yud kokor gīindi.

* Kaaf (Kaaf svvra).

[1] Wënd n yud minim ne A sēn rat ne gvls-bi tōsdt-kāensā. La Gvls-bi tōsdt-kāensā, sēn be Svvr-kāensā baasgē wā, yaa sēn wilgd Alkvrāanā sēn komsd a gees-n-taasā, bala b geesa kifr-dāmbā ne Alkvrāanā, ti b kong n ka tōog n wa ne a buud ye, ti Alkvrāanā me -yaool n yaa sēn tui ne gom-biis nins bāmb goamā sēn tuit ne wā, sēn yaa gvls-bi tōsdt bāmbā buudā, ti rēnda wilgd Laarab-rāmbā kongame n ka tōog n wa ne Alkvrāanā buud ye, n lagem ne bāmb n yud nebā ne zelem pekā, ti wilgdē ti Alkvrāanā a yaa sēn tvme ti yi Wënd nengē.

17. Wakat ning Malek koakdb a yiiḃā sã n wa kokd a tʊmã, n zĩ a rutg wɛngɛ la a goabg wɛngɛ.
18. A pa be sɛn na yeel gomde, rɛndame ti gũusd n sɛgl a meng n be a zugu.
19. Tı kũumã vɛsbã wa ne sida, rɛnda la bũmb ning fo sɛn da lakd n basdɛ wã.
20. Tı b fʊvs Baorgã, yaa rɛnda la pulen-wɛng raare.
21. Tı yōor fãa wa, ne a pɛegd la a sɛeta.
22. Sıd la hakuka fo ra bee yam yaal-yaal pʊgɛ, ti Tōnd pãrg fo fu-goabgã n bas-fo, ti fo nifã noom rũndã raarã.
23. T'a tũud-n-taagã (malek ning sɛn gũusd a tʊmã) yeele: "wãnda la bũmb ning sɛn be mam nengɛ, yaa sɛn sɛgl n sɛ".
24. Lob-y Gehanm pʊgɛ kɪfr toaag fãa sɛn yaa ko-kor kɛgeng soaba.
25. N yaa sōma gidg toog soaba, n yaa maan-n-zʊvg soaba, n yaa sik maanda.
26. Sɛn maan-a soaben-zɛng n lagem Wɛnde; bi a lob-a naong kɛgengã pʊgɛ.
27. T'a tũud-n-taagã (a Svıtãan) yeele: "yaa tōnd Soaba, mam pa maan-a ta kedg ye, la bala a ra yı n bee meneng sɛn zãr pʊgɛ".
28. T'A (Wɛnd) yeele: "ra zab-y taab Mam taoor ye, ti sıd la hakuka M da lvusa taoor yãmb nengɛ pulen-wɛnga,
29. Gomd pa tedgd Mam nengɛ ye, la Mam pa yı n yaa wɛgd bac fʊı ne yembsã ye.
30. Raar ning Tōnd sɛn yet Gehamn: " f pidame bi?" t'a yeele: "sɛn paasd beeme bi?"
31. Tı b pɛneg Arzãn ne wɛn-zoetbã, ti pa zãr ye.
32. Woto la b sɛn pʊlem yãmba, lebs-m-meng soab fãa sɛn yaa gũus-m-meng soab fãa yĩnga.
33. Ned ning sɛn zoe-a Arrahmaan Naaba ne a sɛn pa ne-A wã fãa, la a wa ne sũur sɛn yaa lebs-m-meng soab sũuri.
34. Kɛ-y-yã-a ne tilgre, rɛnda yaa duung raare.
35. Be ne bãmba, bũmb ning b sɛn tʊll a pʊgɛ, la paasg be Tōnd nengɛ.
36. La sōor waoog Tōnd sɛn halk bãmb taoor sɛn yaa zãma, ti b pãng keelem yud bãmbã? Tı b yı n sa tɛmsã, yalla pōsg zĩig beemɛ bi?
37. Sıd la hakuka, ad tɛegr be rɛ pʊgɛ ne ned ning sɛn tar-a sũuri, ma t'a kull n kelg ti yɛ yaa sɛn ning a toaaga.
38. La sıd la hakuka Tōnd naana saasã la Tɛngã, la bũmb ning sɛn be b yiiḃā sukã, rasem a yoob pʊgɛ, la yaams pa sus Tōnd ye.

39. Bı f maan sugri ne bũmb ning b sēn yetā, la f yulg fo Soabā yvvre n pē-A la f pvvv taor ti wĩntoogā pa puki, la taor t'a pa lvi.
40. La yvng bı f yulg-A, la suguud-rāmb poorē.
41. La tōog kelgre; raar ning boaandā sēn na n wa peebdē n boond zīg sēn pē(pēem pēem).
42. Raar ning b sēn wvmd kaasgā ne sūdā, rē la yuibā raare.
43. Ad Tōndo, Tōnd n vumsd la D kvvda, baasg zīg me yaa Tōnd nengē.
44. Raar ning Tēngā sēn pārsd n basd-b ne yāgbo, rē yaa Tiging sēn yaa naana ne Tōndo.
45. Tōnd n yud minim ne b sēn yet bũmb ningā, la fo pa yı n yaa moadgd b zug ye, bı f tēeg ne Alkvraanā ned ning sēn yaesd-a Mam pulen-kēngā.

51. Az-zaariyaat *

Ne Wēnd yvrā barka, sēn yaa yols yaleng Soabā, n yaa Yolsdā, la d singd d tvvmdā.

1. M wēen ne sob-fugds fugb tekē!
2. La ne sawat nins sēn yong ne kooma!
3. La ne kogend nins sēn zoet mōgrē wā,ti yaa yol-yole.
4. La ne malegs nins sēn yaa yemsa yelā pvitba (ne Wēnd sagelle).
5. Ad b sēn pulem yāmb bũmb ningā yaa sıda.
6. La bāng ti yemsa Yaoobā na n yume.
7. La M wēen ne saagā sēn tar so-bugsā.
8. Ad yāmb a Mak rāmba y bee goam pvgē sēn kUSD taaba.
9. Ned ning b sēn wēnems-a n yi sūd-kūuna, yaa b sēn da wēng-a soab Wēnd minimā pvgē, t'a pa na n kō sūd ye.
10. B kāaba zirimbe-rāmbā beedo.
11. B rāmb nins sēn be bōrb pvgē n yaa yam yaal-yaal rāmba.
12. B sokdame: "Rolbā raar yaa ra-bvre?"
13. Raar ning bāmb sēn be Bugum zugu, ti b zarbd-ba.
14. "Lemb-y yāmb nangā, yaa yāoā la bũmb ning yāmb sēn da yı n yāgsd-a wā".
15. La ad wēn-zoetbā bee arzān-rāmb la ko-nin pvgē.
16. B yaa sēn reegd bũmb ning b Soabā sēn kō-ba; ad bāmb ra yaa manegdb taor ti wā pa wa.
17. B ra yume n gōe bilf bal yvng pvgē.
18. La tōd-beed me, bāmb kota yaafa.

* Az-zaariyaat (Seb-fāeedsā svvra).

19. La bee bāmb arzekā pugē bōaas pūure, la b sēn mong-a soab pūure.
 20. La tagmas-rāmb be tēng zug ne bāng-n-wāak rāmba;
 21. La yāmb mensā me weengē. Yāmb pa tagsdē n getē?
 22. La be saasē wā, yāmb rtlā, la būmb ning b sēn pulem yāmbā.
 23. M wēen ne saag la Tēng Soabā, ad a yaa sid wala yāmb sēn gomdā.
 24. Rē yīnga a [braahum sāan-waglā yēsng waa fo nengē?
 25. Wakat ning b sēn wa n kē a nengē n yeele: tulgre! T'a yeele: "yaa tulgre, yāmb yaa sāamba".
 26. T'a zāndg n kēng a zakā rāmb nengē n ti wa ne lul-nobdga.
 27. N pēneg-a nebā n yeele: "y pa na n ri?"
 28. (La b sēn pa rutā) a yaeesa me n solg-b a yaeesgā, ti b yeele: "ra yaees ye"! La b noog a sūur ne biig sēn yaa bāngda.
 29. T'a pagā tool n kelem n wē a nengā n yeele: "pug-yāan-kiri!
 30. Tı b yeele: "yaa woto la fo Soabā yeel yā; ad Wēnd la a buud mita, n ya a Bāngda".
 31. T'a ([braahum) yeele: "yāmb wa n na n maana bōe? Yaa yāmb Tēn-tūmba!
 32. Tı b yeele: "ad b tuma tōnd ti d kēng nin-wēnsē"
 33. Tı d tums b zug kug sēn maan ne tāndo.
 34. Sēn ning tagmas fo Soabā nengē, māan-n-zūug rāmb yīnga.
 35. Tı Tōnd yiis ned ning sēn ra be a (Tēngā) pugē sēn yaa muumin-rāmba.
 36. La Tōnd pa mik a pugē, muumin-rāmb rēnda zak a yembre.
 37. La tōnd bas a pugē tagmase, neb nins sēn yaeesd naon-zabdgā yīnga.
 38. La a Muusa yellā pugē me, wakat ning Tōnd sēn wa n tums-a a Fur-aoon nengē, ne yel-soalem sēn vēnege.
 39. T'a balle n bas-ba n teeeg a pāngā, n yeele: " a Musa yaa tum soaba, maa gāeenga,(n gomd a sēn pa mi)"
 40. Tı Tōnd yōk-a ne a tāpā n fāeeg-b mogrā pugē, ti yēnda yaa b sēn sābs-a soaba.
 41. La a Aad yellā pugē me yel-soalem b ebe, wakat ning Tōnd sēn wa n tums b zugu, seb-kīrā.
 42. A pa basd būmb a sēn ta a zug rēndame t'a maan-a t'a lebg wa bugdu.
 43. La a Tamuud yellā pugē, wakat ning b sēn wa n yeel-ba: "wums-y noogo n tāag wakato"
 44. Tı b maan n zūug n yi b Soabā sagelle, ti sa-tāsrā rik bāmb ti bāmb getē.
 45. La b pa tōog n yik ye, b pa yı n paam sōngr me ye.

46. La a Nuuh nebã hal pĩnda, ad bãmb yume n yaa tar-n-yi Diiin rãmba.
47. La saagã, Tõnd me-a lame ne pãnga, la ad Tõnd yaa a kurmsa yalgdba.
48. La Tẽngã, Tõnd tẽeg-a lame, t'a sakd zĩiga, la ad Tõnd la Yalgdb sẽn
be neere.
49. La bũmb fãa Tõnd naana kõbg a yiibu, sãnd-sãnde yãmb na tags n
gese.
50. Bı y zoe n kẽng Wẽnd nengẽ, ad maam, m yaa bugsd sẽn vẽneg ne
yãmb n yi-a.
51. La y ra maan soben-zẽng n lagem Wẽnd ye, ad maam, m yaa bugsd
sẽn vẽneg ne yãmb n yi-A nangã.
52. Yaa woto bala, pa wa neb nins sẽn reng bãmb taorã sẽn yaa tẽn-
tuuma, rẽnda b yeele: "yaa tum soaba, ma gãeenga"
53. Rẽ yĩnga b sagenda taab ne-a-la (b sẽn yetã)? Pa woto ye, ad bãmb
yaa neb sẽn yaa maan-n-zvug rãmba.
54. Bı f ball n bas-b ti fo pa yı n yaa b sẽn sãbs-a soab ye.
55. La tẽeg ti ad tẽegrã nafda sıd-kõtba.
56. La Mam pa naan zĩn-dãmbã la ninsaalbã, rẽnda b na tũ Maam yĩnga.
57. Mam pa rat rıtl buud b nengẽ, M pa rat ti b rılg-M me ye.
58. Ad Wẽnde, Yẽ la rılg Naaba, n yaa pãn-kegeng Soaba.
59. La be ne neb nins sẽn wẽg-bã, naong pvure, wala bãmb tũud-n-taasã
pvur bilgri, bı b ra yãg ye.
60. Rẽnd wubd be ne sẽn kıfl-bã, bãmb raar ning b sẽn pulem-bã.

52. Aṭ-ṭuur *

Ne Wënd yuurā barka, sēn yaa yols yaleng Soabā, n yaa Yolsdā, la d sungd d tuumdā.

1. M wēen ne Tuvre tângā.
2. La ne gaf sēn maneg n gulse.
3. N be bōn-gulsdg (sebre) pvg n yadge!
4. La ne Roogā Malek-rāmbā sēn gūm-a saasē wā, tı yaa Wënd tūudum.
5. La M wēen ne Saagā sēn zēkā n yaa beengā.
6. La ne mogrā sēn dems ne kooma.
7. Ad fo Soabā namsgā na n yume.
8. A pa tar tUSD ye.
9. Raar ning saagā sēn na n leng n dāmb rāmbg tekē
10. Tı tāmsā na n kēn ne kēna.
11. Rēn Wubd be ra-kāng raarā ne yagsdbā.
12. Neb nins sēn be-b faoob pvgē n wısdā.
13. Raar ning b sēn tUSD-b n tvgd Gehannam bugmē wā ne pānga.
14. Yāoondā la Bugum ning yāmb sēn da yı n yagsdē wā.
15. Yaa tum la woto bı, bı yāmb pa ne-a?
16. Kē-y-yā-a. Y maanda sugri, y pa maand sugri, fāa yaa yembr yāmb zugu. Ad b sēn rol yāmbā yaa y sēn da tuumdā keoore.
17. Ad wēn-zoetbā bee Arzān-dāmb pvgē la neema.
18. N wımd noog ne būmb ning b Soabā sēn kō-ba, la b Soabā gū-b ne Gehum Bugmā.
19. Rı-y la y yū; yaa beelg ne yāmb sēn da yı n tuumdē wā.
20. Bāmb yaa sēn kull gāas sēn tedg zugu, la b loe b fur ne Huvr-aeen-rāmba.
21. La neb nins sēn kō sida, tı b koambā me pvg-b ne Liimaongo, b paamsda bāmb ne b koambā. Tōnd pa mongd b tuumē wā baa fıı, ned fāa yaa sēn gāneg ne a sēn tum būmb ningā wā.
22. La D paas-b tı-biis la nemd b sēn maan nonglem.
23. B tata taab a pvgē ko-teese, gom-zaal pa be a pvgē, beegr yell me pa be a pvgē.
24. La gilgda b zugu, koamb-bāango tı yaa bāmb sōgneg yīnga, b yaa wa Luulu(koom n sānem) sēn solge n be a wıvvgē.
25. Tı b sānda togı sānda n sogsd taaba.
26. N yetē: "ad tōnd ra yume n be d nebē wā n yaeesdē, wāndā taoore.

* Aṭ-ṭuur (Tuvre tângā suura).

27. Tṭ Wënd maan tōnd neema la A gũ tōnd n yi Samuum naongã (naon-zēndga).
28. Tōnd da yume n pīnd n kot-A. Ad Yēnda, Yē la manegda, Yē la Yoalsda.
29. Bṭ f tēege; ne f Soabã neema, (Alkvrãana), tṭ fo pa yṭ ne neemã wã sababo n yaa bag-bugd ye, f pa gãeeng me.
30. Bṭ b yetame tṭ yaa yul-yunda tṭ d koalld-a ne zamaan yel-soald a kũum wa rika, tṭ d paam d menga.
31. Yeele: koll-y-yã-a, tṭ ad ma me lagma yãmb n yaa koallda.
32. Bṭ bãmb yam rãmbã n sagend-b ne woto, bṭ bãmb yaa neb sēn yaa kēdgba?
33. Bṭ b yetame: "a pasa zīri?". Pa woto ye! B pa kōt sud ye.
34. Bṭ b wa ne gomd sēn wōnd-a tṭ b sã n yaa sud rãmba.
35. Bṭ b naana bãmb ne zaalem, bṭ yaa bãmb la naandbã?
36. Bṭ bãmb n naan saasã la Tēngã? Pa woto ye! B pa bãng n wãag ye.
37. Bṭ fo Soabã sãnem baoã bee bãmb nengē, bṭ yaa bãmb la windbã.
38. Bṭ bãmb tara raodg n kēlgd a pvgē, bṭ b kēlgdã wa ne tagmas sēn yaa vēnega.
39. Bṭ Yē n tar kom-pugli tṭ yãmb n tar kom-ribli?
40. Bṭ fo sokd-b-la keoore, tṭ bãmb be samd pvgē tṭ zṭsg b zugu?
41. Bṭ bãmb tara sēn solge, tṭ bãmb gvlsdē?
42. Bṭ yaa rabs-wēng la b rata? Rēnd neb nins sēn kṭfl-bã, bãmb bal la b sēn rabs rab-wēnga.
43. Bṭ bãmb tara soab sēn pa Wēnde? Wēnd yulgame n yi bũmb ning bãmb sēn maan lagem-n-taarã.
44. La b sã n yã gurg sēn yi saasē wã n yaa sēn lvtē la b sēn yete: "yaa sawat gũmdi".
45. Bṭ f bas-b hal tṭ b wa sēg b raar ning b sēn na n gōgsd a pvgē (tṭ yaa wala saag n wē-ba).
46. Raar ning bãmb rabrã sēn ka nafd-b n yi ba fvṭ; bãmb me, b pa na n sōng-ba.
47. La be ne sēn wēgd-bã, naong sēn pa rēnda; la ad b wvsg fãa pa mi ye.
48. La f maan sugr ne fo Soabã buvdã, tṭ fo bee Tōnd nenem pvgã. La f yulg ne fo Soabã pēgr wakat ning fo sēn wat n yiki.
49. La yvngã, bṭ f yulg-A, la ãdsã kōom wakato.

53. An-nağm *

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. M wēen ne ādg t'a sā n wa lvi.
2. Yāmb tūud-n-taagā pa menme, a pa kedg me ye.
3. A pa gomd a yōor yamleoog me ye.
4. Rēndame ti yaa waht sēn tvmse.
5. Pān-kegeng soab (a Gibrilā) n taa-a a nengē.
6. Naand sēn be neerā, t'a be a yalē wā ti yaa vēeneg ti nabiyamā ne-a.
7. T'a be yīngr-yīngri.
8. Rē poorē t'a (Gibrilā) pēneg n sig n kolge.
9. Tı yaa wala tāp ne a to suk vuvgo, ma sēn paood n pa ta rē.
10. T'a togs Wēnd yamba Mvhammad, būmb ning A sēn tvms-a t'a taasā.
11. Nabiyamā sūurā pa yag būmb ning a sēn yā wā ye.
12. Rē yīnga, yāmb wēeda ne-a no-koem būmb ning a sēn yā wā zugu?
13. La sūd la hakuka, a leb n yā-a lame yīib-n-soaba.
14. Taab-tek Mugnugē wā (yaa tug sēn be saasē wā n yaa rvud fāa tek zīga).
15. Ma'awaa Arzānā bee beenē ((lallg zīg Arzān) ma (gāag zīg arzāna)).
16. Wakat ning sēn wa n sigd Sūdratā(tugā) zugā, sēn yaa Wēnd sagellā, būmb ning sēn patar to wā.
17. Nabiyamā ninfrā pa wēnege, a pa kedg me.
18. Sūd la hakuka a yāa a Soabā yel-soalem bed-bedā sānda.
19. Rē yīnga yāmb tēedame ti rvbsā a Laat ne a 'Uzzaa?
20. La a Manaat sēn yaa tāaben-soabā nafdame?.
21. Yāmb n tar roapā yāmb sēn nong-b rāmbā, ti Yē yaool n tar pagbā yāmb sēn pa kisb rāmb n pa rat-ba?
22. Ad rēnda yaa zāmb pvub moasā wae!
23. B pa yı rēnda yvy bala, yāmb sēn pude, yāmb ne y saam-rāmba, Wēnd pa sik tagmas a yīng ye. B sēn tūudā pa yı rēnda sāmbg la b yōyā yam-leedo. La sūd la hakuka, kāndgr waa bāmb nengē sēn yi b Soabē wā.
24. Bı ninsaal paamda a sēn tēed la a saagdē wā ti rvbsa n sugsa-a lame wā?
25. Rēnd yaoolem la rāeenem (Laahrā ne Dūni wā) bee ne Wēnde t'A kōt a sēn rat-a.

* Annağm (Ādgā svvra).

26. La sōor waog malegs sēn be saasē wā, tī b susg pa nafd ba fvi rēnda Wēnd sēn kō sor poore, A sēn rat-a soaba la A yardē.
27. Ad neb nins sēn pa kōt sid ne yaoolem raarā, bāmb pūta malegsā pog-yvy.
28. La bāmb pa tar bāngr ne rēnda ye, b sēn tūudā pa yī rēnda sāmbg bala, la ad sāmbg pa tōe n gīgd sid ba fvi.
29. Bī f ball n bas ned ning sēn gūt-a a kuidg n yit Tōnd yuvrā tēgre, n pa rat sā n pa Dūni vumā.
30. Rē la b bāngrā teka, ad fo Soabā n yud minim ne ned ning sēn menem-a n yi A Sorā zugu, Yē n leb n yud minim ne ned ning sēn kāndg-a.
31. La Wēnd n so būmb ning sēn be saasē, la sēn be tēng zugu, buv yīng t'A na rol neb nins sēn wēng-bā b sēn tumā, la A rol neb nins sēn maneg-bā ne manegre.
32. Neb nins sēn zāagd zunuub-bedā la yel-beedā ralla zunuub-bōonesā, ad fo Soabā yaa yaaf-yaleng Soaba, Yē n mi yāmb n yuda, wakat ning A sēn wa n yēbg yāmb n yi Tēngē wā, la wakat ning yāmb sēn wa n yaa bōn-vuvv n be yāmb ma-rāmbā pūse, bī y ra pēg y mens ye, Yē n yud minim ne ned ning sēn zoet-a Wēnde.
33. La rē yīnga fo pa yā ned ning sēn gōd a kuidga?
34. La a kō bilfu, la a monge?
35. A tara bāng soandag tī yaa yē n ne bī?
36. Bī b pa kō-a kībar ne būmb ning sēn be a Muusa gafē wā,
37. La a lbraahum sēn pids a pūlengā?
38. Tī ned fāa pa na n tok a to zunuub ye.
39. La pa be ne ninsaal ralla a sēn tumā.
40. La a tumā b na yā.
41. Rē poorē tī b roal-a rol-pidsdga.
42. La yaa fo Soabē wā la tek zīga.
43. La yell sēn yalē, Yē n kut tī b laadē la A kut tī b kūmdē.
44. La yell sēn yalē, Yē n kuvd la A vumsde.
45. La yell sēn yalē, A naana kōbg a yīibā: rao la paga.
46. Sēn tū ne mani wakat ning a sēn wat n kiigdē wā.
47. La ad yēbg-zēngā bee ne Yēnda.
48. La yel sēn yalē, Yē n maan rakāaglem la A leb n kō arzeka.

49. La yell sēn yalē, Yēnda la Si' uraa Soabā (yaa ādg yvvre ti zıdbā ra tūu-a).
50. La yell sēn yalē, A halka rēnem ' Aadā (a Hvvd nebā).
51. La a T̄amuud, la A ka kell ye.
52. La a Nuuh nebā hal pīnda, ad bāmba, bāmb ra yume n yud ne wēgd la kengre.
53. La a Mutafikaat (a Lvvt neba), A kibind-b lame.
54. Tı bōr-ba, būmb ning sēn bōr-ba.
55. La yaa fo Soabā neema bugo la f maand sika?
56. Yāoā yaa bugsd sēn wōnd bugsd bā sēn reng taarā buudu.
57. Pēnegdā (Dūni yikrā) pēnegame.
58. A pa tar pārgda, zēng ti pa Wēnd ye.
59. Gom kāngā la yāmb maan yel-soalmā?
60. La y laadē, n pa kūmdē?
61. Tı yāmb yaa sēn wısdē.
62. Bı y maan suguud n kō Wēnde, la y tū-A.

54. Al-Kamar *

Ne Wēnd yvvrā barka, sēn yaa yols yaleng Soabā, n yaa Yolsdā, la d sungd d tvvmdā.

1. Dūni yikr pēnegame ti kiuugā pārge(Nabiyaamā wakatē wā) ti rēnda yaa yelsolemde n kō nabiyaamā pvvsg la tilgr be a yīnga.
2. La b sā n yā yel-soalmā b balldame la b yetē: "yaa tum sēn duumdi".
3. Tı b yags la b pug b yamleodo, la yell fāa tara teka.
4. La sid la hakuka, kibay waa bāmb nengē, pelen-yık sēn be a pugē.
5. Bāng-nafa sēn ta teka, la bugsg pa nafd ye.
6. Bı f gōd kuidg n bas-ba. Raar ning boandā sēn boond n tvgd yell kaseng sēn zı n yā.
7. B ninā yaa sēn nodg n yit yaadē wā, ti bāmb yaa wala svy sēn yelge.
8. N rondgd n rabd boandē wā. Kıfr-dāmb yetame: "yāoā yaa keelem raare"
9. A Nuuh nebā ra yagsa bāmb taoore, n yags Tōnd yambā la b yeel ti yaa gāeenga, la b yık a pēlenga.
10. T'a bool a Soabā: ad mam yaa b sēn wil-a soaba, bı F sōnge.
11. Tı Tōnd pak saag rag-noyā ti yaa koom sēn kiigdi.
12. La d pārg Tēngā t'a yaa ko-ninim ti koomā yek taab yell zug sēn da korde.

* Al-Kamar (Kiuugā svvra).

13. La D rik-a ra-pɛgd la bay zugu (koglgo.)
14. T'a zoetē, Tōnd nenem pɔgē ti yaa rolbo, n na n sōng ned ninga b sēn kus-a (A Nuuh).
15. La sid la hakuka Tōnd bas-a lame t'a yaa yel-soalma, la rē yīnga tēegd beeme bi?
16. La Mam naongā ne M bugsgā yu wān-wāna?
17. La sid la hakuka Tōnd yolsa Alkvrāanā tēegr yīnga, la tēegd beeme bi?
18. A Aad rāmb yagsame, la Mam naonga ne M bugsgā yu wān-wāna?
19. Tōnd tumsa seb-kegeng b zug ra-toog raar sēn duumdī.
20. A lugsda neba, ti b yaa wala tamar-tus yēg sēn vōoge.
21. La Mam naongā ne M bugsgā yu wān-wāna?
22. La sid la hakuka Tōnd yolsa Alkvrāanā tēegr yīnga, la tēegd beeme bi?
23. Ad a Tamuud rāmb kusa bugsgā.
24. Tī b yeele: "ninsaal a yembr tōnd pɔgē la tōnd pɔgda? Ad tōnd wakat-kāngā d bee meneng la gāeemd pɔga".
25. Rē yīnga b sika tēn-tvumdā yē zug bal tōnd svka? A rag n yaa zīrimbeneda n yaa waoog-m-meng soaba".
26. Beoogo b na bāng ānd la zīrimbened n yaa waoog-m-meng soaba.
27. Tōnd n tvms yugemdā, ti yaa zarbg ne-ba, bi f koll-ba la f maan sugri.
28. La f togs-b ti koomā yaa sēn pvi bāmb (ne yugemdā) suka, ned fāa wata a yūub (raare).
29. Tī b bool b tūud-n-taagā, t'a rik (a svvgā) n kōs (-a).
30. La Mam naongā ne M bugsgā yu wān-wāna?
31. Tōnd tumsa b zug kaas-vuka, ti b lebg wala yāgr moodo.
32. La sid la hakuka Tōnd yolsa Alkvrāanā tēegr yīnga, la tēegd beeme bi?
33. A Lvvt nebā kusa Bugsgā.
34. Tōnd tumsa b zug sob-fāeedga, sā n ka a Lvvt zakā rāmb bala, Tōnd tilg-b lame tōd-beoog wakato.
35. Yaa neema sēn yi Tōnd nengē, yaa woto bal la D rond sēn pvvs-a barka.
36. La sid la hakuka, ad a bugs-b lame ne tōnd yōk-kegengā ti b kus Bugsgā.
37. La sid la hakuka b ro-a lame t'a bas bāmb ne α sāambā, ti Tōnd yēs b ninā, bi y lemb Mam namsgā la M Bugsgā.
38. Sid la hakuka, naong sēn tabe n vēeg-b yibeoogo.

39. Bı y lemb Mam naongã la M Bugsgã.
40. La sıd la hakuka Tõnd yolsa Alkvrãanã tēegr yīnga, la tēegd beeme bı?
41. Sıd la hakuka bugsgã waa a Fur-aoon zakã rãmbē.
42. B yagsa Tõnd yel-soalmã gilli, tı Tõnd yõk-b Wilb Naab sēn yaa Tõogd yõkre.
43. Rē yīnga yaa yãmb (Mak) kuf-r-dãmba! yãmb sõmblem n yud nin-kãeesã bı, bı yãmb tara põsg zīig gaf rãmbã pugē?
44. Bı b yetame: "tõnd yaa zãma, d na tõoge".
45. B na n sãeega zãma wã tı b gõd kuidsi.
46. Pa woto ye, Dũni wã yıkr la b seka, la Dũni wã yıkr me n yud wēng la toolem.
47. Ad nin-wēnsã bee meneng pugē la bug-witim.
48. Raar ning b sēn na n vuud-b bugmã pugē b nemsã zugu "lemb-y Sakar susgo".
49. Ad Tõndo, bũmbã fãa D naan-a-la ne geelgo.
50. La Tõnd yelã pa yı rēnda vũka, wala nıf kamsgo.
51. La sıd la hakuka Tõnd halka yãmb buudu, la rē yīnga tēegd beeme bı?
52. La bũmb fãa b sēn tvmã bee gaf rãmbē.
53. La sēn paood fãa, la sēn bedme, gvlsame.
54. Ad wēn-zoetbã bee arzãn-rãmb pusē la ko-soodo.
55. Sıd zīndg zīigē, Naab sēn yaa tõog Soab nengē.

55. Ar-rahmaan *

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvvmdā.

1. Yols-kegeng Naaba.
2. A wilga Alkvrāanā.
3. A naana ninsaalā.
4. A wilg-a-la zelem-peka.
5. Wīndgā ne kiuugā, yaa geelg tēkē.
6. Adsā ne tusā maanda Suguudu.
7. La saagā, A zēk-a lame, la A ning tēeg turga.
8. Tı y ra kedg magbē wā ye.
9. La y yānes ne magbā ne tēeg turg la y ra boog magbā ye.
10. La Tēnga, A rıgl-a-la bōn-naandsā yīnga.
11. Tı-biis be a pvgē la tamar-tuse sēn tar wvudo.
12. La bōn-beel sēn tar pvgd la (Rayhaan) mōog sēn tar yū-noodo.
13. La yaa yāmb y yiibā Soabā neema bvg la y yagsda?
14. A naana ninsaalā ne tām-maasr sēn kvı n lebg koe-koe wala yagd sēn zugı.
15. la A naan zīn-dāmbā ne bug-witim.
16. La yaa yāmb y yiibā Soabā neema bvg la y yagsda?
17. Wīnto-pvkdgē a yiib Naab la wīnto-lvungē a yiib Naaba.
18. La yaa yāmb y yiibā Soabā neema bvg la y yagsda?
19. A basa mogā a yiibā tı b yekd taaba.
20. B yiibā svka kogr n be, b pa zvvgd taab ye.
21. La yaa yāmb y yiibā Soabā neema bvg la y yagsda?
22. Yıtame, b yiibā pvgē, Lvvlvı la Margēene.
23. La yaa yāmb y yiibā Soabā neema bvg la y yagsda?
24. La a tara kogend-zānds mogrā pvgē tı yaa wala tāmse.
25. La yaa yāmb y yiibā Soabā neema bvg la y yagsda?
26. Sēn be (Tēngā) zug fāa na n saame.
27. Fo Soabā bal n paade, Waooglem Naaba, la Waoogr Naaba.
28. La yaa yāmb y yiibā Soabā neema bvg la y yagsda?
29. Sēn be saasē la tēng bōosd-A lame, raar fāa A bee tvvmd pvgē.
30. La yaa yāmb y yiibā Soabā neema bvg la y yagsda?
31. D na n yāka wakat yāmb (bvvdā) yīnga, yāmb a bōn-zısd a yiibu(ninsaalbā la zīndāmbā)!

* Arrahmaan (Yolsg Naabā svvra).

32. La yaa yāmb y yībā Soabā neema buḡ la y yagsda?
33. Yaa yāmb zīn-rāmb la ninsaalb zāma, yāmb sā n tōe n yi saasā la Tēngā vuḡgē, bi y yi, yāmb pa yit rēnda ne tōgo.
34. La yaa yāmb y yībā Soabā neema buḡ la y yagsda?
35. B tumsda yāmb y yībā zug bug-pārs la bug-zōose (ma zūud sēn yēnege) ti yāmb y yībā pa paamd sōngr ye.
36. La yaa yāmb y yībā Soabā neema buḡ la y yagsda?
37. La saagā sā n wa pārg n lebg miuug wala rāngo.
38. La yaa yāmb y yībā Soabā neema buḡ la y yagsda?
39. La ba-raare, zīn-dāmb la ninsaalb pa soakd-A b zunuub yell ye.
40. La yaa yāmb y yībā Soabā neema buḡ la y yagsda?
41. B bāngda nin-wēensā ne b tagmasā, ti b yōkd-b ne rī-gīn la na-tagda.
42. La yaa yāmb y yībā Soabā neema buḡ la y yagsda?
43. Yaa wānde la Gēhannem ning nin-wēensā sēn yagsd-a wā.
44. B gild a (Buḡmā) svka la ko-kaeeds sēn ta tek svka.
45. La yaa yāmb y yībā Soabā neema buḡ la y yagsda?
46. La be ne ned ning sēn yaeesd yalsgā a Soabā taorā Arzān a yiibu.
47. La yaa yāmb y yībā Soabā neema buḡ la y yagsda?
48. Arzēn a yiibu sēn tar wil a yiib sēn ya bāmm,
49. La yaa yāmb y yībā Soabā neema buḡ la y yagsda?
50. Be b yībā puḡē, ko-nin a yiib n zoete.
51. La yaa yāmb y yībā Soabā neema buḡ la y yagsda?
52. Be a yībā puḡē, sēn yi ti-biis fāa buudu, kōbg a yiibu.
53. La yaa yāmb y yībā Soabā neema buḡ la y yagsda?
54. B yaa sēn kıl gāt zutu, a fu-tuḡdsā yaa [stabrak (fu-faas sēn buḡse) la arzān a yībā ti-biisā pēeme.
55. La yaa yāmb y yībā Soabā neema buḡ la y yagsda?
56. Ges koes rāmb n (Huur Aæen) be b puḡē, ninsaalb pa sus-b bāmb (sadbā) taoore, pa zīn-dāmba.
57. La yaa yāmb y yībā Soabā neema buḡ la y yagsda?
58. B yaa wala Yaakvut la Margæen.
59. La yaa yāmb y yībā Soabā neema buḡ la y yagsda?
60. Rē yīnga manegr tara rolb ti sā n pa manegre?
61. La yaa yāmb y yībā Soabā neema buḡ la y yagsda?
62. Sēn leb n paasd bāmb b yībā, yaa arzān a yiib yæsa.
63. La yaa yāmb y yībā Soabā neema buḡ la y yagsda?
64. Sēn yaa kēeg n bīmi.
65. La yaa yāmb y yībā Soabā neemāa buḡ la y yagsda?

66. Ko-nin a yiib n be b yiibã pvgẽ n fudgdẽ.
 67. La yaa yãmb y yiibã Soabã neema bvg la y yagsda?
 68. Tı-biis n be b yiibã pvgẽ, la tamar-tus la Rommaan (gerenadiye).
 69. La yaa yãmb y yiibã Soabã neema bvg la y yagsda?
 70. Pvg-sõms n be a pvgẽ n yaa pvg-neebe.
 71. La yaa yãmb y yiibã Soabã neema bvg la y yagsda?
 72. Pvg-nin-sabl sën ya yök-m-mens-rãmb n be zãn tēngre.
 73. La yaa yãmb y yiibã Soabã neema bvg la y yagsda?
 74. Ninsaalb pa sus-ba, bãmb (sıdbã) taor ye, pa zĩn-dãmba.
 75. La yaa yãmb y yiibã Soabã neema bvg la y yagsda?
 76. Tı b yaa sën kul zu-kogs zut sën yaa kēese, la fu-wvgdı sën yaa neere.
 77. La yaa yãmb y yiibã Soabã neema bvg la y yagsda?
 78. Fo Soabã yvvr tar barka, sën yaa Waooglem la Waoogr Naaba.

56. Al-Waakl`a *

Ne Wënd yuurā barka, sēn yaa yols yaleng Soabā, n yaa Yolsdā, la d sungd d tumdā.

1. Yubā sā n wa yī (Dūni wā yikri).
2. Yagsd pa na n zīnd a wakatā n kUSD a yubā ye.
3. N sikdē (neb kēera) la a zēkdē (neb kēere).
4. B sā n wa rigims Tēngā rigimsg tekē.
5. Tı tāensā sāeeg sāeegr tekē.
6. N lebg wala tom sēn sēege.
7. Tı yāmb yī kōbg a tāabo.
8. La ritg zāma wā, bōe la ritg zāma?
9. La goabg zāma wā, bōe la goabg zāma?
10. La pōsdbā sēn yaa pōsdbā.
11. Bāmb la b sēn pēneg-b rāmb ne Wēndā.
12. B bee neema arzān-rāmbā pusē.
13. B yaa sul wvsg sēn yī rāeenem rāmbē wā.
14. La bilf sēn yī yaoolem rāmbē.
15. N be gāas zut sēn nags ne sānem.
16. B yaa sēn kul a zug n togl taaba.
17. Kom-bāaneg n gilimd b zutu sēn yaa duumdba.
18. Ne ko-teese sēn tar yvuse, la ko-tees sēn pa tar yvuse la rāam sēn zoet arzēna pugē.
19. B zut pa zabd a pugē, b yam pa yikd me.
20. La tı-biis sēn yaa bāmb sēn tūusdi, b sēn rate.
21. La Liuuli nemd sēn yaa būmb ning bāmb sēn nonge.
22. La Huurun `Ayn (pvg-nin-yalems sēn yaa neere).
23. Sēn yaa wala l'v'lv'v (kīndi) sēn be zēeng mumd pugē.
24. Tı yaa rolb ne būmb ning bāmb sēn da yī n tumdē wā.
25. B pa wumd gom-zaal a pugē, b pa wumd gom-beed me.
26. Sā n pa sēn yete : "tulgre! Tulgre".
27. La ritg zāma wā, bōe la ritg zāma?
28. Bāmb bee mugnug tus tēngr sēn bale (pa tar gōose).
29. La banand sēn gīni.
30. La maasem sēn yadge.
31. La koom sēn kiigdi.
32. La tı-biis wvsgo.

* Al-Waakl`a (Yitā svvra).

33. Pa tar wāagre, pa mongr me.
 34. La gāt sēn zēke.
 35. Tōnd yēbga bāmb yēbgr tekē.
 36. N maan-b ti b yaa pvg-sadba.
 37. N yaa rula n yaa reem-n-taase.
 38. Tı yaa sēn na n kō rutg zāma wā.
 39. B sul wvsg sēn yi rāeenem rāmbē wā.
 40. La sul wvsg sēn yi yaolem rāmbē wā.
 41. La goabg zāma wā, bōe la goabg zāma?
 42. Bāmb bee seb-tvulg pugē la ko-kaeedga.
 43. La maasem sēn sobg ne bug zōose.
 44. Pa maase, pa nafd me.
 45. Bāmb ra yume, wānda taoore, n yaa wvm-noog rāmba.
 46. B na n tigim-b lame n tvg wakat ning b sēn mi wā.
 47. B ra yume n yetē: "rē yīnga tōnd sā n ki n lebg tom la kōba, rē yīng tōnd yaa b sēn na n yik-b rāmba?
 48. Ne tōnd saam rēemsā fāa?
 49. Yeele: "ad rēenem rāmbā la yaolem rāmba.
 50. B na n tigim-b lame n tvg wakat ning b sēn mi wā.
 51. Rē poorē, ad yāmba, yāmb a mēnemdba n yaa yagsdba!
 52. La ti yāmb na rı Zakuum tugā (Tok sēneg tuga).
 53. N pids pvsā ne-a.
 54. N yūud a zug ko-kaeedse.
 55. N yūud-a, yvgemd sēn tar koyūud n pa tıgd bāag yūubu".
 56. Wānde la bāmb sigb zīig Rolbā raare.
 57. Tōnd n naan yāmba, y pa na n kō sıda?
 58. Yāmb pa yā būmb ning y sēn kiigd sēn yaa mani wā?.
 59. Yaa yāmb n naand-a bı yaa Tōnd la Naand-a?
 60. Tōnd korda kūumā yāmb pugē, la būmb ka tōe n gıdg Tōndo.
 61. Tı D tedg yāmb bilgri, la D yēbg yāmb y sēn pa mi pugē.
 62. La sıd la hakuka yāmb bānga yēbg rāeengā, yāmb pa na n tēege?
 63. Yāmb pa yā būmb ning yāmb sēn koodā,
 64. Yaa yāmb n kood-a bı, bı yaa Tōnd la Koadba?
 65. La tı Tōnd sā n da tvlla, D na maan-a t'a yaa sēn zendge, tı yāmb kell n maan yel-soalma.
 66. Ad tōnd kēe bōn pugē.
 67. Pa woto ye! Tōnd yaa b sēn mong-b rāmba.
 68. Yāmb pa yā koom ning y sēn yūudā.

69. Rē yīnga yāmb n sik-a sawatē bī, bī yaa Tōnd la Sikdba?
70. La tī d sā n tulla, D na maan-a t'a yaa miisinga, yāmb pa na n puus barka?
71. Yāmb pa yā bugum ning yāmb sēn widgdā,
72. Yāmb n yēbg a tugā bī, bī yaa Tōnd la a Yēbgdba?
73. Tōnd maan-a lame t'a yaa (Laahr Bugmā) tēegre, n leb n yaa wum-noogo la nafa ne kēn-kēndba.
74. Bī f yilg f Soab-zisgā yvure.
75. M na wēen ne ādsā lbus zīisi.
76. La ad a yaa wēeneg sēn bedem tī yāmb sā n da miime.
77. Ad a yaa Alkrāan Wagelle.
78. N be gaf sēn tar gūub pugē.
79. Pa susd-a, rēnd b sēn yilg-b rāmba.
80. Yaa sēn sig n yi bōn-naandsā Soab nengē.
81. Pa Gom kāeesā la yāmb yagsda?
82. La y rik y sēn da sōmb puus barkā, n maand lagem-n-taare, ne y sēn dik yāmb ritlā n teesd ne bōn-naanse la y yagsd Wēnd neemā wā?.
83. La yōor sā n wa ta koekoay-londē.
84. Wakat kāng tī yāmb getē.
85. La Tōnd n pē-a n yud yāmb la yāmb pa ne ye.
86. La yāmb sā n da yume n yaa b sēn pa tōe n yik-b rāmba(kūuma poorē).
87. Y lebsd-y-yā-a lame, tī y sā n yaa sid rāmba.
88. La sā n yaa b sēn pēneg-b rāmba.
89. Yaa vuvsem la Raeehaan tuse (yū-noodo) la Arzān bugsigo.
90. La sā n yaa ritg zāma wā.
91. Rēnd "tilgr be ne-fo" tī sā n yaa ritig zāmā.
92. La sā n yume n yaa yagsdb n yaa menemdbā.
93. Yaa sigbu, ko-tvulg puga.
94. La Gēhum kōom.
95. Ad wānde la sid vēenegā.
96. Bī f yilg f Soab-zisgā yvure.

57. Al-Hadiid *

Ne Wënd yuurā barka, sēn yaa yols yaleng Soabā, n yaa Yolsdā, la d sungd d tumdā.

1. Būmb ning sēn be saasē la sēn be Tēngē yulgda Wēnde, Yē la zislem Naaba n yaa buvd Mita.
2. Saas la Tēng naam yaa Yē n so, A vumsdame la A kuvda, Yē n leb n yaa Tōogd ne būmbā fāa gilli.
3. Yē la Rēenem la Yaoolem la sēn Vēneg la sēn be Pugē, Yēnda me yaa būmbā fāa Mita.
4. Yē la ning sēn naan saas la Tēng rasem a yoob pugē, rē poorē t'A zēk Al-arsā (Naamā goeel) yingri (zēkr sēn tog ne Wēnde). A mii būmb ning sēn kēed Tēngā pugē la būmb ning sēn yit a pugē, la būmb ning sēn sigd saagē wā la būmb ning sēn ruvd beenē. la A lagma yāmba, yāmb sēn beē fāa. Wēnd leb n yaa Mit ne būmb ning yāmb sēn tumdā.
5. Saas la Tēng naam yaa Yē n so, la Wēnd nengē la b lebsd yelā.
6. A kēesda yung wīndg pugē, la A kēesd wīndg yung pugē, la Yēnda me yaa Mit ne būmb ning sēn be yāadē.
7. Kō-y sid ne Wēnd la A Tēn-tuumā, la y yāk n naf būmb ning pugā A sēn maan yāmb ti y lebsd taab a pugē wā. Neb nins sēn kō sid yāmb pugē la b yāk n nafā, bāmb tara keor sēn bedme.
8. Yaa bōe n tar yāmb ti y pa kōt sid ne Wēnde ti Tēn-tuumā yaool n boond yāmb ti y kō sid ne y Soabā, la a yaool n reega yāmb alkaoole, ti yāmb sā n yi n yaa sid-kōatba?
9. Yē la Soab ning sēn sik-a yāmb zug Aayay-vēenesā, t'a na yiis yāmb ligsē wā n tug vēenmē wā, la Wēnd yaa ninbāan-zost n yaa yoalsd ne yāmba.
10. La yaa bōe n tar yāmb ti y pa na n yāk n naf Wēnd sorā zugu, ti saas la Tēng faad yaool n yaa Wēnd n so? Pa makd yāmb pugē, ned ning sēn yāk n naf taor ti (Mak) pakrā pa ta ye, la a zabe, bāmb rāmbā n yud zislem ne darge n yud neb nins sēn yāk n naf pakrā poorē la b zabe, la fāa gilli, Wēnd pvlma ne sēn sōmbe, Wēnd yaa tēng-n-biig ne būmb ning yāmb sēn tumdā.
11. Ānd n na n peng Wēnde, pengr sēn be neere, t'A fāo-a n kō-a, la a leb n tar keor sēn bedme.
12. Raar ning fo sēn yāt Muumin raopā la muumin pogsā ti b nuura wā yaa sēn yāgd b nins taore la b ritg wēengē: " yāmb sū-noogr rūnda

* Al-Hadiid (Kutā svvra).

- yaa arzān-rāmb ko-sood sēn zoet a tēngre, yāmb yaa sēn duumd a puḡē, woto la puḡ-bedre".
13. Raar ning munaafig-roap la munaafig-pogs sēn yet neb nins sēn kō sidā: "yals-y n koll-y tōnd ti d mok yāmb nuura wā". Tī b yeele: "leb-y poorē wā n ti bao nuura" ti b ning lalg bāmb svka, a tara ragnoore, a puḡē wā yolsg n be beenē, la a yungā wēngē yaa naong n be beenē.
14. B boond-b lame: "tōnd ra pa yī n be ne yāmba?" Tī b yeele: " n-yē! La ad yāmb zarba y mens la y rag n kor wēnga la y maan sika, ti saagr belg yāmb hal ti Wēnd yelā wa, ti belg-m-meng soabā (Sūtāana) belg-yā n yi Wēnde".
15. La rūndā b pa reegd yōor yaood yāmb (munaafigsā) nengē ye, pa neb nins sēn kṭfl-bā me nengē ye, yāmb gāag ziig yaa bugmē, yē la yāmb lallda, la baasg yī wēnga".
16. Wakat pa ta ne sēn kō-b sid ne Wēndā ti b sūyā yaees ne Wēnd yuvr tēegre, la būmb ning sēn sig n yaa sidā, la b ra yī wala b sēn kō-b rāmb gafā hal pīndā, ti wakat wogl ne-ba, ti b sūyā kvī, la wvsg sēn yi bāmb puḡē fāa yaa Dīn yitba.
17. Bāng-y ti yaa Wēnd n vumsd Tēngā a kūmā poorē, sid la hakuka Tōnd vēnega Aayayā ne yāmba sānd-sānde y na tall yam.
18. Bāng-y ti sārā maandb-roapā, la sārā maandb-pogsā la nins sēn peng Wēnd pengr sēn be neerā, b fāoodame n kō bāmba, bāmb leb n tara keoor sēn bedme.
19. La neb nins sēn kō sid ne Wēnd la Tēn-tvumā, bāmb rāmb la sid kōtb menga, la sēn ki-b Wēnd sorā yīnga b Soabā nengē b tara b keoor la b nuura, la neb nins sēn kṭfl-bā la b yags Tōnd Aayayā bāmb la Gēhum koambā.
20. Bāng-y ti ad Dūni vumā yaa wvsg la reem la faas teedo, la pug taaba, la wvsg r baoob arzēgsē la koambē. Yaa wala sa-koom bilgri, a bōn-bundi wā sēn maan ka-koaadb yel-solemde, rē poorē t'a zelg ti fo ne-a t'a yaa kōodre, rē poorē t'a zendge, la yaoleem raarā naong sēn keeme n be beenē, la yaafa sēn yi Wēnd nengē la yardo. La dūni vumā pa yī ralla belg-m-meng wvm-noogo.
21. Reng-y taab n tvg yaafa sēn yi yāmb Soabā nengē la Arzān a yalem sēn yaa wala saagā la Tēngā yalem ti b segl n bīng neb nins sēn kō sid ne Wēndā la A Tēn-tvumā. Woto yaa Wēnd yudlem t'a kōt A sēn rat-a soaba, la Wēnd yaa yud bedr Soaba.

22. Yell pa yɪ sēn na paam tēngā pɔga, pa yāmb pɔgē me, rēndame ti bee gaf pɔgē taoor ti Tōnd nan pa yus-a ye, ad rēnda ne Wēnd yaa yol-yole.
23. Buɪ yīng ti yāmb ra wa sām y sūur ne būmb ning sēn pōsg yāmbā ye, la y ra wa n kudem me ne būmb ning A sēn kō yāmbā ye, la Wēnd pa nong Waoog-m-meng soab fāa sēn yaa pugd ye.
24. Neb nins sēn maand beed la b sagend nebā ne beedā, la ned ning sēn gōt-a a kuidga, ad Wēnde, Yēnda la sek-m-meng Soaba n yaa pēgr Naaba.
25. Sɪd la hakuka Tōnd tɔmsa d Tēn-tvumbā ne vēenese, la Tōnd sik gafā n kō-ba, la tēeg turga; buɪ yīng ti nebā na yals ne tēeg turga. Tōnd sika kutā ti keelem be a pɔgē la nafa ne nebā; la Wēnd na wilg ti b bāng ned ning sēn sōngd-a Yē la A Tēn-tvumbā ne solgre, ad Wēnd yaa pāng Soab n yaa wilb Naaba.
26. La sɪd la hakuka Tōnd tɔmsa a Nuuh la a |braahum, la Tōnd ninga b yībā koamb pɔgē Nabiyaam-rāmb la Gafo, ti kāndgdb be bāmb pɔgē, la wɔsg sēn yi bāmb pɔgē fāa yaa dīin yitba.
27. Rē poorē ti Tōnd pɔgl bāmb vūunā zug, ne Tōnd Tēn-tvumbā, la Tōnd pɔgl a Maryam biig a Iisa, la D kō-a Ingiili, la D ning neb nins sēn pɔg-a wā sūyē nimbāan-zoεeg la yolsgo. La tūudum ning bāmb sēn sunga, Tōnd pa guls-a n rogl-b ye, sā n pa Wēnd yard baoob yīnga, la b pa gūus-a gūusg sɪd-sɪd ye, ti Tōnd rol sēn kō-b sɪdā b pɔgē wā b keoore. La wɔsg sēn yi b pɔgē fāa yaa dīin yitba.
28. Yāmb neb nins sēn kō sɪd ne Wēnde! zoe-y Wēnd la y kō sɪd ne A Tēn-tvumā t'A na kō yāmb pɔur a yīb sēn yi A yolsgē wā, la A ning yāmb nuura ti y kēnd ne-a, la A yaaf-yā, la Wēnd yaa yaafg Naaba n yaa yoalsda.
29. Buɪ yīng ti Gafā rāmb bāng ti b pa tōe ba fɔɪ Wēnd yudlemā pɔgē ye, la ad yudlem bee Wēnd nengē t'A kōt A sēn rat-a soaba, la Wēnd yaa yud bedr Soaba.

58. Al-muğaalat *

Ne Wënd yvrā barka, sēn yaa yols yaleng Soabā, n yaa Yolsdā, la d singd d tvumdā.

1. Sīd la hakuka Wënd wuma pag ning sēn wēed foom no-koeemdā a sīdā wēengē wā koēega, la a kvmd ne Wēndā. Wēnd wūmda yāmb y yiibā tak-n-taarā, ad Wēnd yaa Wūmd n yaa Neta.
2. Neb nins sēn wēnesd b pagbā ne b ma-rāmbā yāmb pugē wā, b pa bāmb ma-rāmb ye, bāmb ma-rāmbā pa yī, ralla sēn rog-b bāmbā. La ad bāmb yeta gomd sēn kisi, la zīrimbeedo, la Wēnd yaa bas-ti-loog Soab n yaa Yaafda.
3. La neb nins sēn wēnesd p pagbā ne b ma-rāmbā, rē poorē tī b rat n lebs b noyā poorē, bī a bas yamb bukīnd taor tī b na n pa sus taab ye, woto la b sagl yāmba, la Wēnd yaa minim tēng-n-biig ne būmb ning yāmb sēn tvumdā.
4. La ned ning sēn pa paam-a, kiuug a yiib no-loeer sēn tūnug taab n rog a zugu, taor tī b nan pa sus taab ye. Ned ning sēn pa tōee, yaa miskumb pis-yoob rulgr n be ne-a; woto tī y na kō sid ne Wēnd la A Tēn-tvumā yīnga. Wānde yaa Wēnd todse, la be ne kīfr-dāmbā naong sēn sabde.
5. Neb nins sēn maand Wēnd la A Tēn-tvumā beemā, A ning-b-la yānd wala b sēn da ning neb nins sēn da reng bāmbā yāndā. La sīd la hakuka, Tōnd sika Aaya-rāmb sēn yaa vēenese, la be ne kīfr-dāmbā faagr naongo.
6. Raar ning Wēnd sēn na yikd bāmb b gill n kō-b kībar tī būmb ning b sēn da tvumā, Wēnd tigim-a lame, tī bāmb yaool n yīm-a, Wēnd yaa seet ne bāmb fāa gilli.
7. Rē yīnga fo pa yā tī Wēnde, A mii būmb ning sēn be saasē la sēn be Tēngē. Neb a tāab pa yī sēn na yēse, rēndame tī Yēnda la b naas Soaba, pa nu me, rēndame tī Yē la yoob Soaba, pa sēn paood n pa ta rē me, pa sēn yud rē me, rēndame tī Yē lagem-b lame b sēn beē fāa, rē poorē t'A kō-b kībar ne būmb ning b sēn tvome, Dūni wā yīkr raare, ad Wēnd yaa būmbā fāa gill Mita.
8. Rē yīnga fo pa yā neb nins b sēn gīdg-b n yī wūnusā, rē poorē tī b maand b sēn gīdg-b n yī a soabā, la b yēsda taab ne beegr la beem la Tēn-tvumā kusgo, la b sā n wa fo nengē, b pvusda foom ne būmb ning Wēnd sēn pa pvus foo ne-a, la b yet b sūy wā: "bōe tī Wēnd pa sibgd

* Al-muğaalat (Tak-n-ta poakā svura)

- tõnd ne bũmb ning tõnd sẽn yetã?" Geħanam na sek-ba! B kēed-a lame, la baasg yī wēnga.
9. Yãmb a neb nins sẽn kō sid ne Wēnde! Yãmb sã n na n yēse, bī y ra yēs taab ne beegr la beem la Tēn-tuvmã kusg ye, la yēs-y taab ne manegr la wēn-zoεεga, la y zoe Wēnd ning b sẽn na n tigim yãmb n tug A Soab nengē wã.
 10. Ad vũn-vũna yaa sẽn yi a Svutãan nengē, sẽn na yul n sãam neb nins sẽn kō-b sidã sũuri, la a ka yī sẽn na names fvi sã n pa ne Wēnd raabo, bī muumin rãmb boblg b mens ne Wēnde.
 11. Yãmb a neb nins sẽn kō sid ne Wēnde! B sã n yeel yãmb tī y sers zĩisē wã, bī y serge tī Wēnd na yalg y yĩnga, la b sã n yeel tī y yiki, bī y yiki, tī Wēnd zēkda neb nins sẽn kō sidã yãmb pvgē la neb nins b sẽn kō bãngrã Dyrge rãmba, la Wēnd yaa minim tēng-n-biiga.
 12. Nneb nins sẽn kō sid ne Wēnde! Yãmb sã n na n yēs ne Tēn-tuvmã, bī y lvus yãmb yēsgã taoor ne sãrã, rēnda la sōama ne yãmba n le yud yulgre, la yãmb sã n pa paame, ad Wēnd yaa Yaafd n yaa Yolsda.
 13. Yãmb yaesda (talemdo) tī yãmb sã n lvus sãrã rãmbã y yēsgã taoore, la yãmb sã n pa maane, tī Wēnd reeg yãmb tuubgu bī y yãnes ne Pvusg la y kō Zaka, la y tũ Wēnd ne A Tēn-tuvmã. Wēnd yaa tēng-n-biig ne bũmb ning yãmb sẽn tvmđã.
 14. Rē yĩnga fo pa yã neb nins sẽn lall neb Wēnd sẽn gē-b rãmba? B pa yī n be ne yãmba, b pa be ne bãmb me, n yaool n wēen zĩri zug tī bãmb yaool n miē.
 15. Wēnd segla b yĩnga naong sẽn keeme, ad bãmbã sẽn da tvmđ bũmb ningã yī wēnga.
 16. B ruka b wēenegã tī yaa gãng ne-ba, tī b gut n yi Wēnd sorã, rēnd faagr naong be ne-ba.
 17. B arzek kōn tol n naf-ba, pa b koamb me, n yi Wēnd ba fvi. Bãmbã rãmbã la bugum koamba, bãmb yaa Duumdb a pvgē.
 18. Raar ning Wēnd sẽn yikd bãmb gilli, tī b wēen ne-A wala b sẽn wēen ne yãmbã, n tēed tī bãmb bee sid zugu, pa bãmb bal la zĩrimberãmba?.
 19. A Svutãan n wil bãmba, n yĩms-b Wēndã yvur tēegre. bãmb la a Svutãan zãma wã, pa a Svutãan zãma wã la bõn rãmb sda?.
 20. Neb nins sẽn maan beem ne Wēnd la A Tēn-tuvmã, bãmb rãmb bee nin-yaalsã pvgē.

21. Wënd gulsame: "M na wil neer-neere, Maam ne M Tën-tvumbā, ad Wënd yaa päng Soaba, n yaa zislem Naaba.
22. Fo pa yāt neba sēn kōt sid ne Wënd la Yaoolem raarā, tī b baood nonglem ne ned ning sēn maand beem ne Wënd la A Tën-tvumā ye; ba tī b yī n yaa b ba-rāmba, ma b koamba, ma b ma-biisi, ma b buudu. Bāmb rāmbā la A guls Liimaongā b sūyē wā, la A keng-b ne Sōngr sēn yī A nengē, la A kēesd-b Arzān rāmba tī ko-sood zoet b tēngre, b yaa Duumdba a pugē, Wënd yard be b yīnga, bāmb me yarda Wēnde, bāmb la Wënd zāma, la pa Wënd zāma wā bal la pōsdb la?

59. Al-hašr *

Ne Wënd yovrā barka, sēn yaa yols yaleng Soabā, n yaa Yolsdā, la d singd d tvumā.

1. Būmb ning sēn be saasē la sēn be Tēng zug fāa yulga Wēnde, la Yēnda la zislem Naab n yaa yam-bedr Soaba.
2. Yē la Soab ning sēn yīs neb nins sēn kīfl-bā sēn yaa gafā rāmbā b zagsē wā, tigs-rāeengā wakato. Yāmb ra pa tēed tī b na n yiime ye, bāmb me ra tēedame tī b lal-gūbdsā na n gidg-b lame n yī Wēnde, tī Wënd wa-b ne zīig nīng b sēn da pa geendē, la A lob rabeem b sūyē wā, b wurda b rotā ne b nus la muumin rāmbā nusi, bī y tags n gese yāmb a yam-bed rāmba!
3. La sā n pa Wënd sēn da guls viigrā n rogl bāmbā, A naan n namsē bāmb Dūni, la bāmb tara Yaoolem Raarā, Bugum naong sēn zabde.
4. Rēnda, tī bala bāmb maana Wënd ne A Tën-tvumā beem, la ned ning sēn maand-a Wënd beem, bī y bāng tī Wënd yaa nams-kegeng Soaba.
5. Yāmb sēn ke tamar tuga, ma yāmb bas-a lame t'a ket n yās a yēgā zugu, yaa Wënd raabo, la Dīn-yitb na yā yānd yīnga.
6. La arzek ning Wënd sēn kō A Tën-tvumā tī pa tū ne zabr b nengē wā, (bala) yāmb pa yāg a zug ne wiidi, pa ne yugmā me; la ad Wēnde A ruvgda A Tën-tvumā A sēn rat-a soab zugu, Wënd me yaa Tōogd ne būmbā fāa gilli.
7. Būmb ning Wënd sēn kō A Tën-tvumā n yī tēmsā rāmbē yaa Wënd n so, la A Tën-tvumā, la rog-pētse, la kubse, la ninbāan-rāmba, la kēn-kēndba; bvl yīng tī arzekā ra wa gilimd yāmb rakā-rāmb bal svk ye. La būmb ning Wënd Tën-tvum sēn wa ne yāmb nengē fāa, bī y reeg-y-yā-

* Alhašr (Tigingā svvra).

- a; la a sēn gūdg yāmb n yi būmb ning fāa, b₁ y base, la y zoe Wēnde, ad Wēnd yaa nams-kegeng Soaba.
8. (Sēn so me n paas yaa) tals nins sēn yaa yikdba, b sēn yiis-b rāmb b zagsē wā la b arzeksē, t₁ b baooda yudlem sēn yi Wēnd nengē la yarda, la b sōngd Wēnd la A Tēn-tuumā, bāmb me la sūd-rāmbā.
9. La neb nins sēn sig-b yirē wā (Madiina. (Ansoaar)) la liimaoongē wā, b nonga ned ning sēn yik n wa bāmb nengē (Mak-rāmbā. (Muhaagiriin)), la b pa ningd bāmb sūyē wā tulsem b sēn kō bāmbē wā ye, la b basd n kōt b taaba, ba t₁ raab-kegeng bee ne bāmba. La ned ning sēn wa n yōk a yōor yā-beedo, bāmb rāmbā la pōsdba.
10. La neb nins sēn wa bāmb poorē wā, b yetame: "yaa tōnd Soaba! Yaaf tōnd la F yaaf tōnd ma-biis nins sēn reng tōnd taoor ne liimaoongo, la F ra wa n ning beem tōnd sūyē wā ne neb nins sēn kō sūdā ye. Yaa tōnd Soaba! Ad Fo yaa ninbāan-Zoet n yaa Yolsg Naaba.
11. Rē yīnga fo pa yā neb nins sēn maan Munaafigl mā, b yeta b saam-biis nins sēn ktfl-bā sēn yi gafā rāmbē wā: "la t₁ b sā n yiis yāmba, tōnd na yi neer neere n lagem yāmba, tōnd pa tūud ned ba a ye lae-lae yāmb zug ye, la b sā n zab ne yāmba, tōnd na song yāmba". La Wēnd yaool n seetame t₁ b yaa zīrimbe-rāmba.
12. La t₁ b sā n yiis-ba, b kōn yi n lagem-b ye, la b sā n zab ne-b me, b kōn sōng-ba, la b sā n sōng-b me la t₁ b na gōd b kuidsi, rē poorē b kōn paam sōngr ye.
13. Hakukā yāmb n yud yaeesg bāmb sūyē wā n yud Wēnde; yaa woto ti bala bāmb yaa neb sēn pa Fahemd ye.
14. B pa zabd ne yāmb b zāng ye, ralla tēms sēn gūbg pugē ma lals poorē. B beemā ne taab suk keemame. Fo tēed-b lame t₁ b bee ne taaba, t₁ b sūyā yaool n yaa toε-toeya; yaa woto ti bala bāmb yaa neb sēn pa tar yam.
15. Yaa wala neb nins sēn da reng bāmb taoor moas-moasā, b lemba b yelā tusenga la b le tar noang sēn zabde.
16. Yaa wala Sūtāan bilgri, a sēn wa n yeel ninsaala: "ktfle-!" La a sēn wa n ktflā, la a sēn yeele: "ad mam zāagame n yi foom, ad mam yaeesda Wēnd sēn yaa bōn-nāandsā soabā".
17. T₁ b yībā baasg y₁, t₁ bāmb b yībā bee Bugmā pugē n yaa duumdb a pugē. Woto la wēgdba rolbo.
18. Yāmb a neb nins sēn kō sūd ne Wēnde! Zoe-y Wēnde, la yōor fāa ges būmb ning a sēn tum t₁ reng taoor beoog yīnga, la y zoe Wēnde, ad Wēnd yaa minim tēng-n-biig ne būmb ning yāmb sēn tumdā.

19. La y ra yu wala neb nins sēn yīm-b Wēnde, t'A yīms-b b mensā ye; bāmb rāmbā la Dīin-yitbā.
20. Bugum koamb ne Arzān rāmb pa makd taab ye; Arzān koambā, bāmb la puur paamdba.
21. Tōnd sā n da sikē-la Alkurāan kāngā tāng zugu, fo na yāē-a t'a yaa sēn boog n sāeeg Wēnd yaeesg keelem. La yel-būn kāensā Tōnd wēed-b-la ne nebā, sānd-sānde bāmb na tagsd n getē.
22. Yē la Wēnde! Soab sēn kae tı sā n pa Yēnda wā, α yel-soaandı Mita la sēn vēneg Mita, Yē la α yols-kegeng Naaba, Yē la α Yols-duumdg Naaba.
23. Yē la Wēnd ning soab sēn kae tı sā n pa Yē wā, n yaa α Naabā, α yulgr Naaba, α tılgr Naaba, α bas-m-yam Soaba, α Wilb Naaba, α zıslēm Naaba, α modgr Naaba, α Waoog-m-meng Naaba; Wēnd yulgame n yi būmb ning bāmb sēn maan lagem-n-taarā.
24. Yē la Wēnde, n yaa α Naanda, n yaa α yēbgda, n yaa α naaneg-kvmda, A tara yu sēn be neere. Sēn be saasē la Tēng zug yulgd-A lame, Yē me la α Zıslēm Naab n yaa α buvd Mita.

60. Al-mumtahina *

Ne Wënd yuurā barka, sēn yaa yols yaleng Soabā, n yaa Yolsdā, la d sungd d tumdā.

1. Yāmb neb nins sēn kō sūd ne Wēnde! Ra rik-y Mam beebā la yāmb beebā n maan lall-n-taas ye, n maand nonglem ne-b ye. Ad bāmb kīfla ne būmb ning sēn wa yāmb nengē sēn yaa sūdā. B yiisda Tēn-tuumā la yāmba, ti yāmb kōo sūd ne Wēnd sēn yaa yāmb Soabā yīnga. Yāmb sā n yī n yi Gihaadt Mam Sorā zug, la Mam yard baooob yīnga, yāmb solgdame n kēngd bāmb nengē ne nonglem, la Mam yaool n mii būmb ning yāmb sēn solg la y sēn vēnegdā. La ned ning sēn maan-a rēnda yāmb pugē, sūd la hakuka, a menemame n yi so-turgā zugu.
2. B sā n wil yāmba, b vēnegda b beemā ne yāmba, la b tēeg b nusā la b zel mā wā yāmb zug ne wēnga, b maanda nonglem ti yāmb sā n da kīflē.
3. Yāmb rogem kōn tol n naf-yā, ka y koamb me, Alkiyaoom raare, A na n welga yāmb ne taaba, la Wēnd yaa Net ne būmb ning yāmb sēn tumdā.
4. Sūd la hakuka togs-n-ta-sōng zīnda ne yāmba a [braahum la neb nins sēn lagem-a wā yellā zugu, b sēn wa n yeel b nebā: "tōnd yaa zāagdb ne yāmb la būmb ning yāmb sēn tūud ti pa yī Wēndā; tōnd kusa yāmba. Beem la gēeg vēnega tōnd ne yāmb suk, lae lae, hal ti y wa kō sūd ne Wēnd a Yembre". Ralla a [braahum koeg ne a saamba: "m na kos yaafa neer-neer ne foo, la m pa tar tōog ba fū fo yīng Wēnd nengē ye. Yaa tōnd Soabā! Tōnd bobla d meng ne Foom, la tōnd leb g n wa Fo nengē, baasg zīg me yaa Fo nengē.
5. Yaa tōnd Soaba! Ra zarb tōnd n kō neb nins sēn kīflbā ye, la yaaf tōndo. Yaa tōnd Soaba! Foo la Zislem Naaba, n yaa buvd minim Naaba.
6. Sūd la hakuka togs-n-ta-sōng zīnda ne yāmb b pugē ne ned ning sēn tēed-a Wēnd la Yaoolem Raarā. Ned ning sēn gōt-a a kuidg bī f bāng ti Wēnde, Yē la sek-m-meng Soab n yaa pēgr Naaba.
7. Sānd-sānd Wēnd na ning yāmb suk ne neb nins yāmb sēn maan beemā suk nonglem. Wēnde, A yaa tōogda, la Wēnd yaa yaafg Naaba n yaa yolsg Naaba.
8. Wēnd pa gīgdg yāmb n yi neb nins sēn pa zab ne yāmb Dīnā pugē wā, la b pa yiis yāmb y zagsē wā, ti y maneg-b la y tēeg turg ne-b ye. Ad Wēnd nonga tēeg-turg rāmba.

* Al-mumtahina (B sēn zarb pag ningā n na n gesā suvra).

9. Ad Wënd gıdgda yāmba n yi neb nins sēn zabd-b ne yāmb Dīnā pvgē, la b yiis yāmb y zagsē wā, la b sōng tı b yiis yāmbā, tı y ra wa lall-b ye. La ned ninng sēn wa n lall-ba, bāmb rāmbā la wēgdba.
10. Yāmb a neb nins sēn kō sid ne Wēnde! Muumin pogsā sā n wa yāmb nengē, tı b yaa yikdb bı y zarb-b n gese, Wënd n mi b liimaongā teka. Yāmb sā n bāng n vēneg tı b yaa sid kōatb bı y ra lebs-b kıfr-dāmbā nengē ye. B pa yı n yaa halaal ne kıfr-dāmba, kıfr-dāmbā me pa yı n yaa halaal ne-ba. La y kus-b (kıfr-dāmba) būmb ninga b sēn yiis n nafā. La yell pa be yāmb zug tı yāmb fur-b tı yāmb sā n kō-b b keorā, la y ra zīnig kıfr-pogs yāmb soolm pvgē ye, la y sok kıfr-dāmbā n deeg būmb ning yāmb sēn naf pagbā, la bāmb (kıfr-dāmbā) me sok būmb ning b sēn kus pagbā n deege. Ad woto yaa Wënd buvd t'A buvd yāmb svka, la Wënd yaa Mit n yaa buvd minim Naaba.
11. La ned sā n pōsg-yā sēn yi yāmb pagbē wā n rig Kıfr-dāmbē wā, tı yāmb pvg-b n zab n reeg ganīim arzeka, bı y kō neb nins pagb sēn loogā wala b sēn da kō wā bilgri, la y zoe Wënd ning yāmb sēn yaa sid kōtb ne A Soabā.
12. Yaa foom Nabiyaama! Muumin posgsā sā n wa fo nengē n balemd foom: " tı b kōn lagem Wënd ne Būmbu, la b kōn zu, b kōn yo, b kōn n kv b koambā, b kōn wa ne zīrimbeed koamba n yet tı yaa b sidbā koamba, b kōn kus foom manegr pvgē"; bı f reeg b balengā la f kos Wënd yaafg b yīnga, ad Wënd yaa yaafg Naab n yaa yolsda.
13. Yāmb a neb nins sēn kō sid ne Wēnde! Ra wa n lall-y neb Wënd sēn gē-b ye! Sid la hakuka b wāaga b tēeb n yi Yaoolem raarā, wala kıfr-dāmbā sēn wāag b tēeb ne yaadē rāmbā.

61. Aş-şaf *

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. Būmb ning sēn be saasē la sēn be Tēng zug, yulga Wēnde, la Yēnda la zıslēm Naab n yaa yam-bedr Soaba.
2. yāmb a neb nins sēn kō sid ne Wēnde! Yaa bōe tı y yet būmb ning y sēn pa tvumde?
3. Gēeb yı bedr Wënd nengē ne yāmb sēn na n yet būmb ning yāmb sēn pa tvumde.
4. Wënd nonga neb nins sēn zabd A sorā zug tı b yaa sēn tedg taaba, tı bāmb yaa wa meoong sēn remse.

* Aş-şaf (Tedgr svvra).

5. La tēeg wakak ning a Musa sēn wa n yeel a neba: "yaa mam neba! Yaa bōe ti yāmb namsd maam, la sida yāmb miime ti mam yaa Wēnd tēn-tuum n wa yāmb nengē?" La wakat ning b sēn wa n daegā, Wēnd raaga b sūyā, la Wēnd pa kāndgd neb nins sēn yaa dīin-yitbā ye.
6. La a Maryam biig a Isa sēn wa n yeele! "Yaa yāmb a [sraa-ul koamba! Ad mam yaa Wēnd tēn-tuum n wa yāmb nengē, n yaa sīdgd ne būmb ning sēn reng mam taorā sēn yaa Taoraat, n leb n ya sū-noogd ne Tēn-tuum sēn wat mam poorē, t'a yuur la a Ahmad". La a sēn wa n wa bāmb nengē ne vēenesā la b sēn yeele: "yāoā yaa tum sēn vēnege".
7. La ānd wēgb n yud ned ning sēn pas zīrimbeed n roglg Wēnde! Tī yēnda yaool n yaa b sēn boond a soab n tvgd Lislaoongo. Wēnd pa kāndgd wēg-m-mens rāmb ye.
8. B ratame n na n kiis Wēnd vēnemā ne b noyā, la Wēnd yaool n yaa A vēnemā pidsd ba ti kīfr-dāmb kisa.
9. Yē la sēn tum A tēn-tuumā ne sor-wilgrā la sid tūudmā buul yīng la a sōng-a t'a wil tūudum-sor buudā fāa, ba ti lagem-n-taarā rāmb sā n kisgi.
10. Yaa yāmb neb nins sēn kō sid ne Wēnde! Rē yīnga m kōn togl-yā, n tvg tolb sēn tulgd yāmb n yi naon-zabdgā?
11. Kōt-y sid ne Wēnde, la A Tēn-tuumā, la y zabdē Wēnd Sorā zug ne y arzeks la y mense, rēnda la sōma ne yāmba, ti yāmb sā n da miē.
12. A yaafda yāmb zunuub-rāmb la A kēes yāmb Arzān-rāmb pvsē ti ko-sood zoet b tēngre, zag-yulma, Arzān duumdgā puga, rēnda la pūr sēn zise.
13. La sēn be tol-kāngā (neema) a taabā yaa būmb yāmb sēn nonge; yē la sōngr sēn yi Wēnd nengē dūni wā puga la yel manegr sēn pē. La noog Muumin rāmbā sūyā.
14. Yāmb a neb nins sēn kō sid ne Wēndā! Yu Wēnd sōngdb wala a Maryam biig a Isa sēn yeel Hawaariyyumbā (Tūud-n-ta-tūusdsi): "ānd n na n sōng maam n tvg Wēnd nengē? "Hawaariyyun rāmbā yeelame: "tōnd yaa Wēnd sōngdba" . Tī sull sēn yi a [sraa-ul koambē wā kō sida, ti sull me kifle, ti Tōnd sōng neb nins sēn kō-b sidā b be wā zugu, ti b yi tōogdba.

62. Al-Ĝum'a *

Ne Wënd yuurā barka, sēn yaa yols yaleng Soabā, n yaa Yolsdā, la d sungd d tumdā.

1. Būmb ning sēn be saasē la būmb ning sēn be Tēngē yulgda Wēnde, sēn yaa Naabā, n yaa yulgr Naabā, n yaa wilr Naaba, n yaa yam-bedr Soaba.
2. Yē la Soab ning sēn tums zu-sablē wā Tēn-tvuma, sēn yi bāmb pugē t'a karemd-b A Aayayā bāmb zug la a yulgd bāmb la a wilgd bāmb gafā la bāngr sēn nafde, la pīnda, bāmb ra yu n bee meneng pugē sēn vēnege.
3. La neb a taab me nengē sēn yi bāmb pugē b nan pa wa nand ye, la Yēnda la zislem Naaba, n yaa yam-bedr Soaba.
4. Ad woto yaa Wēnd yudlem t'A kōt A sēn rat-a soaba, la Wēnd la yudlem sēn yaa bedr Soaba.
5. Neb nins b sēn rogl-b rāmb Taoraatā, rē poorē ti b pa zā-a wā, b bilgr yaa wala bōang sēn zulg gaf-bed bilgri. Neb nins sēn yagsd Wēnd Aayayā bilgr yī wēnga, la Wēnd pa kāndgd neb nins sēn yaa wēgdbā ye.
6. Yeele: "yaa yāmb neb nins sēn ya Yahvud rāmba! Yāmb sā n yēgmame ti yāmb yaa Wēnd waliimba(nong-n-taase) ti nebā pa lagme, bī y tull kūumā ti yāmb sā n yaa sūd rāmba".
7. La b kōn tull-a lae-lae, b nusā sēn tum ti reng taorā yīnga, la Wēnd yaa mit ne Wēgdbā.
8. Yeele: "ad kūum ning yāmb sēn zoet n zāagdē wā, a yekda yāmba, rē poorē b na n lebsa yāmb n kēng sēn solg la sēn vēneg Mitā nengē, t'A kō yāmb kibar ne būmb ning yāmb sēn da tumdā.
9. Yāmb a neb nins sēn kō std ne Wēnde! B sā n wa bool ti y wa pvus Arzūmā raare, bī y yāg n tvug Wēnd yuurā tēegrē la y bas koosmā; yāmb maan kāng la sōma ne yāmb ti yāmb sā n da miē.
10. La pvvsgā sā n wa se, bī y sāeeg Tēngā zugu, la y bao Wēnd yudlem, la y tēeg Wēnd yell wvsgo sānd-sānde y na paam tvlgre.
11. La b sā n yā koosem ma reem, la b sēn yelg n tvug be la b bas foom ti f yāsē, yeele: "būmb ning sēn be Wēnd nengē wā sōmblem n yud reem la koosem, la Wēnde, Yē n yud rvlgdbā fāa ne sōmblem".

* Al-Ĝum'a (Arzūmā svura).

63. Al-munaafikuun *

Ne Wënd yuurā barka, sēn yaa yols yaleng Soabā, n yaa Yolsdā, la d sungd d tumdā.

1. Munaafigsā sā n wa fo nengē b yetame: "tōnd seetame ti fo sid yaa Wënd Tēn-tuumā". La Wënd miime ti fo sid yaa A Tēn-tuumā, la Wënd seetame ti Munaafigsā yaa zīrimbe-rāmba.
2. B rika b wēnegā ti yaa gāng ne-ba, ti b pag Wënd Sorā, ad bāmb sēn da yī n tum būmb ningā yu wēnga.
3. Rēnda, bala bāmba, b kōo sid ne Wēnde, rē poorē ti b kifle, ti b sēd bāmb sūyā ti bāmb pa fahemdē ye.
4. La fo sā n yā-ba, b yīnsā maanda foom yel-solemde, la b sā n goamda, fo kelgda b goamā, yaa wala bāmb yaa raad sēn delle. B tēedame ti keleng fāa yaa bāmb zug bala; bāmb la beebā, bī f gūus-ba! Wënd na sām-ba! Yaa bōe ti bāmb kedgdē!
5. La b sā n yeel-ba: wa-y ti Wënd Tēn-tuum kos yaafa yāmb yīnga, la b sēn gird b zutu, ti fo yāt-b ti b balldē, ti bāmb yaa waoog-m-meng rāmba.
6. Fāa zema taab bāmb zugu, fo kosa yaafa b yīnga, fo pa kos yaafa b yīnga, Wënd kōn tol n yaaf-b ye, ad Wënd pa kāndgd dīin-yitb ye.
7. Bāmb rāmb la sēn yete: "ra rulg-y neb nins sēn be Wënd Tēn-tuum nengē wā hal ti b wa sāeege". La saas la Tēng baoā yaa Wënd n so, la ad Munaafigsā pa fahemd ye.
8. B yetame: "tōnd sā n lebg n tug Madiina, nin-zisdā na yiis nin-faasā a pugē". La zislem bee ne Wēnde, ne A Tēn-tuumā, la Muumin rāmbā; la ad Munaafigsā pa mi ye.
9. Yaa yāmb neb nins sēn kō sid ne Wēnde! Yāmb arzek ra wa maan yāmb soagla, la yāmb koamb ra maan yāmb soagl ti y bas Wënd yuur tēegr ye. Ned ning sēn wa n maand-a rēnda, ad bāmb rāmbā, bāmb la bōn rāmba.
10. La y yāk būmb ning Tōnd sēn rulg yāmbā n nafe, taoor ti kūum ra wa yāmb yembr kam nengē t'a yetē: "m Soaba! Fo sā n dag n yaoolē maam n tug wakat sēn pē, ti m maan doaaga la m yī nin-sōngo."
11. La Wënd kōn tol n yaool yōore, t'a wakatā sā n ta ye. Wënd yaa minim tēng-m-biig ne būmb ning yāmb sēn tumdā.

* Al-munaafikuun (Munaafigsā svtra).

64. At-tagaabun *

Ne Wënd yuurā barka, sēn yaa yols yaleng Soabā, n yaa Yolsdā, la d sungd d tumdā.

1. Yūlgda Wēnde, būmb ning sēn be saasē la būmb ning sēn be Tēng zugu.
Yē n so naamā la pēgr be na-A, la Yēnda yaa Tōogd ne būmbā fāa gilli.
2. Yē la Soab ning sēn naan-a yāmba : kīfl bee yāmb pugē, muumin me bee yāmb pugē. Wēnde, A yaa Mit ne yāmb sēn tum būmb ningā.
3. A naana saasā la Tēngā ne sīda, la A sig yāmb naanegā n maneg yāmb sigbā ti yaa neere, la A nengē la lebengā zīiga.
4. A mii būmb ning sēn be saasē la Tēngē, la A mi būmb ning yāmb sēn solgde la yāmb sēn vēnegde. Wēnd yaa Mit ne būmb ning sēn be sūyē.
5. Rē yīnga pa wa yāmb nengē kibare; neb nins sēn kīfl-b hal pīnd n lemb b yela tuslem kibare? B leb n tara naong sēn zabde.
6. Yaa woto bala, ti yell sēn yalē, bāmb Tēn-tuumbā ra wata bāmb nengē ne vēnese ti b yeele: "yīng soab n kāndgd tōndo?" Tī b kīfl n daeege ti Wēnd sek A Meng n bas-ba, la Wēnd yaa sek-m-meng Soab n yaa pēgr Naaba.
7. Neb nins sēn kīfl-bā yēgmame ti b kōn tol n yik bāmb ye, yeele: "ayay! M wēn ne m Soabā, b na n yika yāmb neer-neere, rē poorē b na kō yāmb kībar neer-neer ne būmb ning yāmb sēn tumā, la wānde ne Wēnd yaa naana.
8. Bī y kō sūd ne Wēnde la A Tēn-tuumā la vēnem ning Tōnd sēn sikā. Wēnd yaa tēng-n-biig ne būmb ning yāmb sēn tumdā.
9. Raar ning A sēn na n tigim yāmb tigingā raare, ad rēnda yaa kēes taab bōn raare. La ned ning sēn kōt sūd ne Wēnd la a tum sōma, b yēesda a yel-wēnsā n bas-a la b kēes-a arzān-rāmbē, ti ko-sood zoet b tēngre, ti bāmb yaa duumdb a pugē lae-lae; wā la puur sēn bedme.
10. La neb nins sēn kīfl-b la b yags Tōnd tagmas-rāmbā, bāmb la Bugum rāmba, b yaa duumdb a pugē, la baasg yi wēnga.
11. Masub pa yi sēn na paam rēndame ti yu ne Wēnd sor-kūuni, la ned ning sēn kō sūd ne Wēnde, A kāndgda a sūurā. Wēnd yaa Mit ne būmbā fāa gilli.

* At-tagaabun (Bōn kēesg suura).

12. La y tũ Wēnde, la y tũ Tēn-tuvmā, la yāmb sã n daeegē, sēn be Tōnd Tēn-tuvmā zug yaa taasg sēn vēneg bala.
13. Wēnde! Soaba kae ti sã n pa Yē ye, bi muumin rāmbā bobl b mens ne Wēnde.
14. Yāmb a neb nins sēn kō sid ne Wēnde! Ad bee yāmb pagbē wā, la yāmb koambē wā, sēn yaa yāmb bæeba, bi y gūus-y-ba. La yāmb sã n yaaf la y bas ti looge, la y maan gaafare, bi y bāng ti Wēnd yaa yaafg Naab n yaa yolsg Naaba.
15. Ad yāmb arzēgsā, la yāmb koambā yaa zarb-n-gesga, la bee Wēnd nengē keoor sēn yaa bedre.
16. Bi y zoe Wēnde, y pān-tōog tēka, la y kelge, la y tũ, la y yāk n naf sēn yaa sōma fāa puḡē, y mensā yīnga. La ned ning b sēn tulg n yi a yā-beedo, bāmb rāmb la puur paamdba.
17. Yāmb sã n peng Wēnd pengr sēn be neere, A fāood-a lame n kō-yā, la A yaaf-yā. Wēnd yaa bark puvsda, n yaa sug-maasr Soaba.
18. N yaa sēn solg Mit la sēn vēneg Mita, n yaa zislem Naaba n yaa yam-bedr Soaba.

65. Aṭ-ṭalaak *

Ne Wēnd puurā barka, sēn yaa yols yaleng Soabā, n yaa Yolsdā, la d singd d tuvmā.

1. Foo a Nabiyama! Yāmb sã n na n wa kao pagbā furi, bi y kao b furā b yulgrā wakato (pekrā saab poorē) la y geel yulgrā sōore, la y zoe Wēnd sēn yaa yāmb Soabā. Ra yiis-y pagbā b zagsē wā ye, la bāmb me ra wa yi rallame ti b wa n waa ne tuvm-beed sēn vēnege. La woto yaa Wēnd todse; la ned ning sēn wa n gāndg Wēnd todsā, sid la hakuk a wēga a menga, foo a fur-kaoodā pa mi tōe ti Wēnd maan rē poorē yell a to(yamleooḡ ne pagā t'a lebe-a).
2. La b sã n wa ta b wakatā bi y gād-b ne manegre ma y welg-b ne manegre. La y bao seedg ne sid rāmb a yīib sēn yi yāmb puḡē; la y yānes kasetā Wēnd yīnga. Woto la b sagend yāmba. Ned ning sēn yi n kōt sid ne Wēnd la Laahr raarā, la ned ning sēn zoet Wēnde, A kōat-a la yīib zīiga.
3. La A rulg-a zīig ning a sēn pa tēede. La ned ning sēn bobld-a meng ne Wēnde, Yē sek-a lame. Wēnd yaa tōogd ne A buvdā, sid la hakuka Wēnd maana būmbā fāa ne geelgo.

* Aṭ-ṭalaak (Furā kaoob suura).

4. La pagb nins sēn wāag b tēeb ne pekrā, sēn yi yāmb pagbē wā, yāmb sā n maan sik b sēn zīnd n kollā yalē, rēnd bāmb rāmbā yulgrā yaa kiuu a tāabo. Yaa woto me ne pagb nins sēn na n pa yāt-b pêkrā. La pusā rāmba, bāmb rasem rāmbā yaa b sā n roge, la ned nīng sēn zoet-a Wēnde, A maanda a yelā ti yaa yol-yole.
5. Woto yaa Wēnd buudo, t'A sik-a n kō yāmba, la ned ning sēn zoet-a Wēnde, A yēesda a yel-wēnsā n bas-a la A zisg a keoore.
6. Zīndg-y-b zīng ning yāmb sēn zīē wā n zems yāmb tōogo, la y ra nams-b n rat n na n weoog b zug ye. La b sā n yume n yaa pus-rāmba, bi y kō-b mond hal ti b wa roge. La b sā n na n yēsem n kō yāmba, bi y kis-y b keorā, la y sagl taab ne manegre. La yāmb sā n pa zems taaba, rēnd pag a to n na n yēsem-a.
7. Tōog soab fāa rulg a tōoga; ned ning me ruti yell sēn sēbg-a bi a rulg Wēnd sēn kō-a teka. Wēnd pa rogend yōor ralla būmb ning A sēn kō-a wā. Aa Wēnd na n maana yol-yol keelem poorē.
8. La sōor waoog tēms sēn wegem n yi b Soabā sagls la A Tēn-tvumbā ti Tōnd geel-b geelg sēn kegeme la D nams-b naong sēn zi-n-yā.
9. Ti b lemb b yel-wēngā keoore, la b yellā baasg yu bōne.
10. Wēnd seglga naong sēn yaa kegeng b yīnga; bi y zoe Wēnde yaa yāmb a yam-beel rāmb nins sēn kō-b sīda! Sīd la hakuka Wēnd sika tēegr yāmb nengē.
11. Rē me la Tēn-tvumā, sēn karemd yāmb zug Wēnd Aayayā sēn yaa vēenese, buul yīng t'A na yiis neb nins sēn kō-b sīdā la b tum sōmā wā likē wā n tug vēenemē wā. La neb nins sēn kōt-a sīd ne Wēnd la a tum sēn sōmbe, A kēesd-a-la Arzān-rāmbē ti ko-sood zoet a tēngre, ti b yaa duumdb a pugē lae-lae. Sīd la hakuka Wēnd maana neer n kō-a, sēn yaa rutla.
12. Wēnd la Soab ning sēn naan saas a yopoe, la Tēngē wā me yaa bāmb bilgri. A yelā yaa sēn sigd b svka buul yīng ti y bāng ti ad Wēnd yaa tōogd ne būmbā fāa gilli, la Wēnd leb n gūbga būmbā fāa ne bāngre.

66. At-tahrum *

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tuvmdā.

1. Foo a Nabiyaama! Yaa bōe ti f haremd(gudgd f menga) ne būmb ning Wënd sēn maan ti yaa halaal n kō foomā n baood f pagb yarda, la Wënd yaa yaafg Naab n yaa yolsg Naaba.
2. Wënd maanam ti yaa tilae yāmb zugu y wēenegā yidgri, la Wënd la yāmb lalda, Yēnda me la Mit Naab n yaa yam bedr Soaba.
3. La wakat ning Nabiyaamā sēn wa n solg a pagbā sānda nengē ne goama, la pagā sēn wa n togs gomdā, ti Wënd vēneg n wilg Nabiyaamā, Nabiyaamā wilg-a-la goamā sānda la a bas sānda. La Wakat ning Nabiyaamā sēn wa n togs a (paga) goamā, la a sēn yeele: "yaa ānd n togs foo wā? Tı Nabiyaamā yeele: "yaa mit Naabā n togs maam; minim Tēng-n-biigā.
4. Sōmba ne Yāmb a pagba yīibā ti tuub n tug Wënd nengē, sūd la hakuka, yāmb y yīibā sūyā tudgame, la yāmb y yīibā sā n sōng taab n nams-a, bı y bāng ti ad yaa Wënd la a lalda, la a Gibriila, la muunim sōmbsā, malegsā me, Wënd sōngrā poorē b yaa a sōngdba.
5. Tōe t'a sā n kao yāmb furi, bı a Soaba tedgd n kō-a pagb sōmlem sēn yud yāmba : lıslaam pogse, muumin pogse, Wënd-zoet-pogse, pagb sēn yaa tuubdba, wēnd-tūud-pogse, no-loetba, pug-futu la pug-sādba.
6. Yāmb a neb nins sēn kō-b sūd ne Wēnde! Gū-y mens la y zak rāmb n yi Bugum, a raadā yaa neb la kuga, malegs n be a zug sēn yaa pāens rāmb n yaa kegemse, b pa kUSD Wënd A sēn sagl-b ne būmb ningā ye, la b tuvmd b sēn rogl-b būmb ningā.
7. Yāmb a neb nins sēn kıfle! Ra padem-y ründā ye, ad b sēn rond yāmbā yaa būmb ning yāmb sēn da tuvmdā.
8. Yāmb a neb nins sēn kō sūd ne Wēnde! Tuub-y n tug Wënd nengē, tuubg sēn yaa pu-peelem tuubgu, sānd-sānde yāmb Soabā na yaaf yāmb yel-wēna, la A kēes yāmb Arzān-rāmbē ko-sood sēn zoet b tēngre. Raar ning Wënd sēn pa ningd Nabiyaamā yānde la neb nins sēn kō sūd n lagem-a wā. Bāmb nuura wā yaa sēn yēnegdg bāmb nems taoor la b rıts wēengē; b yetame: "Tōnd Soaba! Pids d nuura wā la F yaaf-do, ad Fo yaa tōod ne būmbā fāa".
9. Foom a Nabiyaama! Zab ne kıfr-rāmbā la munaafıgsā, la f tak ne-b kāe-kāe, la b kōom zıig yaa Gēhannam, la lebgr zıig yı wēnga.

* At-tahrum (Gıdgrā svvra).

10. Wënd rıka bilgr ne neb nins sēn kɪfl-bā, a Nuuh pagā la a Luvt pagā. B ra bee yembs a yiib nugē sēn yi Tōnd yembsē wā, ad yaa yemb sōms a yiibu, tı b zāmb-ba, la b pa tōog n gıdg b pagb a yiibā n yi Wënd naongā ye, tı b yeel-ba: kē-y Bugmā n lagem kēedbā.
11. Wënd leb n rıka bilgr ne neb nins sēn kō-b sid ne Wëndā, ne a Fur-aoon pagā. Wakat ning a sēn wa n yeele: "m Soaba! Me zak n kō maam Fo nengē Arzānā pugē, la F pōsg-m n yi a Fur-aoon ne a tuvmā, la F pōsg-m n yi ninsaan-wēgdbā".
12. La a Maryam, a ɪmraan bi-pvglā, sēn gūus a taorā n yi yoobā, tı Tōnd tums tı f fvs a pugē. La a kōo sid ne a Soabā goamā la A gaf-rāmbā; a ra yume n yaa wēn-zoeta.

67. Al-Mulk *

Ne Wënd yvurā barka, sēn yaa yols yaleng Soabā, n yaa Yolsdā, la d singd d tvumdā.

1. Soab ning yī wagelle, Naam sēn be a Soab nugē wā, Yēnda yaa Tōod ne būmbā fāa.
2. Sēn naan-a kūum la vum, t'A na zarb yāmb n ges n bāng yāmb ned ning sēn yud sōmblem ne tvuma.
3. Sēn naan-a saas a yopoe n rog taaba, fo pa yāt Arrahmaan Naab naanegē wā yōs-taab ye, bī f yilem gesgo rē yīnga fo nee vōor bī?
4. Rē poorē bī f yilem n ges yleng a yīibu, gesgā lebgdame n wa fo nengē t'a yaa koangd n yaa sū-sāang soaba.
5. La sid la hakuka, Tōnd faasa Dūni saagā ne fitl-rāmba, la Tōnd maan-a t'a yaa bōn-lobds Svūtāambā yīngā. Tōnd leb n segla bug-witg b yīnga.
6. La be ne neb nins sēn kīfl-b ne b Soabā, Gehanem naongo, la b lebeng zīig me yī wēnga.
7. B sā n lobg-b a pvgē, b wūmda a sēn sesde t'a yaa sēn kot wa rvko.
8. A rat n na n pusgame sū-puur keelem, wakat fāa b sā n lobg sull a pvgē, a gūudbā yet-b lame: "bugsd pa wa yāmb nengē la?"
9. Tī b yeele: "n-yeel! sid la hakuka, bugsd waa tōnd nengē tī tōnd yagse la d yeele: Wēnd pa sik ba fvi, la yāmb pa yī rēndame tī y be meneng sēn bedem puga".
10. La b leb yeele: "la tī tōnd sā n da yī n wūmdame ma d ra tara yam, d kōon n zīnd bug-witgā koamb pvgē ye".
11. Tī b sak n reeg b zunuubā b zugē; rēnd bug-witmā kēedb zīig zāag yā!
12. Ad neb nins sēn yaeesd b Soabā ne A sēn solgā fāa, bāmb-rāmb tara yaafg la keoor sēn bedme.
13. Y rat bī y solg y goamā, ma y vēneg-a, ad Yē mii sēn be sūyē pvgē.
14. Rē yīnga A pa mi A sēn naane, tī Yē yaa minim zom Soaba n yaa a Tēng-n-biiga.
15. Yē la Soab ning sēn maan Tēngā n kō yāmb, tī yaa sēn nome, bī y kēn a ween-vvvsē wā la y rī A rītlā, la lebengā zīig yaa Yē nengē.
16. Rē yīnga yāmb maana bas-m-yam ne Sēn be-A saagē wā t'A kō n bōrg yāmb ne Tēngā, tī Tēngā yaa sēn dāmdē?
17. Bī yāmb maana bas-m-yam ne Sēn be-A saagē wā t'A pa na n tvms yāmb zug sob-fāeedga. Boto y na bāng Mam bugsgā sēn ya-a soaba.

* Al-Mulk (Naamā svvra).

18. La std-sda, neb nins sēn reng bāmb taorā yagsame, la Mam kisgrā yu wān-wāna?.
19. Rē yīnga bāmb pa get liuuli wā bāmb zugē tı b yaa sēn yedgd b pıgsā la b gōtē, būmb pa gāt-b sā n pa Arrahmaan Naab ye; ad Yēnda yaa Net ne būmbā fāa gilli.
20. Bı yaa nin-bug n yaa yāmb fāagd n sōngd yāmba zēng sēn ka Arrahmaan Naaba? Kıfr-dāmbā pa yı rallame tı b bee belg-m-meng puga.
21. Bı yaa ānd n rılgd yāmb t'A sā n yōk A rıtlā. Pa woto ye, b kell n raega waoog-m-meng pıgē la zoe n zāag pıgē.
22. Rē yīnga ned ning sēn kēnd-a t'a yaa sēn suri, yē n yud sor bāngr bı yaa sēn kēnd-a tırg sorā zıgu?
23. Yeele: "Yē la Soab ninga sēn naan-a yāmba; A maana yāmb tı y tar tıb la nin la sūyā; paood yāmb sēn pıvısd barka".
24. Yeele: "Yē la Soab ning sēn bōe yāmba, la b na n tigma yāmb A nengē".
25. La b yetē: "yaa rabur la pulen-kāngā, tı y sā n togsda sıda"
26. yeele: "ad a bāngr bee Wēnd nengē, la sā n ya ne maam, mam yaa bugsd n ya vēnegd bala".
27. Wakat ninga b sēn wat n yā-a pēem-pēema, neb nins sēn kıfl-bā nems sāamdame tı b yeel-ba: yāoā la būmb ning yāmb sēn da yı n yēgemdē wā".
28. Yeele: "yāmb yāame, Wēnd sā n kv maam la sēn lagem-b maamā, ma A yols tōndo, rē fāa be A nungē, la ānd n na n fāag kıfr-dāmb n yi naong sēn zabde?
29. Yeele: "yaa Yē la Arrahmaan Naaba, tōnd kōo sıd ne-A, Yē me la tōnd bobl d mens ne, la yāmb na bāng ned ning sēn be meneng sēn vēneg puga".
30. Yeele: "yāmb yāame, yāmb koomā sā n vēeg beoog t'a yaa sēn fōoge, ānd n na n wa ne ko-bundum yāmb nengē?" ad ka be tı sā n pa Yē ye.

68. Al-kalam *

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. Nuun,¹ M wēen ne kaal-moogo, la būmb ning b sēn gvlsdā.
2. Fo pa yi ne f Soabā neema wā n yaa gāeeng ye.
3. La fo tara keoor sēn pa wāagde.
4. La foo, fo bee zvḡd sēn zis zugu.
5. La fo na yā, la bāmb me na yā.
6. Yāmb svkā b sēn zarb-a soab t'a yaa gāeenga.
7. Bāng tu fo Soabā, Yē n yud minim ne ned ning sēn menem-a n bas A sorā, Yē n leb n yud minim ne kāndgdbā.
8. Bt f ra tū yagsdbā ye.
9. B maana nonglem tu fo bars ti b me barse.
10. La f ra tū wēen toog soab fāa sēn yaa nin-yaalg ye.
11. N yaa zangda, n yaa kēn-toog soab ne tēnkānem.
12. N yaa sōma gidg-toog soaba, n yaa maan-n-zvḡgd n yaa tvum-beed soaba.
13. N yaa tōata, rē poorē n yaa yel-beed soaba.
14. Tt bala a yume n ya ligd la koamb soab yīnga.
15. B sā n karemd a zug Tōnd aayayā a yetame ad yaa: "pīnd rāmb yēsgo".
16. D na n ning-a-la bānd a yāo-raongā zugu.
17. Tōnd zarba bāmb wala D sēn zarb pvvḡgā rāmbā, wakat ning b sēn wa n wēen ti b na kēeb-a be-vēegre.
18. La b pa yeel ti "Wënd sā n sak" ye.
19. Tt gilgd gilg a zug sēn yi fo Soabā nengē ti bāmb yaa sēn gōe.
20. T'a yik yibeoogā n legb wala yvvn-lik.
21. Tt b vēeg beoog n bool taaba.
22. "Tt y sād-y yā n tvḡg yāmb pvvḡgē wā ti y sā n yaa kēebdba".
23. Tt b yi ti bāmb yaa sēn walamd taaba:
24. "Ned kōn kē rūndā yāmb nengē sēn ya ninbāan-ned ye".
25. Tt b sād pīndā, n gād ti bāmb yaa tōogdba.

* Al-kalam (Gvls-moogā svvra).

[1] Wënd n yud minim ne A sēn rat ne gvls-bi tōsdt-kāensā. La Gvls-bi tōsdt-kāensā, sēn be svvr-kāensā baasgē wā, yaa sēn wilgd Alkvrāanā sēn komsd a gees-n-taasā, bala b geesa kfrf-dāmbā ne Alkvrāanā, tt b kong n ka tōog n wa ne a buud ye, tt Alkvrāanā me -yaool n yaa sēn tui ne gom-biis nins bāmb goamā sēn tuit ne wā, sēn yaa gvls-bi tōsdt bāmbā buudā, tt rēnda wilgd Laarab-rāmbā kongame n ka tōog n wa ne Alkvrāanā buud ye, n lagem ne bāmb n yud nebā ne zelem pekā, tt wilgdē tt Alkvrāanā a yaa sēn tvme ti yi Wënd nengē.

26. La wakat ning b sēn wa n yā-a wā b yeelame: "tōnd tudga zīga.
 27. Pa woto ye! Tōnd yaa b sēn mong-b rāmba.
 28. Tı sēn yud-a ne buumā yeele: "m da pa yeel yāmba! Yāmb sā n da yulg
 Wēnde! (pa yitē woto ye)
 29. Tı b yeele:"yulgr be ne tōnd Soabā, tōnd da yume n yaa wēgdba".
 30. Tı b togl taab n sābsd taaba.
 31. N yeele: "yaa tōnd wubdo! Tōnd da yume n yaa kēgdba".
 32. Sānd-sānd tōnd Soabā na tedg ne tōnd sōma sēn yud-a, ad tōnd
 maanda yamleog n tvg d Soaba nengē.
 33. Namsgā me yaa woto bala, la ad Laahr naongā n yude, tu bāmb sā n
 da miime.
 34. Ad wēn-zoetbā tarame b Soabā nengē, neema Arzān-rāmba.
 35. Rē yīnga tōnd na maan sēn sak n tū-bā wala nin-wēmsā ?
 36. Yaa bōe n tar yāmb tı y buud woto?
 37. Bı yāmb tara gafo? T'a pugē la yāmb karemda?
 38. Tı be ne yāmb a pugē, yāmb sēn tūusdi.
 39. Bı yāmb tara pulems Tōnd zug sēn ka teka, n tu tāag Rūni yikr raare? Tı
 be rē pugē n yetē Ad be ne yāmba, būmb ning yāmb sēn tūus n dat-a.
 40. Sok-ba: yaa bāmb nin-bvg n na n reeg a zugē ne rē?
 41. Bı bāmb tara lagem-n-taase; bı b wa ne b lagem-n-taasā tı b sā n yaa
 sid rāmba.
 42. Raar ning B sēn na n pidg karga, la b boond bāmb n tvgd Suguudu tı
 bāmb pa tōe ye.
 43. Tı b nin yaa sēn nodge, tu yaoolg bui-ba. La sid la hakuka, b ra yume
 n boond-b n tvgd Suguudā tı b ra yaa laafi rāmba.
 44. Bı f bas Maam ne ned ning sēn yagsd-a gom-kāensā, D na n paam-b
 lame zīg ning b sēn pa mi.
 45. La M yaound-b lame, ad Mam rabrā kegname.
 46. Bı fo sokd-b-la keoore, tı bāmb be samd pugē tı zısg b zugu.
 47. Bı bāmb tara sēn solge, tı bāmb gūlsdē.
 48. Bı f maan sugr ne f Soabā Būdā, la f ra wa yı wala zıunfā soab ye;
 wakat ning a sēn wa n bool a Soabā tı yēnda yaa sū-toog soaba.
 49. La sā n da pa neema sēn paam-a, neema sēn yi a Soabā nengē, b rag n
 na lobg-a weo-raoogē t'a yaa b sēn sāgbs-a soaba.
 50. T'a Soabā tūus-a n ning-a nin-sōmsē wā.
 51. La sēn kıfl-bā ra pēnegame n na n guug foo ne b ninā, wakat ning b
 sēn wa n wum Alkrāanā, la b yetē: "ad a sid yaa gāeenga".
 52. La Alkrāanā pa yı, rēnda tēegr ne bōn-nāandsā.



Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. Tēeg yel-yitgā. [Dīni yikrā sīdgre]
2. Bōe la dīni-yikr sīdgdā?
3. La bōe n wilgd foo bōe la sīdgdā?
4. A Tāmuud la a 'Aad yagsa peleng yīgsā.
5. La sā n yaa ne Tāmuudu, b halka bāmb ne tās-kegenga,
6. La sā n yaa ne 'Aad, b halka bāmb ne seb-fugd sēn yaa kegenga.
7. A nom-a-la bāmb zug vūnd a yopoe la rasem a nii sēn pvg taaba. Fo nee nebā a pvgē ti b rvrē wala tamar-giisi.
8. Rē yīnga fo nee b pvgē kelld bī?
9. La a Fur-'aon la sēn reng-b yē taorā la a Mutafikaat (b sēn lebg rāmb n kiblgā) wa ne tvum-beedo.
10. Tī b kus b Soabā tēn-tvumā t'A yōk-b kōn-n-pōsg yōkre.
11. Ad Tōndo, koomā sēn wa n puuga, Tōnd rīka yāmb yaab-rāmbā koglgā pvgā.
12. Bvūl yīng ti D na maan-a ti yaa tēegr ne yāmba; la na kelg-a tvbr sēn wvmd gomde.
13. Tī b sā n wa fvvs Baorgē wā, fvvs-vuka.
14. La b zēk Tēngā la saasā n sāeeg-b sāeeg-vuka.
15. Ra-kāngā, Yubā ytame.
16. Tī saagā pārg ti yēndā lebg valenga ra-kāng raarā.
17. Tī malegsā be a kuremsā. La tvkda fo Soabā naam-zaorā b zugu ra-kāngā raare, (malegs a) nīi.
18. Ra-kāng raarā, b ballda yāmba, ned ba a yembr pa solgd yāmb pvgē ye.
19. La ned ning b sēn wa n kō-a a gafō ne a rutgo, a yetame: "reeg-y m gafā n karme",
20. "M da tēeme ti mam na n sega m gēelā.
21. Tī yēnda be vum pvg sēn yaa yard vum.
22. N be Arzān pvg sēn zēke.
23. A ti-biisā fāsb pēeme.
24. Rī-y la y yū, ti yaa beelg ne yāmb sēn da tume rasem rāmb sēn loogā.
25. La ned ning b sēn wa n kō-a a gaf ne a goabga, a yetame: "b sā n da pa kō maam m gafā pa sāo?"

* Al-Haakka (Ytā svvra).

26. Tı m pa bāng m gēel sēn ya-a a soaba.
27. M kūumā sã n da yiē tek-teka pa são?
28. M arzek pa naf maam ye!
29. Mam pāngã loog n basa maam.
30. Yōk-y-yã-a n balg-a soaam-dagoanga.
31. Rē poorē kēes-y-yã-a Gēhuma.
32. Rē poorē kēes-y-yã-a bāng pugē, a woglmã yaa kântus pis-yopoe.
33. A ra yume n pa kōt sid ne Wēnd sēn yaa zısgr Naabã ye.
34. A ra pa pırsd ne ninbāan-ned rılgı ye.
35. Rēnd pa be ne yē ründã raarã zı-kānga, zao ye.
36. Pa rub me ye, ralla nod meto.
37. Pa rit-a, sã n pa tıvm-beed rāmba.
38. M na wēen ne bumb ning yāmb sēn ne.
39. La bumb ning yāmb sēn pa ne.
40. Ad yāoondã (Alkvrãana) yaa Tēn-tıvm sēn yaa wagell koεεga.
41. A pa yul-yund koεεg ye, paood yāmb sēn kōt sıda.
42. A leb n pa bag-bıgd koεεg ye, paood yāmb sēn tagsde.
43. Yaa sēn sig n yi bōn-naandsã Soab nengē.
44. A sã n dag n pas goam-sānda n rolg Tōnd zugu.
45. D na yōk-a a poorē ne ritgo.
46. Rē poorē, D na wāag a sūr gıındı.
47. Tı ned ba a yembr pa be yāmb pugē sēn tōe n gid Tōnd tı D pa ta-a ye.
48. La ad yēnda(Kvrãana) yaa tēegr ne wēn-zoetbã.
49. La Tōnd miime tı be yāmb pugē sēn yaa yagsdba.
50. La yell sēn yalē, a yaa bōn kifr-dāmb zugu.
51. La ad a yaa sid vēenega.
52. Bı f yılg f Soab zısgã yıvre.

70. Al-Ma'aarğ *

Ne Wënd yvvrā barka, sēn yaa yols yaleng Soabā, n yaa Yolsdā, la d sungd d tvvmdā.

1. Soakd n soke, naon-yitg yelle.
2. Kuf-r-dāmbā zugu a pa tar tusd ye.
3. N yaa Wënd nengē sēn yaa rvvb zīig Soabā.
4. Malegsā la a Gibriila rvvda Yē nengē raar pugē t'a makr yaa yvvrūm tus pis-nu.
5. Bı f maan sugr sēn be neere.
6. Ad bāmb ne-a lame t'a zāra.
7. Tı Tōnd yaool n ne-a t'a pē.
8. Raar ning saagā sēn na n lebg wala kүүud sēn yēnege.
9. Tı tāmsā lebg wala kōbdo.
10. Pa yā-to-kōn-n-gūs pa sokd a noang-n-taag yell ye.
11. B yāta taaba, nin-wēng noangame t'a sā n da tōe n rik a koamba n yao n yi ra-kāngā naongā.
12. La a pag la a ma-biiga.
13. La a rog-pētb nins yē sēn ra relldā.
14. La sēn be Tēng zug gilli, rē poorē tı b tulg yēnda.
15. Pa woto ye! Ad yaa Lazaa pugum.
16. Sēn yaa zu-gānd tōosda.
17. N boond ned ning sēn gōd a kuidg n daeegdē.
18. La a tigim arzekā n sui.
19. B naana ninsaalā t'a yaa tibda.
20. Wēng sā n paam-a a pa tar sugr suu.
21. La sōma sā n paam-a a yaa sēn gıdgde.
22. Ralla pvvvdbā,
23. Neb nins tı b pvvvsgā zugu, b yaa ruumdba.
24. La neb ninsi, tı be bāmb arzekā pugē, hake b sēn mi.
25. N kōt bōosa, la b sēn mong-a soaba.
26. La neb nins sēn kōt-b sūd ne Samā Rolb Raarā.
27. La neb nins sēn yaa yacesdba ne b Soabā naongā.
28. Ad bāmb Soabā naongā pa tar bas-m-yam ye.
29. Bāmb la sēn gүүusd b taoā (n yit yoobo).
30. Ralla b pagbē ma b yemb-pogsē, ad zī-kāngā, b pa sābs-b ye.

* Al-Ma'aarğ (Yel-zēkdsā svvra).

31. La ned ning sēn bao woto loogr poorē, ad bāmb rāmb la maan-n-zvvg rāmba.
32. La neb nins ti bāmb boablā pugē la b pvlengā, b yaa gūudba.
33. La neb nins sēn yās turg ne b kaset-rāmba.
34. La neb nins ti b Pvvsḡā, b gūusdame.
35. Bāmbā rāmba, b bee Arzān-rāmb pvsē ti b waoogd-ba.
36. La yaa bōe n tar sēn kṡfl-bā ti b zoet n gondedg fo wēngē.
37. Rṡtg wēngē la goabg wēngē sull-sulli.
38. Ned fāa tēeda bāmb pugē t'a na n kēe arzān sēn yaa neema wā.
39. Pa woto ye! Tōnd naana bāmb ne būmb ning bāmb sēn mi wā.
40. M na wēen ne wīntoog sēn pugsdē Soabā, la wīntoog sēn lutē Soabā, ad Tōnd yaa Tōogda.
41. Ne D tedg sōma sēn yud bāmba, la Tōnd pa yṡ b sēn na n pōsg-b rāmb ye.
42. Bṡ f bas-b ti b faood la b reemdē hal n wa seg raar ning b sēn pvlem-bā.
43. Raar ning bāmb sēn yit b yaadē wā n yāgdē ti yaa wala bāmb fōodame n dengd taaba n tvgd kug sēn tilgi.
44. B nin yaa sēn nodge, ti yaalg buiid-ba; rē la raar ning b sēn da pvlem bāmbā.

71. Nuuh *

Ne Wēnd yvvrā barka, sēn yaa yols yaleng Soabā, n yaa Yolsdā, la d sungd d tvvmdā.

1. Tōnd tvvmsa a Nuuh a nebā nengē, n ti yeel-ba: "bugs f nebā taor ti naong sēn zabd nan pa wa-b ye".
2. T'a yeele: "yaa yāmb m nebā, ad mam yaa bugsd sēn vēneg ne yāmba".
3. Tṡ y tū Wēnde, la y zoe-A la y tū maam.
4. A yaafda yāmb n yi y zunuub-rāmba, la A yaool-y n tvḡ wakat sēn yāk raare. Wēnd raarā sā n wa, pa yaoond ye, yāmb sa n da miime".
5. T'a yeele: "m Soaba! Mam boola m nebā yvng la wīndga.
6. La mam baoolā pa paas-b sā n pa zoes bal ye!
7. La ad maam, mam sēn bool-b ti Fo na yaaf-b fāa, b ningda b nus-bi wā b tvbē wā, la b pil b futā n kell n nangdē la b waoogd b mense, waoogr tekē.
8. Rē poorē, ad mam bool-b-la vēneg-vēnega.

* Nuuh (A Nuuh svvra).

9. Rē poorē, mam vēneg n wilg-b lame, la m leb n solg n wilg-b solgr tekē.
10. Tt m yeele: kos-y yaafa ne y Soabā, ad Yēnda yume n yaa yaafa Naaba.
11. A tumsda saagā yāmb nengē t'a kiigdē.
12. La A leb n paas yāmb arzek la koamba, la A maan put n kō yāmba, la A leb n maan n kō yāmb sēn yaa ko-soodo.
13. Yaa bōe n tar yāmb tt yāmb pa tar rabeem ne Wēnd zislmā?
14. La sid la hakuka A naana yāmb naaneg sēn pug taaba.
15. Rē yīnga bāmb pa ne to-to ning Wēnd sēn naan saas a yopoe n fōg taaba?
16. La A maan kiuugā a pugē tt yaa nuura, la A maan wīndgā tt yaa vēnem.
17. La Wēnd n buls yāmb n yi Tēngā, bulsg tekē.
18. Rēndā poorē A lebsda yāmb a pugē, la A leb n yiis yāmb ne yiisgu.
19. La Wēnd n maan Tēngā n kō yāmb tt yaa sēn yēdge.
20. Bvūl yīng tt y paam n tuk a zug soay sēn yalme.
21. A Nuuh yeelame: "m Soaba! b kusa maam la b tū ned ning arzek la a biig sēn pa paasd-a sã n pa bōn bala.
22. La b rabs rabr sēn yaa bedre.
23. La b yeele: ra tol n bas-y yāmb soaben-dāmbā ye, ra n bas-y-yā a Wad la a Sūwa-a la a Yagvvs la Ya-vvk, la a Nasr ye!"
24. La sid la hakuka b menemsa neb wusgo, la F ra paas wēgdbā sã n pa menengo.
25. B tvum-beedā yīnga, b bōr-b lame n kēes-b Bugmē; b pa paam sōngdb sã n pa Wēnd ye.
26. La a Nuuh leb n yeelame, "m Soaba! Ra bas Tēng poor zug kuf-r-dāmbā ned ba a yembr ye.
27. Ad Foo, F sã n bas-ba, b menemesda F yembsā; b pa rogd me tt sã n pa wēngdā n yaa kufre.
28. M Soaba! yaaf-ma, la m roagdb a yiibā, la ned fāa sēn kē mam zakā t'a yaa sid-kōta, la sid-kōatbā fāa, la sid-kōat-posgsā fāa. La ra paas wēngdbā ralla halkre".

72. Al-Ĝin *

Ne Wënd yuurā barka, sēn yaa yols yaleng Soabā, n yaa Yolsdā, la d sungd d tuvmdā.

1. Yeele: "b kōo maam kibare, ti yel sēn yalē, zīn-dāmb zāma n wa n kelg mam karengā, n lebg n ti yeel-b nebā: "ad tōnd wuma kaoreng (Alkvrāaa) sēn yaa yel-soalma".
2. A peegd n tugda kāndgrē, ti tōnd kō sid ne-a, la tōnd kōn tol n lagem ne d Soabā ned ba a yembre ye.
3. Tōnd Soabā zıslmā sekame, a pa tar paga; pa biig me.
4. Ad tōnd yalmā (a Ibliis) rag n yetda Wënd zug gomd sēn zvvg toadga.
5. La tōnd tēeme ti ninsaalbā la zīn-dāmbā kon tol n yeel Wënd zug pv-yagb ye.
6. Yel sēn yalē yesā, roap n da be n yaa ninsaalba, n baood gūudum ne roap sēn ya zīn-dāmba, ti b paas-b raagre.
7. La bāmb tēeme wala yāmb sēn tē wā, ti Wënd pa na n tol n yik ned ba a yembr ye.
8. La tōnd susa saagā n mik ti b pids-a lame ne gūudb sēn tar pāng la bug-vlense.
9. La tōnd ra yume n zī a pvğē zīndg zīsē n na kelg Malek-rāmbā sēn taasd taabā, la ned ning sēn bao a kelgr mosā, a paamda bug-vlenga.
10. La tōnd pa mi yaa wēng la b rat ne sēn be b tēngā zugu, bi b Soabā rat-b-la ne kāndgr ye.
11. La be tōnd pvğē, sēn yaa nin-sōmse, be tōnd pvğē me sēn pa rēnda, tōnd yume n yaa sula n yaa toor-toore.
12. La ad tōnd tēeme ti tōnd kōn tol n pōsg Wënd Tēngā zugu, d le kōn tol n pōsg-A ne zoes ye.
13. La tōndo, wakat ning d sēn wum kāndgrā, d kōo sid ne-A, la ned ning sēn kōt sid ne a Soabā, bi a ra yaees bōne, a ra yaees mongre!
14. La sak-n-tū-rāmba (moeemba) bee tōnd pvğē, la kifr-rāmb me bee tōnd pvğē, neb nins sēn tūud-bā, bāmb rāmb n togl kāndgre.
15. La sā n yaa wēgdbā, bāmb yume n yaa Gehannem raado
16. Bāmb sā n da tēegē-la turga, D na yūnugē-b koom sēn waooge.
17. Sēn na yilē n bugs-b a pvğē. Ned ning sēn wa n ball n yi a Soabā tēgre, A kēesd-a-la naong rvvgdgē.

* Al-Ĝin (Zīn-dāmbā svura).

18. La ad misa wā yaa Wēnd n so, bī y ra kos n lagem Wēnd ne ned ba a yembr ye.
19. La ad Wēnd yambā (Mohammad) sēn wa n yāsē n tūud-A wā, bilf ti b (zīn-dāmbā) lebg wala zerd a zugu, (b sēn sū keelem n kelgd a Karengā).
20. Yeele: "ad mam kota m Soabā, la m pa lagem ne-A ned ba a yembre ye".
21. Yeele: "mam pa tar sēn namsd yāmba, m leb n pa so yāmb kāndgr ye".
22. Yeele: "ad maam, ned ba a yembr pa tōe n pōsg maam n yi Wend ye, m leb n kōn paam lallg zīig sā n pa Yēnd nengē ye.
23. Ralla taasg sēn yi Wēnd nengē la A Tēn-tvmdā; la ned ning sēn kusd-a Wēnd la A Tēn-tvumā, ad Gehanm Bugum n be ne-a, b yaa duumdb a pvḡē lae-lae.
24. Hal ti b sā n wa yā būmb ning b sēn pvlem bāmbā, b na n bāngame ned ning sōngd sēn valemse, la a sōor sēn paooode.
25. Yeele: "m pa mi b sēn pvlem yāmb būmb ningā pēeme bī mam Soabā na n maan-a lame t'a zār ye?"
26. Yē la sēn solg Mita, A pa vēnegd A solgrā n wilg ned ba a yembr ye.
27. Ralla ned ning A sēn yard-a soab sēn yaa Tēn-tvuma, rēnd A kēesda gūudb yē neng taore la a poor wēngē, (pvlyīng ti bōn-zēng ra wum ye).
28. Bul yīng t'a (tēn-tvumā)bānge, ti tēn-tvubā sēn deng yē wā sid taasa b Soabā tēn-tvmdā. A leb n gūbga ne būmb ning sēn be bāmb nengē wā, A leb n tigma bāmb fāa gill ne sōore.

73. Al-Muzzamil *

Ne Wēnd yvūrā barka, sēn yaa yols yaleng Soabā, n yaa Yolsdā, la d singd d tvumdā.

1. Yaa foom a pinda!
2. Yānes yungā rēnda bilf bala!
3. A pvsvkā ma f boog a pvsvgā bilfu.
4. Ma f paas a zugu, la f karem Alkvānā ne tūnugri.
5. Tōnd na n loba f zugu gomd sēn zise.
6. Ad yvng tūudmā, yē n yud ne zemsgo la a goam leb n yud trgā.
7. Ad wīndgā wakate fo tara tvum (gilgr) wvsgo.
8. La f tēeg f Soabā yvure, la f bak n tvḡ Wēnd nengē bakr tekē.

* Al-Muzzamil (Pindā svvra).

9. Wīntoog sēn pukdē la a sēn lūtē Soaba, Soab kae ti sã n pa Yē, bɪ f yōk-A ti yɪ f Gūuda.
10. La f maan sugr ne būmb ning b sēn yetã, la f wāag-b wāagr sēn be neere.
11. La bas Maam ne yagsdbã, vɪ-noog rãmbã, la yaool-ba, bilfu.
12. Tōnd tara kut-zaads la Bug witga.
13. La rub sēn gɪd koekoe la naong sēn zabde.
14. Raar ning Tēngã sēn na n digimdi, la tãensã, ti tãensã lebg wala biis-ruɪ sēn sēege.
15. Tōnd tumsa yãmb nengē Tēn-tvuma, a yaa sɛet yãmb zugu, wala b sēn tvms a Fir-‘aon nengē tēn-tvmã.
16. T'a Fir-‘aon kus tēn-tvmã ti Tōnd yōk-a yōkr sēn miisi.
17. La wãn-wãn la yãmb na n gũ y mensã (zoe Wēnde) ti yãmb sã n kifle? Raar ning kom-bãaneg zut sēn belgdã.
18. Saagã pãrgda A yīnga, A pvlengã na n yume, sik ka be ye.
19. Ad wãnde yaa tēegre, la ned ning sēn tvll-a, a baooda sor n tvg a Soabã nengē.
20. Ad fo Soabã miime ti fo yikda bilf yvngã sēn pvi tãab n yãk yiibu la a pvsukã, la a sēn pvi tãab n yãk yembre, n paas zãma sēn ya neb nins sēn lagem foo wã. Wēnd n korded yvngã la wīndgã, A miime ti yãmb pa na n tol n gūbg-a ye, t'A yaaf-yã, bɪ y karem būmb ning yãmb sēn tōe Alkvrãanã pvge. A bãngame ti bãad-rãmb n na n zīnd yãmb svka, ti sãnda gilgd Tēngã zug n baood Wēnd kũunã, ti sãnda zabd Wēnd Sorã yīngã, bɪ y karem būmb ning y sēn tōe a pvge, la y yãnes Pvsugo, la y kō Zaka, la y peng Wēnd pengr sēn be neere. La būmb ning yãmb sēn tvum y mens yīng sēn yaa sōma y na mik-a Wēnd nengē, yē n sōmb n leb n yaa keoor sēn yud bedrem, la y kos Wēnd yaafa, ad Wēnd yaa yaafg Naaba.

74. Al-Muddatır *

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tuvmdā.

1. Yaa foom a pil gūm-gūme!
2. Yik n bugsi.
3. La f Soabā bī f waoog-A.
4. La f futā bī f yilge.
5. La rvbsā bī f zāage.
6. La f ra wa tāasd b Soabā, tī fo tuvum sōms n yaa wvsg ye.
7. La f Soabā bī f maan sugri.
8. La b sā n wa fvvs Baorgā.
9. Ad rēndā, baraarā yaa keelem raare.
10. Kuf-r-dāmbā zugu, pa naana ye.
11. Bas-M ne ned ning M sēn naan-a Yembr tāa, (a pa rog ne ba fvī).
12. La M kō-a arzēk sēn yalme.
13. Koamb sēn zī ne-a.
14. La M yadg a yīnga, yadgr tekē.
15. Rē poorē t'a maand yā-beed tī M paase.
16. Pa woto ye! Ad yēnda ra yume ne Tōnd aayayā (tagmas-rāmbā) n yaa koko-kegeng soaba.
17. M na n modg-a lame ne rvvgre (sēn yaa nango).
18. Ad yēnda tagsame n mamse.
19. Wēnd na sām-a! Yē mamsa wān-wāna?
20. Rē poorē, Wēnd na sām-a.
21. Rē poorē t'a gese.
22. Rē poorē a gānema a nengā n weooge.
23. Rē poorē a gūda a kuidg n waoog a menga.
24. N yeele: "ad wā pa yī ralla tum sēn yaa kvdem tum".
25. Ad yāoā pa yī ralla bōn-naands goama".
26. M na n yōgen-a-la Sakar Bugum.
27. La bōe n wilg foom Sakar sēn ya-a soaba?
28. A pa kellede, a pa basd me ye.
29. A yōogda yīns n sobg-a.
30. Bee a zugū, (malegs) piig la a wae.
31. La Tōnd pa maan Bugmā gūudbā rēndame tī yaa malegse, la Tōnd pa yāk b sōorā me rēnda bugsg ne neb nins sēn kuf-bā, tī neb nins b sēn

* Al-Muddatır (Gūm-gūmā soabā svvra).

kō-b rāmb gafā na bāng n wāage, la neb nins b sēn kō-b sūdā na paas
 sid kūuni, la neb nins b sēn kō-b rāmb gafā la sid-kōtbā ra wa maan
 sik ye. La neb nins bāag sēn be b rāmb sūyē wā la ktfr-dāmbā na yeele:
 "yaa bōe la Wēnd rat ne yel-būnd kāngā!" Yaa woto bala, Wēnd
 menemesda A sēn tvll-a soab la A kāndgd A sēn rat-a soaba. La pa
 mi fo Soabā tāpā sā n pa Yēnda, la (Sakar Bugmā) pa yī rēndame tī
 yaa tēegr ne bōn-naandsā.

32. Pa woto ye! M wēen ne kiuugā.
33. La M wēen ne yung t'a sā n wa gōd a kuidga.
34. La ne yibeoogo, t'a sā n wa vēege.
35. Ad yēnda (Sakar) yaa yel-bedā a yembre.
36. N yaa bugsg ne ninsaalbā.
37. Tī ned ning sēn rat-a yāmb pvgē, t'a maan neer ma a maan wēnga.
38. Yōor fāa gānegame ne a sēn tvm būmb ninga.
39. Rall rutg zāma wā neba.
40. Bāmb bee Arzān pvgē n sogsd taaba.
41. Nin-wēnsā yelle.
42. Bōe n kēes yāmb Sakar Bugmā pvgē?
43. B yetame: "tōnd ra pa yī n yaa pvvsdb ye.
44. Tōnd leb n pa yī n da rulgd nin-bāan-ned ye.
45. Tōnd leb n yume n ra lagem neb nins sēn da gomd gom-yaalsā.
46. Tōnd leb n yume n yagsd Samā yaoob raare,
47. Hal tī vēenegā (kūumā) wa n wa tōnd nengē"
48. Rēnd pa nafd bāmba sugsgdbā sugsgā ye.
49. La yaa bōe n tar bāmb tī b gōt b zān-kuids n yit tēegrā.
50. Yaa wala bāmb yaa we-bōans sēn yaeese.
51. N zoet bōnyēeg yaeesg yīnga.
52. Pa woto ye! Ned fāa sēn yī bāmb pvgē ratame tī b kō-a gaf sēn lagsde.
 (n wilgd-a t'a Mvhammad yaa tēn-tvumā)
53. Pa woto ye! Ad b pa yaeesd Laahrā ye.
54. Pa woto ye! Ad a (Alkrāanā) yaa tēegre.
55. Rēnd ned ning sēn tvll-a bī a tēeg-a.
56. La pa tōogde, rallame tī Wēnd sā n tulla, Yē n sōmb ne zoεεga, Yē n
 leb n yaa Yaafg Soaba.

75. Al-Kiyaama *

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. M na wēen ne Yikrā raare.
2. M na wēen yes ne yōor sēn sābsd a menga.
3. Ninsaal tēedame tı Tōnd pa na n tol n tigim a kōbā ye.
4. Yaa sıda, Tōnd tōeeme n tigim a nug-bi wā.
5. Pa woto ye, ninsaal ratame n kell n tong a wēngrā n pa basdē ye.
6. A sokdame: wakat bug la Yikrā raare.
7. Lak tı ninā sā n wa nodge.
8. Tı kiuugā sobge.
9. Tı b tigim wīntoogā ne kiuugā.
10. Raarā, ninsaal yetame: "Pōsg zīg be?"
11. Tek woto! Lēbeng zīg ka be ye.
12. Lēbeng zīg yaa fo Soabā nengē ra-kāng raare.
13. B togsda ninsaal ra-kāng raarā a sēn tvm tı reng taoore, la a sēn yaoole.
14. Pa woto ye! Ninsaalā mii a mengā.
15. Ba t'a wa ne a pademsā.
16. Ra rāmb f zulemdā ne-a (Alkvrāana) n yāgd ne-a ye.
17. Ad a tigingā (fo sūurā pugē) la a sēn karemd to-to wā, roga Tōnd zugu.
18. Rēnd a Gibriil sā n karemd-a bi f tūneg a kaorengā.
19. Rē poorē, ad a vēnegrā roga Tōnd zugu.
20. Pa woto ye! Yāmb nonga tvullā (Dūni).
21. La y basd yaoolmā (Laahre).
22. Nems n be n bugs raaren-kāng raarā.
23. N togl b Soabā n getē.
24. Nems yes n weoog ra-kāng raarā.
25. N tēed tı b na n tvum-b-la lim-limi.
26. Pa woto ye! A (yōorā) sā n wa ta ragsendakē wā,
27. Tı b yeele: "ānd la tpa n sōng-do?"
28. T'a bāng n wāag tı yaa welgr bala.
29. Tı kars kal taaba(tı lebg pakre).
30. Fo Soabā nengē ra-kāng raarā la peeg n tvug zīgē.
31. La a pa kō sıda, a ka pvs me.
32. La bala a yagsame la a gōd a kuidga.

* Al-Kiyaama (Dūni Yikrā svvra).

33. Rē poorē a kēnga a nebā nengē n gāeesdē.
 34. Tall-fo, ti sōmba ne-fo.
 35. Rē poorē tall-fo, sōmba ne-fo.
 36. Ninsaal tēedame ti b na n bas-a-la zaalem bala.
 37. A ra pa yi berg n yaa mani n raagdē.
 38. Rē poorē n yi zi-pelle t'A naan-a n kō-a ra-sānde?
 39. T'A naan sēn tū ne yē pvgē buk a yiibā, raoa la paga.
 40. Rē yīnga Yēnda pa yi n yaa Tōogd n na n vuvg kū-rāmbā?

76. Al-Insaan *

Ne Wēnd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. Rē yīnga pa wa ninsaal zugē ti wakat n zīnd ti yēndu rag n pa yi būmb sēn togsde?
2. Tōnd naana ninsaal ne mani sēn pul taaba, n zarbd-a, n maan-a t'a yaa wvumd n yaa neta.
3. Tōnd vēnega-la sorā, ma t'a yaa sōm-zita ma bark pvvsda.
4. Tōnd segla kuf-rāmbā yīnga bāense, la gula, la bug-ziglga.
5. Ad nin-sōmbsā yūuda ne ko-teese, a gēdgā yume n yaa Kaafvure.
6. Yaa ko-nifr ti Wēnd yembsā yūud ne-a, ti b wiid a wiib tekē.
7. B pidsda b pvlengā, la b leb n yaeesd raar ninga wēngā sēn gūbgā.
8. La b rulgd rub b nonglem zugu, ninbāan-dāmb la kubs la b sēn yōg-b rāmb zab-laagē.
9. Tōnd sēn rulgd yāmbā, yaa Wēnd yīnga, tōnd pa rat yaood yāmb nengē, pa bark pvvsg me.
10. Tōnd yaeesda d Soabā ning-gāneng raarā, keelem raarā.
11. Tū Wēnd gū-b ne ra-kāng raar wēngā la a kit ti b seg neerem la sū-noogo.
12. La a rol-b b sēn maan sugrā yīnga, Arzān la Harur futu.
13. B yaa sēn kul a pvge gaot zutu, b pa yāt wīndg a pvge, pa wao-fugd me.
14. A maasmā yaa sēn pē bāmb zugu, la b zōneg a gīnā zōnegr tekē.
15. La b gilgda b zug ne laas sēn yaa wanzurfu la ko-tees sēn yaa wa nin-getga.
16. Nin-getg sēn yaa wanzurfu, b mag-a-la magb tekē.
17. La b yūnugd-b a pvge ko-tēega, a gēdgā yume n yaa zangabul (yāamaku).

* Al-Insaan (Ninsaal svvra).

18. Ko-nif n be a pugē tu b boon tu Salsabul.
19. Koamb n leb n gilgd b zug n yaa ruumdba, f sã n yã-ba, fo tēed-b lame ne luv-luv (koomē sãnem) sēn sãeege.
20. Fo sã n yã beenē, fo yã neema la naam sēn bedme.
21. B yera fut sēn yaa Svndvs futu (fu-tagd sēn bugse) la [stabrake (fu-faases sēn bugse), la b faas-b ne zūy sēn yaa wanzuri, tu f Soabã yūnug-b bōn-yūuds sēn yaa ylgemde.
22. Ad wãndã yume n yaa rolb ne yãmba, yãmb tvmã me yu b sēn pvvvd barka.
23. Ad Tōnd sika Alkrãanã ne sikri.
24. Bt f maan sugr ne f Soabã bvvvd la f ra wa n tũ b pugē zūnuub soab ma ktr ye.
25. La f tēeg f Soabã Yvvr yibeog la zaabre.
26. La yvngã, bt f maan suguud A yīnga la f yulg-A yvvrã yvng sa-sa n wogle.
27. Ad bãmbã rãmb nonga yãgbã la b bas b poorē raar sēn zise.
28. Tōnd n naan-ba la D keng b naanegã. La Tōnd sã n tvll n na n hlk-ba, D tedgd-b la ne bãmb buudu tedgr tekē.
29. Ad wãnde yaa tēegre, ned ning sēn tvll-a bt a bao sor n tug a Soabã nengē.
30. La yãmb kōn tōoge, rallame tu Wēnd sã n rata, ad Wēnd yume n yaa mit n yaa yam bedr Soaba.
31. A kēesda A sēn rat-a A yolsgã pugē, la wēgdbã A segla b yīng naong sēn zabde.

77. Al-Mursalaat *

Ne Wënd yuurā barka, sēn yaa yols yaleng Soabā, n yaa Yolsdā, la d singd d tuvmdā.

1. M wēen ne sebdā sēn fugdā.
2. La ne sob-kugdsā kugb tekē.
3. La ne sob-fāeeds fāeegr tekē.
4. La M wēen ne Malek-rāmb nins sēn sigd ne sēn welgd sid la zīri svkā.
5. La ne Malek-rāmb nins sēn sigd ne wahu wā n leemsd aaya-rāmbā.
6. Padmes yīng ma bugsg yīnga.
7. Būmb ning b sēn pulem yāmbā na n yume.
8. La ādsā sā n wa yēese.
9. La saagā sā n wa pārse.
10. La tāmsā sā n wa vigsi.
11. La tēn-tuvmbā sā n wa ta b wakatā ti b tigim-ba.
12. La rabur yīng la b yaoond yela?
13. Yaa welgrā raar yīnga.
14. La bōe n wilgd foo welgr raar sēn yaa a soaba?
15. Wubd be ne zīrimbe-rāmbā ra-kāng raare.
16. Rē yīngā Tōnd pa halk reng taoor rāmbā,
17. Rē poorē ti d puglg bāmb neb a taabā?
18. Woto bal la D tum ne nin-wēnsā.
19. Wubd be ne zīrimbe-rāmbā ra-kāng raare.
20. Rē yīnga D pa naan yāmb n yi ko-yaalga,
21. Tı D ning-a tabendg zīig sēn tar gūubu.
22. N tuv wakat b sēn mi.
23. Tı Tōnd kord-a naanegā, ad Tōnd kordg be neere.
24. Wubd be ne zīrimbe-rāmbā ra-kāng raare.
25. Tōnd pa maan tēngā ti yaa kuvmbda,
26. Vutbā la kiidbā,
27. La D ning a pugē tāens sēn lugi, la D yūnug yāmb koom sēn noome?
28. Wubd be ne zīrimbe-rāmbā ra-kāng raare.
29. Kēng-y n tuv būmb ning y sēn da yagsdā.
30. Kēng-y n tuv maasem sēn yaa buk a tāabo (gehanm bug zōosē wā).
31. Ka maasem, a pa gidgd bug-vilingā me ti pa ta-yā.

* Al-Mursalaat (Sob-tvmsds svvra).

32. Ad a fãeeda bug-pãrs sën yaa wala gãsdo,
 33. A yaa wala yugm sabla.
 34. Wubd be ne zĩrimbe-rãmbã ra-kãng raare.
 35. Yãõã yaa raar b sën pa gomde.
 36. La b pa kõt-b sor me ti b padem ye.
 37. Wubd be ne zĩrimbe-rãmbã ra-kãng raare.
 38. Yãõã yaa welgrã raare, Tõnd tigma yãmb la rëenem rãmba.
 39. Y sã n tara rabr bı y rabs-ma.
 40. Wubd be ne zĩrimbe-rãmbã ra-kãng raare.
 41. Ad wën-zoetbã bee maasem pvgē la ko-ninē.
 42. La ti-biisē bãmb sën nong a soaba.
 43. Rı-y la y yũ, yaa beelg ne yãmb y sën da yı n tũmdē wã sabub.
 44. Ad yaa woto la Tõnd keood manegdbã.
 45. Wubd be ne zĩrimbe-rãmbã ra-kãng raare.
 46. Rı-y-yã la y wũmsd noog bilfu bala, ad yãmb yaa nin-wëense.
 47. Wubd be ne zĩrimbe-rãmbã ra-kãng raare.
 48. B sã n yeel-b ti b maan rukuu, b pa maand ye.
 49. Wubd be ne zĩri-bemrãmbã ra-kãng raare.
 50. La yaa gomd bug la b kõt sıda a (Alkurãanã) loogr poorē, (ti y sã n pa kō-sıd ne Karãanã)?

78. An-naba'u *

Ne Wënd yvurã barka, sën yaa yols yaleng Soabã, n yaa Yolsdã, la d sungd d tũmdã.

1. Yaa bõe yell la b sogsd taaba?
2. Yaa kıba-kēengã yelle?
3. Kıbar ning bãmb sën yõsd taab a pvgē wã.
4. Tek woto! B na wa n bãnge.
5. Rē poorē tek woto! B na wa n bãnge.
6. Tõnd pa maan Tengã t'a yaa sën yedge?
7. La tãensã ti b yaa sën kı?
8. La D naan yãmb buk a yiibu (pag la raoa).
9. La D maan yãmb gõcemã ti yaa sën yõgne.
10. La D maan yungã ti yaa lidbu.
11. La D maan wĩndgã ti yaa vum baoobo?
12. La D me yãmb yĩngrã (sa-gãnd) kegems a yopoe.
13. La D maan fitl sën witi.

* An-naba'u (Kıba-kasengã svvra).

14. La D sik n yiis sawat-yūnugdsē wā koom sēn kiigdi.
15. Tı d na yiis ne-a bōn-bēela, la bōn-tobdu.
16. La pvt sēn tob n bidimsi.
17. Ad welgrā raar yāka raare.
18. Raar ning b sēn na n fvs Baorgā tu yāmb wat sull-sulli.
19. Tı b pak saagā t'a legb ragnoya.
20. La b sāeeg tāmsā ti b legb wala ko-suga.
21. Ad Gēhannem ra kor n gūudame.
22. N yaa lebeng zīg ne kedgdbā.
23. B yaa zīidb a pvgē zamaan-woko.
24. B pa lembda pvgē maasem, pa bōn-yūudi me ye.
25. Sā n pa ko-kaeedem la nod-meto.
26. Rē yaa rolb sēn zemse.
27. Ad b ra yume n pa tēed geelg ye.
28. La b yags Tōnd tagmas-rāmbā (aayae rāmbā) yagsg tēkē.
29. La būmb fāa Tōnd tigim-a lame ne gulsgo.
30. Bı y lembe! Tı D pa na n tol n paas yāmba, sā n pa naongo.
31. Ad wēn-zoetbā tara paoongo.
32. Pvt la sibi.
33. La pvg-sādb sēn yaa reem-n-taase.
34. La ko-tees sēn pid n demse.
35. B pa wumd a pvgē gom-zaala, pa zīrimbeed me.
36. Yaa rolb sēn yi fo Soabā nengē, la kūun sēn seke.
37. Saag la Tēng Naaba, la būmb ning sēn be b yiibā suk Naaba, sēn yaa yolsg Naabā, būmb ba a ye pa so gomd a nengē ye.
38. Raar nīng a Gibriil la malęsā sēn na n wa n yānes n tedg taaba, b pa gomde, sā n pa ned ning Yolsg Naab sēn kō-a soab sore, t'a yeel sēn zemsde.
39. Rē la sūdā raare, bı ned ning sēn rat-a, bı a bao lebeng zīg n tvg a Soabā nengē.
40. Ad Tōnd bugsa yāmb ne naong sēn pēnege, raar ning ninsaal sēn na n wa get a nus a yiibā sēn tvme, ti kıfr yetē "M sā n da paam n yiē tom, (pa sāo)".

79. An-nazi'aat *

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tuvmdā.

1. M wēen ne malegs nins sēn vōogd ktrf-dāmbā yōyā pāng-pāngā.
2. La ne [malegs nins] sēn reegd sūd-kōtbā yōyā yol-yolā.
3. La ne sigdbā tı b yaa sēn laande.
4. La ne pōsdbā sēn rengd taab n na maan Wënd saglgā.
5. La ne malegs nins sēn yikd ne Wënd saglsā m maand-a wā.
6. Raar ning rīmsgā sēn na n rīmsā (Baorgā fvs raēngā).
7. Tı fvs a yībē soabā pvgl-a.
8. Baraare sūy n rigimdidi.
9. B ninā yaa sēn nodge.
10. B yetame: "rē yīnga b na n lebs-d-la yībā zīgē (dūni)."
11. Tı tōnd sā n wa lebg kōab sēn weele.
12. B yetame: "rēnda yaa bōn lebgre".
13. La ad yēnda yaa tās-vuk bala.
14. Tı bāmb yaa sēn be vuvgr n be rasempvugē wā.
15. Rē yīngā a Musa kibarā waa fo nengē?
16. Wakat ning a Soabā sēn wa n boaal-a Tuvuwa koso-ylengē wā.
17. Kēng a Fur-^ˊaon nengē, bala a kedgame.
18. N tı yeel-a "rē yīnga f na sak n yilg f menga?"
19. Tı m peeg-f n tvug f Soabē wā tı f yaees-A .
20. T'a wilg-a yel-soalem bedā.
21. T'a yags la a kuse.
22. Rē poorē, a gōda a kuidg n fāeesdē.
23. N tvug n tigim a tāpā n moone.
24. N yeele: "Maam la yāmb soaben-zēkdgā".
25. Tı Wënd wēbg-a ne Yaoolem la Dūni naongā.
26. Ad bāng-yam be rēnda pvgē ne ned ning sēn yaeesda.
27. Rē yīnga yāmb naaneg n yud keelem bı yaa saagā? Wënd sēn me-a wā.
28. A zēka a beongā n zems a taaba.
29. N sobg a yvngā la A vēneg a wīndgā.
30. La Tēngā, rē poorē la A yadg-a.
31. A yiisa a pvgē a koomā la a yamdā.

* An-nazi'aat (Vōogdbā svura)

32. La tãmsã, A sel-b lame.
 33. Yaa wum-noog ne yãmb la y rûmsã.
 34. La yel-bed-kægengã sã n wa(bargã fvus yulengã).
 35. Raar ning ninsaal sên na n tagsd bûmb ning a sên tumã.
 36. Tı b vëneg Gêhum ne net fãa.
 37. La ned ning sên maan-a n zvvge.
 38. La a yus Dûni vumã.
 39. Bı f bãng ti yaa Gêhum la a gãag zîiga.
 40. La sã n yaa ned ning sên yaees a Soabã ziiri, la a gıdg yõorã n yi a yamleooگو.
 41. Bı f bãng ti Arzãn la a gãag zîiga.
 42. B sokda foo dũni yıkr yelle, a yubã yaa rabure?
 43. Bõe la fo mi a pvge n na n togse?
 44. A bãngrã gill bee ne fo Soabã.
 45. Ad fo yaa bugsd ne ned ning sên yaeesd-a.
 46. Raar ning b sên na n ya wala bãmb pa zınd dũni sã n pa zaabr bala, ma yıbeooگو.



80. 'Abasa *

Ne Wënd yvurã barka, sên yaa yols yaleng Soabã, n yaa Yolsdã, la d singd d tvvmdã.

1. A gãnem a neng n gũd a zãn-kuidga.
2. Tı zõangã waa a nengẽ.
3. La bõe n wilgd foo, sãnd-sãnde a na n yilgame?
4. Ma t'a tēeg-a ti tēegrã naf-a?
5. La ned ning sên sek a menga.
6. Tı fo yãgd a segbo,
7. A pa kãndg pa pak foo ye.
8. La sã n ya ned ning sên yãgd n wat fo nengẽ wã.
9. Tı yēnda yaa sên zoet Wēnde.
10. La fo sên tar soagl ne kıfr-dãmbã n bas a segbã.
11. Pa woto ye! Ad a yaa tēegre.
12. Rēnd ned ning sên tvll-a bı a tēeg-A, la a paam sagell ne Alkvrãanã.
13. N be karaas-waoogds pvšẽ.
14. N zẽk n yılge.
15. N be malegs nusẽ.
16. N yaa wagl n yaa sak-n-tũ-rãmba.

* 'Abasa (A gãnema a nengã svvra).

17. B k̄āba ninsaal k̄ifre, a s̄ōm-zulmā ȳīnga.
18. Yaa b̄ōe la A naan ne-a?
19. Yaa mani la A naan ne-a n kord-a.
20. Rēnda poorē n yols a sorā t'ā yi a ma wā pugē.
21. Rē poorē t'A ku-a n kēes a kabrē.
22. Rēnda poorē, A s̄ā n wa tulle, A na n yik-a lame.
23. Pa woto ye! A pa tū b sēn sagl-a wā ye.
24. B̄i ninsaal ges a rubā, a sēn yit to-to.
25. T̄i Tōnd kiigda koomā ne kiigri.
26. Rē poorē n pārg tēngā pārg r tēkē
27. N buls a pugē b̄ōn-bēela.
28. La sibā la yam-maasā (zē-biisi).
29. La Zaeentvvn (olivtye) la tamar-tuse.
30. La put sēn tob b̄imm.
31. La t̄i-biis la yamdo.
32. T̄i yaa wvm-noog ne yāmb la y rūmsā.
33. La tās-kegengā s̄ā n wa.
34. Raar ned sēn na n zoe n bas a ma-biiga.
35. La a ma, la a saamba.
36. La a pag la a koamba.
37. Ned f̄āa yell sek-a-la raaren-kāngā.
38. Raaren-kāngā, nems sēn pund bee be.
39. N yaa sēn laade, n yaa sēn yolse.
40. Nems me sēn yaa puddd bee raarā.
41. Sablem n lud-ba.
42. Bāmb rāmbā la k̄ifr-dāmbā n yaa nin-wēnsā.

81. At-takwur *

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. B sã n wa pōd wīndgã n lobge.
2. Ādsã sã n wa lvttē.
3. B sã n wa kēnes tãmsã.
4. B sã n wa maan yam-kaalg ne yvgem tvtsã.
5. B sã n wa tigim we-rũmsã.
6. B sã n wa yōgneg moagã.
7. B sã n wa pēneg yōyã ne b wōns n taabse.
8. Tı kom-pugli b sēn bus vusã B sã n wa sokd-ba.
9. Yaa bōe beegr yīng la b kv-ba ?
10. B sã n wa pvi tvvmã karaase.
11. La saagã sã n wa fōke.
12. La B sã n wa widg Gēhume.
13. La Arzãnã B sã n wa pēneg-a.
14. Yōor na bāng a sēn tume.
15. M wēen ne ād-solgdsã.
16. Ād-kēnds sēn menemd ti zīgã sã n yēegã.
17. La ne yvng t'a sã n wa limsi.
18. La ne yibeoogo, t'a sã n wa vēnege.
19. Ad yēnda (Alkvrãana) yaa Wënd goam ti Tēn-tvum a Gıbriil sēn yaa wagellã taas-a.
20. Sēn yaa pāng-kegeng soaba, n tar ziir al-'ars-zēkdgã Soab nengē.
21. N yaa b sēn tūud-a soaba, n leb n yaa bas-m-yam soaba.
22. La yāmb tūud-n-taagã pa gāeeng ye.
23. La hakuka Tēn-tvumã yã a Gıbriil saagã ween-n-vugã pvge.
24. La ad a pa yı n na maan beed ne yel-soaandt wã ye.
25. La a pa Svutãan b sēn rig n zāag yolsgã gomd ye.
26. La yaa ye la yāmb rabda?
27. A (Alkvrãanã) pa yı ralla tēegr ne bōn-naandsã.
28. Ned ning sēn wa n tvll-a yāmb pvge bı a tēeg turga.
29. La yāmb pa tōe n tvlla, ralla Wënd sã n tvlla; bōn-naandsã Gvundã.

* At-takwur (Pilbã svura).



Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvm̄dā.

1. Saagā sã n wa pārge.
2. La ādsā sã n wa lvtē.
3. La moagā sã n wa pus n yek taaba.
4. La kaba wā sã n wa bugsdē.
5. Yōor na bāng a sēn tvm̄ tu reng taoor la a sēn tvm̄ tu yaoole.
6. Yaa foo ninsaalā! Bōe n belg foom ne fo Soab wagellā,
7. Ning sēn naan-a foo, n zems-f taab n tēeg-f turga?
8. Naand ning A sēn tvll la A sigd foo.
9. Pa woto ye! Y kusda Rolbā raare.
10. La ad gūusdb n be yāmb zutu,
11. N yaa wagla, n yaa gvlsdba.
12. B mii yāmb sēn tvm̄dā.
13. Ad manegdbā bee neema pvga.
14. La ad nin-wēnsā bee Gēhum pugē.
15. B kēed-a lame Rolbā raare.
16. La b pa na n tol n lill n bas-a ye.
17. La bōe n wilg foo Rolbā raare?
18. Rē poorē, bōe n wilgd foo Rolbā raare?
19. Raar ning yōor sēn pa so a yō to ne ba fv; raaren-kāngā, yellā bee ne Wēnde.

* Al-Infīṭaar (Pusgrā svtra).

83. Al-Muṭafifun *

Ne Wënd yuurā barka, sēn yaa yols yaleng Soabā, n yaa Yolsdā, la d sungd d tuumdā.

1. Wubd be ne zāmbdbā.
2. Bāmb sā n na n vug nebā nengē, b pidsdame.
3. La b sā n na n vug n kō nebā, ma b sā n na n make, b zāmbdame.
4. Rē yīnga bāmbā pa tēed ti b na n yik-b lame la?.
5. Ra zısgā raarā.
6. Raar ning nebā sēn yikd n yānese, bōn-naandsā Gvund yīnga, ti b na n geel b tuumā.
7. Pa woto ye! Ad nin-wēnsā sebrā bee Sıggiin tēngrā puga.
8. Bōe n wilgd foo Sıggiine sēn yaa a soaba?
9. Yaa sebr sēn gvls n se, m pa toeemdē ye.
10. Wubd be ne zīrimbe-rāmbā ra-kāng raare.
11. Sēn yagsd-b rolbā raarā
12. La ned pa yagsd-a, rēnd maan-n-zvug soab fāa sēn yaa zunuub soaba.
13. B sā n karemd a zug Tōnd aayayā a yetame ti yaa: "pīnd rāmb soalma".
14. Pa woto ye! Ad būmb ning b sēn tumā n lud b sūyā.
15. Pa woto ye! Ad bāmb yaa b sēn lill-b rāmba ra-kāng raarā n yi b Soabā yāabo.
16. Rē poorē, ad bāmba, b yaa gehum Bugmā kēedba.
17. Rē poorē, b yet-b lame: "yāoā la yāmb sēn da yı n yagsdē wā".
18. Pa woto ye! Nin-sōmsā sebā be zī-zēkdsē.
19. La bōe n wilgd foo zī-zēkdsā sēn ya-a soabā?
20. Yaa karaas sēn gvls n se, m pa toeemdē ye.
21. Malegs pētbā seet-a lame.
22. Ad nin-sōmsā bee neema pvgē.
23. B bee b gāas zut n getē.
24. F bāngda b nemsē wā neema wā tagmase.
25. B yūnugd-b-la rā-yuleng sēn da page.
26. A baasgā yaa misk, la rē pvgē, bı pōsdbā pōs taab a yīnga.
27. La b gēnegd-a-la ne Tasniim ko-nifri.
28. Yaa ko nif ti nin-pētsā yūuda.
29. Ad nin-wēnsā b ra yume n laad sıd-kōtbā.
30. La b sā n pvug-b la b sēn yīgisd-ba.

* Al-Muṭafifun (Zāmbdā svura).

31. La b sã n lebg n kēng b zagsē wã, b lebgda ne kɪdenga ti b yaa wum-noog rãmba.
32. La b sã n yã-ba, la b sēn yete: " ad bãmbã la menemdbã".
33. La b yaool n pa tums-b ti b gūus-b ye.
34. La rëndã, sid-kōtbã laada kɪfr-dãmbã.
35. B bee b gãas zut n getē.
36. Rē yīnga b pa rol kɪfr-dãmb bumb ning b sēn da yi n tɔmdē wã?

84. Al-Inšikaak *

Ne Wënd yvvrã barka, sēn yaa yols yaleng Soabã, n yaa Yolsdã, la d singd d tɔmdã.

1. Saagã sã n wa pãrge.
2. La a kɛlg a Soabã n sak n tũ, la sɛgda ne-a t'a maan rē.
3. La Tēngã B sã n wa yãbg-a.
4. La a yiis bumb ning sēn be a pugē wã gilli, n lebg vuvgo.
5. La a kɛlg a Soabã n sak n tũ, la rē sɛgda ne-a.
6. Foom a ninsaala, fo yaa yaamsda n tug f Soabã nengē ne yaamse, n na n yek-A
7. La ned ning b sēn kō a gaf ne a ritgo.
8. B na wa n geel-a geel-yol-yole.
9. La a lebg n kēng a zak rãmbē t'a sūur yaa sēn noome.
10. La ned ning b sēn kō a gaf a poor wɛngē.
11. A na bool halkre.
12. La b kēes-a Sa-ur Bugmē.
13. Ad yēnda ra bee a zak rãmbē t'a sūur yaa noogo.
14. Ad a ra tēedame t'a kōn tol n lebg ye.
15. Pa woto ye! Ad a Soabã ra yaa Net ne-a.
16. M wēen ne zaabr zī-sodbã (sawat miidã).
17. La ne yvngo la a sēn tigim bumb ningã.
18. La ne kiuugã t'a sã n wa pidi.
19. Y na puvvg alhaal-rãmba.
20. La bōe n be ne bãmb ti b pa kōt sɪda.
21. La b sã n karemd Alkvrãan b nengē, b pa maan suguud ye.
22. La neb nins sēn ktfl-bã yagsdame.
23. La Wënd n mi bãmb yãadã sēn tigim bumb ningã.
24. Bɪ f noog b sūur ne naon-zabdga.

* Al-Inšikaak (Pãrbã svvra).

25. Rēnda neb nins sēn kō-b sīdā, la b tum sēn sōmbā, bāmb tara rolb sēn pa wāagde.



85. Al-Buruuḡ *

Ne Wēnd yvūrā barka, sēn yaa yols yaleng Soabā, n yaa Yolsdā, la d sungd d tvumdā.

1. M wēen ne saagā sēn tar kōom zīisā. (sussā).
2. La ne pvlengā raarā.
3. La ne seet fāa (wala Nabiyamā) la b sēn seet-a soab zugā (wala a poorē dāmbā).
4. B kāaba Uḡdvd (bogdā) rāmbā.
5. B widga bugum beenē sēn tar ra-tugunds, n tusd sīd-kōtbā n lubd beenē vuse.
6. Wakat ning b sēn wa n zīē a kurengā.
7. La bāmb yaa kaset rāmba ne b sēn tvmd sīd kōtbā.
8. La b pa kisg-ba sā n pa b sēn kīs sīd ne Wēnd sēn yaa Na-zīsgā n yaa Pēgr Naabā bala.
9. Sēn so-a saasā la Tēngā; la Wēnd yaa būmb a fāa Seeta.
10. Ad neb nins sēn nams-b muumin-roapā la muumin-pogsā, rē poorē tu b pa tuubi, ad Gēhannem naong bee ne-ba, la naon-yōogdg leb n bee ne-ba.
11. Ad neb nins sēn kō-b sīdā la b tum sēn sōmbā, Arzān bee ne-ba, tu ko-sood zoet a tēngrā, ad wāndā la paoong sēn bedme.
12. Ad fo Soabā yōkrā yaa kegenga.
13. Ad yaa Yē n sungd (naanegā) la A lebsdē.
14. Yē la Yaafda n yaa Noanga
15. N yaa Al-ars-zīsgā Soaba,
16. N yaa maand ne A sēn rat fāa.
17. Rē yīnga tāpā kībar waa fo nengē?
18. a Fur-‘aon ne a Tāmuud.
19. La neb nins sēn ktfl-bā bee yagsg pvgē.
20. La Wēnd yaool n gūbg-b-la gilli.
21. A pa wa bāmb sēn yetā ye, Ad a yaa Alkvrāan-zīsgo
22. N be walg b sēn gūus pvgē.

* Al-Buruuḡ (Yīngr sigbā zīis svvra).

86. Aṭ-ṭaarṭk *

Ne Wēnd yūrā barka, sēn yaa yols yaleng Soabā, n yaa Yolsdā, la d sungd d tumdā.

1. M wēn ne saagā la ne yung pukdā (ādgā).
2. La bōe n wilg foom, bōe la yung pukdā.
3. Yaa ād-witga.
4. Ad yōor fāa, a tara gūusda.
5. Bṭ ninsaal ges bōe la b naan ne-a.
6. B naan-a lame ne ko-tusdga.
7. A yita rao poorē ne pag kokolondē (yāoogā kōba) suka.
8. Ad Yēnda yaa tōogd ne a lebsgo.
9. Raar ning yel-soondṭ sēn na n vēnege.
10. T'a pa tar pānga, a pa tar sōangda.
11. La M wēn ne saagā sēn yaa sa-koom sikkdā.
12. La ne Tēngā sēn yaa pārgdā.
13. Ad yāoā yaa welgr koεεga.
14. A pa reem ye.
15. Ad bāmbā rabsda rabre.
16. Tṭ Ma me rabsd rabre.
17. Bṭ f yaoolg kifr-dāmbā, yaoolg-b bilfu, la f ra yāg ne b nangā la b halkrā ye.

* Aṭ-ṭaarṭk (Yung pukdā suura).



87. Al-A' alaa *

Ne Wënd yvvrã barka, sën yaa yols yaleng Soabã, n yaa Yolsdã, la d singd d tvvmdã.

1. yulg f Sob-zëkdgã yvvrã.
2. Sën naan-a ninsaalã n zems a taabã.
3. La sën kord-a bõn-naandsã b yalẽ gilli, n peeg-ba n tvg sën na zems ne-ba.
4. Sën yiisd-a yamdã.(rũms wãmneg zĩiga).
5. N leb n wa maan-a t'a kvı n sobge.
6. M na n karma foo ti f pa yĩm ye.
7. Rẽnda bũmb ning Wënd sën wa n tullã; ad Yẽ n mi sën vënege, la bũmb ning sën solge.
8. La D yols-f ne yol-yole.
9. Bı f tẽeg ti tẽegrã sã n nafdẽ.
10. Ned ning sën yaeesd-a na tẽege.
11. La zu-be-ned zãagd-a lame.
12. Ning sën këed bug-këengã.
13. Rẽ poorẽ a pa kiid a pvğẽ, la a pa vumsd ye.
14. Hakuka sën yulg-a tilgame.
15. La a Tẽeg a Soaba yvvr n pvvse.
16. La bala yãmb yusda dũni vumã.
17. La yaoolem raarã sõmb n yude, n leb n yud ne paabo.
18. Ad woto n be rãeenem gaf-rãmbẽ wã.
19. A [braahum ne a Musa gaf-rãmbã.

* Al-A' alaa (Sën zëkã n yudã svvra).

88. Al-Gaašiya *

Ne Wënd yuurā barka, sēn yaa yols yaleng Soabā, n yaa Yolsdā, la d singd d tvmūdā.

1. Rē yīnga Buiidā yēsg taa foo?
2. Nems sēn zelg n yaale bee raarā.
3. N tvm tvm tood n ya, (b sēn nams keelem).
4. N na n kē Bugum sēn tvule.
5. B yūnugd-a-la ko-nin-tvulga.
6. B pa tar rub rēnda taksēnego (gōose),
7. A pa nobsde, a leb n pa nafd n yi kom.
8. Nens n be n bvg ra-kāng raarā.
9. N yard a tvmā.
10. N be arzān-zēkdg pvgē.
11. B pa wvmd gom-yood a pvgē ye.
12. Ko-nin sēn zoet bee a pvgē.
13. Gads sēn zēk bee a pvgē.
14. La ko-teoods sēn seglge n rig.
15. La zug-kvgs sēn tedge.
16. La bōn-tvuds sēn tēese.
17. Rē yīnga b pa gete, wān-wān la b naan yugemde?
18. La saasā, wān-wān-to la b zēk-a?
19. La tāmsā, wān-wān la b tilg-ba?
20. La Tēngā, wān-wān-to la b yedg-a?
21. Bt f tēege, ad fo yaa tēegd bala.
22. Fo pa b modgd ye.
23. Rēnda ned ning sēn gūd a kuidga n kifle.
24. Tt Wënd nams-a ne naon-bedrā.
25. Ad b lebeng yaa Tōnd nengē.
26. Rē poorē ad b geelg bee ne Tōndo.

* Al-Gaašiya (Buiidā svura).

89. Al-fağr *

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. M wēen ne fagiri
2. La M wēen ne yvnd piigā,
3. La ne sōd-yiibu la lugum (sōd-yiib-n-tōatga).
4. La ne yvngā t'a sā n wa gūd kuidga.
5. Rē yīnga yel nins sēn togsā, wēeneg bee be n sek yam soab bi?
6. Fo pa yā wān-wān la fo Soabā maan a 'Aad rāmba?
7. Įram rāmb sēn yaa zeng-raad rāmba,
8. B sēn pa naan b bilgr tēmsā pvga?
9. La Ťamuud rāmb sēn yaa neb nins sēn pees pīigā ko-soogē wā?
10. La a Fur- 'aon sēn yaa bay soabā?
11. Sēn maan-b n zvvg tēmsā pvga.
12. N wvsg sāang a pvgē.
13. Tı b Soabā kiig b zug naong kōbg toor-toore.
14. Ad fo Soabā yaa gūusda.
15. La sā n yaa ne ninsaala, a Soabā sā n wa zarb-a n na n gese, n waoog-a, n neem-a, la a sēn yete: "mam Soabā waooga maam".
16. La A sā n wa zarb-a, n weoog a rtlā a zugu, la a sēn yete: "mam Soabā yaala maam".
17. Pa woto ye! Y pa waoogd kub ye.
18. Y leb n pa pirsd taab ne ninbāan-neb rulgr ye.
19. La y rit faadā ne kāas-n-ri.
20. La y nong arzekā nong-kegenga.
21. Pa woto ye! Lak Tēn-gāngā sā n wa rāmb rāmbg tekē.
22. Tı fo Soabā wa, la malegsā, rulg-rulga.
23. Tı b wa ne Gehanem ba-raarā; ra-kāng raare ninsaal tēegdame, la tēegr bæ ne-a?
24. A yetame: "kaeto, Mam sā n da maana neer ti reng taoore mam beoog vumā yīnga, pa sō".
25. La ra-kāngā, ned pa namsd wala A namsgā buud ye.
26. Ned ba a yembr me pa sēbd wala A sēbrā ye.
27. Yaa foo yōor sēn tar bas-m-yam la yīn-yōgnego!
28. Leb f Soabā nengē, ti f yaa sēn yar-A n yaa b sēn yard-a soaba.

* Al-fağr (Fagirā svvra).

29. Bı f kē Mam yemb-sōmsā pugē.

30. La f kē Mam Arzānā.

90. Al-Balad *

Ne Wēnd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. M na wēend ne tēn-kāngā!

2. La sakda ne foo f sēn maan fāa tēn-kāngā.

3. La M wēen ne roagda, la a sēn rog būmb ningā.

4. Sıd la hakuka D naana ninsaal t'a be yaams pugē.

5. A tēedame tı ned ba a yembr pa tōe-a ye.

6. A yetame: "M halka arzek wusgo"

7. A tēedame tı ned ba a yembr pa ne-a ye.

8. Tōnd pa maan nin a yiib n kō-a sıda?

9. La zilemd la no-but a yiibu?

10. La M kāndg-a soy a yiibā?

11. A pa na n gāndg gidrā (so-toogā) n paam n ta Arzēna.

12. La bōe n wilgd foo bōe la gidr gāndgre.

13. Yaa yamb lodg n bas burkīndi.

14. Ma rılgre, kom raare.

15. Kub sēn yaa rog-pēta.

16. Ma nimbāan-ned (muskun) sēn yaa tom-vūnumda.

17. Rē poorē a yume n be neb nins sēn kōt sıdā pugē, la b sagl taab ne sugri, la b sagl taab ne yolsgo.

18. Bāmb rāmb la Rutg rāmba.

19. La neb nins sēn kus-b Tōnd tagmas-rāmbā, bāmb la goabgā rāmba.

20. Bug vōgends n be b zugē.

* Al-Balad (Tēngā svura)

91. Aš-šams *

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. M wēen ne wīntoogā la a sōorā.
2. La ne kiuugā t'a sā n wa pvglg wīndgā.
3. La ne wīntoogā t'a sā n wa vēnege.
4. La ne yvng t'a sā n wa lut kiuugā.
5. La ne saagā la būmb ning sēn me-a wā.
6. La M wēen ne Tēngā la a yadgrā.
7. La ne yōore, la būmb ning sēn yōgen-a wā.
8. t'A læems-a (yōorā) a kusgā la a wēn-zoerā!
9. Hakuka ned ning sēn yilg-a tilgame.
10. La hakuka! Ned ning sēn rēgem-a bōname.
11. Samuud rāmb yagsame b kedgrā yīnga.
12. B sēn wa n tvms b zu-be-nedā.
13. Tı Wënd Tēn-tvumā yeel-ba: "gūus-y Wënd yvgemdā la a yūnugrā.
14. Tı b yags-a, n kōs yvgemdā, ti b Soabā halk-b b zunuubā yīnga, n zems
b sībgrā ti yaa yembre.
15. A maana rē n nams-ba, n pa yaeesd yell baa fvı na n wa yı ye.

92. Al-layl **

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. M wēen ne yungā t'a sā n wa lutē.
2. La ne wīndgā t'a sā n wa puki.
3. La a sēn naane, rao la paga.
4. Ad yāmb tvumā yaa toay-toaya.
5. Rēnd ned ning sēn kō la a zoe Wēnde.
6. La a kō sōmā wā sıda.
7. Tōnd na n yols-a-la ne yol-yole.
8. La ned ning sēn maan beed la a sek a menga.
9. La a yags sōmbā.
10. D na n yols-a lame ne tvum-wēense ti sōma yı toog ne-a.

* Aš-šams (Wīndgā svura).

** Al-layl (Yvngā svura).

11. La a arzekā pa tōe n sek-a, t'a sã n wa halk ye.
12. Ad kãndgrã bee ne Tõndo.
13. La ad Yaoilmã la Rãeenmã yaa Tõnd n so.
14. Tı M bugsda yãmb ne bugum sën witi.
15. Pa kēed-a , ralla zu-be-neda.
16. Sën yags-a la a gōd kuidga.
17. La b na n zãag-a-la ne wën-zoet-kasengã, (Abuubakar sidiik, Wënd yard be a yīnga).
18. Sën kōt-a n baood yulgre.
19. La ned ba a yembr pa tar maan-neer a nengē t'a maand n na n rol ye.
20. Rallame ti yaa a Soab-zēkdgã yard baob bala.
21. La yı bilfu, a na wa n yard bumb ning A sën rol-a wã.

93. Ađ-đvhaa *

Ne Wënd yovrã barka, sën yaa yols yaleng Soabã, n yaa Yolsdã, la d sungd d tvumdã.

1. M wēen ne sōore!
2. La ne yvngã t'a sã n wa ligi.
3. Fo Soabã pa bas-fo, A pa kisg-fo.
4. La Yaoilmã la sōma ne foom n yud Rēenmã.
5. La yı bilfu, fo Soabã na wa n kō-f ti f yardē.
6. A pa mik foo ti f yaa kub t'A mobg-fo?
7. La A mik foo ti f yaa Menemda, t'A kãndg-fo?
8. La A leb n mik foo ti f yaa talga, t'A sek-fo?
9. Rall sã n yaa ne kuba, ra modg-a ye.
10. La sã n yaa ne bōosa, bt f ra tãs-a ye.
11. La sã n yaa ne f Soabã neema wã, bt f yēse.

* Ađ-đvhaa (Sōorã svvra).

94. Aš-šarh *

Ne Wënd yvvrā barka, sēn yaa yols yaleng Soabā, n yaa Yolsdā, la d sungd d tvvmdā.

1. Rē yīnga Tōnd pa yalg fo yāoogā n kō-fo?
2. La D rok fo zubā(zūnuub) n bas-fo?
3. Sēn da zisg-a fo poorā?
4. La D zēk fo yvvrā?
5. Bī f bāng ti yol-yol pvgda keelmā.
6. Ad yol-yol pvgda keelmā
7. F sā n wa se f tvvmdā bī f yiki n nidg pāng ne f Soabā tūudum.
8. La f maan yamleog n tvg f Soabā nengē.

95. At-tiin **

Ne Wënd yvvrā barka, sēn yaa yols yaleng Soabā, n yaa Yolsdā, la d sungd d tvvmdā.

1. M wēen ne Tun(Kankama) la zaytvvne.
2. La M wēen ne Sunaa'v tāngā.
3. La M wēen ne tēn-kāngā (Maka) sēn yaa bas-m-yam tēngā.
4. Sīd la hakuka, Tōnd naana ninsaala, ne yagd sēn yud sōmblem.
5. Rē poorē D lēbs-a lame tēngr rāmbā fāa tēngre.
6. Ralla neb nins sēn kō-b sīda, la b tvvmd sēn sōmbā. Ad be ne-ba, rolb sēn pa wāagde.
7. La bōe n kut ti fo yagsd Rolbā raare, fo sēn yā A tōogā loogr poorē?
8. Rē yīnga pa Wënd n yud bvvdbā fāa ne bvvd minim?

* Aš-šarh (Yalgrā svvra).

** At-tiin (Kankamā svvra).

96. Al-'Alak *

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. Karem ne f Soab ning sēn naan-a wā yvure.
2. A naana ninsaal n yi zt-pelle.
3. Karem, ti fo Soabā n yud ne kūuni.
4. Sēn wilg-a gulsg ne kaal-moogā.
5. A wilga ninsaal būmb ning a sēn pa mi.
6. Ka woto ye, ad ninsaal yaa kēdgda.
7. A sā n yā t'a seka a menga.
8. Ad lēbengā pata f Soabā nengē.
9. F yāa yel-solemd sēn le yud ned ning (Abvugēhl) sēn gidgde.
10. Yambā (Mvhammad) t'a sā n wa pvvdsē?
11. Fo yāame sā n mikame ti a sēn gidgd-a wā sā n bee kāndgr zugu.
12. Ma a sagla ne wēn-zoεεga?
13. F yāame ti gidgdā sā n yagsame n göd a zān-kuidga.
14. Rē yīnga a pa bāng ti Wënd nee a sēn tvumdā?
15. Pa woto ye! Lak t'a sā n pa tek n bas, D na n veo-a-la ne rīrā zoobdē.
16. Pv-yagd sēn yaa tudgd rīir zoobdo.
17. Bv a bool a zī-zīidsē rāmba.
18. Tōnd na n boola D tāp-biisā.
19. Pa woto ye! Ra tū-a ye, la f tugli (maan suguudu) la f bao pēnegre.

97. Al-Kadr **

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. Ad Tōnd sik-a-la Kordgā yvngo.
2. La bōe n wilg foom bōe la kordg yvngo?
3. Kordgā yvng sōmblem yuda kiis-tusri.
4. Malēgsā ne Yōor a Gibril sigda a pvge, ne b Soabā sagelle, yell fāa yīnga.
5. Yē yaa tlgrr hal n tāag Fagir pukri (be-vēere).

* Al-'Alak (Zt-pellā svvra).

** Al-Kadr (Pvlongā svvra).

98. Al-bayna *

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. Sēn kufi-bā, sēn yaa gafā rāmbā, la lagem-n-taarā rāmbā, pa yi n weel taab n bas kufendā, hal ti vēnegrā wa wa b nengē.
2. Tēn-tvum sēn yi Wënd nengē n karemd-b seb sēn yaa yilemde.
3. Be a pvgē gaf-rāmb sēn tēeg turga.
4. B sēn kō-b rāmb gafā pa weel taaba ralla vēnegrā sēn wa b nengē wā poorē.
5. La b pa sagl-ba, ralla b tū Wēnde, ti b yaa yulgdb ne A tūudmā n yaa kulldb n basd lagem-n-taare, la b yalsd ne Puvsgā, la b kōt Zaka, la ad yēnda la sor sēn tēeg turga.
6. Ad neb nins sēn kufi-bā, sēn yi gafā rāmbē la lagem-n-taarā rāmbā, b bee Gehannem Bugmā pvgē, n yaa paadb a pvgē, bāmb la bōn-naandsā fāa sēn yud wēnga.
7. Ad neb nins sēn kō-b sīdā, la b tvum sōmā wā, bāmb la bōn-naandi wā fāa sēn yud sōma.
8. B rolb b Soabā nengē, yaa Arzān sēn yaa zīndg zīiga, ti ko-sood zoet a tēngrā. B yaa paadb a pvgē lae-lae, Wënd yard-b lame, ti b me yar-A. Rēnda yaa ne ned ning sēn yaees a Soabā.

99. Az-zalzala **

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. Tēngā sā n wa rīms a rīms-kegengā.
2. Tı Tēngā yiis a zubā.
3. Tı ninsaalā yeele "yaa bōe n tar-a?"
4. Raarā a togsda a kibayā.
5. Ad fo Soabā n lēems-a woto.
6. Ra-kāngā, nebā yita kōbg toor-toore, ti b na n wilg-b b tvumā.
7. Rēnd ned ning sēn wa n tvum-a sēn paood to-to fāa, ti yaa sōma, a yāt-a lame.
8. La ned ning sēn wa n tvum-a sēn paood to-to fāa, ti yaa wēnga, a yāt-a lame

* Al-bayna (Vēnegrā svura).

** Az-zalzala (Rīms kegengā svura).

100. Al-`Aadiyaat *

Ne Wënd yuurā barka, sēn yaa yols yaleng Soabā, n yaa Yolsdā, la d sungd d tvm̄dā.

1. M wēen ne wed-zoets sēn vusd vus-tula (n vus n sesdē).
2. La M wēen ne wiidi nins sēn zoete, tı b na-bendā korsdē tı bug-pārsā yitā.
3. La M wēen ne wiidi nins sēn pigd beebā yibeoog pigdba.
4. Tı b ruk wubsg zīgē wā.
5. Tı b kē (beebā) zāmā svk ne-ba.
6. Ad ninsaal yaa sōm-zut ne a Soabā.
7. La ad a yaa kaset-soab ne yē sēn gıgd sōmā wā.
8. La ad a yaa noang-kegeng soab ne arzekā.
9. Rē yīnga a ka na n bānge, b sā n wa bugs būmb ning sēn be yaadē wā,
(tı ad yellā pa wa yē sēn da tēedā).
10. La b vēneg būmb nins sēn be yāadē wā.
11. Ad b Soabā, A yaa Mit ne bāmb raaren-kāngā.

101. Al-Kaari`a **

Ne Wënd yuurā barka, sēn yaa yols yaleng Soabā, n yaa Yolsdā, la d sungd d tvm̄dā.

1. Wakat ning sēn Koagsd nebā sūyā!
2. Wakat sēn koagsd nebā sūyā yaa bugo?
3. La bōe n wildg foo koagsdā sēn ya-a soaba?
4. Yaa raar ning nebā sēn na n yı wala pilimpıgd sēn sāeege.
5. Tı tānsā lebg wala Pımpıvm kōbd b sēn yelg-a.
6. Sā n yaa ned ning tvm̄-sōng magb sēn zısgā.
7. Yēnda bee vum pıg b sēn yard-a.
8. La sā n yaa ned ning tvm̄-sōms magb sēn yı faaga, tı wēngā wil-a.
9. Rēnd yē gāag zıig yaa (halkr lvusē) Gehanem pıgē.
10. La bōe n wilgd foo bōe la yē?
11. Yaa bug-tvılgā.

* Al-`Aadiyaat (Wed-zoetsā svtra).

** Al-Kaari`a (Koagsdā svtra).

102. At-Takaatır *

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. Gees-taab ne arzēgse n liib yāmba n maan-y soagla.
2. Hal tu y wa tvg n kaag yaado.
3. Pa woto ye! Y na wa n bānge!
4. Rē poorē pa woto ye! Y na wa n bānge!
5. Pa woto ye! Yāmb sā n da mii bāng-n-wāaka, (y kōon n maan soagl ne rē ye).
6. Lak y na yā Gehumā.
7. Rē poorē, laki y na yā-a ne nif vēenega.
8. Rē poorē b na sok yāmba, raar-n-kāngā, neemā wā yelle.

103. Al-`Aşr **

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. M wēen ne Sasa wā.
2. Ad ninsaala, a bee bōn pvğē.
3. Ralla neb nins sēn kō-b sıda, la b tum sēn sōmbā, la b sagl taab ne sıda la b sagl taab ne sugri.

104. Al-Humaza ***

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. Wubd be ne wit fāa sēn yaa zangda.
2. Ned ning sēn tigim-a a arzeka, n tar a sōdbo.
3. N sāmbedē t'a ligdā na n duums-a lame,
4. Pa woto ye! B na n loab-a-la Hıṭama pvğē!
5. La bōe n wilgd foo Hıṭama sēn ya-a soaba?
6. Yaa Wënd bugum sēn widgi.
7. Sēn rvvgd hal sūyē.
8. Yēnda n na n fōgen-ba.
9. Tı b be zeng-ra-lugds sēn yaa wogd pvğē.

* At-Takaatır (Gees-taab ne arzēgsā svvra)

** Al-`Aşr (Sasā wā svvra)

*** Al-Humaza (Zangdā svvra)

105. Al-Ful *

Ne Wënd yvurā barka, sēn yaa yols yaleng Soabā, n yaa Yolsdā, la d singd d tvumdā.

1. F pa bāng f Soabā sēn maan wobgā rāmb to-to?
2. A pa maan b raba wā ti yaa zaalem.
3. La A tums liuuli zāma b zugu.
4. Tı b lobd-b ne kug-wvmdı.
5. T'A maan-b ti b lebg wala yamd sēn wāb n wvke.

106. Kurayš **

Ne Wënd yvurā barka, sēn yaa yols yaleng Soabā, n yaa Yolsdā, la d singd d tvumdā.

1. Kuraeys rāmb miningā yīnga.
2. B sēn minim so-toakā, waood la tvvlg sasa, (ne bas-m-yam).
3. Bı b tū Ro-kāngā Soabā.
4. Soab ningā sēn rulgd-b n yi kom, la A kō-b bas-m-yam n yi yaeesa.

107. Al-Maa`uun ***

Ne Wënd yvurā barka, sēn yaa yols yaleng Soabā, n yaa Yolsdā, la d singd d tvumdā.

1. F pa yā ned ning sēn yagsd-a Rolbā racarā?
2. Yē la ned ning sēn tusd kub tus-kegenga.
3. A leb n pa pirsd ne nimbāan-ned rulgr ye.
4. Rēnd wubd be ne pvvsdba.
5. Pvvsdb nins sēn maand yam yaal-yaal ne b Pvvsdgā.
6. Neb nins sēn yāngd nebā.
7. La b mongd sōngr teedo.

* Al-Ful (Wobgā svura)

** Kurayš (Kurayse svura)

*** Al-Maa`uun (Sōngrā teed svura)

108. Al-Kawṭar *

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. Ad Tōnd kōo foom sōma wusgo.
2. Bı f puv̄s f Soabā yīng la f kōse.
3. Ad fo gēedā, yē vūun bal n wāage.

109. Al-Kaafirvun **

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. Yeele: "yaa yāmb a sōm-zıtbā!
2. Mam pa na n tū yāmb sēn tūud būmb ningā ye.
3. Yāmb me pa tūudb būmb ning mam sēn tūudā ye.
4. Ma me pa tūud ne yāmb sēn tū būmb ningā ye.
5. Yāmb me pa tūudb ne būmb ning mam sēn tūudā ye.
6. Yāmb ne y sorā y sēn nangā, maam me ne m sore Wënd sēn sik n kō maamā.

110. An-naṣr ***

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. Wënd sōngrā ne A pakrā sā n wa.
2. Tı fo yā nebā tı b kēed Wënd Dīinā (Lısluangā) sor pugē, zāma-zāma.
3. Bı f yulg f Soabā ne A pēgre, la f bōos-A gaafara, ad A yume n yaa lebgd (tuubg) Rεεgda.

111. Al-Masad ****

Ne Wënd yvurā barka, sēn yaa yols yaleng Soabā, n yaa Yolsdā, la d sungd d tvumdā.

1. A Abv̄v Lahab nus a yīibā halkame, a puv̄s n halkame.
2. A arzek ning a sēn mikā pa naf-a, a sēn n tum n paam me (ka naf-a ye).
3. B na n yōog-a-la bugum sēn tar zelma.

* Al-Kawṭar (Sōma wusgā svura).

** Al-Kaafirvun (Kıfr-rāmbā svura).

*** An-naṣr (Sōngrā svura).

**** Al-Masad (Tāoong kegengā svura).

4. La a pagā sēn ya ra-tukdā(n lobd gōosā Nabiyaamā sorē).

5. Tı b ning a yublē wā, tāoon-kegems wīiri, (n tat-a n reed bugmē wā).

112. Al-Ihlaaş *

Ne Wēnd yvūrā barka, sēn yaa yols yaleng Soabā, n yaa Yolsdā, la d sungd d tvvmdā.

1. Yeele: "Yēnda la Wēnde, A yaa A Yembre.

2. Wēnd la b tikda.

3. A pa roge, b pa rog-A.

4. Mams-n-taag me ba a yembr ka ne-A ye".

113. Al-Falak **

Ne Wēnd yvūrā barka, sēn yaa yols yaleng Soabā, n yaa Yolsdā, la d sungd d tvvmdā.

1. Yeele : "M kota gūudum ne yibeoog Soabā.

2. N yi A bōn-naandsā wēnga.

3. N leb n yi yung wēng t`a sã n wa limi.

4. N leb n yi ti-saood-pogsã wēngã, b sēn tubsd yoadã pvğē wã.

5. N leb n yi sũ-ki-ned wēnga, t'a sã n wa kīidē (maan sũkīiri)".

114. An-Naas ***

Ne Wēnd yvūrā barka, sēn yaa yols yaleng Soabā, n yaa Yolsdā, la d sungd d tvvmdā.

1. Yeele: "M kota gūudum ne nebã Wubdã.

2. Sēn yaa nebã Naabã.

3. N yaa nebã Soabã.

4. N yi yuus-yuus soabã wēnga, sēn yaa solg-toog soabã.

5. Sēn maand-a yuus-yuus n ningd nebã sũyē wã.

6. Sēn yi zīn-dāmbē la nebē".

* Al-Ihlaaş (Pv-peelmã svvra).

* Al-Falak (Yibeoogã svvra)

* An-Naas (Nebã svvra).

Sebr bukā

Svūrā limoro	Svūra wā	Seb-vā-nengā	Svūrā limoro	Svūra wā	Seb-vā-nengā	Svūrā limoro	Svūra wā	Seb-vā-nengā
1	Al-Faattha	1	39	Az-zumar	293	77	Al-Mursalaat	388
2	Al-bakara	2	40	Gaafir	299	78	An-naba'v	389
3	Aalv 'lmraan	29	41	Fuṣṣilat	305	79	An-nazi' aat	391
4	An-nisaa'v	45	42	Aṣ-ṣvuraa'	309	80	'Abasa	392
5	Al-Maa'ida	61	43	Az-zvhrvf	313	81	At-takwur	394
6	Al-An'aam	73	44	Ad-dvḥaan	318	82	Al-Infitaar	395
7	Al-Aaraaf	87	45	Al-Ġaaṭiya	320	83	Al-Muṭafifun	396
8	Al-anfaal	103	46	Al-Ahkaaf	323	84	Al-Inṣūkaaf	397
9	At-tawba	109	47	Mvhammad	327	85	Al-Buruuġ	398
10	Yuunus	121	48	Al-fath	330	86	Aṭ-ṭaarġ	399
11	Huud	130	49	Al-Huġraat	333	87	Al-A' alaa	400
12	Yuusuf	139	50	Ķaaf	335	88	Al-Gaaṣiya	401
13	Ar-ra'ad	148	51	Az-zaariyaat	337	89	Al-faġr	402
14	braahum	152	52	Aṭ-ṭvvr	340	90	Al-Balad	403
15	Al-Higr	156	53	An-naġm	342	91	Aṣ-ṣams	404
16	An-nahl	160	54	Al-Ķamar	344	92	Al-layl	404
17	Al- sraa'v	169	55	Ar-rahmaan	347	93	Aḍ-ḍvḥaa	405
18	Al-kaḥf	177	56	Al-Waaġt' a	350	94	Aṣ-ṣarḥ	406
19	Maryam	185	57	Al-Hadiid	353	95	At-tiin	406
20	Ṭaaḥaa	191	58	Al-muġaadalat	356	96	Al-'Alaġ	407
21	Al-anbiyaa'v	199	59	Al-haṣr	358	97	Al-Ķadr	407
22	Al-Haġ	205	60	Al-mumtahina	361	98	Al-bayna	408
23	Al-muu'minuun	211	61	Aṣ-ṣaf	362	99	Az-zalzala	408
24	An-nuur	217	62	Al-Ġum'a	364	100	Al-'Aadiyaat	409
25	Al-furkaan	223	63	Al-munaafikvvn	365	101	Al-Ķaar' a	409
26	Aṣ-ṣv' araa'v	227	64	At-tagaabvvn	366	102	At-Takaatvvr	410
27	An-naml	236	65	Aṭ-talaaf	367	103	Al-'Aṣr	410
28	Al-Ķaṣaṣ	242	66	At-tahrvm	369	104	Al-Hvmaza	410
29	Al-Ankabvvt	249	67	Al-Mulk	371	105	Al-Ful	411
30	Ar-ruvm	255	68	Al-kaalam	373	106	Ķvrayṣ	411
31	Luġmaan	259	69	Al-Haaġka	375	107	Al-Maa'vvn	411
32	As-saġda	262	70	Al-Ma' aarġ	377	108	Al-Kawṭar	412
33	Al-Ahzaab	264	71	Nuuh	378	109	Al-Kaafirvvn	412
34	Saba'v	270	72	Al-Ġin	380	110	An-naṣr	412
35	Faatṭr	274	73	Al-Muzzamil	381	111	Al-Masad	412
36	Yasun	278	74	Al-Muddaṭṭr	383	112	Al-Iḥlaaṣ	413
37	Aṣ-ṣaafaat	282	75	Al-Ķiyaama	385	113	Al-Falaġ	413
38	Ṣaad	288	76	Al-Insaan	386	114	An-Naas	413

